

*image
not
available*







PVBLII
OVIDII NASONIS

OPERA OMNIA

EX RECENSIONE

PETRI BVRMANNI

TOMVS TERTIVS



AVGVSTAE TAVRINORVM
EX TYPIS VIDVAE POMBA ET FILIORVM

ANNO MDCCCLXII



TYPOGRAPHVS TAVRINENSIS

L. S.

Quum totus essem in Ovidii Am-
ribus edendis, et venustissimo poëta
multo quam antea uterer familia-
rius, eiusdem consuetudine mirifice
captus sum. Delectabar enim in

primis, tum urbano hominis ingenio,
tum incredibili verborum celeritate,
qua tot fugientes fallentesque rerum
imagines posset notare; mihi autem
videbar Romae versari, et modo in
Pompeii et Liviae porticu praeter-
euntium matronarum formas spe-
ctare, modo Circo adesse, ubi et ludi
et aurigationes fierent, et certantium
pugilum corpora diversum omnino
robur ac velocitatem expromerent.
Illud etiam in Ovidio legendo ad-
mirationem faciebat, quod Romani,
qui non ita pridem in Asia coeperant
amare, brevi adeo temporis inter-
vallo sermonem sic expolivissent,
nihil ut tam venuste aut commode
in re amatoria dici queat, quin
mollius elegantiusque ab eo profe-
ratur. Quocirca si dixero ne Gal-
licas quidem Athenas comtiores

hoc in genere scriptorem tulisse, haud multos repugnantes me habiturum puto. Nec vero suae tantummodo, sed et alienae nequitiae poeta Ovidius, hoc habet prae caeteris, quod muliebrem vitam legentium oculis subiicit, sive ille Napen ancillam officii admoneat, sive Bagoën servum, nam his Persicis nominibus romana luxuries delectabatur, precibus deliniat, sive ornanti se dominae adsideat, aut cultam iam et ornata, ad convivia, ad spectacula amabili carmine deducat. Inde fit, ut quemadmodum in Heroidibus finitimum Tragoediae genus tractaverat, sic in Amoribus, umbratiles et arcanas consuetudines ad Comico- rum rationem exhibeat, ac verius fortasse quam Plautus et Terentius. Hi enim, quum palliatis fabulas

docerent, et Philemone aut Menandro auctoribus in scribendo uterentur, externos et graecos mores in scena repraesentarunt; at Ovidius nihil nisi vernaculum et romanum depingit, plane ut si deesset, multa nos praesidia deficerent ad romanam Augustae aetatis antiquitatem penitus cognoscendam. Iam quis tam hospes in literis est, qui nesciat quanti haec sint facienda? Ita quippe comparati sumus, ut res rebus cupiamus adnectere, et quando veterum scripta in primis miramur, cum eisdem et relaxare animum et convivari et ludcre et amare velimus. Inde studium, quo in graecis scriptoribus sequioris etiam stili et aetatis minuta quaeque persequimur, in quibus sane eminent Athenaeus et Plutarchus, cuius Convivii prooemium, ut

alia omittam , ubi Eumetiden vel Cleobulinam, capillatum Anacharsin in Periandri atrio comentem describit , propter antiquorum morum picturam , laudatissimis eiusdem philosophi locis praeponere non dubitaverim. Sed Graeci , qui in multis praestant , in hoc quoque scribendi genere Latinos superarunt: Ex his namque perpauci admodum dedita opera privatae vitae effigiem literis prodiderunt , si Satyricos excipimus, inter quos tamen Petronium propter foedas libidines vix legimus , Persius vero , quod congressiones hominum fugeret, aequalium mores haud suis coloribus potuit exprimere, quos contra Iuvenalis, nescio quo hispaniensi tumore elatus, acerbè insectatur potius , quam describit.

At multo maiorem laudem Metamorphoseón libro sibi quaesivit Ovidius. Stupendum sane opus, Aeneide ipsa doctius, quod ex disiunctissimis inter se partibus conflatum, infinitam paene lectionem in poëta requireret. Quid aliud fuit Graecorum mythologia, quam ingentis magnitudinis peplus, patriis et barbaris characteribus inscriptus, ubi variae originis fabulae acu pictae cernerentur, quibus urbium et coloniarum conditores, ac vetustiores poëtae causam et auctoritatem prae- buissent? Quum enim duo complecteretur vetus populorum religio, et principis cuiusdam intelligentiae cultum, cuius effectricem vim symbolis a natura ductis diversimode adumbrarent, et heroum historiam, qui ob fortia facta ex immortalium

cum mortalibus concubitu orti ferebantur, incredibile dictu est quanta in his variandis fuerit Graecorum licentia. Vt autem a quadratis priscorum artificum signis ad summam Phidiae artem et Lysippi lenitatem ventum est, sic antiquae de Diis et heroibus narrationes nova insuper et pulchriora ornamenta a posterioribus acceperunt. Itaque Musas, quae ex vetustissimo Hegesini de Attica terra poëmate, tres admodum primitus colebantur, numero et nominibus auctas, post Pierium Macedonem, a quo inclytus in Thessalia mons dictus est, novem fuisse tradit Pausanias in Boeoticis. Magnas etiam varietates in Bacchi et Amazonum historia exstitisse scimus ex Diodoro Siculo, qui primos eisdem auctores commemorat Linum

et Pronapidem Homeri praeceptor-
rem, per quem Phoeniciae literae ad
Pelagos translatae sunt. Idem de
Argonautis dicendum, de quorum
expeditione, praeter Pindarum alios-
que, Euphorionem, Evanthum et
Deilochum varie olim scripsisse col-
ligitur ex graeco Apollonii Rhodii
interprete. Nec minus discrimen in
Assyria Adonidis fabula reperitur,
quem alii ab Apolline, alii a Marte
sub apri specie interfectum narra-
bant, uti auctor est Servius ad
Virgilium. Multo maiora et notiora
fortasse libens omitto; cuique enim
vel leviter erudito uberrimas huiusce
varietatis causas repetere facile est,
sive a Graecorum otio, sive a pi-
ctorum et tragicorum inventis, qui
novitatis gratiam pervulgatis iam
fabulis conciliare studerent. Quid

vero de singularum gentium narrationibus dicemus, quum quisque populus alicuius religionis incunabula, aut illustris facti scenam in sua regione ostenderet? Id praesertim apparet ex Strabone et Pausania, in quorum scriptis hae locorum descriptiones saepissime occurrunt. Sic Phaedrus in cognomine Platonis dialogo, puram et nitidam et ad puellares lusus maxime aptam Ilissi aquulam intuens, a Socrate quaerit, ibine Orithyam raptam ferant, cui Socrates ad duo vel tria stadia Dianae templum indicat, iuxtaque aram Boreae olim positam, totam vero fabulam ex loci natura interpretatur; sic etiam Isocrates in Pannegyrice saxum Athenis memorat, ubi Cererem viae fessam in illo suo errore fama erat consedissee, quam

eamdem Deam, Proserpinam apud se primum quaesivisse Ennenses in Sicilia confirmabant, ostensa laetissima floribus planicie, et propter eam spelunea infinitae altitudinis, unde Dites pater ad rapiendam virginem cum curru subito exstitisset.

Cursim et leviter haec attingo, quum ex dictis satis constet, quam arduum fuerit ex ea quasi rerum silva unum et continuatum poemata conficere. At egregie id praestitit Ovidius, non iam Hesiodeam ac ieiunam aliquam Theogoniam conscribens, sed summae venustatis argumento sibi ad tractandum proposito, cuius originem haud inepte quispiam repetat ab hieroglyphicis Aegyptiorum literis. Id mihi suadere videtur insignis Diodori locus, Bibliothecae III, 4. Quum enim ea

gens, symbolica lingua ab Aethi-
pibus accepta, variis animantium
formis ad significandas Deorum na-
turas uteretur, et tauro, aut ariete
robur, accipitre celeritatem osten-
deret, proclive Graecis fuit tot illas
corporum mutationes comminisci,
quibus eorum libri referti sunt. Qua
quidem in re eos puto laudandos,
quod pulchri sensu ducti, repudiatis
priscis illis figurarum portentis, fin-
gendi libertatem statuariis denega-
rent, poëtis relinquerent. Inde poëti-
cus Olympus ad Panthei Aegyptiaci
similitudinem ortus est, at propter
ingeniorum elegantiam excultior, et
adspectu pulchrior. Sed vix dici
potest, ut semel admissa pictrix illa
Graecorum mens cuncta pervaserit.
Non solum igitur allegoriis Caelum
ornavit, sed formosissimos pueros

et puellas in saxa, in fluvios, in stirpes convertit, ut qui poëtas legisset, Nioben in Sipylo, moestamque Nympham in Arethusae fonte videret, nec vero laurum, heliotropium, hyacinthum intueretur, quin Daphnen, Clytien, et adolescentulum Apollini unice dilectum, statim cogitaret. Tantam scilicet pulchritudinem Canopeae illae et Memphiticae fictiones a Graecis acceperunt! Ad eundem plane modum ex Phtha Aegyptiorum Vulcanus emergerat, ex Bubaste Diana, ex Neitha, Platoni in Timaeo memorata, Minerva, Iovis filia, sollertissima Dea, artium et inventorum antistes. Neque me permovent quae doctissimus Iablonskius de utriusque numinis discrimine subtiliter disserit. Nam quod ait, oleam Aegyptiis ferme ignotam,

Athenarum Minervae fuisse consecratam, quid aliud probat, quam id quod cuique veniat in mentem, antiquissima illa numina ex gente ad gentem translata, diversum ut nomen, sic etiam cultum habuisse; Athenienses vero, qui totius urbis fortunam Deae commisissent, lectissimam arborem apud se natam, eidem dedicatam voluisse? Verum quid attinet in his diutius immorari? Nae ego parum venustus, qui te, candide Lector, tamdiu distineam. Iam enim aves Ovidium ipsum versare, a quo et exquisitam doctrinam, et voluptatem plenis haustibus hauries. Poëtam tibi enarrabit G. Gierig, interpretes cum paucis eruditus, quo nemo uberiores et praestantiores in Ovidium post Burmannum contulit. Ex eo habes praefatiunculam

de totius carminis contextu, nec non integros commentarios, Lipsiae editos anno huius Saeculi vii, prolixiores eos fortasse, qui tamen omnem legenti difficultatem eximant; maluit namque vir clarissimus brevitatem, quam copiam in se desiderari. Quum autem praeter Lipsiensem editionem, Gallicam inde expressam prae oculis haberem, quae variantes exhibet lectiones e Regiis Parisiorum codicibus a Cl. viro Egidio Lemaire nunc primum excerptas, nolui his te praesidiis carere, easque meis typis evulgandas diligenter curavi. Hoc meo labore frui, et vale.

Dabam Augustae Taurinorum,
Nonis Iuliis, An. MDCCCXXII.

PRAEFATIO

DE OPERE METAMORPHOSEON

AVCTORE GOTTL. ERDM. GIERIG.

Res antiquissimorum Graecorum ferme omnes, civitatum origines, fata et facta heroum, Deorumque religiones, philosophemata etiam, quum, ut in rudi gente et in sermone nondum exculto, *fabulis* essent involutae, primi poëtae, iam ante Homerum et Hesiodum, iis varie tractandis ingenia exercuerunt; horumque vestigia presserunt tam quibus postea theogonias atque cosmogonias componere placuit, quam qui Cyclici dicti sunt. Lyrici etiam hymnos in Deos laudesque heroum fabulis exornarunt, et Tragici dramatum suorum argumenta inde repetierunt cecitatim. Neque poëtarum ingeniis solis ampla illa materia est relictæ; sed ante et circa bella cum Persis gesta exstiterunt, qui, ut gentis suae origines conderent, fabulas illas, quales erant a maioribus traditæ, voluminibus complecterentur; in quibus Pherecydes, Acusilaus Argivus, Hecataeus Milesius, et

OVID. *Op.* Tom. III

Hellanicus inclaruerunt. Illam vero fabularum antiquitus traditarum farraginem, qua tum omnis historia graeca continebatur, nec serjori tempore abiecerunt, qui rerum a gentis suae auctoribus gestarum memoriae consulere voluerunt. Tot igitur scriptorum studiis illa ipsa farrago facta est pars non exigua eruditionis Graecorum, qua passim omnes prope scriptores, philosophi, physici, astronomi, geographi in rem suam sunt usi: atque etiam artifices mythos operibus suis expresserunt. *

Persuasum erat Graecis, posse Deos figuras dare et adimere; idque crebro esse ab iis factum, ut vel in fontes animadverterent, vel laborantibus succurrerent: quam opinionem a sacerdotibus, fictis pluribus exemplis, confirmatum esse latiusque sparsam admodum est credibile. Sic mythis illatae sunt *metamorphoses*, quae phantasiae poëtarum latum campum praesternebant, quum illi et vulgatas exornarent ingenioseque variarent, et a se inventas adderent. Simonidem quidem carmine lusisse scimus, quo mulierum origines pro ingenii natura variis ex rebus deduceret. Ex antiquissimis huius generis mythis Homerus nonnullos et Hesiodus servarunt. Apud illum enim non modo Proteus transformis occurrit, sed et draco quidam, Niobe et Phaeacum navis in saxa, Pandarei autem filia in lusciniam trausisse leguntur. In Hesiodi Theogonia amputato Gorgonis

* Vide Heynii Comment. de origine et causis fabul. Homer., in Nov. Commentar. vol. VIII. Item Comment. de Apollodori Biblioth.

capite Chrysaor et Pegasus prosiliunt, et in altero carmine, quod ab Operibus inscriptum est, Pandionis filia in hircinam transformatur. Atque idem ille in Catalogo mulierum deperdito multo plurimum metamorphoseon auctor fuerat. Hoc igitur mythorum genus quum et ipsum Graecis placeret, ut qui rebus ludicris ducerentur, prodierunt, qui id segregatum a reliquis tractarent. Corinna mulier, cuius aetas incerta, scripsit *Εταρίων Βιβλίου*, Callisthenes Olynthius, Aristotelis auditor, *Μεταμορφώσεις*, Antigonus Carystius, tempore Ptolemaci Philadelphi, *Αλλοιώσεις*, Nicander Attalo II aequalis *Ετερονύμια*, et Parthenius *Μεταμορφώσεις*. Erant etiam, qui certum sibi transformationum genus enarrandum sumerent, in quibus Boëus, cuius ornithogonia id agebat, ut aves omnes factas esse ex hominibus ostenderet. *

Sed multo maius memorabiliusque opus molitus est Ovidius. Is enim recte vidit, fabulis illis in se tenuibus, magnam etiam partem ineptis atque absurdis, illecebras esse conciliandas a poëseos ornamentis, a collectione earum, nisi omnium, certe plurimarum, in unum corpus, et a laudibus Deorum heroumque interpositis. Id autem tanto ingenio tantaque arte effecit, ut suavissime bonarum literarum studiosos ad metamorphoses cognoscendas invitaret tenetque; quin adeo, ut, eo nomine audito, Ovidius statim, tanquam unus earum auctor, occurrat. Ete-

* Vide *Mellmanni* Comment. de causis et auctoribus narrationum de mutatis formis.

nim, quod primum est, innumeros huius generis mythos, quot nemo forte ante eum, undique decerptos collegit. Neque opera eius intra metamorphoseon, quae proprie sic dicuntur, limites substitit, sed sive plenitudinis causa, sive cosmogonias Graecorum respiciens, in primordio operis originem mundi, creationem hominis, successionem aetatum, ortum animantium ex limo, et libro extremo multa e Pythagorae placitis adsumsit. Vnde vero singula hauserit, quum tot libri mythici, tot etiam artium monumenta, quae passim ab eo expressa videntur, perierint, certo dicere non possumus. Itaque nec constat, utrum ipse aliquid in fabulis novaverit addideritque, an Graecorum tantum vestigia presserit. Coniiciunt nonnulli, fabulam de Pyramo et Thisbe, tum alteram de Philemone et Baucide, utramque longe suavissimam, atque etiam de Sidoniis Inus comitibus appendiculam ab ipso esse fictam; sed nulla eius coniecturae causa reddi potest probabilis. Hoc autem videmus, nihil in hoc genere memorabile ab eo esse praetermissum, et in tanta varietate, qua mythi erant traditi, rationem ubique fere eam esse delectam, quae vel plurimum ornatus admitteret, ut impetus Althaeae in filium, vel decoro commendaretur, quo pertinet mutatio pueri in stellionem, atque Cephali et Procridis fata, quibus turpia non nulla ab aliis erant admixta. Quam ego laudem non contemnendam arbitror.

Tum artem admirari licet, qua foecundum poëtae

ingenium tot fabulas in unius corporis speciem coniunxit, ut vere *perpetuum* carmen vocari posset. A creatione mundi exorsus lectorem sensim, et cum maxima eius voluptate, deducit per omnium seculorum seriem ad sua tempora, servata utcumque temporis ratione. Mille igitur modos invenit, quibus ab alia fabula transiret ad aliam. Haec se offert, quia similitudo ei quaedam cum superiore intercedit; illa, quia ad eum hominem Deumve pertinet, aut quia res in eadem terra gesta est. Mox hymni canuntur metamorphoseon pleni, mox mulieres texunt argumenta mythica. Nunc abest a gratulantibus aut condolentibus unus, quem sua fata retinebant, quae sic non male referuntur; nunc a facto propiore renarrant priora ii, qui rei gestae interfuerant. Interdum sententiae interpositae ad alia nos ducunt; quam tamen frigidam et puerilem adsestationem Quintil. Inst. IV, 1, 71, nominat, licet non neget excusari Ovidium necessitate, hoc est lege, quam ipse sibi praescripserit. Loco sententiae nonnunquam plura ex historia repetuntur, quorum ope res dissimillinae iunctae reperiuntur, ut Herculis apotheosis et Galanthidis in mustelam mutatio. Raro nexus reperitur parum probabilis, ut II, 368, ubi Liguriae rex reginae Aethiopiae sanguine iunctus contra fidem traditur; et VIII, 548, in geographiam eo consilio peccatum est, dum Theseo Calydone Athenas redeunti Acheolus fluvius obiicitur. Saltu facto V, 572; sed vix alibi transitur. Verum omnis haec connexio

fabularum clarius elucescit e serie, quam huic commentationi subiecimus: et operae pretium est in perlegendo opere ipso ad eam attendere.

Hinc videamus, qua arte mythos sic nexos poëta disposuerit atque exornaverit. Plerisque, qui narrantes inducuntur, tribuuntur quae personis eorum conveniunt. Scelestae Pierides canunt quae Deos dedecent, impiam Arachne eorundem flagitia texit; Minyeides, puellae petulantes, amoribus enarrandis indulgent; Orpheus, Thracibus puerorum amorem commendaturus, de pueris canit a Diis dilectis. Varietatis causa nonnulli sua fata ipsi narrant, ut Arethusa et Achelous, quamquam hic minus commode, quum, quod ei pudori erat, ter victus esset ab Hercule nondum Deo. Cornix adeo corvo una volanti, quae aves quaedam passae erant, notum facit. Est etiam, ubi Themis mutationes futuras vaticinatur. Nonnullos mythos paucis poëta transmittit, ut Bacchi nutrices vetulas; quibus iuventus a Medea redditur, et, quod mireris, celebratissimam adeo Gigantomachiam. Quosdam, quippe parum memorabiles, verbo tantum tangit. Sic una ex Minyeidibus, dubitans, quid e multis potissimum referat, et altera, praeteritione rhetorica utens, plurium argumenta brevissime recensent; nec aliter se habent, quae Arachne texit, et quae Minerva eum ea certans in extremis vestis partibus ponit. Medea sublimis fugiens ex aëre despicit, loca multa transformationibus nota, quae non narrantur, sed tantum attin-

guntur. Verum in longe plurimis ingenii copias Ovidius effudit, et quantum rebus flumine orationis exornandis valeret ostendit, ea quidem varietate, ut nunc historici, nunc dramatici partes ageret; qua ipsa re plurimum gratiae carmini conciliatur.

Primo ingenium lectori in transformationibus ipsis describendis approbat; in quas enim novi corporis partes singula formae prioris membra transierint, suavissime enarrat, atque ita multorum animantium, multarum item arborum aliarumque rerum naturam mirifice pingit. *Cycno* in avem sui nominis transcunti, II, 373,

... vox est leuata viro, canaeque capillos
Dissimulant plumae, collumque a pectore longum
Porrigitur, digitosque ligat ianctura rubentes:
Penna lotus vestit; tenet os sine acumine rostrum,

Vbi *Io*, concedente *Iunone*, priorem formam recipit a *Iove*, I, 739,

.... fagiunt e corpore actae,
Cornua decrescunt, fit luminis arctior orbis,
Contrahitur rictus, redeunt humerique manusque;
Vngulaeque in quinos dilapsa absumitur ungues.
De bove nil superest, formae nisi candor, in illo;
Officioque pedum Nymphae contenta duorum
Erigitur, metuitque loqui, ne more inveniēte
Mugiat, et timide verba intermissa retentat.

Lyciacos agrestes *Latona* ranas esse, VI, 370, iubet. Itaque

.... iuvat isse sub undas
Et modo lota cava submergere membra palude,
Nunc proferre caput, summo modo gurgite nare.

Saepe super ripam stagni considerare, saepe
 In gelidos resillire lacus. . . .
 Vox quoque iam rauca est, inflataque colla tumescunt,
 Ipsaque dilatant patulos convicia rictus.
 Terga caput tangunt; colla intercepta videntur;
 Spina viret; venter, pars maxima corporis, albet;
 Limosoque novae saliunt in gurgite ranæ.

Ocyrrhoe, vaticinandi perita, primum praesentit,
 II, 561, fata sua:

Iam mihi subduci facies humana videtur:
 Iam cibus herba placet; iam latis currere campis
 Impetus est.

Mox sequitur mutatio ipsa:

. . . . pars est extrema querelæ
 Intellecta parum, confusaque verba fuere.
 Mox nec verba quidem, nec quæ sonus ille videtur,
 Sed simulantis equam; parvoque in tempore certos
 Edidit hionitus, et brachia movit in herbas.
 Tum digiti coëunt, et quinos adligat ungues
 Perpetuo coram levis ungula: crescit et oris
 Et colli spatium: longæ pars ultima pallæ
 Cauda fit: utque vagi crines per colla iacebant,
 In dexteras abiire iabus.

Quamquam hic ingenio abusus est poëta, extremam
 pallæ partem in caudam transformans. *Daphnes*
 fato instante, I, 548:

. . . . torpor gravis adligat artus,
 Mollia cinguntur tenui præcordia libro.
 In frondem crines, in ramos brachia cresunt.
 Pes, modo tam velox, pigris radicibus hæret:
 Ora cacumen obit; remanet aitor unus in illa.

Saxa unum vultum habent, nec partes discriminatas;
 nihilo tamen minus in ea quoque transitum iucunde
 describit, II, 820, ubi Aglauro

Surgero conanti partes, quascunque sedendo
 Flectimus, ignava nequeant gravitate moveri.
 Illa quidem recto pugnat se attollere trunco:
 Sed gremium iunctura riget, frigusque per artus
 Labitur, et pallent amisso sanguine venae.
 letalis hiems paulatim in pectora venit,
 Vitalesque vias et respiramina clausit.
 Nec conata loqui est; nec, si conata fuisset,
 Vocis haberet iter; saxum iam colla tenebat,
 Oraque ducuerant: signumque exsangue sedebat.

Neque semel tantum illum transitum per partes elocutus est, sed cum varietate saepius. Etenim etiam, VI, 303, in *Niobe*:

.... nullos movet aura capillos.
 In vultu color est sine sanguine: lumina moestis
 Stant immota genis: nihil est in imagine vivi.
 Ipsa quoque interius cum duro lingua palato
 Congelat, et venae desistant posse moveri.
 Nec flecti cervix, nec brachia reddere gestus,
 Nec pes ire potest.

Nec hoc satis. IV, 551, plures mulieres simul eandem sortem patiuntur:

.... saltumque data moveri
 Haud usquam potuit, scopuloque adfixa cohaesit.
 Altera, dum solito tentat plangore ferire
 Pectora, tentatos sentit riguisse lacertos.
 Illa, manus ut forte tetenderat in maris undas,
 Sexes facta manus in eandem porrigit undas,

et quae plura sequuntur. Hic mutationem generali quidem notione quater exprimit, sed variatis verbis, et quamque mulierem in alio gestu forma m novam induisse fingit. Simile figmentum etiam in *nautis Tyrrhenis*, delphinorum naturam accipientibus, III, 671, reperimus; quamquam ibi et in singulis aliae delphini partes memorantur:

... primaque Medon nigrescere pinnis
 Corpore depresso, et spinas curvamina flecti
 Incipit: huic Lycabas, in quae miracula, dixit,
 Verteris? et lati rictus et panda loquenti
 Naris erat, squamamque cutis durata traheret.
 At Libys, obstant: dum vult obvertere remos,
 In spatium resiliere manus breve vidit, et illos
 Iam non esse manus, iam pinnas posse vocari, etc.

Eas partes si componis, integer fere delphinus efficitur. Similia, II, 346, de Phaëthontis sororibus in arbores transeuntibus leguntur, quas primum singulas ostendit, deinde omnes communi metamorphosi complectitur. Quae paulo ante de saxis dixi, ea et de aqua valent. Sed in huius quoque uniformem naturam mutationes suaviter narrat. *Cyane*, V, 428:

... quarum fuerat magnum modo nomen, in illas
 Extenuatur aquas, molliori membra videres,
 Ossa pati flexus, nuges posuisse rigorem:
 Primaque de tota tenuissima quaeque liquescant,
 Coerulei crines, digitique, et crura pedesque;
 Nam brevis in gelidas membris exilibus undas
 Transitus est: post haec tergumque humerique latusque
 Pectorumque in tenues abeunt evanida rivos.
 Denique pro viva vitiatas sanguine venas
 Lympha subit, restatque nihil, quod prendere possis.

Tolle verba *Nam brevis — Transitus est*, quibus minime opus erat, et reliqua praeclare se habent. Rursus, V, 632, Arethusa de se:

Occipit obsessos sudor mihi frigidus artus,
 Cerebraeque cadunt toto de corpore guttae;
 Quaeque pedem movi, manat locus, eque capillis
 Ros cadit.

Interdum nonnulla fiunt inter mutationem, aut proferuntur ab iis, quos fatum illud opprimit, ut IV,

575 sqq., dum *Cadmus* et *Harmonia* serpentes fiunt; et IX, 355, *Dryope* arbor. Sunt etiam fabulae, in quibus transitus ipse paucis memoratur, sed descriptionis loco comparatio additur. Id quale sit, ex IX, 219-25, et 266, intelligitur:

Vtique novus serpens, posita cum pelle senecta,
Luxuriare solet, squamaque virere recenti;
Sic ubi mortales Tirynthius exiit artus,
Parte sui meliore viget, maiorque videri
Coepit, et angusta fieri gravitate verendus.

His igitur et talibus ingenium satis ostentavit. *Lynca* tamen, in quam *Lyncus* mutatus, non descripsit: neque *cirin*, cuius formam *Scylla* adsumsit; quamquam illa fera maculis, haec avis pulchritudine insignis: nec aves satis notavit, quarum figuram *Letoia* *Meleagri* sororibus dedit.

Verum transformationes ipsae, licet inde carmen inscriptum sit, minimam eius partem constituunt. Ut amplum prodiret opus, tam ea poeta copiose persecutus est, unde metamorphoses pendent, quam alia admiscuit a consilio non aliena. *Phaëthontis* fata nullam habent formae mutationem; iis tamen magnam libri secundi partem implevit, ut per ea ad sorores transiret, in arbores, dum fratris casum lugent, versas. Mutatio sororum *Meleagri* duobus versibus absolvitur; sed ad eam longissima illa *poëta* VIII, 260-543, pervenitur, quae tota in apri *Calydonii* venatione et in luctu *Althaeae*, filio necem parantis, versatur. *Aesonem*, *Iasonis* patrem, juvenem *Medea* reddiderat. Hoc narraturus *Ovidius* VII,

159-293, in totam artem magicam excurrit. Pestem, quae Aeginam insulam exhausserat incolis, Minoisque cum Atheniensibus bellum nobis VII, 472 sqq., retulit, ut Myrmidonum e formicis origiem produceret. Locus VII, 1-158, habet quidem mutationem dentium satorum in viros, sed paucis versibus expositam; reliqua in Minois forma et in vesano Medae amore notando versantur. Sic numerosissima poëtae occasio offerebatur innumera admiscendi, quae antiquitas tulit, quae rerum natura habet, quae hominis indolem attingunt; eaque et cupide et ingeniose usus, insigni rerum varietate atque copia opus suum posteris commendavit. Deos enim plerosque cum attributis suis hic descriptos reperimus, Iovis maiestatem, fulmina, imperium in mundum, furta, Iunonis zelotypiam, Apollinis artes et amores, Cereris merita, Mercurii ministerium et ornatum, Dianae choros et venationes, Bacchi nomina, res gestas et sacra, Minervae in texendo excellentiam, Latonae errores et vindictas, Cupidinis arma et potentiam, Plutonis imperium in inferos, Proserpinae fata, Neptunum, Protea ambiguum, canorum Tritona, Musarum cantus, Telluris fructus, Tisiphones formam et venenum, Isidis quoque Aegyptiacae pompam. Prodeunt viri et heroes, quos antiquitas habuit celeberrimos, Deucalion, Chiron, Aesculapius, Cadmus cum suis, Tiresias, Perseus, Iason, Theseus, Minos, Daedalus, Triptolemus, Meleager, Hercules, Orpheus, Achilles, Ulysses, Pythagoras, Aeneas,

Romulus, Numa, quorum omnium res plurimae et laudes aut brevius attinguntur, aut ingenii flumine ornatae explicantur. Notantur, quae in animo humano sunt, adfectus paternus, maternus, fraternus, sororius, amor castus, incestus, sceleratus, sui ipsius, libido furens, plures doloris et luctus gradus, desperatio, insania, ira, ulciscendi studium, invidia, crudelitas, impietas, pietas, innocentia, simplicitas, hospitalitas, mollietates, fortitudo, tum pugnae et tumultus variorum adfectuum in animo. Adde studia hominum, bella, proelia, venationes, artes (textoriam, fatidicam, nauticam, piscatoriam, magicam), lusus, rixas, lotiones, nuptias, convivia, certamina, item quae iis vel contingunt, vel accidunt, aut a natura tributa sunt, diluvium, pestem, famem, somnum, somnia, paupertatem, opum abundantiam, dilaniationem, dissectionem membrorum, naufragium, mille mortis genera. Partem adhuc rerum expositarum recensui. Accedunt enim plurimarum rerum, quas et natura protulit, et poetarum ingenia finxerunt, descriptiones, sedis coelestis, regiae Solis cum curru solari et equis, coeli stelliferi, inferorum, animantium, plantarum, montium, fluviorum, fontium, ventorum tempestatumque. Atque haec ita tractata sunt, ut omnia fere artis rhetoricae et poeticae praecepta exemplis ex hoc opere petitis illustrari possint. Continet enim narrationes, orationes, epistolas, soliloquia, notiones morum, descriptiones hominum, locorum, rerum,

hymnos, lusus ingenii, ut carmen pastoritium et παρακλαυσίῳρον, prosopopoeias, similitudines, sententias, acumina, figuras omnis generis. Ea vero tractatione nunc iucundi et teneri sensus in animo legentis excitantur, nunc vehementiores adfectus commoventur.

Restat, ut iam videamus, quo successu illa Ovidius exornaverit. Conformaverat ingenium ad praestantissimorum, quos Graecia et Roma tulerant, poetarum exempla; neque adeo mirum est, passim eum eosdem et in dispositione rerum tractandarum et in ornamentis multis *imitando* expressisse. Pleni sunt poetarum principes, Homerus Virgiliusque, sic enim Iliados et Aeneidos ratio ferebat, procliis caedibusque, in quibus enarrandis, ne taedium lectori crearent, pugnantium patriam, habitum, conatus, vulneca, mortes maxima varietate descripserunt. Noster igitur, quum Perseus et Theseus ab eo producendi essent, quorum virtus etiam in procliis enituerat, nec haec ab opere suo V et XII abesse voluit, easque descriptiones non modo in universa delineatione, sed etiam in quibusdam bellatoribus notandis ad exempla illa composuit; eandemque rationem etiam in apri Calydonii venatione secutus est. Celebrabatur omnium sermone sublimis ille Homeri locus, quo Iupiter concusso capite Olympum movet: taleni igitur Iovem et ipse induxit. Pestis descriptiones, quas, Thucydide praecunte, Lucretius atque Virgilius dederant, cupide ab omnibus legebantur; simili igitur loco, auctores illos effingens, suum

quoque opus ornavit. Neque inde Polyphemum abesse voluit, ab Homero et Virgilio locis insignibus notatum. Similiter in magicis rebus enarrandis Horatium Virgilium, et Tibullum, in variis aetatibus hos duos postremos, et Hesiodum respexit. Ad Virgilii auctoritatem etiam Orphei ex Eurydice luctum, Iunonis soliloquia, et descensum tam ad Deos marinos, quam ad inferos, inferorum ipsorum delineationem, Deorum transformationes, quibus fallendi causa anilem formam sumserant, fulminum Iovis compositionem, canis venatici in lepore persequendo velocitatem, multas similitudines sententiasque composuit. In diluvio Deucalioneo lineas quasdam ex Horatio duxit, eundemque effinxit, quum vim cantus Orphici apud inferos referret. Sunt et alia loca, in quibus a Lucretio atque Tibullo pendit. In carmine pastoritio Polyphemi XIII, 789 sqq., Theocritum ante oculos habuit. Nonnulla sumsit ab Euripide: neque tamen putandum est, presso cuni pede auctores illos secutum esse, sed ita eos respexit, ut solent praecleara ingenia aliorum inventa in suum usum convertere. In Tisiphones habitu describendo IV, 480, concertavit cum Virgilio, enimque adeo superavit: et quae ille de lumine per terram fissam in tartara penetrante obiter tantum, comparisonis causa, dixerat, ea Noster V, 356 sqq., multo melius cum Homero, qui etiam Virgilio praeciverat, adhibuit. Superatur quidem XII, 12 sqq., in fabula de dracone in lapidem mutato ab Homero; sed VIII, 738,

in Erisichthone notando superior Callimacho, certe non deterior, reperitur. Laudem igitur et in aliis *imitandis* meretur: neque vero *inventionis* gloria eum fraudare decet. Etenim quae ad aliorum imitationem composuit, ea minimam amplissimi operis huius partem efficiunt, quum innumera loca variis virtutibus eximia, innumera figmenta, plurimae amplificationes, notationes, descriptiones, dispositiones, similitudines, aliaque ornamenta sint, quod sciamus, ipsius Ovidii. Famae prosopopoeiam communem quidem cum Virgilio habet; sed in ea fingenda suum ingenium secutus est, quod et in Famis, Invidiae et Somni personis effingendis in magnam suam laudem fecit. Lycaonis impietatem et poenam non ipse refert, sed Iovem narrantem inducit. Hic igitur haud dubie ipse rem ita disposuit, ut coeli regiam, conventum Deorum, Iovis praesidium nobis ante oculos poneret, eidemque Deo orationem tribueret disertissimam, cui fabula de Lycaone intexta. Adde, quae in Deucalioneo diluvio de Noto evolante, de Neptuno amnes convocante, de Tritone signum fluctibus dante, de Deucalionis querelis, ab eo inventa sunt. Spreverat Niobe Latonam prae se, nec pati voluerat sacra ei fieri. Quomodo hoc tractavit poeta? Nempe vatem primum inducit Latonae sacra indicentem, tum Nioben in publicum cum fastu prodeuntem, atque oratione audacissima se Deae praefерentem. Et quid de Ceycis atque Halcyones rebus dicam? In iis tempestatis, artis nauticae, Somni Morpheique descriptiones, tum ad-

fectum notationes testantur foecundum fuisse Ovidii in inveniendò ingenium. Mitto plura addere; nam plurimae fabulae huc advocari possent. Monui quidem supra, nescire nos, quid, et quantum ei in fabulis excolendis Graeci poëtae ministraverint; sed ingenium praeclarum, quale in omnibus Ovidii carminibus elucet, impetrare a se non potest, ut, missis suis bonis, tanquam fidus interpres, alios semper subsequatur.

Non summo virium nisu opus suum excudit, sed e felici illa ingenii vena peperit, quae tacta statim profundit quidquid ad rem pertinet, sive soluta oratione utaris, sive metris constricta. Datur enim hoc ingenio quibusdam a natura, ut, ubi scribendo incaluerunt, illico omnes rei tractandae partes, earum nexum verborumque involucra maxime idonea clarissime perspiciant. Hinc illa *facilitas*, quae mirifice scripta commendat, quibus oblectatio potissimum quaeritur: eandem et per totum Ovidianum opus effusam videmus; in nullum enim incidimus locum, qui vultum, ut ita dicam, nitentis habeat; sed omnia apparet, sententias, verba, imagines et reliqua ornamenta, tanquam apparitores paratissimos, scribenti praesto fuisse. Verum tale ingenii flumen lutulentum interdum decurrit, sortesque nonnullas secum vehit, quas cura secunda tollere debet. Nostro autem per fata non licuit retractare, quae primus ingenii impetus fuderat; forte et in quibusdam corrigendi voluntas defuisset: itaque hic illic occur-

runt, quae quis sublata aut emendata velit. Insita ei porro erat virtus ingenii ea, quae externas potissimum rerum formas considerat, acriterque sentit, in iis haeret, quae grata sunt animo aut ingrata, phantasiae ope nititur, eiusque e penu colores petit, quibus rem propositam illuminet. Eius virtutis, quam Nostri *deu Witz* vocant, exemplis abundat hoc carmen; ab eaque eius auctor eminenter *ingeniosus* poeta vocatur. Modo non *argutiarum* studium, *acuminum* venatio et *petulantia* quaedam animi cum passim avertissent ab eo, quod rectum est et verum. Illas autem ingenii dotes doctrinae liberalis pabulo aluerat, lectione auctorum praestantissimorum, poetarum imprimis, declamationibus in scholis rhetorum, atque observatione morum et studiorum humanorum. Itaque scientia vigeat elocutionis poeticae, antiquitatis, animi humani, earumque rerum, quibus ille persuadetur, delectatur, movetur. Sic ergo et a natura et suo studio formatus accessit ad opus *Metamorphoscon* cōdendum.

De *facilitate* non est, quod plura dicam, ut quae non in singulis locis, sed in tenore totius carminis cernatur. Maculas potius nonnullas commemorabo, quas impetus ille ingenii, cui facilitas debetur, fudit, nec postea abstersit poetae cura. In iis *tautologiae* et loquacitatis ineptae vitium primum obtinet locum, atque in singulis prope libris offendit. In libro I, 89-93, ad taedium usque nobis, inculcat, aurea aetate nondum leges fuisse, nec iudicia. Temere,

205-7, verba cumulavit de silentio Iovis auctoritate facto. Cui non molesta sunt illa, vers. 291 sqq.

*Imaque mare et tellus nullum discrimen habebant:
Omnia pontus erant; decrant quoque litora ponto:*

quibus mox vers. 314 de Phocide subiicitur,

*Terra ferax, dum terra fuit; sed tempore in illo
Pars maris et latus subitarum campus aequorum.*

et rursus paulo post,

... nam caetera texerat aequor.

In saxorum Deucalionis et Pyrrhae manibus iactorum mutatione describenda, vers. 400-406, diu in eundem orbem circumagitur. II, 161 sqq., ter dicit, levem fuisse Solis currum, et, quasi hoc nondum satis fuisset, 165 idem bis repetit. III, 87-89, quater causam exprimit, quare leve fuerit serpentis vulnus,

... quia se retrahebat ab ictu;
*Laesaque colla dabat retro, plagamque sedere
Cedendo arcebat, nec longius ire sinebat.*

Vers. 418 sqq., in Narcissi fabula intolerabili loquacitate ad eandem saepius notionem revolvitur, et quae ipse sic dixerat, eadem paulo post Narcissum repetentem fingit. VI, 192 sqq. Niobe quinque formulis urget hoc, se liberorum numero Latonae praestare. VII, 179 sqq., *Lunae cornua tota coeunt, efficiunt orbem, ipsa plenissima fulget, et solida*

imagine spectat terram. XII, 46 sqq., Fama tota fremit, voces refert, iterat quod audit, Nulla quies intus, nullaue silentia parte. Miror itaque Criticos, qui his et talibus non offensi essent, versus resecare voluisse, in quibus multo minus redundantiae, ut VIII, 87; ubi post verba *praedaeque potita nefanda* sequitur versus Heinsio improbat:

Fert secum spoliū sceleris, progressaque porta, etc.

Talia bene multa commemorari possent. Saepe enim *otiose* nonnulla subiicit, et interdum satis *languide*. III, 715, bene dixit, *ruit omnis in unum Turba furens*, modo ne addidisset, *cunctae coeunt cunctaeque sequuntur*. II, 168, Solis equi *ruunt tritumque relinquunt Spatium*. Hoc satis fuisset; sed inepte pergit, *nec, quo prius, ordine currunt*. Vbi, IV, 300, fontem clarum satis descripserat, non erat, cur adderet, *perspicuus liquor est*. Quid? XI, 519, post horrenda tempestatis phaenomena monet, *vela maduisse*. Non igitur erat, cur Heinsius, VII, 527, verba *quae victa iacebat*, ut *otiosa et languida* post superiora, deleta mallet. Intempestive etiam inserit, quae brevitati et perspicuitati obsunt. IV, 616-19, Perseus super Libycas pendet arenas, et 626, consistit in regno Atlantis. Versus igitur 620-25, in quibus huc et illuc, ad Arctos et ad Cancrum volat, alieno loco interiecti. Sunt contra loca, in quibus *nimio brevitate studio* factus est obscurior. Eo vitio, I, 170

sqq., laborat sedis coelestis descriptio, nec quisquam,
IV, 787 sqq., illa

Eripuisse caput collo, pennisque fugacem
Pegason et fratrem, matris de sanguine natos;

sine aliorum auctorum adiumento intelliget. Etiam alibi festinat nimis, omittitque non omittenda, unde obscuritas oritur. IX, 165, non apparet, quo modo Hercules, factis in Euboeae promontorio sacris, *Oeten* vocibus suis impleverit. Interdum non satis perpendit, quae scriberet. I, 270, quum terra diluvio vastanda esset, Iris aquas a terra haurit, quas in terram demittat. III, 41 sqq., serpens immensis saltibus petit eos, qui proxime stabant. Idem versu 43, *media plus parte erectus in auras* *Despicit omne nemus*; sed versu 94, totus pendet in arbore. V, 228, Perseus Phinea saxum semper domini spectari vult a coniuge, quae vero mox relictura erat domum paternam. XII, 620, Somnus in lecto decumbens *pectora percutit nutanti mento*. Mitto dictiones improbandas, ut, V, 426, *inconsolabile vulnus*, repetitionem eiusdem vocabuli inter paucorum versuum ambitum, et multa alia. Talia excidunt iis, qui sua non sedulo conquirunt, sed e felici ingenii sui vena, quasi stantes pede in uno, fundunt.

Ingenii pars ea, quam paulo ante descripsi, statim in principio carminis emicat. Ibi non veram rudis molis naturam nobis explicat, sed externam rerum

et confusarum et postea dispositarum formam ostendit, acriterque sentiendam proponit.

Nullus adhuc mundo praebebat lumina Titan,
Nec nova crescendo reparabat cornua Phoebæ,
Nec circumfuso pendebat in aëre tellus
Ponderibus librata suis: nec brachia longo
Margine terrarum porrexerat Amphitrite.

Sed postea Deus iussit *freta diffundi*, *rabidisque tumescere ventis*, *extendi campos*, *subsidere valles*, *lapidosos surgere montes*. Multa ex hoc genere insignia, XV, in placitis Pythagorae; sed prae caeteris eminet, 200-13, locus de quatuor anni partibus, quibus suavissime hominis attributa data sunt. Aperit annum *tener* et *lactens puer*, *roboris experts*, sequitur *robore valens* et *aestuaus iuvenis*, quem *posito fervore iuventutis*, *Maturus mitisque Autumnus* excipit. Ad extremum

... senilis, Hicem tremulo venit horrida passu,
Aut spolinta suos, aut, quos habet, alba capillos.

His adde Noti, Boreae, Invidiae, Famis, Famae, Somni descriptiones, in quibus ex illarum rerum attributis personas earumque domicilia mirifice (naevis paucis demtis) composuit. Iam si haec ita inter se comparaveris, ut primum *rabidis tumescere ventis* ponas, tum, *brachia longo Margine terrarum porrexerat Amphitrite*, post haec locum de annuis vicissitudinibus, aut partem eius; denique ex iis, quas modo laudavi, prosopopoeiis

unam; gradationem habebis imaginum egregiam, quarum proxima quaeque praecedentem plenitudine superat. Personis mythologicis egregie animavit loca varia. I, 264 sqq., Notus evolat, Iris alimenta nubibus adfert, Neptunus convocat Amnes, Triton recessus canit. In omnibus fere et descriptionibus et narrationibus ingenium poëtae tam in tenuissimis, quam in gravissimis rebus admirari licet. Vt a brevibus tenuium rerum descriptionibus incipiam, cui non placeat, I, 335, *buccina Tortilis, in latum quae turbine crescit ab imo?* non, III, 586, piscator, qui *lino solebat et hamo Decipere, et calamo salientes ducere pisces?* non VII, 624, formicae frugilegae *agnitae longo grande onus exiguo ore gerentes, Rugosoque snum servantes cortice callem?* aut, VIII, 189, Daedalus alas sibi filioque e pennis, lino et cera componens? His et talibus innumeris palmam facile eripit supellectilis in Philemonis casa, epulique ab eo parati descriptio. Et qui tenuia sic ornavit, eius ingenium etiam in maioribus, atrocibus adeo eminet.

... Tanta vertigine pontus

Fervet, et inducta piceis e nubibus umbra

Omne latet coelum; duplicataque noctis imago est!

Voda, velut victrix, sinuatas despicit undas,

Nec levius, quam si quis Athon Pindumque revulsos

Sede sua totos in apertum evertit aequor,

Præcipitata ruit.

Sed totus locus, XI, 478-560, cognoscendus est; habet enim egregiam tempestatis, studii nautarum

in nave servanda, et naufragii descriptionem. Idem ingenium, eadem phantasia in narrationibus elucet. Non ille summatim narrat, sed omnia ordine explicat, ut tu adstare rei que interesse tibi videaris; et si quid memorabile incidit, id suis pingit coloribus. Daphnes fugientis,

... undabant corpora venti,
Obviaque adversas vibrabant flamina vestes,
Et levis impexos retro dabat aura capillos.

Et mox de cane lepori instante,

Alter inhaesuro similis, iam iamque tenere
Sperat, et extento stringit vestigia rostro:
Alter in ambiguo est, an sit deprensus, et ipsis
Morsibus eripitur, tangentiaque ora relinquit.

Quod idem variatum, VII, 781 sqq. Adde II, 861, lusum Europae et falsi tauri; III, 66 sqq., serpente Cadmi iaculo vulneratum; 125 sqq., Actaeonis per canes dilaniationem; IV, 358, Salmacidis et Hermaphroditi luctam. Ib. 480,

... Tisiphone madefactam sanguine sumit
Importuna facem, fluidoque cruore rubentem
Induitur pallam, tortoque incingitur angue,
Egrediturque domo. Luctus comitatur euntem
Et Pavor, et Terror, trepidoque Insania vultu.

Incessus reginae superbae eiusdemque iratae mirifice VI, 165, notatus:

Ecce venit comitum Niobe celeberrima turba,
Vestibus intexto Phrygiis spectabilis auro,

-Et, quantum ira sinit, formosa; inuensque decoro
Cum capite inmissos humerum per utrumque capillos
Constitit: utque oculos circumtulit alta superbos, etc.

Pugnam Persei cum bellua marina, IV, 710, venationem ferac Thebanæ, VII, 765, et apri Calidonii, VIII, 329, quis narrare ingeniosius possit? Byblis fratri literas scriptura, IX, 521:

*Dextra tenet ferrum, vacuam tenet altera ceram.
Incipit et dubitat; scribit damnetque tabellas;
Et notat et delet; mutat, culpatque probatque,
Inque vicem sumas ponit, positasque resumit.*

Pygmalion, quum statuam suam absolvisset, X, 254:

*Sæpe manus operi tentantes admovet, an sit
Corpus, an illud ebur: nec ebur tamen esse soletur.
Oscula dat, reddique putat: loquiturque tenetque,
Et credit, tactis digitos insidere membris,
Et metuit, pressos veniat ne livor in artus.*

et quæ plura sequuntur. Myrrha, X, 455,

*Nutricisque manum læva tenet; altera motu
Cœcum iter explorat: thalami iam limina tangit;
Iamque fores aperit: iam ducitur intus; ut illi
Poplite succidun genua intremuere, etc.*

Innumera loca transcribenda essent, si omnia adferre vellem, quæ hac se virtute commendant. Et innumeris modis ingenium ostentavit, aliter VII, 380, in Narcissi et Echus colloquio; aliter VII, 813, in Cephali cantilena; aliter in conversione quadam, I, 700. Mitto sententias ingeniosas, qualis II, 13,

facies non omnibus una, Nec diversa tamen, qualem decet esse sororum. Ad ea praevertamur, quae vitiose in hoc genere ab eo scripta sunt.

Nempe *luxuriat* et lascivit eius *ingenium* non raro, quum nec modum in rebus exornandis teneat, nec quid deceat curet; quam luxuriam iam Seneca, Controv. XXVIII, in eo vituperat: non minus enim magnam virtutem esse, scire desinere, quam scire dicere. Eius autem vitii exemplum memorat atque exagitat alter Seneca, N. Q. III, 27; ubi monet, Ovidium in diluvio Deucalioneo pro magnitudine rei dixisse, *Omnia pontus erant*, sed mox cum ad pueriles ineptias delatum, *Nat lupus inter oves*, etc.: non enim esse rem satis sobriam, lascivire devorato orbe terrarum; magnifice dictum esse hoc: *Exspatiata ruunt per apertos*, etc. modo non curasset, quid oves et lupi fecerint: natari autem in diluvio non potuisse, sed eodem impetu pecus omne, quo raptum fuerit, mersum esse. Simili vitio, praeter alias, laborat Narcissi fabula. Vt Narcisso sua facies, sic Ovidio eius insania placuisse videtur. Nec in incendio mundi res sobria erat II, 334 iocari, *incendia lumen Praebebant, aliquisque malo fuit usus in illo*; aut minutias curare vs. 211 sqq. *fissaque* (tellus) *agitat rimas, et snccis aret ademptis. Pabula canescunt*; vers. 252 sqq., *quae Maeonias celebrant carmine ripas, Flumineae volucres medio caluere Caystro*. Quis enim in tam gravi calamitate cygnorum calorem curet? Sed et vers. 265 sqq.

delphinus nobis ostendit latitante. Nec in pestis descriptione, VII, 538 sqq., modum servavit. Rectius certe abessent illa,

Non aper irasci meminit; nec fidere cœu
Cerva, nec armentis incurrere fortibusæsi.

Inepte, II, 206 sqq., in aetere *decliva viasque præcipites* lingit, nec ibi 13, *manifesta rotæ vestigia* esse poterant, sed luxuriantis ingenii illa sunt. Tristem nobis et commiratione dignissimam Actæonis narrat sortem, sed hic ludit, III, 199, *fugit Autonoëius heros, Et stam celerem cursu nûratur in ipso*. Frigida sunt a acumina. III, 425; de Narcisso se ipsum amante *et qui probat ille probatur, Dumque petit, pñitur, pariterque incendit et ardet*. Eundem, ubi errorem suum agnovit, sic loquentem vers. 464; iucit: *Flammas moveoque feroque. Quid faciant roger, anne rogem? quid deinde rogabo? Quodupio mecum est, inopem me copia fecit*: ita ne solet desperatio lascivire. Idem vers. 505: *Tunquoque se, postquam est inferna sede receptus In Stygia spectabat aqua*: in limosa illa palude non poterat quisquam se spectare. Thisbe in summa desperatione, IV, 152, iusto argutius dicit, *quique me morte revelli Heu sola poteras, poteris nec morte revelli*. Parum placet, VII, 339, duplex illi oxymoron, *ut quæque pia est, hortatibus iria prima est: Et, ne sit scelerata, facit scelus* Ipsi autem tanto magis

placuerunt; repeta enim ab eo sunt quater: Cf. III, 5; VIII, 477; 40. Nec placent hi lusus, VI, 560, lingua resecta *morius dominae vestigia quaerit*, et versu 708, voland Boreae *arserunt agitati fortius ignes*. Qui proprielicuntur ignes, volando quidem ardescunt fortius, in autem illi, quos nunc poëta intelligit. XII, 614, praecclarum praecesserat epiphonema, cui autem lusus ineptissimus subiicitur, *armarat Deus idem, denique cremarat*: Vulcanus arma eius fabricavera, et ignis corpus eius absumserat. Halcyone marina naufragium metuens, et graviter dolens, XI, 701 *Nunc absens pereo, iactor nunc fluctibus absei, Et sine me me pontus habet*; quae argutiae multo deteriores etiam sunt illis, quas Thisbae trixit. Etiam in lusu verborum lascivia eius passim ceitur. XI, 484, loco, quo studia nautarum in presentissimo periculo egregie notantur, *egerit hic flutus, aequorque refundit in aequor*. XII, 493, Ceneus ensem corpori hostili immissum manu versat *vulnus in vulnere fecit*. Atque repetitione verbum inepta saepissime ludit, eaque tanto magis offent, quando in eadem fabula plus semel occurrit. IV, 70-195: *Cepit amor Solen: Solis referendus apres. — Prinius Hic vidisse Deus: videt hic Dens quia prinius. — Tectos qui laesit amores, Laedit more pari. — Tuis omnes qui terras ignibus uris Vreris igne novo; quique omnia cernere debes, Lacotheen spectas*. Puerilem adfectionem ista habent, in quibus tamen placuisse

sibi poëta videtur: neque adeo eum puto resecturum fuisse talia, si vel maxime retractare opus potuisset. Rogatus enim aliquando, ut Seneca Declam. II refert, ab amicis, ut tolleretur tres versus, petivit invicem, ut tres exciperet, in quos illis nihil liceret. Conscripserant illi, quos tolli vellent; secreto hic, quos tutos esse vellet. In utriusque codicillis iidem versus erant, in quibus *Semibovemque virum, semivirumque bovem*, et, *Egelidum Borean, Egelidumque Notum*. Nonnulla non amplificavit, sed prodigialiter auxit. In quo genere sunt serpens Cadmi et Erisichthonis fames. Prodigium enim est, *quodque urbibus esse, Quodque satis populo poterat, non sufficit uni*.

In *orationibus* spectatur hoc, ut non solum consilio dicentis, sed et personae accommodatae sint: quae utraque laus orationibus fere omnibus, quas hoc carmen plurimas habet, debetur. Nobilissimae sunt, XHI, 1-378, quibus Aiax et Vlysses de Achil-
lis armis certant, quarum altera indignationem, altera calliditatem spirat, illa vehemens est, haec composita et moderata, utraque autem argumentis fortissimis pugnat. Dissuasoria Phoebi ad Phaëthontem, II, 50-102, non modo argumentorum pondere et delectu valet, sed et animum paternum sollicitumque prodit. Plena acerbitatis est oratio, qua Scylla Minoa fugientem, VIII, 108-142, insectatur. Convenienter maiestati suae Iupiter I, 182-243, Deos convocatos alloquitur, sceleraque hominum

verbis gravissimis notat. Fidenter et ad commovendum apte Tellus suam mundique causam agit, II, 279-300. Meram zelotypiam et iram ex sui contemptu evomit Iuno, II, 511-30, apud Deos marinos. Praeclare Pentheus, III, 531-63, a novi Dei mollitie, a sacrorum eius strepitu et a Thebanorum origine deterrendi argumenta sumit. Niobe, regina celeberrima, superbissime genus suum, opes, numerosissimamque prolem iactat atque contemptim prae se Latonam spernit, VI, 170-202. Convenit furori iuvenis incitati et perditae amantis oratio, qua Phoebus, I, 504-24, Daphnen fugientem revocat, suaeque connubia commendat; ab eaque longe discrepant, quibus IX, 16-26, Achelous Deianirae nuptias ambit. In omnibus his tam argumenta, quam forma orationum personis dicentium egregie attemperata. Idem valet de *soliloquiis*; quod apparebit, si quis v. c. quae, III, 262-72, Iuno, et, VI, 687-701, Boreas secum loquuntur, et separatim et inter se collata consideraverit. *Narrationes* nonnullas auctor aliis tribuit, caeque moratae satis sunt; ideoque forma dissident tam a se invicem, quam ab Ovidianis. Alius color iis est, quae, III, 582-691, Acoetes; alius, quae, V, 577-641, Arethusa de se; alius, quae Aeacus, VII, 518-660, de peste et Myrmidonum suorum origine; alius denique, quae Cephalus, VII, 690-862, de Proeride sua, referunt. In prima nautam de rebus suis garrulentam et causa sua fidentem audire tibi videris;

ideoque et ignoscimus facile poëtae, quod Penthea fucibundum longis illis ambagibus aures praeibentem finxit. Altera simplicitate est conspicua. In ultima adfectus tenerrimus narrantem ab initio usque ad finem deducit, studiumque venandi interlucet. Narrationibus interpositae sunt locorum, hominum rerumque *descriptiones*, quae multitudine, varietate et praestantia sua non exiguum operis partem efficiunt. Quocumque oculos circumtuleris, *descriptiones* tibi occurrent sive imagines, quae te advertent et tenebunt. Phantasiam poëtae in iis enitere iam supra monui, sed et iudicium eius in deligendis partibus, ex quibus imagines compositae, atque vim poëticam in iis exornandis admirari licet. In regia Solis, II, 25-30, non aurum rursus nobis et pyropum ostendit, sed, ut personas, Diem, Mensem, Annum, Saecula, Horas, Ver, Aestatem, Autumnum, Hiemem. Alas Daedali, VIII, 189, ostendit nobis suavi similitudine interposita: *Sic rustica quondam Fistula disparibus paulatim surgit avenis*. De apro Calydonio, VIII, 282-97, tum 338-40, nil memorat, nisi quod ad consilium pertinet; hoc est, quod declarat, quam horrenda fuerit bellua, quantum damnum attulerit agris, et quot iuvenum concursu opus fuerit ad eam debellandam. Sed, ut iam dixi, totum carmen eiusmodi luminibus distinctum est, neque adeo est, quod plura iam recenseam.

Etiam in *adfectibus* mentis humanae, tam motibus teneris, quam vehementioribus perturbationibus

notandis egregius artifex Noster reperitur. Paternus adfectus paucis, sed bene, VIII, 210, descriptus,

Inter opus mōitusque genae maduere seniles
Et patriae tremuere manus,

copiosius, II, 91-99, in Phoebo, *do pignora certa*, etc.; et, VI, 496-510, in Pandione sene filiam dimittente. Maternum animum, IX, 375-81, egregie exserit Dryope in lotum transiens, sollicitudine de filii educatione atque salute. Mutuum iuvenis puellaeque, taedae iure iungi cupientium, amorem bene describit Pyrami et Thisbes fabula. Flagrantissimum uxoris in maritum amorem Halcyone verissime refert, XI; ubi maritum discessurum esse comperit, 416-43, et in discessu ipso, 464 sqq., idemque illo absente transit primum in desiderium, 573-81: mox, ubi de obitu eius somnio monita est, in gravissimum luctum 678-709, et ubi corpus eius natans prospicit 716 sqq. Mariti in coniugem animum non male exprimit Deucalion, I, 351-62, et multo melius Cephalus, VII, 690 fin. Tetrae et furentis libidinis naturam nobis ostendit Terens VI, 455 sqq., summi furoris Procne, vers. 610 sqq. Sed in primis memorari merentur loca, in quibus perturbatio mentis cum alia perturbatione aut cum sana ratione diu pugnat, ut in animo Medae, VII, 10 sqq., Scillae, VIII, 44-80, Althaeae, 462-511, Byblidis, IX, 473 sqq., Myrrhae, X, 320 sqq. Haec satis probant, egregiam Ovidio fuisse animi

humani scientiam. Parum contra, II, 381-400, Phoebus placet, qui in luctu et ira stultos homines imitatur. Perversis acuminibus corruptas esse nonnullas eius generis notationes, ut, III, 463-692, iam supra est admonitum.

Similitudines, quibus res varias vel illustrare voluit vel exornare, multae sunt probandae, nec ingenio magno indignae. III, 111: *Sic ubi tolluntur festis aulaea theatris*, etc. Vers. 568: *Sic ego torrentem*, etc. quibus illustratur vehementia irae inhibita. IV, 354, Hermaphroditus nudus in aqua, translucet, *ut eburnea si quis Signa tegat claro, vel candida lilia, vitro*. Daedalus antevolans nato timet, *velut ales, ab alto Quae teueram prolem produxit in aëra nido*. Suavissima est, X, 190, quam tamen Virgilio debet. Ibi Hyacinthus iacet, *Vt si quis violas, rigrove papaver in horto, Liliaque infringat*, etc. Laudandus et locus, XI, 508-36, quo navis fluctibus iactata cum urbe oppugnata comparatur. Sed saepe in hoc genere ornamentorum inveniundo et adhibendo fuit infelix. lueptum est illud, III, 44: Cadmi serpens tanto est corpore, *quanto, Si totum spectes, geminas qui separat Arctos*. Male, II, 825, mutatio mulieris in saxum cum *cancro, corporis malo late serpente*, comparatur; nec bene, VI, 48, Arachnae rubor, vicissim apparens et evanescens, cum aëre sub Aurorae ortum purpureo. IX, 170, Herculis cruor *stridit, ceu lamina candens Tincta lacu*. Temere,

IV, 362-67, similitudines cumulavit et sine delectu posuit. Idem iudicandum est de *sententiis* incertis, quarum aliae placent, aliae improbandae sunt. Vere, II, 447, monet, *Heu, quam difficile est, crimen non prodere vultu!* Vere etiam IV, 64, *Quo magis tegitur, tectus magis aestuat ignis*, nempe amoris. Saepe repeti videmus, ut verissimum, ex VII, 21: *Video meliora proboque; Deteriora sequor.* Graecis debet, quae, III, 135, ad Cadmum transtulit, scilicet, *ultima semper Expectanda dies homini, dicique beatus Ante obitum neuio supremaque funera debet.*

Anachronismi se saepe reum fecit: I, 218, *Arcades* commemorantur, qui serius ab *Arcade* nomen invenere; I, 373, de ornamentis templorum *Deucalionis* aetate loquitur, ut de suo tempore. Serius etiam acciderunt, quae III, 559, de *Acrisio* commemorat. Iam *Pandionis* tempore *Corinthum*, VI, 416, *nobilem aere* vocat, atque vers. 423, *Athenis* ante *Thesca nueros* tribuit; eodemque tempore et convivas *discumbentes*, VIII, 565, XII, 155, fingit. Interdum tamen diligentius scribit, ut, II, 219, *nondum Oeagrius Haemus*; VI, 415, *Nondum torvae Calydon invisa Dianae*; vers. 418, *Neque adhuc Pittheia Troezen*. Mythologiam et rerum naturam nonnunquam confundit. *Triones*, *Phaëthonte* *Solis* currum agente, tentant, II, 172, *vetito aequore* tingui, et, vers. 530, demum *Iuno* hoc impetrasse legitur, ut *vetarentur* tingui. Vers. 253,

cycni calescunt in Caystro, et paulo serius, vers. 377, Cynus rex fit *nova* avis huius nominis. Peccat Ovidius interdum et in physicis, ut quum, III, 675, *delphinis squamas* tribuit. *Repetitionem* eiusdem verbi aut hemistichii aut integri versus vario modo *adfectat*, quamquam in eo interdum vis aliqua aut *visus* inest. — I, 33, *securit, sectamque*. Vs. 142: *prodierant; prodit bellum*. Vers. 158: *incaluisse ferunt, calidumque*. Vers. 206 sqq.: *compressit — pressus*. Vers. 642: *Naides ignorant, ignorat et Inachus ipse*. Vers. 643: *patrem sequitur, sequiturque sorores*. — II, 399: *saevit: Saevit enim*. — V, 15: *deseruere sui Nymphae viuenta Tymoli, Deseruere suas Nymphae Pactolides undas*. — VI, 419: *Quaeque urbes aliae binari clauduntur ab Isthmo, Exteriusque sitae binari spectantur ab Isthmo*. — VIII, 628: *Mille domos adiere, locum requiemque petentes: Mille domos clausere serae*. — I, 325: *Et superesse videt de tot modo millibus unum, Et superesse videt de tot modo millibus unam*. — IV, 306-9:

Salmaci, vel iaculum, vel pictas sume pharetras;
Et tu cum duris venatibus otia misce.
Nec iaculum sumit, nec pictas illa pharetras;
Nec sua cum duris venatibus otia miscet.

In quo postremo plurimum est suavitatis, quemadmodum in antecedente magna vis. — Nova etiam vocabula quaedam fecisse videtur, ut *dubitabile*, *iaculabile*, *crinale*, *omnifer*, *remollire*, etc.

XLIV PRAEFATIO DE OPERE METAMORPH.

Ex his igitur apparet, egregium hoc esse Metamorphoseon corpus, naevis quibusdam dispersis deturpatum, eosque partim ex ingenii abusu, partim ex facilitate, qua haec nata, fluxisse.

METAMORPHOSEON SERIES

EX

G. CANTERI NOVIS LECTIONIBVS

NVNC PAVLO AVCTOR

LIB. I. Principio *Chaos* in *elementa* quatuor a Deo distinguitur; quibus quum sui darentur *incolae*, etiam *homo* ex *terra* et *aqua* ereatus est. Secutae sunt *aetates* hominum quatuor, in quarum postrema, eaque vitiosissima, quum *Gigantes*, ne terris securior esset aether, coelēste regnum peterent, ex eorum, a Iove interemptorum, *sanguine nova hominum pro-pago* orta est. Qui quum et ipsi essent impii, Iupiter non modo *Lycaonem* in *lupum* mutat, sed omne genus hominum animaliumque terrestrium *diluvio* perdit, unde soli relinquuntur superstites *Deucalion* et *Pyrrha*, qui post redditam terram, iactis post terga *lapidibus*, *humanum* repararunt *genus*. Reliqua *animalia* sponte sua ex *humore* et *calore* prodierunt: in quibus etiam *Pytho* serpens. Quem quum *Phoebus* interemisset, *Pythios ludos* in rei memoriam instituit, quibus victores aesculea corona donabantur; nondum enim erat *laurus*, in quam mox *Daphne*, Phoebi amorem fugiens, est conversa.

Quod quum accidisset, tum ad patrem eius Peneum reliquis fluviis, sive gratulandi, sive consolandi gratia, congregatis, solus desideratus est *Inachus*, sollicitus de *Ione* filia, quam Iupiter post stuprum in *iuvencam* mutaverat. Ea quum a Iunone *Argo* custodienda esset tradita, hunc *Mercurius*, narrata prius Nymphae *Syringis* in *arundinem* transformatione, occidit, eiusque deinde *oculi* a Iunone in *pavonem* collati sunt. Tum *Io*, *pristina* mulieris *forma* recepta, *Epaphum* parit.

LIB. II. Qui quum aliquando *Phaëthonti* Apollinem, ut falsum patrem, obiecisset, ille currus solaris imperium ad diem unum a patre, in pignus verae stirpis, petiit. Quo impetrato, terra ab eo tota accenditur, et inter caetera *nigrescunt Aethiopes*. Phaëthontem deinde fulmine percussus dum lugent *sorores*, et una cognatus *Cycnus*, illae in *arbores*, hic in *cycnum* mutatur. Ilinc Iupiter, lustrato, ut eum pristino vigori restitueret, terrarum orbe, in *Callistonem* incidit, eamque, sumta Dianae forma, stupravit. Ob id irata Iuno Callistonem in *ursam* convertit, quam postea *Arcas* filius transfixurus erat, nisi utrumque Iupiter inter *sidera* retulisset. Qua de re quum apud Oceanum conquesta esset Iuno, in coelum relata est humeris *pavonum*, qui nuper *variegati* fuerant; sicut et *corvus* nuper ex *albo niger* erat redditus, quum *Cornicis* monitis, quae illi tum suam in cornicem, tum *Nyctimenes* in *noctuam* mutationem explicarat, non obtemperasset,

verum *Coronidis* adulterium ad Apollinem detulisset. Eius deinde filio Aesculapio, e Coronide exsecto, et in Chironis antrum delato, *Ocyrrhoë*, Chironis filia fatidica, dum futura praedicit, in *equam* vertitur. Tum Chiron, pater, *Apollinis* auxilium frustra invocavit, quod ille iam in Elide pastor factus aliud ageret, neglectis etiam bubus. Id quod Mercurio furandi eas occasionem dedit, qui deinde *Battum* ob furtum proditum in *indicem* lapidem mutavit. Inde avolans *Hersen*, Cecropis filiam, spectat, eaque potitur. Cui dum invidet *Aglauros* soror, invidiae veneno infecta in *saxum* obrigescit. Postea *Iupiter*, quum Mercurium in coelum reversum boves Agenoris ad litus avertere iussisset, sumta *tauri* specie, *Europam* per mare in Cretam transvexit.

LIB. III. Filiam amissam Agenor *Cadmmum* iubet investigare. Quod dum ille facit, in Boeotia e *dentibus draconis* occisi *satis* enascuntur *homines*, quibuscum ille deinde Thebas condidit. Huic non omnino felici luctuosa primum fuit *Actaeonis* nepotis in *cervum* mutati dilaniatio; quae vero Iunoni, quum *Semelen* pellicem, Cadmi filiam, ut omnem Agenoris domum, odisset, grata fuit: ideoque ad ipsam facie *Beroës* accedens, dolo effecit, ut illa Iovis fulminibus combureretur. Dum *Bacchus*, e Semeles flagrantis utero servatus, in terris nutritur, Iupiter cum Iunone disputans, utra sit Venus suavior, *Tiresiam* adhibet arbitrum, quandoquidem sexum utrumque fuerat expertus. Is, lata contra Iunonem

sententia, ab illa quidem visu privatus, a Iove autem vaticinandi scientiam consecutus est. Primum eius oraculum in *Narcisso* comprobatum fuit: qui quum puellas omnes, inter quas et *Echo* prae amoris impatientia in *vocem* fuerat conversa, contempsisset, sui ipsius tandem amore contabescens, *flor* est factus sui nominis. *Pentheus* tamen vatem hunc irridebat; quamquam et ipsi fata futura praedicebat, quibus mox eventus constitit: nam quum *Orgia* celebrarentur, ille *Bacchum*, sub persona famuli sacrorum latentem, postquam *Tyrrhenos nautas* in *delphinos* esse transformatos ab eodem cognoverat, in vincula coniecit; ob quod facinus a *Bacchis* est discerptus; id quod magnam apud omnes fidem sacris conciliavit.

LIB. IV. *Alcithoë* tamen et sorores, constanter ea continententes, ipsis diebus festis lanificio operam dabant, opusque levabant fabellis enarrandis, de *Pyramo* et *Thisbe*, quorum sanguine *moris niger* color additus, de *Sole* in *Eurynomen* verso, ut cum *Leucothoe* concumberet, quam ob rem *Clytie* zelytypia in *heliotropium* mutata, denique de *Hermaphrodito* et *Salmacide* in unum corpus concretis. Quo facto sorores ipsae in *vespertiliones*, carumque telae in *vitem* transformatae sunt. Ilac de re quum *Ino* laetaretur, Iuno, et invidens, et indignans, *Furiam* ei immisit, cuius veneno in insaniam versa cum *Melicerta* filio in mare prosiluit; sed, *Venere* intercedente, ambo facti sunt *Dii marini*. Quos dum *comites Sidoniae* pro mortuis deplorant, in

saxa et volucres mutantur. Cadmus quoque, hac calamitate commotus, relictis Thebis, in Illyriam cum uxore profectus est, ubi uterque *anguineam formam* accepit. Solus ergo restabat de Bacchi contemtoribus *Acrisius*, avus *Persei*, qui *Gorgonis* caput amputavit, e cuius sanguine, guttatim in terram delapso, *augues* exorti sunt; et *Atlantem* in montem, *virgasque* post Andromedam liberatam in *coralia* convertit, Andromedam autem uxorem duxit.

LIB. V. Orto deinde in nuptiis tumultu, *Phineum*, qui sponsam sibi vindicabat, cum suis, et mox etiam *Proetum* et *Polydecten* saxeos reddit. Tum *Pallas*, quae hactenus Persei comes fuerat, eo relicto, in Heliconem se confert, ut *Hippocrenen* inspiciat. Ibi narrant ei Musae de *Pyreneo* et *Pieridibus* in *picas* conversis, postquam cantu instituto hinc de variis *Deorum transformationibus* in animalia, illinc de raptu *Proserpinae*, de *Cereris erroribus*, de *Cyanes* in *fontem*, *pueri* cuiusdam in *stellionem*, *Ascalaphi* in *bubonem*, *Sirenum*, *Proserpinam* quærentium, in *aves* ex parte, *Arethusae* in *latices*, *Lynci* denique regis in *lynca* mutationibus, atque *Triptolemi* agricultura inter se certaverant.

LIB. VI. Quo exemplo mota *Pallas* de *Arachnes* exitio cogitavit. Itaque inito cum ea texendi certamine, postquam utriusque tela *varias transformationes* repraesentavit, ipsam in *araneam* mutavit.

Neque tamen *Niobe* popularis huius poena admonita est, quo minus se *Latonae* praeferret; ob quam ferociam, interfectis ab *Apolline* et *Diana* liberis eius omnibus, in saxum obduruit. Quo quidem cognito, unus e vulgo *Lycios rusticos* in *ranas* a *Latona* versos, alter *Marsyam* ab *Apolline* excoriatum in memoriam revocavit. *Nioben* luget *Pelops*, cui humerus eburneus datus erat. Sed ad consolandos *Thebanos* urbium finitimarum legati convenerunt. Soli decrant *Athenienses*, quoniam a barbaris agminibus infestabantur, quos *Tereus* fudit, cui *Pandion Procnem* in matrimonium dedit. Is alio tempore *Athenas* reversus, quum *Philomelam*, uxoris sororem, secum abduxisset, ea stuprata, aliisque facinoribus perpetratis, in *upnpam* est transformatus, quemadmodum *Philomela* in *lusciniam*, *Procne* in *hirundinem*. Quae res *Pandioni* intellecta mortem attulit. Huic in regno successit *Erechtheus*, cuius filiam *Orithyam* *Boreas* rapuit, atque ex rapta *Calain* procreavit et *Zethen*, qui in *Argonautarum* numero fuerunt, quum

LIB. VII, *Iason*, victis *Medeae* auxilio tauris ignem vomentibus, seminatis serpentis dentibus, e quibus homines armati prodierunt, et dracone sopito, vellus aureum retulit. *Medea*, *Iasonem* in *Graeciam* comitata, *Aesoni* medicamentorum ope iuventutem reddidit, eandemque *Peliae* pollicita, praemisso arietis in agnum reformati specimine, dolo eum occidit. Inde per varia loca multis insignia

transformationibus delata, post occisos liberos *Aegeo* nupsit sub adventum *Thesei*, quem paene veneno interfecisset. *Aegei* gaudia de filio recepto turbat *Minos*, bellum contra eum parans, collectis undique copiis, etiam e *Paro*, ubi *Arne* in *monedulam* fuerat conversa, *Aeacumque* in partes suas trahere cupiens. At ille ab *Aegeo* stetit, et ad eum *Myrmidones* suos, post gravem pestem e *fornicis* ortos, auxilio misit, duce *Cephalo* Atheniensi, qui *Phoco*, *Acaci* filio, narrat, quomodo ab *Aurora* et raptus et *alia forma* indutus, *Procrin* uxorem in adulterium pellexerit, ab eaque ex fuga reversa *canem* et *iaculum* acceperit, quorum ille cum *vulpe* *Thebana* in *saxum* conversus sit, hoc autem a se imprudente missum uxorem interfecit.

LIB. VIII. *Minoi* interim *Megarani* obsidenti *Scylla*, amore eius capta, patriam cum crine *Nisi* patris purpureo prodit; sed spreta ab illo quum abeuntis navi inhaereret, in *cirin* avem, pater autem in *haliaetion* mutantur. Reversus *Minos* in *Cretam* *Minotaurum*, opprobrium generis sui, labyrintho *Daedali* arte posito, includit, et *Atticis* pueris pascit, e quibus *Theseus* monstrum interficit, atque *Ariadnen*, cuius ope ex labyrintho se expediverat, secum e patria ductam in *Dia* insula relinquit, ubi eam *Bacchus* assumit, eiusque *coronam* inter *sidera* collocat. *Daedalus* vero quum ex insula illa aufugere non posset, alis inventis evolavit, sed *Icarus* post patrem volans submersus est. Eius exsequias cele-

brantem vidit patrem, gaudiumque testata est *perdix*, e *Perdice* aut *Talo*, ingenioso multarum rerum inventore, quem *Daedalus* invidia motus ex arce *Minervae* praecipitem miserat, transformata. *Theseus* interea, quum celeberrimus iam esset, ad *aprium Calydonium* tollendum vocatus est, quem *Atalanta* prima vulneravit. *Meleager* autem interfecit, cuius mortem acceleravit *Althaea* mater, combusto stipite fatali. *Theseus* ex ista venatione rediens ad *Acheloum* devertitur et *Echinades* insulas conspicit, in quas *Naiades* erant conversae. Quod ita fieri potuisse, negante *Pirithoo*, *Lelex* primum *Baucidis* et *Philemonis* probat exemplo, qui in *arbores* fuerint commutati, sicut *domus* eorum in *templum*, ac *pagus* ipse in *stagnum*. *Achelous* deinde *Protei* et *Mestrae*, *Erisichthona*, patrem fame furemtem, alentis *naturam transformem* addit.

LIV. IX. Tum *suas* formas refert, quas quondam mutaverat, quum ipsum premeret *Hercules*, de *Deianira* certaus. Hanc victori in patriam redeunti *Nessus* rapere voluit; sed *Herculis* sagitta venenata confossus cecidit, et, ne inultus periret, raptae vestem dedit sanguine suo tinctam. Ea dubitans aliquanto post de mariti amore, vestem ei misit eandem, qua indutus quum coneremaretur, et *Lichas* famulus ab eo per aëra missus in *saxum* obriguisset, periit, et, *renovata* eius *facie*, in coelum est ductus. Tum *Alcmena* mater ad *Iolen* nurum se contulit, eique *Galanthidem* in *mustelam*; et illa

vicissim *Dryopen* sororem suam in *Ioton* conversam narravit. Interim supervenit ipsis *Iolaus*, reparata per *Heben* *iuventute*: id quod non posse omnibus contingere, Iupiter *Aeaci* exemplo docet. Hunc fugiens *Miletus* in *Asiam* discessit, et *Byblidem* procreavit atque *Caunum*; cuius illa desiderio tabefacta in *foutem* transiit. Quae quidem res magis mira cunctis visa esset, nisi paulo ante *Iphis*, ipso nuptiarum die, *virilem sexum* accepisset.

LIB. X. Illis nuptiis qui interfucrat *Hymenaeus* ad *Orpheum* inde se contulit, sed malo omine, quandoquidem mox obiit *Eurydice*, neque ad superos reduci potuit. Moerore igitur percussus *Orpheus* montes solitarios petiit, quo, sono lyrae eius impulsae, accurrerunt arbores, et inter caeteras *pinus* ex *Aty* atque *cupressus* e *Cyparisso* mutata. Canebat autem ille de raptu *Ganymedis*, de *Ilyaciuthi*, ab *Apolline* amati et interfecti, in *hyaciuthum* florem, de *Cerastarum* in *tauros*, de *Propoetidarum* in *lapides*, de *Pygmalionis statua* in *mulierem vivam* (unde natus *Paplius*), de *Myrrhae*, propter incestum cum patre concubitum, in *Myrrham* arborem, atque de *Adonidis*, cui *Venus Hipponeus* et *Atalantae* in templo concumbentium in *leones* transformationes narraverat, in *aeumoneum* mutatione.

LIB. XI. Hinc *Thraciae mulieres* quum *Orpheus* discerpsissent, *serpente*, qui os eius petebat, in *lapidem* mutato, in *arbores* conversae sunt a *Baccho*,

qui, relictâ, ob interfectum vatem Thracia, in Phrygiam se contulit, ubi *Midas*, cui pro Sileno restituto *auri copiam* fecit. Cuius quum illum poeniteret, in *Pactolo* lotus *arenas* eius *aureas* reddidit. Postea Phoebus pro iniquo iudicio *aures* illi *asininas* tribuit. Quo facto, Troiam profectus Apollo, *Laomedontem* muros Troianos exstruentem adiuvit. Filiam eius *Hesionem*, saxo alligatam liberavit Hercules, coniugem autem duxit *Telamon*, quemadmodum *Peleus* Thetida transformem. Is ad Ceycem postea profectus, *Daedalionem* in *accipitrem*, et *lupum* in *saxum* conversum, partim intellexerat, partim ipse viderat. Sed *Ceyx* in itinere ad oraculum Clarium suscepto periit naufragio. Accidit deinde, ut *Halcyone*, marito post naufragium sub *Morphei* figura secundum quietem conspecto, in *halcyonen* avem, sicut et maritus, mutaretur. Quos volantes quum animadvertissent quidam, *Aescum*, Priami filium, quondam in *mergum*, qui tum forte aderat, meminere transformatum.

LIB. XII. Huic tum *Priamus* pater, tanquam mortuo, exsequias fecit una cum filiis, excepto *Paride*, qui in Graeciam profectus Helenam rapuit. Raptorem secuti sunt Graeci, postquam Aulide, *serpente* quodam in *lapidem* mutato, Dianam placare voluerant *Iphigenia* oblata, cui vero mutatae Dea substituit cervam. Troiani quum fama adventum Graecorum cognovissent, armati eos expectant. Primo statim congressu *Cycnus*, ab Achille super la-

pidem necatus, convertitur a Neptuno in *aveni* sui nominis. Is autem, qui telo nullo violari potuerat, in convivio heroum Nestori in memoriam revocabat tam *Caenea*, invulnerabilem et ipsum, atque primum e femina in *nuarem*, deinde in proelio, quum arborum mole obrueretur, in *avem* conversum, quam omnino pugnam *Centauroorum* cum *Lapithis*, quorum pars Caeneus fuerat. His appendicula addita de *Periclymeno* in *aquilam* transformato. Neptunus vero Cycni mortem dolens exoravit Apollinem, ut Paridis sagittam in *Achillem* flecteret, qua ille periit.

LIB. XIII. De Achillis armis *Aiax* et *Vlysses* contendunt: ac illius quidem, sua ipsius manu interfecti, sanguis in *hyacinthum* vertitur. Capta iam Troia, *Hecuba* in Thracia, ubi Polymnestorem excaecavit, fit *canis*. Eius infortunium quum Dii omnes deplorarent, Aurora alio luctu tenebatur, *Memnonis* scilicet filii, cuius e cineribus *Memnonides* aves prodierunt. *Aeneas* porro profugus ad Anium, cuius filiae in *columbas* erant conversae, post alia deinceps loca transformationibus clara, in Siciliam delatus est, ubi *Scylla*, cui *Galatea* narrat *Polypheni* amores *Acidis*que obitum; quo facto, *Glaucus*, in *Deum marinum* mutatus, apparet.

LIB. XIV. *Scyllam* Circe mutat in *monstrum*. Aeneas autem in Africam venit, ubi eum *Dido* excipit. Tandem ut, *Pitheculus* praetervectus, ubi *Cercopes* ex hominibus in *simias* mutati, in Italia appulit, in Caietano litore e Macareo multa de

Ilyse atque *Circes* veneficio comperit, quo etiam *Picus* rex in *picum* avem mutatus erat. Mox bellum cum *Turno* suscipit. Is quum per *Venulum* peteret auxilium a *Diomede*, cuius *socii* in *aves* erant transformati, repulsam tulit: redeunte *Venulo* per ea loca, in quibus *Appulus* pastor quondam in *oleastrum* conversus erat. Postea *Aeneae naves Nymphae* fiunt in proelio, sicut et ex *Ardeae*, urbis incendio deletae, cineribus *ardea* avis; atque *Aeneas* in *Deum* transit. Successerunt huic reges alii, quorum inter caeteros sub *Phoca* floruit *Pomona*; quam quum *Vertumnus* amaret, sumta primum *anūs* forma, et *Anaxaretes* exemplo in *saxum* conversae usurpato, deinde rursum *invenis* factus, voto potitur. Inde sub *Numitore* aquae *frigidae* redduntur *calidae*. Cui qui successit *Ronulus*, factus est *Quirinus*, eiusque uxor *Ora Dea*.

LIB. XV. Secutus est *Numa*, qui quum de originibus *Crotonis* quaereret, *nigros calculos* quondam in *albos* fuisse commutatos comperit, et *Pythagoram* de *perpetuis* rerum *transformationibus* disputantem audivit. Mortuum deinde *Numam* deslet *Egeria*, nec *Hyppoliti*, qui suas ipsi *conversiones* narrabat, consolationem admittens, in *fontem* liquescit. Id quod non minus fuit mirandum, quam quod *Tages e gleba* ortus, *Romuli lancea arbor*, et *cippus* cornutus factus. Tum transit poëta ad praesentia, narratque, quomodo *Aesculapins* coli a Romanis in insula *Tiberis* coeptus sit, *Iuliusque Caesar* in *stellam* commutatus.

P. OVIDII NASONIS
METAMORPHOSEON
LIBRI QVINDECIM

PARS PRIMA

A

EPIGRAMMA
PVBLII OVIDII NASONIS
IN METAMORPHOSEON LIBROS

Orba parente suo quicumque volumina tangis,
His saltem vestra detur in urbe locus.
Quoque magis faveas, non sunt haec edita ab illo,
Sed quasi de domini fuere rapta sui.
Quidquid in his igitur vitii rude carmen habebit,
Emendaturus, si licuisset, erat.

P. OVIDII NASONIS
METAMORPHOSEON*

LIBER PRIMVS

In nova fert animus mutatas dicere formas
Corpora. Dī coeptis, nam vos mutastis et illas,

* *Metamorphoseon*, non *Metamorphoseos* inscriptum esse hoc opus ab Auctore, MSS. optimorum, auctorum hoc carmen laudantium, Planudis in metaphrasi graeca, et Graecorum, ad quorum imitationem Noster haec scripsit, evincunt auctoritates, quas vide ap. Heins. Neque usus linguae permittit, tot transformationum corpus *metamorphosin* vocare.

1. *In nova fert animus* etc. Primis quatuor versibus continetur et argumenti expositio, et, ut in didactico carmine, invocatio Deorum. Brevitate, simplicitate, modestia se commendat hoc carmen. — *Fert animus*, intell. me, impellit me; quod est simpliciter, volo, cupio. Sic etiam infra vs. 775 et A. A. III, 467. Aliorum poetarum loca collegit Drakenb. ad Silium XVII, 294. — *In nova mutatas formas corpora* per hypallagen dictum volunt, pro *corpora in novas formas mutata*, ut dixit Noster II Trist. 536. Sed non opus est, ut ad hypallagen confugiamus. *Formae* nunc sunt corpora ipsa, qua formam habent, ut

infra vs. 436; et XV, 172, *species et figurae*. Noluit dicere, corpora prisca mutata esse in nova, aut formam priorem in aliam, sed posuit verbo duo, quae eodem redeunt. Et maluit formas *in corpora mutatas*, quam alteram, partim quia illud exquisitius et magis poeticum, partim quia mutatio forma potissimum sit conspicua. Itaque et alibi memorat, cecinisse se, *mutatas formas*, ut I Trist. 1, 117, et 7, 13. Neque male sic graecum *μεταμορφώσεως* quasi interpretatus est. Nimis anguste Barm. quem sequitur Schirachius, de solis hominibus accipit; insunt enim et aliarum rerum metamorphoses. Ii vero arguantur, qui poetam consulto carmen de corporum transformatione a verborum permutatione exorsum esse contendunt.

2. *Dī coeptis* etc. Causam affert propriam, quare sibi non unum et alterum Deum, non Musam aliquam, sed omnino Deos adspirare velit; auctores enim rerum dicendarum fuerant: *nam vos* etc. Difficultas quam movet multis rō et, facili, opinor, tol-

Adspirate meis, primaque ab origine mundi
Ad mea perpetuum deducite tempora carmen.

I. ANTE, mare et tellus et quod tegit omnia coelum, 5

litur negotio, si sententiam in hunc modum concipias: Di, vestrum est me adiuuare, quandoquidem vos non modo cactera regitis, verum etiam formas illas mutastis, quas ego hoc carmine persequar. Cui hoc displicet, is e lectionis varietate praeferat eandem. Non bene Koeppen uau et coninxit atque per etesum explicuit. — Vos, Palat. Berneg. unns Humb. a m. pr. et schedae Leod., Di; quae repetitio concinna illeinsio videbatur et nervosa: immo inepta foret. Potius mutare consulto repetitum. Di tamen dedit itcherl. — et illas. Codd. quidam conj. vel nam vos mutastis in illa, vel namque has mutastis in illa.

3. *Adspirate meis*) Adeste, favete; metaphora sumpta a navigantibus quibus vento adspirante opus est. Haec invocatio potum solemniss pro tanto et tam gravi opere. Virg. Aen. lib. IX, 525: Vos, o Calliope, precor, adspirate carenti. LEMIRE. — *Primaque ab origine mundi*. Post Lucret. plerisque fere solemniss in haec re: vid. Clot. Bene et ambitum operis et naturam propriam in limine indicat.

4. *perpetuum*. Codd. nonnulli *continuum*, improbante Burm. Vtrumque eodem redit. Etiam Plin. VII, Epist. 9, 9, *continuum carmen* eodem sensu. Ad naturam operis declarandam delectum est vocabulum *perpetuum*, non interruptum, una serie procurrens: ut apud Cicero. Verr. I, 4, *perpetua oratio*; et Ur. II, 54: *sermonis perpetuitas*. Ergo *perpetuum carmen*, in quo fabulae diuinae in unius corporis speciem coniunctae sunt: a qua virtute laudem insignem Ovidius

meruit. Simili fere modo Horat. I, Od. 7, 6: Athenas carmine perpetuo celebrare, omnes Athenarum laudes iusto ordine persequi. — *Deducite*, inde ab initio usque ad finem mihi scribendi adeste. Ducta est metaphora a luidicio, ubi fila deducuntur per radios, IV, 36. Visatum autem est, scribendi operam cum textura et beneficio comparare. Vid. Born. ad Am. I, 14, 7. Poeta *deducit* argumentum, quoniam id tractat ab initio usque ad finem. Trist. II, 560: *In tua deduxi tempora, Caesar, opera*. Sed nunc modeste translatus ad Deos. — *Ad mea tempora*. Vsque ad aetatem; ad memoriam meam: ad principium scilicet imperantis Augusti. LEMIRE. — Cacterum hoc totum exordium adeo displicbat. Scaligero Poët. lib. VI, p. 362, ut ipse novum substitueret, sed invita Minerva; et gravissimas temeritatis sine poenas dedit tum aliis, tum Capoferreo.

5. *Ante, mare et tellus etc.*) *Creatio mundi*, metamorphosis omnium prima, eademque gravissima. Amplexus autem est poeta, suoque modo exornavit sententiam, quae iam olim fuerat Aegyptiorum. Horum enim inscitis erat, auctore Diogene Laërt. prooem. 8. 10: ἀρχὴν ὅντι τὸν θεόν, ἢ τὰ τίς αὐτῶν ἐκείνων ἢ πᾶσι θεοῖς ὅντι, καὶ τίς τὸν ἀντιστοιχῶν: quam sententiam latius explicat Diodor. Sic. tom. I, pag. 2, ubi iuxta et his nostris, et iis, quae infra vs. 420 sqq. traduntur, quam simillima, nisi quod ibi omnia sine interven- tu et opera Dei, solis naturae legibus perficiuntur. Noster autem multo sanior cum prestantissimis Graeciae

Vnus erat toto Naturae vultus in orbe,

philosophis opificem sapientem adhibet, cuius vi ac unmine singula et segregata, et disposita, et exornata sunt. Duci etiam potuerunt primae huius loci lineae (quae erat Burm. opinio) ex Apollon. Rh. Argon. I, 496, ubi Orpheus eccinisse dicitur, *ὡς γὰρ, αὐτὸν εὐρηκὸς ἦν διδάσκειν τὸ πρῶτον ἐν ἀλλήλοις μετ' ἀνθρώπων περὶ θεῶν ἔχοντο διδάσκειν ἀπὸ τοῦ οὐρανοῦ*, quem locum certe respexit Virg. Ecl. VI, 30 sqq. Korprenio et L. L. Ovidius omni h. l. Anaxagorae placita secutus esse videtur: non adsentior. Anaxagoras tot elementa statuit, quot corporum genera; Noster cum Empedocle quatuor tantum. Tum Anaxagorae Νῦξ non nisi primum motum elementis dat: quo facto vires Naturae reliqua perficiunt; sed h. l. *οὐρανὸν* cuncta absolvit. Sed primum usque ad vs. 20, eadem illam molem describit, ex qua Deus singula evoluerit mandumque creaverit. Erat enim communis veterum philosophorum error, Deum ex materia quadam, subordinata quidem ipsi, aeterna tamen, mundum finxisse; quam materiam Noster, Theogoniarum auctores secutus, atque Orphicos, *Chaos* vocat. Hesiod. Theog. 116: *Πρῶτα γένετο χῆος γῆρας*. Locus satis elegans, si verba quætes, caeterum non exigendus ad physicas rationes, ut monuit etiam Baylius in Diction. — *Ante, mare et tellus*. Hanc lect. Vivianus e suo cod. notaverat. Eandem, quam etiam in uno Medic. exstaret, recepit Heins. servavitque Burm. et ille addit, posse etiam erat in eam mutari. Revocarem ego alteram *Ante mare et terras*, ut longe plurimis auctoritatibus fultum et multo facilius, nisi vidissem, Seidenstickerum in libro *Philologisch-*

pedagogisches Magazin a Wiedeburg. Helms. ed. Vol. I, pag. 3, et Vol. II, pag. 1, atque Leuzium, acriter pro Heins. ratione stare. Vrgent illi hoc, eam esse difficiliorem, adeoque veriore; quamquam Ovidius non impeditura sunt, sed faciliora praefert. Sine dubio lector aliquis, aut librarius, cui loca in notis allata succurrebant, hunc illis similem efficere voluit, mutato *terras* in *tellus*. — *Ante*, aut rerum originem. In principio dixit legislator Iudaicus. *Mare* igitur et reliqua, *unus vultus erat*, dictum foret, ut Aut. Amat. II, 468: *Unaque erant facies sidera, terra, fretum*; et Past. I, 106: *Ignis, aquae, tellus unus aversus erat*, quibus locis nostrum illustrat Heins. et quae expressa videntur ex Eurip. Menelip. fragm. pag. 454, tom. II, edit. Lips., ubi Menelippe ait, se a matre accepisse, *ὡς εὐρηκὸς ἐστι γὰρ τ' ὅτι περὶ πᾶσι*. Verum sic molesta sunt verba *Naturae* et *toto in orbe*. Displecet etiam *ante* sic in principio operis, ubi nihil praecessit ad quod referatur. Vix ergo dubito praeferre alteram lectionem, ab Heinsio duorum codd. auctoritate pulsam, *Ante mare et terras et quod tegit omnia coelum*, antequam mare et reliqua exornarentur, in toto orbe unus vultus Naturae erat. Sic nihil hic impeditum. Non autem poeta, quae erat Seidenstikeri opinio, hic elementorum numerum in ipso limine praecipere voluit, sed mundi partes e vulgari divisione nominare. — Nost. eodd. A. B. habent *Ante mare et terras*. — *quod tegit omnia*, ἐκτεταγμένον τὰ πάντα Graecis diebatur coelum: *coeli amictus* Lucr. VI, 1131.

6. *Vnus vultus*) Una species, una

Quem dixere Chaos, rudis indigestaque moles;
 Nec quidquam, nisi pondus iners; congestaque eodem
 Non bene iunctarum discordia semina rerum.
 Nullus adhuc mundo praebebat lumina Titan;
 Nec nova crescendo reparabat cornua Phoebe;
 Nec circumfuso pendebat in aëre Tellus
 Ponderibus librata suis: nec brachia longo

10

forma, in qua nullae partes *variarum* figurarum discerni possent. Horatius I, 1, 90: *Vultus mutans Proteus*. Claudian. 87, 1: *Quis dedit innumeros uero de marmore vultus?* Et b. l. cum dilectu. — *toto*. Schol. ined. Senecae ad Thyest. 832, legit *primo*, quod non inuentum videtur Burmanno. Immo otiose additum foret; *toto* contra bene respondet *et unus*. — *Naturae*. Parentis et auctoris omnium rerum. Natura enim vis est quaedam qua omnia nascuntur; quam Seneca nihil aliud esse quam Deum sentit. LEMIRE.

8. *iners*) Inutilis, nisi quid inde formatum esset. Sic Virg. Georg. I, 94: *glebae inertes*, inutiles, nisi comminuantur. De informi et inculta mole nolim cum aliis accipere, quia id iam praecessit. Sed quam uos *inertiam* intelligimus, ea vs. 16, 17, describitur. — *semina rerum*, elementa, *eraxia*, unde omnia nata esse creduntur. — *discordia*, invicem pugnantia, vid. vs. 19, 20. Pugnabant autem, quippe *non bene iuncta*, contraria, dissortia, non congrua. Heroid. XIX, 173: *amor et reverentia malae res iunctae*.

9. *discordia*) Heins. conj. *dissortia*. Frustra: *male iunctae* potius sunt *dissortes*. Inde vero oriebatur *discordia* illa, quam Auctor 18—20, persequitur.

10. *Nullus adhuc etc.*) Cavendum

est poëtae, ne in notionibus generalibus subsistat; itaque et Noster copia poetica praecipuas mundi partes enumerat, quae nondum *digestae* fuerint. Sed vide, quam suaviter exornaverit tennia illa, nondum erat sol, nondum luna etc. Pro his partibus nominantur personae mythologicae, quibus hic locus mirifice animatur. Itaque et *Tellus* litera minuscula in initio dedimus. Sol non Phoebeus videtur, sed ex antiquiore mytho *Titan*; natus enim est ex Hyperione, uno ex Titanibus. Hesiod. Th. 371. *Titania astra*. Virg. Aeneid. VI, 725: *Lunam a propria, quam habet, luminum varietate designat*.

12. *circumfuso*) Nam terrae aërem undique circum fluentem subiici Physici demonstrant. Sic Tibull. IV, 1, 151: *circumfuso considit in aëre tellus*. Sic ipse Ovid. Fast. lib. VI, vs. 269, hanc terrae in medio suspensae *leopaeas* luculenter exsequitur: *Terra pilae similis, nullo fulmine nixa, Aëre subiecto tam grave pendet onus*.

LEMIRE.

13. *Ponderibus librata suis*) Oscillans gravitate sua aequilibrio servato, ita suspensa, ut aequalitate ponderum aequilibrium servaret, nec in alterutram partem inclinaret. Loca veterum similia coegesserunt Ciof. et Heins. Koeppen monet, cogitandum esse orbem planum ita impositum axi,

Margine terrarum porrexerat Amphitrite;
 Quaque fuit tellus, illic et pontus et aër:
 Sic erat instabilis tellus, innabilis unda,
 Lucis egens aër; nulli sua forma manebat,
 Obstabatque aliis aliud: quia corpore in uno

15

ut ambae orbis partes aequilibrium servent. Antiquissimi sane poetae putarunt, terram esse orbem planum; sed, quod iam Thales, Anaximander et alii docuerunt, formam ei esse globosam, et Romani constanter crediderunt, iidemque nihilominus eam ponderibus libratae suis dixerunt.

14. *Amphitrite* Noster eod. A. *Amphitrites*. Neptuni uxor, Dea et domina Oceani: *nondum brachia*, aquas suas, *porrexerat*, effuderat, *longo margine*, circa longas oras terrarum.

15. *Quaque fuit tellus etc.*) Olim edeb. *Quaque erat et tellus*. Porphy. ad Horat. III, Od. 4: *Quaque fuit tellus; illic et pontus, ut aër*. Hoc placuit Jac.-o-Cruce, eo quidem sensu, ut post *Quaque* (ubique) *fuit tellus* suspendatur oratio, tam inferatur *illic et pontus* (fuit) ut (ubi) *aër*. MS. Francof. et alii, *Vt qua erat et tellus, illis*. Burm. suadebat: *Vique fuit tellus illic, ubi pontus et aër, Sic erat etc.*; ut similitudo inferatur. Eundem in sensum Heyn. Observ. ad Tibull. IV, 1, 39, mallet: *Vique erat et tellus illic, qua p.* Aut hoc, aut Burm. praefert Koeppen, quia in nostra lectione (quam Heins. ex uno Medic. recepit, et quae non multum aberrat u Porphy.) repetitur, quod iam dictum sit ante. Sed hac redundantia non offendetur, qui comparaverit, quae ad vs. 90, 206, 292, 401, monuimus. — Codd. nostri A. B. *Quaque erat et tellus*. — *Quaque fuit etc.* Vt hactenus

indigestam molem descripsit, sic unus ad verba *congesta* eodem et vs. seq. ad *pondus iners* redit. — *Quaque*, ubicunque. Sed nexa commodus cum antecedentibus desideratur. Vide igitur varr. lect. Forte melius poeta omnem b. I. usque ad vs. 20 omisisset. Non enim erat, cur post superiora lectorem moueret, *instabilem fuisse terram etc.*

18. *Obstabatque etc.*) Pigna autem illa, vs. 18-20, talis est, ut vix in cogitationem cadat. *Instabilis*, si passive accipis, qua insisti, in qua pes figi nequibat, nove quidem et paulo insolentius dictum erit, sed bene conveniet cū *innabilis*. In limoso illo acervo nec pes figi poterat, terra enim subacta erat multis aquis; nec natari, oqua enim terram dissolutam ferebat; nec denique cerni quidquam (*χάσι λεγόμεν*) lucis enim, etc. Verissime igitur erat *pondus iners* ein unauglicher Klumpen. Et multum sibi indulserunt Veteres in usu adiectivorum in *bilis* desinentium: vid Perizon. ad Sanctii Min. I, 15, 4; et Creech. ad Lucret. I, 2. Sin activam vim et hic praeferas, *instabilis tellus* erit, quae nondum firmum et immotum locum tenebat, nondum erat *terra continens*. — *nulli sua forma manebat*, nulli certa et perpetua forma erat; nam veluti fermentatione quadam miscebantur. — *nulli manebat*. Hoc verbum admittit geminum casum, accusat. et dativ.; sed pro *exspecto*, tantum accusat. Virg. Aeneid. IX, 298: non

Frigida pugnabant calidis, humentia siccis,
Mollia cum duris, sine pondere habentia pondus.

26

Hanc Deus et melior litem Natura diremit:
Nam coelo terras et terris abscidit undas,
Et liquidum spisso secrevit ab aëre coelum.
Quae postquam evolvit, caecoque exemit acervo,
Dissociata locis concordia pace ligavit.

25

partum gratia talem Parva manet; et paulo post, 302: *Haec eadem matricque tuae, generique manebant*; et Ciceroni post reditum, ad Senatum: *Id mihi manet*. Graeci pariter utrumque casum admittunt. LEM. — corpore, mole, acervo: *pugnabant*, movebantur intensio quodam motu elementa: *pugnabant calidis*, graeco syntaxis, *πύρρην τῶν*; nisi malis praepositionem cum, quae sequitur, ad hanc quonque referre: *sine pondere* paulo durius, iis quae erant sine pondere, *τὰς ἀνὰ βάρος*, scilicet *τῶν*.

21. *Hanc Deus* etc. Hoc chaos Deus ita tractavit, ut primum elementa separaret, et cuique suum locum assignaret. Ut quodvis erat levius, ita altiore locum occupabat. Ciof. *Fust.* I, 106; V, 11; Claud. *R. P.* 249. — *melior Natura*. Quae sit ex mente poetae, aut quo modo differat a *Deo*, frustra quaeritur. Ipse poeta infra vs. 31, fatetur se nescire. Sufficit vim quandam divinam intelligere. Nempe philosophi disputabant de natura creatoris, quum ab aliis vocaretur Deus, ab aliis animus per omnia fusus; ab aliis mens aut natura ratione praedita: vid. Lactant. *Inst. div.* I, 5, 16 sqq; Cic. *Sen.* 12: *Quum homini siue Naturae, siue quis Deus nihil mente praestabilis dedisset*. Koeppen per *Naturam* e placitis Anaxagorae vires elementorum intell. Sed vid. ad vs. 5. — *litem*,

pugnam fermentationem: *νῆξος ὁλοῦ* Apollon. *Arg.* I, 498. *Litem* dixit variationis causa. Gravius Claudian. d. I. *veterem qua lege tumultum Discrevit Natura parens*.

22. *abscidit* sciunxit. Horat. I, Od. 3, 21: *Deus abscidit Oceano terras*, ubi vid. Bentlei. Cf. Virgil. *Ecl.* VI, 35 sqq.: *Coelum est aether*. Pacuv. in Chrys. *Nostri coelum memorant, Graii perhibent aethera*. Cf. Cic. *N. D.* II, 42. Sed et apud Graecos *αἰθήρ* et *οὐρανός* usurpantur promiscue, vid. Valkenar. *Distrib. in Eurip.*, cap. 6. Vocat *liquidum*, quippe natura tenuiore et purum ab humoribus, aut, ut ipse vs. 68 explicat, nihil terrene facis habens. Opponit *spissum aërem*, graviore pondere et repletum vaporibus et nebula. Cic. I. cit. *concretum aërem* dixit. Cf. cum omni hoc loco XV, 239 sqq.

24. *caeco* in quo nullae partes animadverti discernique poterant. — *Dissociata ligavit*. Trin insunt. Deus *dissociavit elementa locis*, diversa iis loca tribuit, terrae immum, alterum mari, etc.; sed *ligavit dissociata*, ita dissociavit, ut tamen nexus eorum esset. Aether attingit aërem, aër attingit terram etc. Tibull. IV, 1, 20: *Aëri contextus aether*. Hinc *concordia pax*, qua non amplius permixta inter se pugnant. *Dissociare*, ut ap. Horat. I, Od. 3, 22: *Oceanus dissociabilis*, dis-

Ignea convexi vis et sine pondere coeli
 Emicuit, summaque locum sibi legit in arce:
 Proximus est aër illi levitate locoque:
 Densior his tellus, elementaque grandia traxit;
 Et pressa est gravitate sui: circumfluit humor 30
 Ultima possedit, solidumque coërcuit orbem.
 Sic ubi dispositam, quisquis fuit ille Deorum,

socians. — pace. A Claudiano lib. III, 65, *fides et foedus elementis tribuitur*.

26. *Ignea convexi* etc.) Cf. Tibul. IV, 1, 19-23; Claudian. R. P. I, 246 sqq., ubi Proserpina hoc argumentum texit. In *elementorum* seriem hanc primum Naturae actum vocat. — *Ignea vis*, periphrasis ignis ipsius. *Vis*, βῆρ, apud poetas saepe inservit periphrasi. *Ignis* porro *coeli* est aether, qui constat ignea natura (Virg. Ecl. VI, 33, *liquidus ignis*, Tibull. d. I. *ignis aether*) quae eadem est levisissima. — *Convexum*, pro concavum; quem usum Cic. in Arateis vs. 314, primus invenisse videtur Heyn. ad Virg. Aen. IV, 451.

27. *Emicuit*) repente et celeriter prosiluit, quod verbum maxime convenit levitati aetheris. — *summa arx*, altissima mundi ora. — *sibi legit*, tanquam sua sponte fecerit, quod lege naturae fiebat. Etiam ap. Claud. d. I. nonnulli *legit flamma polum*. Cf. XII, 43, ubi eadem verba de Fama. — *legit*, Florent. et tres alii, *fecit*, non improbane Burmanno. Sed vid. not.

29. *elementa grandia*) crassiora corporum stamian attraxit, quae pondere suo deorsum vergebant. — *pressa est*, ut subsideret. Fast. V, 13: *Pondere terra suo subsedit et aequora traxit*; quod sumtum e Tibull. d. I.:

Qualis in immenso desederit aëre tellus.

30. *sui*) Cantab. et viginti alii *sua*. Nempe genitiv. pron. primitivi pr. ponitur, ubi is casus a nomine adfectus aut facultatis pendet, sed deinde et sine tali nomine. Itaque saepe in eo variant libri. — *Circumfluit*, (περίπλυνος) humor, Oceanus.

31. *Ultima possedit*) profundissima occupavit, quia terrae eminent super Oceani superficiem. Aliter Severus Aetu. 1 3, *sors data coelo Prima, secunda maris, deditque infima tellus*. Lenius vero per *ultima* int. marginem orbis terrarum plani, a quo *circumfluit* putat esse Homeric. ἀπὸ πέδιονος, in se ipsum rediens; sed vide ad vs. 12. — *solidum orbem*, terram continentem, quae solidior multo aquis. — *coërcuit*, amplectitur, ambit. Infra XV, 251: *Tellus cogitur unda*. Caeterum huc respexit Lactant. Inst. div. II, 9, 2: *Terram voluit humore circumflui et contineri*.

32-88. *Sic ubi dispositam* etc.) Regius unus *compositam*. — Iam de exornatione et compositione totius mundi exponit. Initium facit a terra et aqua vs. 34-51: progreditur in aërem vs. 52-66: tum de aethere vs. 67-71: postremo de incodis variorum mundi partium, in primis de homine vs. 72-88. — *Sic* — *relegit*. Ordo et sensus horum verborum debet haud dubie

Congeriem secuit, sectamque in membra redegit;
 Principio terram, ne non aequalis ab omni
 Parte foret, magni speciem glomeravit in orbis. 35
 Tum freta diffundi, rabidisque tumescere ventis
 Iussit, et ambitae circumdare litora terrae.
 Addidit et fontes, immensaque stagna lacusque;

esse hic: quum Deus *congeriem* illam, rudem et indigestam molem, *se-*
cuit, divisisset, atque in *membra*,
 distinctas partes, aquam, terram, re-
 degisset 22-23, atque adeo *disponis-*
set, cuique parti suum locum assi-
 gnasset, 25-31. Amant poëtae eius-
 modi transpositiones. Virg. Georg. I,
 319: *Quae... segetum... sublime ex-*
pulsam eruerent, i. e. eruerent et deinde
 in aërem expellerent. Idem vs. 400:
volutos iactare maniplos, iacture ma-
 nipulos sic, ut solvantur. Similiter
 Noster passim. Vide ad vs. 303. Burm.
 tamen praefert alteram lectionem *com-*
positam, ut adeo *composita congeries*
 sit ille κόσμος, scil. mundus philosopho-
 rum. Bene. Sed me offendit hoc,
 quod illa moles nondum aëta non
 poterat κόσμος, aut mundus sensu illo
 philosophico dici. Cie. in Timaeo,
 cap. 31, pag. 1114 Eran: *ut hunc hac*
varietate distinctum bene Graeci κόσ-
μον, nos lucentem mundum nomina-
remus. Etiam Claudian. in Ruf. I, 4,
 b. v. usus est: *dispositi foedera mun-*
di.

33. *secuit, sectamque*) Mirum in
 modum Noster illam repetitionem ad-
 sectavit. Cf. vs. 142, 158, 166, 206,
 et alibi. — *membra*, non satis com-
 mode Rod. *glieder* vertit. *Membra*
 omnino partes distinctae alioquin rei,
 ut *membra carinae, aedificii, philoso-*
phiae. Vide nos ad Plin. II, ep. 17,
 9. Caeterum Anaxagoras, qui et ipse
 docebat, ab initio πάντα γηγῆματα πᾶ-

ρυσμένα fuisse, addebat: Ο Νεὺς δὲ
 αὐτὰ διέψε, καὶ διατέτυπον, καὶ ἐκ
 τῆς ἀταξίας εἰς τὰς τιν ἡγήσατο. Plutar-
 chum vid de Plac. lib. I, cap. 3.

35. *Parte foret etc.*) Omnis hic locus
 plurimum habet suavitatis, a delectu
 in primis verborum. Pro simplici enim
facere aut *fieri* possit verba ea, quae
 vel naturam rei exprimant, vel mo-
 dum adspectabilem, quo facta sit.
Terra glomeratur, freta *diffunduntur*,
 aquae *pulsant* litora, *extenduntur* cam-
 pi, valles *subsidunt*, montes contra
surgunt. — *glomeravit*. Cie. Tim. 15:
Deus mundum ita tornavit, ut nihil
fieri possit rotundius. N. D. II, 39,
terra nutibus suis (pondere) conglom-
bata. — Im ante aquae coercuerant
 orbem; nunc iubentur *diffundi*, latius
 extendi, atque hic illic se insinuare
 in terras, ut sinus et similia effi-
 ciant.

36. *diffundi pro diffudit* Heins. ex
 Vrbm. et Langerm. recepit. Bene; nam
 accedit et Lactant. Inst. II, 3, aucto-
 ritas, atque mollius etiam hoc est al-
 tero. — *Rabidisque* pro *rapidisque* in
 MSS. repertum et Heinsio probatum
 recepit Burm. — Et *rabies* et *insania*
 ventis tribuitur; vide Heins. *rabies*
Notae Hor. I, Od. 3, 14.

37. *ambitae*) quae cingitur a mari.
 Qua ratione *ambitus* medium produ-
 cent, disputatur; vide Burmann. —
Ambitae circumdare a copia poëtica
 dictum.

Fluminaque obliquis cinxit declivia ripis,
 Quae diversa locis partim sorbentur ab ipsa, 40
 In mare perveniunt partim, campoque recepta
 Liberioris aquae, pro ripis litora pulsant.
 Iussit et extendi campos, subsidere valles,
 Fronde tegi silvas, lapidosos surgere montes.
 Vtque duae dextra coelum, totidemque sinistra 45
 Parte secant Zonae, quinta est ardentior illis;
 Sic onus inclusum numero distinxit eodem

39. *cinxit*) Heins. *mallet strinxit*.
Male. — *declivia*, quia e locis altioribus defluunt; *pronus fluvios* alii dicunt. — *obliquus*, eleganter exprimit cursum fluviorum tortuosum. — *cinxit*, inclusit.

40. *Pro diversa locis*, Georg. IV, 367, in pedestri oratione usitatus, *diversis locis*. — *sorbentur*, ut Arethusa. Quidam subeunt terras, sed mox redduntur, ut Lycus in Asia, Erasmus in Argolica: vide Plin. H. N. II, 103.

41. *perveniunt*) Francofurt. *conveniunt*, addita hac glossa, *id est cum aliis fluminibus*. Probat quidem Burmannus, *conveniunt*; sed ego nihil mutandum arbitror. Alios enim fluvios velut intercipit terra, alii usque ad mare perveniunt. *Campus* et *aegror* quaecumque plautiem designant. Hinc utrumque vocab. promissae mox de planitie, agris, mox de superficie aut de fundo musis dicitur. Melius tamen nunc abstinnisset h. voc., quia proxime sequitur *extendi campos*.

42. *Liberioris*) Non inclusae magnatis ripis. *Vaga aqua* a Nostro appellatur Heroid. X, 136. — *pro ripis* etc., merus lusus grammaticus. *Sidere* aut *subsidere* de locis depressis et complanatis. Vud. Gron. Observ.

pag. 726: *surgere* contra (quasi surrigi, sursum agi) de iis, quae excresecunt in altitudinem. Drakenb. ad Silium III, 659: *Frons* honor arborum, vs. 346.

44. *lapidosos*) Gehhard. Crep. I, 6, *spatiosos crescere*. Et ita Palat. sec. At alterum agnoscit Lactant. II, 5, et *surgere* exquisitius quam *crescere*. Etiam *lapidosos* minus vulgare, quam *spatiosos*.

45. *Vtque duae dextra* etc.) Quemadmodum in coelo quinque zonae sunt, duae frigidae, totidem temperatae, una torrida; sic et in terra. In harum descriptione Nostro praeverrant Virgil. Georg. I, 233 sqq., et Tibull. IV, 1, 152-174, qui caeteris copiosior est. Cf. etiam Claud. R. P. I, 257-263. Multo ornatiores Ovidio est Virgilius. Pro eo, quod hic legimus, *est ardentior*, ille dixit: *una corusco Semper sole rubens, et torrida semper ab igni*; et de frigidis non satis habuit *altam nivem* commemorare, sed: *caeruleas glacie concretas atque imbris atris*.

46. *secant*) dividunt: ductum a sphaera, quam secant circuli. *Onus inclusum*, moles terrae, quam includit coelum. — *Cura Dei*, est Deus ipse, sed quatenus curam gerit mun-

Cura Dei; totidemque plagae tellure premuntur :
 Quarum quae media est, non est habitabilis aestu :
 Nix tegit alta duas; totidem inter utramque locavit, 50
 Temperiemque dedit, mixta cum frigore flamina.
 Imminet his aër, qui, quanto est pondere terrae
 Pondus aquae levius, tanto est onerosior igni.
 Illic et nebulas, illic consistere nubes
 Iussit, et humanas motura tonitrua mentes, 55
 Et cum fulminibus facientes frigora ventos.
 His quoque non passim mundi fabricator habendum
 Aëra permisit : vix nunc obsistitur illis,
 Quum sua quisque regant diverso flamina tractu,
 Quin lanient inuidum; tanta est discordia fratrum! 60

di. Fast. I, 37: *Haec igitur vidit tra-*
beati cura Quirini.

48. *tellure*) deest in. *Prenuntur*
 sonantius et exquisitius, quam sunt;
 nam *premi* eleganter dicuntur, quae
 finibus inclusa sunt. Virgil. Georg.
 I, 235: *zonae trahuntur.*

49. *non est habitabilis* etc.) Nempe
 ex opinione Veterum, qui zonas frigi-
 das non minus, quam torridam,
 incolis otlas putabant: vide Lucret.
 V, 205; Virgil. Georg. I, 237 sqq.,
 et Macr. Somn. Scip. II, 5, late de
 hac re disputantem.

50. *utramque*) Revocavi *utramque*,
 quia *utrumque* non nisi duo Levd. ha-
 bent, et unas pro variâ lect. unde ad-
 sumsit Burm. Singularia non admit-
 tenda sunt, nisi codd. consensu id
 exigente.

51. *flamma*) poëtice pro calore.

52. *Imminet*) superimpositus est.
 Et viciniam et altiore situm h. v.
 indicat. — Vulgo, *qui, quanto est pon-*
dere terrae, Pondere aquae levior.
 Sed alterum e cod. pervetusto protu-
 lit Const. Fanens. et *pondus levius*

agnoscunt etiam excerpta Vatican.
 Calandrae, quamquam in his etiam
aqua scribitur, quod argutum vide-
 batur Heinsio. Velustum *igni* ex Me-
 dic. Bonon. et Strozzae accepit Bur-
 mannius.

54. *consistere*) Heins. malit *consi-*
dere. Male. — *consistere*, colligi,
 oriri, *συνίσταται*, aut immo-ari. —
motura. Alias *terrere* Iupiter dicitur
 fulminibus aut tonitru. — *facientes*
frigora, ut apud Virg. Georg. I, 352,
agentes frigora venti.

57. *passim*.) sine ordine et lege, ut
 quisque spiret, unde velit. Vide Bur-
 mannum, ad Quinctiliani Declara-
 IV, 13. — *Habendum*, possidendum,
 vel agilandum: similiter graec. *ἔχειν*.

59. *Quum - tractu*) quum quisque
 ex diversa regione fiat, ut Homer.
 Od. V, 295. — *regant sua flamina*,
 tanquam personae: *lanient*, graviter,
 pro discruciant.

60. *fratrum*) Habiti sunt Astraeci et
 Aurocae filii. Hesiod. Th. 378. Sed
 Noster omni h. l. mythologia negle-
 cta, rerum naturam sequitur; itaque

Eurus ad Auroram, Nabataeaeque regna recessit,
 Persidaeque, et radiis iuga subdita matutinis:
 Vesper, et occiduo quae litora Sole tepescunt,
 Proxima sunt Zephyro: Scythiam septemquetrionem
 Horriſer invaſit Boreas: contraria tellus 63
 Nubibus adſiduis, pluſvioque madescit ab Austro.
 Haec super imposuit liquidum, et gravitate carentem,
 Aethera, nec quidquam terrenae faecis habentem.
 Vix ea limitibus diſſeſperat omnia certis,

hoc nomine communem potius ventorum naturam respexisse videtur. Positum autem est in hoc epiphonemate cum virtute.

61. *Auroram*) Laudat hanc ventorum cardinalium descriptionem Seneca N. Q. V, 16. *Auroram*, Aethiopiam, sedem Aurora, vers. 774. — *Nabataeaeque*. Ita sine h hoc nomen constanter legitur apud Plin. Tac. Strab. — *Nabataens* Strabo lib. XVI, pag. 767, inter Babylonem et Arabiam Felicem collocat, metropolimque eorum nominat Petram. Sic et Plin. H. N. VI, 28-32. Iis praerut rex, qui a Tacito Ann. II, 57, commemoratur. Inde Nabataea regaa. Nunc omnem Arabiam cogitabimus, quae fere commemoratur, ubi Orientis fines designandi sunt. — *Iuga*, haud dubie Emodi, Damasci, et alii montes, quibus India cingitur, Plin. VI, 17-21. — *subdita*. Horat. I, Od. 12, 55: *subiectos orientis orae* Scythas. Nostrum expressit Senec. Th. 482: *Eurus Orientem movet, Nabataeaeque quatiens regna et Eos sinus*. Cf. idem Agam. 477.

63. *Vesper, et occiduo*) Euro contrarius Zephyrus ab occidente flat. **LEX.** — *Litora* dixit, non terrae, quia mare Atlanticum claudit orbem occidentalem. — *tepescunt*, quia Solis

occidentis radii minus violenti sunt; propterea etiam occidentales terrae minorem solis aestum sentire possunt videntur. Ita et Horat. I, Sat. IV, 30: *Sol, quo vespertina tepet regio*. Similiter mox meridionalis terra *mandescere* dicitur, quia Auster inde pluvias agit. Boreae vero violentiae satis accommodatum *invasit*. Manil. *Asper ab axe ruit Boreas*.

64. *Scythiae* nomine Veteres comprehenderunt omnes terras septentrionales incognitas. — *trionem*, non *triones*, praeferebant Florent. Berneg. Vrbis; idque ex antiquo usu loquendi comprobatur Heins.

65. *Horriſer*) Frigora enim, de quibus proprie *horror*, agit Boreas. De origine eius cf. IV Pont. 10, 40. — *contraria tellus*. Meridionalis, Antartica, Septentrionali opposita.

67. *liquidum* — *Aethern*) Purum et ab omni noxio vapore liberatum. **LEX.**

68. *nec quidquam terrae faecis*) ἀργύρεον αἶθρῳ dixit Homer. H. P, 423; nam τρῶς et *jaer*, omne impurum: vid. Gronov. Observat. II, 7, pag. 207.

69. *disseperat*) Heins. e Leodice fragmento antiquissimo dedit; idque verbum est probum; sed a librario imperito, aut dictantem non recte

Quum, quae pressa diu massa latuere sub illa, 70
 Sidera coeperunt toto effervescere coelo.
 Neu regio foret ulla suis animantibus orba,
 Astra tenent coeleste solum, formaeque Deorum:
 Cesserunt nitidis habitandae piscibus undae:
 Terra feras cepit: volucres agitabilis aër. 75
 Sanctius his animal, mentisque capacius altae
 Deerat adhuc, et quod dominari in cetera posset.

percipiente, hoc facile mutari potuit in *disceperat*, quod habent permulti MSS. Id quum ferri non posset, alius correxit *disceperat*, quod et ipsum multos libros occupavit, et defenditur a Gebhardo Crep. I, 6; quamquam parum dignum est maiestate Creatoris. Edd. antiquae, *disceperat*. Gifan. mallet *descriperat*. *Dissepire*, describere, verbum paulo rarius et poeticum. Lucret. I, 998: *aër dissepit coeles*. Senec. Med. 335, forte ex nostro loco: *Bene dissepti foedera mundi*.

71. *effervescere* etiam exquisitius, quam quod alii, ex interpretatione, habent; sidera enim sunt ignes *ferventes*, et *servidus* sol passim occurrit. Leuasio h. v. idem esse videbatur, quod vs. 27, *emicare*, et celerem motum in superiora loca significare. Verum tunc saltem scribendum fuisset *effervescere in coelum*, ut Virg. Georg. lib. I, 471, *effervere in agros*. — *effervescere*. Edd. antiquae *fulgescere*, MSS. plerique, iique meliores *fervescere* (quod primus Asulanus amplexus est) aut *effervescere*. Hoc exquisitius alii in vulgaria illa et obvia *clarescere* et *splendescere* mutarunt.

72. *suis*, sibi propriis.

73. Etiam astra sunt *animantia*, imprimis ex mente Stoicorum: vide Cic. N. D. II, 16 et 21, quosquam

et ex opinione vulgi. Inde *inter sidera referri*, Deum fieri. — *coeleste solum*, coelum tanquam pavimentum, quo insistent: *formae Deorum*, sidera, quae habentur numina: *forma*, *species* et similia inserviunt periphrasi. Infra II, 78: *formae ferarum*; Virg. Aen. VII, 18: *formae luporum*. Cic. N. D. II, 40, sidera dicuntur *formae igneae*. Heroid. X, 95, *simulacra Deorum astro et formae, sicut dii duoiv*.

74. *nitidis*) Pro eleganti *nitidis* Heins. conj. *mutis*, aut *simis*, aut *indis*, quorum primum vulgare, alterum nimis alte repetitum, tertium otiosum est. — *Nitidus* aptum piscium epitheton, propter squamarum laevitatem et luheicitatem. IX, 267, de serpente, *squamaeque nitere recenti*.

75. *agitabilis*) Significanter *agitabilis*. Senec. N. Q. VI, 16: *nihil est tam veranbile et agitatione gaudens, quam aer*.

76. *Sanctius his animal etc.*) Originem hominis describit, ut postulat eius dignitas. Non enim mutum et turpe pecus e terra erepsimus Ovidio, sed *sanctius*, Deo similis, atque adeo reverentia dignum *animal*. — Ergo comparativus pro positivo bene usurpatur: non enim caetera animalia sancta erant. LXX. — *Mens alta*, ratio, quae alta cogitare, cogitando se ad coelum attollere potest. Cic. Mil.

Natus homo est; sive hunc divino semine fecit
 Ille opifex rerum, mundi melioris origo:
 Sive recens tellus, seductaque nuper ab alto
 Aethere, cognati retinebat semina coeli.
 Quam satus Iapeto, mixtam fluvialibus undis,
 Finxit in effigiem moderantum cuncta Deorum;
 Pronaque quum spectent animalia cetera terram,

8: homo sapiens et alta et divina quaedam mente praeditus. Apud Iuvenal. XV, vocatur *divinorum capaces*; qui loc. cum hoc nostro conferendus est. — *altae*. Heins. temere mallet *almae*.

78. *Natus homo est*) Valde fluctuaverunt philosophi veteres in definienda et origine et natura animae: vide Ciceron. Tusc. I, 9, 10. Noster sequitur eos, qui coeleste quidquam et divinum in animis inesse putabant, Cic. Fin. II, 34. Vnde vero divinum illud traxerint, dubium relinquit. *Divino semine*, deest ex.

79. *origo*) Palat. et alii, *melioris imago*, quo Dan. Heins. respici putat ad ideam, quae in Deo fuerit, et ad quam mundus ille melior dispositus sit. Sed unde talis philosophia in hoc carmine? *Sarpe origo et imago* permutata sunt, ut I Past. 65. — *origo*, auctor, creator; vid. lih. V, vs. 262. Tacit. Mor. G. 2: *Celebrant Tuisconem et Mannum originem gentis conditoresque*. — *melioris*, dispositi et exornati. Refertur ad rudem *indigestamque molem*.

81. *cognati*) non terrae, sed animae. Male igitur Lenzina addit: quatuor coelum et terra olim coniuncta fuerunt. Cognationem et domicilium pristinum animae nostrae coelum vocat etiam Cic. Leg. I, 9. Sed omnium optime Hipparchus approbaverat, animam nostram esse partem coeli. Plin. H. N. II, 26; Lucr. II, 990:

Coelesti sumus omnes semine oriundi.

82. *Quam satus Iapeto*) Prometheus, Iapeti filius, habebatur generis humani auctor, haud dubie propterea, quod mores hominum agrestium molliorerat. Alii aliter super eo philosophantur, de quibus exponendi nunc non est locus. Importune autem, meo quidem sensu, *opifici rerum* repente Prometheus socius additur. — *mixtam undis*, ergo ex Iuto creavit hominem; Hor. I, Od. 16, 13; Iuvenal XIV, 35. Hinc homo vocatur *πρόβολς* ἢ *Προβόλος* a Callim. fragm. Benth. 87. Apud Hesiod. Epy. 60, ubi mira hominis compositio narratur, Vulcanus iubetur γαῖαν ὤδῃ φέρειν. Aliter rursus hic mythus ab Horat. I, Od. 16, 13, narratur; aliter etiam ab Hygin. Fab. 142.

83. *in effigiem*) Phocylid. vs. 101, anima vocatur *ἄνθρωπος*. Eurytus Pythag. in libro de Fortuna, censet Deum creasse hominem ἀπὸ τῆς γῆς καὶ ἀπὸ τοῦ αἵματος. Plato Rep. VI, pag. 431, in homine ait esse aliquid *θεοειδὲς καὶ ἀνθρωπίνον*. Fluxit et hoc ab Aegyptiis; Lactant. Inst. VII, 4, 3: *At Hermes non ignoravit, hominem et a Deo, et ad Dei similitudinem factum*. Noster *effigiem Deorum* ponit in corpore humano.

84. *Prona*) ad terram depressa, incurvata. De forma hominis erecta multi veterum. Cf. Cic. N. D. II, 56; Legg. I, 9; Lactant. Inst. Div. II, 1.

Os homini sublime dedit; coelumque tueri
Iussit, et erectos ad sidera tollere vultus.
Sic, modo quae fuerat rudis et sine imagine tellus,
Induit ignotas hominum conversa figuras.

II. AVREA prima sata est aetas, quae, vindice nullo,

85

In ea esse dignitatis et praestantiae
nostrae causam, h. ne docuit Herder.
in libro *Ideea zur Geschichte* etc. P. I,
pag. 172 sqq.

85. *tueri*, intueri, ut X, 389. Virg.
Aen. IV, 451: *caeli conversa tueri*. —
Coelumque tueri. Plerique quidem
MSS. tum Lactant. Inst. II, 1, et
Isidor. XI Etym. 1, habent *coelum*
videre. Sed *tueri*, quod dno Medici
praefertur, quibus addas nonnullos
alios, in quibus *intueri* exstat, quod-
que etiam Scbol. ineditus Prudent. ad
II in Symmach. 260, agnoscit, est ex-
quisitius, atque e Virgil. sumtum.

86. *erectos* *erectos* ad s. Gebhard.
Crep. I, 6, ex Cod. Palat. et tribus
aliis defendit, invita quidem Miserva.
Erectam hominis formam urget poë-
ta. — *ad sidera*, ut corporibus cele-
stibus contemplandis, Dei cognitio-
nem asperere possimus. Haec respexer-
unt alii. Senec. de Otio Sap. 32:
«Nec erexit tantummodo hominem,
sed etiam ad contemplationem foetum,
ut ab ortu sidera in occasum labentis
prosequi posset, et vultum suum cir-
cumferre cum toto, sublime fecit illi
caput». Silius XV, 84: «Nonne vi-
des, hominum ut celsos ad sidera vul-
tus Sustulerit Deus, ac sublimis fin-
xerit ora?». Inde homo Graecis ἀνθρω-
πος dictus.

87. *sine imagine*, informis. Fast. I,
3: *sine imagine neotes*. Imago passim
pro forma, ut III, 1.

88. *Induit conversa*) e copia poë-
tica, accepit.

89-150. *Aurea prima* etc.) Nihilis
locus de aetatibus, in quas priscum,
quod effluxerat inde ab origine mundi,
aeuum describere, quibusque, pro
cuiusque ratione, a metallis nomina
imponere, antiquis poëtis placuit.
Claudian. XXII, 446: *vovio faciem*
distincta metallo Secunda. Quo sine du-
bio nil aliud exprimere volebant,
nisi hoc, genus hominum a statu na-
turali et animi integritate gradatim
delapsum esse ad hanc et vitae ratio-
nem, et vitiositatem. Varro R. R. II,
1: In numero autem harum aetatum,
poëtae, ut sit, inter se dissentiant.
Nam Hesiod. Epy. 109-108, quinque
recenset; Noster, omisso post aeneam
heroica, quatuor; Aratus Phaenom.
100-134, tres; duarum tantum men-
tionem faciunt Virgil. Georg. I, 125
sqq. coll. Aen. VIII, 314 sqq. et Tibul.
I, 3, 35 sqq.; nec poenitebit cum bis
Lactant. Inst. div. V, 5, contulisse.
Erat praeterea in vaticiniis, exacta
haec misera aetate, fore πάλιν γενέσθαι,
h. e. fore, ut inverso ordine secula
illa de novo revolvantur et renoventur:
vid. Virg. Ecl. IV, ibique Heynium,
in primis ad vs. 4. Ovidius Hesiod.
et Virgil. maxime secutus reperitur,
aemulumque habuit Senec. Hipp. vs.
524 sqq. Med. 330; Octav. 397 sqq.
Ferrea aetas secundum Nostrum periiit
Deucalionis diluvio.

89-112. *Aurea prima sata est aetas*)
Status primorum hominum naturalis
describitur, qualis v. e. vita Cyclopum
apud Homer. Od. I, 106 sqq., atque

Sponte sua, sine lege, fidem rectumque colebat. 90
 Poena metusque aberant; nec verba minacia fixo
 Aere legebantur; nec supplex turba timebant
 Iudicis ora sui: sed erant sine iudice tuti.
 Nondum caesa suis, peregrinum ut viseret orbem,

etiam hodie multarum gentium barbararum. Sed accesserunt colores mythici et poetici. Vide super hac re philosophantem Posidonium ap. Senec. Ep. 90. — *aetas*, genus hominum. Cic. N. D. II, 63: *aureum genus*. Virgil. Ecl. IV, *aurea gens*, ex Hesiod. *χρυσῆος γένος*. Virgil. Georg. II, 538, addo *aureus Saturnus*, sub quo aurea aetas. Nempe aurea praestantissima quaeque dicitur. Hoc igitur epitheton quoniam primae aetati datum esset, reliquae deteriores facile suum nomen invenerunt; quamquam *abeneus* et *ferrea* etiam ab armis abeneis et ferreis dici potuerunt. — *iudice nullo*, nemine scelera coercente. Virgil. Aen. VII, 203: *Saturni gentem haud vincolo nec legibus aequam*, *Sponte sua veterisque Dei se more tenentem*. Id autem dum Noster latius tractare voluit, ineptae garrulitatis exemplum dedit. Erant homines sine legibus, non metuebant poenam legum, non legebant leges propositas, erant sine iudice, non metuebant iudicem, sed erant sine iudice tuti. Hoc vero est garrice! Cacterum similiter vetustissimorum hominum mores notat Tacitus, Annal. lib. III, 26.

91. *nec verbis-legebantur*) nondum leges latae erant. Erant ergo *ἀβήγαντες*, ut Cyclopes apud Homer. d. I.: cf. Platon. de Legg. III init., et Arist. Rep. I, 2. Leges vocat (etiam V, 669) *verba minacia*, quia poenas minantur. Haec apud Romanos in aeneis tabulis iustitiae in Capitolio, aut alio loco pu-

blico, *figebantur*, seu affigebantur, unde *figere leges et resigere*, pro *ferre* et abrogare, ut ab omnibus *legerentur*.

92. *legebantur*) *ligebantur* tartur Iuretus ad Symmach. II, ep. 13; probat et Brodacus Miscel. IV, 12, ut ad illum morem respiciatur, quo tabulae legum adfigebantur. At hoc iam inest in *fixo*. Alterum igitur Heinsius ex Excerpt. Vatican. Caland. 3, Mediceo et uno Bonon. praetulit. — *supplex turba*, tant rei, eorumque amici, qui sordidati et moesti causam suam defendunt. — *Simplex turba*, quod cod. Doussae et quinque Heinsii exhibent, Burmannus aptius iudicabat et convenientius integritati aerei saeculi. At si hoc praeferas, maior etiam erit tautologia illa, quam in notis vituperavimus. Male etiam *aetas illa turba* vocaretur.

93. *sine iudice*) Nonnulli ex melioribus *sine iudice*, quod improbat Heins. quia vs. 89, *iudice praecessit*; quae causa nulla est; namque hoc ipso *versu praecedat et iudicis*. — *sine iudice*. Dis dubitavi, utrum *sine iudice*, an *sine iudice* praeferebam. Praetuli tandem postrius: praecessit, non erant iudicia; recte igitur subiicitur, sed erant sine iudice tuti; praesertim quum Ovidius voc. praecedens varie repetere soleat, atque b. I. cum vi repetitum videatur. *Funder*, si quis id maluit, potest et de iudice et de defensore capi.

94. *Nondum caesa suis*) Cf. Virg.

Montibus, in liquidas pinus descenderat undas;
 Nullaque mortales, praeter sua, litora norant.
 Nondum praecipites cingebant oppida fossae:
 Non tuba directi, non aeris cornua flexi,
 Non galeae, non ensis, erant: siue militis usu
 Mollia securae peragebant otia gentes.
 Ipsa quoque immunis, rastroke intacta, nec ullis
 Saucia vomeribus, per se dabat omnia tellus;

95

100

Ecl. IV, 32-38; Tibul. I, 3, 37-40. Navigatio summae aureae aetatis simplicitati et integritati non satis convenire videbatur, partim quia maxime questus causa instituta est, partim quia hominum vitam in ultima pericula couilicet, atque adeo voluntati divinae repugnare credebatur. Prop. III, El. 5, 41 sqq.

95. *pinus*) Lignum resinosum, imprimis apta habebatur navigiis faciendis: cui, sibi ab ipsa natura assignatis: peregrinum orbem, peregrinas terras. Orbis saepe pars oshis terrarum, ut II, 254, 322; Tacit. Ann. II, 2. — *descenderat*. Statius Sil. II, 6, 28: *invitas deiecit in aquora pinus*. — *liquidus*, epith. ornans.

97-100. *Nondum praecipites*) Nondum bella gerebantur. Vivebant *εὐροζωε*, pace fruenter. Hesiod. vs. 120. Tibull. I, 3, 47: *Non aces, non ira fuit, non bella: nec enim Iunio saevius duxerat arte faber*. I, 10, 9: *Non aces, non ullus erat*. — *praecipites*, profundae.

98. *tuba directi aeris*) tuba recta ex aere. Iuvenal II, 117: *recta cantaverat aere*. — *tuba directi* etc. Tuba pedilum, et est directa: lituus equitum incurvus; Horat. I, Carm. 1, 23: *et litus tubae pernixtus sonitus*. LXX.

100. *gentes*) Hirci, appropinquantes. ex uno Gronov. invexit *montes*,

quia homines tum nondum in *gentes* discesserunt, vid. not. 102. — *Gentes* revocavi, quis et Senec. Hippolyt. 527-536, ubi nostrum locum ante oculos habuit, *gentes* et *populos* aureae aetati tribuit. Etiam Virg. Aen. VIII, 325: *Saturus placida populos in pace regebat*. Infra vs. 339, statim post restitutum genus humanum *populi novi* commemorantur. In his pluralis pro singul. — *Securitas* illa ab invasione hostili turbisque domesticis commemoratur ut ab aliis. Sever. in Aetna, vs. 9: *Aurea securi quis nescit secula reges?* Tibull. d. I: *Utroque ferebant Ubrua securis ubera lactis oves*. Eadem et fruebantur pecudes. Idem I, 10, 9. Inde *mollia otia*, pax iucunda. Virg. *placida pax*.

101. *Ipsa quoque immunis*) Nondum agricultura. Hesiod. vers. 118 seqq.: *Κατὰν δ' ἔργον ζωδιστος ἀκούει Λύτοματὰ πολλὰν τι καὶ ἀφρονον*. *Ipsa*, sua sponte, vid. Ernesti Clav. Cic. h. v. mox per se, ut *de iavro*, eodem redit: vid. Curtius ad Sallust. Ing. IX, 62. Etiam Virgil. Georg. II, 10: *Ipsa per se*. — *immunis*, vacua a iniuriis, ἀπαλός. Expressit Homer. Od. II, 109, ubi terra omnia ἀσφαρτα καὶ ἀνέφατα profert. — *rastra*. Virgil. Ecl.: *Non rastros patietur hominis*. — *Rastrum*, ponderosum instrumentum duobus aut quatuor dentibus, *τρο*

Contentique cibus, nullo cogente, creatis,
 Arbuteos foetus, montanaque fraga legebant,
 Cornaque, et in duris haerentia mora rubetis,
 Et quae deciderant patula Iovis arbore glandes.

103

glehae in agris comminuebantur; Virgil. Georg. I, 94, quamquam et sarritioni inservibat, vs. 155.

102. *Saucia vulneribus*) Vivianus e codd. *saucia vulneribus* protulit, idque non bene Heinsio se probavit. Notio *vulnorum* iam inest in voc. *saucia*, et quum praecedat *rastro intacta*, concinnitas membrorum hic quoque instrumenti nomen requirit. Loens II, 287, quem Heins. comparavit, ipse eum impugnat. — *Saucia*. Sulci sunt veluti vulnera, quibus dilaceratur tergo terrae. Latine haec Plin. H. N. II, 63, persequitur, et plura Lacerationis genera luviosae commemorat. Non mirum autem est, agriculturam diu fuisse ignoratam, quippe quae multarum rerum scientiam, magnam curam, multum laboris requirat.

103. *nullo cogente*) Virgil. Georg. I, 128, pari elegantia, *nullo pascente*; quamquam idem et *nullo cogentibus* Georg. II, 40: utriusque verbum non minus eleganter, quam *imperare arvis*, de agricolis dicitur, qui veluti cogunt terram fruges reddere cultoribus: vide Burmanno. Arva vero quum fruges reddunt, dicuntur *parere*, *respondere* etc. Sed *cibi*, qui iam morantur, minime lauti sunt, neque ob eos invidenda aurea aetas.

104. *Arbuteos*) Plurimi *arboreos*, quae duo saepissime confusa sunt. *Arbuteos foetus*, *arbutea*. *Arbutus*, nostris *Erdbeerbaum*, arbor fruticosa, in Italia frequens, poma ferens rubentia (X, 101) fragis similia, et diffecilia concotivum (Plin. XIII, 8),

quibus tenuioris sortis homines vesci solebant: vid. Martin. ad Virgil. I, 148. Etiam Varro R. R. II, 1, et Virgil. d. L. eos foetus in antiquissimorum hominum victu commemorant. Sed *arborei foetus*, quae est altera lectio, forent poma X, 669. Haec vero magis culturam postulant, minusque adeo primo saeculo conveniunt: tribuuntur ei tamen XV, 97; Heins. conj. *roborei foetus*, id est glandes. At de glandibus mox sequitur. Hesiod. Epy. 116, ἀπὸ τοῦ πύκου, quod est, abundante *arbuteis foetibus*: vid. Graevium ad h. l.

105. *haerentia*. Male Burmannus ex Leid. et aliis quibusdam probabat *horrentia*. Arborea ipsae, cumque tam recte dicuntur *horrere*, id est eminere, non item fructus. Regius ex interpretatione, *pendentia*. — *Cornus* (*Cornelbaum*) cuius fructus, *cornea*, lapidei sunt, nec multum carnis habent, quibus adeo Homeri tempore, Od. X, 241, sues pascebantur; nule et a Virgilio Aeneid. III, 649, inter victum infelicem refruantur. — *rubetis*. Asperis et spinosis. Rubetum autem dicitur locus, rubis et spinis consitus. LXX. — *Rubus*, *Brombeerstauden*, mora silvestris fert, quibus et ipsi tenuiores homines vescuntur: Plin. H. N. XVI, 37-71; XXIV, 13-73, *duros rubes* dixit; etiam Noster IV Pust. 4, 4. — Bene *haerere*, ut III, 730, de foliis.

106. *patula*. Accidebat Burmanno e Cod. Heinsii, *larga*, id est benigno victum ministrans. — *patula*, quam mox hic diducunt. — *Iovis arbore*:

Ver erat aeternum, placidique tepentibus auris
 Mulcebant Zephyri natos sine semine flores.
 Mox etiam fruges tellus inarata ferebat;
 Nec renovatus ager gravidis cauebat aristis.
 Flumina iam lactis, iam flumina nectaris ibant;

110

queren, Iovi sacra, uti laurus *Apollini*, *Herculi* populus, *Marti* fraxinea, et *Minervae* olea, etc. LEM. — Ergo queras glandes devorantur primi homines; quae sane fuit vulgaris Veterum opinio. Itaque et in Amburalibus quernam coronam gerebant in huius victus memoriam: Virgil. Georg. I, 350. Sed merito dubitatur, an quernae glandes alimenta praebant humano corpori. Error sine dubio inde ortus est, quod glandis et βάλανος vis latius olim patuit, omnesque fructus echinatos complexa est: vide Dioscor. I, 126, ubi inter alia tradit, castaneas dici Δρύ; βάλανος; conf. Pausaniae Arcad. p. 599 Kuhn. Atque etiam hodie in terris australibus genus quoddam glandiam nascitur, quibus tostis loco castanearum utuntur: vid. Goguet, vom *Vrsprünge der Gesezte* etc. P. I, lib. 2, pag. 57 seqq. Scripsit etiam Leisnerum progr. de Glandivoris.

107. *Ver erat aeternum* etc.) Ex philosophorum sententia, quam suavissime describit Virg. Georg. II, 336 seqq., natales mundi in vernali tempore incidebant, idque tempus duravit per totum seculum aureum. *Ver assiduum* est Virg. Georg. II, 149; *ver longum* Horat. II, Od. 6, 17.

108. *Zephyri*) comites sunt Veris. — *Mulcebant*, leviter agitabant, huc et illuc movebant flores. Fast. I, 61, *ventus nudit summas aristas*. *Tepor* concevit temperie aeris verni. Plin. II, Ep. 17, 3, *tempore verno nitescant*.

Causam illius teporis reddit Lucret. V, 816: *At novitas mundi nec frigora dura ciebat* etc. — *sine semine*, sine cura hominum; Virg. Georg. I, 22: *non ullo semine fruges*. Haec sunt *in iussa gramina*.

109. *Mox*) non temporis accessionem indicat, sed continuatum ordinem, idem quam praeterea. Vide Schwarz. ad Plin. Pan. VIII, 6. Male igitur Lenzius monet, Ovidium hoc posuisse, quia *fruges* serius maturescunt floribus. Neque idem non *renovatus* recte explicat, non *aratus*.

110. *Nec renovatus ager*) Immo *renovatus ager* est novalis, qui alternis annis vacat et novatur. Sensus: Singulis annis sua sponte ager frumenta ferebat, nec erat, cur alternis cessaret. — *cauebat*, exprimit albicantera segetis colorem. Virg. Ecl. IV, 28, non minus venuste, *mollis flavescet campus arista*. Ita *canas aristae* VI, 456. — *gravidis*, plevis granorum, ut III, 665, *Gravidis corymbis*. Caeterum sua sponte olim frumenta nata esse necesse est; vid. Heyn. in Opusc. Acad. tom. I, p. 339 seqq.

111. *Flumina iam lactis*) Sic eloquebantur veteres magnam lactis et vini copiam, qua tempore aetereo vacarum ubera distenta, usque gravidae erant. Omnis enim copia cum *flumine* comparari solet. Virg. Ecl. IV, vs. 21: *Ipsae lacte domum referent distenta capellae* *Pbera*. Add. vs. 29, et Tibull. I, 3, 45. *Ire*, sic etiam II, 456.

Flavaque de viridi stillabant ilice mella.

Postquam, Saturno tenebrosa in Tartara misso,
Sub Iove mundus erat; subiit ARGENTEA proles,
Auro deterior, fulvo pretiosior aere.
Iupiter antiqui contraxit tempora veris;
Perque hiemes, aestusque, et inaequales autumnos,

116

112. *mella stillabant de ilice*) vel quia apes in ilice favos condebant, vel quia folia iligen mel eliquabant, idque tam copiosum, ut in terram deflueret. Vid. Heynius ad Virg. Ecl. IV, 30, et Fabri Historia Munnæ inter Hebraeos, pag. 12-18. Etiam hodie in locis quibusdam Asiae rivos propemodum mellis in silvis reperiunt peregrinantes, ut docent Itineraria. *Viridis* epitheta genus quercuum hieme quoque folia retinens Ovidius indicasse Lenzio videtur. Potius in *flava* et *viridi* imago, sive lusus incesti parum probandus.

113. *Postquam Saturno*) Saturnus, antiquissimus rex Latii, agrestes et sine legibus viventes homines ad meliorem victum et cultum traduxerat: Virg. Aen. VIII, 314-329. Idem apud Graecos fecerat Κρόνος, sub cuius imperio aureum seculum fuisse dicebatur. Itaque Latini hos duo pro una persona habuerunt. Vide Heynii Excurs. ad d. I. *Cromus* cum reliquis Titanibus in Tartara detrusus: Apollod. I, 2. Haec est Titanomachia, antiquissimorum poëtarum carminibus celebrata, unde multa in Gigantomachiam translata. Caeterum in hac argentea aetate nihil Noster a reliquis poetis mutatus est, sed suum ingenium secutus.

114. *Sub Iove*) ὑπὸ Διός, sub imperio Iovis. — *subiit*, successit, secuta est. Quidam *subiitque argentea*,

male; *subiit* cum castigatioribus restituendum, ita sensu postulante. Virg. Aen. VIII, 362: *Alcides subiit: haec illum regia cepit*. Id. Aen. X, 67, ex veterrimis cod.: *Italiam satis petiit auctoribus*. . . Horat. lib. I, Sat. 9, 21: *Quam gravius dorso subiit onus*. Etiam in *adit*, *redit*, *perit*, *abit*, et similibus, in primis in caesura, postrema syllaba producitur, sequens vocali. LXX.

115. *Auro deterior*) ex Hesiod. Epy. 127: πῶλύ χειρότερον χρυσίῳ. *Deterior* ac decolor aetas haec argentea vocatur Aen. VIII, 326. — *Auro* et *aere*, pro aurea et aenea. — *pretiosior*, innocentior, cum respectu ad metalla. Claudian. XXII, 454: *melioris secta metalli*. Argentea candent, et aureis rotuli anni sunt.

116. *antiqui veris*) *aeterni veris*, quod Heins. placebat, sine dubio a vs. 107 migravit in Codic. quosdam. Nunc aptius *antiqui*. — *Iupiter contraxit*, ut apud Virg. Georg. I, 131: *Iupiter mella decussit foliis, rivos currentia vina represit* etc. — *antiqui*, pristini, praeteriti. Virgil. Aeneid. II, 137, *antiqua patria*, de exsule. Noster infra vers. 423, *antiquus alveus*, et sic centies. *Petus patria* dixit Liv. I, 35.

117. *inaequales*) Mox humidos, mox siccos: calidiores interdum, frigidiores rursus. *Incertos tales menses* dixit Virg. Georg. I, 45.

Et breve ver, spatius exegit quatuor annum.
 Tum primum siccis aër fervoribus ustus .
 Canduit; et ventis glacies adstricta pendit. 110
 Tum primum subiere domos: domus antra fuerunt,
 Et densi frutices, et vinetae cortice virgae.
 Semina tum primum longis Cerealia sulcis
 Obruta sunt, pressique iugo gemuere iuveni.
 Tertia post illas successit AENEAE proles, 115
 Saevior ingeniis, et ad horrida promptior arma;

118. *breve*) Cum dilecto, quia antea aeternum. — *exegit*, exigi voluit. *Exigere* autem tempus, est agere, degere, ut centies apud Cic. Virg. Plin. et alios. Sed Burmann. aliter: etnequavit, ut in tentina. Lenzius explicat: Iupiter antiquum ver extendit in quatuor tempestates. Non bene. Non enim *ver*, sed *annum exegisse* dicitur, neque *exigere* extendere significat. — *spatia*, tempora. Suaviter annus vicissitudines describit XV, 201 seqq.

119. *tum primum siccis*) Summum aestum describit. Sed cogitandum est, vixisse postquam sub calidior Italiae coelo.

120. *Canduit*) Candor solis ita opud Chudian. I, 219, et incandescere Virg. Georg. III, 479; Plin. Pan. XXX, 3. Hiemis frigore adstringuntur corpora, vere autem adventante solvantur; vid. Horat. I, Od. 4, 1. *Glacies*, stiris: *adstricta pendit* venuste, pro adstricta est. Etiam III Trist. 10, 21, *pendens glacies*. Sed multa venustius Virgil. Georg. III, 366: *Stirivagae imperis inharuit horrida barba*.

121. *domos*) In Florent. et priore Hamb. *domus*, quo recepto versum gratiorem effici Hicins. putabat. At illa Ovid. repetitio talen similitudi-

nem non requirit; sufficit eandem esse vocem. — *subiere domos*, quum antea in agris et silvis habitassent (A. A. II, 473), ut etiam hodie Californiae incolae. Conf. Fabers. Archaeologiae, tom. I, pag. 9. — *antris* pro aedibus etiam hodie utuntur Arabes multi. Et in aliis calidioribus terris, tecta sibi ponant ex ramis arborum.

122. *cortice*) *cortex*, intelligitur cortex interior, liber: *vinetae cortice virgae*, crutes, e quibus olim sibi paravit homines aedificia: Sen. Ep. 90: *quantulibet virgeam crutem texerunt manu*.

123. *longis*) vim pingendi habet. *Pressi*, onerati. Conf. Virgil. Georg. I, 43; Cic. N. D. II, 63.

125. *Tertia post illas*) In hac actione iusto brevior est, pendetque ob Hesiod. vs. 144 seqq. Erat hoc hominum genus *ἐκ γαλακτὸς θινὸν τι καὶ ὀξύθυρον*, *hastis terribile et validum*, amabat Martis opera, habebatque *χαλκὴν τρύπαν*, *aeneo arma*, quum nigram ferrum nondum inventum esset. Conf. Arat. Phaen. 130. Ergo et nunc *saevior* est ferocior, audacior in bello.

126. *Saevior*) ferocior, audacior in bello. Hesiod. Epy. 145, *arma* invenit hoc genus hominum. Arat. Phaen. 130, in armurum auctorem.

Nec scelerata tamen: de duro est ultima FERRO.

Prolinus irrumpit venae peioris in aevum
Omne nefas; fugere pudor, verumque fidesque;
In quorum subiere locum fraudesque dolique, 130
Insidiaeque, et vis, et amor sceleratus habendi.
Vela dabant ventis, nec adhuc bene noverat illos
Navita; quaeque diu steterant in montibus altis,
Fluctibus ignotis insultavere carinae;

gravissime invehitur. Tibull. I, 3, 47 seqq., *horrida*, *saeva*. — *horrida*. *Horridum* solennae epitheton armorum, proclivius, bellorum, castrorum, Arat. *xxxix* *παύσις* Leniniis vero *horrida* interpretatur horrentia, hastas erectas. Senec. Octav. 408, de hac aetate, *tertium solers genus Novas ad artes arxistis; sanctum tamen*.

127. *de duro est etc.*) Conf. cum omni b. l. Catull. Epithal. Pelei et Thet. *Durities* etsi prima ferri virtus, nunc tamen invidiose dicitur cum respectu ad hominis *duritiem*. Hor. Epod. XVI, 65: *Iupiter ferro duravit secula*.

128. *venae*) *Vena* non, interpreta Lenzio, a corpore humano ad trahent, sed ad animum a metallis translata est, quibus et ipsis *venae* tribuuntur: Heins. ad Silium III, 283. — *venae peioris*. Metalli deterioris. Optima vena auri, si ad mores referas. LEM. — *in aevum*, genus hominum, cuius *vena*, sensus et studia, deterior erat.

129. *pudor*) moderatio in omnibus cupiditatibus insti et aequi causa, virtus princeps. — *verum aut veritas*, quum de moribus et vita hominum sermo est, non in verbis censitur, sed in factis. Etiam Cic. Quinet. 26, *veritatem et pudorem* coniungit. Tacit. Ann. III, 26: *Pro modestia eo*

pudore ambitio et vis incedebat. — *Fero et fide* continetur societas humana.

131. *Insidiaeque*) Langerman. *Insidiaeque*. — *amor habendi*, *πλεονεξία*. Aurel. Vict. Caes. III, *studium habendi*. Phaedr. III, prolog. 21, *cura habendi*, ubi vid. Burm. In his *habere* est possidere. Copiose haec Noster persequitur Fast. I, 195 seqq.

132. *Vela dabant*) Querelas accubas de inventa navigatione habes etiam apud Horat. I, Od. 3, 9-24; Propert. I, 17, 13 seqq.; Plin. H. N. 19, proceri; Senec. Med. vs. 301 seqq., qui et Horat. et Nostrum respexit. — *noverat illos*, scilicet rabiem Noti decertantis horriferae Aquilonibus, ut loquitur Horatius.

133. *quaeque diu etc.*) Haec paulo brevius dicta sunt. Quae diu in montibus, hisque altissimis, steterat urbor, respecta est; ex eoque *carina*, navis, facta. Gronovianum coniect. *alui* repudiaverim: partum quia alui non tam montibus gaudent, quam palustribus locis et ripis (Plin. H. N. XVI, 18); partum quia *altis* non minus quam *diu*, insereit insensu mortalium declarandae. Neque Noster respexisse vid. Virg. Georg. I, 136.

134. *ignotis*) Optimus Medic. *ignaris*, quo voc. Tacitum saepe uti pro *ignotis* monet Heins. Sed Taciti idio-

Communemque prius, ceu lumina Solis et auras, 135
 Cautus humum longo signavit limite mensor.
 Nec tantum segetes alimentaue debita dives
 Poscebatur humus; sed itum est in viscera terrae;
 Quasque recondiderat, Stygiisque admoverat umbris,

tismi non ad Ovidium transferendi.

— *insultare*, contemnim, insultare tanquam aequori victo; ex inepta scilicet Veterum opinione, quasi insolentia sit navigare. Xerxes *oquis insultans* est apud Lucret. III, 1045. Horat. I, Od. 3, 24: *Impiae non tangenda rates transiliunt vada*. Tibull. I, 3, 37: *Nondum caeruleas pinus contemnerat undas*. Claudian. R. P. praef. 11: *nauta vagus exultat pelago*. Sine insolentiae notione, pro insilire, *insultare* legitur apud Tacit. Ann. II, 8: *Batavi dum insultant aquis, artemque natandi contemnant*. Sed quanta commoda redundaverint ad genus humanum e navigatione inventa et exulta, satis notum est. Et tantum abest, ut Deus Oceano interiecto gentium consuetudinem impedire voluerit, ut vel remotissimas terras eo arctius coniunxerit. — *Gro-nov*, et alii plures *exultare*. Acque bene.

135. *Communem*) Conf. Am. III, 8, 35-44. Iustin. XLIII, 1, 3: *Omnia communia et indivisa cunctis fuerunt, veluti unum cunctis patrimonium esset*. Conf. Virg. Georg. I, 126. Explicat Lactant. Inst. V, 5, 7, sic: tam liberales fuisse homines, ut natus sibi fruges non includerent, sed pauperes ad communionem proprii admitterent. — *ceus lumina* etc. Cf. VI, 350: *Τὸν ἕλκος τὸν κοῦρον* et *τὸν ἀίψα τὸν κοῦρον* dixit Menander, pag. 184, 260. — *auras*. Vulgo *aurae*, scilicet sunt.

136. *Cautus*) et anget avaritiam hominum, et diligentiam mensoria declarat. — *longo limite*, ut paulo ante, *longis sulcis*: *signare limite*, dividere agros, limite, signi loco, inter eos relicto. Praeivit Virg. d. I: *nec signare quidem aut partiri limite campum Fae erat*. Variavit hoc Senec. Hipp. 526.

137. *dives humus*) Ζεῦρος ἀπορροα. *Debita* non sunt, ut Leuzius vult, ad vitam sustentandam necessaria, sed, elegantiore sensu, quae terra, cui semina, tanquam depositum, creduntur, hominibus debet.

138. *itum est* etc.) Neapolit., *per viscera*, quod respuendum, quia profunditas magis, quam latitudo metallifodinarum, hic tangitur. — *Ire in viscera*, penetrare in viscera terrae, viscera eius extrahere etiam apud Plin. H. N. 33, 1, s. 1; II, 63, ubi graves de hac re querelas habes. Senec. Octav. vs. 416: *Sed in parentis viscera intravit suae Deterior aetas*; eruit ferrum Grave, aurumque. — *Stygiis umbris*, orco, in quo umbrae sen manes ad Stygiam paludem versantur. Haec Veteres in media terra ponebant; intelligit ergo opes altissimas latentes. Satis lepide Plin. H. N. II, 63, ubi de hac eadem avaritia queritur, *Si ulli essent, inquit, inferi, iam profecto illos avaritiae atque luxuriae cuniculi refodissent*.

139. *Quasque recondiderat* etc.) Sed egregie de genere humano meriti sunt, qui metalla quibus auge caret

Effodiuntur opes, irritamenta malorum. 140
 Iamque nocens ferrum, ferroque nocentius aurum
 Prodierant: prodit bellum, quod pugnat utroque;
 Sanguineaue manu crepitantia concutit arma.
 Vivitur ex raptō: non hospes ab hospite tutus,
 Non socer a genero: fratrum quoque gratia rara est: 145
 Imminet exitio vir coniugis, illa inaritis.
 Lurida terribiles miscent aconita novercae:

vita humana, e terris primi eruerunt, eorumque usum hominibus demonstrarunt; idque ob meritum multi adeo inter Deos relati sunt a grata posteritate. Abusus non tollit usum. Plin. H. N. XXXIV, 14, ferrum vocat optimum pessimumque vitae instrumentum, quod deinde explicat. Neque Natura illas opes tam alte abscondidit: immo in multis terris ditissime anni argentique venae propemodum in superficie terrae expositae patent. Vide Goguet. *vom. Fruitage der Gesetze* etc. I, 2-4. — Cacterum de inventionis metallorum locus elegans est apud Lucretium lib. V, 1240-1295.

141. *nocentius*) Sacram enim famam iniicit mortalibus. — *quod pugnat utroque*, nummis aureis et ferreis armis. Aliter tamen sensit Pyrrhus: vide Cic. Offic. I, 12. Quis non audivit Philippi Macedoniae arma victricis, ἀγρυπῆς λόγχης, et asinum auro onustum: Graecum anro eius, non ferro subactam? LXX. — *bellum pugnat poetice*, pro bellicerantes pugnant. Solebant autem Veteres proelium initari *concutere arma*, hoc est hostis aut pilis scuta pulsare, ut tali strepitu terretrantur hostes. Hinc frequenter crepitus armorum in descriptione pugnarum. Vid. Spauhem. ad Callim. hymn. Del. vs. 126, et

Arnaldum in Specim. Animadvers. pag. 74.

144. *Vivitur ex raptō*) Gravem hanc vitiositatis humanae deplorem Seneca laudat, de Ira II, 8; de Benef. V, 15; N. Q. pag. 911. Locum adumbratus ex Hesiod. vs. 182 seqq. Ὀδὴ πατρὸς παίδεσσι νόμος, οὐδὲ τι πατὴρ, Οὐδὲ ξείνος ξενόδοξον, καὶ ἑταῖρος ἑταῖρον, Οὐδὲ κατέχοντος ὄμιλος ἑστίαν. Nostrum expressit Seneca, Ilipp. vs. 553 seqq. sed non satis feliciter. — *ex raptō*. Alibi *ex omittitur* in hac formula.

145. *gratia*, concordia. — *imminet*, grave verb. cupide instat.

147. *Lurida aconita*) Atra, tristia venena. De aconito, herba veneuata, vid. infra VII, 415. *Luridus* proprio de pallore cadaverum dicitur vid. Broukh. ad Propert. IV, 7, 2. Hinc etiam venena letifera dicuntur *lurida* ab effectu. Ante oculos autem Noster habuit Virg. Georg. II, 128 seqq. ubi *saevae novercae miscent herbas et non iunonia verba*, Claud. XV, 173: *Adhuc ignota novercis Gramina*. Adeo male olim audichant novercae! — Ad exemplar Nostri, et ab effectu veneni, Iuvenalis, de matrona quae viro miscet sitiēte rubetam, dixit, Sat. I, vs. 72: *instituit nigros efferre maritos*, scilicet veneno lurido extinctos. LXX.

Filius ante diem patrios inquit in annos:
 Victa iacet Pietas; et Virgo caede madentes,
 Ultima coelestium, terras Astraera reliquit.

130

III. Neve foret terris securior arduus aether,

148. *inquit in annos*) Valde hic variant MSS. Multi, *incurrit in annos* aut *occurrit*; Berneg. *concurrit*. Vnus, *desiderat*. Menardi, *incurrit honores*. Genev. *irruit*. Hicins. conj. *patrios male digere annos*. Apparet, in Cod. antiquissimo, unde multi ubi descripti, verum lectionem evanuisse. Eam deinde libenter quisque suo modo supplavit. — *inquit* etc. Quærit a Mathematicis, sen Chaldaeis, astrologis, qui ex natalibus futurum prædicebant (Gellius N. A. I, 9) annum, quo pater moriturus sit: *ante diem inquit*, præscire cupit. Silius III, 13: *casus scire futuros Ante diem*. Lenzio hæc impietas, in hac quidem notatione, non satis magna videtur; itaque his verbis subicit hunc sensum: ipse sit auctor mortis præmaturæ patri. Id vero verba significare non possunt. Tacit. Ann. III, 22: *Quæsitum per Chalcidas in domum Caesaris*, ubi Lipsius et suis et Tertull. verbis manet, quam capitale id sit. Varietas tamen lectionis materiam emendandi largum suppeditat. Forte Ovid. scripsit: *irrumpt in annos*. Cic. Lig. 5: *irrumper in fletum*, eum interpellare, abruptum. Tacit. Ann. IV, 67: *irrumper quietem* eodem sensu. Tum *ante diem*, scilicet fato destinatum, ut Art. Amat. III, 739; Virg. Aeneid. IV, 696.

149. *pietas*) Amor consanguineorum mutuus; *vieta iacet*, graviter dictum, expulsa est. Metaphora petita ab hostibus aut gladiatoribus victis.

150. *virgo Astraera*) Iustitia, quæ etiam simpliciter *virgo*, et a *Cæsare*

Germ. *iustissima virgo* dicitur. Relicta terra, Iovis in coelo resedit. — *Ultima coelestium*, erat enim ritium hoc in aucti seculi bonis, ut Dii præcætes homines viscerent. Fast. I, 247.

151-162. *Neve foret* etc.) *Gigantomachia*, quam Noster paucis transmittit, Mesiodus plane uellexit. Quæ Homer. Odys. A, 304-19; Apollon. I, 484; Virg. Georg. I, 280-83; Col. Acn. VI, 580; Apollod. I, 7, 4, Otum et Ephialtem, Aloï filios, statura corporis prodigiosa, parasse, et nisi ab Apolline sagittis confusi essent, perfecturos fuisse scribunt, ea Noster hic, atque Fast. V, 35, a *Gigantibus* factio esse narrat. Verum *Gigantas*, *Γγαντες*, *Terrigenas*, quos Terra, indignos Iovi oh Titonus in Tartarum coniectos, ex Tartaro peperit, et quorum nomina Schol. Hesiod. ad Th. 285, Hygin. præsert. p. 3, habent, potius in Mæcedonia saxa atque accensas arbores in coelum iaculatos esse atque a Coelicolis, Hercule in societatem adscito, interfectos, alii tradunt, ut Eurip. Ion. 206-18; Apollod. I, 6. Itaque Ovid. duos diversos mythos confudit; in quo forte auctores habuit, aut Phærecydem et Acusilaum, qui illa attigerant, aut priscos poetas, qui *Gigantomachias* scripserant. Horat. III, Od. 4, 49-63, mythos illos distinguit. In Claudiani *Gigantomachia*, Gigantes et hos et alios montes iaculantur. Vix dubium autem est, quin Olympus ab Ossa terræ motu revulsus originem fabulæ dederit: Strabo IX, p. 638. Gigantes patrem fuisse

Adfectasse ferunt regnum coeleste Gigantas;
 Atque congestos struxisse ad sidera montes.
 Tum pater omnipotens misso perfregit Olympum
 Fulmine, et excussit subiecto Pelion Ossae.
 Obruta mole sua quum corpora dira iacerent;
 Perfusam multo natorum sanguine Terram

155

videntur homines viribus valentes, feroces et insolentes tam in Deum, quam in homines; quorum ferociam præsea ætas, sub sensus omnia vocans, sic expressit, ut corpora immania, et multa brachia, in quibus sedes ruboris, iis daret, atque montes ab iis ad coelum extractos fingeret. — Nove etc. Sic commodè hæc antecequentibus. — *ardens*, longe remotus a turbis terrenis, atque etiam difficilis adscensa. Fecerunt autem hoc gigantes impulsa matris invidentis coelestis regnum. *Fulmen* Cyclopes Iovi in Titanomachia ministraverant (Apoll. I, 2, 1); eoque pro telis deinde in omnibus pugnatis usus est.

152. *Adfectasse ferunt regnum coeleste Gigantas*) Similiter Fast. III, 439: *Post axes coelum adfectare Gigantas*; et Pont. IV, Ep. 8, 59: *Adfectantes coelestia regna Gigantas*. *Gigantes* quidem mole: quatuor ex antiquioribus *Gigantas*; sic restituendum consuevit hic et alibi. LEM.

155. *subiecto*) Ante Heins. edeb. *subiectum Pelion Ossae*, quod insulsum. Nec melior altera Heins. coniecit. *subiectam Pelio Ossam*. Voss Ambros. pro diversa lectione *subiecto Pelio Ossam*, quod invexit Heins. ut adro Orid. eundem, quem Virg. Georg. I, 280, montium ordinem secutus sit. Sed quoniam non modo apud Hom. atque Propert. II, 1, 19, sed etiam apud nostrum Amor. II,

1, 13, montes illi sic collocantur, ut maximo Olympo minor Ossa, et hæc minimus Pelion impositus sit; propterea vos non dubitavimus amplecti lect. multorum MSS. ex vetustioribus, quam etiam Barth. ad Statii Theb. X, 846, probat, et a qua tantum in syntaxi aberrant secund. Phlat. et unus Berzm. qui habent *subiecta Pelion Ossa*.

156. *corpora dira*) Erant enim immania monstra, quibus mater statuarum ingentem, centenas manus, quinquagena capita, et pro cruribus angues dederat: Fast. V, 35. De forma illa symbolica, vid. Heyn. *Antiquarischen Aufsätzen*, tom. II, pag. 58. — *mole sua*, montibus a se extractis. Senec. Thyest. vs. 1084, hi tres montes vocantur *tergenina moles*.

157. *multo — sanguine*) Heins. ex unum Leid. *aridet merito sanguine*. Immo in *multo causa incallescendi*; et *multus* esse debuit immanium Gigantum cruor. Pro *Terram* unus Heins. *matrem*, quod præfert Burm. ut sic indicetur, Terræ filios fuisse Gigantas. Immo *Terram* natorum eorum originem declarat certam; *matrem* contra eam dubiam reliquit. — Hæc fabulæ pars adiecta propter hominum crudelitatem. *Crudeles sanguine nati* dicebantur: Tibull. I, 2, 9. — *animare*, in animas vertere: IV, 618; XIV, 566. Pro *feræ revocavi mæ*, in quo insulgentia mater-
na incat et causa mutationis. Neque,

Incaluisse ferunt, calidumque animasse cruorem;
 Et, ne nulla suae stirpis monumenta manerent,
 In faciem vertisse hominum: sed et illa propago 160
 Contemtrix Superum, saevaeque avidissima caedis,
 Et violenta fuit: scires e sanguine natos.

IV. Quae pater ut summa vidit Saturnius arce,

si *ferae praecessisset*, subiici potnis-
 set, *sed et illa etc.* In faciem homi-
 num, in homines, aut in formam ho-
 minum, quam Gigantes non habue-
 rant. — Sic dicitur facies maris,
 facies coeli, etc.; adeoque omnis
 externa species et forma, oculis ex-
 posita, facies appellatur. Hinc super-
 facies. LEW.

158. *Incaluisse*) Burm. bene fecit,
 quod vs. seq. pro *imaduisse* ex uno
 Medice. et edit. Aldi dedit *incoluisse*,
 quia Ovid. amat tales repetitiones, et
 quis in calore illo vis gignendi.

159. *stirpis*) Thuan. et unus Vos-
 sian. *ferae stirpis*, quod Heinsius am-
 plexus est.

162. *scires e sanguine natos*) VI,
 22: *Scires a Pallade doctam*. Fast.
 II, 419: *Marte satus scires*. Vide
 Drakenb. ad Sil. V, 279.

163–243. *Lycæon*) Quam impia
 illa e Gigantum sanguine orta proles
 fuerit, commode probatur exemplo
 Lycaonis, regis Arcadiae, qui ipsi
 Iovi, terras visenti, non modo carnes
 humanas apposnerat, sed etiam insi-
 dias struxerat; quam ob impietatem
 in lupum conversus est. Cf. Hygin.
 fab. 176, et Apollod. Biblioth. III,
 8; quo utroque loco filii Lycaonis,
 quod hic traditur periculum, in love
 facere conantur, quoniam ob causam ipsi
 fulminae necantur; pater autem secun-
 dum Hygin. in lupum convertitur,
 secundum Apollod. autem una cum
 filiis concrematur. Cum Apollod. con-

sentit Schol. Lycophr. ad vs. 487.
 Pausan. Arcad. p. 600, tradit, Ly-
 caonem, Pelasgi filium, Cecropi ae-
 qualem, Iovi sacra Lycaea instituisse,
 in iisque infantem sacrificasse,
 eamque ob causam in lupum conver-
 sum esse. Id quod paulo propius ad
 historicam veritatem occedit. Etenim
 etiam marmor Arundel. I, 31, me-
 morat, Lycaonem, Paudioni, Cecro-
 pis filio, aequalem, instituisse Iovi
 sacra, *Avxix* dicta, in quibus homi-
 nes Deo offerrentur. Atque haec sa-
 cra diu mansisse inter Arcadas, ex
 antiquo quodam auctore refert Plin.
 H. N. VIII, 32. Regem iustum fuisse
 eum Suid. in *Avxix* narrat; atque
 etiam ex Pausan. apparet, multa enim
 inter Arcadas ad vitae cultum inve-
 niunt. Fabulum de mutatione in lu-
 pum facile nominis etymon parere
 potuit. De *λυκωσπις* universae He-
 rodot. IV, 105, Plin. d. I. disputant.
 Fabulam in se tennem Ovidius tra-
 ctatione reddidit memorabilem, in
 eaque exornata multum ingenii
 ostendit. Poëta non ipse narrat, quid
 Lycaon commiserit, sed Iovem Diis
 convocatis narrantem inducit: quae
 inventio multa ornamenta peperit.
 Sic enim consecutus Deorum, Iovisque
 moestas describi, atque oratio com-
 mota intexi poterat. — Corlum vo-
 catus *ars mundi, ars coeli, arces*
igneae. Vide Beukh. ad Propert.
 III, 3, 53. In *summa arce* domus Iovis
 fuit II, 306, quae et ipsa *ars* vo-

Ingemit; et, facto nondum vulgata recenti,
 Foeda Lycaoniae referens convivia mensae, 165
 Ingentes animo et dignas Iove concipit iras;
 Conciliumque vocat: tenuit mora nulla vocatos.

Est via sublimis, coelo manifesta sereno,
 Lactea nomen habet; candore notabilis ipso.
 Hac iter est Superis ad magni tecta Tonantis, 170
 Regalemque domum: dextra laevaeque Deorum
 Atria nobilium valvis celebrantur apertis.

catur vs. 673, unde despicit terras.
 Virgil. Aen. I, 223. Apud Homer.
 Iupiter ἐν ἀρκατοῖσι κρηπυῖσι Olympi
 habitat.

165. *Foeda Lycaoniae — mensae*)
Foedus victus de carne humana apud
 Horat. A. P. 392. Φοβὸν ἀγρίαν θη-
 ρῶν vocat Eurip. Hec. 1071. Vt hic
convivia Lycaoniae mensae, sic apud
 Lucan. ex imitatione Nostri *convivia*
Gangmedae mensae, et apud No-
 strum XV, *Thyesteae mensae*, non
 minus illa foeda, quam Lycaonia. —
referens: quibus? Dros postea con-
 vocat. Num poeta dedit *repetens*, si-
 bi in memorium revocans? Plin. III,
 Ep. 5, 16. Rod. omisit in versione,
 — *facin recenti*, ut alibi *re recenti*.
 — *concipi animo* dicuntur, quae
 oriuntur in animo, ut ira, furor.

166. *Ingentes animo*) Palatini et
 alii nonnulli, *Ingentes animos*, *di-*
gnas etc. Placet Dan. Heins. et Burm.
 quin *animi* saepe de ira dicitur, et
 eum ira coniungitur. Melior est vul-
 gata; verbo enim concipere fere sem-
 per additur animo aut mente. Vide
 777; II, 77, 640; X, 352; XV, 6.
 Ita et apud Virgil. et alios.

167. *Conciliumque*) Quum res gra-
 vis agenda esset, Iupiter Deus convo-
 catus (ἀγροῖσι δι' ἀλλήλων) solebat

(Homer. II, Δ, 1; Θ, 2; V, 4 sqq.;
 Virgil. Aeneid. X, 1, et saepe) in
 primis duodecim magnos, qui erant
 Consilarii Iovis, et *Consentes* dice-
 bantur. Scire. Nat. Quaest. II, 41;
 Arnob. c. Gent. III, p. 123. Nunc
 autem etiam reliqui Dii; audiendi
 causa, confluant. Itaque non facile
 discernere licet, utrum *consilium* an
concilium legendum sit; nam *consi-*
lium est consensus deliberantium,
concilium audientium. Vide Ernesti
 Clav. Cic. voc. *consilium*, et Burm.
 ad li. I. — vocare *consilium* aut *con-*
cilium, phrasis sollemnis.

169. *Lactea nomen habet*) De cir-
 culo illo caudido in coelo, quem γα-
 λαῖαν vocarunt Graeci, *lacteam* Lu-
 tini, miri fluxerunt Veteres, ope tu-
 borum opticozum destituti. Vide Ma-
 crob. in Somn. Scip. I, 12, 15; Ma-
 nil. Astron. I, 748.

170. *Tonantis*) Quidam *tecta Ty-*
ranni. Sed vide Burmann. — Sequi-
 tur topographia coeli. *Magnus To-*
nans etiam II, 466. Alibi *altitonans*.
 — *dextra laevaeque* refer, non ad *re-*
galem domum, sed ad *lacteam*. Pro,
 nobiles habitant, notione speciali et
 accommodata ad mores Rom. dixit
atria celebrantur etc.; is enim hono-
 Romae nobilibus haberi solebat.

Plebs habitant diversa locis: a fronte potentes
Coelicolae, clarique suos posuere penates.
Hic locus est, quem, si verbis audacia detur,
Haud timeam magni dixisse Palatia coeli.

175

173. *Plebs*) *Δαίμονες δούλοισι*, id est secundi ordinis: vide *Græv.* ad *Hesiod. Epy.* 141. Ut Romae nobiles et plebei, sic etiam in coelo. Non autem debebat vesti *der Poebel*. Ad *plebem* a *Nostro* in *Ib.* 81, referuntur Fauni, Satyri, Nymphae, Semidei; sed hi mox vs. 192 sq. ab ea distinguuntur; habitant enim in terris. Inter cives romanos nonnulli erant *potentes*, valentes gratis et auctoritate, atque *clari* vel natalibus vel rebus gestis. Vide *Cort.* ad *Sallust. Cat.* 38, 1. Sed hi *Dii potentes* differuntne a *nobilibus*, eorumque *penates* ab illorum atriis? Ea opinio fuit *Rodii*, qui *Iovem* et *Iunonem* hic intelligi monuit. Sed non ita est. Antea *dextram Latonaeque* tantum commemoraverat poeta; iam loca accuratius definit: *Plebs habitant diversa locis*, diversis locis (vs. 40), sed *nobiles* seu *potentes*, a *fronte*, scilicet regalis domus. Adeo insueverat, *penates* de domo dicere, ut poeta nunc etiam ad Deorum ipsorum domos transtulerit: cf. vs. 775. — *ponere domos, condere*; *græce* *στέβει* *οἰκίζω*. — *clarique suos posuere penates*. Hic est aliquid quod a nemine animadversum fuisse demerret, nempe, *potentes* *clarique*; et tamen quis hoc ferat, nisi qui omni sensu carminis careat, et cui res a iudicio male habeat? Alii fortasse melius coniecerint, et mihi satis esse debet errorem aperuisse. Legebat *Tanag.* *Faber Epist.* II, 69: ... *A fronte potentes Coelicolae sibi quisque suos posuere penates*. Si ita sine libris grassari ius fuerit, quid non relin-

gere licebit ad *soom* arbitrium? Et hoc est calumniari Veterum loquendi consuetudinem, qui acceperant epitheta talia geminabant, quae etiam, si arguti esse velimas, inter se differre ostendere liceret. *Clari* enim sunt, vel ab nobiles natales, vel ab res gestas; neque tamen ideo sequitur omnes etiam *claros* esse *potentes*, id est *gratia* et *potentia* flores in aulis, vel civitate: sic ergo recte distingu possunt. *Potentes* ergo *Dii* sunt *Iovis amici*, consilarii; *clari*, qui antiquissimis *Diis* geniti, non vero adscripti et recepti postes in coelum, *dii facti*; ut patres minorum et minorum gentium Romae erant. *Byron*.

175. *si verbis audacia detur*) Adulatio in Augustum, cuius domus in monte Palatino *Palatium* dicta est. Constructa autem erat ex pluribus aedificiis minoribus in unius maximi speciem. Et sic comparari cum eo poterat coelestis illa sedes. Non dixit *haud dubitem*, ut *MSS.* quidam habent, sed reverentius *timeam*. *Aulaciam* suam excusat, non, ut *Lenzius* putabat, ut deteriolem *Iovis* domum palatio Augusti declararet (sordida enim fuisset illa adulatio), sed quis summi Dei domum, quem omni h. l. in maxima maiestate collocat, cum humano et terrens comparat. Eadem comparatio et *III Trist.* 1, 35–38. Iam apud *Homer.* *Odyss.* Δ, 74, *Telemachus* cum *Iovis Olympici* aula componit *Menechi* regiam.

176. *Haud timeam*) Quotum, *haud dubitem*.

Ergo ubi marmoreo Superi sedere recessu,
Celsior ipse loco, sceptroque innixus eburno,
Terrificam capitis concussit terque quaterque
Caesariem, cum qua terram, mare, sidera, movit. 180
Talibus inde modis ora indignantia solvit:
« Non ego pro mundi regno magis auxius illa

177. *recessu*) Iunian. *theatra*. Ma-
neut Heius. et Burin. et alibi talia lo-
ca *theatris* comparari, quia Graeci
in theatris conventus habuerint. —
Ergo. Pasi digressionem revocat le-
ctorem ad sententiam abruptam. h.
l. ad vs. 166. — *recessus* et *accessus*
dicuntur intima nedum conclavia, in
quibus negotia arcana tractari sole-
bant. Vide Schwarz. ad Plin. Paneg.
23, 1. Sic et VII, 670; XIV, 261,
ubi Circe pulchro sedet recessu Subli-
mis solio. — *Celsior ipse loco*. Su-
limior caeteris, ut reges sedere so-
lent, quo facilius conspiciatur audiat-
que ab omnibus. — *sceptroque in-
nixus eburno*. Scepra veterum regum
erant hastilia, aureis aereisve bullis
ornata, e ligno aut eburno; *σκήπτρον*
u. *σκήπτω*. Iunitor, incumbio. LXX. —
Reges olim vel dextra tenebant sce-
ptum erectum, vel ei innitebantur.

179. *Terrificam* — *movit*) Expres-
sum est ex nobilissimo loco Homer.
Iliad. A, 529 sqq.: *Ἀνδρόσται δ' ἄρα*
χαῖται ἐπιβρόσαντο ἄνακτος κρατὸς
ἀπ' ἐλάνθων μέγαν δ' ἐδάλαζον Ὀλύμπου. Ibi Olympum tantum movet,
quia nil nisi annuit capite: sed hic
graviter indignans ita caput concutit,
ut terra, mare, sidera tremant: quem-
quam apud Catul. LXIII, 263, natus
eandem vim habet: *Tellus atque hor-
rida contremuerunt Aequeora, concu-
sitque micantia sidera mundus*. Haec
loca sublimitatis laudem merentur,

feruntque animum, licet Noster vim
illum, *adlecto terque quaterque*, fige-
rit. Magnificam autem illam sen-
tentiam transtulit et ad alios VIII,
780, ad Creecem; II ex Pont. 2, 65,
ad Augustum adro, quum *vultus re-
miserit illos, Qui secum terras impu-
runtque movent*. Hic *moveat*, est re-
gunt; sed nostro loco *movit*, treme-
fecit, ut Horat. III, Od. 1, 8, *Impi-
ter cuncta supercilio movens*. *Concu-
sio* signum indignationis, ut II, 849,
cum qua, qua continua. Neta autem
gravem sonum, qua cuncta h. l. verba
incedunt, quo etiam *syndeton* in
terram etc. multum confert.

182. *Non ego pro mundi etc.*) Quam
sequitur oratio, et iram spirat, et gra-
vitati Iovis convenit. Miestati Iovis
conveniunt illa, quae de regno mun-
di, de iunioribus sceleribus, de novis
iucolis terrae dandis, de imperio suo
in Oras, loquuntur. Indignitatem rei
commode per comparationem cum
Gigantium conatu (quem lector modo
cognovit) ostendit; erat enim hoc,
crimen laesae maiestatis divinae. Ut
autem ille conatus iustum ministraret
mensuram, gravissimis ann verbis
describit. — *ansum* illum animum
commemorat etiam Hor. III, Od. 4,
49: *turba Gigantum magnam terro-
rem intulerat, fidens brachiis*. Itaque
et hic formula *brachia iniicere* cum
delectu adhibita.

Tempestate fui, qua centum quisque parabant
 Iniicere anguipedum captivo brachia coelo.
 Nam, quamquam ferus hostis erat, tamen illud ab uno
 Corpore, et ex una pendebat origine bellum. 183
 Nunc mihi, qua totum Nereus circumtonat orbem,
 Perdendum mortale genus: per flumina iuro
 Infera, sub terras Stygio labentia luco,
 Cuncta prius tentata: sed inmedicabile vulnus 190
 Ense recidendum, ne pars sincera trahatur.

183. *qua centum — brachia etc.*) Centum manus. Unde et gigantes *centimani* a centum manibus vocantur. Alludere autem poeta videtur ad Briareum gigantem et Cottum et Gygen illius fratres, quos Hesiod. in Theogonia singulos centum manus habuisse ait. LEM. — *anguipedes*, ἀγκυρόποδες. Trist. IV, 7, 17, *serpentipedes*. — *captivo*, quod capere conabantur; IX, 133, *rapta*, quam Nessus rapere iurabat: XIII, 126, *capta Troia*: Claud. 28, 243, *captiva pignora*, liberi inclusi et mox venturi in hostium potestatem. Incipit *magis anxius*, ne qui debebat, *quam nunc*; sed hoc iratus omisit.

185. *ferus hostis*) ἄγριοι Ἴσθιοι vocantur gigantes: *feri gigantes*, Sen. Oedip. 90. — *ab uno corpore*. Erat una cohors, quae coniunctis viribus Superis bellum inferebat.

187. *circumtonat*) Plurimi *circumtonat*; quod et ipsum de mari dicitur: Leid. Palat. Beron. *ocatus circumfluit* ex glossa. — *qua — orbem*, Quam late Oceanus terram ambit, quam late terra patet: cf. Heroid. IX, 14; Faust. V, 85. — *Nereus*, Deus marinus, unus ex antiquissimis: Hesiod. Theog. 233. *Circumtonare* bene de strepitu undarum; mare enim est πάλυλαστόν. Vth. L. *Nereus circum-*

tonans, sic Hesiod. Theogon. 442, ἐπικτυσας Neptunus: et apud Homer. b. Merc. 187, Neptunus ἐπὶ πρύμνοισιν.

188. Vnum Stygia circumloquitur. *Labentia* dixit, quia labi solenne de fluviis, quamquam pro celerem eorum decursum exprimit, qui non convenit Stygi, pigrae paludi. — *sub terras*. Forte *sub terris*: vide Varr. lect. — *inmedicabile* etc. Talis sententia vim argumenti habet. — *vulnus*, membrum vulnere morbidum: XV, 93, *vulnera mandere*, carnes bestiarum vulneratarum. — *ensis*, ferrum medicorum. Grave hoc vocabulum ira suppeditavit. Etiam Rutil. Itin. I, 311, dixit, notante Burn. *ense recidere malum*. — *sincera*, integra, ut XII, 99; contra Virg. Georg. IV, 284, *eruo insanoerus*, corruptus putredine. Integra autem pars sunt Fanni et reliqua nomina in terris; humanum enim genus omne perdendum erat. — *trahatur*, a vitiosa parte inficitur: II, 826.

189. *sub terras*) Leid. et Gronov. *sub terris*. Argent. et alter Leid. *sub terra*.

190. *tentata*, pro *tentanda*, ex uno sanorum revocavit Heins., atque ita et Barth. voluerat. Mox Burn. placebat ex Vaticanis Excerptis *inmedicabile membrum*, quia sic Cic. VIII Philip. 11, 5, et quia *vulnus* h. l. durum.

Sunt mihi Semidei; sunt rustica numina, Nymphae,
 Faunique, Satyrique, et monticolae Silvani:
 Quos quoniam coeli nondum dignamur honore,
 Quas dedimus, certe terras habitare sinamus. 195
 An satis, o Superi, tutos fore creditis illos,
 Quum mihi, qui fulmen, qui vos habeoque regoque,
 Struxerit insidias, notus feritate Lycaon? »
 Confremuere omnes, studiisque ardentibus ausum
 Talia deposcunt: sic, quum manus impia saevit 200
 Sanguine Caesareo Romanum exstinguere nomen,

192. *Semidei*) *ἡμίθεοι*, dicantur etiam *heroes*, et erant infima dignitate; inferiores etiam numinibus rusticis: vide Cuper. *Observ.* III, 16. De *Nymphis* per terram habitantibus, vide Hesiod. *Theog.* 129, 364. *Satyri* inventam Graecorum. *Fauni* in Italia originem habent, postquam *Paeonius*, Pici filius, quartus Italiae rex, ob merita in rem rusticam inter Deos relatus erat. Illis triebantur pedes caprini, his non. Saepe vero haec numinum genera confunduntur. Vide omnino Heyn. in libro *Antiquariische Aufsätze*, tom. II, pag. 53 sqq., et in *Excurs.* V ad *Aen.* VIII, pag. 125. *Silvanus* alibi non nisi nomen, etiam XIV, 637, in simili catalogo. — *habitare*, nempe tuto.

197. *qui fulmen etc.*) Sine causa Heins. malebat, cui *fulmen*. — Se describit Deum summum. *Fulmen*, insigne summi imperii. *Habere*, ut graece *ἔχειν*, in potestate sua habere. Refertur igitur et ad fulmen et ad Deos potest.

199. *Confremuere omnes etc.*) Hic commode abruptum orationem lovis, et sensus reliquorum Deorum interponit. Etenim haec interpellatio et maiestati lovis et indignitati secleris

admissi augendae inservit. Vix audiunt Di insidias lovi structas, quum omnes commoventur. *Confremuere* de vocibus promiscue concitatae multitudinis. — *studium*, impetus animi, quo aliquid vel aversamur, vel appetimus. — *deposcunt*, scilicet ad supplicium: quo sensu praeferebat *deposcere*: *Drakeb.* ad *Sil.* III, 202.

200. *manus impia*) Sexaginta illi, qui C. Cassio, M. et D. Brutis principibus conspiraverant contra vitam Caesaris: Sueton. *Caes.* 80. Solemne erat Romanis, Caesarem cum Iove atque imperium romanum cum regno Deorum comparare: *XV*, 858–60; *Fast.* II, 130; *Horat.* I, *Od.* 12, 49–60; III, *Od.* 5, 1–5. Hinc et haec comparatio fluxit, in qua verba beue delicta, *impia*: *Virg. Georg.* I, 468, ob idem facinus *impia secunda*. — *saevit exstinguere*, videt sacrificia exstinguendi. *Horat.* I, *Od.* 15, 27, *furit te reperire*. — *nomen romanum*, imperium romanum, ut saepe. Augel autem poeta rem in adulterium Augusti, quasi Caesare interfecto metuendum fuerit, ne totum imperium romanum everteretur.

201. *exstinguere nomen*) *Barthol.* *Adv.* 58, 10, mallet *exstinguere me-*

OVID. *Op.* Tom. III

G

Attonitum tantae subito terrore ruinae
 Humanum genus est; totusque perhorruit orbis.
 Nec tibi grata minus pietas, Auguste, tuorum,
 Quam fuit illa Iovi. Qui postquam voce manumque 205
 Murmura compressit; tenere silentia cuncti.
 Substitit ut clamor, pressus gravitate regentis,
 Iupiter hoc iterum sermone silentia rumpit:
 « Ille quidem poenas, curam hanc dimittite, solvit;
 Quod tamen admissum, quae sit vindicta, docebo. 210
 Contigerat nostras infamia temporis aures:
 Quam cupiens falsam, summo delabor Olympo,
 Et Deus humana lustrò sub imagine terras.

men. Temere. Aequè infelicitèr Burman. conj. *lumen*; propter *extinguere*.

201. *tantas subito*) *tantas subito* Burm. ex MSS. dedit pro *tanto subito*, quod plane eodem redit. — *ruinae*, *Ruinam* Lentius int. nominis romani. Potest et ad Caesarem referri; dicitur enim non minus de hominum magnorum, quam rerum interitum. Horat. II, Od. 17, 8, de suo et Mæcenatis morte instante, *ille dies utramque ducet ruinam*. — *tuorum*, populi romani Caesaris necem vindicantis. Caeterum *Rodius manum impium* vertit *eine gottlose Faust*, monetque intelligi conspirationem contra vitam Augusti, quod et alii olim putarunt.

203. *Humanum genus et totum orbem* nominat, quia omnes fere gentes parebant imperio romano, et sic ad omnes pertinebat Caesaris interitus.

205. *Qui postquam voce etc.*) Inest in his verbis aliquid tautologiae; et varie olim lecta sunt: vide Varr. lect.

206. *Murmura compressit*) Longius aberrat unus Regius, in quo *lucres*

puit subito, et Regius alter cum Argemtor. *terrui adstantes*. In Voss. alius post hunc versum insertus, *signa dedit, subito tenere silentia cuncti*.

207. *pressus*) idem quam *compressus*. Interdum auctor post compositum repetit verbum simplex: vs. 158, *incaluisse, calidumque*.

209. *dimittite*) *Dimittimus* ea, quae eicimus ex animo, quorum obliuiscimur. — *tempus*, perversitas hominum huius temporis. Apud Apollod. filiorum Lyncæonis impietas movet Iovem, ut in terram delabatur. Sed Noster, qui Dencalionis diluvium cum hoc mytho coniungere voluit, latiore impietatem commemoravit. — *delabi* solenne de descensu Deorum in terras. — *lustrare*, obire circumspiciendi causa: XII, 527. — *sub imagine*, *adsumi* forma: II, 805. Mercenarii formam Apollod. memorat. — *minor* vero. Malora namque scelera et plura ab Iove deprehensa fuere, quam ferebantur.

210. *Quod tamen admissum*) Heinshus malit *Cui tamen admissum*. Male. Duo Iupiter docere vult, quales ad-

Longa mora est, quantum noxae sit ubique repertum,
Enumerare: minor fuit ipsa infamia vero.

215

Maenala transieram, latebris horrenda ferarum,

Et cum Cyllene gelidi pineta Lycæi.

Arcados hinc sedes et inhospita tecta tyranni

Ingredior, traherent quum sera crepuscula noctem.

Signa dedi venisse Deum; vulgusque precari

220

Cooperat: irridet primo pia vota Lycaon.

Mox, ait, experiar, Deus hic, discrimine aperto,

An sit mortalis; nec erit dubitabile verum.

Nocte gravem somno nec opina perdere morte

missum et qualis poena. Spurnenda igitur et Gron. conj. Quo tamen admissio.

215. (ipæ) Heins. putabat præstare ipso. Burn. improbat.

216. *Maenala transieram*) Montium horum nomina commemorare voluit, quia illi in Arcadia celeberrimi. *Maenala* pinibus abundabat, et plenus erat lyncem, ursorum, aprorum, aliarumque ferarum: Virg. Ecl. X, 14, 15; vid. Spanhem. ad Callim. b. Dian. 89. Neque tamen illud *latebris horrenda ferarum* nunc ad res pertinebat. *Lycæus*, pinifer et ipse; nam pinus frequens in Arcadia arbor. *Gelidus* frequens montium epitheton, partim ob altitudinem, partim ob urborem umbram. — *Lycæi*. Montis Arcadiæ, cuius regem proleptice nuncupat poeta Arcada, quum Arcadia postea dicta sit ab Arcade filio Callistæ, quæ filia erat Lycæonis. LAM. — *Et cum Cyllene*, mons Arcadiæ Mercurio dictus; unde etiam Cyllenius appellatur. LAM.

217. *Cyllene*) Heins. vel inivitis libris omnibus scribendum censeat *Cyllene*, quia est græc. Κυλλήνη. Bene.

218. *Arcados — tyranni*) per prolepsin dictum, ut innumera alia in hoc carmine. *Arcadia* enim serius ab Arcade, Lycæonis nepote, nomen accepit: Hygin. fab. 176. Idem, quo loco pater poenæ adfectus, Trapezuntæ oppidum condidit: Hygin. dicto loco et fab. 275. — *sedes* vel idem quod *tecta*, vel vicus; iustitiam enim habitabant Arcades. — *inhospita*, hospites enim uictu trucidare consuevit, quod summum nefas: Horat. II, Od. 7, 7. Contra *hospita tellus* ubi hospites benigne tractantur, infra III, 637. Alias *inhospita* loca, ubi verno habitat, neque adeo cuiquam hospitium præbatur: Virg. Aen. IV, 41; Horat. I, Od. 26, 6.

219. *traherent quum sera*) Quum nox iam ingrueret. Ornate poëtæ plerumque tempus designant; sed Noster maluit suaviter, eleganter verbo traherent posito.

221. *vota*) Preces. — *dubitabile*, dubium; vox, ut videtur, ab ipso Ovidio signata, ut aliae multæ: occurrit et XIII, 21. — *gravem somno*, gravi somno oppressum, *ἄλγος ὕπνου*.

224. *perdere*) Heins. mallet prode-

Me parat: haec illi placet experientia veri. 225
 Nec contentus eo, missi de gente Molossa
 Obsidis unius iugulum mucrone resolvit:
 Atque ita semineces partim ferventibus artus
 Mollit aquis, partim subiecto torruit igni.
 Quos simul imposuit mensis; ego vindice flamma 230
 In domino dignos everti tecta Penates.
 Territus ille fugit; nactusque silentia ruris
 Exululat, frustra loqui conatur: ab ipso

re. Illud est gravius et hoc loco accommodatius.

225. Pro veri Medic. rerum, quod placet Heins. qui non sensit, voluisse Nostrum invidiose repetere ipsa Lycaonis verba. Ille autem dixerat *Experiar*, nec verum erit dub. Idem vs. seq. pro *missi* malit *Amici* aut *Nisi*, quis in Palat. amici; in aliis quibusdam *Misi*.

226. *Molossi*) in Epiro, apud quos Dodouaci Iovis templum: Plin. H. N. IV, 1. Haec de obside Molosso Ovid. ut videtur, de suo addidit, sed contra fidem. Nam, ut mittam illos a Molosso demum, Neoptolemi filio, nominatos esse, quis credat, quod iam Burn. monuit, illa aetate tam longinqua bella esse gesta? Apollod. narrat, fuisse *Ἰὼν τῶν ἐκρυπίων παίδων*, cuius carnes Iovi apposuerit tyrannus, alii rursus Nyctimum nominant, ipsius Lycaonis filium, aut Arcada nepotem: vide Munker. ad Hygin. fab. 176.

228. *Atque ita*) quo facto, postea, ut 377; III, 22 et passim. — *semineces*, palpitantes adhuc: *Trementia frustra* dixit Virg. Aen. I, 212. Carnibus aquis *mollitis* s. elixis post heroicum degenu tempus homines vesci coeperunt, quum antea *tostis* duntaxat uterentur.

230. *Quos simul imposuit mensis*) Hoc Hyginus, lib. II, tit. Arctophylax, refert de Arcade Callistoni filio, caeso a Lycaone; verum idem in fab. 176, narrat Lycaonis filios Iovem tentaturos, Deum ne esset, carnem humanam cum alia mistam ei in epulo opposuisse: quod itidem tradit Apollodorus lib. III; Natal. Comes lib. IX, cap. 9, scribit Lycaonem in lupum versum, quod in ara Iovis Lycaei, infante necato, humanum sanguinem libaverat. Boccattius refert Lycaonem obsidem a Molosso devictis sibi datum, eorumdem legatis repentibus edendum apposuisse. Aliter Clemens Alex. Admonit. ad gentes. Aliter Pausanias in Atticis, LEM.

231. Sic iam Ciofan. ex uno suo edidit. Ita et Mureti Excerpta, approbantibus Barth. Adv. 31, 3, Gronov. Observ. III, 19. Sed librarius praepos. in decepit, ut darent *dominum*, hinc etiam *dignosque*. — *in domino dignos* etc. Ordo verborum est hic: *Everti tecta in penates dignos domino*, everti tecta et conici in penates aequae improbos ac dominus. Transmoveri ita praepositiones a poetis, docet Gronov. Obs. III, 19. — *vindex flamma*, fulmen, quo ulcisci Iupiter scelera solet.

233. *Frustra loqui conatur*) Etiam

Colligit os rabiem, solitaeque cupidine caedis
 Vertitur in pecudes: et nunc quoque sanguine gaudet. 235
 In villos abeunt vestes, in crura lacerti
 Fit lupus, et veteris servat vestigia formae;
 Canities eadem est, eadem violentia vultu;
 Idem oculi lucent, eadem feritatis inago.
 Occidit una domus: sed non domus una perire 240
 Digna fuit; qua terra patet, fera regnat Erinys.
 In facinus iurasse putes: dent ocios omnes,
 Quas meruere pati (sic stat sententia) poenas.
 Dicta Iovis pars voce probant, stimulosque furenti

in aliâ transformatis studium tentandi loquelam manet, 637; II, 483; III, 201, 229 seqq. — *Exululat*. Valde ululat. LEM. — *ab ipso colligit* etc. Quia, inquit, loqui non poterat, in rabiem actus est, quam ab hominibus in pecudes transtulit. LEM. — *rabies ventris*, *ὀστέα*, propria est luporum: vide Burm. ad Phaedr. I, fab. 3. Ea nunc non aliunde arcescenda erat, sed ab, ex ipso Lycaone colligitur, et *ori*, faucibus, inditur, unde lupo *improba ferox* tribuitur Phaedr. dicto loco. Antea homines interfecerat, nunc rabiem suam *vertit*, transfert, in *pecudes* et oves inprimis, quae proprie *pecudes*, unde *lantro*, *raptor* et *ῥαπτογόνος* dicitur.

234. *caedis*) Probat Burmann. ex plurimis *praedae*. Illud gravius et ad facinus Lycaonis modo et tentatum et admissum accommodatus. Mox Heins. ex multis recte *vertitur* recipit, quum *utitur*, a Ciofano defensus, vulgaretur. — *cupidine vertitur* pro vulgari, cupidinem vertit. Hoc plus est, quam, quod alii habent, *utitur*; indicat enim, eum iam ante crudelem fuisse. Ita *verti* et V, 121; VIII, 768; XI, 23.

237. *servat illa vestigia*, ut nilotem Daphne, vs. 552, speciem candidam lo, vs. 612. — *Canities* proprie non nisi hominibus et equis tribuitur: Plin. H. N. XI, 37. Sed h. l. intelligitur color cinereus, quæ refertur villi lupini. Hinc πολυὶ δόκω, ut apud Homer. Iliad. K, 334, ubi Schol. πολυὶς interpretatur τετράδης, id est cinereus. — *oculi lupi* etiam in tenebris *lucent*.

238. *vultu*) Erford. nterque, sec. Palat. et Leid. unus, *vultus*, quod rectius indicat Heinsius.

241. *fera regnat Erinys*) Homines furunt impietate. Furie enim homines in furorem et in scelera commpellunt. *Erinys* ἀπὸ τοῦ ἐπεινύειν, ab irascendo, dicta: Pausan. VIII, pag. 649. — *fera regnat Erinys*. Plena sunt omnia scelerum. De Erinybus fuse Natalis, lib. III, cap. 10. Eadem sunt *Furiae*, *Eumenides*, *Erinnyes*. LEM.

243. *stat sententia*) certo decretum est. Apud Virg. Aen. I, 582, eodem tropo, *urgit sententia*.

244. *furenti*) Multi *frementi*. Et sæpe haec duo confus: sunt a librariis, quippe similia et scriptura et vi.

Adiiciunt; alii partes adsensibus implent.

243

Est tamen humani generis iactura dolori

Omnibus: et, quae sit terrae, mortalibus orbae,

Forma futura, rogant: quis sit laturus in aras

Tura? ferisne paret populandas tradere terras?

Talia quaerentes (sibi enim fore cetera curae)

250

Rex Superum trepidare vetat, sobolemque priori

Dissimilem populo promittit origine mira.

V. Iamque erat in totas sparsurus fulmina terras;

Florenti cum Gebhardo Crep. I, 12, Burmann. praetulit, maxime, quia Gunther. II. Ligur. 270, ubi h. l. imitatur, ita legit. Ibi enim: *iramque florenti* Adiiciunt, stimulosque graves. — *Pars* — alii, etiam solutas orationis scriptores amant: vide Cort. ad Sallust. Catil. II, 1. — voce, oratione; alii contra orationem habentibus assentiuntur, ut fieri solebat in senatu romano, ubi triplex assentiendi modus, verbis, nutu et sublata manu, pedibus: vide Cort. ad Sallust. Catil. L, 4. — *Stimulos adicere*, magis etiam irritare, metaphora a bubus ducta. *Florent* et *furor* proprie de iratis: vide Burm. Sed nec illa irritatio, nec formula, qua expressa est, satis digna videtur Iovis maiestate. — *partes implent*, addunt se partibus eius ad sensu suo. Sed, ut fit, restat scrupulus, quem sibi eximendum Iovi proponunt. — *Est tamen humani generis iactura*. Scribit Plato omnia hominum causa procreata; homines propter Deos, ut hi cognoscantur, ab eis implorentur et colantur. LEM.

248. *quis sit laturus* etc.) Priscis temporibus tura nondum adhibebantur in sacris, quippe ignota, sed eorum loco *far*: vid. Plin. II. N. XIII, 1; Arnob. c. Gentes, lib. VII, p. 231

sq. Itaque Ovidius h. l. ut saepe, ex more suae aetatis locutus est. Phrases solennes sunt *dare* et *ferre* *tus*: vid. Brissou. de Form. I, p. 25.

249. *terras*) *Gentes* pro *terras* ex 4 MSS. dedit Burm. Proba verat et Zinzerling. Promuls. cap. 51. — *Revocavi terras*; non enim hic, ut Burm. putabat, de poena sermo est, qua *paret* i. e. velis humanum genus perdere; sed, quae forma *terras* futura sit, quæritur, deletis hominibus. — *trepidare*, sollicitos esse.

253-415. *Iamque erat in totas* etc.) Placuit ergo genus humanum *diluvio* (κατακλυσμός) perdere. Hoc describitur. Sed duo, qui caeteris antecellebant pietate, servantur, *Deucalion*, Promethei et Pandoræ filius, et *Pyrrha* eius coniux, Epimethei filia. Hi lapidibus iussu Themidis iactis genus humanum restituant; cf. Apollod. I, 7, 2; Hygin. fab. 153. Etiam Apollod. III, 8, 2, et Schol. Eurip. ad Orest. 1646, hoc diluvium post et propter Lyncæon vel filiorum facinus immissum narrat. Noster igitur has fabulas ita coniunxit, ut prout haberi possint. Nos tamen acutissimas, ut sunt diversae loco et tempore. Res autem sic habet. Deucalion, a. 1574 ante æram Christ., tempore Croni, ex Asia venit in Græciam,

Sed timuit, ne forte sacer tot ab ignibus aether
 Conciperet flammās, longusque ardesceret axis. 253
 Esse quoque in fatīs reminiscitur, adfore tempus,
 Quo mare, quo tellus, correptaque regia coeli
 Ardeat, et mundi moles operosa laboret.

et subiicit sibi Lycoram ad Parnasum; vide Marmor Arundel. I init. Huius aetate fluvii Thessaliae, copiosis imbris aucti, ripas egressi sunt, magnamque Thessaliae et vicinitatis partem vastarunt; Apollod. d. I., et Aristot. Meteor. I, 14. Deucalion vero, qui effugerat illam cladem, et fortasse in Parnasum se receperat, mox Athenas venit ad Cranaum, Iovique Phyxio ob salutem praestitum triumphum excitavit, vide Marmor. Arund. I, 7. Diluvium ergo illud Deucalionem ad partem tantum Graeciae pertinuit; sed quum Graeci per colonos Phoenicis aliquid acciperent de diluvio Noachico universalis, accommodarunt ei Deucalionem. Itaque et Romani putaverunt, illam inundationem ad Italiam quoque pertinuisse; Plin. H. N. III, 14. Deucalion vero habebatur generis humani restaurator, partim quia dispersos homines collegit (Iustin. II, 6, 11), partim quia copiosissimam prolem reliquit.

254. *aocer* etc.) Quia coelum sedes Deorum. Etiam Graecis dicitur *αἰὲρ*; vide Vulkan. Diatrib. Eurip. pag. 49. — *longus*, ut 123, *longi* *indici*, et 136, *longus* *limes*.

255. *longusque* pro totusque recte ex melioribus recepit Heins.

256. *Esse quoque in fatīs*) Deflationem mundi futuram, inquit Lactantius lib. de Ira Dei, cap. 23, vaticinata est Sibylla; subiicitque ibidem tres hosce Ovidii versum. Quod et Senec. praescivit, Consolat.

ad Marciam, sub ipsa calce librit «Quum tempus advenerit, quo sa mundus renovaturus extinguat, etc., et omni flagrante materia uno igne, quidquid nunc ex disposito incet, ardebit». Idem Natur. Questionum, lib. III, cap. 28: «Qua ratione, inquis? Eadem, qua conflagratio futura est: utrumque sit, quum Deo visum ordiri meliora, vetera finire. Aqua et ignis terrenis dominantur. Ex his ortus, et ex his interitus est, etc.». LXX.

257. Dogma Stoicorum, sidera nutrire humoribus, quibus absumentis totum arsurum mundum; Cic. N. D. II, 46; Senec. Cons. ad Marc. 26; N. Q. III, 13, 28; Minuc. Fel. 34; Lactant. da Ira 23. Commodus poeta hoc in aenae rem vertit. — *correpta*, scilicet flammis. — *mundi moles* non de solo coelo ceperim cum Gesnero, sed de toto universo. Antea partes mundi nominaverat, nunc ponit universum. Lucr. V, 96: *multosque per annos Sustentata ruet moles et machina mundi*. Sed etiam in *operosa* dissonant Interpretes. Gesnerus explicat, coelum, quod in perpetuo motu est. Ego vero malim cum Schirachio, mundum magno artificio fabricatum intelligere. Nam sic etiam Seneca intellexit, qui in Epigr. Catal. Pith. pag. 31, hunc nostrum locum imitatus est: *mole pulcherrima coeli Ardebit flammis repente suis*. Et infra XV, 666: *templa operosa sunt artificiose structa*.

258. *laboret*, corrump. Lucret. I, 849, *laborare et perire coniunxit*.

Tela reponuntur, manibus fabricata Cyclopum :
 Poena placet diversa, genus mortale sub undis 260
 Perdere, et ex omni nimbos dimittere coelo.
 Prolihus Aeoliis Aquilonem claudit in antris,
 Et quaecumque fugant inductas flamina nubes;
 Emittitque Notum : madidis Notus evolat alis,
 Terribilem picea tectus caligine vultum : 265
 Barba gravis nimbis; canis fluit unda capillis;
 Fronte sedent nebulae; rorant pennaeque sinusque:
 Utque manu lata pendentia nubila pressit,

259. *tela*, fulmina, Διὸς βέλη. Hinc Iupiter fulmina ἀναστρέφει, et *oculatur*. *Diversa*, Senec. N. Q. III, 28 extr.

261. *dimittere*) Quidam *demittere*. Alter melius, quia additur *ex omni coelo*; vide Burmannum. *Vnus, diffundere*.

262. *Prolihus Aeoliis* etc.) Locus praeclarus cuius inventionem poeticam intelligis, si simplicem cogitaris narrationem: nimbi delapsi sunt, amnes exundarunt, oceanusque obruit terram. Illa vero mirum in modum animantur, quum *Notus* Deus inducitur, *Iris* nubes alit, *Nepheus* Iovem adiuvat, *Deosque amicum* convocat etc. Caeterum nec hic locus ad physicas rationes subtiliter exigendus. Ad illas de diluvio disputat Seneca N. Q. III, 27. — *Aquilo*, quia pellit nubes, apud poetas *clarus* et ἀἰθρηνίτης. In una ex insulis *Aeolus* fuit Aeoli sedes. Is ventos vel in utre, ut placet Homero Od. K, 1 aeqq., vel, quod plus dignitatis habet, atque etiam a Virg. Aen. I, 52, praetulum est, in vasto antro inclusos tenet; cavernae enim subterraneae plenae sunt ventorum. Ipse sedet in cacumine montis, et, prout postulat solus mundi, ventos vel coercet, vel

emittit. Quo poetae nil aliud significare voluerunt, nisi hoc, et utilitatem et vim ventorum esse tantum, ut hi quoque curae divinae subiecti esse videantur; id quod accommodarunt puerilibus ideis antiquissimorum et rudium hominum. H. l. Iupiter ipse imperium exercet in ventos, ut apud Hor. I, Od. 13, 3, Nereus. *Induci* proprie dicuntur colores a pictoribus: hinc eleganter transfertur ad *nubes*, ut alibi ad *caliginem* et *noctem*. Horat. I, Sat. 5, 4: *inducere terris umbras*.

264. *Notum*) *Notus* est Deus, cuius faciem truculentam exhibebant pictores; vid. Spencius Polym. Dial. XIII, atque etiam h. l. satis *terribilis* apparet. Hunc emittit, quia pluviam concitat, unde *humidus* et *pluvius* dicitur. Itaque et in hac descriptione allegorica, etque excellentissima, omnes eius partes *madidae* et *caliginosae*. In eodem observa etiam gravem verborum sonum: *gravis*, *gravata*, *referta*, ut vs. 443. — *fluit*. Quidam *ruit*, quod prohibet H. ins. qui tamen malit, *pluit*. — *sedent*, apparent. II, 774, *sedet in ovis pallor*. — *rorant* poëtis ea, unde aqua, etiam copiosa, defluit, vs. 339. — *sinus*, pectus.

a 268. *Utque manu lata*) Reg. Cod.

Fit fragor; hinc densi funduntur ab aethere nimbi.
 Nuntia humonis varios induta colores, 270
 Concipit Iris aquas, alimentaue nubibus adfert.
 Sternuntur segetes, et deplorata coloni
 Vota iacent, longique labor perit irritus anni.
 Nec coelo contenta suo Iovis ira: sed illum
 Caeruleus frater iuvat auxiliariis undis. 275
 Convocat hic amnes; qui postquam tecta tyranni
 Intravere sui, « Non est hortamine longo

8001 habet late, et supra scriptum a sec. manu, diffuse; quem sensum libentius admitterem. — Pressit aquarum descendendum copiam indicat. LEM. — pressit. Veluti spongiam ebriam: lata, quia Deus; Diis enim magna membra tribuuntur: pendentia e rei natura. Virgil. Georg. I, 214; nubila pendent.

271. Iris) Ea tempore pluvio cornibus aus aquas haurire credebatur, vid. Cerda ad Virg. Georg. I, 380. — Concipit exquisitius quam colligit. Non bene autem hoc Iridis auxilium est insertum: quum enim terra aquis obruenda esset, non debebat Iris inde aquas haurire.

272. coloni) Plurimi coloni. Atque ita et Senec. N. Q. III, 27. — Sternuntur segetes etc. Cf. Homer. II. E, 92; Virg. d. I. 325, et Aen. II, 496, 305. Singula verba delecta sunt ad misericordiam commovendam. Sata vocantur vota coloni, quae nunc iacent deplorata, quibus succurri nullo remedio potest. Per longum annum multos labores exhausserant coloni; sed, postquam diu expectarunt largam messem, omnis ille labor irritus perit: labor nani est etiam Virg. Georg. II, 518, ubi Heya. intelligit provenitum ex labore annuo. Etiam Plin. Psa. 81: agrestium labor eo sensu,

ant certe ipsi agri agricolarum labore culti. Sed h. l. ne idem ter dicatur, rectius de labore per annum exhausto capies. Alias labores brum aut mortalium in similibus descriptionibus commemorantur. Annus pro consilio poetarum mox dicitur brevis, mox longus, ut h. l.; aut magnus, Aen. III, 284.

274. 280) Quod ei contigit in notissima illa mundi divisione. Eo contentus fuit secundum Apollodorus. I, 7, 2. Pluvii, ἑρταί, ὀμβρίαι, Iovis species etiam in nummis occurrit: vide Spanhem. ad Aristoph. Nub. vers. 370. — Illum. Heins. malebat illum, non improbane Burmanno.

275. frater caeruleus) Neptunus. Omnia enim, quae in mari sunt, poëtis caerulea aut viridia dicuntur. In nomine frater latet causa promti auxilii: auxiliariis undis, tanquam auxiliariis copiis. Praeclara idea.

276. amnes) Sunt Dii, qui habitant in fontibus amnium, qui fontes hanc ubi causam mox vocantur domus. Hos convocat, ut imperator praetorium, iisque breviter, more imperatorum, mandata dat. Amnes autem, quoniam se in mare converterant, tyrannidi, imperio Neptuni subiecti sunt.

278. vires, aquas. — Motes, terra et saxa, quibus coarctetur forasque,

Nunc, ait, utendum: vires effundite vestras.
 Sic opus est; aperite domos, ac, mole remota,
 Fluminibus vestris totas immittite habenas. » 280
 Iusserat: hi redeunt, ac fontibus ora relaxant,
 Et defrenato volvuntur in aequora cursu.
 Ipse tridente suo terram percussit: at illa
 Intremuit, motuque sinus patefecit aquarum.
 Exspatiata ruunt per apertos flumina campos; 285
 Cumque satis arbusta simul, pecudesque virosque,
 Tectaque; cumque suis rapiunt penetralia sacris.
 Si qua domus mansit, potuitque resistere tanto
 Indeicta malo, culmen tamen altior huius
 Vnda tegit, pressaeque labant sub gurgite turres. 290

unde fluviis exit. — totas habenas. Translatio ab equis sumpta, qui habenis inhibentur. LEM. — Immittere habenas passim usurpatur a poetis, ubi durius eius usus videri possit. Virg. Aen. V, 662 de igne, furit immixtis Fulcanus habenis. Lucret. V, 785, arbores immixtis habenis per auras crescent. Est autem immittere idem quod admittere, laxare. Virg. Aen. I, 63, ventis laxas habenas dare. Idem tropus mox in defrenato cursu. — immittite. Vnus permittite. Vtrumque recte.

281. ora) Foramina fontium. — relaxant, ut tanto maior vis aquarum prorumpere possit. Fontibus ora. In fluviis dicuntur ostia. Aditus domorum et limina etiam ora dicuntur; uti partes domus membra a Plin. vocantur. Virg. Aen. VI, vs. 53: «dehiscent Attonitae magna ora domus». LEM.

283. Ipse) ut αὐτός; de domino eorum, de quibus sermo, dicitur. — Tridens. Τρίδις, insigne Neptuni et Σαλτρωπατίας, haud dubie propterea, quod mare tertiam regionem ob-

tinet, etiam alii aliter: vide Plutarch. de Isid. pag. 581 Reisk. Tridente solet et potest Neptunus percutere terram, unde νεπτῆος γὰρ, αὐτῆς δου γαυλαρχος etc., dicitur: vide Spanhem. ad Callim. h. Del. 30, 31. — sinus aquarum, cavernas aquis repletas. Virg. Georg. IV, 364 vocat speluncas lacus clausos.

285. Locus adumbratus ex Virgil. Aen. II, 496: Aggeribus ruptis quum spumeus omnis Exit, oppositasque evicit gurgite moles, Fertur in arva furens cumulo, camposque per omnes Cum stabulis armenta trahit.

287. sacris) sacra, simulacra Penatum quorum sacraria erant penetralia. Vid. Cerda ad Virg. Aen. II, 293, et Heyne Exc. IX. — Manere, μένειν, dicuntur quae statum suum servant immota, Liv. XXI, 58.

289. Indeicta) quidam indisiecta, quod probat Burmann. ad XII, 109, ubi docet, disici, quae evertantur et destruantur ita, ut in diversas partes quasi iacta frangantur.

290. labant) pro latent restituit Heins. a Senec. N. Q. III, 27. —

Iamque mare et tellus nullum discrimen habebant.
 Omnia pontus erant; deerant quoque litora ponto.
 Occupat hic collem: cymba sedet alter adunca,
 Et ducit remos illic, ubi nuper ararat.
 Ille supra segetes, aut mersae culmina villae, 235
 Navigat; hic summa piscem deprendit in ulmo.
 Figitur in viridi, si fors tulit, ancora prato;
 Aut subiecta terunt curvae vineta carinae.

turres, arces regum beatorumque hominum altiores, aut aedificia in montibus exstructa: tales turres, quales nos habem, ignoravit prisca aetas.

232-308. *Omnia pontus erant*) Landat Burm. Anthol. lib. II, cap. 40, 234, ubi de hoc diluvio, ὅπου ἔτι πᾶν' ἐτύχθη. — *deerant* etc. Haec verba vix ferri possunt; adeo languent post antecedentia! Sed in omni seq. loco accusanda est luxuries ingenii Ovidiani, propter nimiam longitudinem, propter minutas, quas sectatur, et quod nonnulla prope iocosa admixta sunt, quae abhorrent a tantae cladis descriptione. Vere Senec. N. Q. III, 27, ubi b. l. recuset: *Pro magnitudine rei dixit: Omnia pontus etc., nisi tantum impetum ingenii et materiae pueriles ineptias reduxisset: Nat lupus etc. Non est res satis sobria, lascivire devorato orbe terrarum. Exspatiata etc. Magnifice hoc, si non curavit quid oves et lupi faciant. Natari autem in diluvio potest?* etc. Primas autem h. l. lineas Hor. I, Od. 2, 6-13 duxit, qui et ipse iam antiquis Criticis displicuit. Porph. ad illum locum: *Leviter, inquit, in re tam atroci et piscium et palumbarum meminit, iisdem vitiliis infra II, fab. 1, iucundii descriptio laborat.* — Spero me habere quo Nostrum ab hac sugillatione asseram; idque principis poeta-

rum exemplo. Neque enim hic, alibi forte, lascivit, sed serio et sobria curat quid agat lupus inter oves; ut qui salutis suae antagat, non respiciens praedam, sibi prospiciat, rapinae utique immemor. Virgil. Georg. lib. III, vs. 537, in hypotyposi diase et omnia populantis pestis, post tauros, equos, sues, homines, hostias huc abreptus, adiecit et feras rapinae, prae languore, immemores, promiscue inter assuetas praedas obambulare: *Non lupus insidias explorat ovilia circum, Nec gregibus nocturnus obambulat; quare? acrior illum Cura domat: timidi damae, cervique fugaces, Nunc interque canes, et circum tecta vagantur.* LEM.

234. *ararat*) Gronov. Obs. I, 13, mallet *aratra*, sine onusa, quavis ingeniose.

235-298. *Ille supra segetes*) Iam incipit omnes fere rei rusticae partes putide recensere. — *summa* etc., ex Horat. d. l.: *Piscium et summa genus haesit ulmo.* Ovid. ineptius etiam hoc expressit. — *si fors tulit.* forte fortuna, graeca locutio, εἰ τύχοι: vide Muret. Var. Lect. XVI, 9, et Mor. ad Longin. XIV. Sic sensus: tam alta erat unda, ut ancora eiecta vix figi posset, aut, si fors tulit, si forte figi potuit, figebatur in prato. Sine causa Schirachium offendebat τό viride,

Et, modo qua graciles gramen carpere capellae,
 Nunc ibi deformes ponunt sua corpora phocae. 300
 Mirantur sub aqua lucos, urbesque domosque
 Nereides; silvasque tenent delphines, et altis
 Incursant ramis, agitataque robora pulsan.
 Nat lupus inter oves: fulvos vehit unda leones;
 Vnda vehit tigres: nec vires fulminis apro, 305
 Crura nec ablato prosunt velocia cervo:

Quamquam enim pratum aqua tectum non poterat cerni *viride*, lector tamen id cogitare potest; et si neget, vim h. l. ei inesse, putes ornatus causa additum, ut sit ex eodem genere, ex quo *fulvi* leones, *graciles* capellae et alia. — *ternat vineta*, nil nisi navigant supra vineta.

299. *graciles gramen*) Burmann. offendit ingrati soni repetitio, *graciles gramen*. Itaque pro *gramen* praefert *culmen*, quod unus Regius habet. Capras enim in rupibus fere pasci, et sic maiorem esse oppositionis vim, ut phocae, quae in fundo maris esse soleant, nunc in culmine montis ponant sua corpora. — In *graciles gramen* Burmann. ingratus sonus offendit. Sed ita innumera loca mutanda essent. V, 390: *humus humida*. X, 3: *voce* vocantur. XIII, 734: *aliquo quoque*. Cic. Mil. 25: *virii vires*. Senect. XXI: *praeclara rara*. — *carpere gramen*; ut Virg. Georg. III, 295: *carpere herbam*.

300. *corpora*) Bernegg. *pignora*, quod et ipsum placet Burmanno; sic enim dici foetus, et *ponere* esse verbum proprium de partu. — *Phocae*, vituli aut boves marini. Vocantur *deformes*, et apud Virg. Georg. IV, 395, *turpes*, ob faciem foedam, quamquam nec odor eorum gratus est, vide Hom. Od. Δ, 442. — *ponunt sua corpora*,

recumbunt ut X, 128; XIV, 427: *alias latus submittere*.

302. *Nereides*) *Nereides*, nymphae marinae, Nerei et Doridis filiae, de quibus vide Hesiod. Theog. 240 sqq.

303. *agitataque*) Medic. *annosa*, pro *agitata*, quod probat Burm. quum arbores frequentius agitari dicantur, quando vento concutuntur, aut manu hominis. Sed hoc haud dubie nihili est. — *Agitata* Burm. explicat, concussa vi aquarum. Male. Aqua enim stagnans non *agitata* arbores. Et quid hoc ad rem, delphinos pulsasse arbores iam ab aquis agitatae? Immo secusus, pulsan arbores sic, ut agitentur, magna vi pulsan: vide ad vs. 32. Noster, VI, 248: *laniata pectora plangens*, plangens sic, ut laniarentur. XX, 591: *refert oblata*, retro dat ut offerantur. Liv. II, 5: *frumenti acervos sedisse in vadis illitos limo*, ita ut illinerentur limo.

304. *Nat lupus etc.*) Quasi hoc mirum esset, lapam mortuum non devorasse oves. Ineptus etiam sarcasmus est in illo, vs. sqq., *non prosunt vires et crura*.

305. *vires fulminis*) vires terribiles, quibus aper omnia vastat. Phaedrus I, fab. 21, 5: *fulminei dentes apri*.

306. *Crura nec ablato etc.*) Scio esse qui *alato* legant; quod nobis ta-

Quaesitisque diu terris, ubi sidere detur,
 In mare lassatis volucris vaga decidit alis.
 Obruerat tumulos immensa licentia ponti,
 Pulsabantque novi montana cacumina fluctus. 310
 Maxima pars unda rapitur: quibus unda pepercit,
 Illos longa domant inopi ieiunia victu.

Separat Aonios Actaeis Phocis ab arvis,
 Terra ferax, dum terra fuit; sed tempore in illo
 Pars maris, et latus subitarum campus aquarum. 315
 Mons ibi verticibus petit arduus astra duobus,
 Nomine Parnasus, superatque cacumine nubes.

men non probatur. Praesertim, quum, ut recte in suo codice notaverat Gruterus, ipse auctor libro huius operis, ita locutus sit. De Europe nempe: *pavet haec; litusque ablato relictum Respicit*. Ita hic, cervo ablato, marinis nempe fluctibus. LEM. — *ablato*, Celeritate pedum subducto. LEM. — *Ablato* dupliciter capi potest; etenim *aufervi* dicantur et qui abripiuntur vi aquarum, et qui celeri se subtrahunt fuga, ut Sil. VI, 257: *ablato instantem eludere equo*, ubi vid. Inti.

309. *sidere*) Medic. reliqui, *sistere*. Illud recepit Heins. tum, pro *possit*, *detur*, ex primo Medic. uno Palat. et Bonon. — *sidere*, *considerare*, *insidere* pr. de avibus in terram se demittentibus. — *vaga* poetis dicuntur omnia, quae cuncto moventur. Ita et *vagus navita*.

309. *immensa licentia ponti*) pontus, qui totum terrarum orbem occupaverat. — *nova*, quae inusitata sunt in suo genere: *fluctus novi*, nunquam antea in cacuminibus montium visi.

312. *ieiunia longa*) fames, *domant*, abstant, *inopi victu*, inopia victus, victu destitutos: *domare* interdum idem quavis interficere, vs. 447; in-

terdum minus est, IX, 75; h. l. de morte lenta.

313. *Aonios Actaeis*) Delius ad Senec. Herc. Fur. vs. 1161, legit, *Ionios Oetaeis*. — *Actaea arvis*, Attica, olim *Acte* dicta: vide Steph. in Arxh. — *Aonios*, Boeotia, ab *Aoniis* sic dicta, qui ante Codmi adventum illum terram tenebant: vid. ad III, 8. Iam *separat*... *arvis* foret, Phocis interiectu est inter Boeotiam et Atticam; quod est falsissimum. Immo Boeotia separat Phocidem ab Attica; Confugiunt ergo rursus ad hypallagen. At quis talem hypallagen ferat! Quis non rideat poetam, qui Bataros inter Westphalos, et Saxones inferiores collocat? Sive dubio ab Ovidii moni fluxit *Oetaeis ab arvis*. Nam Phocis sita est inter Oetum montem et Boeotiam. Etiam Ib. 349, pro *Oetaeo* quidam habent *Actaeo*. Posset etiam h. l. legi, *Oetaeis ab arvis*.

314. *dum terra fuit*) Valent talia ad commiserationem faciendam. Quum iam vs. 291 sqq., lectoribus inculcasset, omnia pontum fuisse, idem non debebat nunc his, et vs. 318 semel, repeti.

317. *Parnasus*) Sic lat. scribendum

Hic ubi Deucalion, nam cetera texerat aequor,
Cum consorte tori parva rate vectus adhaesit;
Corycidas Nymphas, et numina montis adorant,
Fatidicamque Themis, quae nunc oracula tenebat.
Non illo melior quisquam, nec amantior aequi

320

esse, non *Parnassus*, etsi Graeci Παρνασσός, monet Broukh. ad Prop. II, 23, 13. — *Parnassus*, mons Phocidis, duobus verticibus, unde δεισέφυγος, *biops* et *bivertex* dicitur, quorum alter Apollini, alter Baccho sacer erat, Lucan. V, 72. Ob altitudinem, qua superat nubes, sepe semper nive obsitus est. Schol. Apollon. ad II, 713, et Etymol. M. in Παρνασσός tradunt, quoniam ἡ λάρυξ, i. e. navis Deucalionis parva, hic adhaeserit, inde montem dictum esse Δευκαλίωνος, unde paulatim factum sit Πάγν. Nugae! Nec audiendi sunt alii, qui Deucalionem deferant, vel ad Aetnam, ut Hygin., vel cum Servio ad Albo.

318. *Hic ubi Deucalion*) Deucalion, Promethei filius, vir integer ac pius. Vid. Hygin. fab. 153. LXX.

319. *consorte tori* etc.) ὅμοιοις, alibi etiam *socia tori* aut *thalami*. — *Adhaerescere*, nunc omnino appellere, quum pr. de navibus dicitur, quae ad scopalos aut in loca vadosa deferantur, nec inde avelli possunt. Etiam Senec. N. Q. III, 27, de diluvio: *Edissimis quibusque adhaerebant reliquiae generis humani*. — *Parva ratis* illa Graecis λάρυξ, rude navigium.

320. *Corycidas Nymphas*) *Corycidas* aut *Coryciae* Nymphae, Misti, Delphorum fluvii, filiae, Corycium in Parnaso antrum inhabitabant, Apollon. Rh. II, 713; Pausan. Phoc. pag. 811, 877 sqq. Strabo, lib. IX: γυναιμέτοισιν καὶ κάλλιστον τῷ Καρύ-

στιν Νυμφῶν ἀντρον. Ab hoc diversum Corycium antrum in Cilicia: vide Barnes. ad Euripid. Bacch. vs. 559. Has, et reliqua numina, quibus mons sacer, adorant. Notanda etiam h. l. est syntaxis, Deucalion cum coniuge *adhaesit*, et *adorant*. Solet enim Noster pluralem ponere, ubi de duob. per praepositionem *cum* iunctis agit. Broukh. — *Adorant*. Vulg. *adorat*.

321. *Themis*) Aetheria et Telluris filia, iustitiae praeses. tum *oracula tenebat*, responsa dabat petentibus, oracula praecerat, unde *fatidica*, χρηστής dicitur. Apollod. lib. I, p. 13: χρησμοδότης τῶν θεῶν. Lucan. V, 81: *Quum regna Themis, tripodaeque teneret*. — *nunc*, tempore Deucalionis. Loquuntur postea de rebus praeteritis, ut de praesentibus. Broukh. Prima oraculo Delphico praecerat Tellos, postea Themis, tandem Apollo, Pausan. Phoc. p. 809; Schol. Euripid. ad Orest. vs. 163.

322. *Non illo melior*) Recte mores eorum notati; hi enim ipsis causa erant salutis. Iustitia et pietas Deorum omnes virtutes complectuntur. Quae de singulis hic praedicantur, ea de ambobus intelligenda. Cf. vs. 327. A Luciano de Dea Syria, Deucalion laudatur ob εὐβουλίαν et εὐσέβειαν. — *Metuens Deorum*. Descriptio hominis religiosi: vide Helms. qui copiose hanc locutionem illustrat. Infra V, 1001: *aequi cultor, timidusque Deorum*. Liv. XXII, 3: *non modo Patrum maiestatis, sed ne Deorum quidem satis me-*

Vir fuit, aut illa metuentior ulla Deorum.

Iupiter ut liquidis stagnare paludibus orbem,
Et superesse videt de tot modo millibus unum, 326

Et superesse videt de tot modo millibus unam,

Innocuos ambos, cultores numinis ambos;

Nubila disiecit, nimbisque Aquilone remotis,

Et coelo terras ostendit, et aethera terris.

Nec maris ira manet; positoque tricuspile telo 330

Mulcet aquas rector pelagi: supraque profundum

Exstantem, atque humeros innato murice tectum,

Caeruleum Tritona vocat, conchaeque sonaci

tiens. Metus saepe de religione: vid. Cerda ad Virg. Aen. VII, 60.

323. *metuentior*) Vulg. *reverentior*.

324. *stagnare*) stagnum, mare esse. Totus terrarum orbis tectus erat paludibus, aquis, et sic stagno aut mari similis erat: *stagnum* pro mari novasse Virgilius Heynio videtur ad Aen. I, 125, ex *ἰαυν* apud Homer.

325. *Et superesse* etc.) Hoc melius, quam si uno tantum versu dixisset, duos tantum superuisse. Ita enim clades utrique sexui illata fortius sentitur. Similis repetitio VIII, 628 sq. Horat. I, Sat. 6, 45 sqq.; Ap. Apollod. et pauci alii servantur in montibus.

327. *Innocuos* idem quod antea *amans aequi*, iustus. — *ambos*, Burm. malit his, *ambo*, ne omnes voces h. vs. in *s* desinant. Et dixerunt veteres in accusat. *ambo*, duo.

328. *disiecit*) Vnus Leid. *deducit*, quare Burm. mavult *diducit*, ut opp. *ἔξ* conduci vs. 572. — *Aquilone remotus*. Ab Aquilone depulsus; est enim Aquilo ventus nubila dissipans, ac serenitatem inducens. LEMAITRE.

329. *Et coelo terras*) Mox ingeniose *Et coelo... terris*.

330. *positoque* etc.) Hinc quoque Dei interventu res geritur, et aquae spectantur ut milites. — *tricuspile telo*, tridente. Valer. Flacc. I, 643: *trifida hasta*. Anthol. IV, cap. 11, Epigr. 64: *τρεπίπλις δόρυ* apud Lycophr. vs. 96, terram percussit *τρεπίπλις δόρυ*.

331. *Mulcet*) coërcet aquas. Virg. Aeneid. I, 57, Aeolus *molit animos ventorum*; eidem Iupiter dedit *maiorae fluctus*, ib. vs. 66.

332. *innato murice*) Ingenitis muricibus vel gerentem humeris ingentis sibi murices et conchas. LEM.

333. *Caeruleum Tritona*) *Caeruleos* conchinnus sit, ut ad humeros referatur. LEMAITRE. — *Tritona*. Receptui canit *Triton*, Neptuni filius et tubicen, qui buccinae loco *anacham* habet, et quidem *torilem*, in *latum* etc., h. e. quae ab imo acuta, paulatim fit latior, veluti se in gyrum torquendo: turbo enim quidquid, conis instar, ab imo acutum, et in summo latius est, lisdem et olim Iudi buccinarum locis utebantur: v. Mullerus ad Linnei Systema Nat. tom. VI, p. 102 et 515. Ipse Triton ita natum solcabat, ut inferior corporis pars, quae piscem referebat,

Inspirare iubet; fluctusque et flumina signo
 Iam revocare dato: cava buccina sumitur illi 335
 Tortilis, in latum quae turbine crescit ab imo:
 Buccina, quae medio concepit ut aëra ponto,
 Litora voce replet, sub utroque iacentia Phoebō.
 Tum quoque, ut ora Dei madida rorantia barba
 Contigit, et cecinit iussos inflata receptus, 340
 Omnibus audita est telluris et aequoris undis;
 Et quibus est undis audita, coërcuit omnes.

sub aqua lateret, superior autem supra profundum exstaret. *Humeri tecti erant innato murice.* Quam *murice* genus conchae sit, cuius ex sanguine purpura conficeretur, nonnulli ex h. l. purpureum uobis Tritona finxerant; quod repugnat descriptionibus reliquorum auctorum, qui eum satis deformem pingunt; vid. Virgil. Aeneid. X, 209, ubi ei *hispidus frons laterum tenuis tribuitur*, i. e. interprete Heynio, ipse hispidus est a fronte usque ad latera, scilicet medium corpus. Rectius igitur de conchis accipitur, quibus superior corporis pars obsita; qualis etiam in monumentis et gemmis apparet. Vide Lipperti Dactyl. I, 64, 72, 76. Nostrum imitatus est Claud. Nupt. Honor. vs. 150, ubi ei tribuitur *in vivo aequalentia murice terga*. Infra IV, 724, belluae marinae *terga cavas super obsita conchis*, qualia saepe cernuntur balnearum terga. Pausan. Boreot. pag. 454, narrat, veri Tritonis, quem ipse viderit, corpus horrescere tenui aquama, *φολιδὴ λεπτή*. Sed hoc classic. unde alii tauerunt, est ap. Apollon. IV, 1610 sqq. — *conchaeque sonaci.* Ex opinione et religione veterum interpretandum censet Turneb. lib. II, cap. 21, creditum Tritonem Neptuni buccinautorem cauro immantique clamore aquas increpare et tan-

quam auritas vocare, quae eius imperio consueverint parere. LEM. — *sonaci.* Vulgo *sonanti*; natus *tonanti*; solent haec inter se permutari et confundi; vide Barth. ad Claud. Nupt. Honor. et Mar. vs. 133. Etiam Apul. Metamorph. IV, Tritoni tribuit *sonacem* coucham.

335. *cava - tortilis*) Duo epitheta uni nomini addita, quod non magnopere probatur.

336. *Tortilis*) Retorta in latitudinem. — *Quae turbine crescit.* Quae ab ore Augusto incipit et in amplum desinit ad turbis similitudinem. LEM.

337. *concepit ut aëra*) inflata est, quemadmodum vela concipiunt ventos, pennae avium auras; ut, quando. Generaliter loquitur, nam seq. *Tum quoque.* Hoc non animadvertit ipse Burm.; ulioquin non commendasset lect. *patentia*.

338. *voce, sonitu.* Vox, ut *φωνή*, omnis sonus: vide Burm. De buccina etiam Virg. Aeneid. VII, 519. — *sub utroque* etc.; litora orientalia et occidentalia. — *iacentia.* Pro *iacentia* dno *latentia*; unde Burm. conj. *patentia*, quod bene dicatur de terris antea aqua tectis.

339. *madida* etc.) Graphice additum, quorum barba rorabat. Ntqum,

Iam mare litus habet; plenos capit alveus amnes;
 Flumina subsidunt; colles exire videntur;
 Surgit humus; crescunt loca decrequentibus undis: 345
 Postque diem longam nudata cacumina silvae
 Ostendunt, limumque tenent in fronde relictum.

Redditus orbis erat: quem postquam vidit inanem,
 Et desolatas agere alta silentia terras,
 Deucalion, lacrymis ita Pyrrham adfatur obortis: 350
 « O soror, o coniux, o femina sola superstes,

que dicitur, *canere receptui*, et *receptum*, aut *receptus*. — *coércuit*, in suum locum redire cōegit.

343. *Iam mare etc.*) Hic locus laudem meretur a brevitate, quae rei ecclesiasticam bene exprimit. Et etiam accommodata orationis forma, quae brevibus membris constat. — *plenos capit etc.* Aquae ita decreverant, ut alvei iam *pleni*, integros, fluvios ripis suis continere possent. Scæpius coniecturam, *planos*, recte improbat Burm.; sed nec ipsius interpretatio h. l. convenit: « *reducta iuxta ripas flumina*, tamen *plena fuerant*, non *exsiccata* ». — *plenus*, Scæpius conj. *planos*.

344. *Flumina*) omnino aquae. — *videntur*, *cernuntur*. — *Surgere* eleganter dicuntur quae, subsidentibus iis, quibus adhuc tecta fuerant, conspici incipiunt. Vide nos ad Plus. VI, ep. 16, 14. — *crescunt*. Bene etiam: plura et ampliora in conspectum prodeunt. Silius XV, 215, de eo, qui propius accedit ad urbem, *advento crescebant culmina gressu*. Contra apud Claud. XXXIII, 189: *Totaque decrescit refugio Triuacrin visus*. Heins. malebat *Flaming subsidunt*, contra poetæ consilium.

345. *limumque in fronde*) Ohlmann et Intulenta reliquiebantur froh-

des arborum, propter aquam per alluviones necessariis turbatam sordatamque. LEM. — *fronde*. *Frondem* Rod. non debebat de foliis capere, erant enim *nudata* cacumina, sed de ramis.

348. *Redditus*) restitutus erat in pristinum formam. Pomp. Mela I, 9, 32: *Nilus se sibi reddidit*, rursus alveum suum sequitur.

349. *Et desolatas agere alta silentia terras*. Hic versus mira et rara apud Ovidium imagine vocum excellit. — *desolatas terras*. Destitutas hominibus et amantibus. Virgil. Aen. lib. XI, 367: *Ingentes et desolavimus agros*. LEM.

350. *obortis*) prorumpentibus; oboriri enim dicuntur, quae prorumpunt, superveniunt.

351. *O soror*) Adfectus horum hominum non poeta describit, sed, quod melius, Deucalionem in sinu coniugis effundentem fugit. Quam nihil acceptius sit homini hominum societate, primum iactura sui generis gravissime eius animum commovere debebat. Tum, si cui ex omni societate non nisi unus supersit socius, is ei quasi Deus videtur, praesertim si arctissimis ille sanguinis ei et amoris vinculis sit iunctus. Ex his et aliis quibusdam composita oratio. Iapeti filii fuisse *Prometheus* et *Epimetheus*.

OVID. Op. Tom. III

D

Quam commune mihi genus, et patruelis origo,
 Deinde torus iunxit; nunc ipsa pericula iungunt:
 Terrarum, quascumque vident occasus et ortus,
 Nos duo turba sumus: possedit cetera pontus. 355
 Nunc quoque adhuc vitae non est fiducia nostrae
 Certa satis: terrent etiamnum nubila mentem.
 Quid tibi, si sine me fatis erepta fuisses,
 Nunc animi, miseranda, foret? quo sola timorem
 Ferre modo posses? quo consolante doleres? 360
 Namque ego, crede mihi, si te modo pontus haberet,
 Te sequerer, coniux: et me quoque pontus haberet.
 O utinam possim populos reparare paternis

Prometheo ex *Paulora* (quam Trichij. ad Piodar. Olymp. IX, facit Epimethei coniugem) natus est *Deucalion*. Epimethei filia fuit *Pyrrha*. Sic intell. quo sensu sororis vocat. h. l. capiendum sit. Ipse mox commentatur in haec nomina, quod tamen, in tanto quidem dolore, iusto argutius videtur.

353. *ipsa pericula*) Validissimum vinculum, naturae sorte, cognationis lege, coniugii foedere firmitus: *συνάγωγα γὰρ καὶ ἐχθρότης ὁ παῖς πῶτος*. Arist. Polit. V. LEM. — *iungunt*, non est, ut Clouan. putabat, cariorem reddunt, sed socium faciunt.

355. *Nos duo turba sumus*) Infra VIII, 638: *Tota domus duo sunt*. Propert. I, Eleg. 2, 23: *Tu mihi sola domus*. Expressit Nostrum Senec. Troad. 506: *Turbae, quae simul super, Tumulus, puer, captiva. — possedit*, devoravit.

358. *Quid tibi*) In hoc et seq. vs. terribissimus atque amantissimus sensus. — *Quid animi*, bona locutio, ut docet Heins.: quem animum habitum esae, quid sentitura, — *fatis*, diluvio fatali.

359. *animi*) Cod. Reg. 8000 et 8001, Obrecti dictus, habent *animus*, 360. *quo consolante doleres?*) quis te dolentem consolatione erigeret?

361. *modo*) Codd. Reg. 8000 et 8001, quoque, quod praetulerim, etsi infra repetatur; nam has repetitiones verborum amat Noster. LEM. — *si te pontus haberet*. Ex Virg. Aen. VI, 362: *nunc me fluctus habet*. Nempe locus habet cum qui ibi mortuus ineret aut natat. Claudian. VIII, 93: *Hanc Alpes, hanc pontus habet*. Horat. I, Od. 28, 2.

363. *O utinam etc.*) Votum perquam aptum huic tali tempori, atque Promethei filio proprium. — *possim*. Codd. nostri *possem*. — *reparare*. Alii *formare*, *recreare*, *renovare*; quae Burm. omnia n. glossatoribus nata existim. — *Bene reparare* ex Nostris Codd. RR. — *paternis*. Prometheus, Deucalionis pater, dicitur hominum imagines e luto finxisse, atque has igne coelitus surrepto animasse; vel quia rudis homines ad civilem vitam revocarit; an quod primus artem invenit statuas et simulacra fingendi. LEM.

Artibus, atque animas formatae infundere terrae!
 Nunc genus in nobis restat mortale duobus, 365
 Sic visum Superis, hominumque exempla manemus.
 Dixerat, et flebant: placuit coeleste precari
 Numen, et auxilium per sacras quaerere sortes.
 Nulla mora est; adeunt pariter Cephisidas undas,
 Ut nondum liquidas, sic iam vada nota secantes. 370
 Inde ubi libatos irroravere liquores

364. *infundere*) Virg. Aeneid. VI, 276: *infusa per artus Mens*.

366. *Sic visum Superis*) gemitus sollemnis in rebus adversis. — *exempla*, copiae, ut vulgo dicimus.

368. *flebant*) Hoc unum poterat Pyrrha mulier. Misoris unicum per-fugium. — *Coeleste numen*. Sed haec de Themidis oraculo consulto propria Nostro sunt. Apud Apollod. a Iove Phyxio, cui sacra fecerant, lapides iacere iubentur. Similiter ap. Hygin.

368. *per sacras sortes*) per oraculum. Oracula enim olim per *sortes*, *φύρες*, *σεισ*, edebantur: Cic. Div. II, 33; Schol. Callim. ad h. Apoll. 45.

369. *Cephisidas*) Nostri codd. *Cephisidos*, Cephisus Libaea p. effluus Phocidem et Borotians irrigat, Pausan. Phoc. pag. 882. Ab Homero h. Apoll. 240, vocatur *καλλιπιδος*, ob aquam limpidam.

370. *Ut nondum*) Vulgo *Et nondum* — *sed iam*. Verum ut praefert Thuan., sic unus Medic.; unde lectionem nostram composuit Heinsius, quae etiam Gronov. placuerat. Oberti Codex 8001: *Iam nondum*. Alter Reg. 8000: *Et nondum* — *sed iam*. — Nunc autem *nondum liquidas*, limpidus, erat, multum adhuc limi ac-cum ferebat; sed tamen *iam vada nota* *secabat*, alveum suum rursus acque-

hatur. *Ut* — *sic* mutat Noster pro quidem — *sed*: cf. vs. 404; XIV, 509. — *Vadam*, omnis locus, per quem aqua vadit, aut in quo aqua continetur, fons, puteus, fluvius, mare, aut, ut h. l. alveus: vide Gronov. Obscrv. I, 19. — *secantes*, aequantes, quod MSS. quidam ex glossa habent: *arcare viam*, *τίμας εὐδὸν, ἀλφας, Σαῖτες*, solennes poetarum locutiones, metaphora ab aratro petita. — *nota*, consueti: *nota* dicuntur, in quibus solet aliquis versari, currere etc.: infra III, 239: *nota iuga*. Horat. I, Od. 2, 10: *nota sedes columbarum*. Mart. IV, 415, *notis fugientia flumina ripis*. Ceterum ad hoc flumen olim erat Themidis oraculum: Plin. II, N. XXXI, 11. Hinc aqua Cephisi *fati-dica*, Lucan. III, 175.

371. *Inde ubi libatos*) Non solum sacra facturi (Liv. I, 45), sed etiam templum ingressuri (Hippocrat. de Morbo sacro, cap. 4, pag. 329), la-strare sc. *πυρρὴν αἰσθησθαι*, solebant, ne impuri accederent ad Deos. Fieri autem haec lustratio solebat cum aliis rebus, tum aqua, quae ros et *δρόρος* (vide Valken. ad Eurip. Hipp. pag. 180) dicebatur, in primis aqua viva acil. fluviali (Virg. Aeneid. II, 719; IV, 635), quia fontibus et fluviiis san-critas quondam inesse credebatur. Ne-que vero manus tantum lavabant

Vestibus et capiti, flectunt vestigia sanctae
 Ad delubra Deae: quorum fastigia turpi
 Squalabant musco; stabantque sine ignibus arae.
 Ut templi tetigere gradus, procumbit uterque 375
 Pronus humi, gelidoque pavens dedit oscula saxo.
 Atque ita, « Si precibus, dixerunt, numina iustis
 Victa remollescunt, si flectitur ira Deorum;
 Dic, Themis, qua generis damnum reparabile nostri
 Arte sit? et mersis fer opem, mitissima, rebus. » 380

(Fast. IV, 777) et caput (infra VII, 189), sed etiam vestes: Homer. Od. Δ, 659; et Tibull. II, Eleg. 1, 13: *puram veste venito*. — *libatos*. manu leviter haustos. Virg. Aen. VI, 230: *rare levi spargens soccos*. — *liqueores*. Aqua illucis qua se lustrabant templum ingressuri. LEM.

373. *Ad delubra*) Templis magnificentiae causa addebantur fastigia et gradus. De fastigiis, vid. ad II, 3. Exornari admodum solebant.

374. *Squalabant musco*) Intelligitur autem muscus marinus, fucus, *βρύσην Σαλίεσσον*: vid. Brodaeus ad Theophr. Plant. pag. 411; Senec. Hipp. 1041: tauri e mari prodeuntis pectus musco tenaci vires. — *Squalere*, omnino obductum esse. Virg. Georg. IV, 91: *maculae squalentes auro*. Sed GOSNER. ad Quinetil. I, 2, 18 defendit *Pallabant*, quia *pallere* reconditiorem significationem habet, ut situm indicet, quem corpus contrahant a quiete, humore admissio. Non male; praesertim quum tot codd. auctoritas accedat. Atque *pallor* etiam plantis variis tribuitur; Virg. Ecl. III, 39: *cedera pallens*. Cul. 142: *viridi pallore corymbos*. Et haec duo surpe confusa sunt. Virg. Aeneid. VIII, 197: *ora pallida tabo*, ubi unus *squalida*, ut Noster II, 760, dixit *squalentia tabo*.

— *Squalabant*. Libri veteres constanter *Pallabant musco*. Sed alterum retinuit Heins. — Nostri quoque codd. 8000, 8001, *pallabant*: nescio cur hanc lectionem non restituerint; nam apta videtur. LEM.

375. *tetigere gradus*) Iam quum templa plerumque in loco edito, *κατὰ πύργον* dicto, aedificarentur, quo melius conspici possent, gradus etiam iis addebantur, qui vel totum templum ambibant, vel iunius solis adhaerebant; in iisque sedere plebs solebat. Dracaliois tamen tempore talia ornamenta nondum erant templis; et oraculum illud forte in utro sedem habebat.

376. *pavens dedit*) Quasi praesente numine, horrore quodam perfusi et venerabundi. LEM.

377. *Atque ita*) nunc esse voventis formulam, contendit Burm. ad VII, 510. Fallitur. Potest hic quoque, ut vs. 228, accipi, quo facto, tum. — *Si etc.* Talis conditio plerumque precibus praesentitur, ut 545, et VII, 615; Virg. Aeneid. II, 689. In his si, est quoniam. — *mersis rebus*, miserrime nostrae, forte cum respectu ad diluvium. Virg. Aen. M, 335: *rebus succurrite fessis*. Tibull. II, 3, 21: *trepidus petere oracula rebus*. Noster I Trist. 4, 35: *rebus succurrere lapsis*.

Mota Dea est; sortemque dedit: « Discedite templo;
 Et velate caput, cintasque resolvite vestes;
 Ossaque post tergum magnae iactate parentis. »
 Obstupuere diu, rumpitque silentia voce
 Pyrrha prior, iussisque Deae parere recusat: 385
 Detque sibi veniam, pavidore rogat ore; pavetque
 Laedere iactatis maternas ossibus umbras.
 Interea repetunt caecis obscura latebris
 Verba datae sortis secum, inter seque volutant.
 Inde Promethides placidis Epimethida dictis . 390

382. *cintasque resolvite*) Duo Heinsii et unus Moreti *cintasque recingite*, quod adblanditur Burm. ut ex more Ovidiano dictum. At non sic Ovid. verba repetit. Gebhard. I, Crep. 2, malebat, *cintasque recingite*. Veteres quum rem sacram pergerent, caput totum, praeter os, *velamine* quodam aut amictu operiebant, ne forte res mali omnis eos turbaret. Virg. Aen. III, 405 sqq., ibique Heyn. et Ernesti Clav. Cic. in *velatus*. Iidemque *vestes cintas* resolvebant, zona soluta, quia in sacris nihil religatum esse debebat.

383. *Ossaque post tergum*) Cf. oraculum Tarquinii et Bruto datum, Liv. I, 56; unde Nostrum hanc sortem summisae patat Muret. Varr. Lect. X, 11. Male, quia Ovid. hoc oraculum non finxit, sed a Graecis traditum accepit. Sed melius est, quod idem ibidem monet, lapides etiam Tragicis dici γῆς ὄστια.

384. *rumpitque silentia voce*) Redi ad lib. I Art. Amat. vs. 329. LEX.

385. *Pyrrha prior*) quia muliebrem religionem imprimis tale oraculum offendere debebat. Deucalion contra mox solertia usuique reperiunt. Lae-

dere cineres et ossa maiorum summina scelus, Phocylid. vs. 95 sqq.; Horat. A. P. 471.

386. *pavetque*) Gronov. *snadebat canetque*, quia modo praecessit *pavido*. Mihi vero non satis grave videtur pro re proposita; itaque malim aut cum Vossian. *uinetque*, aut cum Arundel. *tinuissimave*, quod posterius et Heins. placebat.

387. *umbras*) Animas, quas laedi credebant antiquitas, illata cadaveribus aut tumultus iniuria. LEX.

388. *caecis obscura latebris*) Duo, *obscuris caeca*. Nostri vero, *caecis obscura*. — *obscura*, ob ambiguitatem, quae non facile perspicui poterant. Seneca. Oedip. 92: *Sphinx caecis verba nectentem modis*. Cicer. Div. II, 54, de auctore librorum Sibyllinarum, *adhibuit etiam latebram obscuritatis*. Alibi *ambages* de oraculis = *volutare*, ut *agitare*, de deliberante et cogitante, Virgil. Ecl. IX, 37.

390. *Inde Promethides*) Cod. Reg. 8000, *hinc Promethades*. Item Cod. Obrecti, et haec lectio mihi aridet. *Promethides*, Deucalion Promethei filius. *Epimethida*, Pyrrham, Epimethei filiam. LEX.

Mulcet; et, « Aut fallax, ait, est solertia nobis,
 Aut pia sunt, nullumque nefas oracula suadent.
 Magna parens Terra est: lapides in corpore terrae
 Ossa reor dici: iacere hos post terga iubemur. »
 Coniugis augurio quamquam Titania mota est, 395
 Spes tamen in dubio est; adeo coelestibus ambo
 Diffidunt monitis! Sed quid tentare nocebit?
 Discedunt, velantque caput, tunicasque recingunt;
 Et iussos lapides sua post vestigia mittunt.
 Saxa (quis hoc credat, nisi sit pro teste vetustas?) 400

391. *Mulcet*) *Mulcere*, animum addere, solstin erigere. Quae valent ad confirmandum animum, ea *placida* poetis dicuntur. — *solertia* cernitur in indagando vero. Lucret. V, 1355: *solertius est multo genus omne virile*. Pontanus nobis male de utroque capiebat.

392. *pia sunt*) *Inc.* — a-Cruce verba *pia* — *suadent* signis parentheses includenda censet; quod et Lenzio placet. Mihi altera interpunctio melior videtur, ex qua Deucalion verbis aut *fallax* — *suadent* Pyrrham attentam reddit, et pavoris nullam esse causam monet; tum sententiam ipsam proponit. Hoc multo convenientius est sermonibus hominum.

393. *Magna parens etc.*) Responsum ingeniosissimum poetam opinatur Marretus, lib. X Var. Lect. cap. 2, ad Historiam Rom. Liv. lib. I, quoniam regis adulescentibus responsum esset, eum regnatorum Romae, qui matri osculum primus tulisset: Brutus e navi descendens simulato casu terram osculatus est, etc. Vetus idem Grammaticus de eo qui ad lapidem offendisset, dixit: Ἐξ ὀρθοῦ ἐγχαυρθεῖς πόδα. Quae etiam valet analogia in venia terrae de aqua et metallis. LXX.

395. *augurium*) interpretatio oraculi. Sic et apud Cic. 1d Div. VI, 6. — *monitis*, oraculis; nam *monere*, proprie de divinationibus. Vid. Heins. ad XIII, 216. — *Titania*, Pyrrha, Iapeti Titanis neptis. LXX.

397. *nocebit*) Codd. Reg. 8oon, *nocebat*.

398. *Discedunt*) Heins. ex Florent. primo Palst. et aliis quatuor, *Descendunt*. Ego vero revocavi *Discedunt*; etenim de industria poeta hic repetit ipsa Themidis verba vers. 381 seqq.

400. *vetustas*, gravis testis Veteribus. Fast. IV, 203. Quintil. Inst. XII, 4, 2, monet poetarum signa *vetustatis fide* tuta esse. Inde pendet omnis mythologia. Locus sequens loquacitatis vitio rursus laborat: saxa ponunt duritiem, molliuntur, mollita ducunt formam, crescant, fiunt mitiora, denuo accipiunt formam; sed obscuram tantum, nec adhuc manifestam, nec exactam etc. Remota illa loquacitate, comparatio cum *marmore* excepto probabilis est. — *mora*, diuturnitate; vid. Freinsheim. Ind. Flor. h. v. Mor vs. 421, sic est *moranda ducere formam* ut *ducere colorem* et alia.

Ponere duritiem coepere suumque rigorem,
 Mollisque mora, mollitaque ducere formam.
 Mox, ubi creverunt, naturaque mitior illis
 Contigit, ut quaedam, sic non manifesta, videri
 Forma potest hominis; sed uti de marmore coepto 405
 Non exacta satis, rudibusque simillima signis.
 Quae tamen ex illis aliquo pars humida succo,
 Et terrena fuit, versa est in corporis usum:
 Quod solidum est, flectique nequit, mutatur in ossa:
 Quod modo vena fuit, sub eodem nomine mansit. 410
 Inque brevi spatio, Superorum numine, saxa
 Missa viri manibus faciem traxere virilem:
 Et de femineo reparata est femina iactu.
 Inde genus durum sumus, experiensque laborum;
 Et documenta damus, qua simus origine nati. 415

401. *duritiem*) Obr. Cod. *duritiem*.

405. *coepto*) Cod. Obrect. *coepta*.
 Item Cod. Reg. 8000.

406. *Non exacta satis*) Exulta, perfecta. LEM. — *rudia signa* possunt esse nondum elaborata satis. Sed, ne idem ter dicat, non male rudis antiquitatis signa intelliges.

408. *corporis*) *corpus* nunc caso, ut IV, 443, et *in corporis unum*, in *corpus*; sic VIII, 246: *terrae usus*, Virg. Georg. II, 466: *usus olivae*, Horat. III, Od. 1, 42: *purpurarum usus*, ubi Iam. hoc comparat cum graec. *χρῶμα*.

410. *Quod modo*) Codd. Nostri duo, *Quae vero*. Non male certe et forte concinnius. LEM.

411. *manine*) vi et potentia. Idque efficacious, quam aliorum munere.

412. *faciem trahere*) Paulo ante *formam ducere*, et 421 *faciem capere*. Ita autem *trahere figuram* III, 399. *ruborem* ibid. 482. *colorem* II, 236.

calorem XI, 305. — *virilem* dedit Heins. ex uno suo et uno Mediol. pro *virorum*. Ibid. *trahere*; unus Heins. *sumptare*; alii *cepere*: quae omnia eodem redeunt. — Nostri quoque Codd. duo habent *trahere virorum*.

414. *Inde genus durum*) habet a Virgil. Georg. I, 63. Si Graecos audimus, ipsum vocab. *λίθος* a nomine *λίθος*, lapis, fluxit; vide Manker. ad Hygin. Fab. 153. Hic lusus etymologicus originem huic fab. dedisse videtur, quam alii ex opinione illa ortam putant, prius homines e saxis et arboribus natos. Homer. Od. T, 163, ubi vid. Clark. Virg. Aen. VIII, 315. *Experiens laborum, πειρατέπων*, qui multos labores suscipere et tolerare potest. Et profecto tale animal homo est. Humana enim natura per integrum non raro seculum, quot quamque varios labores tolerat! Sub omni coelo, quibusvis alimentis sustentatur et viget.

VI. Cetera diversis tellus animalia formis

Sponte sua peperit; postquam vetus humor ab igne
 Perculuit Solis, coenumque udaeque paludes
 Intumescere aestu; secundaque semina rerum,
 Vivari nutrita solo, ceu matris in alvo
 Creverunt, faciemque aliquam cepere morando.

429

416-451. *Cetera diversis etc.*) Humanum igitur genus et lapidibus restitutum erat; cetera animantia e limo, solis aestu calefacto, pondatim procreabantur, in quibus *Pythion*, serpens magna et terribilis, quam *Apollo* sagittis confecit, in eiusque rei memoriam ludos *Pythios* instituit. Cf. Homer. h. Apoll. vs. 300; Callimach. h. Apoll. 100, in Del. 91; Apollod. Biblioth. lib. I, 4, 1; Hyg. fab. 140. Fabulam istam Veteres varie interpretati sunt. Macr. Saturn. I, 17, censet Apollinem in prima infantia belluam confecisse. Alii, ut Ephorus apud Strab. lib. IX, putant Pythionem fuisse tyrannum, *χαλκιδόν τῶν περ ἐν ἀνατολῇ δι' ἀρκτοῦρα*. Ceterum cum hoc Pythone Rufinum comparat Claudian. Praef. in Rufio. De origine animalium e limo, in quo rursus sequitur sententiam eam, quae ab Aegyptiis ad Graecos pervenerat, vide Diod. Sic. tom. I, pag. 11. His enim persuasum erat, in principio rerum omnia animantium genera sic, ut hic describitur, e limo procrepsisse: postea vero terram, quam indurivisset, non amplius sufficere signandis maioribus animalibus. Habuisse autem eam olim hanc vim probant inde, quod post inundationem Nili, ex limo calefacto signatur incredibilis murium multitudo, de quibus cf. Macrob. Saturn. VII, 16, et Pomp. Mel. I, 9, 25. Etiam Aristot. H. A. V, 19, placet, nasci animalia ex aqua et solis

calore, vento adiuvante. Talem procreationem describit Lucret. V, 793-815; quem loc. cum hoc nostro conferas. Neque mirum est, cupide Nostrem huc scripsisse, iisque immoratum esse, ad Pythionis originem expediendam, quem alii tantum terrogenam vocant. — *diversis animalia formis*, diversa animalium genera, quorum discrimina *forma* maxime sit conspicuum.

417. *Sponte sua*) sine semine animali, nec intercedente opera Dei aut hominis alicuius. — *vetus humor*, aqua ab eluvione in locis deprensas relicta: ab causam exprimit, per quam sit aliquid, ut mox 431, IV, 282, *satos ab imbri*.

418. *Perculuit*) Multi *Incoluit*. Medic. *præcavit*. Nostri vero Codd. *perculuit*.

419. *Intumescere*) veluti mulieres gravidæ. Eadem comparatio VII, 126, et Lucret. V, 805 seqq.: *crecebant uteri terræ radicibus apti*. — *semina rerum*, prima animalium stamina.

420. *Vivax*) h. l. quod vitam dat. Raro ita occurrit. Terra autem humore quodam lacti simili foetus illos alobat ex mente Lucret. d. l. Cf. Lactant. Inst. II, 11.

421. *faciem aliquam*) formam expressam animalis cuiusdam: *Homines faciem sumere* est VII, 126. — *aliquam*. Obr. Cod. *aliam*.

Sic ubi deseruit madidos septemfluvius agros
 Nilus, et antiquo sua flumina reddidit alveo,
 Aethereoque recens exarsit sidere limus;
 Plurima cultores versis animalia glebis 415
 Inveniunt; et in his quaedam modo coepta, sub ipsum
 Nascendi spatium; quaedam imperfecta, suisque
 Trunca vident numeris: et eodem in corpore saepe
 Altera pars vivit, rudis est pars altera tellus.
 Quippe, ubi temperiem sumere humorque calorque, 420
 Concipiunt; et ab his oriuntur cuncta duobus:

422. *septemfluvius Nilus*) Exemplo declarat, reliqua animalia ex terra sponte fuisse orta; Nilus autem fluvius, singulis quibusque annis Aegyptum inundans, fecundum non solum frumentorum, sed variorum quoque animalium eam reddit. Septemfluvius idcirco dicitur quod septem ostiis in mare erumpit. LEST. Noster, lib. V, 187, *septemplex*; et Virgil. Aen. VII, 800, *septemgeminus*. — *antiquo*, quem, ante inundationem, sequebatur. Vid. supra ad vs. 116. Pomp. Mela I, 9, 32: *ubi Nilus se sibi reddidit*.

424. *Aetherium Nilus*) sol in aethere suspensus. Eurip. Electr. 465: *ἄσπερον αἰθέριον χοροί*. — *limus*, quem Nilus ex Aethiopia secum fert. Vid. Senec. Nat. Quaest. IV, 2; et *Vermischte Beytraege zur physick Erdbeschr.* Brandenburg. 1773, pag. 64-83.

426. *Inveniunt*) Disputant interp. unde pendant verba *sub ipsum nascendi spatium*. Referenda sunt ad verb. *inveniunt*; sic nulla difficultas. — *coepta*. Pro quo Reg. 8000 habet, *nata*. Obiect. *coepta*; sed supra *nata*, a sec. m.

428. *numeris*) Obiect. Cod. *nume- ris*. — *suis trunca numeris*, quibus

deest numerus eorum partium, quae perfectum et absolutum animal efficiunt. Haec ubi adsunt, res est omnibus *numeris absoluta*. Etenim *numeri* sunt partes, quarum numerus requiritur, ut res aliqua perfecta sit: vid. Errores Clav. Cic. h. voc. Conf. infra VII, 126; Pomp. Mela d. L: « Per lumentes campos quaedam nondum perfecta animalia, sed sua demum accipientia spiritum, et ex parte iam formata, ex parte adhuc terrena videntur ». Lucret. V, 838: « Orba pedum partim, manuum vidua vicissim, Multa sine ore etiam etc. » Totum autem somnium inde est: Quia ranae in paludibus ovula deponere soleant, quae deinde calore et humore excluduntur, error inde natus est, ranae nasci ex limo XV, 375, idemque error mox traductus ad alia animalia.

430. *Quippe ubi etc.*) Laudat hoc versus et suo modo explicat Lactant. Inst. Div. II, 9, 15 seqq. Cum his duobus Aegyptiorum principibus comparare Valk. Distrib. in Eurip. pag. 54, inbet Anaxagorem de Aethere et Terra, quippe ex eodem fonte ducta. — *temperiem numeris*, temperari.

431. *ab his*) horum interventus.

Quumque sit ignis aquae pugna; vapor humilis omnes
Res creat, et discors concordia foetibus apta est.

Ergo ubi diluvio tellus lutulenta recenti

Solibus aetheriis, altoque recanduit aestu;

435

Edidit innumeras species; partimque figuras

Retulit antiquas; partim nova monstra creavit.

Illa quidem nollet, sed te quoque, maxime Python,

Tum genuit; populisque novis, incognita serpens,

Terror eras: tantum spatii de monte tenebas!

440

432. vapor) non est *der Dampf*, ut Rod. vertit, sed calor, ut III, 152 et alibi. — foetibus, animalibus procreandis.

433. discordi concordia mundum constare, multi philosophi et poetae censuerunt. Conf. Horat. Epist. I, 12, 19; Manil. I, 141, ubi *discordia concors*. Empedocles, praeter quatuor elementa materialia, statuit duo operantis, *φιλίαν* et *μισόν*: *concordians* et *discordiam*. Diog. Laërt. in Empedocle

435. alto) Burm. ex uno Sprotii almo receperat, quia *almo* quodcumque alit et auget. Caeteri constanter *altoque*, quod nos revocavimus, quia melius convenit *solibus aetheriis*. — *altus*, sole in alto coelo effectus. — *recanduit*. Vide ad XII, 12; Plin. Pan. 30: Aegyptus alto pulvere incanduit, ubi vid. Schwarz.

436. species et figuras) animalia, Vid. ad vs. 1.

437. Retulit) iterum creavit. — monstra, τέρατα, dicuntur, ut omnes res insuditae et mirae, ita etiam ferae terribiles. Lucret. d. I: *Multaque tum Tellus etiam portenta creare annata est*. Etiam apud Horat. I, Od. 2, 6: *nova monstra*. — Monstra dicuntur etiam ἀνθρώπινα: tam, nam res novae, et sine more occurrentes.

438. nollet) Nempe sine sua voluntate, elementis ita operantibus, hoc portentum peperat. — Python. Α πύθων; exhalationis enim putredinem a diluvio gravem Sol radiorum, tanquam sagittarum, ictu attenuavit exsiccavitque. LXX. — *Pythonem humo* Bomer. h. Apoll. vs. 302 vocal ζήτησις, πυθόν, τέρας ἔγχετο; Apoll. Rhod. autem II, 708, δῖον Πύθωνα πύθονα, quod Spanhem. in δῖον Πύθωνα mutandum censet ex Tzetzi. ad Lycophr. pag. 43. Inde Apollo dictus creditur δῖον Πύθωνα.

439. Incognita) femininum praetulit Burm., quia Schol. Apollon. ad II, 708, tradit, hanc draconem dictam esse δῖον Πύθωνα genere feminino. — *incognita* habent Bernens. Neapol. et decem alii. Caeteri, *incognite*.

440. Tantum spatii) Apud Callim. vs. 93, Paranasum implicat novem orbibus, et apud Stat. Theb. I, 563, interfectus occupat spatium centum iugerum. — *de monte* maluit, quare montis, ut concursus duorum genitivorum vitaretur. — *de monte*, Paranasum montem tenebat, ibique vel oracula edebat, vel secundum Apollod. oraculum custodiebat: nam dracones saepe custodes locorum erant. Vid. ad III, 31. Et tripodes in numeris multi circumvoluti diaconibus con-

Hanc Deus arcitenens, et nunquam talibus armis
 Ante, nisi in damis capreisque fugacibus, usus,
 Mille gravem telis, exhausta paene pharetra,
 Perdidit, effuso per vulnera nigra veneno.
 Neve operis famam possit delere vetustas, 445
 Instituit sacros celebri certamine ludos,
 Pythia de domitae serpentis nomine dictos.
 His juvenum quicumque manu, pedibusve rotave

aspiciuntur, quia draco aptum ad auguris animal. Vid. Spanhem. ad Calimachi b. Del. 91.

441. *Hanc*) Obrect. Cod. 8001, *hunc*, ita ut referatur ad Pythonem, quem supra masculino genere posuit. — *arcitenens*. Apollo τοξότροπος, τοξότης, praeses sagittariorum et auctor artis sagittandi: vid. Macrob. VI, 5. Inter Latinos Naevius primus hoc nomine usus. — *et nunquam*. Quoniam et sute nunquam molestum est, propterea Heyn. ad Tibull. Obsa. IV, 1, 39, suadet non unquam.

442. *in damis*) in damas. Sed Apollo ferus fignus apud alios scriptores non occurrit.

443. *Mille gravem*) Male Heins. et Zimserling. praeferebant *gravi*, quod Pont. et Burn. improbarunt. — *gravem*, gravatam, onustam, plenam. Vid. Freinsb. ad Flor. III, 5, 18. Et omnino *gravis*, qui gestat aliquid: XIV, 628, *iaculo gravis dextera*. — *Mille telis*. Statius V, 532, dicit *arundineam centeno vulnere silvam* venisse.

444. *nigra*) vel quia serpentes ipsi poëlis *nigri* dicantur, vel quia inde nigrum venenum profluebat. Ita Virgil. Aen. IX, 700, *atrum vulnus*; et apud nostrum, *calidum et fervidum vulnus*.

445-46. *Neve operis etc.*) Antiquissimis temporibus rerum memorabi-

lium memoria ludis iustitiae servari solebat. Hos Indos Diomedes primus instituisse in honorem Apollinis credebatur: vid. Pausan. Corinth. pag. 186. Per breve tempus nono quoque anno celebrati, renovati sunt ab Amphictyona a. III. Olymp. 48, et quarto quoque anno habiti: Pausan. Phoc. pag. 813. Celebrabantur autem non procul ab urbe Crissa, quae inde Pytho, postea Delphi dicta est. — *sacri*, quoniam in honorem Dei celebrantur. — *celebri certamine*, in quibus totius fere Graeciae confluxus. Hi ludii a domito Pythiae Pythia dicebantur. Apud Clement. Alex. Coh. ed. Graec. pag. 41, vocantur πανηγυρις ἑτησίᾳ. — Sciendum est apud Graecos nobilitate fuisse quatuor ludorum genera, Olympicos, Pythios, Isthmicos, Nemeos, de quibus Pausanias lib. III, cap. 3; Natal. Cons. lib. V, cap. 12 et 34; Scalig. Poët. lib. I, cap. 23. LEM.

447. *de domitae*) Obrecti Cod. *pro domitae*, alter vero *perdomitae*.

448. *manu*) pugilem, πυγμή, et luctu, πάλη. — *pedibus*, cursus, ἐρέμω. — *rota*, quodvigis et bigis addo *carminibus* et *instrumentis musicis*. Vide Pausan. pag. 813 seqq.; et alid. Potteri Archaeol. graec. tom. I, pag. 985 sec. ed. Ramb. Saltatione quodam Apollinis pugna cum Pythonem, et instrumentis musicis huius aëbilis ex-

Vicerat, aesculeae capiebat frondis honorem.
Nondum laurus erat; longoque decencia crine
Tempora cingebat de qualibet arbore Phoebus.

450

VII. Prius amor Phoebi Daphne Peneia; quem non
Fors ignara dedit, sed saeva Cupidinis ira.

pimbebat: Strabo IX, pag. 645 sq. — *iuvenes*, athletae. — *pedum certamen* etiam XII, 304.

449. *Honor*) ut τιμή, praemium. Sed illa praemia perquam erant honorifica. — *aesculea frons*, corona *aesculea*. *Aesculea* Iovi sacra, Plinius H. N. XII, 1, et, ut glandifera, antiquis hominibus memorabilis. — *aesculeae*. Quatuor *Heraclaeae*, quod Cuiuslibet placuit. Sed vide Burm.

450. *laurus*) qua postea coronabantur victores Pythici (Pind. Pyth. Od. 8, 28; Aelian. V. H. III, 1, pag. 200), *nondum* in rerum natura erat. Sic munit sibi viam ad sequentem fabulam. Aelian. V. H. d. I. narrat quidem, Apollinem, Pythone occiso, summisae coronam lauream; sed vide Perizon. ad d. I. Nempe Apollo, Pythone occiso, fugit in Tempe, ibique novem annos latuit. Tum vero expulso rediit Delphos et oraculum occupavit. Ipterea Daphne mutatur in laurum, qui lastratus deinde est. — *longo crine* insignis erat Apollo, unde *ἰσχυρὰς, ἀκροτάτους, ἀκροτάτους*, atque etiam in monumentis crimem promissum habet. — *decencia*. Horat. I, Od. 32, 12: *nigro crine decorus*.

452-567. *Prius amor Phoebi* etc.) Apollo amat Daphnem, nympham foenossissimam; quae quum fugeret iustantis eius amplexus, a patre cuius opem implorabat, in laurum conversa est. Hinc laurum suum fecit Apollo arborem, eiue dedit nomen *ῥέπρον*. Cf. Hygin. fab. 203. Fabulam

inde natam putabant nonnulli, quod Apollo docuerit homines plantare laurum. Vide Euseb. Praeparat. Evang. II, 1. Potius videtur lusus poeticus esse. Poetae enim, quum nomina quaelum puellis nymphisve cum plantis communia essent, facile co deduci poterunt, ut illas in has mutatas fingerent, Daphnen in laurum (*ῥέπρον*), Myrrham in myrrham arborem etc. Ridiculus vero est Luc. — a-Cruce, qui per Apollinem Augustum, per Daph. Liviam intelligit, quae, tanquam laurus, sterilis fuerit. A Diodoro Epistatam fab. tractatam esse, narravit Parthenius in Eroticis, cap. 15. Noster, qui rebus amatoris delectabatur, hic indulsit ingenio; multa petulantius scripsit, plura etiam haud dubie ipse invenit. Traditum acceperat, Apollinem amantem non esse redamatum a Nympha. Id exornavit inventionem illa, quam 452-502 invenimus, qua hic mythus triplici vinculo superiori adnectitur. — *quum*. Obrecti Codex *quum*. — *amor duplici sensu*; nam et amatum significat, et amorem, quem Cupido dedit, irritavit. — *Peneia*, Penei, Thessaliae fluvii (de qua ad vs. 569), filia. Alii vero, ut Schol. Homer. ad H. A. 14, Daphnem faciunt Ladonis filiam, qui est Arcadiae fluvius: vid. ad vs. 701. Noster melius; Apollo enim, Pythone interfecto, in Tempe latuit, per quae *Peneus* labitur.

453. *Fors ignara*) caeca, ignota, *ein blinder Zufall*. Et *fors dedit* for-

Delius hunc nuper, victa serpente superbus,
 Viderat adducto flectentem cornua nervo: * 455
 « Quilque tibi, lascive puer, cum fortibus armis?
 Dixerat: ista decent humeros gestamina nostros;
 Qui dare certa ferae, dare vulnera possumus hosti;
 Qui nodo, pestifero tot iugera ventre prementem,
 Stravinus innumeris, tumidum Pythona, sagittis. †
 Tu face, nescio quos, esto contentus amores
 Irritare tua: nec laudes adserere nostras. »
 Filius huic Veneris: « Figat tuos omnia, Phoebe,

mola solennis de iis, quae casu, forte fortuna, eveniunt: vide Heius. — Saeva, *μικρή*, refertur ad ulciscendi studium. — *dedit*. Obrect. Cod. *ferit*. Male.

454. *superbus*) proprie de victoribus: vide Heyn. ad Virg. Aeneid I, 21. Hunc ipsum Apollinem, victoria hac superbientem, Apollinis Vaticanani status referre creditur: Winkelmanni Hist. Art. p. 392.

455. *adducto — nervo*) Arcum tendentem. Sed haec et talia solent poëtae, tenuitatis vitandae causa, ornate efferre. *Adduci* vero dicitur arcus, quum tenditur. Quae sequitur oratio, attemperata est superbiae victoris; magnifice de se loquitur, contentum de armulo.

456. *fortis arma*) Gravia, quae non nisi a fortibus viris tractantur, ut arcus. Sed et Cupido est *τοῦτον*, ut vocatur a Colutho vs. 29. Respexit autem hunc totum loc. Senec. Hippol. 275 sqq.: *Iste lascivus puer — tela quum certo moderatur arcu* etc.

457. *gestamen*) arcus, quatenus gestatur. Amat Noster substantiva in *amen* desinentia. — *humeros nostros* plenius quam *me*, quia arcus ex humeris suspenduntur: *nostros* dixit di-

gnitatis causa: *ἰφθιμα ὄμοι*, fortes humeri, tribuantur Apollini apud Homer. hym. Apol. 7.

458. *Qua dare certa ferae*) Dat certa vulnera is, cuius sagitta nunquam oberrat scopo. Sed et Cupido *cervu tenera tela demittit manu*, Sen. Herc. Oct. vs. 340; et ex pusillis eius humeris pendet *παρθενώτερον γαργάρον*; quod Apollo ipse mox et scutiet et futebitur, vs. 519.

460. *tumidum*) scilicet veneno, confer X, 313; V Trist. 2, 14.

461. *Tu face, nescio quos*) Haec ita respondent superioribus, ut in singulis fere verbis sit oppositio. *Facibus* saepe armatus Cupido. Moschus Id. I, 23: *Επὶ λαμπρῆς ἰσίστ τὸν ἄλυσον πύρον ἀναδύει*, *parvula fax Solem ipsum perurit*. — *nescio quos*, contentum, ac si diceret, leves, molles, atque viris negligendos. LEN.

462. *Irritare*) Pro *irritare* plerique Viviani et alii quidam, *inflammare*. Heiusius dubitat, utrum verius. Immo *irritare* multo aptius consilio huius loci. C. R. A. *inflammare*. R. B. *invitare*. — *Irritare*, excitare. Et alibi occurrit, *irritare flammam amores* etc.: vide Barin. — *nec laudes adserere nostras* refertur ad contentum

Te meus arcus, ait: quantoque animalia cedunt
 Cuncta tibi, tanto minor est tua gloria nostra.» 465
 Dixit; et eliso percussis aëre pennis
 Impiger umbrosa Parnasi constitit arce:
 Eque sagittifera promisit duo tela pharetra
 Diversorum operum; fugat hoc, facit illud amorem:
 Quod facit, auratum est, et cuspide fulget acuta; 470
 Quod fugat, obtusum est, et habet sub arundine plumbum.
 Hoc Deus in Nympha Peneide fixit; at illo
 Laesit Apollineas traiecta per ossa medullas.
 Protinus alter amat; fugit altera nomen amantis,
 Silvarum latebris, captivarumque ferarum 475
 Exuviis gaudens, innuptaeque aemula Phoebes;
 Villa coercerat positos sine lege capillos.

aito, Laudes vel insignia honorificæ, vel ipsa gloria. Ad hæc fidenter satis et breviter puer maiorem sibi gloriam adserit. - Adserere. Arroga, vindicari tibi. LEN.

465. *Cuncta tibi*) Cod. Reg. A. *cuncta Deo. LEN.*

466. *eliso percussis*) Volatus eeler describitur. *Elidere aëra* i. q. sibi *findere, secare nem.* Proprie *percussus* aer pennis, X, 159; sed h. l. alae *percutiuntur*, i. e. moventur.

467. *Parnasi*) *Gemina Parnasi ars.* Graeci, ἀρσὺν Παρνασσίου et *ἀρσὺν τῆς ἀρσῆς τῶν ὀφθαλμῶν.* Cupido aulem, et ut se subtrahat Apollini, et ut ex alto eum feriat, petit Parnasum. E vertice montis etiam Apollo iaculatur VI, 217. Sequitur loc. classic. de telis Cupidinis. — *Arces* montium apud poetas sunt vertex eorum. Senec. Oed. 227.

468. *Eque*) Nostri duo Codd. *atque.* Eleganter nostro iudicio praepositionis omissis.

469. *Diversorum operum*) quorum vis diversa.

473. *Laesit Apollineas*) *Vulnerat* Cupido non modo *iccat*, quod sedes putabatur esse et domicilium amoris, sed etiam *medullas*, quia amor est ignis per ossa serpens. Vide II, 410; Virg. Aen. VIII, 388 sqq.; Senec. Hipp. 281.

475. *Silvarum latebris*) Venandi studium inter amoris remedia refertur Rem. Am. 199. Hinc Diana *innupta*; hinc puellae conubia *aversantes* venatui operam dabant, II, 412 sqq. Sed hoc, Daphne fil venatrix, poetice elocutus est, h. e. signis venantium commemorandis. *Silvarum latebrae*, ferarum latebrae in silvis.

476. *Exuviis*) ferarum tegere humeros solebant Nymphae, Dianam comitantes. Apollon. Rh. IV, 1348. — *gaudens*, τῆς τοπίας, amans, aut ornata exuviis. Virg. Aeneid. I, 275, Romulus *lupae tegmine laetus.*

477. *Villa coerceri*) h. e. constringi solebant cultu simplici virginum co-

Multi illam petiere: illa aversata petentes,
 Impatiens expersque viri, nemorum avia lustrat;
 Nec quid Hymen, quid Amor, quid sint connubia, curat.
 Saepe pater dixit: « Generum mihi, filia, debes. » 480
 Saepe pater dixit: « Debes mihi, nata, nepotes. »
 Illa, velut crimen, taedas exosa iugales,
 Pulchra verecundo suffunditur ora rubore;
 Inque patris blandis haereus cervice lacertis, 485
 « Da mihi perpetua, genitor carissime, dixit,
 Virginitate frui: dedit hoc pater ante Dianae. »

mae, ne diffunderentur: vide Tur-
 neb. Advers. XXIII, 5. Dicebantur
 villae virginiae (Virg. Aen. II, 168),
 a quibus diversae matronales. — po-
 sita sine lege, incompositae, non cin-
 ciautos: sine lege, ἀναρχα, ἀνεργασί.
 Anser. Od. XXIX, 7; Claudian. 35,
 149, libertatem comarum vocat, quia
 Diana innecta tantum corona frenet.
 Eam libertatem illustrat Spanhem ad
 Call. p. 660. Ponere et componere
 proprie de ornatu capillorum.

479. Impatiens viri) Reformidans
 consuetudinem viri, neque nubens.
 Fast. VI, 288, quum duae nupsissent,
 De tribus impatiens restitit una viri.
 — Expertes virum puellae etiam apud
 Horat. III, Od. 14, 10, ex emendat.
 Cuning. Inde autem laurus quoque
 caesa dicitur a Tibull. III, 4, 23. —
 nemorum avia, pro nemora avia,
 forma loquendi graeca, quam non so-
 lum poëtae latini, sed etiam prosaici
 accipiores imitati sunt. Justin. XLI,
 2, 11: *Fit non immensa tantum ac
 profunda caespitum, verum etiam
 pinnarum collum, motuumque ardua
 evapaverunt*, ubi vide Gronov. et
 Rivierum. ad Lactant. Instit. div.
 VII, 3, 25. E poëtis exempla con-
 gressit Heins. ad h. l. Avia autem sunt

remota et deserta, qualia amant se-
 curitatis causa ferre.

481. Saepe pater dixit) In R. C. A.
 hi duo versus transponuntur. Nihil
 interest. — Multum venustatis et ἡρώς
 in hoc patris cum filia colloquio. Sine
 suavitate hac res eadem, vs. 659.

483. taedas iugales) Nuptias. No-
 vis enim nuptis quinque facies accen-
 sae praeferebantur, ut Plutarchus scri-
 bit in Problematibus. LXX.

484. Suffunditur) Vulgo suffun-
 dens, quod Burm. monet multis exem-
 plis defendi. Recte; sed non credi-
 bile est, auctorem h. l. tot participia
 cumulasse. Cod. Reg. A. habet *suffun-*
dens. — Suffundi dicitur de rubore
 ora uolante.

485. haereus) Cod. Patricii Iunii,
 pendens cervice. Acque bene. — Cold.
 RH. duo, haereus. Haerere, ut pen-
 dere, de amplexibus.

486. Da mihi perpetua) Ipsa haec
 sunt verba Dianae ad Iovem apud
 Callim. hym. Dian. 6: *Δός μοι παρ-*
θεύης αἰώνου, ἀπαν, ποιᾶσαι. Da
 mihi sedem in precationibus: VIII,
 351. Horat. I, Ep. 16, 61: *Da mihi*
collere, da iustum sanctumque videri.

Ille quidem obsequitur: « Sed te decor iste, quod optas,
 Esse velat; votoque tuo tua forma repugnat. »
 Phoebus amat; visaeque cupit connubia Daphnes; 494
 Quaeque cupit, sperat: suaeque illum oracula fallunt.
 Vtque leves stipulae demtis adolentur aristas;
 Vt facibus sepes ardent, quas forte viator
 Vel nimis admovit, vel iam sub luce reliquit:
 Sic Deus in flammis abiit; sic pectore toto 495
 Viritur, et sterilem sperando nutrit amorem.
 Spectat inornatos collo pendere capillos: /
 Et, « Quid, si comantur? » ait: videt igne micantes,

488. *Ille quidem obsequitur*) Mox adpergit poeta aliquid, unde lector exitum rei divinare possit. Facit hoc Noster saepe cum aliis, praecedente Homero: v. c. Il. B. 36-40. — *decor*, pulchritudo; sed illud significantius est: exprimit enim simul gratiam quendam, unde fere Veneri et Gratia decor tribuitur. Mox vs. 527, *nympha decens*,

490. *connubia*) Concubitus, ut XI, 226. Ita *coniugium* XIV, 298; Virg. Aen. III, 475; et γάμος. Vid. Schrader, ad Musaeum, p. 123 sqq. Similiter vs. 557, *conuux* de concubina, et uxor Horat. III, Od. 27, 73.

491. *sua oracula*) quae tamen habebantur certissima, Eurip. Electr. vs. 399; Terent. Andr. IV, 2, 15. Vnde certus Apollo Horat. I, Od. 7, 28. Sed amor excaecat, ut hominem, ita et Apollinem.

492. *demtis — aristas*) Eadem similitudine amoris vehementia illustratur VI, 456. *Aristae* olus cum exigua tantum calami parte *denu*, rescari, detonderi solebant a muscoribus; *stipulae* autem adoleri solebant ab agricolis, ut vitia agri excoquerentur: Virg. Georg. I, 85 sqq. Lucret. V, 1246, 7. — *Levis* solemae

epitheton stipularum. — *Adole* non tantum in sacris locum habet, ut Heins. putat, sed interdum, quamquam paulo rarius, omnino est cremare: vide Heyn. ad Virg. Aen. I, 704. *Adolentur*, quod cum eodem Heinsio praefert Burm., hic nullo modo ferri potest, quia similitudinis huius ratio aperte flagitat verbum, cui visarendi iussit.

493. *forte*) Heins. mallet *nocte*, ut vs. sub luce respondeat. Approbat Burm. — Nostri Codd. RR. *forte*. — *Forte*. Veteres iter saepenumero faciebant noctu; ne igitur a via aberrarent, utebantur facibus peculiariibus e ligno querno, γάβρις graeco dictis, quas viatores vel negligentes (quod indicat h. l. vs. *forte*), vel petulantes interdum admovebant sequibus, aut etiam ardentes sub luce abieciunt, unde saepe incendia. Cf. Fast. IV, 167; et vide Casaub. ad Sueton. Caes. 31.

496. *sterilem — amorem*) *Sterilis* amor eleganter, cui non respondetur, qui non gignit alium. Qui in amore tam infelix est, Graecis ἀνερπιδίτης, Latinis *invenustus* (Terent. Andr. I, 5, 10) dicitur.

498. *Quid? si comantur*) suaviter!

Sideribus similes, oculos: videt oscula; quae non
 Est vidisse satis: laudat digitosque manusque, 500
 Brachiaque, et nudos media plus parte lacertos.
 Si qua latent, meliora putat. Fugit ocior aura
 Illa levi; neque ad haec revocantis verba resistit:
 «Nympha, precor, Penei, mane: non insequor hostis.
 Nympha, mane. Sic agna lupum, sic cerva leonem, 505
 Sic aquilam penna fugiunt trepidante columbae;
 Hostes quaeque suos. Amor est mihi causa sequendi.

— videt igne micantes. Oculi igne micantes in principia parte pulchritudinis. Anacr. Od. XXVIII, 18, ubi oculi ἀλκθῆς ἀπὸ πυρός. Et tales oculi cum sideribus comparari solent, Am. III, 3, 9. — igne micantes. Schrepper. leg. igne micare. Francius, *Videt igne micante.*

499. *Sideribus similes oculos*) Heinsius conj. *sideribus semitesque*. Burmanno placet, quod in uno *Leidens.* est, *sideribusque oculos similis*. Nostri Codd. RR. vulgatam habent; et inutiles sunt Schrepperi et Heinsii conjecturae.

501. *et nudos lacertos*) Nymphae Dianum comitantes manus et brachia ad humeros usque *nudo* habebant: Philostrat. Icon. p. 868. Et sic Dianae etiam effigies expressa cernitur in monumentis: vide Sponii Miscel. p. 312.

502. *Si qua latent*) Quintil. Inst. Orat. VIII, 3, 47, ubi monet, etiam sensum bonum interdum perverti ab impuris hominibus, exempli loco haec ipsa verba laudat, et pro *si* qua habet quaeque. Sed illud elegantius. Vide ad Plin. I, Ep. 1; Noster Am. III, 2, 35: *Suspicio ex istis et caetera posse placere, Quae bene sub tenui cuncta veste latent.*

503. *neque ad haec*) Seq. oratione

probat poeta, quod II, 846 monet, non bene convenire, nec una in sede morari maiestatem et amorem. Dum enim iussu amoris licitati invenis mores notat, ridendum tradit sapientiae Deum, qui antea contentum de Cupidinis telis et amore locutus erat. Itaque nec dubitat eum, vs. 533, cum cane leporem persequente comparare. Sed etiam Homerus multa diu indigna fluxit, ut II. A. 340 sqq., vers. 586 sqq. Id multo magis in hoc Metamorphoseon opere excusari debet. Ingenium quidem Ovidii in his quoque agnosces. Commode etiam multa ex mythologia, quae ad Apollinem pertinet, admiscuit. — *ad haec*, his auditis, III, 245. Sic et *sub* IV, 522.

504. *Penei*) Pro *Peneia*, quod plurimi. Vid. de illa forma Heins. ad h. l., et Beuth. ad Horat. I, Od. 26, 9. — *Penei*. Nostri Codd. habent *Peneia*, quod non praetuliinus, nam *Penei* metro melius congruit. LEM.

505. *Sic agna etc.*) Expressius videtur Horat. I, Od. 23, 9: *Atqui non ego te, tigris ut aspera, Gaetulave leo, frangere persequor.*

506. *Pennae*, aliae, elegantius dicuntur *trepidare*, quum prae metu celeriter moventur. Cf. V, 605; VII, 382. Florus III, 10, 17, *trepidant a adeo carpenta dixit*. Exquiritius Vi-

Me miserum! ne prona cadas, indignave laedi
 Crura secent sentes; et sin tibi causa doloris:
 Aspera, qua properas, loca sunt: moderatius, oro, 510
 Curre, fugamque inhihe; moderatius insequar ipse.
 Cui placeas, inquire tamen: non incola montis,
 Non ego sum pastor: non hic armenta gregesve
 Horridus observo: nescis, temeraria, nescis
 Quem fugias; ideoque fugis: mihi Delphica tellus, 515
 Et Claros, et Tenedos, Pataraeque regia servit.
 Iupiter est genitor: per me, quod eritque fuitque,

gil. Aeneid. V, 505, *timuit pennas ales*.

508. *prona cadas*) *Prone* cadunt
 currentes; *supini*, qui interficiuntur.
 — *indigna laedi*, quae non merentur
 laedi. Plerumque *indignum* absolute
 ponit Noster, suppresso verbo, ut
 631. Vide Curt. ad Sallust. Cat. 51,
 27; Hor. I, Od. 17, 28; *Sciudat im-*
meritam vestem.

509. *secent*) Virgil. Ecl. X, 49:
Tibi ne teueras glacies secent aspera
plantas. Ita *secent* et Georg. III, 444.
 Sed et *notent*, quod h. l. nonnulli
 habent, defendi potest ex Tibullo IV,
 3, 10, *hauritis cura notare rubis*,
 ubi vide Heyn. — *Decent pro notent*
Cicilian, ex duobus protulit. Habue-
 runt et decem ex melioribus, quos
 Heinsius contulit, nude ille recepit.

512. *tamen*) precantis est: tan-
 dem, quæso. Iam incipit, more
 puercorum, dignitatem suam et virtutes
 iactare. Cf. vs. 595, IX init. Et ha-
 buimus hic locum class. de artibus
 Apollinis. Eas vero ornate circumlo-
 cutus est.

514. *Horridus*) Pastores introdu-
 cuntur *horridi et squalidi*, *αἰσχρῶν*,
στυγνῶν, ut Pan. ap. Hom. hym.
 Pan. 6; neque id aliis in vitium ver-
 titur, sed opp. unguento nitidis. Sor-

dida rura dixit Virg. Ecl. II, 28. —
obseruo, custodio.

515. *Delphica tellus*) Vide *Ora-*
cula Delphica dicta sunt. Delphi urbs
 Phocidis in Actiia ad Parnasum,
 oraculo Apollinis clara. LXX.

516. *Claros* etc.) Oppidum Ioniae,
 iuxta Colophonem, Apollinis templo
 et oraculo nobilissimum: vid. Strabo
 XIV, p. 442; Pausan. VII, p. 405.
 Inde Apollo *Clarius*, cuius effigia
 in univ. conspicitur apud Patinum
 numism. Imp. p. 400. — *Tenedos*,
 insula maris Aegaei, agro Troiano vi-
 cina, ubi templum Apollinis Smin-
 thei ditissimum: Strabo VII. Conf.
 Virg. Aen. II, 21. — *Patara*, urbs
 Lyciae, in qua Apollo hiemem tran-
 siebat, et per sex menses hibernos
 responsa dabat: Herodot. I, 182;
 Serv. ad Virg. Aen. IV, 143. Hinc
 Apollo *Patareus*, Horat. III, Od. 4,
 64. — *Servat*, colit sacris faciendis et
 oraculis consulendis.

517. *per me quod eritque*) Artes,
 quarum ἑρμῆος erat, ut loquitur Schol.
 ined. Homer. apud Valken. de Cod.
 Hom. p. 94, τοῦτ' ἐστὶν, ἱερὰ καὶ πο-
 σὶ καὶ μετὰ καὶ: vide Callim. hym.
 Apol. 42 sqq.; Virg. Aen. XII, 393.
 Et apud Lucian. in φησὶς, p. 716.

Estque, patet: per me concordant carmina nervis.
 Certa quidem nostra est: nostra tamen una sagitta
 Certior, iu vacuo quae vulnere pectore fecit. 510
 Inventum medicina meum est; Opiferque per orbem
 Dicor; et herbarum subiecta potentia nobis.
 Hei mihi, quod nullis amor est medicabilis herbis!
 Nec prosunt domino, quae prosunt omnibus, artes!
 Plura locuturum timido Peneia cursu 525

Indignantur Dii, quod hic unus tot
 artem exerceat. — *per me, quod erit-*
que etc. Vates sum longe certissimus.
 Expressit autem Homer. II. A, 70,
 ubi Calchus scire dicitur: τὰ τ' ἰόντα,
 τὰ τ' ἰσοδύμενα, πρὸς τ' ἰόντα, quare
 locum citum transtulit Virg. Georg.
 IV, 392. Vaticinandi artem edoctus
 erat Apollo a Iove, cuius vates etiam
 dicebatur, praeeratque oraculis.

518. *per me concordant*) Musica
 aexcello et instrumentali et vocali. Mu-
 sica ars apud Veteres in summo honore
 erat, ita ut inventio praestantissimo-
 rum instrumentorum ad Deos referre-
 tur: Plutarch. de Musica p. 1136.
 Apollinis instrumenta erant cithara,
 quam ipse invenit (Bion. Id. III, 7)
 et quam cum cantu pulsat, et *lyra*,
 quam accepit a Mercurio: Hom. hym.
 in Merc. — *Nervi*, νῦρα, fides. Con-
 centum vocis et fidium varie expres-
 sit. Cf. V, 340; XI, 5.

519. *Certa — sagitta*) Inevitabilis:
 unde metuendus certa Phoebeus sagit-
 ta Horat. I, Od. 12, 22. Sic et cer-
 tus arcus, certa manus tribuitur peri-
 tis iaculatoribus. Contra *incerta secu-*
ris Virg. Aen. II, 224. — *tamen una*
 etc. Vide et vers. 436 et 438. Conf.
 Anacr. Od. XLV, ubi Mars sentit vinu
 horum telorum.

520. *vacuo*) scilicet ab amore; Da-

phus enim primus eius amor, vers.
 452.

521. *Inventum* etc.) Cf. Callim.
 d. I. — *Opifer*, σωτήρ, ἰατρός, πάλιν:
 vide Valken. ad Euripidius Hipp.
 vs. 1372. Primi autem medici erant
 chirurgi, omnisque eorum scientia
 erat, nosse viam herbarum. Celsus
 praef. Itaque addit, et *herbarum* etc.
 — *Opifer*. Hinc Apollo βοηθός, ἰατρός
 ἄσπετος, apud Graecos. LEM.

522. *herbarum*) Quas in medicina
 potentes sol c terra elicit. LEM. —
potentia, vis, efficacia. Virg. Aen.
 XII, 396, *scire potestas herbarum*,
 et VII, 19, *potentes herbae*. *Fortes*
herbae infra XV, 534.

523. *quod nullis* etc.) Eadem sen-
 tentia Heroid. V, 149: *Me miseram,*
quod amor non est medicabilis herbis.
 Effinxit autem Tibul. II, 3, 12, de
 Apolline amant: *Nec po uiteris sa-*
nare salubribus herbis. *Quidquid erat*
medicae, vicerat, artis, amor. Prop.
 II, 1, 59: *Omnes humanos sonat me-*
dicina dolores: Solus amor morbi non
amat artificem. — *medicabilis*. Codd.
 nostri duo habent *sanabilis*: non male.

524. *dominus artis*, qui eam exer-
 citat III, 138. Similiter fere τοῦ πο-
 τος τῆς τέχνης Anacr. Od. XXVIII, 5.

525. *timido*) Vulgo rapido cursu.
 Alterum plerique Veti. tuentur. Et-

Fugit; cumque ipso verba imperfecta reliquit.
 Tum quoque visa decens: nudabant corpora venti,
 Obviaque adversas vibrabant flamina vestes,
 Et levis impexos retro dabat aura capillos;
 Auctaque forma fuga est: sed enim non sustinet ultra
 Perdere blanditias iuvenis Deus: utque movebat
 Ipse Amor, admisso sequitur vestigia passu.
 Ut canis in vacuo leporem quum Gallicus arvo

iam IV, 774, *timido pede fugit*. Nostri Codd. *timido*. — *timido cursu* aut *pede* fugit, qui prae metu celeriter currit; metus enim dat celeritatem. Sic et ipsum post se relinquit, et verba imperfecta, orationem eius nondum absolutam.

527. *nudabant corpora* etc.) Magna laus, si quem omnia decet: VIII, 25; X, 590. Sequitur aliud exemplum phantasiae Ovidianae. Venantes veste brevi supra genu succinctae erant: Virg. Aen. I, 320. Vid Spanhem. ad Callim. hym. Dian. II, 212.

528. *adversas — vestes*) Has venti vibrabant; quo verbo exquisito pinguntur varii motus vestis, quum nunc sursum agitaretur, nunc expanderetur, nunc retro fluere. Pari venustate II, 875: *tremulae sinuantur flamine vestes*. Cf. et XI, 470; Fast. III, 585. Verbu obvia et adversas, pluritudinis causa, non male addita; sed minus probanda cumulatim verborum *venti, flamina, aura*. — *vibrabant*. Palst. *sinuant*, quod Burm. elegantius iudicat. Ita sane, II, 875; sed poeta potuit eandem rim variare. Eidem etiam, ut magis poeticum, e Regio placuit *adversam ventem*. — Nostri Codd. *vibrabant*.

529. *Et levis impexos*) Nostri Codd. et *levis impulsos*.

530. *Auctaque forma est*) Cod. R. B. *Aucta deo flamma est*. C. R. A. *Aucta fuga forma est*. Hoc ultimum concinnius videtur. — *sed enim*, ut vero, — *non sustinere* eleganter dicimur, ad quae perficienda non satis vel animi vel voluntatis habemus.

531. *iuvēnis*) Apollo enim asi vīos, et sic etiam in monumentis antiquis representator. Schol. Stat. I Theb. 694, causam reddit hanc, quod ipse sit sol. Sol autem igeus est, qui nunquam senescit. Caeterum in hoc nomine inest h. l. causa furoris, quo insequitur nympham. — *movebat*, incitabat. — *movebat*. C. R. B. *movebat*, facili mutatione τοῦ u in n.

532. *admissō*) celeri. Proprie equus dicitur *admitti*, quum frenis laxatis incitatur ad cursum. — *sequitur vestigia*. Burmann. non spernit ex uno Heins. *sequitur per devia*.

533. *Ut canis* etc.) Sequitur locus a phantasia singularis, et longe praestantissimus, cuius tamen laus non debetur ingenio Ovidiano, nam totus expressus est e Virgil. Aen. XII, 749 seqq.; quemadmodum Virgil. sua ex Apollon. Rh. II, 278, petiit: conf. Statius Thebaid. V, 166 seqq.; et Noster infra II, 781–83, qui loc. ntique cum hoc conferendus. *Gallici canis*, vertigi dicti, a celeritate in primis laudabantur, et leporibus po-

Vidit; et hic praedam pedibus petit, ille salutem :
 Alter inhaesuro similis, iam iamque tenere 535
 Sperat, et extento stringit vestigia rostro:
 Alter in ambiguo est, an sit deprensus, et ipsis
 Morsibus eripitur, tangentiaque ora relinquit :
 Sic Deus, et virgo est; hic spe celer, illa timore.
 Qui tamen insequitur, pennis adiutus Amoris 540
 Ocior est, requiemque negat; tergoque fugaci
 Imminet; et crinem sparsum cervicibus adflatur.
 Viribus absumentis expalluit illa: citaeque
 Victa labore fugae, spectans Peneidas undas,
 « Fer, pater, inquit, opem; si flumina numen habetis. 545
 Qua nimium placui, Tellus, aut hisce, vel istam,

tissimum persequendis adhibebantur
 Gratian. Cyneg. vs. 203. — in vacuo,
 ubi nil moratur eius celeritatem. *Fa-*
cuna loca, non consita arbustis, IV,
 713. Supra 285, *aperti campi*. Virg.
 Aeneid. XII, 771, *purus campus*,
 καθαρός χώρος.

535. *inhaesuro*) scilicet dentibus,
 de mordente. Virgil. d. I.: *vividus*
Fuiber Haeret hians, iam iamque
tenet, similisque tenenti *Increpuit ma-*
lis, morsusque elusus inani est. — De
 decoro nostri loci dictum ad vs. 503.

537. *deprensus*) Codd. nostri com-
 prensus.

540. *Qui tamen insequitur*) Quem
 amor celerem reddit, cum Cupido ve-
 lut adiuvat alis suis.

541. *Ocior est*) Elegantior Burm.
 videtur lect. Medic. *Ocior* it. — tergo
imminere etiam apud historicos, sed
 h. l. cum vi de eo, qui prono corpore
 ita instat, ut fugientis tergum habitu
 suo adllet. Similiter V, 616. Expres-
 sit Claudian. XXVIII, 279: *Platu*
propore sequentum premor. Heins. ex
 Langerm. a m. pr. dedit *fugaci* pro
fugacis. Bene.

544. *Peneidas*) Codd. nostri ha-
 bent *Peneidos*.

545. *numen*) Vim et potestatem
 divinam: neque si nunc dubitantis
 est, sed saepe ponitur pro *quum*:
 vide Broukh. ad Propert. III, El. 23,
 19. Infra XIII, 49, *si Di sunt*, et su-
 pra 377.

546-47. *Qua nimium placui*) Duo
 Codd. hos duos versus praeposunt
 superiori. Vetrerrimus Palat. priorum
 non agnoscit; unus Gronov. neutrum
 habet. Heinsio aut tollendi ambo vi-
 debantur, aut ordine inverso legendi:
Quae facis, ut laedar, Tellus, aut
hisce, vel istam, Qua nimium placui,
mutando etc. Burm. suadet, vel *Ah*
nimium placui! vel *Cur nimium p.*
 Denique ut laedar mutari vult in *ut*
lauder, quia et alibi *laudata forma*:
 et in quatuor MSS. e glossa esse ut
placeam. Sed ita his idem dixisset,
 nec exhausisset vim calamitatis suae.
 — Nostri Codd. has varietates non
 agnoscunt. — Seidenstuecker *Qua* ex-
 plicit *in qua*, *super qua*, atque haec
qua nimium placui addita putat, quia
 Peneia iam devorari a terra cupit.

Quae facit, ut laedar, mutando perde figuram.
 Vix prece finita, torpor gravis adligat artus:
 Mollia cinguntur tenui praecordia libro:
 In frondein crines, in ramos brachia crescunt: 550
 Pes, modo tam velox, pigris radicibus haeret:
 Ora cacumen obit: remanet nitor unus in illa.
 Haec quoque Phoebus amat; positaque in stipite dextra
 Sentit adhuc trepidare novo sub cortice pectus.
 Complexusque suis ramos, ut membra, lacertis, 556
 Oscula dat ligno: refugit tamen oscula lignum.
 Cui Deus, «At coniux quoniam mea non potes esse,
 Arbor eris certe, dixit, mea. Semper habebunt

Melius tamen, si fieri commode posset, qua referretur ad figuram, ut II, 474: *Admiam tibi nempe figuram, Qua tibi, quoque places nostra, inopportuna, marito.* Et Perizon ad Sanct. Min. p. 543 sqq., exemplis idoneis docuit, ita interdum abrumpi constructionem, ut divellantur, pluribus verbis interpositis, quae cohaerent. Id quod in iis maxime vocibus locum habet, virtus adeo videri possit, quae, ut haec in summa mentis perturbatione proferantur. Sed quoniam plures MSS. hic plura omittunt, quoniam mirum est, nympham post patrem illico et Tellurem invocare, neque adeo apparet, uter eam mutaverit, quoniam denique in Argum. Latantii unus pater invocatur, propterea malim hos duos versus ita contrahere: *Qua nimirum placui, mutando perde figuram*, reliquis deletis. Quoniam miseri saepe optant, ut terra hiscat (Heroid. VI, 144; Fast. III, 609; Silius IV, 332, *fugere infanzum est, terraeque optantur hiatus*), etiam hic hoc votum infarcire aliquis potuit. Similiter 700 sqq., verbis quibusdam deletis, interpretes merito

duos versus in unum conflarunt. Alias emendd. vide in Variet. lect. De verbo *laedere*, vide ad 608.

548. *adligat*) Olim *occupat*. Sed *adligat* Heins. adeptavit ex primo Basil. Lungino et altero Reg. Ipse tamen malit *aggelat*. — Nostri Codd. habent *occupat* — *gravis*, ab effectu, qui *adligat*, rigidus et immobiles reddit artus. *Gravitas* eo sensu de arbore, XI, 244. *adligare artus*, de torpore, tremore, pavore passim: vide Heins.

549. *librum*) Hic melius posuit, quam duriores corticem.

550. *crescunt*) Mutationis notio variata verbis *crecere*, *haerere*, *obire*. Postremum sic et VII, 775; IX, 290.

551. *pigris*) immobilibus, ab homine sumtum.

552. *remanet nitor*) *Nitida laurus* etiam XIV, 720; Plin. V, Ep. 6, 4. Atque etiam puellis *nitor* tribuitur, i. e. pulchritudo, XI, 272. Hoc saepe decus Daphne servat mutata, ut ad 237 admonitum.

554. *trepidare*) Palpare, micare, de motu cordis. Cf. VIII, 606.

557. *coniux*) Vide ad 490.

558. *Arbor mea*) ex more, quo

Te coma, te citharae, te nostrae, Laure, pharetrae.
 Tu ducibus Latiis aderis, quum laeta triumphum 560
 Vox canet, et longas visent Capitolia pompas.
 Postibus Augustis eadem fidissima custos
 Ante fores stabis; mediamque tuebere quercum.
 Utque meum intonsis caput est iuvenile capillis;
 Tu quoque perpetuos semper gere frondis honores.» 565

Dii arbores quasdam in tutelâ suis habebant. Cf. 710. — habebant. Laurum habebant, lauro ornata erant, omnia, quae Apoll. essent, tripus, templum, vates, victores Pythici. Ipse in monumentis cernitur vel redimitus corona laurea, vel gestans dextra ramum laureum. Vnde Apollon δαφνοφόρος; vide Spanhem. ad Callim. hym. Del. 91. — *te citharae*. Hinc laureati in scena citharoedi. LEM.

560. *Tu ducibus* etc.) Vaticinatur Apollo in honorem Romanorum atque Augusti: h. e. poeta adulatur civibus suis atque Augusto. Laurus apud Romanos insigne erat et victoriae (unde *laurus* pro ipsa victoria ponitur), et triumphî; namque post impetratam victoriam imperatorum literae et fasces, militumque lanceae et pila lauro ornabantur. Inde porro a tempore Caesaris imperatores triumphantes coronam lauream capite gerebant, ramumque laureum manum tenebant: vide Plin. H. N. XV, 30; ubi etiam causae commemorantur huius tanti honoris lauro habiti. — *Latiis*, Latinis: vid. Heins. — *Latiis* pro *laetis* debemus Heinsii ingenio. — Codd. nostri, *laetis*. — *aderis*, eorum capita et manus ornabis. Ita *adesse* X, 142, de cypressu: *aderis lugentibus*.

561. *longas pompas*) Heins. ex duobus suis, Scaligeri ac Iureti excerptis et Graevii cod., *longae pom-*

paë. Nec displicet ei ducent *pompas* cum Barberiniano. Francos., *longa pompa*, non improbande Barro. — Currum triumphantis antebant captivi et res bello captae; sequebantur milites, hinc *longae pompae*. Milites magna et *laeta voce* canebant, lo triumpho! Urbem ingressi, petebant per viam sacram *Capitolium*, ut ibi hostias mactarent, lovique Capitolino vota persolverent: vide IV Trist. 2, 51 sqq.; Horat. Epod. IX; Tibull. II, 6; Ioseph. B. Iud. VII, 18. — *Capitolia visent pompas* magis poetice mihi videbatur, quam *sterum, pompae visent Capitolium*; itaque illud revocavi. Plin. Pan. XVI, 3: *Accipiet Capitolium non minico curvus, sed imperatorem* etc.

562. *Postibus Augustis* etc.) Supra fores Palatii civicae e *quercu* corona suspensa erat, et ad utrumque latus *laurus* stabat, triumphalis arbor: Fast. IV, 593; III Trist. 1, 35-48, ubi plures eius honoris causae. Eandem arborem et Graeci ante fores collocabant: Hesych. in Κόρυμβ. Plinius H. N. XV, 30 s. 39: *Laurus vel gratissima domibus, ianatrix Caesarum Pontificumque: sola et domos exornat, et ante limina excaubat*. Ut ibi *excaubere*, sic hic *custos*.

563. *tucri* exquisitis quum, habere.

565. *frondis honores*) Iam arboris naturam ex mytho ingeniose repe-

Finierat Paean. Factis modo Laurea ramis
Adiuit; utque caput, visa est agitasse cacumen.

VIII. Est nemus Haemoniae, praerupta quod undique
(claudit

tit. Folia dici solent comae arborum; sed nunc illa exquisitis poëta circumlocutus est, *frondis honores*, ut Martialis IX, Epigr. 62, ex h. l.: *perpetuos sperare licet tibi frondis honores*. Auctor Carm. de Phoenice, vs. 10: *Lucus perpetuae frondis honore virens*. Praeiverat Virg. Georg. II, 405: *Frigidus et sibi aquilo decussit honorem*.

566. *Paran*) Apollo a graeco παῖς, i. e. Σπαρτίος, sano. Schol. Aristoph. ad Plat. 636. — Scal. Poët. lib. I, cap. 23: « Acclamatio fuit, ἦ παῖ, ἦ παῖ, unde nomen Apollini factum sicut certis syllabis additis, παῖον, παῖον, παῖον. » Alii etiam nomen ei inducunt a παῖον, morbos senans. LEM. — *Factis ramis*, vide ad Met. II, 487.

567. *Adiuere*) παραστήν, signum adsensus.

568-750. *Est nemus Haemoniae* etc.) Tempe, amoenissimam Haemoniae vallem describit poëta, quo commodius praecedenti fabula transeat, et post Penei filiam in laurum mutatam, dicat et Ius, Inachi angnis filiae, metamorphosin in iuvenem. Nam iuxta Tempe est spelunca Penei fluvii, ad quem consolandum omnes amnes convenerunt, praeter Inachum qui amissam filiam lugebat: vide infra vs. 577. LEM. — *Io* amatur a *Iove*, et vi ab eo compressa mutatur, *Iunone* superveniente, in *vaccum*, quam illa *Argo* custodiendam tradit. Hoc *Mercurii* manu interfecto, Iuno Ioi Erinnyin immittit, qua per totum terrarum orbem agitata tandem ad Nilum venit, ubi in Deam transit *Epaphrasi*que parit. Fabulam, Ascle-

piade, Acusilao, Hesiodo ducibus, narrarunt Apoll. II, 1, 3; Hygin. fab. 145; Valer. Flac. Argon. IV, 353 sq.; Noster Ep. XIV, 85 sqq. Etiam Aeschyl. Prom. 563-892, induxit Io, quamquam nonnulla ex fatiis eius, ut consilii suo responderent, novavit. Idem argumentum in solo Amyclaei expressum erat, Paus. III, 18, et in clypeo Turni, qui genus ab Inacho ducebat, Virgil. Aeneid. VII, 789. Atque etiam hodie in gemmis conspicitur. Vide Lipperti Dactyl. II, 1, 18. Quoniam *Io* in Argivorum dialecto, nutante Eustath. ad Perieg. 92, lunam significabat, lunae autem symbolum femina capite cornuto fuit, inde fabulae initia ducta esse videntur, aucta deinde additamentis quibusdam. Et quum Graeci res Aegyptias cum suis permiscerent, Io et Epaphus Isidi et Apidi assimilari coeperunt. Vide Heyne in Antiquar. Aufsaetzen, tom. I, p. 41; et ad Apollod. d. l. — *Est nemus* etc. Hic transitus, quo *fluviorum conventus* fingitur, pars est et superioris et sequentis fabulae. Locum hunc *Haemoniae* (Thessaliae, ab Haemone rege, Thessali patre, Strabo IX, pag. 449) ut amoenissimum describunt Plin. H. N. IV, 8, et Aelian. V. II, III, 1. Sed cum Ovidio melius consentit Liv. XLIV, 6. Is *saltum* vocat, et XXXVI, 10, *favores saltus*; Aelian. couvallem inter Olympum et Ossam non admodum latam. In ea varia nemora aestate suavisima. Hinc Noster *nemus*, et Mela II, 3, *sacro nemore nobilia Tempe*. — *undique*, dextra laevaque. — *Silva praerupta*, silva in

Silva: vocant Tempe, per quae Peneus, ab imo
 Effusus Pindo, spumosis volvitur undis; 570
 Deiectuque gravi tenues agitantia fumos
 Nubila conducit, summasque adspersine silvas
 Impluit; et sonitu plus quam vicina fatigat.
 Haec domus, haec sedes, haec sunt penetralia magni
 Amnis: in hoc, residens facto de cautibus antro, 575

montibus praeruptis; nam quae montibus conveniunt, et silvis in montibus poetae tribuunt: Horat. II, Sat. 6, 91: *Praerupti nemoris dorso*. Etiam Liv.: *rupes utrimque ita abscessae sunt, ut despicere vix sine vertigine quidam simul oculorum animique possit*. Aliter Plinius. — *claudit*. Cod. noster Regius A. habet *clausit*. LEM.

569. *Peneus*) Fluvius Thessaliae nobilissimus, in quem reliqui illius terrae fluvii infuebant: Aelian. d. I.; Callim. hym. Del. 110. Is, secundum Aelian., non *spumosis undis* per Tempe volvitur, sed *ntioae* et leniter, in modum olci. Verum et Livius: *Terrae et sonitus et altitudo per mediam vallem fluentis Penei omnis*. Is. Vossius ad Melam II, 3, 176, et 4, 38, aut verba *ab imo Pindo* corrupta esse, aut Peneo ex alto per meatus latentes cadere, priusquam in conspectum erumpat, putabat. Mnle.

570. *spumosis undis*) Non fertur placido cursu, sed rapido; et ob saxa latentia unda spumis incanescit. LEM. — *spumosis*. Viviani, *sinuosis*. — *volvitur*. Cod. noster Reg. A. *vertitur*.

571. *Deiectu gravi*) vehementi, praecipiti lapsum. LEM. — *Deiectus* non fuit ad fontem, sed ubi amnis fauces illas intrabat. — *ogitantia*, ex se propellentia, *fumos*, particulae aquae, quarum tenuitas imitatur fumum. Pro *ogitantia*, Regius et Neapolit.

imitantia, et Noster R. A. inter lineas.

572-573. *conducit*) excitat: Virg. *colligere nubes*. — *summosque* — *impluit*. *Cocumina* arborum odstantium, pluviae decidentis instar, adspersit. Respexit haec Sidon. II, Ep. 2: *Arborum comis, quae margini insistent, superiectae adspersine fragor impluit*. Idem Carm. XXII, 132 de torrente, *Ipsis adspersine tectis impluit*. De v. *impluere* et cognatis, vid. Heinsius. — *sonitu* — *fatigat*, adeo strepit, ut ad fatigationem aurium non modo per viciniam, sed etiam remotiores regiones audiatur. Ita V Trist. I, 62, *fatigare saxo voce*.

574. *penetralia*) Antrum, ex quo fluvius erumpit, poëtis dicitur regia fluvii, et sedes Nympharum. In eo porro antro lingunt thalamos, penetralia, et reliquias regiarum partes. Sed Penei sedes ad *delectum* illum collocatur. Cur autem poeta hic tot vocabula cumulaverit, atque adru anaphora aliam sit, non reperio. Num miratur, talem delectum placere magno Amoi? — *magni, μέγζ χεῖμα* ei tribuit Callimachus, h. Del. 110, et interdum *κατ' ἀρχήν* dicitur *fluvius*.

575. *in hoc*) Nostri Codd. *in his*, rectius certe, si virgula reposeretur post *residens*. Nam *sunt domus, sedes, penetralia*, quae inter se differunt. LEM.

Vndis iura dabat, Nymphisque colentibus undas.
 Conveniunt illuc popularia flumina primum,
 Nescia gratentur, consolenturne parentem,
 Populifer Spercheos, et irrequietus Enipeus,
 Apidanusque senex, lenisque Amphrysos, et Aëas; 550
 Moxque amnes alii, qui, qua tulit impetus illos,
 In mare deducunt fessas erroribus undas.
 Inachus unus abest; imoque reconditus antro

576. *iura dare*) impetare. — *Nymphis*, Penei filiabus. Cf. Theocrit. Id. I, 66; Callimach. d. I. vs. 109. Ex his memorabilis Cyrene, Virg. Georg. IV, 321.

577. *popularia*) Quae sunt eiusdem terrae, nempe Thessaliae. — *Conveniunt*. Is. Vossius ad Pomp. Mel. II, 3 extr. accipit pro ingrediuntur, ideoque reprehendit poetam, quia et Spercheos, et Amphrysos, et Aëas alio exonerentur. Sed *convenire* hic non esse iulluere, ostendit, quod sequitur, *Moxque amnes alii*. Imo conveniunt Dii, praesides fluviorum, in antro Penei vel gratulandi, vel consolandi causa.

579. *Spercheos*) Ita dictus a *σπέρχεν*, festinare. LXX. Fluvius rapidissimus, qui subter Octam montem in sinum Maliacum exoneratur, et cuius ripae *populis* consitae fuisse videntur, sicut Penei lauris. — *Enipeus* ex monte Othry Thessaliae profuit. Virgil. Georg. IV, 368, vocatur *altus Enipeus*.

580. *Apidanusque*) Nostri Codd. *Eridanusque*, mendose: nam Eridanus nequaquam populare flumen, Penei nec sub ditione erat. *Apidanus*, accepto ad Pharsalos Enipeo, in Penam illabitur. Vocatur *senex* (Infra II, 243, *Peneos senex*), quod Iutt. accipiunt pro leniter fluente; eaque interpret. etiam in uno Vatic.

Cod. adscripta est. Sic Senec. Med. 314, *senex Bootes*, qui tarde movetur. Sed ubi Apidanus irrequietum Enipeum accepit, satis rapide currit: Lucan. VI, 372. Malim ergo *senem* nunc vetustum, antiquum interpretari, i. e. antiquissimis temporibus notum, et nomine insignitum. Dionys. Geogr. 417, ὀργίλος Ἀἰθών, ubi Eustath. ὀργίλος δὲ λέγει, διὰ τὴν πρὶς αὐτοῦ ἀρχαιολογίαν. Callim. hym. Iov. 40: παλαιότατον ὕδωρ, et hym. Del. 71, γέρον Φενχίος. Accedit, quod Veteres fluvios non minus quam Oceanum sub *senis* effigie representabant. Hinc mox 645, *senior Inachus*. — *Amphrysos* eam Thessaliae partem perfluebat, quae Pluthiotis dicebatur. — *Aëas*, qui Plinio H. N. III, 23, *Aëus* dicitur, fluvius parvus et purissimus, et Epiro profluens, et per Thessaliam in Iovium mare se immittens.

581. *impetus*) vis, rapiditas, tribuitur fluminibus, mari, ventis, coelo: vid. Burm. ad Phaedr. III, prol. 59.

582. *In mare deducunt*) Qui diversis locis in mare influunt. Sed ornate hoc extulit. — *errores*, ambages fluviorum tortuosae, aut omnino cursus. — *fessas undas*, ut *fessae* longa via aut tempestate *naves*; Virg. Aen. I, 168. *Auras spatio lassas* dixit Plinius V, Ep. 6, 14.

583. *Inachus*) Argivorum fluvius,

Fletibus auget aquas; natamque miserrimus Io
 Luget, ut amissam: nescit, vitæ fruatur, 584
 An sit apud manes; sed quam non invenit usquam,
 Esse putat nusquam, atque animo peiora veretur.
 Viderat a patrio redeuntem Iupiter Io
 Flumine: et, « O virgo Iove digna, tuoque beatum
 Nescio quem factura toro, pete, dixerat, umbras 590
 Altorum nemorum; et nemorum monstraverat umbras;
 Dum calet, et medio Sol est altissimus orbe.

hodie Naio, decurrens vel ex Artemisio, Arcadiae monte, Pausan. Arcad. p. 611, vel e Lyceio, itidem monte Arcadise; Strabo VIII, pag. 370. Is. Vossius ad Mel. d. l. putat, confundi Argivorum Inachum cum Ioncho Epiri, qui ex Loemo profluens in Ionium mare se exonerat. Falso; nam poeta cum inter *amnes alios*, a popularibus diversos, refert. Eius filiam Io faciebant etiam Castor in Chronicis, Aeschyl. cum aliis Tragicis atque Hygin. Sed Apollodor. aliique Iaso, sili denique Pirene natam perhibent: vid. Munker. ad Hygin. d. l. ubi triplex Ius stemma. — Mœrens Inachus, propter amissam filiam se domi continebat; ut et moesti et ingentes solent, publicum vitantes. Io accusativus est graecus ab Io, Ius. LEM.

584. *Fletibus auget aquas*) iocose dictum videri possit. Sed occurrunt sibi similia: in clypeo Torni amarem fundebat; infra XI, 47, *flumina lacrymis increscunt suis*, Homer. Il. I, 14: *δακρυχίῳ ὕδατι πρὶν πάλαι ἐποτ.* Sequentia *nescit* — *veretur* castigator scriptor forte rescuisset.

585. *nescit*) Heins. cum uno Medic. legendum putat nec scit.

588. *Viderat a patrio*) Secundum Valer. Flac., Iupiter saepe descendit

ad ignes Ius, eorumque furtorum conscia antra habebat. Aliter rursus et copiosius rem narrat Aeschyl. 652 sqq., initium facto a visis nocturnis. Noster Iovi tribuit orationem insidiosam, cuius tamen fraudem sensit Nympha, et insunt quaedam ambigue dicta. — Io. Haec lectio videtur recens, nam nostri Codd. habent *il-lam*. LEM.

591. *Altorum nemorum*) Heins. displicebat *altorum*, quia *altissimus* proxime sq. Itaque sonabat vel *Eia horum*, vel *deusorum*, aut *solorum nemorum*. Sed Burmann. recte tuetur *altorum*, quia passim *altae silvae* occurrunt. — Hic versus mihi corrumpitur in nostris RR. Its enim legitur: *aut horum nemorum*, aut *horum* et *monstraverat umbras*. Quo sensu, nescio. LEM.

592. *altissimus*) Non omnino respuenda videtur coniectura Burmann. *Sol est acerrimus*, vehementissimi caloris, ut Horat. I Sat 6, 125, *sol acrior*, et apud Archiloch. sol αἰὲς. Its enim causa redditur, cur nemorum umbra petenda sit. Et ab aestu solis frequenter poetae designant meridient. Virgil. G. IV, 401: *medios quum Sol accenderit aestus*, et vers. 426: *medius Sol igneus orbem Haerarat*.

Quod si sola times latebras intrare ferarum,
 Praeside tuta Deo nemorum secreta subibis:
 Nec de plebe Deo, sed qui coelestia magna 595
 Sceptra manu teneo; sed qui vaga fulmina mitto.
 Ne fuge me; » fugiebat enim: iam pascua Lernaë,
 Consilique arboribus Lyrceia reliquerat arva;
 Quam Deus inducta latas caligine terras
 Occuluit, tenuitque fugam, rapuitque pudorem. 600
 Interea medios Iuno despexit in agros:
 Et noctis faciem nebulas fecisse volucres
 Sub nitido mirata die; non fluminis illas
 Esse, nec humenti sentit tellure remitti:
 Atque suus coniux, ubi sit, circumspicit; ut quae 605
 Deprensi toties iam nosset furta mariti.

593. *latebras ferarum*) *Silvas*, in quibus occultantur ferae. LEM.

595. *Nec de plebe Deo*) De plebe Deorum dictum ad 173. Se commendat, ut supra Apollo. — *sed* — *sed*. Haec anaphora sic etiam V, 17 sqq., 507 sqq. — *magna manus*, et omnino magno membra heroibus et Diis, Iovi in primis, a poetis tribui solent: vide Burm. ad Eleg. ad Liv. Aug. vs. 224.

597. *Lerna*) maxime memorabilis vel palus, vel fluvius Argivae, cui adiacebant ampla pascua. Aeschyl. Prometheus, vs. 657, πρὸς Ἀίρνας βαθὺν λιμνῶν (pratium in valle depressione) ποίμνας βοσκήσας τε πατρὸς.

598. *Lyrceia*) Cod. B. *Dyrcaea*. Cod. A. *Licea*. *Lyrcaea* uncloritate prim. Vatican. mutavimus in *Lyrceia*, quod etiam Gruv. et Heins. restitui volebant. Valer. Flac. IV, 355. *Lyrceia arva*; mons *Lyrceus*, et inde *Lyrceus* atque *Lyrceus*, in Arcadia, vel, ut Stephanus vult, Argolide.

599. *lutas*) Terra magna et maxi-

ma, πλὴν, passim. Sed Nostro in primis pluviae latae terrae, γαῖα τὸ πύρρον.

600. *tenere*) retinere, hinc impedire.

602. *noctis faciem*) noctem.

603. *Sub nitido die*) Nostris, *begehellen Tage*: vide Heyn. ad Virgil. Aeneid. I, 431. Etiam VIII, 1, *nitidus dies*, opp. tenebris. Curtius III, 3, 5, *dies illustris*.

604. *remitti*) exhalari. Plin. Hist. Nat. XVII, 4: *Terra optima, quae tenues exhalat nebulas*. Cf. Lucret. V, 464. Respexit Ovid. forte Virg. Georg. II, 217: *Quae tenuem exhalat nebulam, fumosque volucres. Et bibit humorem, et, quam vult, ex se ipsa remittit*. — Hodie vero, Physici demonstrant nebulas aut ex fluvio, aut ex vaporibus terrae surgere. LEM.

605. *Atque*) Burman. offendit vocula atque, mallet iamque.

606. *iam nosset*) Praefert Vulgat. *bene nosset*, quam Heinsius prosthauit motus melioribus Codd. — Cod.

Quem postquam coelo non repperit; « Aut ego fallor,
Aut ego laedor, » ait; delapsaque ab aethere summo,
Constitit in terris; nebulasque recedere inssit.

Coniugis adventum praesenserat, inque nitentem 610
Inachidos vultus mutaverat ille iuvencam.

Bos quoque formosa est: speciem Saturnia vaccae,
Quanquam invita, probat: nec non et cuius, et unde,
Quove sit armento, veri quasi nescia, quaerit.

Iupiter e terra genitam mentitur, ut auctor 615

Desinat inquiri: petit hanc Saturnia munus.

Quid faciat? crudele, suos addicere amores;

R. A. bene; alter vero, iam. — *furtum*, ul *ῥιδήματα*, omne clandestinum; sed in primis amores clandestini et illiciti maritorum dicuntur *furtia*: hinc *furtivus vir*, adulter: III Pont. 3, 56.

608. *laedor*) *laedere* varie in re amoris dicitur. Omnino est fallere aut violare alterum quocumque modo in amore. Vide Heynii Observ. ad Tibul. I, 2, 89. — *delapsaque ab aethere summo*. Celeritatem notat venientis: tanquam quae alis delata; Virg. Aeneid. I, 394: *aethera quos lapsa plaga Iovis ales aperto Turbavit coelo*, lib. lib. IV, 123: *Vade, age, gnate, voca Zephyros, et labere pennis*. LEM.

609. *nebulas recedere iussit*) Etiam Iuno nubibus imperat, quin adeo fulmen interdum mittit. Caeterum hinc Valer. Flac. d. l. fabulam suavissimam, sed brevius Ovidio narrat.

610. *nitentem*) *Nitens* proprie et eleganter dicitur *pecora pinguis*, et bene habita: opp. *horrula* et *strigosa*; sed simul candoris notio inest. Hinc 652 *nivea*, et 743 *formae candor*. Etiam apud Apollodor. mutatur in albam vaccam. Ipse Iupiter II, 852, novi tauri formam sumit, eidemque candidae victimae probantur. Apud

Aeschyl. Io, ut in theatrum induci posset, retinuit formam humanam, sed faciem habet deformatam, caputque cornibus dedecoratum. Est *βού- κρις* *παφίβος*.

611. *Inachidos vultus*) Inachis, *Inachidis cornua*, simili periphrasi apud Propertium I, El. 3, 20. — *ille*. Leidens. ante. — Nostri Codd. *ille*.

612-614. *speciem* — *quaerit*) Multum *ἴδω* inest. Apud Valer. Flac. lib. IV, 358: *Pluvius fovet hanc (vac- cam) et pectora mulcet*.

615. *e terra genitam*) Multi olim humines ferneque, *γῆρας*. — Ignoto et obscuro genere ortum, cuiusque ignorabantur parentes, cum Veteres appellabant, Terrae filium. Contra quorum virtutem mirabantur, de coelo descendisse dicebant; quod Cicero lib. I ad Quint. frat. Ep. 1, quasi coelo delapsus. LEM.

616. *petit munus*) Valer. Flac. dicto loco, *da* — *Indomitaeque boves, da earum munera nuptae*.

617. *addicere*) Nil aliud est nisi donare, tradere, ut recte explicat Gloss. MSS. Flor. Vellei. II, 25: *addixit Dianae agros Sulla*. Horat. Epod. XVII, vs. 1 *adlitum feris*.

Non dare, suspectum : pudor est, qui suadeat illinc;
 Hinc dissuadet amor: victus pudor esset amore;
 Sed, leve si munus sociae generisque torique
 Vacca negaretur, poterat non vacca videri. 620
 Pellice donata, non protinus exiit omnem
 Diva metum; timuitque Iovem, et fuit anxia furti;
 Donec Arestoridae servandam tradidit Argo.
 Centum luminibus cinctum caput Argus habebat: 625
 Inde suis vicibus capiebant bina quietem:
 Cetera servabant, atque in statione manebant.

Nempe *addici* pr. de debitoribus dicebatur, qui, quum non solvendo essent, creditoribus tradebantur. Hinc omnino est vel in servitutem, vel potestati alicuius tradi: vid. Graevius ad Cic. Quinct. 18, et Salmas. de Vsur. p. 360.

618. *illinc*) Codex Regius noster A. *illud*; B. *illie*, perperam.

623. *anxia furti*) Ne Iupiter ad consuetudinem eius rediret. LEM.

624. *Argo*) De *Argo*, eiusque genealogia vid. Eustath. ad Homer. II. B. p. 138; Schol. Eurip. ad Phoc. vs. 1123, ibique Valkenur. Iupiter ex Niobe genuit Argum, cuius proueros Arestor, pater Argi nostri. Acusilao et Aeschyl. 570 erat γρυτζή, i. e. cuius origo ignota. Alii non hunc centoculum, sed alium Argum, qui navem Argo fabricavit, Arestoris filium faciunt: vid. Gronov. Diatrih. Stat 55, et Burn. ad h. l. Huius nostri Argi effigies expressa erat in clypeo Hippomedontis, Eurip. d. l. et in pharetra Herculis, Quint. Smyrn. X, 191. — Argus universae mundi machinae typus est, cuius caput coeli praesefert imaginem, oculi stellarum, quae inferiora despiciunt. Io ergo, si terram capias, non minus ab Argo

nocturno, vicibus alternis respicitur, quam a Cyclope diurno, id est Sole. Si vacca sit, Lunam crescentem referunt cornua; nuptaque est Osiridi cuius cornua pleno orbe coeuntia Solem referunt. Vtrumque numinum loco Aegyptios, Persas, aliosque coluisse notum est. LEM.

625–626. *Centum*) Omnino multa. Aeschyl. Prometheus. 674, παντός ὄψεως διδρασκός, et 571, ὁ μὲν πάντας βούτας, quod Schutzius tropice putat posse *omnium observantem* significare. Ab Eurip. Phoen. 1120 et aliis vr. πάντας, cuius nominis causam Schol. Hom. II. B. 103, reidit hanc, quia κατὰ πάντος τοῦ σώματος εἶχεν ὀφθαλμούς. Plauto Aul. III. 6, 19, *oculus*; et Nemesian. Cynege. 31, *stellatus oculis* *custos virginis*. Vetusissimi scriptores ei dabant tantum tres aut quatuor oculos: vid. Sch. Eurip. d. l. Alii omnes Argi oculos, alii nonnullos tantum fecerant vigiles. Quint. Smyrn. X, 191: ὀφθαλμοῖσιν ἀποβλέπων ἑνὸς ὁπτι.

627. *in statione manebant*) tantquam milites. Etiam suis vicibus e re castrensi petittum, ubi milites vicibus stantes et alia munia obcunt. Virgil. Aeneid. IX, 164, *variant*

Constiterat quocunque modo, spectabat ad Io:
 Ante oculos Io, quamvis aversus, habebat.
 Luce sinit pasci: quum Sol tellure sub alta est, 630
 Claudit, et indigno circumdat vincula collo.
 Frondibus arboreis, et amara pascitur herba:
 Proque toro, terrae, non semper gramen habenti,
 Incubat infelix, limosaque flumina potat.
 Illa etiam supplex Argo quum brachia vellet 635
 Tendere; non habuit, quae brachia tenderet Argo;
 Conatoque queri mugitus edidit ore;
 Pertimuitque sonos; propriaque exterrita voce est.
 Venit et ad ripas, ubi ludere saepe solebat,
 Inachidas ripas; novaque ut conspexit in unda 640

vices, et 222, *servant vices*. Ergo *servare* b. l. *Wache halten*. Glandian. XXI, 313: *centum ex cubiliis unum servat iuvencum*. — in statione manebant. Hoc est, vigilabant. Translatio est a militibus sumpta, qui in statione tunc manere dicuntur, quum diligenter excubias agunt. LXX.

628. *mundo*) Codd. nostri loco, non male nostro iudicia et forte rectius.

630. *alta est*) Erat Argus saevus custos, ἀγρὸς ὄψων Aesch. 682. Cf. Val. Flacc. De duritie eius nihil Nost.; sed tristem huius sortem apte ad commigrationem faciendam per partes describit. *alta*, profunda, ut milites. Contra *coelum profundum* Virg. Georg. IV, 222, est altum. Vir doctus in Biblioth. Tigur. p. 85, putat, tellurem altum dici respectu Solis, qui post occasum sub tellure currat, eoque in; alto habent. Non adscutior.

631. *indigno*) quod talem sortem nam meruerat, ut vs. 508.

632. *Frondibus*) Veteres pascere solebant hoves, v. Cassul. ad Athen. I, 19. Notant, Nostrum expressisse

Calvum, qui in Io dixerat: *Ah virgo infelix! herbis pascereis ananis*. — *Folius vesci amaris* dixit Horat. II, Sat. 3, 114. — *arboreis*. Dedit *arbuteis* Heins. ex Bernegger. ceteri, *arboreis*. Idem malit *vescitur*, quia *pasci* praecessit. — Cod. noster R. B. habet etiam *arbuteis*. LXX. — Pro *arbuteis* recepi *arboreis*, quod agnoscunt omnes praeter unum, unde Heins. illud invenit. Non enim nunc quaeritur, quale pabuli genus fuit, sed ornatus tantum causa adiectum est epitheton. Valer. Flac. lib. IV, 378: *Hec, quoties saxo posuit latus: quos ore lucus, quae pabula carpsit!*

634. *flumina*, e fluminibus, aut *flumina sunt aquae*.

637. *Conatoque habent primas Palat. Vrhin.* et unus Heins. Ceteri, *Conatoque*. Codd. RR. *Et conata queri*.

639. *Venit et ad ripas*) Olim vulg. *Venit et ad patris*: non male. Heins. putabat: *Venit ut ad ripas*, et vers. seq. *Inachis ad ripas* — Cod. A. *venit et ad patrias*. C. B. *venit et ad ripas*.

640. *conspexit in unda*) Heroid.

Cornua, pertimuit, seque externata refugit.
 Naides ignorant, ignorat et Inachus ipse,
 Quae sit: at illa patrem sequitur, sequiturque sorores,
 Et patitur tangi, seque admirantibus offert.
 Decerptas senior porrexerat Inachus herbas; 645
 Illa manus lambit, patriisque dat oscula palmis;
 Nec retinet lacrymas: et, si modo verba sequantur,
 Oret opem, nomenque suum, casusque loquatur.
 Litera pro verbis, quam pes in pulvere duxit,
 Corporis indicium mutati triste peregit. 650
 « Me miserum! » exclamat pater Inachus; inque gementis
 Cornibus, et niveae pendens cervice iuvencae,
 « Me miserum! ingeminat: tune es quaesita per omnes,
 Nata, mihi terras? tu non inventa reperta.

XIV, 93, 10 *se miratur in umbra*;
 Amor. I, 3, 21.

641. *se refugit*) Exterrita cornibus,
 Io fugit a formis, quam conspexerat.
 Cf. III, 198 sqq. Phantasia poëtae
 sibi ipsam in talibus placuit; itaque
 iis immoratur et in sqq. — *externata*
refugit. Nostri Codd. *seque exterrita*
fugit. LEM.

642. *Naides*) sorores, reliquae
 Inachi filiae.

644. *admirantibus*) Admiramus
 omnes, quae animus nostrum per-
 cutiunt.

645. *senior Inachus*) vid. ad vers.
 580.

647. *sequantur*) Codd. R. A. *su-
 perveniunt*. — *Sequi* eleganter dicitur
 quae facile cedunt voluntati alterius.
 De verbis legitur etiam Met. XI, 327:
*Lingua tacet; nec vox tentataque ver-
 ba sequantur*. Virgil. Aeneid. XII,
 912: *Non corpore notae Sufficiunt vi-
 res, nec vox aut verba sequantur*. Sta-
 tius Theb. XI, 602: *Nec verba diu*
tentata sequantur. LEM.

649. *Litera* etc.) Regius putabat,
 figuram intelligi, quam boum ungula
 exprimat. Quomodo inde pater filiam
 agnovisset? Immo mens, quae in
 vacen remanserat, docebat tam lite-
 ras! et O pede ducere.

654. *tu non inventa*) Vulgata quam
 Heins. ex ingenio mutavit, erat: *tu*
non inventa reperta es. — Codd. no-
 stri vulgatam habent, et qua aucto-
 ritate fretus Heins. eam mutaverit non
 dicit auctor. — Tu quum nondum
 inventa essem, leviozem mihi luctum
 creabas, quam nunc, postquam re-
 perta es. Sic recte Heins. locum et
 constituit, et exposuit. Ante eam
 angustatur Iult. in definiendo discrimi-
 niae verbis. *reperire* et *invenire*. —
 Elegantior mihi olim suboluit sensus,
 ex illis Cereris verbis, ubi innotuis-
 set illi de filia a Plutone rapta Metam.
 lib. V, 518: *Et quaesita dan, tandem*
mihi nota reperta est; Si *reperire* vocas,
amittere certius: nam si *Scire* ubi sit,
reperire vocas, quod *rapta*, scribimus.
 Quasi dicat Inachus: *tu inventa, non*

Luctus eras levior: retices, nec mutua nostris 655
 Dicta refers; alto tantum suspiria ducis
 Pectore; quodque unum potes, ad mea verba remugis.
 At tibi ego ignarus thalamos taedasque parabam:
 Spesque fuit generi mihi prima, secunda nepotum.
 De grege nunc tibi vir, nunc de grege natus habendus.
 Nec finire licet tantos mihi morte dolores:
 Sed nocet esse Deum; praeclusaque ianua leti
 Aeternum nostros luctus extendit in aevum! »
 Talia moerenti stellatus submovet Argus,
 Ereptamque patri diversa in pascua natam 665
 Abstrahit: ipse procul montis sublime cacumen
 Occupat, unde sedens partes speculetur in omnes.

es inventa tamen; quam puellam me inventurum sperabam desiderabamque, ecce vaccam invenio. Itaque tui desideratae luctus erat levior, quam ita forma mutata inventae. Quam coniecturam meam postea ab aliis confirmatam reperi. LEM.

656. *ducis*) Heins. ex uno Medic., uno Basil., uno suo, *prodixit*. Revocavi *ducis*, e MSS. longe plurimis. Virg. Aen. II, 188: *graviter gemitus imo de pectore ducens*. Et sic passim.

658. *ignarus*) talem te sortem manere: vide ad III, 3.

659. *generi etc.*) Vide vs. 481, 482; *vir* etiam de tauro, ut Virgil. Ecl. VII, 7; de capro *maritus* apud Hor. I, Od. 17, 7. Abusus est ingenio.

662. *Deum*) Heins. mallet *Deo*. — *ianua leti*, causa et via mortis, Praecipit Lucret. I, 1105: *haec rebus erit pars ianua leti*. Noster III Trist. 2, 30: *interitus fores*. Virg. Aen. II, 561: *patet isti ianua leto*, i. e. ad talem mortem ab hoste accipiendam facilis est via: vid. Cerda ad h. l.

Sed Incho *praeclusa eret ianua leti*. Caeterum mors, tanquam unicum in malis remedium, Tragicis graecis dicebatur *ἰατρὴς, παῖς*. Vide Valken. ad Eurip. Hippol. 1372. Cf. Senec. Agam. 579 seqq.

664. *moerenti*) Repone audacter *moerentem*, scilicet patrem, ex nostro Cod. R. B. *Submovet patrem moerentem*, et *abstrahit natam ereptam*. — *stellatus*, distinctus oculis, tanquam coelum stellis: V, 461, *variis stellatus corpora guttis*. Virgil. Aen. IV, 261: *stellatus iaspide ensis*. — *submovet*. Valer. : *in scopulos et montibus horrida lustra abigit*.

666. *ipse procul*) Prope; nam in propinquum montem ascenderat, unde sedens in omnes partes spectaret. Sic Virg. Ecl. VI, 16: *Serta procul tantum capiti delapsa*. LEM.

667. *speculetur pro speculatur* i a uno Medic. a pr. m. reperiit Heins. Ita consilium indicitur, cur montem occupaverit. — Nostri Cod. *speculatur*. — *partes*, regiones, *speculetus*.

Nec Superum rector mala tanta Phoronidos ultra
 Ferre potest; natumque vocat, quem lucida partu
 Pleias enixa est; letoque det, imperat, Argum. 670
 Parva mora est, alas pedibus, virgamque potenti
 Somniferam sumsisse manu, tegimenque capillis.
 Haec ubi disposuit, patria love natus ab arce
 Desilit in terras: illic tegimenque removit,
 Et posuit pennas: tantummodo virga retenta est. 675
 Hac agit, ut pastor, per devia rura capellas,

proprie locutus est; nam mons, unde quis prospectat, *specula* dicitur.

668-723. *Nec Superum etc.*) Insuper mittit Mercurium ad Argum trucidandum; quo facto, Mercurius in Aegyptum profugisse, ibique leges et literas docuisse traditur, Cic. N. D. III, 22. Ab eo facinore Graecis dictus est *Ἀργυρόπτερος*. — *Phoronidos*. A *Phoroneo* originem ducebat et Inachus II, et Iasus II: vide Munke, ad Hygin. fab. 145.

669. *natum vocat*) non modo, quia minister est, ut omnium Deorum, ita Iovis in primis, unde *δίατοπος* dictus (Hemsterh. ad Lucian. tom. I, p. 489). sed etiam quia calliditate, qua pollebat Mercurius (Horat. I, Od. 10, 7-16), nunc opus erat. Idem Iovis amoribus inservit etiam II, 836 sqq. Cf. cum loco sq. Homer. Od. E, 43 sqq.; Virgil. Aeneid. IV, 238 sqq.; Statius Theb. I, 303.

670. *Pleias*) Maia, Atlantis filia, una ex Pleiadibus, quae sunt septem stellae in dorso lauri; *lucida*, quippe sidus. — *letoque*. Unde nomen illi *Ἀργυρόπτερος*.

671. *Parva mora est*) Homerus, *οὐδ' ἀντήρα*: *parva*, i. e. brevis. Lucan. IV, 476, *parva nox*. — *alas*. Inde dicitur *ales* Horat. I, Od. 2, 43,

et *alipes* infra IV, 576. *Alas* Mercurii dicuntur *talaria*, *πτεῖλα*, et erant aureae, Virgil. da I. 239. Sed et capite alas gerit, et *nunc pedibus*, *nunc fronte volat*, Sidon. Caem. VII. *Virga*, caduceus Mercurii, duobus serpentibus circumplexus, quem ei pro lyra dederat Apollo: Homer. hym. Merc. 526. Erat aurea, unde Mercurius *χρυσόπτερος*: Hom. Od. K, 277. Erat proprie pacis insigne (*εἰρήνης ἕλνξ*), Orph. hym. XXVII, 7), sed eadem quom multa alia efficere, tum *somnum* excitare poterat; Hom. II. A, 334; Virgil. Aeneid. IV, 240, ubi locus classicus de Mercurio eiusque virga. Hinc vocatur *somnifera* (*ὕπνο-δότης* ap. Orph. hym. LVI, 8), et Mercur. ipse *ὑπνὸς ὀνείριος* et *ὕπνου προσάτης*, Athen. lib. I, cap. 14. Hanc virgam sumit *potenti manu*; vid. ad vs. 595, et Mercur. semper apparet *κρᾶτος*. — *tegimen* pileus alatus, qui *potatus* et *galerus* dicitur. Sententiam, paravit se ad iter, ita eloquens est, ut omnem Mercurii habitum describeret. — *disposuit*, quodque mo loco applicuit. — *patria ab arce*: vide ad 463.

676. *agit* ante se, virga pro baculo pastoralis utens, *capellas*, quas et vicinis agris *abduxerat*. — *Dupa venit*, accedit ad Argum.

Dum venit, abductas; et structis cantat avenis.

Voce nova captus custos Iunonius; « At tu,
Quisquis es, hoc poteris mecum considerare saxo,

Argus ait: neque enim pecori secundior ullo 680

Herba loco est; aptamque vides pastoribus umbram. »

Sedit Atlantiades, et euntem multa loquendo

677. *abductas*) Recte dedit Heins. de suo pro *adductas*. — Ex coniectura: nam nostri Codd. habent *adductas*. — *structae avenae*, fistula pastoritia, quae etiam *arundo*, *calamus*, *stipula* dici solet, de cuius structura vide ad vs. 711. Apud. Aeschyl. 577, Argus quoque fistulam habet. Sed Ovidius rem ita finxit, ut aliam fab. commode intexere posset. — *structis cantat avenis*. Fistula, ex septem disparibus avenis in alae formam crescentibus compacta: ait Noster lib. II, vs. 191, de alis Dardaleis: Sic rustica quondam *Fistula* disparibus paulatim surgit *avenis*. LEM.

678. *Vox nova*) Sono *novae*, recens inventae fistulae. — *At tu*. Cod. Reg. A., *artis*. Cod. B., *Iunonis et arte*. Singularis lectio, quae forsitan vera est. LEM.

679. *Quisquis es*) De formula somni, *quisquis es*, qua peregrinos et ignotos alloquantur Latini, v. Borm. — *poteris*, ut apud Virg. Ecl. I, 80: *Hic tamen hanc mecum poteris requiescere noctem*, ubi quidam, ut h. l. Vulgo, *poteris*. Sed illud elegantius, utque ita et VII, 47, 63; VIII, 47. Solent autem in bucolicis pastores cantanturi se invitare ad *considerandum*, in quo sequuntur loca heciosa et umbram.

680. *secundior*) Proprie *secundus* locus herba; sed h. l. ipsa herba *secunda*, frequens et bona.

681. *aptam*) Bene se habet. Epist.

XIII, 11: *Vetus erat nautis aptus, non aptus amanti*. Quod duo Codd. habent, *gratum*, et a Borm. exemplis confirmatur, fluxit ex *interpr.* — *Gratumque Iunii Cod.* et unus Bononiensis, pro varia lectione. — Nostri vero habent *aptam*.

682-683. *Atlantiades pro Atlantiades*, ut notat Priscian. — et *euntem* — *diem*. Locus hic valde torsit ingenia Intt. Quoniam amoenis confabulationibus tempus fallitur, et brevius quasi redditur dum nobis vix sentientibus praeterlabitur; propterea negat Borm. sanum esse h. l. Ipse ergo ductu unius Cod. in quo *diminuit* *exaratum* exstat, legit *diminuit pro detinuit*. *Diminuisse* autem tempus dixisse etiam Cicer. Orat. III, 49, et hoc idem esse quod *frangere diem*, et *partem solido demere de die*, apud Horat. Si quis tamen tneri malit verb. *detinuit*, versu seq. *diem* posse in *ducem*, i. e. Argum, qui ducebat Io, mutari, tunc *euntem* esse, ire volentem. Neutra emendatio nobis satisfacit. Non probo *euntem ducem*: nam is ipse rogaverat Mercurium, ut vellet sibi tempus fallere confabulando. Cur igitur nunc abire properat, ubi ille vix initium fecit confabulandi? Et *dux* de custode bovis insolens mihi videtur; visum est etiam Heynio, Observ. ad Tibul. I, fò, 10. Nec placet verbum *diminuit* propter *euntem*, i. e. vergeutem ad occusum. Apud Cic. quidem *diminuere tempus*

Detinuit sermone diem; iunctisque canendo
Vincere arundinibus servantia lumina tentat.

Ille tamen pugnat molles evincere somnos: 685

Et, quamvis sopor est oculorum parte receptus,
Parte tamen vigilat: quaerit quoque, namque reperta
Fistula nuper erat, qua sit ratione reperta.

Tum Deus, « Arcadiae gelidis sub montibus, inquit,

Inter Hamadryadas celeberrima Nonacrinas 690

Naias una fuit. Nymphae Syringa vocabant.

Non semel et Satyros eluserat illa sequentes,

paulo aliter dicitur; multoque minus trahi hac possant phrasae illae Horatianae. Gelhard. Crep. I, 9, explicat, consumpsit confabulanda et transegit diem iam ad occasum vergentem. Et videtur *detinere* ita dici posse IV ex Pont. 10, 671: *Detinui tempus, curasque fefelli*, ubi vid. Heins. Molesta tamen redundantia est in *multa loquendo sermone*. Seidenstaedcker denique hanc sensum subicit: diem, qui alias multa loquendo festinare solet, *sermone*, inter loquendum, vi sua divina suspendit, tardiore aut longiorem fecit.

684. *Vincere*) Silius VII, 204: *Donec composuit lustrantia lumina somnus*. — *Vincere servantia lumina*, Sopire fistulae cantu oculos Argi servantis atque custodientis vaccam. L. — *tentat*, Vnus Med. *lumina certat*, Id elegans videtur Burm. et accommodatius tñ *vincere*. — Non male tamen *tentat* ex nostris Codd. Reg. et forte melius propter vocem *pugnat* vs. 685. LEN.

685. *pugnat evincere*) Pugnat, ut evincat: V, 549, *pugnat resurgere*; 354, *remoliri luctatur*. — *molles*, dulces, suaves. Etiam Graecis *μαλαγῆς ὕπνος*.

689. *Tum Deus*) Commode intexit fabulam de *Syringe* nymphea, quae quum fugeret amorem Panis, in calamos mutata est, unde Pan sibi struxit fistulam. — *sub montibus* versari dicuntur, qui in montibus, aut circa eos commorantur. Etiam *sub vallibus*, *sub omne*, *sub avis* in usu: vide Burmann. — *sub montibus*, pro *in montibus*, ex uno Leid. et altero Heins. recepit Burmann. quem vide late disputantem de hoc usu praepos. *sub*. — Nostri autem Codd. *in montibus*.

690. *Hamadryadas*) Nymphae, quae ἡμὰ τὰς ὄρους, cum quercubus aliisque arboribus (nam ὄρος olim omnis arbor, Schol. Homeri ad Iliad. A, 86) et musci et interire credebantur: Schol. Apollon. Rh. ad vs. 478; Plut. de Orac. def. p. 415. — *Nonacrinas*, quae in Nonacrino monte versantur. *Nonacris*, oppidum et mons Arcadiae, nunc procul a Ladone fluvio: Plin. H. N. II, 103.

691. *Syringa*) Et *Syrinx* et *Syringa* in usu: vide Muncker. ad Lucant. Argum. h. fab.

692. *eluserat*) *Eludere* eleganter dicuntur, qui cursu celeri et per anfractus elabuntur: VIII, 687. Phaedr.

Et quoscumque Deos umbrosae silva, feraxve
 Rus habet. Ortygiam studiis, ipsaque colebat
 Virginitate Deam: ritu quoque cincta Dianae 695
 Falleret, et credi posset Latonia, si non
 Corneus huic arcus, si non foret aureus illi:
 Sic quoque fallebat: redeuntem colle Lyceo
 Pan videt hanc, pinuque caput praecinctus acuta,
 Talia verba refert. » Restabat verba referre; 700

I, fab. 12, 9: *curvi levi canes elusit*.

694. *Ortygiam*) Dianam, quae, secundum Homer. hym. Apoll. XVI, in insula Ortygia nota credebatur, quemadmodum Apollo in Delo. Alii vero voluit, Delum, in qua Latona et Dianam et Apollinem enixa sit, alio nomine Ortygiam esse dictam: vide Spanhem. ad Callim. h. Apoll. 59, et Del. 255. — *studiis*, venatione; *studia* enim vitae genus, quod quis sibi delegit, quo trahitur: cf. V, 267. — *colebat*, imitabatur, in quo genus cultus. — *ipsaque*, atque adeo: supra vs. 476: *Inuictas aemula Phoebe*.

695. *ritu* — *Dianae*) Supra genus cincta erat: vide Spanh. ad Callim. hym. Dian. XI, 212.

696. *Fallebat*) In eo multum laudis: Vid. ad III, 182. — *Latonia*, Diana, Latonae filia. LEM.

697. *aureus*) Dianae erant *παρυρπύρις τόξα*: Homer. hym. II in Dian. 5; Virgil. Aeneid. XI, 652. Magna autem in his Nymphis commendatio. Claudian. 35, 39 de Proserpina: *Potuit videri Pallas, si clypeum, si ferret spicula*.

699. *Pan*) Arcadius Deus, *Lyceum* in primis et Maenalum, Arcadiae montes, incolere credebatur: Theocrit. Id. I, 123; Virgil. Georg. I, 16; Horat. IV, Od. 12. Ibi habebat astra, in quibus a venatione foci-

ans recubare solebat; Callim. hym. Dian. 87 sqq. *Sacra* ei erat *pinus*, *πίτυς*, similem ob causam, ob quam laurus Apollini. *Pitys* enim et ipsa olim puella fuerat, quem amaverat Pan: vid. Broukh. ad Propert. I, 18, 20. Itaque caput praecingere solebat *pinu*, h. e. frondibus pineis, corona pineis, quod et Fauni facere solebant: Heroid. V, 137. Vocatur *acuta*, etiam A. A. II, 424, a forma. Ita et infra *cypressus acuta*. Est autem *pinus* (qua ipse *Lyceus* abundabat, vers. 217) h. l. *silvestris*. — *praecinctus*. XIV, 638: *Panes cornua praecincti pinu*; XI, 9, *praesuta foliis*. Horat. I, Od. 7, 7, *praepondere*. Valer. Placc. III, 436, *praetextere*. Claudian. XXXV, 325, *praevellere*.

700. *refert*) Post *refert* inepte olim haec verba inserta legebantur, *Tibi nubere Nympha volentis Potius calo Dei*. — Et haec quoque verba reperiuntur in margine reposita in nostro Cod. R. B. a sec. man.; in Cod. A. in textu integri leguntur; nec dicat Gierig, qua auctoritate freius has sustulerit. — *Restabat verba*. Quam Mercurius dixisset, *Talia verba refert*, iam succubuerant somno oculi Argi: itaque finem narandi facere potuisset poeta; sed ne ignoraret lector reliquam fabulam, eam poeta ex sua persona adspexit. Lugubria tali

Et precibus spretis fugisse per avia Nympham,
 Donec arenosi placidum Ladonis ad amnem
 Venerit; hic illi cursum impredientibus undis,
 Ut se mutarent, liquidas orasse sorores;
 Panaque, quum prensam sibi iam Syringa putaret, 705
 Corpore pro Nymphae calamos tenuisse palustres:

commento usus est, 'quis incredibile
 videri poterat, una cum finita fab.
 oculos succubuisse.

702. *placidum*) Heins. et ex uno
 Medic. et uno Strazz. malit *placium*,
 quod et Mar. Accurs. voluerat. Alii
 ausserunt *rapidum*. — Nisi patrium
 forte scripsit Noster, ut Ladonia fi-
 liam Syringa faciat. Heins. — *Scru*
placidum ex Nostri Codd. — *Ladon*
 fluvius Arcadiae, in Alpheum influens.
 Abundabat aquis, nec ulli cedebat
 pulchritudine, Callim. hym. lov. 18;
 Pausan. Arc. p. 651; Dionys. Perieg.
 417. Vocatur, h. l. *placidus*, sed V
 Fast. 89, *rapax*; et II Fast. 274, ei
 tribuntur *citae aquae*. Itaque Intt.
 varie hunc dissensum componere co-
 nati sunt. Verum epitheta, quibus
 poetæ singulos fluvios et montes ex-
 ornant, non urgenda sunt, nec natura
 eorum inde demonstranda, nisi acce-
 dat geographorum auctoritas. Itaque
 fieri potest, ut uni obliti, eidem flu-
 vio diversis locis diversas virtutes tri-
 buant: vide Burm. ad Valer. Flac. V,
 180. — Ansem fabulae dedit natura *Lad-*
onia, quem Dionysius vocat, *Εὐχάλα-*
ρον ποταμὸν καὶ ἑσπέρειον Ἀρδύνα.
Σύρις graece significat fistulam pasto-
 ritium a *σὺρις*, sibilis. Lucretius
 lib. V: *Et Zephyri caeva per calamo-*
rum sibila primum Agrestes docuere.
 Illa inventa retulit Pana in nume-
 rum Deorum, sed de plebe. Notat.
 Comes lib. V, cap. 6 legatur, et Fran-
 cisci Baconi de Sapientia Veterum

cap. 6: *Pan, sive Natura*. LEMAIRÉ.
 703. *illi*) Pro quo nostri Codd.
 habent *illam*.

704. *liquidæ sorores*) Nymphae
 in Ladone habitantes. Similiter Ina-
 chus vocatur *liquidus parens* Heroïd.
 XIV, 89. Propert. II, 25, 34: *Ache-*
loi liquor luget.

706. *calamos*) Burmann. ex uno
 Medic. *cannas tenuisse*, quis Aputci.
 V Metamorph. *Dram Cannam* vocat,
 et quis vers. 712 *colamus* sequitur.
 Nempe Heins. et Burm. persuasum
 erat, non licere bono scriptori inter
 paucorum versuum ambitum idem
 voc. his ponere; hinc permulta Ovi-
 dii loca tentarunt, quae manu medica
 iudgebant. Ovidium illam legem non
 curasse, attendenti facile apparet.
 Vide modo 569 et 572, 638 et 641,
 753 et 756; VIII, 10 et 16, 16 et 19,
 34 et 37, 81 et 83, 108 et 111. Nec
 igitur erat cur h. l. porro pro *tenuisse*
 mallet *tetigisse*; aut, vs. 712, pro eo-
 dem cum Gryphio et MSS. nonnullis
manuisse. Posteriori enim loco huc
 lectio infert, quod ille tolli vult; nam
 710 praecedat *manebit*, et h. l. *tetigisse*
 minus accommodatum est rei propo-
 sitae, quam *tenuisse*. — *calamus* revo-
 cavi, quod omnes, praeter unum,
 Codd. habent, non modo quia *Syrinx*
 a Serv. ad Virgil. Ecl. II, 32, in *co-*
lamum mutata legitur, sed etiam
 propter Plin. Hist. Nat. XVI, 36 s.
 66: « *Calamus alius totius concavus,*
quem syringium vocant, utilissimus

Dumque ibi suspirat, motos in arundine ventos
 Effecisse sonum tenuem, similemque querenti:
 Arte nova, vocisque Deum dulcedine captum,
 « Hoc mihi concilium tecum, dixisse, manebit: » 710
 Atque ita disparibus calamis compagine cerae
 Inter se iunctis nomen tenuisse puellae.
 Talia dicturus, vidit Cyllenius omnes

fistulis, quoniam nihil ei est cartilagineis atque carnis. » Lactant. in Argum., in *arundines conversa est*.

707. *Dumque ibi suspirat*) ibi in calamo suspirat Syrius, vel potius Pan, ob amissam Nympham. L. M.

708. *sonum tenuem*, qualem habet fistula, unde ipsa *λεπταία*, et *tenuis* dicitur.

710. *concilium*) Olim edeb. *consilium* aut *colloquium*. Isc. - a - Cruce snadebat *condilium*, quia in fistula multi calami, tanquam annulis, compositi fuerint. Giesan. ex duobus MSS. proferebat *consilium*, i. e. societas, consuetudo, quod, quum etiam in Lozan. exstaret, merito receptum est ab Heins. Cod. R. B. *solatium*. Non male nostro iudicio. — *Hoc mihi* — manebit. Hic cantus me semper tibi conciliabit; huius soni causa semper utar tua consuetudine; ex te faciam fistulam, qua crebro utar otii fallendi causa. Et solebat Pan semper hoc instrumento musico delectari. *Consilium* ita dici, probat ad h. l. Heins. Ipsa foedera et amicitiae vocantur *concilia*. Caeterum fistula fuit triplex: *πνεύλαμος*, quam invenit Mercurius (Homer. hymn. I Mercur. 509); *πνεύλαμος*, cuius auctor Silenus. Illam denique, quae cera glutinatur, cuius inventio h. l. et Virg. Ecl. II, 32, Pani adscribitur, Marsyas invenisse traditur apud Athenacum IV, p. 184. Pani contra alii tribunt *πνεύ*

γέυλον, i. e. tibiam obliquam: vid. omnino Spanhem. ad Callim. hym. Dian. 245. Veram fistulae originem refert haud dubie Lucret. V, 1283: *Zephyri cava per calamorum sybila prima Agrestes docuere cavas inflare cicutas*. Iam quum musica ob insignem praestantiam divinum opus haberetur, factum est, ut inventio celeberrimorum instrumentorum Diis auctoribus tribueretur; et fistula quidem pastoralis Pani, Deo tutelari pastorum. Fistula item quam sit simplicissima, neque usus eius multum exercitationis requirat, fuit haud dubie in antiquissimis instrumentis: Plutarch. de Mus. p. 1136.

711. *disparibus*) scilicet longitudine. Calami eo ordine collocabantur, ut breviores semper sequeretur longior. Res clara est ex VIII, 190 sqq. Cf. Virg. Ecl. II, 36, ubi fistula ex septem cicutis disparibus hoc modo composita. — *compagine* vituperat Servius ad Virgilium, Aen. I, 293, quasi parum latine. Sed Burm. docet h. l. etiam Maail, dixisse *compagine* pro *compage*, aut *compagibus*. — *nomen tenuisse puellae*. Nam *συμφε* Graecis fistula. Vide notas in vs. 702 et 706.

713. *Cyllenius*) Mercurius, quem Maia in Cyllene, montis Arcadiae, vertice peperit: Virgil. Aeneid. VIII, 139: *Permulcens medic. virga, πέδιπ* *Πηνελόπεια*, Orph. hymn. 36,

Succubuisse oculos, adopertaque lumina somno.
 Supprimat extemplo vocem; firmatque soporem, 715
 Languida permulcens medicata lumina virga.
 Nec mora: falcato nutantem vulnerat ense,
 Qua collo confine caput; saxoque cruentum
 Deiecit; et maculat praeruptam sanguine caute[m].
 Arge, iaces: quodque in tot lumina lumen habebas 720
 Exstinctum est; centumque oculos nox occupat una.
 Excipit hos, volucrisque suae Saturnia pennis

8; *medicata*, succis soporificis tincta. Virgil. Aen. VI, 420. Talis somnus, succis soporificis effectus, *medicatus* dicitur Heroid. XII, 107; nam *medicare* omnino est succis inficere.

717. *falcato — ense*) *Falcatus* e. harpe, ἀπὸ. Val. Fl. IV, 390: *Celerem mediis in castris exigit harpen.* Eius usus frequens in mythologia. Apollod. I, 1, 1; 6, 3. Tali ense et Perseus usus, IV, 716. Sed unde nunc Mercurio harpe? Adveniens virgam tantummodo retinuit, 675, nec itineri se accingens harpen sumserat. Apud Apollod. lapidis misso Argum interfecit. Nihil definit Aeschyl. apud quem 685 subita mors cum vita privatur. — *nutantem*, tunc cervix maxime patebat vulnere.

718. *Qua collo confine*) *Qua caput iungitur cum collo.* LEM.

719. *praeruptam — caute[m]*) Quum *praeruptam rupem* duriusculum Heinio videretur, et primo Moreti *caute[m]* praetulit; nec spernit *molem*, quod Patricii Iunii Cod. habet. — Ingeniosa emendatio Heinii, sed Codd. auctoritate nondum firmata. Omnes enim nost. habent *rupem*. LEM. — *et maculat — caute[m]*. Haec verba poterant omitti, quis res sponte intelligitur. Verum lac. — Cruce sarcasmi illum poetae, *Arge, iaces* etc. esse epita-

phium putabat, quo, subito concepto, Mercurius *maculaverit* (inscripserit) sanguineis literis caute[m]. Antiquis *lumen cernere*, φᾶος δῖπτοθαι, erat vivere. Inde pendet prius sarcasmi acumen, *quodque* etc. lumen non amplius cernis, quo per tot oculos frustaris. Vt alibi epiphonema in defunctos additur, v. c. Virgil. Aen. IX, 446; sic h. l. sarcasmus. Iam poeta convertit orationem ad Argum. *Iocere*, κτεῖναι, dicuntur mortui.

720. *Arge, iaces*) Virg. Aen. X, 557: *Istic nunc, memende, iace.* Homer. Il. X, vs. 386: Κεῖται πᾶρ νήεσσι νίκης ἀνδραῖος ἀθανάτων Πάριος λόος; et alibi. De iis qui ferro pereunt, qui non sua morte defunguntur; cui contrarium stare, incolumem esse; Virg. Aen. II, 88: *Dum stabat regno incolumis.* LEM.

723. *gemmis stellantibus*) *Maculae* in cauda pavonis ob varietatem colorum et splendorem, eleganter vocantur *gemmae stellantes*. Iulfr. XV, 385: *Quae cauda sidera portat.* Plin. H. N. X, 20, pavonibus tribuit *gemmantem* colores, et guttas in cauda vocat oculos. Phaedr. III, fab. 18, 8: *Pictis plumis gemmae cauda.* In Argum. Lactant., Iuno Argum in volucrum pavonem transformari, et penula in-

Collocat; et gemmis caudam stellantibus implet.

Protinus exarsit, nec tempora distulit irae,
 Horriferaeque oculis animoque obiecit Erinny 725
 Pellicis Argolicae, stimulosque in pectore caecos
 Condidit, et profugam per totum terruit orbem.
 Ultimus immenso restabas, Nile, labori;
 Quem simul ac tetigit, positisque in margine ripae
 Procubuit genibus, resupinoque ardua collo, 730

signibus, quibus amissa lumina indicaret, ornavit. Conf. Martial. XIV, Epigr. 85.

724-750. *Protinus exarsit etc.*) Duo postremi fabulae actus, quorum alter de erroribus, quos copiose alii recensent, verbo attingitur.

725. *Erynnin* Iuno immittit etiam apud Val. Fl.: *Cum facibus spirisque et tartareo ululata Tiniphonen videt. Tum stimulos et Aeschyl. 603 memorat, αἰσχροὶ ποταμίστρων, stimulis ad cursum excitantibus. Ab eodem tamen vs. 568 aestro agitata dicitur, et vs. 687, ut et a Sophocle οἰστροπλήξ vocatur. Sic et Apollod. Virgil. Georg. III, 152 et alii. Oestrus, οἰστρος, pro quo tamen Latini maluerunt *aylus* dicere (Virg. d. l. 147 sq.; Lactant. ad Stat. Theb. I, 32), genus insectorum dipterorum est, vespis simillimorum, quae oriuntur ex bustiis aqualibus. Iam pecudes, quum ab iis punguntur et vexantur, gravissimos sentiunt dolores, adeo ut *furere* incipiant. Virg. d. l. 149 seqq. Hinc *oestrus* tropice dicitur mox de quocunque stimulo, mox de furore, aut adeo de Furiis, quae furem incitant hominibus; vid. Munke, ad Hygin. fab. 145. Qui lo in vaccam mutatum tradiderunt, eorum plurimi *oestrus* haud dubie proprie acceperunt. Ap. Aeschyl. vero Schutzius monet, omni-*

no terriculamentum intelligendum esse, forte umbram Argi, quae non oculis, sed menti sua per intervalla obiecta sit. Et Schol. ad vs. 563 tradit, illam umbram sub specie cania terruisse iuveneam. Hygin. *formidinem* memorat, quam Furiae incitant. 726. *Pellicis Argolicae*) *Pellex Argolica*, lo, quae Argis oriunda pellicis vices praestiterat Iovi: vide Valen. ad Eurip. Hipp. vers. 1303. — caecos, occultos. — *terreri et φοβισθαι* proprie dicuntur, qui a Furiis corripuntur, aut furore rabieque excitantur: vid. Heyn. ad Virg. Georg. III, 434. — *pectore. Pectora*, unus Sixii; ceteri et nostri Codd. Regii *pectore*; quod, etsi Heins. improbet, reposuimus. LEM.

728. *labori*) laboribus. De iis vid. Apollod. et multo magis Aeschyl. inde a vs. 713, quibus adde Schutzi Exkurs IV. Ibi quoque *Nilus* finis errorum; ubi enim ex Aethiopia Canobam venit, pristina forma ei redditur. — A Phoenicibus ruptam ex Argis lo scribit Herodotus, in Clio, per initium libri, et ab iis in Aegyptum deportatam. Ibi aiunt, quum Aegyptus multa nova inventa docuisset, Api regi nupsisse. LEM.

730. *ponere genu*) phrasis propria et elegans: vid. Heins. ad Claud. VI Cons. Honor. 71; Cf. Heuvel. XIV,

Quos potuit, solos tollens ad sidera vultus,
 Et gemitu, et lacrymis, et luctu-sono mugitu
 Cum Iove visa queri est, finemque orare malorum.
 Coniugis ille suae complexus colla lacertis,
 Finiat ut poenas tandem, rogat; «Inque futurum 735
 Pone metus, inquit, nunquam tibi causa doloris
 Haec erit:» et Stygias iubet hoc audire paludes.
 Ut lenita Dea est, vultus capit illa priores;
 Fitque, quod ante fuit: fugiunt e corpore setae:
 Cornua decrescunt: fit luminis arctior orbis: 740
 Contrahitur rictus: redeunt humerique manusque;
 Ungulaeque in quinos dilapsa absumitur unguis.
 De bove nil superest, formae nisi candor, in illa;
 Officioque pedum Nymphae contenta duorum
 Erigitur; metuitque loqui, ne more iuvencae 745
 Mugiat; et timide verba intermissa retentat.
 Nunc Dea linigera colitur celeberrima turba.

107. — *ardua*, in sublime spectans. Virg. Aen. V, 278: *Colla ardua attollens*. — *Supplices brachia* solent tendere; sed brachia non habebat Io, solos igitur, quos potuit, vultus ad sidera sustulit. Similiter Metam. II, 487: *Qualescumque manus ad coelum tollit*. Virg. Aen. II, 405: *Ad coelum tendens ardentia lumina frustra; Lamina, nam teneras arcebant vincula palmas*. — *luctu-sonus*, imitans vocem lugubrem, forte ab Ovidio signatum.

733. est) Abest a nostro Cod. R. B. Sed facile subauditur.

738. *vultus*) formam. — *setae*. Virgil. Aen. VII, 790: *Io iam retis abuta*. — *luminis orbis*, oculi, qui etiam simpliciter *orbis* et *ὄφθαλμοι* dicuntur. Lactant. de Opific. Dei, VIII, 16; Sophocl. Oedip. 1294; vid. Savaro ad Sidon. Ap. 1, 2.

742. *Fingulae bisulcae*, *χηλαί*,

quales habent boves, nunc rursus sciuntur in quinos digitos. — *dilapsa absumitur*, suaviter pro dilabatur, fere ut Virgil. Georg. IV, 410: *Proteus in aquas tenues dilapsus abiit*; et Noster V, 435: *Pectoraque in tenues abeunt evanida rivos*. Non dixit in digitos, sed in ungues, quorum natura similior ungulis. — *Officio pedum*, exquisita pro pedibus; et *contenta* habet aliquid iocosi. — *candor*, ut *nitor*, vs. 552; et palchritudinem et caudidum colorem notat. Ingeniose metuit — retentat.

746. *Intermissa*) *Locum verba intercepta*, non invenuste, iudice Burmanno.

747. *colitur*) in Aegypto, qua nunc ducimur a poeta, et unde suox per Aethiopiā in regiam Solis proficiuntur. Ritus istius cultus habet Lactant. Inst. Div. 1, 21. Colitur sub

Huic Epaphus magni genitus de semine tandem
Creditor esse Iovis; perque urbes iuncta parenti
Templa tenet: fuit huic animis aequalis et annis

750

nemine Isidis. — *Dea celeberrima*, sola enim Isis cum Osiride per totam Aegyptum templa habebat. Herod. II, 42. Scripsit Plutarch. de his celeberrimis Aegypt. Diis peculiarem libellum. — *linigera* a turba, ab Isiacis, sacerdotibus Isidis, quos Iuvenal. VI, 33, *linigerum gregem* dixit, quia non nisi lineis vestimentis induti erant. Herodot. II, 37. Causas eius rei plures affert Plutarch. d. I. tom. VII, pag. 390 edit. Reisk.; sed veram videtur omisisse: Isis enim haud dubie regina fuit, quae Aegyptiis *lini* usum ostendit; vid. Goguet. vom *Krsprung der Gesezte* etc. tom. I, 129. Itaque et ipsa lineis vestimentis induta erat, et *dea linigera* dicebatur: Noster I Pont. 1, 51: *Linigeræ Isidis nomen*.

748. *Epaphus*) Ab Aeschilo Prometh. vs. 319 vocatur *θεός νόστρος* (vultus, id est filius) *πόος*. Eusebius tamen in Chronico ad a. 481, auctor est, ex Telogono, cui iuxta Apollod. postea nupsit Isis, genitum esse huic Epaphum: vide Burm. ad h. l. Apud Aeschyl. Iupiter non concumbit cum Io, sed ad Nilum placide manu pulsans gravidam eam reddit, *ἐπαφῆν ἀπαφῆν χυτρί καὶ δίῳνα μύου*. Iude *Epaphus*. Is Graecis, idem quædam Aegyptiis *Apis*. Herodot. II, 153; III, 27.

750 etc. *fuit huic etc.*) *Phaëthon*, Solis et Clymenes filius, quum divinum ei genus dubium fecisset *Epaphus*, matre suadente, ad Solis regiam proficiscitur, ut certo sciant, sub eo prognatum. Ibi pignoris loco sibi a patre petit unum in diem moderatio-

nem curus solaris, nec ullo pacto deterreri potest ab hoc proposito. Sed vix ingressus est iter, quum equi exspatiantur, Solisque aestu terras vastant. Iupiter igitur, ne coelum quoque flammis corripatur, fulmine missus, et incendium exstinguit, et Phaëthontem vita privat, quem Eridanus excipit. Ad sepulcrum eius sorores in arbores mutantur, unde electra fluunt. Eodem fere modo Hesiodus fabulam in libro deperdit (unde eam Hygin. fab. 154 excerptit) narraverat; neque, ut ex Eustath. ad Hom. Od. pag. 1689 apparet, in parentibus a Nostro dissensisse videtur, quamquam cum Hygin. nescio quo errore deceptus, tradidit, Clymenum, Solis filium, patrem fuisse Phaëthontis, Meleopenque nympham matrem. Mox a tragicis eadem certatim est tractata, ut Schol. Hom. ad Od. P, 208 observat; sed non nisi ex Eurip. Phaëth. pauca fragm. restant, quae in Edit. Lips. tom. II, pag. 462 leguntur. Ex auctoribus, qui cstant, eam repetierunt, Aristot. de Mirabilibus cap. 82; Apoll. Rhod. Arg. IV, 597 seqq.; Lucrēt. V, 397-405; Manil. I, 733 seqq.; Hygin. fab. 152 a caeteris dissentiens; Lucian. Astral. tom. V, pag. 223, et copiosius in Dial. Deor. 25, ubi Iupiter Apollineum increpat, quod insipienti adolescentulo equos solares commiserit: in quibus multa Ovidianis similia. Priore loco Lucian. contendit, Phaëthontem Astronomum fuisse, qui cursum solis designavit, sed aule, quum opus perficeret, mortuus sit. Etian Proclus ad Tim. Plat. pag. 33 seqq. fabulam e physicis interpre-

Sole satus Phaëthon, quem quondam magna loquentem,
 Nec sibi cedentem, Phoeboque parente superbum,
 Nou tulit Inachides, « Matrique, ait, omnia demens
 Credis; et es tumidus genitoris imagine falsi. »
 Erubuit Phaëthon, iramque pudore repressit: 755
 Et tulit ad Clymeneu Epaphi convicia matrem.
 « Quoque magis doleas, genitrix, ait, ille ego liber,
 Ille ferox tacui: pudet haec opprobria nobis
 Et dici potuisse, et non potuisse repelli.

tatus est. Conf. et Philostr. Icon. I, 11. Noster, quae tradita acceperat, et copiosissime et eruditissime persequutus est; sed hic non minus, quam in diluvio Deucalioneo, luxurianti ingenio indulsit. Tum discepsit fabulam ita, ut maiorem eius partem in libr. sequentem transferret. Quod olim quum moleste nonnulli ferrent, factum arbitror, ut hic secundum librum ordirentur, quae divisio in quatuor Codd. reperitur. Seneca de Prov. 5, loca nonnulla inde laudavit ad illustrandam fortitudinem in appetenda virtute. Et potest haec fabula neque ac Aesopica, usum morale habere. Ea enim monetur, ne appetamus quae supra vires nostras sunt, et ut sapientiorum hominum consiliis regi nos sinamus. Hor. IV, Od. 2, 25. Cf. et Eurip. Fragm. III. — *aegualis*. VII, 658, *pares annis animisque. — animis*, spiritu et superbia.

751. *satus*) Glerig. ediderat natus; sed propter metrum recte Codd. Reg. nostri habent *satus*, quod revocavimus. Lex. — *magna loqui*, μεγαλολογῆν, μεγαλοφρονῆν, gloriosi, superbire; vide ad IX, 31. Iuvenes, quum suis nondum inclaruere virtutibus, de generis nobilitate risanter.

752. *Nec sibi cedentem*) Quia Phoebo patre Deo minus erat, neque ac

Epaphus, verum non aequè magnos Deo, ut ille; nam quid fore minus habetur? Cedere ergo Phaëthon Epapho debuisset in hac parte. Sed Phaëthonis animos agebat, quod avum haberet Iovem, et Epaphus de avo gloriari non poterat: nam Saturni nullum iam nomen erat. Lex.

754. *tumidus*) tumore de fatis et superbia. — *falsus*, qui putatur is esse, qui revera non est: vid. Broukhuis. ad Propert. II, eleg. 7, 43. — *imago*, falsa rei representatio II, 37.

756. *tulit ad matrem*) More puerorum, qui offensi ab aequalibus, rem ad parentes deferunt, et ab his vindictam petunt. Lex.

757. *ille ego liber*) Codd. RR. A. B. *En ego liber*. Forte *vividus*. — *liber*, qui, neminem timeus, dicit et facit, quae ipsi recta videntur. Plin. VI, Ep. 8, 8: *Non feret magnum et liberum ingenium cum contumelia damnum*. — *ferox opp. leni et placido ingenio*. Cic. Sen. n. 33: *infirmitas puerorum est, ferocia iuvenum*. Add. Sallust. Cat. 39, *ille ego*. Plin. I, Ep. 6, 6, *ego ille quem nosti*, ubi vid. Corte.

759. *repelli*) Olim edeb. *refelli*, quod non satis convenit ferocitati iuvenis. Barn. praetulit igitur ex optimis Codd. *referti*, quod proprium sit

At tu, si modo sum coelesti stirpe creatus, 760
 Ede notam tanti generis; meque adserere coelo.
 Dixit; et implicuit materno brachia collo;
 Perque suum, Meropisque caput, taedasque sororum,
 Traderet, oravit, veri sibi signa parentis.
 Ambiguum, Clymene precibus Phaëthontis, an ira 765
 Mota magis dicti sibi criminis; utraque coelo
 Brachia porrexit; spectansque ad lumina Solis,
 « Per iubar hoc, inquit, radiis insigne coruscis,
 Nate, tibi iuro, quod nos auditque videtque;
 Hoc te, quem spectas, hoc te, qui temperat orbem, 770
 Sole satum: si ficta loquor, neget ipse videndum
 Se mihi; sitque oculis lux ista novissima nostris.

in ingiis et controversiis. Ego vero solus cum aliis Codd. *repelli*. Phaëthon enim non tam recriminari, quam *repellere*, ferociter a se amoliri illud crimen volebat. — Codices nostri *repelli*. Et de codicibus v. c. Gierig qui habent *repelli*, valde dubito. Praenotandum autem ex MSS. nonnullis *repelli*. Phaedr. I, fab. 1, 9: *Repulsi ille veritatis viribus*. Cic. N. D. I, 3: *Qui admovent amice, docendi sunt, qui iniunice insectantur, repellendi*. Quintil. IV, 2, 26: *Quoties crimen non repellendum tantum, sed etiam transferendum erit*.

761. *Ede* Graevian. *Prode*. — Nostri RB. *ede*: idem est, I. E. M. — *me coelo adserere*. Vindica mihi divinum originem.

763. *Merops*, maritus Clymenes, pater putativus Phaëthontis (Fast. III, 30) et rex Aethiopiae: vid. ad vs. 774. — *sororum nomina* vide II, 346: Per harum *taedas* iugales, id est nuptias, maluit, ut aptius, quam caput, matrem orare.

766. *crimen*) criminatio. Gloss. ex-

plicant per *ἔγκλημα, διαβολήν*. Hoc loen insinuatio adulterii; quemadmodum stuprum ipsum saepe apud Nostros *crimen* dicitur. Vid. Draconh. ad Sil. VI, 634.

767. *lumina Solis*) periphrasis Solis; atque etiam *iubar* nunc est Sol ipse. — *Per iubar*. Per Solem iurare, eumque testem facere aut innocentiae suae, aut iniuriae alterius solebant Veteres. Infra IV, 238; Virg. Aeneid. XII, 176: vid. Burm. in Iove Fulg. XV. Et nunc quidem Clymene non poterat graviolem veri testem dare, quam Solem, patrem ipsum, de quo dubitabatur. Commotus autem animus ex adseruatione seqq. satis elucet. — *quod nos audit etc.* Sol Deus πανδίας, πανόπτης, omnia intuens, omnia etiam exaudiens. Plin. II. N. II, 6; ex Homero II. Γ, 277: *Ἠλίου Δ', ὅς πάντ' ὀπράς, καὶ πάντ' ἐπακούει*. Cf. Cerda ad Virgil. Aen. IV. 607.

770. *qui temperat orbem*) Sol temperat orbem, dum lucem et calorem largitur, forte et motum tribuit pla-

Nec longus labor est patrios tibi nosse penates:
 Unde oritur, domus est terrae contermina nostrae.
 Si modo fert animus; gradere; et scitabere ab ipso. » 775
 Emicat extemplo laetus post talia matris
 Dicta suae Phaëthon, et concipit aethera mente;
 Aethiopasque suos, positosque sub ignibus Indos
 Sidereis transit, patriosque adit impiger ortus.

netis, vicissitudinesque temporum efficit. Horat. I, Od. 2, 15: Iupiter temperat mundum, regit.

773. *Nec longus labor est, patrios tibi*) Codd. RR. A. B. *Nec longus patrios labor est tibi*. Notabilis transpositio. — *patrios penates*, patriam domum, regium Solis: vid. ad vers. 174. Haec unde oritur Sol, a parte orientali, *contermina est terrae nostrae*. Apud Euripid. Phaëth. fragm. p. 462, tom. II edit. Lips. Merops vocatur rex eius terrae, quam primam Sol exorietur illustret, et quam nigri vicini *Lucidaam Auroram* (Ἰὼ φεινύαν) et *Solis stabula* (ἡλιου ἐνοστάσις) appellant. Ea vero est Aethiopia, cui, quippe sub calidioris coelo sitae, vicinior est Sol; nam mox *Aethiopas suos* memorat, quibus vicinos facit *Indos*. Veteres autem

sub *Indorum* et *Aethiopum* nomine omnes Orientis populos complexi sunt, in australibus potissimum plagis: vide Caper. Observat. IV, 7. — *contermina*. Vossian. et usus Basil. *confinia*. ut sit appositio. Nostri Codd. vulgatam habent.

775. *Si modo fert animus*) si cupis: vide ad vs. 1.

776. *Emicat*) celeritatem indicat. — *Emicat*. Exilit; nam *emicare* cum subsiliente corpore laetitiam indicat. Virg. Aeneid. VI, 5: *Iuvenum manus emicat ardens litus in Hesperium* et alibi. LEM.

777. *concipit viator mente locum*, quo tendit: proponit sibi locum, quo tendat. — *positos sub ignibus Indos*. Horat. I, Od. 12, 55: *subiectos orientis orae Indos*.

P. OVIDII NASONIS METAMORPHOSEON

LIBER SECVNDVS

N. B. *Argumentum huius Libri et sequentium relatum invenies supra
in Metamorphoseon serie CASTERI.*

FAB. I. Regia Solis erat sublimibus alta columnis,
Clara micante auro, flammisque imitante pyropo;

1-18. *Regia Solis*) In qua describenda Ovidius nec veteris cuiusdam poetæ loca respexit (quamquam et apud Homer. *Odyss.* A, 72; H, 87 regiae occurrunt auro, argento, ebore splendentes), nec obiter Apollinis templum ab Augusto in Palatio dedicatum (de quo III *Trist.* 1, 58 sqq. *Propert.* II, 23) laudare voluit; sed e partibus templorum præcipuis, columnis, fastigiis foribusque caelatis, eam composuit, addito insigni ornatu, qui, quam in Romanorum sedibus narium, ebur, marmor reniteret, divinam regiam in primis decere videbatur. Quod posterius minime approbavit Senec. *Ep.* CXV, qui, allata hæ ipsa regiae et mox enervus solaris descriptione, monet, talibus augeri sacram auri famem inter homines. — *columnas*, porticus, in quibus apud Veteres maxima pars magnificentiae templorum. In primis operam dabant, ut essent *sublimes*,

altæ; vide Ernesti *Archæol.* VIII, 10. — *alta columnis*, propter columnas, ut Virgil. *Æneid.* VII, 170: *tectum centum sublime columnis*, et Noster *Trist.* d. I. *templa Apollinis gradibus sublimia celsis*.

2. *Clara*) splendida. — *Micante auro*. Micare, per intervalla luere, et se movere. Proprie, *mica auri*. Lucret. lib. I, Eam. incerto loco: *omnia tumendo mari videas fervente micari*: pro moveri. — *auro*. Lege Senec. hos versus citantem, *Epist.* 115. — *pyropo*. Genus radiante instar carbunculi. Neque enim placet de aere coronario: quod Plin. lib. XXXIV, 8, scribit *auri certis scrupulis mixtum præstent pyropi bractea ignescere*. IEM. — *pyropo*. C. R. B. *Saphiro*. Hoc glossam redolet. *Pyropus* nunc non est rubinus e genere carbunculorum, sed aes, cui aliquid auri arte hominum additum. Id enim auctore Plinio XXXIV, 8 s. 20, *ignescebat*,

Cuius ebur nitidum fastigia summa tenebat;
 Argenti bifores radiabant lumine valvae.
 Materiem superabat opus: nam Mulciber illic

5

et, quod Isidor. lib. XIX, 19 addit, *flammas imitabatur*, quam ipsam ob causam *pyropum* (πυρρον, cuius facies ignea aut rutila) dictum. Rod. putat, parietes fuisse ex illo pyropo, columnas ex auro. Ovidius nihil definit, sed cuiusque ingenio liberum relinquit, metallis illis sibi exornare regiam. Tectum quidem Capitolii pro fulgebant auro: Senec. Controv. I, 6.

3. *tenebat*) Idem Cod. Reg. B. *tenebat*; alter vero, *tenebat*. — *fastigia*. Artoi, ἀρτώματα, propria erant templorum regiarumque divinarum, neque in aliis aedificiis ferebantur. Erant autem pinnacula, quibus, dignitatis causa, tecta templorum elatiora (privatarum enim aedium tecta plana erant) in cacumine exornabantur. *Fastigia summa*, id est in summotecto: vide Ernesti Clav. Cic. h. v. Fastigia plerumque onusta erant signis: vide Pausan. passim, in primis lib. V, p. 399 seq. Sic in templi Apollinis, ab Augusto dedicati, fastigio erat aureus Solis carrus. Propert. II, 23, 11. Itaque et h. l. *ebur* accipio de signis eburneis in fastigio collocatis: *nitidum*, candidum. — *tenebre* locum dicuntur, quae in eo collocata sunt: vide Heins. ad III Fast. 219. Caeterum de dignitate, quam templis addunt columnae et fastigia, cf. Cic. Orat. III, 66.

4. *Argenti bifores*) Etiam foribus magnus addebatur ornatus; itaque semper earum fit mentio in descriptionibus regiarum: cf. Hom. Odyss. Z, 19; P, 267, in primisque H, 82 279. ubi regia Alcinoi describitur. Carabatur, ut essent σύρρις et φαει-

νυδ. — *valvae* in primis erant templorum, et complicabantur ita, ut in se ipsas intus revolyerentur: vide Barth. Advers. XL, 10. Hinc *bifores valvae*, θύραι διπλῆδες, διακρίσαι. Valvae templi Capitolini luminis aureis obductae erant, sed hae nosgras argento. Vt hic *lumen argenti*, sic Val. Flac. III, 100, *ferri lumen*, scilicet in splendorem dati. — *radiare* verbum antiquae elegantiae, iudice Broukh. ad Propert. I, 15, 7, ubi plures et Nost. Pont. III, 4, 103, *radiari* accipientes refert. Sed alibi fore vim activam habet, splendorem dare.

5. *Materiem*) (sic, non *materiam*: vid. Salmas. ad Solin. p. 328) *superabat opus*, ut fieri solet in operibus artificiose fabricatis. *Opus* autem quum de rebus arte factis dicitur, et opponitur *materiae*, elaborationem significat, die *Arbeits daran*. Claud. X, 87, de regia Veneris: *Lemnius haec etiam gemmis extruxit et auro, Admisceens artem pretio*. Artifices in foribus, clypeis, balteis aliisque operibus, res memorabiles exprimere solebant atque in istis argumentis describendis placent sibi poetae, Hom. exemplo. In his foribus mundus universus spectabatur, quem Sol luce sua collustrat. De *velis* templorum per talia emblemata magnifice exornatis vide Cic. Verr. IV, 56; Plin. H. N. IX, 13; Virgil. Georg. III, 26. — *Mulciber*. Codd. nostri *Mulcifer*. Talia opera elaborare solebat *Mulciber* seu Vulcanus, fabrilium artium praeses et rex, qui omnia Deorum opera metallica fucere solebat,

Aequora caelarat, medias cingentia terras,
 Terrarumque orbem, coelumque, quod imminet orbi.
 Caeruleos habet unda Deos; Tritona canorum,
 Proteaque ambiguum, balaenarumque prementem
 Aegaeona suis immania terga lacertis, 10
 Doridaque, et natas: quarum pars nare videntur,
 Pars in mole sedens virides siccare capillos;
 Pisce vehi quaedam: facies non omnibus una,

Caelatas fores habebat etiam Capitolium: Claud. XXVIII, 46. Et erant *caelata* opera maximi pretii. De verbis *caelare* et *τογαῖαν* vide Heyn. in *Antiq. Dissertat.* P. II, pag. 130 sqq. ubi docet, illa fere semper dici de opere plastico. Quamquam signa interdum et illigari solent.

6. *Aequora caelarat*) iam recenset argumentum illorum emblematum. Omnia repleta erant animalibus.

7. *quod imminet orbi*) Nomine orbis, hic cape nērem, terram, aquam, quorum velat tectum quoddam est coelum. LXX.

8. *Tritona canorum*) est enim tabernaculum Neptuni: vide ad I, 333.

9. *Proteaque ambiguum*) De *Proteo* locus classic. est Virg. Georg. IV, 387-450. Erat autem *Proteus* vates senex et Deus marinus, cui Neptunus curam armentorum suorum, hoc est monstrorum marinorum, tradiderat. *Ambiguum*, mutabilem vultus, ut eum vocat Horat. I, Ep. 1, 90. Varius enim formas inducere solebat *Proteus*, ita ut modo aper esset, modo arbor, mox in aquam se extenuaret, mox ignis speciem sumeret, conf. VIII, 732 sqq. ubi eius fictionis causam attulimus. *Transformus* vocatur Fast. I, 373.

10. *Aegaeona*) Etiam *Aegaeon*, quem Dii *Briareum* vocabant, Deus

marinus, Neptuni vel filius, vel secundum Hesiod. Theog. 817 sqq. gener, sed patre fustior; unde ei centum brachia, in quibus sedes fortitudinis, tribuntur: vide Hom. II. A, 402 sqq. Sed Virg. Aeneid. X, 565, cum videtur inter Gigantas retulisse, *Premere* omnino quidem est insidere: sed nunc, ubi *lacertis* additur, malim ad habitum animalibus insidentium referre, quam de missis brachiis terga eorum tangunt, ut infra 874 Europa dorsum lauri.

11. *Doris*) filia Oceani, coniux Nerei, mater quinquaginta Nympharum, quae a patre *Nereides* dicuntur: Hesiod. Theog. 240; Orph. Hymn. 23. — *nare videntur*, nustes cernuntur. — *videntur*. Codd. nostri *videtur*. Vtrumque bene.

12. *molex*) scopulus. Vans Heins. rube. Nostri Codd. *mole*. — *siccare capillos* solempne negotium Deorum marinarum, quemadmodum alii otio abundantes comam ornant. Singulis nunc actio quaedam tribuitur. — *virides Nereidum comae* etiam Hor. III, Od. 28, 10. Neptunus *αἰσχροχίτης* apud Graecos: vid. ad I, 275, ubi vocatur *Caeruleus*.

13. *Pisce*) Gronov. conj. *prist*. — *Pisce*, belluis marinis, delphinis in prunis, vehi solebant *Nereides*: vid. ad XI, 237. — *facies* etc. Inge²

Nec diversa tamen; qualem decet esse sororum.
 Terra viros, urbesque gerit, silvasque ferasque, 15
 Fluminaque, et Nymphas, et caetera numina ruris.
 Haec super imposita est coeli fulgentis imago;
 Signaque sex foribus dextris, totidemque sinistris.
 Quo simul acclivo Clymeneia limite proles
 Venit, et intravit dubitati tecta parentis; 20
 Protinus ad patrios sua fert vestigia vultus;
 Consistitque procul: neque enim propiora ferebat
 Lumina. Purpurea velatus veste sedebat
 In solio Phoebus, claris lucente zmaragdis.
 A dextra laevaue, Dies, et Mensis, et Annus, 25
 Seculaque, et positae spatii aequalibus Horae:

niose et in laudem artificis. Claudian. X, 72, de Amoris: *nulle fratres, ore pares, similes habitus*.

15. *viros*) homines: *gerit*, habet.

17. *coeli imago*) coelum: *fulgentis*, stellati, ἀστέρων, ἀστέρων.

18. *Signa simpliciter* dicuntur sidera Zodiaci, quae certorum animantium, aliarumque rerum speciem referre putantur; unde Zodiacus ipse *signifer orbis*. Cic. Div. II, 45. Iam haec duodecim signa secutur Aequator ita, ut sex sint in parte septemtrionali, totidemque in australi. Hoc igitur expresserat Vulcan, quum dimidiam signorum partem dextris foribus addidisset, dimidiam sinistris.

19-30. *Quo simul acclivo*) Interna regiae faecis. — *acclivo*, quia templa in editis fere loca poni solebant. *Purpurea veste velati*, aut, epitheto veluti proprio, *purpurei* ubique reges inducuntur. Praeterea *purpureum* omnino lucidum et splendidum colorem significat: unde *purpureum* Solis lumen Virg. Aen. VI, 641, et alibi.

21. *fert*) *Plurimi vertit*, quod exemplis illustrat Heins. Sed et *ferre vestigia*, *gradus*, *pedes* bene dicitur, monente Burmanno. — *Noster quoque R. A. ad patrios vertit vestigia*.

23. *Lumina*) *Pro Lumina* Francos. *Numina*, quod Burmann. rectum putabat, quia *numen* videre nefas. Immo alterum melius. *Numen* videbat etiam procul; sed *lumina* propiora non ferebat. Cf. 40 sqq. — *zmaragdus*. Scribendum esse *zmaragdus*, non *amaragdus*, docet Broukh. ad Propert. II, 16, 43. Et h. l. sic omnes MSS. — *zmaragdo* tertium inter gemmas locum tribuit Plin. Hist. Natur. XXXVII, 5, quippe cuius insignis viriditas nunquam satiet oculos, eos potius gratissime recreat.

25. *A dextra etc.*) Ingeniosum fingentium, quo vicissitudines temporis, quae efficiuntur decursu Solis, sumta specie personarum circumstant, ex parte cum attributis suis, eius solium.

26. *Horae*) Solis ministræ, coeli ianitrices, πύλαι τοῦ οὐρανοῦ. Ho-

Verque novum stabat, cinctum florente corona:
 Stabat nuda Aestas, et spicea serla gerebat:
 Stabat et Autumnus, calcatis sordibus uvis;
 Et glacialis Hiems, capos hirsuta capillos. 30
 Inde loco medius, rerum novitate paventem
 Sol oculis juvenem, quibus adspicit omnia, vidit.
 « Quaeque viae tibi causa? quid hac, ait, arce petisti,
 Progenies, Phaëthon, laud inficiunda parenti? »
 Ille refert: « O lux immensi publica mundi, 35
 Phoebe pater, si das huius mihi nominis usum,
 Nec falsa Clymene culpam sub imagine celat;
 Pignora da, genitor, per quae tua vera propago
 Credar; et hunc animis errorem detrahe nostris. »

mer. Iliad. E, πῶτα μόνον ὀφρανεῖ, ἀξ ἔχον ὥρασι etc. LEM.

27. *Ver* — novum dicitur, quia est initium anni novi. — *florente*, a floribus, praevenit verno, nexa. — *nuda* et γυμνός dicitur etiam is, qui non nisi tunica indutus est. Sic nudi arabant Itali, credebant nudi, Virg. Georg. I, 299. — *calcatis sord. uvis* etiam Fast. IV, 892. *Calcabantur* enim uvae pedibus. Propert. III, 15, 18: *Nova praevenientes inquinet uva pedes*. Tibull. I, 7, 35: *sapores Expressa incultis uva pedibus*. Scio quidem, *sordidum* non contemnim dici (vide ad I, 512); in regia tamen tam splendida magis mihi placeret cum Horat. Epod. II, 17, *pomis decorum caput efferens Autumnus*. — *hirsuta*, incomita: *cani capilli* tribuntur hiemi tanquam seni, et propter nives. De his anni vicissitudinibus cf. loc. longe elegantissimus XV, 201-213.

31-32. *Inde loco medius* etc.) Primus patris et filii congressus. *Rerum novitate paventem*, ut Aristaeus humida matris regna ingressus apud

Virgil. Georg. IV, 363 sqq. Verba quibus adspicit omnia si abessent, non desiderarentur. Sol πανόρατον iam I, 769 memoratus.

35. *mundi*) Cod. Regius B. coeli.

37. *falsa sub imagine*) Falso sub praetextu, quia Deus auctor culpae honestior. Liv. I, 14. Virgil. Aen. IV, 172: *hoc praetexit nomine culpam*. — *celat*. Pro *celat* meliores *velat*; quod elegantius dictum videri possit. Sed velat praepos. *sub*; quum *velare* nudum ablativum postulet. Heroid. V, 131: *culpam nomine velas*; quamquam ibi quoque multi *celas*.

38. *genitor*) Quidam *generis*, quod probabat Vivianus, quia praecessit pater, et seq. *genitor*. Pro tua unus Gronov. *tibi*, idque ardebat Burmanno.

39. *errorem*) Dubium, incertitudinem. Liv. I, 24: *nomini error manet*. — *detrahe*, exime. Cic. Tusc. IV, 11: *hanc detrahenda opinio est*. Pluralis *animi* de uno: vide Burm. ad Phaedr. II, 2, 5.

Dixerat. At genitor circum caput omne micantes 40
 Deposuit radios, propiusque accedere iussit:
 Amplexuque dato, « Nec tu meus esse negari
 Dignus es; et Clymene veros, ait, edidit ortus.
 Quoque minus dubites, quodvis pete munus, ut illud,
 Me tribuente, feras; promissis testis adesto 45
 Dis iuranda palus, oculis incognita nostris. »
 Vix bene desierat: currus rogat ille paternos,
 Inque diem alipedum ius et moderamen equorum.
 Poenituit iurasse patrem, qui terque quaterque
 Concutiens illustre caput, « Temeraria, dixit, 50
 Vox mea facta tua est: utinam promissa liceret
 Non dare! confiteor, solum hoc tibi, nate, negarem.

40. *At genitor*) Statim paternus animus se prodit. *Caput illud radiatum* in multis monumentis conspicitur. Constat autem ea corona spiculis quibusdam, plerumque duodecim pro numero mensium. Virg. Aeneid. XII, 162: *Turno tempora circum Aurati bis sex radii fulgentia cingunt, Solis avi specimen.* Istis radiis Phoebus diffundit lumen: eosdem igitur, vs. 124, filio imponit.

41. *iussit*) Heins. malebat *accedere iussit*. — *veros edidit ortus*, veram tibi indicavit originem. *Edere* passim indicare, profiteri, ut III, 580, et saepe apud Livium. Vid. Stroth. ad I, 46.

45. *feras*) Cod. Noster R. A. *feres*.

46. *Dis iuranda*) Per quam Dii iurare solent. Etiam *iurare paludem*, omisso *per*, latinum est, ut mox vs. 101: vid. Drakenh. ad Sil. VIII, 105. Tam temere etiam Iupiter III, 290, iurat. — *oculis incognita nostris*. Plutoni nempe regnum tenebricosum.

47. *Vix bene*) Hanc locutionem

amat Noster. Cf. III, 14; Heroid. VI, 24; VI Fast. 513. Bene augeat notionem *vix*. Hic quoque notatur fervidum Phaëthontis ingenium. *Alipedes*, veloces, *πρὸπόδες, ἰσχύροδες*: apud Euripid. Phaëthont. fragment. pag. 463, tom. II edit. Lips., currus adeo Solis *πρὸπόδες ἔχοντες*: vid. Morus ad Longin. 15. — *ius*, potestas in rem aliquam. Votum autem illud non abhorret a levitate inveniri. *Equos solares expressos* vides artificis manu in Lipperti Dactyl. I, 191, 738 sqq. Caeterum currum solare in unum diem sibi expetit etiam Medea apud Senec. Med. 32 sqq.

49. *Poenituit iurasse*) Apud Lucian. Dial. Deor. Phaëthon h. c. moderamen suis et Clymenes precibus impetrat.

50. *Temeraria* etc.) Temere ego iuravi, quoniam tu temere rogas.

51. *Vox mea facta*) Burm. praefert e Caland. Exc. *Vox tibi facta mea est*. — *utinam promissa liceret*. Atqui non licet, sicut ipse infra constituitur: *Ne dubita, dabitur, stygius tu*

Dissuadere licet: non est tua tuta voluntas.
 Magna petis, Phaëthon, et quae nec viribus istis
 Munera conveniant, nec tam puerilibus annis. 55
 Sors tua mortalis: non est mortale quod optas.
 Plus etiam, quam quod Superis contingere fas sit,
 Nescius adfectas: placeat sibi quisque licebit,
 Non tamen ignifero quisquam consistere in axe
 Me valet excepto: vasti quoque rector Olympi, 60
 Qui fera terribili iaculatur fulmina dextra,
 Non agat hos currus: et quid Iove maius habemus?
 Ardua prima via est; et qua vix mane recentes

ravimus undas. LEX. — Deus enim periturus per integrum annum spiritus expers iacet, deinde per novem alios annos societate et consuetudine Deorum ei interdicitur. Hesiod. Theog. 794.

53-102. *Dissuadere licet*) Dissuasoria egregia. Argumenta dissuadendi sumta sunt ab imbecillitate petentis, 54-52; a difficultatibus viae, 63-75; ab insidiis in via, 76-83; a ferocia equorum 84-87, quibus, ut in peroratione, monita, preces, nova promissa addita. Ea vero omnia probabiliter tractata sunt; *tuta*, sine periculo: *istis*, cum vi, *tam puerilibus*. — *Sors*, quicquid nobis natura tribuit, ut sexus, h. l. natura: *mortale*, mortali conveniens.

55. *conveniant*) Cod. Noster R. B. *conveniunt*.

57. *Plus etiam etc.*) Imbecillitatem pueri bene amplificat comparatione cum Diis, ipso adeo Iove, instituta. — *fas sit*, possibile sit: vid. Lumbin. ad Horat. I, Od. 24, 20; et IV, Od. 4, 22. Hinc formula, *si licet et fas est*, pro qua Noster Heroid. XVI, 235, *qua licet et possum*. BVAM.

— *fas sit*. Heins. *malit par est*, aut *sit*. — *placeat sibi etc.* Quisque caeterorum Deorum se excellere putet, quantum velit.

59. *axe*) currus, in quo consistebat Apollo, ut Phaëthon vs. 151. Sic etiam in nummis representatur: vid. Spanhem. ad Callim. h. Del. vs. 169. Currus tamen *insidens* perhibetur alibi, ut Senec. Med. 29.

61. *Qui fera terribili etc.*) De feritate fulminum, quibus terret gentes, cf. III, 303 sqq. et Virg. Georg. I, 328 sqq.

62. *Non agat*) Nostri Codd. RR. *aget*. *Ageret currum, equos, novem*, phrases solennes: vide Burmannum. — *habemus*. Cod. R. A. *habetur*. — *et quid etc.* XI, 224: *ne quidquam mundus Iove maius haberet*. Consilium dicentis postulabat, ut hic maiestas Iovis in luce collocaretur.

63. *prima via*) Prima pars viae: *primum mundum* sic dixit Senec. Oed. 116. — *recentes*, nocturna quiete recreati. Passim *integri et recentes* coniunguntur, atque *defatigatis et fessis* opp.: vid. Clouan.

Enitantur equi: medio est altissima coelo;
 Vnde mare et terras ipsi mihi saepe videre
 Fit timor, et pavida trepidat formidine pectus:
 Vltima prona via est, et eget moderamine certo.
 Tunc etiam, quae me subiectis excipit undis,
 Ne ferar in praeceps, Tethys solet ipsa vereri.
 Adde, quod adsidua rapitur vertigine coelum;
 Sideraque alta trahit, celerique volumine torquet.
 Nitor in adversum: nec me, qui cetera, vincit

63

70

64. *Enitantur*) Cod. Regius B. *Emittantur*. Non male quoque.

66. *pavida*) Vnus Heinii *gelida*. Nostri autem *pavida*. — *pavida* otiosum quidam li. l. est; sed solent poëtae interdum isti epithetia affinis, et idem fere notantibus quod substantivum, quibus adduntur. Hinc *pavidus metus*, *motu silentia* etc. Vide Burmannum.

67. *Vltima prona via*) Ascensus propter adlevitatem durus; medium iter, propter altitudinem, terribile; descensus, propter casum, difficilis; haec tria plena metas sunt. LEM.

69. *Tethys solet*) Infra IV, 632: *Pontus Solis anheliis Aequeora subdit equis*. Sed pro mari *Tethys* in mythis poni solet. Haec igitur bene et excipere Solem, et vs. 156, mare emittere dicitur. Et nunc cum dilectu commemoratur, quia *timor* ille in primis convenit Tethyi, nuntiae Phorci, quoniam alia confunditur Thetis. LEM.

70. *vertigine*) *vertigo*, circumvolutio. *Caedam* autem *rapitur assidua vertigine* ex ratione adspectabili, et opinione Veterum, quae si vera esset, tanta foret istius conversionis celeritas, quanto cogitare non possemus. Cic. Tusc. I, 28. Bene igitur *rapitur*, quo verbo celeritas et vehementia declaratur. Coelum sidera,

quae ei velut affixa videntur, *trahit*, secum circumagat. Senec. N. Q. VII, 10, *ludat hunc ipsam versum, ut vertiginis vim inde comprobet, doceatque, motum motu contrario vinci*.

72. *Nitor in adversum*) Et mot, *rapido contrarius coelae orbi* eodem redeunt: *contrarius orbi*, contra orbem, id est coelum. Planetarum proprio quodam motu feruntur, atque paulatim ab occasu versus ortum moventur, ut docent Astronomi. Idem Veteres putabant de Sole: vide Macrobi. Somn. Scip. I, 18; Hygin. Poët. Astron. IV, 13; Plin. Hist. Nat. II, 8, cuius verba adscribere placet: « Quoniam autem errantium siderum motus, interque ea Solis et Lunae, contrarium mundo agere cursum, id est laevum (Auguribus Romanis plaga orientalis *laeva* erat), illo semper in dextram praecipiti. Et quamvis assidua conversione immensae celeritatis attollantur ab eo, rapianturque in occasum, adverso tamen ire motu per suos quoque passus. Ita fieri, ne convolutus aer eandem in partem aeterna mundi vertigine ignavo globo torpent, sed findatur, adverso siderum verberare discretus et digestus. — Impetus igitur, celeritatis coeli circumvolutio, qui caetera sidera vincit, secum rapit, Solem quoque rapere

Impetus: et rapido contrarius evehor orbi.
 Finge datos currus: quid agas? poterisue rotatis
 Obvius ire polis, ne te citus auferat axis? 75
 Forsitan et lucos illic, urbesque domosque
 Concipias animo, delubraque ditia donis
 Esse: per insidias iter est, formasque ferarum:
 Vtque viam teneas, nulloque errore traharis;
 Per tamen adversi gradieris cornua Tauri, 80
 Haemoniosque arcus, violentique ora Leonis,

vult; ille vero maximo cum labore contra nititur. *Impetus* saepe de coelo: vide Ernesti Clav. Cic. b. v. — *vincit*. Florent. *vincat*; hinc Burmannus suadebat, *ne me*. Nostri Codd. *vincit*.

74. *poterisue rotatis* etc.) Coelum movetur circa polos: hi ergo sunt veluti rotae coeli, iam obvium ire rotatis polis est i. q. paulo ante, rapido orbi contra evehi; nam per polos nunc omnino coelum intelligemus. *Molem rotatam* habet Plin. Hist. Nat. II, 3; Claudian. V, 527, dum rotet astra polos, ubi Gesner. notat, pulchram esse phantasiam, quasi motus principium sit in axe illo, circa quem coelum vertitur. Itaque et Ovidius addit, *ne te citus* etc.

76. *domosque*) Codd. nostri RR. *Deorum*.

77. *Concipias animo*) παρτάζειν. — *donis*, in quibus vasa in primis sacra. cf. Virgil. Aeneid. I, 446. *Formas ferarum* sunt ferae ipsae: vide ad I, 73. — *insidiae et ferae*, ἐν δόλῳ δυνάμεις, ferae insidiantes. Intelligunt autem sidera Zodiaci, quae certarum animalium figuras referunt. — *Vt teneas*, finge te tenere. — *errore trahi* exquisitius quam *errare*.

80. *Per tamen adversi*) Loquitur ita, ut sol omnia ista signa uno die percurrere videntur, quae non nisi integri anni spatio percurrunt; in quo utitur licentia poetis concessa, ut tanto fortius deterreat animum audacem Phaethontis a proposito: vid. Alex. Tassonius in Pens. div. IX, 36, quem laudavit Burmannus. Recenset autem aevissimus tantum formas, et ea in primis nominat, a quibus illae metuendae sunt. — *Tauri* signum sol ingrediebatur IV kal. maii; Manil. I, 516: *Quique sub adversi numerantur sidera Tauri*. Hyg. Astron. III, 20: *Hic Taurus adversus oritur et occidit*. Hinc Senliger, ad Manil. p. 9, contendit, et hic *adversi* legendum esse. At nunc non quaeritur, quomodo in coelum veniat et inde decedat, sed quo spectet. *Spectat autem ad exortum solem*; Hygin. Astron. II, 21. Igitur *adversi* retinendum. Eo ipso terribilis erat, quod *adversus*; contra *adversi* adversatur consilio Phoebi.

81. *Haemonios arcus*) Sagittarium, qui fingitur arcu tenso, quasi mittere incipiens. *Haemonios* seu Thessalicos (vid. ad I, 568), quia complures tradebant, hunc Sagittarium autem fuisse Centaurum: Hygin. P. A. II, 27. Centauri autem erant Thessali.

Saevaeque circuitu curvantem brachia longo
 Scorpion, atque aliter curvautem brachia Cancrum.
 Nec tibi quadrupedes animosos igitibus illis,
 Quos in pectore habent, quos ore et naribus efflant, 85
 In promptu regere est: vix me patiuntur, ut acres
 Incaluere animi; cervixque repugnat habenis.
 At tu, fuisti ne sim tibi muneris auctor,
 Nale, cave; dum resque sinit, tua corrige vota.
 Scilicet, ut nostro genitum te sanguine credas, 90
 Pignora certa petis: do pignora certa timeudo;
 Et patrio pater esse metu probor; adspice vultus
 Ecce meos; utinamque oculos in pectora posses
 Iuserere, et patrias intus deprendere curas!
 Denique, quidquid habet dives, circumspice, mundus; 95
 Equae tot ac tantis coeli, terraeque marisque
 Posce bonis aliquid: nullam patiēte repulsam.
 Deprecor hoc unum; quod vero nomine poena,

82. *brachia*) Chelae Scorpii, quae etiam *cervinae* et *furoae* dicuntur. Curvat brachia longo circuitu, quia integri signi spatium occupabant, vers. 195 sqq. Stellae enim inter Virginem et Scorpion, quas hodie Libram vocamus, olim non erant peculiare sidus, sed tribuebantur chelis Scorpii. Hinc intelligendus Virgil. G. 1, 33. — *aliter*, in aliam regionem.

83. Hic scilicet versus occasum, ille orientem spectat. LEM.

84. *igitibus*, Quas etc.) Ita describuntur interdum ardentes tantum anhelitus, nude nobilitas equorum cognoscitur: Virgil. Georg. III, 85; Lucret. V, 29. Verum equi Solis proprie dicuntur πύρ πνέοντες: vide Cerdas ad Virg. Aeneid. III, 115. Hinc afflant quod poetas terras eas, quibus lucem apportant: Virg. Aen. V, 739. Mox

vers. 154, *hianitus flammifer*. — *me patiuntur*, a me regi se patiuntur; *pater de iaspicio: cervixque repugnat habenis*; sunt ergo equi σείκεσσι πνέοντες, ἄσπεροι. Lucian. Dial. Deor. d. I. Iaspiter Apollini, ἐγνόντες τῶν ἵππων τοῦ Διὸς, ὡς οἱ συνέχουσιν ἀνάγκη τὸν χαλκόν,

86. ut) Cod. R. B. ubi.

87. *Incaluere*) *calat*, intumescere, quod placet Gebhardo Crep. I, 12, et illustratur a Burmanno.

91. *do pignora* etc.) Praeclaris et vere paterna sententia. — *probor*, ut VI, 218, *dubitor*.

92. *adspice*) Duo, *aspice*: quod movente Baum. maiorem diligentiam et curam notat. Nunc vero solus *adspicere* sufficiebat.

94. *deprendere*) Cod. R. B. *cognoscere*.

Non honor est: poenam, Phaëlion, pro munere, poscis.
 Quid mea colla tenes blandis, ignare, lacertis? 100
 Ne dubita, dabitur, Stygias iuravimus undas,
 Quodcumque optaris: sed tu sapientius opta. »
 Finierat monitus: dictis tamen ille repugnat;
 Propositumque tenet; flagratque cupidine currus.
 Ergo, qua licuit, genitor cunctatus, ad altos 105
 Deducit iuvenem, Vulcania munera, currus.
 Aureus axis erat, lemo aureus, aurea summae
 Curvatura rotæ: radiorum argenteus ordo.
 Per iuga chrysolithi, positæque ex ordine gemmae,

99. honor) munus honorificum. —
 Styg. und. Deesā per: vid. ad vs. 46.

104. tenet propositum, consilium,
 institutum, is, qui in eo permanet,
 neque ab eo deterri potest. Tenax
 propositi Horat. III, Od. 3, 1. —
 Noster, Art. Amat. lib. I: *Lecturam
 spero, propositumque tene.* Metam.
 X: *Propositum tenax, quodcumque
 sit, orat ut ipsi inducet.* Cornelius Ne-
 pos, vita Eumenis: *Itaque hoc propo-
 situm tenuit.* » Vide, inquit Seneca,
 de Provid., quam alte descendere de-
 beat virtus: scies illi non per secura
 vadendum esse. » *Arsdua prima via
 est, et qua vix etc.* Haec quum audis-
 set ille generosus adolescens: » Plac-
 cet, inquit, via; ascendo. Est tanti
 per ista ire casus. » Non desinit ta-
 men pater acrem animum metu terri-
 tare. *Etque viam teneas, nulloque er-
 rore traharis; Per tamen adversi, etc.*
 Post haec nit: *Pinge datos currus.*
 » His, inquit iuvenis, quibus mæde-
 terri putas, incitor: libet illic stare,
 ubi ipse Sol trepidat: humilis et inertis
 est tuta sectari: peralta virtus it. » LEM.

105. qua licuit) quam licuit, ex uno
 Moreti et Gronov. tuetur Gebhard;
 sed vide Burmann.

107. Aureus axis erat) Cf. Hom.
 II. E., 721-731, ubi currus Iunonis
 describitur: reprehensus autem Noster
 est a multis propter crebram voc. au-
 reus repetitionem; sed hanc defendit
 a Burmanno optimorum poetarum
 auctoritatibus, Callim. h. Apol. 33;
 Dian. 110; Del. 260; Virgil. Aeneid.
 I, 448; IV, 138; quibus præverat
 Homer.: vide etiam Victor. Varr. Lect.
 XXXIII, 12: quamquam vix opus
 erat, exemplis aliorum munire ea,
 quæ elegantissimo cuique per se pro-
 bantur. Ita enim magnificentia currus
 fortius sentitur a lectore.

108. Curvatura summae rotæ) Ἰσός,
 ἀφ' ἧς, circulus rotæ, in quo signantur
 radii. — radiorum ordo, exquisite pro
 radii, qui ordine disponuntur. Ita Ti-
 bull. II, 5, 31, arundinis ordo. — iu-
 gum, lignum transversum in extremo
 temone, quod collis equorum impo-
 nebatur. Id etiam in regiis curribus e
 pretiosa materia fieri et gemmis exor-
 nari solebant. In Darii curru distin-
 guabant interstitentes gemmae iugum;
 Curt. III, 3, 16. Et iugum equorum
 solarium Winkelm. in Nonum. Ined.
 n. 43, expressum exhibet.

109. chrysolithi aureum colorem

Clara repercusso reddebant lumina Phoebo. 110
 Dumque ea magnanimus Phaeëthon miratur, opusque
 Perspicit; ecce vigil rutilo patefecit ab ortu
 Purpureas Aurora fores, et plena rosarum
 Atria: diffugiunt stellae; quarum agmina cogit
 Lucifer, et coeli statione novissimus exit. 115
 At pater, ut terras, mundumque rubescere vidit,
 Cornuaque extremae velut evanescere Lunae,
 Iungere equos Titan velocibus imperat Horis,

referunt, aurumque adeo coloris saturitate sperant. Pliu. Hist. Nat. XXXVII, 9: *Chrysolithi et aliae gemmae*. Simile est, Ζεύς καὶ Ἥρας. Bergler. ad Aristoph. Plut. iuit.

110. *repercussa Phoebo*) dum radii Phoebi repercutebantur; e copia poetica additum. Cf. IV, 348, ubi sic refertur.

111. *magnanimus*) id est, qui magna appetit; sic Phaeëthon vocat etiam Lucet. V, 421; *Generosum* Senec. de Provid. V.

113. *Aurora* et ipsa quadrigis aut bigis coeli convexum ante Solem decurrere ab aliis poetis fingitur. Hom. Od. Ψ, 246; Virg. Aeneid. VI, 535. Sed h. l. nil nisi atria aperit, e quibus purpureum lumen in coelum effunditur. Etiam vs. 144, tantum effulget. — *plena rosarum*, rosea. Omnia, quae Aurorae sunt, poetis dicuntur rosea, crocea, aut punicea. Nota est ex Homero, Aurora *ῥοδοδάκτυλος, ῥοδόπικρος, ῥοδόπικλος*. *diffugiunt stellae*) Quia non amplius cernuntur praeter splendore solis. Aurora *διώκων ἀστρα* Euripid. Ion. vers. 1158; et inde *Aurora sidera fugans* apud Senec. Octav. II — *diffugiunt stellae*. Ex sententia vulgi. Neque enim stellae disfligere possunt, quam sint fixae; sed adveniente Au-

rorae fulgere desinunt. LEM. — *quarum agmina cogit*, quarum ultima est stella Veneris, quae, quam antegreditur solem, *πρωτόστος*, *Lucifer*, dicitur: Cic. Nat. D. II, 20. Cf. infra XI, 97; Senec. Hercul. Fur. vs. 128. — Idemque quum, occidente sole, incipit lucere, *Hesperus* vocatur. LEM. — *Agmen cogere* e re militari ductum. Eleganter autem stellae tam ob multitudinem, quam ob ordinem, quo dispositae sunt, cum exercitu comparantur. Hinc apud poetas passim dicuntur *excubare, stationes obire* etc. Itaque Nocturnus addit, *coeli statione novissimus exit*, ultimus excubias in coelo deserit. — Nec minus venuste de Argi oculis, Lib. I, 626: *Inde suis vicibus capiebant bina quietem: Cetera servabant, atque in statione manebant*.

116. *At pater*) Codd. nostri RR, *Tum pater*. Melius at propter tum infra scriptum.

117. *extremae Lunae*) Et hoc suaviter dictum de Luna quae mox eripietur oculis. Sic XII, 53, *extrema tonitrua*, quorum sonus iam fractus ad nos venit, moxque desinet. Similiter *extremus ignis*, qui in eo est, ut extinguatur, Virg. Aen. IX, 352.

118. *Horae*) Filiae Themidis, ministrices coeli et ministræ Phoebi, quarum nomina Eumonia, Dice, Irene:

Iussa Deae celeres peragunt; ignemque vomentes,
 Ambrosiae succo saturos, praesepebus altis 126
 Quadrupedes ducunt; adduntque sonantia frena.
 Tum pater ora sui sacro medicamine nati
 Contigit; et rapidae fecit patientia flammae;
 Imposuitque comae radios, praesagaque luctus
 Pectore sollicito repetens suspiria, dixit: 127
 « Si potes hic saltem monitis parere paternis;
 Parce, puer, stimulis; et fortius utere loris.
 Sponte sua properant: labor est inhibere volentes:
 Nec tibi directos placeat via quinque per arcus.

Hesiod. 901; Orph. Hymn. 42. Alii aliter. Hovet. II. Θ, 433 sqq. currum et equos Iunonis curant. — *Ambrosia* non modo cibus Deorum, sed et pabulum equorum divinatorum; IV, 215: *Ambrosiam pro gramine habent*. Cf. Homer. II. E, 369. Et *Ambrosia* omnino suorum coelestium. — *altis*, magnificentiae et dignitatis causa, ut vs. 1, *regia alta*; vs. 105, *alti currus*. — *sonantia*, quippe aurva, ut *χρονία πινυς* equi Iunonis apud Homer. Phlegon contra habet *obscura tintas ferrugine habent*, V, 404.

122. *medicamine*) succo, ut IV, 388; VI, 140. — *Sacro*, divino, coelesti. Putant h. l. respexisse Claudian. Rapt. Pros. III, 403: *Arcano perfudit robora succo*, *Quo Phaethon irrorat equos*.

125. *Contingere* pro oblinire etiam XIV, 607; Lucet. I, 937. — *rapida*, vehemens. Sic *sol rapidus*, *actus rapidus*, Virgil. Eclog. II, 10, ubi Heynius monet, ductum vocab. ab iis, qui *rapido*, i. e. incitato cursu feruntur; quod tamen paulo altius repetitum mihi videtur. *Rapere*, ut modo monuimus, omnino et celeritatem et violentiam indicat. Igitur *rapida flam-*

ma, quae celeriter et cum vi corpora invadit atque absorbit. Cf. vers. 127; III, 375. — *de radiis illis*, v. ad vers. 40. Hinc Claud. XXVIII, 191 de Phaethonte: *Mortalique diem sperat diffundere vultu*.

126. *Si potes* etc.) Praecepta, quibus praemonetur filius, qualia Phoebus etiam apud Euripid. dederat, ut ex fragm. apparet. Summan eorum habet Lucian. Dial. Deor. *Υπερίμαν, ὅπως μὲν γὰρ βέλτερον αὐτὸν, ἐγ' ὁπέσων δὲ ἐς τὸ αὐτοῦ ἀπύκτου ὑπέρτατον χεῖναι, εἴτα ἐς τὸ κατὰ νύκτα ἐπιβῆναι, καὶ ὡς ἐγχεσθῆναι τῶν ἡνῶν, καὶ μὴ ἐπιβῆναι τῷ θυμῷ τῶν ἡνῶν*. — *paternis*. Cod. R. A. *parentis* minus eleganter.

127. *puer*) ut παῖς, pro filio. — *stimulis*, *κνίστροις*, Veteres utebantur loco scuticae aut flagelli. — *fortius utere loris*, arcis loris contine equos, ut loquitur Senec. Nipp.

128. *volentes*) Olim *volantes*. Nostris quoque Codd. habent *volantes*. — *volentes*, scil. properare. Saepe ita ponitur in ellipsi; vid. Heins. ad h. l., et Schleg. ad Vell. II, 62.

129. *directi quinque* arcus) sunt quinque illi circuli paralleli, quibus aethera dividitur.

Sectus in obliquum est lato curvamine limes,
 Zonarumque trium contentus sine; polumque
 Edugito australem, iunctamque aquilonibus Arcton.
 Hac sit iter; manifesta rotae vestigia cernes.
 Vtique ferant aequos et coelum et terra calores,
 Nec preme, nec summum molire per aethera currum.
 Alius egressus, coelestia tecta cremabis;
 Inferius, terras: medio tutissimus ibis.
 Neu te dexterioꝛ tortum declinet in anguem,
 Neve sinisterioꝛ pressam rota ducat ad aram;
 Inter utrumque tene: fortunae cetera mando;

130

140

130. *Sectus—limes*) Descriptio Zodiaci, Graecis a forma *Δοξός*, obliquus, dicti. Virg. Georg. I, 238: *Via secta per ombas* (zonas temperatas), *Obliquas quae se signorum verteret ordo*. Totus locus optime e sphaera intelligitur.

131. *Zonarumque trium* etc.) Namque Zodiacus curvatur per zonam torridam, et attingit *finem* utriusque temperatae. Loquitur autem rursus ita, quasi totus Zodiacus uno die percurrendus esset.

132. *australem*) Eurip. fragm. 7: *Εἰς δὲ μὲν Ἀρκτοῦν αἶθρ' ἐμὲλλον*. — *Arctos*, Vrsa, duplex sidus in polo septentrionali: *Arctos* maior, constans stellis 25; et *Arctos* minor, quae habet stellis 7. Haec vocatur etiam *Cynosuro*, illa *Helice*. Itaque iuncta *Aquilonibus* *Arctos* est polus arcticus s. septentrionalis.

133. *fit*) Codd. nostri RR. *sic*. Fortior forma imperativi quam positivi. — *rotae vestigio*. Huic vs. 167, *trium spatium*. Ludit ingenium Ov. ut Heroid. XVIII, 133: *Iam patet attritus solitarum limes aquarum*, *Non aliter, multo quam via pressa rota*.

135. *molire—currum*) *Moliri* cur-

rum, regere, agere currum. Virgil. Aeneid. XII, 227, *moliri habenas*; Noster V, 167, *moliri*, i. e. mittere, sagittas: nam *moliri* de omni labore et opera usurpatur. — *premere*, iusto inferius agere.

138. *in anguem*) Nostri Codd. *ad anguem*. Melius tamen *in*. — *Anguis*, sive draco, sidus magnam inter duas Arctos. Cf. III, 45. Vocatur *tortus*, quoniam ita locatus est, ut *Arcton* maiorem cauda flexa, medii corporis sinu *Arcton* minorem includat, capiteque reducto circulum *Arcticum* attingat; quae forma accommodata est naturae anguini, qui se *inveniendo* labuntur: vid. Hygin. A. P. III, 2; Arat. Phaenom. 45 sqq.; et ex eo Virg. Georg. I, 244, ubi *flexu sinuato elobatur*. — *Neu te dexterioꝛ... declinet*, *Neve sinisterioꝛ... rota ducat*: noli currum vel dextrorsum ad Septentrionem, vel sinistrorsum ad australem polum agere.

139. *ora*) sidus australe, attingens Scorpii caudam extremam. Vocatur etiam *ὑπερβόρειον*, *hyperboreum*. — *pressam*, quoniam pars mundi australis paulatim vergit infra *ὑπερβόρειον*.

140. *tene*) nempe currum. — *for-*

Quae iuuet, et melius, quam tu tibi, consulat, opto.

Dum loquor, Hesperio positas in litore metas

Humida nox tetigit: non est mora libera nobis:

Poscimur: effulget tenebris Aurora fugatis.

Corripe lora manu: vel, si mutabile pectus 145

Est tibi, consiliis, non curribus, utere nostris,

Dum potes, et solidis etiamnum sedibus adstas;

Dumque male optatos nondum premis inscius axes.

* Quae tutus spectes, sine me dare lumina terris. »

Occupat ille levem iuvenili corpore currum; 150

Statque super; manibusque datas contingere habenas

tunae etc. Votum solemus, quum in rebus dubiis aliquid audendum.

142. *Dum loquor*) Iam nox cedere coepit, moxque terras relinquet. — *Humida*, ob rorem; V, 443: *pruinosa tenebrae*. — *Hesperium litus*, litus maris Atlantici, in quo, ut soli, ita et nocti *metas*, *πίετα*, veluti positae sunt, ad quas ubi pervenit, in mare mergitur. — *metas*, termini, ad quos contendimus cursu, h. l. de horizonte occidentali: vid. Spanhem. et Ernesti ad Callimach. h. Del. vs. 169: *Media meta*, Virg. Aen. V, 835, est vertex coeli. Metae proprie ponuntur aut constituuntur.

143. *non est mora libera*) Non est integrum nobis morari. Sic Virgil. Aeneid. XII, 74: *Neque enim Turno mora libera mortis*. LEM.

144. *effulget*) quod primus Gronov. pro diversa lectione habet; inde Hicins. recepit, qui et susdet; *en fulget*. Cacteri, et *fulget*. Nostri quoque, et *fulget*.

145. *Corripe*) Euripid. Phaeth.: Πάρε ἡμαρτήν ἡνίκας.

147. *solidas sedes*) regia, non per aërem volans, sed firmis innitens fun-

damentis. Eur. Phaeth. fragm. 6: Μὴ δῖγης ἡνέων, πασδίων, ἀπτεροῦ ὄν, μηδ' ἀνὰ δῖς τὸν δῖον, ἐλαύνειν μὴ πέλων.

150. *Occupat ille levem etc.*) Hactenus pleraque fere omnia bene tractata, omnisque locus descriptionibus, orationibus, narrationibus apte distinctus atque dispositus. Iam hinc *cursus* ipse incipit, qui phantasie poetae latum campum praestavit. Sed hic duo rursus vituperanda sunt: primum nimis longitudo, ad quam eum forte eruditionis ostentandae studium seduxit; tum neglectus rerum dilectus: minutias enim nonnullas intexit, quae tantae calamitatis descriptionem dedecent. Etiam locosius quaedam aut argutius pro re dicta sunt. — *Occupat etc.* Scio quidem, currus Deorum *habiles* interdum dici, et *leves*, vid. ad vers. 531; sed h. l. iunge *levem iuvenili corpore*, propter iuvenile corpus. — *Occupat ille levem etc.* Hic versus rursus apud Nostrum et omnes alios poetas, sed frequentius apud Maron. imagine verborum emicat. LEM.

151. *datas*) Codd. nostri RR. *leves*. Et forsitan ea est vera lectio.

Gaudet; et invito grates agit inde parenti.

Interea volucres Pyroëis, Eous, et Aethon,
Solis equi, quartusque Phlegon, hinnitibus auras
Flammiferis implent, pedibusque repagula pulsant. 155
Quae postquam Tethys, fatorum iguara nepotis,
Reppulit, et facta est immensi copia mundi,
Corripuere viam, pedibusque per aëra motis
Obstantes findunt nebulas, pennisque levati
Praetereunt ortos isdem de partibus Euros. 160

153. *Interea volucres* etc.) Alii alii
equis solaribus nomina imponunt :
vid. Hygin. fab. 183, ibique Munke-
r. et Spanhem. ad Callim. h. Del. 169.
Pro *flammiferis*, Burm. nule probat
sumficia. Loca ab eo laudata, *suman-
tes tauri*, snt *sumantia equi terga*, huc
non pertinent; quidni equis ignem
vomentibus (vs. 84, 119) recte tri-
buantur *flammiferi hinnitus*?

155. *Flammiferis*) Vnus Vatican.
Thuan. et Leidens. pro varia lect. *su-
mificis*, quod Burm. non temere abi-
cieudum putat, quoniam *flammifer*
de coelo similibusque diei solet; *su-
mificis mugitibus* autem occurrat VII,
114; *sumantia equi terga* XIV, 362;
et *sumantes tauros* Valer. Flac. VII,
283. — Nostri Codd. RR., *flammi-
geris*. — *repagula*, ligna transversa,
quibus ostis firmantur. Sagittarius de
Ianuis Velt. p. 78, intelligit h. l. lin-
gna, quibus equi in stabulis distin-
tuntur, ne libere excurrant: male. Equi
enim iam iuncti erant curru, et mox
Tethys illa repagula repellit. Rectius
sentiant, qui putant, poetam respe-
xisse ad earceres in Circo.

156. *Quae postquam Tethys*) Vid.
ad vs. 69. — *nepotis*. Nempe Clymene
filia Tethys et Oceani.

157. *mundi*) *Mundus*, coelum, ut

saepe. In aq. numeri bene accom-
modati sunt cursus celeritati.

158. *viam*, iter, *corripere*, celeri-
ter facere. — *Euri* fere excitantur so-
le oriente; solis enim advenientis ca-
lore aër movetur.

(159. *findunt*) Cod. R. B. *scindunt*.
R. A. item a pr. m. Vtrumque bene;
nam discrimen inter *findere* et *scin-
dere* haud magnum. Forsan utrumque
a permutatione utriusque literae *f*, ac
oritur. LEM.

160. *Praetereunt Euros*) proprie
accipi potest, non proverbialiter, de
celerissimo volatu, ut putabat Burm.
quomquam id in aliis locis valet, ubi
equi hominum describuntur, ut Virg.
Aen. XII, 334, 345; Manil. V, 79;
et saepe apud Homerum, qui tamen
equos nunquam celeriores ventis, sed
aeque celeres ac ventos facit, quo-
niam, observante Schol. ad Iliad. K,
437, *Ἀνέμῳ Σίτῳσιν οὐδέν*. Vide Val-
ken. Diatrib. Eurip. p. 107. Verum
hodie quidem equi Anglie venti ce-
leritatem adeo superant; vide Bue-
sching. in *Vorbereitung zur Geogra-
phie*, p. 58, n. 2: multoque celerior
ex ratione adspiciabili, et opinione
Veterum cursus solis. Itaque et Ho-
mer. h. Solem, p. 106 Ern. hos equos
celeriores facit ventis, ex emendatione

Sed leve pondus erat; nec quod cognoscere possent
 Solis equi; solitaque iugum gravitate carebat.
 Utque labant curvae iusto sine pondere naves,
 Perque mare instabiles nimia levitate feruntur;
 Sic onere insueto vacuos dat in aëra saltus, 105
 Succutiturque alte, similisque est currus inani.
 Quod simul ac sensere, ruunt, tritumque relinquunt
 Quadriiugi spatium, nec, quo prius, ordine currunt.
 Ipse pavet; nec qua commissas flectat habenas,
 Nec scit qua sit iter; nec, si sciat, imperet illis. 110
 Tum primum radiis gelidi caluere Triones,

quidem Valken. quem vide d. l. —
 pars, regio coeli, ut saepe.

161. *Sed leve pondus etc.*) Levitas corporis princeps confusionis causa; hinc comamode eam mox similitudine non male delecta illustrat. Lucian. d. l. : Οἱ ἄνθρωποι ὡς ζῶοντες οὐκ ὄντα ἐμὴ τῶν ἐνδεσθῆναι, καταρρομένης τοῦ περιστάσεως ἐξαρπάσσοντες τῆς ἐξουσίας. Cf. cum omni h. l. Senec. Hipp. 1065 sqq. — cognoscere, vel sentire, vel agnoscere. Senec. d. l. : Currus non suum agnoscerat onus. — iugum, ut vs. 109, solita gravitate carebat. Nempe Diis, quibus magna membra passim tribuuntur, etiam ponderosum corpus esse debebat. Hinc *gravis currus* Iovis Horat. I, Od. 12, 68. Ceterum eandem sententiam ter dixit loquaciter.

163. *labant*) *Labare*, nutare in utramque partem. — *pondus*, id quod navi inponitur. — *instabiles*, quae non certum et firmum cursum tenent, huc illucve iactantur a ventis. Etiam Virg. Georg. IV, 195: *Cymbae instabiles fluctu iactante saburram Tollunt*, — *ferri et quiescentis*, proprie de nave.

165. *Sic onere insueto vacuos dat in aëra saltus*) Quidam et Codd. nostri habent *aere*; altum nonnulli ex me-

libris *aëra*. Deinde *onere assueto* Florent. Sancti Marci, primus Vaticanus, Cantabrig. secundus Palatinus, Vrhin. et duo aut tres alii: nostri autem codices habent *insueto*; et quidem *onere insueto vacui saltus*, le- gauter dicitur. Heinio non displiceret *Sic onere assueto vacuos (currus) dat in aëre saltus*; nos autem censuimus reponendum *insueto vacuos in aëra*. LEM. — *vacuos dat etc.* Facilius fuisset, *currus onere adueto vacuos dat saltum*; sed magis poeticum, *saltus onere vacuos*. Cf. Homer. h. Apoll. vs. 234.

167. *ruunt*) Euripid. αἰ δ' ἔκταν' ἐν' αἰθέρος πτόχας. Ibidem pater aliquandiu sequitur currum, inclamatque filio ἴκασθ' ἔλα: τῇ ᾗ etc.

168. *currunt*) Verba nec...currunt otiose addita. Apud Manil. I, 742, Phoëthon, ut maior parente videntur, sponte relinquit monstratas vias.

171. *Tum primum etc.*) Hic versus ita legitur in nostro Cod. R. A.: *Solis tum radiis gelidi incaluere Triones*. — *Triones*, septem stellae clarissimae in Vrsa maiore, quas Graeci ἀρκταί, plaustrum, Latini *septentriones* dixerunt, quia olim sub plau-

Et vetito frustra tentarunt aequore tingui.
 Quaeque polo posita est glacialis proxima serpens,
 Frigore pigra prius, nec formidabilis ulli,
 Incaluit; sumisitque novas fervoribus iras. 175
 Te quoque turbatum memorant fugisse, Boote,
 Quamvis tardus eras, et te tua plaustra tenebant.
 Vt vero summo despexit ab aethere terras
 Infelix Phaëthon, penitus penitusque iacentes;

stri, aut septem bouum, iugo iunctorum, specie comprehendebantur. *Triones* vocab. rusticum et antiquum, quo olim boves significabantur: Hygin. P. A. II, 2; Gellius N. A. II, 21; H. l. ut saepe, intelligitur Vasa maior et minor. Virgil. Aen. I, 744, *gemini Triones*. Hi, quoniam polus septentrionalis supra finitorem nostrum elevatus est, nunquam occidunt, aut, sermone poetico, nunquam *aequore tinguntur*. Hinc suaviter Virgil. G. I, 246: *Arctos Oceanum metuentes aequore tingui*. Sed Noster fabulam hic respicit, quam mox narrabit vers. 528 sqq.

172. *vetito aequore*) *Vetinitaequor* (quod imitati sunt Claud. Rapt. Pr. II, 89; et Sen. Med. vs. 758) Ovid. memorat. — Caeterum anachronismi se reum facit poeta, quod ea hic iam sidera commemorat, quorum originem infra demum narrabit. Cuperi et Burm. rationes non sufficiunt purgando poetae. Melius est dicere, poetam hic, ut passim alibi, miscuisse rerum naturam et mythologiam. — *tingui*. Cod. R. A. fortius et elegantius *mergi*.

173. *serpens*) De serpente vid. ad vs. 138. — *pigra*, quia tarde movetur.

174. *Frigore pigra*) Serpentes eum quum frigore rigent, venena torpent; sed, ubi incaluerunt, vim suam recipiunt. Vide Senec. Epist. XLII.

Ipsam *frigus* dicitur *pigrum*, quia pigras, tardos reddit. Verum tales huiusmodi sunt tanti mali enarratione.

176. *Bootes*) Sidus stellarum 14 iuxta Vrsam maiorem, quam sequitur et veluti servat, unde idem *Arctophylax*. Sed quum Vrsae tiam *ἄρκτος*, *plaustrum*, vocaretur, placuit Graecis huic quoque sideri vicino, nomen illi accommodatum imponere, unde *Bootes*, i. e. bouum impulsor, bubulcus: vid. Hygin. A. P. II, 4. Is vero, quum et ipse tarde moveretur, a Iuvenal. Sat. V, 23, et a Nostro III Fast. 405, *piger* vocatur; h. l. *tardus*, quod epitheton bene convenit bubulcia, qui propter bouum tarditatem et ipsi tardi sunt. Virgil. Ecl. X, 19, *tardi venere bubulci*. Cf. Propert. III, Elég. 3, 57. — *turbatum aestu* et ad spectu solis vicini.

177. *tenebant*) MSS. nonnulli, *plaustrum trahebant*. — *tenebant*, retinebant, morabantur, quo sensu *tenero* apud Cic. et alios passim. Miror igitur, Heinsio placere potuisse, *trahebant*; nam *trahere* potius est cunctantem cum vi secum abducere, quod ab h. l. est alienissimum.

178. *Vt vero summo etc.*) Novae accidunt perturbationis causae: I. uicini d. l. *ἐπὶ τοῦ ἀέρος ἐξ ἡλίου πλάγης*.

179. *penitus*) profunde. Mel. II, 17

Palluit, et subito genua intremuere timore; 180
 Suntque oculis tenebrae per tantum lumen obortae.
 Et iam mallet equos nunquam tetigisse paternos;
 Iamque agnosce genus piget, et valuisse rogando:
 Iam Meropis dici cupiens, ita fertur, ut acta
 Praecipiti pinus Borea, cui victa remisit 185
 Frena suus rector, quam Dis, votisque reliquit.
 Quid faciat? multum coeli post terga relictum;
 Ante oculos plus est; animo metitur utrumque.

Aurum terra penitus egestum. Etiam iocere notioneis profunditatis adiuvat, ut VIII, 750. — *penitus penitusque.* Hoc est valde de pressus ac longe a se remotus; nam geminatum illud adverbium imaneis intervallum significat inter coelum et terras, et facit ideam quod repetitum in loco citato: *Silva sub hac, silva quanto iacet herba sub omni.* LEM. — *iacentes.* Florent. Thuan. Cautabr. sec. Palatin. sec. Medic., *penitusque potentes.*

181. *Suntque oculis etc.* Fallitur Farnab. quum in his verbis *ἐξ' ὀφθαλμοῦ* quaerit. Satis enim constat, et experti scimus omnes, nimium lumen hebetare oculorum aciem.

183. *Iamque agnosce* Heius. dedit e melioribus, pro *Iam agnosce.* — Cod. A. *Iamque agnosce.* Cod. B. *agnosce* — Forte malit aliquis *agnosce*, quod ante Heius. ed. batur, atque etiam in Argument. Lactant. ut *patrem agnosceret.* Verum haec duo saepe permittuntur.

184. *Meropis* scilicet filius, elipsi graeca. Flor. II, 6, 19: *Bomilcaris Adherbal.* Merops fuit maritus Clymenes; quamquam *Meropes* dicantur homines apud Homerum, quod divinis habeant voces; qua in significatione hic quoque accipi potest, ac si

diceret: cupiens iam hominis filius, magis quam Dei, appellari. LEM.

185. *pinus*, navis, *acta*, quae agitur, rapitur a *Borea*, cuius rabi plurimas procillas excitat. — *Praecepta*, qui naves praecipites dat saeviens, ut *praecipit Aficus* Horat. I, Od. 3, 17; *Eurus praecipit* Virg. Georg. IV, 29; *procillae praecipites* Claud. Bel. Gild. vers. 219. — *rector*, gubernator. — *Frena*, gubernacula: III Fast. 293, *habenae.* Solent enim navis et currus inter se comparari, praesente Homero, qui gubernatores dixit: *ἡνίοχος νῆος.* Contra auriga *κατάλαρος* apud Eurip. Hipp. vers. 1224. Cf. Noster Trist. I, 4, 11 sqq. — *victa*, scilicet a ventis. Verbum in hac re proprium (Vid. Mariang. Accursius in Diatrib.) et elegans; venti enim veluti proelia committunt cum navibus, et vel victores, vel victi montarum arte descendunt: Horat. III, Od. 24, 40. — *victa.* Cod. B. B. *cuncta*: B. A. *victa.*

186. *Dis* Aut Diis pelagi, aut Diis tutelaribus navis, quorum imago in puppi stabat, et quae nautae, tempestate orta, votis auscipiendis precibusque facivdis placare conabuntur. Hor. I, Od. 14, 10. Fast. III, 593: *Finitur ars vento, nec iam moderatur habemus Fletur, at votis.* Nam in vota miseros ultianus cogit timor Senec.

OVID. Op. Tom. III

H

Et modo, quos illi fato contingere non est,
 Prospicit occasus: interdum respicit ortus;
 Quidque agat ignarus, stupet; et nec frena remittit,
 Nec retinere valet; nec nomina novit equorum.
 Sparsa quoque in vario passim miracula coelo,
 Vastarumque videt trepidus simulacra ferarum.

Est locus, in geminos ubi brachia concavat arcus
 Scorpions; et cauda flexisque utrimque lacertis,
 Porrigit in spatium signorum membra duorum.
 Hunc puer ut nigri madidum sudore veneni
 Vulnere curvata minitantem cuspide vidit;
 Mentis inops, gelida formidine lora remisit.

Agamem. vs. 510. Cf. Virgil. Aeneid. V, 233 sqq.

189. *fato* recepit Heins. ex Bernegger. Autem vulg. *fatum*. Nonnulli *fastum*. Vnus, *nunquam c. fas est*. — *non est, oia iei*, non licet. Cf. XI, 354. — *nec nomina novit equorum*, ut singulos voce mulcere et mitigare possit. Cf. V, 402; et Senec. Hipp. vs. 1053. Etiam ap. Homer. heroes alloquuntur equos suos. Il. Θ, 184.

191. *Quidque agat*) In uno Vatic. *Ignarusque stupet quid agat, nec*. Non male. Ita *stupet quid agat*, prae stupore nescit, quid agat. — Cod. R. A.; *Quaeque agat*.

193. *vario coelo*) *Varium coelum*, coelum variis miraculis, i. e. miris ferarum formis oblitum. Etiam Senec. Ep. XC, p. m. 684, forte ex h. l.: *Quidni iuvaret vagari (oculis) inter tam late sparsa miracula coeli?* Infra XI, 309: *Nox coelum sparserat astris*. Eveniunt nunc ea, quae praedixerat Apollo.

195. *Est locus*) A polo arctico repente equi cursum flexerunt in partem australem. — *concurat exquisitius, quam curvat*. De scorpione et spa-

tio, quod occupat, dictum ad vs. 82. Verba *flexit utrumque* commodè abesse possunt; idem enim praecedit. Apud Lucian. d. l. Psaëthion, metuens, ne excideret, remissis habenis, partem currus eminentem manibus apprehendit. Sed Ovidii figmentum melius est, quam ei labuerit formis siderum naturam terrestrium animantium tribuere.

198. *nigri — veneni*) Apollodor. apud Plin. H. N. XI, 25, auctor est, Scorpionem fundere candidum venenum. Sed *nigrum* et *atrum* perpetuum fere epitheton veneni. Heynius autem ad Virgil. Aeneid. VII, 354, monet, verba *madidum sudore veneni* non ita capienda esse, quasi exsudasse cum venenum crediderit, sed *sudorem veneni* poetica et exquisita ratione dictum esse pro veneno simpliciter; *madidum* autem nihil aliud, nisi profluentem oris saniem, indicare. Sed quam poeta nunc omnia ardentia fugat, atque in omni h. l. ingenio suo luxuriantem passim indulgeat, ut ad vs. 173 admonitum, quidni etiam Scorpionem sudaulem cogitemus, praesertim quum verba haec ducat? Scorpionis autem

Quae postquam summum tetigere iacentia tergum,
 Exspatiantur equi; nulloque inhibente per auras
 Ignotae regionis eunt; quaque impetus egil,
 Hac sine lege ruunt; altoque sub aethere fixis
 Lucursant stellis, rapiuntque per avia currum: 205
 Et modo summa petunt, inodo per decliva viasque
 Praecipites spatio terrae propiore feruntur:
 Inferiusque suis fraternos currere Luna
 Admiratur equos; ambustaque nubila fumant.
 Corripitur flammis, ut quaeque altissima, tellus; 210
 Fissaque agit rimas, et succis aret ademptis.
 Pabula canescunt; cum frondibus uritur arbos;
 Materiamque suo praebet seges arida damno.
 Parva queror; magnae pereunt cum moenibus urbes;
 Cumque suis totas populis incendia gentes 215

cauda desinit in *curvatam cuspidem*,
 et semper in ictu est, nulloque mo-
 mento meditari cessat, ne quando de-
 sit occasione: Pliu. H. N. XI, 25. Non
 mirum, si puer huic metuil.

201. *summum* — *tergum*) Codd.
 nostri, *summo tergo*,

204. *sine lege*) Sine ordine aut im-
 perio. Apud Luelan. d. I. currum ra-
 piunt ἄρτι μὲν ἐν τῇ γαίᾳ, μετ' ὀλίγον
 δὲ ἐπὶ τῇ θιέξῃ, καὶ αὐτὸ καὶ κατὰ, ὅπως
 εἶναι ἐβούλοντο αὐτοί. Id Noster sic
 exprimit, quasi in aethere, ut in terra,
 praecipitur cascut et avia. Huic lusum
 in hac narratione non magis probo,
 quam illum vs. 133. *Ambusta nubila*
 facilius excusent, quia, Homero au-
 ctore, ardentia flumina fingere lice-
 bat.

205. *fixis* — *stellis*) Palut. sec. pro
 varia lect. *fixas inc. stellas*, quod ele-
 gantius videtur Heinsio, et cum-
 probatur exemplis a Burnaudo

206. *decliva* pro *declina*. Sic su-
 pra *aethra*, *aethyris*.

210. *ut quaeque altissima*) Scilicet
 ita maxime corripitur; quana fumana
 Cic. amat. Indignor autem, poetam
 mox minutis enumerandis immora-
 tum esse, utque acumen illud admi-
 cuisse *Materiamque* etc. Quod Claud.
 XXXIII, 163, de Aetna imitatus est:
damusque nos incendia nitrit.

214. *moenibus*) Moenia sunt do-
 mus, aedificia. Florus I, 4: *moenia*
muro amplexus est. Vid. Gronovium,
 Observ. II, 12.

215. *Cum suis populis gentes* unum
 atque idem esse putat Goufan. Male;
gentes et *populi*, aut *nationes* et *po-
 poli* differunt ut totum et pars. Ger-
 mani sunt *natio*; Westphali, Saxo-
 nes et Bavari sunt *populi*. Vid. Glos.
 MSS. Gueff. I, ad Sallust. Cat. X.
 Barm. praeterea monet, *gentes* sarpe
 poni pro *terris* vel *regionibus*, idque
 satis docuisse Gronov. ad Liv. V, 34.
 Etiam apud Homer. ὄρεος interdum
 de terra occurrat, ut Od. Z, 3; Il. B,
 547; et sic *gens* apud Virgil. Aeneid.

In cinerem vertunt: silvae cum montibus ardent.
 Ardet Athos, Taurusque Cilix, et Tmolus, et Oete;
 Et nunc sicca, prius celeberrima fontibus, Ide;
 Virgineusque Helicon, et nondum Oeagrius Haemos.
 Ardet in immensum geminatis ignibus Aetne, 220
 Parnasusque biceps, et Eryx, et Cynthus, et Olhrys,

I, 533. Contra terrae pro hominibus terras incolentibus, vid. Drakenb. ad Sil. III, 75. Argutatur Burm. ad Heroid. I, 24, ubi in singul. cinerem plus inesse putat, quam in plural. cineres. — gentes. Duo Coelest. et unus Giofani, tum in ora lib. Vrs. et Capraui, terras pro gentes. — Codd. nostri, gentes.

217. Ardet Athos etc.) Sequuntur catalogi montium, mox fluviorum, quales intexere poëtae solent, forte eruditionis ostendendae causa. Noster consilio narrationis satis fecisset, si paucioribus ex utroque genere defunctus esset. Athos, hodie Monte Santo, mons Macedoniae, cuius altitudo tanta, ut cacumine nubes superet umbramque usque ad Lemnum insulam iaculetur, quae obest 87 millia passuum: Plin. H. N. IV, 12; Mela II, 2, 130. — Taurus, immensus montium altissimorum tractus, a Chelidonio promontorio exoritur et totam paene Asiam percurrens: Curtius VII, 3. Vocatur Cilix, quia mediam Ciliciam dividit. Tibull. I, 7. 16: *Frigidus intonsos Taurus arat Cilicas*. — Tmolus, hodie Bozdag, mons Lydiae, vino generoso nobilis, ex quo oriebatur Pactolus, fluvius aurifer: VI, 15; Virgil. Georg. II, 98; Plin. H. N. V, 29. — Oete, aut Octa, montium iniquum Thessaliam a Doride et Phocide separans, exitio Herculis nobile: Strabo IX, p. 655.

218, nunc) Codd. nostri RR., tunc.

— Ide, aut Ida, mons et Cretae et Troiae. Nunc Troiana Ida intelligitur fontibus abundans, unde *πρὸς ἰδῆν* Homer. II, 2, 283, et *αἶψα* Horat. III, Od. 20, 15. Sed nunc, quum Phaethon terras incenderet, sicca, vide ad I, 321.

219. Helicon) Mons Boeotiae, Musis sacer, unde *virginis*: Strabo IX, p. 409; Pausan. Boeot. 28. — Haemos, hodie Balkan, longissimus et altissimus montium tractus, Thraciam a parte septentrionali claudens, et usque ad Pontum Euxinum procurrens: Plin. H. N. IV, 11. Is tum nondum ab Oeagro, rege Thraciarum, patre Orphei, cuius cantibus resonasse traditur, nomen Oeagri habebat: Orph. Argon. 76; Horat. I, Od. 12. 6 sqq. Ita VI, 415: *Calydon nondum invisa Dianae*; vs. 418, *neque adhuc Pithia Traxen*.

220. ignibus) Vnus Thuan. *viribus*, quod librario non deberi monet Burm. quem vide. — Nostri Codd., praeter Thuan., qui est quoque inter nostros, habent *ignibus*. Praestans tamen lectio *viribus*, quam libentius admitterem si plurimorum auctoritate Codd. fulciretur. LEN. — *geminatis ignibus*. Ex Aetnae vertice iam antiquissimis temporibus ignes erumpebant. Vid. Kircheri Mundum subterr. tom. I, p. 202. Nunc accedebat incendium solis, et sic *geminatis* etc.

221. Parnasus) De Parnaso, vid. ad I, 317. — Eryx, hodie San Iu-

Et tandem Rhodope nivibus caritura, Mimasque,
Dindymaque, et Mycale, natusque ad sacra Cithaeron.
Nec prosunt Scythiae sua frigora: Caucasus ardet,
Ossaque cum Pindo, maiorque ambobus Olympus; 225
Aëriaque Alpes, et nubifer Apenninus.

Tunc vero Phaëthon cunctis e partibus orbem
Adspicit accensum; nec tantos sustinet aestus:
Ferventesque auras, velut e fornace profunda,
Ore trahit, currusque suos candescere sentit. 230

lione, mons Siciliae, in quo Venus templum habebat domus opulentum, unde ipsa *Erycina*; vid. Aelianus V. H. I, 15; et Heynius Exc. II ad Virg. Aeneid. V. — *Cynthus*, Deli mons, Apollinis natalibus celebratus, qui inde *Cynthius*: Hom. hym. I Apoll. 26. — *Othrys*, mons altus et nivosus Thessaliae, sedes Lapitharum: Virgil. Aeneid. VII, 675; Seuec. Here. Oct., vs. 494.

222. *Rhodope*) Tractus montium Thraciam versus septentriones determinans, sacris Bacchi et Orphei cultibus celebratus. Virgil. Ecl. VI, 30, *tandem nivibus caritura*, quibus semper tecta. — *Mimas*, mons Ioniae, summam altitudinis, unde ὀψίστητος Hower. Epigram. pag. 117 Ern.

223. *Dindyma*) plural. et *Dindymum*, mons Phrygiae, magnae Matri Deum sacer, unde ipsa *Dindymene*: Virgil. Aeneid. IX, 617. — *Mycale*, mons Ioniae, Samo vicinus: Pausan. VII, p. 402; Strabo, p. 636. — *Cithaeron*, mons Boeotiae, non procul a Thebis, in quo sacra Bacchi trieterica celebrabantur: vid. III, 702.

224. *frigora*) Glacies et uives, qui- bus *Scythia*, i. e. una pars septentrionalis, Graecis et Romanis incognita, perpetuo torpebat: Iustin. II, 8. Iude Σκυθίαν κρύος in proverbium

abiit: I Pont., 3, 27. Sed pulcherrimam Scythici horroris descriptionem habet Virg. Georg. III, 349. — *Caucasus* magnam Asiae partem dividit, et cum *Tauro* committitur, Curt. VII, 3, 19; hinc passim cum *Tauro* confunditur a scriptoribus antiquis. Infamis autem fuit a frigoribus et vastitate: Virgil. Aeneid. IV, 367; Horat. I, Od. 22, 7.

225. *cum Pindo*) De *Pindo*, vide ad I, 154. Dixit *Ossa cum Pindo*, quia *Pindus* ex adverso *Ossae*. Inter *Olympum* autem et *Ossam* celeberrima *Tempe*, de quibus supra. *Ambos* Aelian. V. H. III, 1, iussit. vocat ἄρα ὑπερῶντα; sed *Olympus maior ambobus*: tanto enim eius altitudo describitur a Veteribus, ut aves cacumen eius assequi non possint. Sed Aelian. V. H. VIII, 11, narrat, magnitudinem eius paulatim minui.

226. *Aëria*) Quae in aëre sunt, aut in aërem assurgunt, ut aves, arbores, montes. *Aëriae Alpes* etiam ap. Virgilium, Georgic. III, 474. — *nubifer Apenninus*. Mons est longissimus Italiam dividens; Virg. Aen. XII: *Fertice se attollens pater Apenninus ad auras*, LXX.

227. *Tunc vero etc.*) Catalogis illis recte aliquid interpositum de Phaëthonis fati. *Fornax* cogitanda est aera-

Et neque iam cineres, eiectamque favillam
 Ferre potest; calidoque involvitur undique fumo;
 Quoque eat, aut ubi sit, picea caligine tectus,
 Nescit; et arbitrio volucrum raptatur equorum.
 Sanguine tum credunt in corpora summa vocato, 235
 Aethiopum populos nigrum traxisse colorem.
 Tum facta est Libye, raptis humoribus aestu,
 Arida; tum Nymphae passis fontesque lacusque
 Deflevit comis: quaerit Boeotia Dircen,
 Argos Amymonen, Ephyre Pirenidas undas. 240

ria aut calcaria: Virgil. Aen. VIII, 446, ubi *vasto fornax*. Cf. infra VII, 107.

234. *arbitrio volucrum*) Hoc idem supra iam bis dixit.

235. *Sanguine tum credunt* etc.) In hoc quoque Hesiodum sequutus est, ex quo Hygin. f. 154: «Indi autem, quod calore vicini ignis, sanguis in atrum colorem versus est, nigri sunt facti.» Inter recentiores physiologos magna cum dissensione disputatur, primum, qua in corporis parte illa nigredo sit, aliis cutem nominantibus, aliis humorem inter cutem et cuticulam supremam, aliis asiter sentientibus; deinde nuda illa nigredo, utrum a solo aestu solis, an aliae quoque causae occedant: vide Haller. in Element. Physiol. t. V, p. 17 sqq. Opiniones de hac re Veterum habet Broukhous. ad Propert. IV, 3, 10.

237. *Libye*) Graecis dicta est Africa: Plin. II. N. V, prooem. Imitati sunt poëtae latini. — *Arida*. A Synesio Epist. 67, *Libya δὲ ξηρὰ*: hinc *Libyae arenae* infra IV, 512. — Servius scribit Libyam fuisse dictam quod *λίαντος ὁ ἄρος*, deficit pluvia. LEM.

239. *quaerit*) Florent. Viliin. et decem aut duodecim alii, *queritur* *Boeo-*

tia, quod Heinsius praecedenti *deflevit* melius respondere putabat. — Nostri Codd. *quaerit*. Nil mutandum. — *quaerit Boeotia*. Cf. XIII, 689; *quaerere* eleganter exprimit cupiditatem rei amissae recuperandae. Hoc non intellexerunt, quibus h. l. melius placuit *queritur*. Virgil. Aen. I, 217, eodem sensu, *socios requirunt*. — *Dirce*, fons Boeotiae, prope Thebas, nobilissimus, a Dirce, uxore Lyci, in eum conversa. LEM.

240. *Amymonen*) fons Argiae prope Lernaem. Strabo VIII, pag. 371. Nomen ei dedit Amymones Nympha. Hygin. fab. 169; Propert. II, 20. — *Ephyre* antiquissimis temporibus dicta est Corinthus, in cuius summa arce (Acrocorintho) fuit *Pirene*, fons Musis sacer, aquis limpidissimis et suavissimis. Strabo VIII, pag. 521; Plin. H. N. IV, 4. — *Ephyre*. Pro quo *Nephyre* in nostris. Neque credendum literam *n* detractam fuisse ab ultima praeced. nominis syllaba: nam ita inscribitur *Amymonen*. *Nephyre*; nihil tamen h. l. haerendum; corrupte enim in codd. nomina propria leguntur. — *Pirene* fons sic dictus a Pyrene muliere, quae, mortem filii lugens, in eum fontem fuit conversa. LEM.

Nec sortita loco distantes flumina ripas
 Tuta manent: mediis Tanais fumavit in undis,
 Peneosque senex, Teuthranteusque Caicus,
 Et celer Ismenos, cum Phocaico Erymantho,
 Arsurusque iterum Xanthus, flavusque Lycormas 245
 Quique recurvatis ludit Maeandros in undis;
 Mygdoniusque Melas, et Taenarius Eurotas.

241. *sortita* — *ripas*) Flumina latissima: *sortita*, quae nobis natura contiguerat.

242. *Tanais*, hodie *Don*, fluvius Scythiae tortuosus, Europam dirimens ab Asia, atque se exonerans in lacum Maeotidem. Plin. H. N. IV, 12.

243. *Peneosque*) De *Peneo*, vide I, 569: *senex*; vide ad I, 580. — Ex *Teuthrania*, quae supra Acolidem est, *Caicus* annis profluit, quomquam h. l. potius a monte *Teuthrante*, qui ei adiacebat, *Teuthranteus* dicitur; vide Holsteu, ad Stephan. Vrb. in Τεὐθρανίη.

244. *Ismenus* ante Thelas per campum fluebat. Hinc Thelae Ἰσμενός ποταμός; vide. Senec. Herc. Oct. 140. — *Erymanthus*, Arcadiae fluvius e monte cognomini in Alpheum defluens. Plin. H. N. IV, 6; Callim. h. lov. 18. Sed *Phocadi* nemo unquam fluvium huius nominis tribuit. Itaque pro *Phocaico* legendum haud dubie est vel *Psophaico*, ut multi sudent, vel cum Palmero ad Pausan. Arcad. pag. 419, *Psophaico*. *Psophis* enim urbs Arcadiae, quam praeterlabitur Erymanthus.

245. *Xanthus*) Fluvius Troianus, idem Scamander dictus: iterum *arsurus*, tempore Troiano, ubi, quam tumidis fluctibus in Achillem irrueret, Vulcanus tantam ei inmisit ignis vim, ut arderet, Hom. Il. 9, 212-384. — Sic glossa nostri Cod. B. B.:

Xanthus fluvius, qui postea etiam ardebat tempore Troiae. LEM. — *Lycormas*, rapidus Aetoliae fluvius, postea *Euenus* dictus IX, 104. Vocatur *flavus* etiam Senec. Herc. Oct. 591, ob arenam flavam, ut *flavos Tiberis* Virg. Aeneid. VII, 31, *aquam flavam* dixit Pacuv.; vid. Beonkh. ad Propertium II, Eleg. 7, 50, qui *flavum* interpretatur pulchrum.

246. *Maeandros* inter Lydiam et Carium defluit, haecque flexus ita sinuosos, ut saepe removere videtur. Plin. H. N. V, 29. Tales naturae lusui arripere solent poëtae, atque exornare suo modo. Cf. Noster VIII, 162: quo loco et ipso *ludere* de tortuoso illo cursu. *Errare* sic dixit Silius VII, 139.

247. *Melas*) Quam plures fluvii huius nominis fuerint, disputant interpretes, quis h. l. intelligendus sit. Heinsius contendit, esse Meltem, qui Smyrnam praeterfluit. Equidem intelligo Thracicum *Melana*. Plin. H. N. IV, 11; nam *Mygdones*, qui Phrygiae partem incolebant, eique nomen dederant, Thracia orimdi erant. Strabo VII, pag. 295; XII, pag. 575. — *Eurotas*, hodie *Basiliopotamo*, fluvius magnus et vehemens, qui Spartum praeterlabitur et non procul a nobili illo promontorio *Taenurio*, hodie *Matapan*, in sinum Luconicum exoneratur. — Et *Taenarius Eurotas*. Notandum Cod. Reg. A lectiv, quae

Arsit et Euphrates Babylonius, arsit Orontes,
Thermodonque citus, Gangesque, et Phasis, et Ister.
Aestuat Alpheos: ripae Spercheides ardent; 250
Quodque suo Tagus amne vehit, fluit ignibus, aurum:
Et quae Maonias celebrarant carmine ripas,
Flumineae volucres medio caluere Caystro.

metrum melius servat: *Tamarius atque Euratas*. LEM.

248. *Euphrates*) Vocatur mox *Assyrius*, aut, ut h. l. *Babylonius*. Babyloniam non solum irrigabat, sed limo etiam, quem secum ferebat, fertilem reddebat: vide Callim. h. Apoll. vs. 108 sqq., ibique Spanh. Cic. N. D. II, 52; Curt. V, 1, 12 sqq. — *Orontes*, hodie *Asi*, fluvius Syriacae, Antiochiam praeterfluens.

249. *Thermodon*) Etiam Codices nostri *Thermodon* ferant, item et edd. veteres, tamen cum Heinio resposuimus *Thermodon*; res nunc nota est, esse *Thermodon* a *Θερμώδων*. LEM. — *Thermodon*, fluvius Cappadociae, iuxta quem Amazones habitabant in subiectis Themascyris campis. Curt. VI, 5, 24; Iustin. II, 4; cf. Propert. III, Eleg. 12, 16; Senec. Herc. Fur. vs. 246. — *Ganges* Indiae, e duobus, aut, ut plerique Veterum tradunt, septem fontibus exoritur, tacite defluens et in mare Rubrum se exonerans; Virgil. Aeneid. IX, 30; Curt. VIII, 9, 5; Plin. VI, 22; vide Brunkh. ad Propert. III, 21, 16. — *Phasis*, hodie *Fasso*, Colchidis amnis clarissimus, et in Pontum Euxinum se immittens. Strabo IX, p. 801; Curt. VI, 5, 25. — *Istri* nomen olim habuit non omnis Danubius, sed inde, ubi Germaniae fines desinit.

250. *Alpheos*) De *Alpheo*, vide ad lib. V, 487; de *Spercheo*, ad lib. I, 579 — *ripae* eius populi conspicebant.

251. *Tagus*) Fluvius Hispaniae, aureus vehens arenas, quae tunc incendio liquebant. LEM. — *fluit aurum*. Hoc quoque leve est in hac narratione, et quod sequitur, de cygnis calentibus.

252. *Maonias*) *Lydiae* Caystri ripas. Callim. h. Del. 250, cygni dicuntur *Maonianum Pactolum* reliquiasse. *Maonia* enim pars superior *Lydiae* in qua *Tmolus* et fons *Caystri*; vide Spanhem. ad Callimach. dicto loco. — *carmine*, canto, ut X, 453; cf. V, 386 sqq. *Celebrare carmine*, frequentes cantus exercere. Cantus vero cycnorum longe suavisissimus perhibetur, unde haec avis Apollini sacra et *μολοῖς* dicta. Dubitarunt tamen iam inter Veteres nonnulli, v. c. Aelian. Var. Hist. I, 14, an cygni cantum edant; sed vid. Ernesti ad Callimachum, hymno Apoll. 5, ubi *Vidalinus* narrat, se in *Islandia* non raro cantum cycnorum longe suavisissimum summa cum voluptate audivisse: illud modo negat, eos morti vicinos couere.

253. *Flumineae volucres*) *Cycni*, qui frequentes in toto illo Asiae tractu commemorari solent; Hens. II. B, 460; Virg. Georg. I, 383 sqq.; Dion. Alex. 833. Inde *κύνας καύρην* ap. Anacreont. hym. Apoll. 8. Amant autem cygni flumina. Vide 379. — *Cayster*, e *Gilbismis* ingis oritur, non procul a *Turdo* monte, *Lydiam* irrigat, tunc *Ephesum* alluit, tandem in

Nilus in extremum fugit perlerritus orbem,
 Occulitque caput, quod adhuc latet: ostia septem 255
 Pulverulenta vacant, septem sine flumine valles.
 Fors eadem Ismarios Hebrum cum Strymone siccant,
 Hesperiosque amnes, Rhenum, Rhodanumque Padum—
 Cuique fuit rerum promissa potentia, Thybrin. (que,
 Dissilit omne solum; penetratque in Tartara rimis 260
 Lumen, et infernum terret cum coniuge Regem.
 Et mare contrahitur; siccaeque est campus arenae,
 Quod modo pontus erat; quosque altum texerat aequor,
 Exsistunt montes, et sparsas Cycladas augment.

mare infunditur. Strabo III, pag. 626;
 Plin. Hist. Nat. V, 29.

254. *Nilus in extremum — orbem*) Broukh. ad Propert. II, Eleg. 13, 48, monet, Veteres per *extremum orbem* intellexisse Aegyptum, quam in rem laudat etiam hunc loc. Male utrumque. Etenim omnes terras aut remotissimas, aut Oceani conterminas, Romani *extremum* aut *ultimum orbem* dixerunt, v. c. Indiam, Amor. II, 6, 38; Pontum, I Trist. 1, 127, III, 1, 50; Hispaniam, Lucan. VII, 541. Neque hoc ipso loco Aegyptus intelligenda est, sed Aethiopia, unde in Aegyptum Nilus profluit. Etiam Aeschyl. Prom. 813, Aethiopiā vocat *ἡλιούρου γῆς*, ubi v. Schuetz. Sed Veteribus ignoti erant fontes Nili; unde, *occulit caput, quod adhuc latet*; quibus verbis expressit Tibull. I, 7, 23: *Nile pater, quamvis possum te dicere causa, Aut quibus in terris, occuluisse caput?* Fautem Nili quaerere aliam inter magos problemata relictum. Nostris temporibus, Bruce penetravit ad tres eius fontes in Abyssiniā.

255. *caput fluvii est fons*, non ostium, ut quidam putarunt. De *septem ostiis*, vid. Strab. XVII iuit.

Hodie duo tantum restant navigabilia, quantum alteri adiacet *Rosette*, olim Canopus, alteri *Damiette*, olim Pelusium. — *vacant, vacua*, destituta sunt aquis.

257. *Hebrum cum Strymone*) Hebrus et Strymon fluvii Thraciae, qui in mare Aegeum defluunt, hic e Pangaeo monte, ille ex Haemo. — *Ismarios*, id est Thracicos; nam *Ismarus* mons Thraciae, vino nobilis.

258. *Hesperiosque amnes*) Hesperiam, id est terram occidentalem, dixerunt Romani non modo Hispaniam et Galliam, sed etiam, consuetudine Graecorum, ipsam Italiam; vide Spanhem. ad Callimach. h. Del. vs. 174. — *rerum potentia*, imperium orbis terrarum, quod promissum est Romae ad Tiberim sitae; sed poetas fluviiis tribuant, quae urbibus adiacentibus conveniant.

260. *penetratque in Tartara rimis*) Adunbratum hoc ex Virgil. Aeneid. VIII, 243–246, ubi dehiscens terra recludit regna pallida, *trepidantque inermis lunae Manes*. Idem Noster repetit V, 356; Cf. Homer. II. Y, 61 sqq. — *coniugem*, Proserpinam, infra deum rapiet.

264. *Exsistunt*) In conspectum pro-

Ima petunt pisces; nec se super aequora curvi 265
 Tollere consuetas audent delphines in auras.
 Corpora phocarum summo resupina profundo
 Exanimata iacent: ipsum quoque Nerea fama est,
 Doridaeque, et natas, tepidis latuisse sub antris.
 Ter Neptunus aquis cum torvo brachia vultu 270
 Exserere ausus erat: ter non tulit aëris aestus.
 Alma tamen Tellus, ut erat circumdata ponto,

deunt, apparent, propria vi verbi; vide Gronov. ad Liv. XXV, 21. In fundo maris multi montes surgunt, et insulae nil aliud sunt, nisi cacumina montium. Manil. d. l. *Emergere fretis montes, orbisque per undas Exsiliit*. Etiam h. l. unus Vatican. atque unus Leidensis: *exsiliunt montes*. — *sparsae*, h. l. *Cyclades*, quumquam *Sporades*, i. e. sparsae insulae, ab his diversae.

265. *nec se super aequora* etc.) E monstria marinis poetae plerumque *phocas* et *delphinos* commemorant. De *phocarum corporibus* diximus ad I, 300. — *Delphus* Veterum Linneo dicitur *Delphinus Delphis*. — *curvi*, ob dorsum repauidum. Anaer. Od. LI, 27: *ῥοῖός ἰχθύων κούρῳ*. Solent autem delphini crebro e mari exsilire, atque natantes exsultare, unde *ῥοῖοι* et saltatores dicuntur. Cf. III, 670 sqq.; vid. Plin. H. N. IX, 8, et Mullerus ad Linnei Systema Nat. tom. I, pag. 505. *Iacere* dicuntur cadavera sine sepultura abiecta, ut monet Burm. Idem putat, totum mare errantibus, et *summo profundum* explicat arenam non aquis tectam, sed siccum. Fallitur. Mare contractum modo erat, et in superficie aqua *inebant exanimata resupina*, ut solent corpora mortua in aqua natare.

268. *iacent*) Cosl. noster Reg. B.

Natant; minus bene. — Heins. dederat *Exanimata natant*; sed *iacent* revocavit Hermannus. — *Dorida*, Oceanus et Tethys filium, Nerei uxorem, matrem Nympharum marinarum. LEM. — *Antris* Heinsius recipit ex melioribus pro *undis*. Codices nostri, *antris*. — *sub antris*. In antris. Vide ad I, 689. In fundo autem maris *antra* finguntur, in quibus Dii marini habitant. — Primus *Neptunus* causam mundi agere voluit, quia sceleris Iovis. — *torvus* vultus passim ei a poetis tribuitur propter maris naturam. Nunc etiam dolor ex aestu vultum obducebat.

271. *brachia exserere*) Nempe orandi causa. Etenim oratoribus romanis ad dicendum prodeuntibus solemne erat *brachium extra togam exserere*. Senec. Contr. V, 6; Quint. XI, 3. — *ter* melius repetitum, quam si *nuncquam* dixisset.

272. *Alma tamen tellus*) Post illum *Tellus* prodit, quae erat pars illius calamitatis maxima, mater etiam laborantium fontium, qui, ut libeci tempore calamitoso in sinum matris, in *opaca* (ubi tuti) eius viscera confugerant. Praeclara idea. Non autem *Tellus* ipse orbis terrarum intelligitur, sed Dea telluris in terris habitans, ut *Procus* est deus Peni fluvii, in fonte eius sedem habens. *Tellus*

Inter aquas pelagi, contractosque undique fontes,
 Qui se condiderant in opacae viscera matris,
 Sustulit omniferos collo tenus arida vultus;
 Opposuitque manum fronti; magnoque tremore
 Omnia concutiens paulum subsedit; et infra,
 Quam solet esse, fuit; siccaque ita voce locuta est:
 « Si placet hoc, meruique, quid, o, tua fulmina cessant,

275

vero non ausa est tota prodire, sed tantum ex aquis quibus cincta, prospectare, vultusque tollere. Exseruit quidem et *manum*; eam vero non movere inter dicendum potuit, sed, ut oculos ab aestu et favilla defenderet, *opposuit fronti*. Et quoniam ne sic quidem nestum ferre poterat, *subsedit*: subsidere fecit terram, quamquam paululum tantum, ne longius abesset ab arca Iovis, quicum agere volebat. Hinc *magnus tremor*. Ita labor Telluris et cura in maximo malo bene notata. — *Alma*, omnia alens, propinquum et aptum terrae epitheton. — *ut erat*, *ὡς τῆς*, exprimit statum aut habitum, quo quis erat. IV, 473: *canos*, ut erat *turbata*, *capillos*; VI, 237: *ut erat promus*; 244: *sicut erant iuncti*. Mox revocandum putavi *contractosque*, ab Heinsio pulsam. Non enim innuit, aquas pelagi constare ex fontibus, sed omnis generis aquas commemorare vult.

273. *contractos* pro *contractasque* invexit Heinsius, ut aquas pelagi innuat constare ex fontibus undique contractis.

275. *omniferos*) Quoniam nonnulli *omniparens*, propterea Heins. conj. *omniparos*, idque ex analogia comprobatur. Nostri Codices, *omniferos*. — *Sustulit omniferos*. Vt Autumno ab Horatio caput *ponis decorum*, sic Telluri a Nostro *omniferi vultus* dantur: *omniferos*, vocabulum ab ipso Ovidio

factum, aptum lamen terrae *παρόντος* et *παράτοπος*, quae omnia, quibus indiget natura humana, *fert* et alit. Lucretio et Virgilio dicitur *omniparens*. — *Sustulit*. Videtur poëta respexisse ad locum Pausaniae in Attica: *Ἐστὶ δὲ καὶ Γῆς ἀγάλμα ἱερευρέσας ὕδατος τὸν Δία*. «Est apud Athenienses simulacrum Terrae Iovi supplicantis, ut e caelo imbrem demittat». L.R.M.

276. *Opposuitque* etc.) Silius XIII, 341: *Obtendensque manum solem infervescere fronti* Arcet.

278. *sicca vox*) Quae venit e gutturo sicco. Hoc et magis poeticum, et huic loco aptius, quam vulgus. *sacraque*: X, 663, *aridus anhelitus*. — *siccaque* exstat quidem non nisi in Vrbio. et uno Cinfan., sed recte receptum ab Heins. pro *sacraque*. — Nostri Codd. *sacraque*, et forsitan *τὸ sicca* ab ingenio recentiorum proficiscitur.

279. *si placet hoc*) Non suppliciter orat, sed tota est in indignitate rei demonstranda, Iovisque negligentia iocusanda. Inest acquabile et gratum orationis flumen. Hoc compensant luxuriam ingenii, quae in superioribus aliquoties ostendit. Prima verba quasi captationem benevolentiae quondam habent. — *Mereri* mole sensu pro *peccare*, etiam 291: vide Heyoii *Observationes ad Tibull.* II, 4, 5. — *virres* saepe et igni tribuantur et pro ignibus ponuntur: VII, 81,

Summe Deum? liceat periturae viribus ignis, 280
 Igne perire tuo; clademque auctore levare.
 Vix equidem fauces haec ipsa in verba resolvo,
 (Presserat ora vapor) lostos en adspice crines,
 Inque oculis tantum, tantum super ora favillae.
 Hosne mihi fructus, hunc fertilitatis honorem 285
 Officiiue refers, quod adunci vulnera aratri,
 Rastrorumque fero, totoque exerceor anno?
 Quod pecori frondes, alimentaue milia, fruges
 Humano generi, vobis quod tura ministro?
 Sed tamen exitium fac me meruisse: quid undae, 290
 Quid meruit frater? cur illi tradita sorte
 Aequora decrescunt, et ab aethere longius absunt?
 Quod si nec fratris, nec te mea gratia tangit;

scintilla in veteres crescit vires; XIII, 868, Aetna cum suis viribus. Hinc h. L. periphrasin facit, ut XIV, 274, vis meri. Similia apud Graecos. — *clades levatur*, tolerabilior redditur, auctore, quando aut a magno et illustri viro, aut, ut hoc loco, a Deo inferitur. Bvnm. *levare*, minuire, ut III, 338.

283. *lostos*) Codex Regius B. *nostror*; e glossa forte.

284. *Inque oculis* etc.) Ita recte ventustiores. Olim edebatur *Inque oculis fumum: volitant super ora favillae*. Verum de fumo in tanto malo vix quæstæ esset Tellus. Heiusius suadet, *Inque oculis fumi tantum, tantumque favillae*. Satis asperè. Nempe ille ora ferre nolebat, quia ideam vocabulum præcessit. At Ovidius millies intra paucos versus idem vocabulum repetit. — Illic versus ita legitur in Codice Regio B: *Inque oculis tantum, tantum est super ora favillae*; in Codice A: *Inque meis oculis* etc. Insulse; præstat nostra lectio. LEM. — *adunci*. Multi, curvi, Nostrî autem Codi-

ces, *adunci*. — *Presserat*. *premere*, opprimere, claudere. Virgilius Aen. VI, 155: *pressoque obmutuit ore*. Multum valet ad movendos alios, si, quæ dicimus, eorum oculis subicere possumus. Hinc *en adspice*, et mox *circumspice*, atque *en Atlas*. Non cineris dicit, sed, quod gravius, *favillae*, cineris mixti scintillis igneis. — *Honor*: præmium. Sæpe sulci cum vulneribus comparantur, et hoc quidem loco commodissime. Acerbius etiam Plin. H. N. II, 63: *Ferro, ligno, igne, lapide terra omnibus cruciatur heris*. Nisi tamen, *quæ summa partitur atque extrema cute, tolerabilia videntur*. *Penetramus in viscera* etc. — De *rastrorum* gravitate vid. ad I, 101. — *Exercere* bene de agricultura, atque etiam molestiae notionem involvit. — *tura*, quorum cura maxime tangebatur Deos, I, 248.

291. *tradita*) Codex Regius B. *credita*. — *tradita sorte*. Quæ adeo summo iure ei debentur: et ab aethere etc.; quatenus decreverant.

At coeli miserere tui: circumspice utrumque;
 Fumat uterque pōlus: quos si vitiaverit ignis, 295
 Atria vestra ruent: Atlas en ipse laborat;
 Vixque suis humeris caudentem sustinet axem.
 Si freta, si terrae pereunt, si regia coeli:
 In chaos antiquum confundimur: eripe flammis,
 Si quid adhuc superest; et rerum consule summae. » 300
 Dixerat haec Tellus: neque enim tolerare vaporem
 Vltcrius potuit, nec dicere plura; suumque
 Rettulit os in se, propioraque Manibus antra.

At pater omnipotens Superos testatus, et ipsum
 Qui dederat currus, nisi opem ferat, omnia fato 305
 Interitura gravi: summam petit arduus arcein,
 Vnde solet latis nubes inducere terras;
 Vnde movet tonitrus, vibrataque fulmina iactat.
 Sed neque, quas posset terris inducere, nubes
 Tunc habuit; nec, quos coelo dimitteret, imbres. 310

294. *circumspice utrumque*) Burmannus mollet ita distinguere: *circumspice utrumque* (*fumat uterque*) *polum*.

295. *quos si vitiaverit ignis*) Codex Regius A, *quos si violaverit ignis*; alter vero B, *quod si violabitur axis*. — *vitiaverit*, violaverit. — *Atria*. Vide ad librum I, 172. — *Atlas laborat*. Atlas, mons Mauritaniae, qui coelum idcirco sustinere dicitur, quod Atlas, qui in illum montem fertur transmutatus, primus omnium astrologica scrutari coeperit. Vid. Rhodig. lib. VII, cap. 12; Vitruv. lib. VI, cap. 10. LEM. — *De Atlante*, vide Nostrum, IV, 656 sqq. — *laborare* eleganter de iis, quae ita premuntur, ut vix oneri ferendo sufficiant. Horat. I, Od. 9, 3: *silvae laborantes*, nempe nive. Plin. Pan. 22: *tecta laborantia* multitudine hominum insistentium.

299. *confundimur*) Exquisitius, quam, redimus, revolvimur. — *Si quid non semper dubitantis*, sed eleganter pro *quod* ponitur. Vide ad Plin. I, Ep. 1. — *rerum summae*, incolumitati totius universi. Sic *summa reipublicae* saepe apud Ciceronem: vide Ernesti clavicula Ciceronianam.

301. *vaporem*) Codex Regius B. *vapore*; parvi interest. — *os suum*, Tellus, Dea, *rettulit in se*, in orbem terrarum. Ciofanius putabat, hoc ductum esse a volumine serpentis. — *propioraque Manibus antra*. Id est speluncas inferis finitimas. LEM.

304. *Superos testatus*) Testatur Deos, quippe necaturus infelicem aurigam. — *summam arcein*, altissimam mundi oram petit, et sic arduus erat. — *movel*, excitat: *vibrata*, agitata, hastae instat. His agitationibus acceleratur iactus teli aut fulminis. Mox

Intonat: et dextra libratum fulmen ab aure
 Misit in aurigam; pariterque animaque rotisque
 Expulit, et saevis compescuit ignibus ignes.
 Consternantur equi; et saltu in contraria facto
 Colla iugo eripiunt, abruptaque lora relinquunt. 315
 Illic frena iacent, illic temone revulsus
 Axis; in hac radii fractarum parte rotarum:
 Sparsaque sunt late laceri vestigia currus.
 At Phaëthon, rutilos flamma populante capillos,
 Volvitur in praeceps, longoque per aëra tractu 320
 Fertur; ut interdum de coelo stella sereno,

libratum fulmen eodem sensu; nam *librare* pr. de motu manus, quo exploramus pondera. Similes autem motus faciunt, qui magna vi proicere aliquid volunt. Conf. Arctæa. et Schwartz. ad Plin. Paneg. 13. — *libratum ab aure* cum vi pingendi. Iacula enim mittuntur vel ab aure, vel a luctere: vid. Cerda ad Virgil. Aeneid. IX, 417, ubi, *summa telum librabat ab aure*. Nost. infra vs. 624: *mallois dextra libratus ab aure*. Senec. de Benef. II, 6: *Infinium interest, utrum exausso lacerto tela torqueantur, an remissa manu effluant.*

312. *anima expulit*) Vita privavit, et rotis, curru deiecit. *Animam expellere* est infra VI, 618. Durum quidem est *anima expellere*, ferendum tamen in poeta, praesertim quoniam rotis addatur. Serpe enim duobus diversis nominibus unum verbum sic accommodatur. Similiter autem fere locutus est Plin. VIII, Ep. 4: *Pulsum regia, pulsum vita*. — *saevis ignes*, Iovis fulmina, ut IV Trist. 3, 69. Male igitur h. l. quidam, *saevos*.

313. *Expulit*) Olim edit. *Fruit*, quod et plurimi Codd. habent. Alterum, ut et Burmannus mouit,

maioris est impetus et violentiae. Ib. Caeset. Farnes. unus Thuani, *saevos*. — Nostri Codd. *expulit* — et *saevis*.

315. *iugo eripiunt*) MSS. multi, *iugo excutiant*, quod, ut fortius, Ciof. Farnab. et Heins. placuit. Burm. contra monet, recte quidem dici *collis iuga excutere*, non autem *colla iugo*; atque etiam Senec. Hipp. 1084, ubi Nostrum imitatur, scripsisse, *aeque luctantur iugo Eripere*. — Vulgatum admittunt nostri.

316. *illic frena iacent*) Lucian. d. I. : *Κατάγῃς ὁ ὄψους, καὶ ἀτίπος τῶν τροχῶν συντίτραται*. *Rutili capilli*, quales, Tacito auctore, Germani praesci habebant, ponebantur apud Vesteres in magna parte pulchritudinis. Dicuntur etiam *flavi*, graece *ἡλωσσε* et *χρῶσαι τρίχες*; vide H. Stephanum ad Anacreontis od. 29, 5. — *Folvi* de decedente etiam, VI, 238; Virgil. Aen. I, 115. *In praeceps*, in caput, prono capite; — *stella* etc. Confer Callim. lymnaeum Del. 38. Huiusmodi ignes in aëre ruiscentes, Graecis dicebantur *στεινόντες*. Senec. Nat. Q. II, 14: *Stellae transvolantes*.

318. *late laceri*) Burm. aures ingratu sono late laceri offundebantur;

Etsi non cecidit, potuit cecidisse videri.
 Quem procul a patria diverso maximus orbe
 Excipit Eridanus, fumantiaque abluit ora.

Naidēs Hesperiae trifida fumantia flamma
 Corpora dant tumulo, signantque hoc carmine saxum:
 « Hic situs est Phaëthon, currus auriga paterni;
 Quem si non tenuit, magnis tamen excidit ausis. »

quapropter cum MSS. nonnullis malebat *laceri late*. Sed vid. ad I, 299.

322. *Etsi non cecidit*) Cod. Reg. A. *quae si non cecidit*. — *potuit cecidisse videri*. Respexit fortasse Aristotelis Meteor. I, 4; ubi huiusmodi ignes vocantur *δρακόντιες ἀστὲρες διατταν*. Cum tali stella etiam apud Homerum, II. Δ, 75, Minervae delapsus comparatur, Phaëth. casum in Winkelm. Monum. ineditis, n. 43, expressum vides.

323. *diverso orbe*) *Diversus orbis*, pars orbis terrarum opposita, nempe septentrionalis. *Eridanum* excepisse Phaëthonta, Veteres constanter tradunt, nisi quod Aristoteles de Mirab. 82: lacum aquis fervidis aestuantem iuxta hunc fluvium nominat. Antiquissimis Graecis *Eridanus* erat in margine Europae occidentali, in Oceanum septentrionalem se exonerans, ad cuius ostium electrum reperiebatur, et a quo non procul insulae abeunt stagnum mittentes, Rhenum eos intellexisse Vossius ad Virgil. Georg. I, 482, argumentis non contemnendis docet. Sed Pherecydes primus Padum in Italia, qui tunc Graecis innotuerat, ex nomine a maioribus designatum esse putavit (Hygin. fab. 154), eius auctoritatem reliqui deinceps Graeci et Romani sequuti sunt. Vid. et Muncker. ad Hygm. dicto loco. Vsurp. h. l. *marinus*, ut a Virg. rex *fluviorum*.

324. *Excipit*) Longe quippe ab Ae-

thiopia distat Eridanus: *Εἰδα ποτ' αἰθυσσόντι τῆσις πρὸς στήνα κεραινῶ, Ημαδὴς; Φαῖθων πύον ἄρματος Ηλίου*. Apollon. IV Arg. LEM. — *ora abluit*, ut apud Claudianum 28, 166; ubi Eridanus pulla velutus, cui Phaëthon intextus, *vulnera lavit anhel*. Pro *fumantia* Heinsius ex primo Mediceo, *spumantia*, quia illud verbum proximo occurrit. At unde *spuma* in corpore fulmine necato? Revocavi igitur *fumantia*.

325–366. *Naidēs Hesperiae* etc.) Ultimus actus, qui metamorphosin continet, propter quam omnis de Phaëthonte fab. narrata. — *Naidēs Hesperiae*, nympphae Italicae: vide ad vs. 258. — *trifida flamma*. Fulmine, quod ita pingebatur. Ut enim tridentem Neptuno, sic trifidum fulmen attribuitur Iovi. A triplici potestate sic dictum voluit: ferit enim, penetrat, et adurit. LEM. — *tumulus*, *χῆμα*, terra exstructa, cui *corpora*, *ossa*, *dantur* aut *mandantur*. — *saxum*, *λίθος*, *σῆλη*, columna sepulchralis, cippus. — *carmine*, *ἐπιγραφή*, titulus; nam *carmen*, quaecumque formula verborum. — *signant*, insculpuunt, verbum proprium in hac re: vide Heinsium. Tales autem inscriptiones prisca illa aetas ignoravit. Initium solum huiusmodi titularum, *hic situs est*, aut *hic iacet*. *Sax* enim *proprie*, *conditi*. Cic. Legg. II, 82. Nomini in titulis breviter adscribebantur res ge-

Nam pater obductos luctu miserabilis aegro
 Considerat vultus; et, si modo credimus, unum 33a
 Isse diem sine Sole ferunt; incendia lumen
 Praebant; aliquisque malo fuit usus in illo.
 At Clymene, postquam dixit quaecumque fuerunt
 In tantis dicenda malis, lugubris, et amens,
 Et laniata sinus, totum percensuit orbem; 33b
 Exanimesque artus primo, mox ossa requirens,
 Repperit ossa tamen peregrina condita ripa,
 Incubuitque loco; nomenque in marmore lectum
 Perfudit lacrymis, et aperto pectore fovit:
 Nec minus Heliades fletus, et, inania morti 34o

stae. — tenuit, obtinuit, tueri, regere potuit; magna tamen erant ausa, quibus excidit. Haec ipsa verba quem — ausis ad virtutis studiosum transulit Seneca, de Vita Beata cap. 21. Cf. etiam de Prov. 5 extr. Aliter autem iudicavit Horat. IV, Od. 11, 25: *Terret ambustus Phaethon avaras spes.*

329. *Nam pater*) Codex Regius A. *At pater*; Codex Regius. B. *Iam pater*; quod praetulerim etsi aliter Gierig placeat. Num ratio ellipseos quam infra attulit (vide notam subiectam) mihi contorta visa est. LEM. — *Nam*. Librarii, qui *Nam* in *At* mutarunt, ignorabant, *nam* sic poni, ut subintelligendum sit aliquid, veluti h. l. pater quidem aberat, *nam* is etc. Sic et VI, 271. — *obducere vultum*, ad moerorem componere: Cusanb. ad Sueton. Tib. 68. — *aeger*, qui cum reddebat aegrum; ut *aeger* amor Virg. Georg. IV, 464. — *isse*, fluxione, praeterlapsum esse. — *aliquisque* etc. Ineptissimus iocus. Parum sanae mentis est in mundi interitu iocari: *usus in illo*, ut XIV, 268, *usus in folio*; X, 213 *color in illis*.

330. *Condiderat vultus*) Vnus Me-

diceus, *Abdiderat*; caeteri omnes et nostri Regii, *condiderat*. LEM.

334. *lugubris*) vestes lugubres sive atrae induta, forte et resectis tonsissae capillis. — *laniare*, grave verbum, sed aptum luctui acerbiori antiquissimorum et rudium adhuc hominum, qui unguibus adeo ora et pectora palmis foedabant. Virg. Aen. I, 673. — Sic *repperit* quidem *ossa*, in *peregrina tamen ripa*. In terra peregrina mori tristissimum visum. Tibull. I, 3, 3, ibique Heynius in Observ.; item Virg. Aen. IX, 485. — *aperto*, nudo: *fovere nomen* frigida admodum locutio videtur Burmanno. Amplectitur itaque Gronov. Cod. lectionem, *saevit*, id est laceravit apertum seu nudatum pectus. Sed quidni Clymene *nomen*, quod diu pectore aperto tegerat, *fovisse* recte dicatur, quum *locum fovere* bona locutio sit, de eo, qui assidue et diu in eo versator? Sic *castra fovere* Virgil. Aeneid. IX, 57: *humum fovere* Georg. III, 420.

340. *Heliades fletus*) Ante Heinssium edebatur *Heliades lugent*, et ita nostri Codices habent. LEM. — *Heliades*, sorores Phaethontis (*Phae-*

Munera, dant lacrymas; et caesae pectora palmis,
 Non auditurum miseras Phaëthonta querelas,
 Nocte deque vocant; adsternunturque sepulcro.
 Luna quater iunctis impleat cornibus orbem:
 Illae more suo, nam morem fecerat usus, 345
 Plangorem dederant: e queis Phaëthusa sororum
 Maxima, quum vellet terrae procumbere, quæta est
 Diriguisset pedes: ad quam conata venire
 Candida Lampetie, subita radice retenta est.
 Tertia, quum crinem manibus laniare pararet, 350
 Avellit frondes: hæc stipite crura teneri,
 Illa dolet fieri longos sua brachia ramos.
 Dumque ea mirantur; complectitur inguina cortex;
 Perque gradus uterum, pectusque humerosque manus-
 Ambit; et exstabant tantum ora vocantia matrem. (que
 Quid faciat mater, nisi, quo trahat impetus illam,
 Huc eat, atque illuc; et, dum licet, oscula iungat?)

thontides apud Germanic. Arat. vs. 371. Εἰδών s. Solis filius. A Nostro non nisi tres commemorantur, ab Hygino, præf. quatuor; sed Hesiod. septem numeraverat. — *fletus*, quoniam a *lacrymis* distingui videntur, forte omnino luctus signa. — *munera*, honores extremi, qui habentur mortuis, ut Virg. Aeneid. VI, 884 sqq.: vide Broukh. ad Propert. I, 17, 23. — *inania*, quia mortuum non in vitam revocant. Plane sic *inane munus* apud Virgil. d. l., et *vanus honor* Aeneid. XI, 52: *inane*, omne id, quod fructu caret.

341. *caesæ* Codex Regius B, qui versu præcedenti habet *lugent*, dat *pulsant* pro *caesæ*; nec mala lectio, nisi e glossa nata sit. LEX. — *quisoræ* — *querelæ*. MSS. magno numero, *miseris querelæ*, ut ad *vocant* referatur. Non male. — Cod. Reg. A, *miseris*

ris querelæ. — *Phaëthonta vocant* ex more Iugentium et conclamantium priscis temporibus. Hom. Od. I, 65; Virg. Aeneid. III, 68. Hinc Aeneid. I, 219, *non iam exaudire vocatos*, mortuos esse.

344. *Luna quater* etc.) Luctus per certum tempus, idque interdum satis longum, durabat, nunc quatuor menses, quod poetice expressum; vid. ad vs. 453. Lion transformationes per partes rursus describit. Cf. I, 548–552; IX, 351–358; X, 489–500. Sed Claud. 28, 194, alium mythum sequitur, ex quo Heliodus cum Eridano et Cycno iuxta sidera relinquit.

349. *Candida*, pulchra, frequens puellarum epitheton. — *subita radice*, in quam pedes eius subito mutati sunt. — *Tertia* aliis Aegle, aliis Phoebe est.

356. *trahat* Codices nostri *trahat*

Non satis est: truncis avellere corpora tentat;
 Et teneros manibus ramos abrumperé: at inde
 Sanguineae manant, tanquam de vulnere, guttae. 360
 « Parce, precor, maled, quaecumque est saucia clamat;
 Parce, precor; nostrum laniatur in arbore corpus:
 Iamque vale. » Cortex in verba novissima venit.
 Inde fluunt lacrymae; stillataque sole rigescunt
 De ramis electra novis; quae lucidus amnis 365
 Excipit, et nurbus mittit gestanda Latinis.

II. Adfuit huic monstro proles Stheneleia Cycnus;

quod praetulerim. LEX. — *impetus*; nunc oppositum rationi, consilio, affectum et perturbationem animi vehementiorem indicat; de ea recte trahere.

359. *abrumperé*) Nostri Codd. *abrumpi*.

361. *Parce precor* etc.) Sic Virgil. Aeneid. III, 41: *Quid miserum, Aeneas, laceras? iam parce sepulto, Parcae pias scelerare manus.*

362. *laniatur*) Codd. Regii, *laceratur*. — *Cortex in verba novissima venit*. Id est, cortex os obducens verba Helialum ultima occupavit. Noster X, 497: *Peruenitque obvia ligno subsedit, mergitque suos in cortice vultus*; et XI, 256: *Admisitque suos in verba novissima fluctus*. LEX. — *Cortex venit*. In quales arbores mutatae sint, poeta non addit; sed I ex Post. 2, 33, *populos* (*αἰγυπιοὺς*) nominat. Atque ita et Hesiod., Hygin., Virgil. Aen. X, 190, Luc. aliique. At Virg. Ecl. VI, 62, *alnos* commemorat, quem admodum *alii ulanos* aut *pinus*. Plin. Hist. Nat. XXXVII, 2, 3. Communis porro opinio erat (vid. et Eurip. Hipp. 470; Apollon. Rh. IV, 546), ex *lacrymis* (*ἐκ τῶν δακρύων*) illarum arborum *electra* nasci: quod non mirum videri debet, quum arborum re-

sinam Graeci ita dixerint (cf. et X, 501), atque etiam hodie rerum naturalium indagatores eo fere inclinent, ut resinae electra originem debere putent. Si his addideris, quae ad vera. 324 notavimus, satis probabiliter tibi fabulam interpretaberis. Sophocles in trag. deperdita ex aliis lacrymis electra nasci finxerat, nempe quas Meleagri sorores in aves mutatae in India fierent: quod a Plin. dicto loco, reprehenditur: vide omnino Gesneri Diss. in Comm. Societ. Gotting. tom. III, pag. 72.

364. *stillata*, passive. — *lucidus* *λευκός*, clarus. — *nurbus Latinis*. Italici mulieribus. *Nurus* omnino mulier poetis. Vid. III, 528. Plin. d. I. narrat, suo tempore Transpadanorum agrestes feminas monilium vice succina gestare, maxime decoris gratia, sed et medicinae.

366. *mittit*) Pro *mittit*, unus Codd. *nutrit*, quod Burmannus exemplis illustrat; sed alienum est ab hoc loco — *mittunt merces terrae eae*, ubi maximus earum proventus et mercatus. — Sic et Virgil. Georg. I, 57: *India mittit ebur*. LEX.

367-400. *Adfuit huic monstro* etc.) Cycnus, rex Liguria, dum desset Phaeëthontem, sanguine materno sibi

Qui tibi materno quamvis a sanguine iunctus,
 Mente tamen, Phaëthon, propior fuit: ille relicto,
 Nam Ligurum populos, et magnas rexerat urbes, 370
 Imperio, ripas virides amnemque querelis
 Eridanum implebat, silvamque sororibus auctam:
 Quin vox est tenuata viro; canaeque capillos

iunctum, mutatur in avem sui nominis. Confer Hyg. fabulam 154; et Virgil. Aeneid. X, 189, ibique Heynium Lactant. Argum. fabulae auctorem facit Phanoctem in Cupidinibus. Nempe ille elegos Ερώτων nomine scripserat, de quibus Heins. et Burm. ad X, 83. Addita autem haec sunt haud dubie superiori fab. postquam Eridanum pro Pado haberi coepit. Pausanias Attic. pag. 76, facile se credere ait, Cycnum, Ligurum regem, musica excelluisse, sed eundem post mortem ab Apolline in avem Cycnum esse mutatum se non credere. Et tam musici, quam poetae, cum cycnis comparari solent: Horac. IV, Od. 3, 25. Alius Cycnus XII, 72, memoratur. — *haec monstro*. Huic transformationi; nam monstrum omnis res monstruosa aut mira. Adstitit in ripis Eridani Cycnus, quum Heliades in arbores mutarentur. — *Siheneleis*, Sihenelei filius. Regem Liguria cognatum fuisse reginae Arthiopum, minime est credibile. Itaque hoc aut male fictum, aut ab iis additum, qui Phaëthonta alium intelligebant, ab orientali diversum. — *mente forte ad amicitiam referendum*. — *a sanguine*, eleganter, quod sanguinem: exempla e Ciccone dabit Clavis Cicer. — *propior*, propius iunctus, similior.

370. *Ligurum*) *Ligures*, dum et bellicosa gens, late tenebant maritima loca non modo Italiae superioris,

sed et Gulliae, erantque adeo et Padi accolae: et Graeci antiqui omnem Italiam superiorem ab iis nominarent. Apud Apollon. IV, 646, Argonautae adveniunt ἔβρεχ μύρια Καλίων καὶ Αιγύων. Recte igitur Noster Ligurum *pygulus*. Idem igitur et succinum mittere credebantur, Claud. 4, 11, et succinum ipsum dictum εὐλαγγύδρον. Strabo IV, pag. 310.

371. *ripas*, ut loca solitaria, petere solent uocasti; X, 74. — *amemque*. Tanaquil. Faber *amemque* in *amnemque* mutandum censet. Immo *ripas* et *amnem* bene coniunxit. — *implebat*. Codex Regius B, *implevit*. — *implet amnem querelis*, crebro ibi repetit querelas, nempe cantu. Virgil. Aen. X, 190: *Populeas inter frondes umbramque sororum Dum caunt, et moestum musa solatur amorem*. — *sororibus*, scilicet tuis; X, 91, haec tres sorores mutatae nemus Heliadum dicuntur; et apud German. Aen. 370, *nova silva*. — *auctam*. Gebhardus e manuscriptis suis, *Aptam*. Alterum multo melius.

373. *Quin vox*) Ex voce virili et gravi facta est vox eyeni tenuis. In describendis transformationibus ipsis prodit Ovidius inexhaustas ingenii copias, verbisque delectis pingit animalium naturas. Confer similem mutationem, XIV, 499 sqq. — *canae plumae*. Caudidae; Virgilius dicto loco ei canentem molli pluma senectam tribuit.

Dissimulant plumae; collumque e pectore longum
 Porrigitur, digitosque ligat iunctura rubentes: 375
 Penna latus vestit; tenet os sine acumine rostrum:
 Fit nova Cycnus avis, nec se coeloque Iovique
 Credit, ut iniuste missi memor ignis ab illo:
 Stagna petit, patulosque lacus; ignemque perosus,
 Quae colat, elegit contraria flumina flammis. 380
 Squalidus interea genitor Phaethontis, et expers
 Ipse sui decoris, qualis, quum deficit orbem,
 Esse solet; lucemque odit, seque ipse diemque;
 Datque animum in luctus; et luctibus adiicit iram;

374. *Dissimulant*) Dissimulare eleganter dicitur forma, sub qua quis latet. Heroid. IV, 56: *tauro dissimulante Iovem*. Hinc infra 371, *nec se dissimulat*. IX, 76, sic *celare*, — *longum*. Nostri Codices, *longe*: formam melius. LAM. — *iunctura*, cunicula.

376. *latus*, alas; num *pennae* sunt alarum; *plumis* autem reliquae corporis partes velantur. — *vestit*, octo *velat*, atque bene. *Vestire*. Bene de pennis, plumis, crinibus: vid. Heins. — *tenet os*, occupat locum oris. Ita et vs. 830.

377. *nec se coeloque etc.*) Prisel poetæ in fingendis fabulis naturam animantium sequuti erant; Noster autem hic et alibi passim naturam eorum e fabulis repetit. — *credere se elemento*, in quo moventur, eleganter dicuntur animantia. Sic et *unatae se credunt mari*. Vt naturam cycni e fabula explicare posset, ingeniose Iovi posuit in dialogo de aëre et de Deo summo. Caeterum et in aëra interdum haec avis se tollit. — *perosus*, ut *exaus*, qui odio habet.

381-400. *Squalidus interea*. Non episodum inutile, ut Schirachio videbatur, sed pars fab. de Phaethonte,

quam poeta distulit in h. l. quia Cycni mutatio arcte annexa Heliadum transformationi. Facta autem haec eo die, qui sine Sole ibat, vs. 330. Pater lugebat; lugentes negligunt, quae *deus* adferunt corpori, talesque *squalidi* dicuntur. — *deficere* de occasu solis legitur Propert. III, 3, 44: *qua venit exorietis, qua deficit*. Sed nunc eclipsis latelligitur, qua et ipse Sol *squalidus* videtur, quum alias *niteat* aut *caput nitidum* gerat. *Deficit orbem*, vel orbem terrarum luce sua destituit, non collustrat, vel suum orbem aut totum aut ex parte obscurat: quo posteriore sensu et commode cum aliis legi potest *orbē*. Vjd. Virgilius Georg. I, 442, ubi *Conditus in nubem medioque refugerit orbē*. — *Moesti lucem odiasse solent*; id optime translatum ad Solem, lucis auctorem. — *orbem*; perinulti, *orbē*, quod non displicet Burmanno. — Nostri Codices, *orbī*. Vtrumque rectum est. Nam *desicere*, modo neutrum est, et dativum post se trahit, ut apud Caesarem B. G. II): *Non solum vires, sed etiam tela nostris deficerent*; modo activum ut h. l. et apud Cic. I, de Orat.: *Vires deficiunt illum*. LAM.

Officiumque negat mundo. « Satis, inquit, ab aevi 385
 Sors mea principiiis fuit irrequieta; pigetque
 Actorum sine fine mihi, sine honore, laborum.
 Quilibet alter agat portantes lumina currus.
 Si nemo est, omnesque Dei non posse fatentur;
 Ipse agat; ut saltem, dum nostras tentat habenas, 390
 Orbatura patres aliquando fulmina ponat.
 Tum sciet, ignipedum vires expertus equorum,
 Non meruisse necem, qui non bene rexerit illos. »
 Talia dicentem circumstant omnia Solem
 Numina; neve velit tenebras inducere rebus, 395
 Supplice voce rogant: missos quoque Iupiter ignes
 Excusat, precibusque minas regaliter addit.
 Colligit amentes, et adhuc terrore paventes
 Phoebus equos; stimuloque domans et verberare saevit:
 Saevit enim, natumque obiectat, et imputat illis. 400

383. *Satis, inquit* etc.) Verissimus sermo eorum, quibus praeter meritum calamitas ab aliis illata. — *honor*, ut 183. *Agere, ἀδελφίστην*, de auriga. — *si nemo est* etc. Cf. 58 sqq. — *ipse*, αὐτός, princeps coetus alienius. Nunc vero indignantis est. — *tentat habenas*, Periculum facit, an flectere eas possit. Ita *tentare castra*, *mare* et alia. — *orbatura* etc. Indignans loquitur, quasi Iupiter iam plures patres fulmine orbaverit.

392. *ignipedum*) Heinsius mallet *angupedium*. Tales vero equi non bene videntur Soli dari. Vnus, *alipedum*, quod non spernit Burmann. — *ignipedes* equi valde displicebant Heinsio. Sed equis, qui vehant ignes, qui ignes in pectore habent, ignes ore et naribus efflant, 85, 119, 154, non male a poetis *igni pedes* dari videntur.

395. *neve velit inducere*) Vibanius

quam, ne inducat. — *res*, mundus. Mox maiestas Iovis bene notata. — *preces*, quibus minae adduntur, a Cic. Attic. IX, 3, *armatae*, a Tac. Ann. II, 57, *contumaces* dicuntur. Apud Lucian. Dial. Deur. 25, Iupiter satis acerbè in Apollineum iuvchitur, et ille se peccasse fatetur.

398-400. *Colligit amentes* etc.) Fides horum versuum Heinsio suspecta erat. Burmannus putabat legi etiam posse, *stimuloque furens et verberare caedit*: quo nihil lacramur. — *Perperam* hi vers. Heins. displicent; apud omnes legantur et apprimè dolori paterno conveniunt. LEM. Nota rhythum in verbis *amentes et paventes*. Similis negligentiae exempla Heynius ad Tibull. I, 9, 23 in Obs. collegit. In sqq. *stimuloque* etc. luxuriatur Ovidii ingenium. Hoc enim, quod homines furantes facere solent, ut iram evomant in res innoxias, male

III. At pater omnipotens ingentia moenia coeli
Circuit; et, ne quid labefactum viribus ignis
Corruat, explorat: quae postquam firma, suique
Roboris esse videt; terras, hominumque labores
Perspicit. Arcadiae tamen est impensior illi
Cura suae; fontesque, et nondum audentia labi

405

transulit ad Deum. — *saevire*, verberibus agitare alios. *Verberare*, flagello. — *natum*, mortem nati.

401-530. *At pater omnipotens* etc.) *Iupiter* vi compiimit *Callisto*, *Lycuonis* filiam, quam propterea *Diana* e choro suo secedere iubet; *Lupo* mitem in *ursam* mutat. In fam quum *Arcas*, ipsius et *Iovis* filius, incidisset, sagitta eam transfigere parabat; sed *Iupiter* ambo repente abreptos in coelo collocat, sideraque vicina facit. *Nempe*, *Arcades*, qui *Callistus* sepulcrum ostentabant, *Paus.* VIII, pag. 671, eamque, quam in vivis esset, carissimam habuisse videntur, mortuae sidus *Vrsae* dicarunt, cuius et nomen et situs, quo nunquam occidit, fabulae locum dedit. Eam vero *Gracius* decantatum fuisse, *Pausan.* pag. 603 tradit. Primus eam *Aniethus*, *Tegeates* historiurum scriptor, narrasse videtur. *Hyg. P. A.* II, 1 extr. Post eum plurimi, sed magna varietate, repetierunt, *Eumelus*, *Pherecydes*, *Asius*, *Hesiodus*, quos *Apollod.* laudat, et *Amphis*, comoediarum scriptor. Ex iis, qui restant, vide *Paus.* VIII, pag. 603; *Apollod.* III, 8, 2; *Hyg. fabb.* 176, 177, *P. A.* II, 1, ubi diversas traditiones collegit. *Noster*, qui *Hesiodum* maxime sequutus esse videtur, eam egregie exornavit, atque etiam II *Past.* 155-193, tractavit. Hoc commento commodissime ad fab. sq. transit. — *moenia* coelo aut mundo tribuit *Lucret.* intelligit-

que extremas mundi oras, aut mundum ipsum. Sed *Noster* proprie accepit; quae si essent, forent sane immenso ambitu, unde *ingentia*. Horum curam gerebat *Iupiter*; itaque et nunc ea circuit et explorat, more *Aedilium*, quibus cura aedificiorum commissa est, et ut V, 360, *Pluto* *Siciliae* fundamina, ubi simili amore corripitur. — *sui roboris* erant, habebant iustum robur, firmitatem. — *hominum labores*, segetes et alia opera. Ita *Plinius* *Pomolog.* 81, 2, *agrestium labor.* *Virg. Georg.* I, 325; *Aeneid.* II, 306; *sata laeta boumque labores*. *Vir doctus*, in *Ephem. liter.* Norimb. intelligit calamitates hominum perpressas et miseras. Verum eo sensu *labores* non, nisi dum perferuntur, perspicere possunt.

405. *Perspicit*) verbum hinc loco aptissimum; dicitur enim de iis qui examinant aedificia, vias et alia. Vid. *Eruesti* *Clavem* *Cic. h. v. Perspicit*. Damunda lectio *prospicit*, quam multi Codices praefereunt, et quam *Dousa* coniecerat, quia non e coelo spectat. — *Nostri* Codices *Regii* habent *perspicit*. — *Arcadium* vocat *nam*, eiusque curam praecipuam gerit, quia in *Parrhasio*, monte *Arcadiae*, natus a multis ferebatur; quamquam et *Cretenses* id honoris sibi vindicabant: vid. *Callimacham* h. *lov.* 4-10. Hoc quoque transitum adiuvat. — *impensior*, maior, et proprie cura dicitur *impendi*. — *Fontibus*

Flumina restituit; dat terrae gramina, frondes
 Arboribus; laesasque iubet revirescere silvas.
 Dum redit, itque frequens, in virgine Nonacrina
 Haesit, et accepti caluere sub ossibus ignes. 410
 Non erat huius opus lanam mollire trahendo;
 Nec positu variare comas: ubi fibula vestem,
 Vitta coërcuerat neglectos alba capillos,
 Et modo laeve manu iaculum, modo sumserat arcum,
 Miles erat Phoebe; nec Maenalon attigit ulla 415

et fluminibus abundabat Arcadia, inde *ἄνδρος* dicta. E fluvii maxime memorabiles Ladon et Erymanthus. Beue nondum audentia, tanquam animantia, quae se considerant in viscera matris, vs. 274. De *labi* vide super ad lib. Metam. I, 189.

409. *redit, itque*) ut VIII, 163: *refluitque, fluitque*. — *Nonacrina*. *Nonacrus*, mons Arcadiae, vid. Munker. ad Hygin. fab. 177. Et haec res gesta est in Nonacriuo monte. Hygin. P. A. Lactant. in Arg. — *Hæsit in virgine*, captus eius pulchritudine constitit. Hinc *haerere* et *adhaerere* de amantibus: vid. ad XIII, 906. *Virgo* illa Aniotho fuit Megisto, Lycaonis neptis, Cetei filia. A cæteris *Callisto* nominatur; eumque Lycaonis filiam fecere Eumelus, Hesiod., Pausan., Hygin. et auctor versuum Creticorum, quos ille laudat. Alii aliter; vide Apollod.

410. *accepti*) Schæpper malebat *accens* aut *accensis* caluere. Male. — *Accepti* non est mutandum. Virgil. Aen. VIII, 389: *ille repente Accepti solitam flammam*. — *sub*, in.

411-416. *Non erat huius opus etc.*) Apollod. *ἄνδρος Ἀρτίμυθος τὴν αὐτὴν ἐξέστη εὐλαὴν φορεῖσθαι*. Hoc ornavit Noster, etiam per comparationem cum aliarum puellarum studiis. Cf.

XIV, 264 seq. Verbis *lanam mollire trahendo* describitur carminatio. Manipuli laeae radiis per instrumentum quoddam ferreum trahuntur, ut a sordibus purgantur et mollescant: vide Scalig. ad Tibull. I, 6, 80.

412. *positu variare comas*) Varia compositione ornare capillos solebant Nymphae amoris indulgentes. Medic. Fac. 19: *Fulvis odoratos positu variare capillos*. Amor. II, 8, 1: *Ponendis in mille modos perfecta capillis*. Cf. III Art. 151. De verbo *ponere*, vide ad I, 477. — *ubi fibula vestem* etc. In multis manuscriptis locus uetius sic legitur: *ubi fibula vestem strinxerat, eminus corpus iuvenale decorque*; in quibus manum alienam facile agnoscis. — Hanc varietatem non habent nostri Regii.

413. *coërcuerat*) collegerat. *Fibula* constringi solebat *vestis*, qua brevi utebantur viuentes, vel in humeris, vel circum pectus. De *vittis* vide ad I, 477. — *neglectos*, incompositos, in nodum negligenter collectos, ne dispersi incurrerent in humeris. — *laeve*, ut alibi *habilis arcus*. Cf. antem Virg. Aeneid. I, 318 seq.: *Namque humeris de more habilis suspenderat arcum* etc. — *Miles Phoebe*, venatrix et comes Dianæ, ut Peneis I, 475 seqq.; et Syrius vers. 694 seqq. Pro-

Gratior hac Triviae; sed nulla potentia longa est.
 Vtterius medio spatium sol altus habebat;
 Quum subit illa nemus, quod nulla ceciderat aetas.
 Exiit hic humero pharetram, lentosque retendit
 Arcus; inque solo, quod texerat herba, iacebat; 420
 Et pictam posita pharetram cervice premebat.
 Iupiter ut vidit fessam, et custode vacantem,
 « Hoc certe coniux furtum mea nesciet, inquit:
 Aut si rescierit; sunt o, sunt iurgia tanti? »
 Protinus induitur faciem cultumque Dianae: 425

pter similitudinem belli et venatus, milites et venatores inter se comparantur, et plerumque vocabula utrisque sunt communia. Horat. l. Ep. 2, 67, *militare de cane venatico*.

416. *Triviae*) Diana *Trivia*, praeses triviorum, quae venari solebat etiam in *Maenala*, de quo ad l. 216. — *Gratior*. Hyg. P. A. d. l. ex Hesiodo, a qua non mediocriter esse dilectam propter utriusque consimilem naturam; Il Fast. 157, Diana esm, postquam iurata perpetuam virginitatem promiserat, principem facit comitum. Sequitur sententia vera, unde lector exitum rei divinare potest. Est autem potentia gratin, qua valeamus apud alios.

417. *Vtterius* *medin spatium sol habebat*) iam meridiem pertransierat. *Habere spatium*, illud emensum esse cursum; Il Fast. 164: *Aut plus aut medium sole tenente diem*. B. — *Habebat*. Duo agebat, quod non improbat Burm. — Nostri Codices habebat, — ceciderat. Noster Codex Reg. B reciderat, et supra a secunda manu exciderat. LEM. — In sacris nemoribus et vetustis non licebat arbores caedere. Conf. III, 28; VIII, 329; IV Fast. 649. Tule igitur nemus densum et umbrosum.

419. *Exiit* ornate: depositis ar-

mis humi quievit. — *lentos*, e ligno flexibili. — *quod texerat herba*, exquisitius quam herboso; admonet enim nos, herbam vices vestium stragularum praestitisse. Venantes, ad imitationem vitae militaris, quiescentes capiti saponabant arma. Cerda ad Virg. Aen. VII, 460. — *pictam*, distinctum, nisi auro argentove, certe ebore aut cornu. — *posita*, recumbente. — *custos* potest arbitrum significare, ut custode vacans sit idem quam 544, *in-observata*. Sed etiam virginum et nuptiarum custodes erant: Il Amor. 4, 23. Petulanter loquentem Iovem inducit.

424. *sunt o, sunt iurgia tanti?*) Cod. Reg. B, *sunt o, tua iurgia tanti*. Quae lectio non reiicienda mihi videtur; scil. *hoc furtum mea coniux certe nesciet: fac tamen id rescierit; uxor, suntne tua iurgia tanti?*

Quae m'importe, à ex prius, la jalouse querellait Vividior sane ista apostrophe: et ita intelligit Gierig. Vide seqq. LEM. — *tanti esse* dicuntur, quae tam gravis sunt, ut eorum causa aliquid vel faciamus, vel omittamus. Suavitas quaedam inest in interrogatione et in repetito sunt. Nota etiam *hoc certe*.

425. *Protinus induitur* etc.) Vul-

Atque ait, « O comitum, virgo, pars una mearum,
 In quibus es venata iugis? » De cespite virgo
 Se levat; et, « Salve numen, me iudice, dixit,
 Audiat ipse licet, maius Iove. » Ridet, et audit;
 Et sibi praeferri se gaudet, et oscula iungit, 430
 Nec moderata satis, nec sic a virgine danda.
 Qua venata foret silva narrare parantem
 Impedit amplexu; nec se sine crimine prodit.
 Illa quidem contra, quantum modo femina possit,
 Adspiceres utinam, Saturnia, mitior esses! 435
 Illa quidem pugnat: sed quae superare puella,
 Quisve Iovem poterat? superum petit aethera victor
 Iupiter: huic odio nemus est, et conscia silva;
 Vnde, pedem referens, paene est oblita pharetram
 Tollere cum telis, et, quem suspenderat, arcum. 440

garis erat traditio, Iovem assimilatam esse Dianae. Alii narrabant, eum Apollinis formam summasse: vide Apollodor. Cum nostro consentit et Amphias apud Hygin. P. A.; sed ille suo modo persequutus est; induitur cultum Dianae, cingitur ritu Dianae, et sumit arcum cum pharetra. De his armis cultus etiam X, 517. Arcum autem aureo insignis erat illa I, 696 sq. Male Burm. dubitabat, annon ex manuscriptis quibusdam praeferret cultumque, ex levissima illa causa, quia interdum cultus et facies coniunguntur. Etiam Lactant. in Arg. cultumque legit: *Fatigatae ornatus pharetra sagittisque, velut Diana, occurrat.* — *pars una pro una simpliciter:* II Fast. 156, *sacri pars una chori.*

429. *numen maius Iove*) Ingeniose, ut indicet, ex aliena quoque forma Iovis maiestatem eluxisse. — *sibi praeferri.* Talis, ut arguta, amat Ovid. — *oscula etc.* XIV, 658: *oscula,*

qualia nunquam Vera dedisset anus; IX, 538: *oscula non sororia.*

433. *Impedit amplexu*) Propter narrare parantem, possis impedire seu su vulgari sumere. Exquisitius tamen dictum est, si impedire amplexu explicas per amplecti, ut tropus a vitibus petitus sit, quae retinacula impediunt, cingunt; III, 664. Ita impedire etiam vs. 868. *Complexibus ambire* XII, 328.

434. *Illam quidem*) Apollod. ἀποστήναι ἐν νύκτι. Illud ἀποστήναι Noster pluribus persequitur. — *possit;* Codices nostri posset.

437. *superum lumen coelum* vocarunt Ennius, Lucretius et Virgilius. — *nemus.* Duo, *Venus;* forte ne poeta bis idem dicere videretur. — *Nostri, nemus.* — *Nemus et silva passim coniunguntur,* ut I, 568; vide Burm. — *conscia poetis dicuntur loca,* in quibus aliquid stupri. *Conscia silva* stupri ab Iove illati. LEM. — *paene est etc.*

Ecce, suo comitata choro Dictynna per altum
 Maenalon ingrediens, et caede superba ferarum,
 Adspicit hanc, visamque vocat: clamata refugit,
 Et timuit primo, ne Iupiter esset in illa.
 Sed postquam pariter Nymphas incedere vidit, 445
 Sensit abesse dolos; numerumque accessit ad harum.
 Heu quam difficile est, crimen non prodere vultu!
 Vix oculos attollit humo; nec, ut ante solebat,
 Iuncta Deae lateri, nec toto est aginine prima:
 Sed silet; et laesi dat signa rubore pudoris. 450
 Et, nisi quod virgo est, poterat sentire Diana
 Mille notis culpam: Nymphae sensisse feruntur.
 Orbe resurgebant lunaria cornua nono;

Haec verba bene notant summam Callistae perturbationem.

441. *Dictynna*) Diana, sic dicta a *δύκτιος*, a *retibus*, e quibus unam comitum suarum servaverat: vide Callimachi h. Dian. vs. 198, ibique Spanhem. Vide tamen Heynii Excursum ad Virgilii Ciri. Dianae vero datae sunt etiam *χαρίτιδες* nymphae (Callimachus vs. 13, 170), quibuscum chorus exercebat: Virg. Aeneid. IV, 409. Ex opinione enim Veterum nulla vita bestia Deorum sine choreis: vide Heynii Excursum XX ad Aen. lib. I: adde Spanhem. ad Callimachi hymnum Dian. vs. 3, 242. Hoc loco tamen chorus videtur omnino coetus Nympharum esse. Nam pro eo, versu 446, numerus; v. 449 agmen; versu 463 coetus. Sed et II Fast. 156, *sacer chorus* Dianae, quem Hamadryades fecerunt. Erat autem chorus eius numerosissimus. Virg. Aeneid. I, 500: *per iuga Cynthi Exeret Diana choros*; *quam mille secutae Hinc atque hinc glomerantur Oreades*.

442. *superba*) Superbus de victoribus, et iude de venatoribus post

multas domitas feras. Noster ipse II Fast. 163 explicat: *Mille feras Phoebe silvis venata redibat*. — *Clamata* significantius quam vocata. Quum nymphea simularet, se leuem vocem non audire, Diana *clamabat*; vide Burmannum: *clamore vocare* dixit Sil. IV, 597.

447. *Heu quam difficile est etc.*) Gravis et vera sententia. Via malae conscientiae et perturbati animi pudore amisso egregie hic notatur. In seqq. illa ipso, quae ex Hesiodo Hygin. refert, exornata.

449. *toto est agmine*) Hinc. malebat *toto ex agmine*.

452. *Nymphae sensisse etc.*) Perstringit et hic libidinem Nympharum, quae plus virgine scirent: videantur Burmannus et Safflius ad hunc locum.

453. *Orbe resurgebant*) Nono mense quum partui vicinus esset Nympha: orbe, in orbem. Plinius N, 295: *tamque coactis Cornibus in plenum novies lunariis orbem*; VII, 179, *ut cornua tota crearent Efficerentque orbem*. Adde ibid. vs. 530.

Quum Dea venatrix, fraternis languida flammis,
 Nacta nemus gelidum, de quo cum murmure labens 454
 Ibat, et attritas versabat rivus arenas.
 Vt loca laudavit, summas pede contigit undas:
 His quoque laudatis, « Procul est, ait, arbiter omnis:
 Nuda superfusus linguamus corpora lymphis. »
 Parrhasis erubuit: cunctae velamina ponunt: 460
 Vna moras quaerit: dubitanti vestis a lenta est:
 Qua posita, nudo patuit cum corpore crimen.
 Attonitae, manibusque uterum celare volenti,
 « I procul hinc, dixit, nec sacros pollue fontes, »
 Cynthia: deque suo iussit secedere coetu. 465
 Senserat hoc olim magni matrona Tonantis,

454. *Quum Dea venatrix, fraternis*) Codex Regius A, *Quum Dea venatu, fraternis*; alter vero B, *Quum Dea fraternis venatu. Venatu*, id est venando, inter venandum *languida*; quae lectio mihi genuina videtur; at importunus est ordo phras. *Fraternis languida flammis*; defessa fervoribus Solis, fratris sui, LEM. — *labens ibat*, labebatur, ut III, 388: *egressaque silvis Ibat*, egrediebatur. Homer. II. B, 302: ἔχεν ὑπερῶντι, id est ὑπερῶν. — *et attritas etc.*, descriptio limpidi rivi. — *contigit*, nempe tendendi causa. Omnia per partes describit. — *arbiter*. IV, 63: *Conscius omnis abest*. Quomodo Diana tingui aqua sit solita, ex III, 171 seq. videmus.

459. *linguamus*) Heinsius suadet *tinguamur* e graeci mo. — *Parrhasis*, Callisto soror Parrhasii qui Parrhasida condidit in Arcadia; et haec olim Parrhasia dicta fuerat. LEM.

461. *dubitanti*) Alii *cunctanti*, quod e glossa fluxit; sed Burnanno utrumque verbum nimis languidum videba-

tur, conjecturabat ergo *hastanti*. — Perperam: nostri Codices habent *dubitanti*. LEM. *Dubitanti*, cunctanti, moras querenti, secum d. liberanti; de quo usu vide Gronov. ad Senec. Thyest. 715. Ex more suo scribere debuisset: *Vna dubitat; dubitanti etc.*

464. *sacros*) Deo alicui consecrati sunt omnes fontes; vide Ciofan. II Fast. 174: *Nec castas pollue, dixit, aquas*. Etiam h. l. Heinsius suadebat *castos*, sine causa: etenim etiam in *sacros et pollue* iusta est oppositio. — *Cynthia*. Diana, a Cynthio Deli monte, ubi nata. LEM. — *secedere coetu*. Secundum alios a Diana vel sponte, vel Iunone incitante, sagittis confossa est: vide Apollod.

466. *Senserat hoc olim etc.*) Sequitur mutatio ipsa, quam alii, ut Amphibis et Theon, in Arist. Dianae, alii Iovi, ut Iunonem falleret, tribuebant. In principio poeta sui est dissimilis, nimisque brevitate paulo obscurior; et ne hoc quidem meminit, quomodo Iuno in terram descenderit. — *matrona*, coniux ut VI, 581. *altus To-*

Distuleratque graves in idonea tempora poenas.
 Causa morae nulla est: et iam puer Arcas, id ipsum
 Indoluit Iuno, fuerat de pellice natus.
 Quo simul obvertit saevam cum lumine mentem; 470
 « Scilicet hoc unum restabat, adultera, dixit,
 Ut secunda fores; fieretque iniuria partu
 Nota, Iovisque mei testatum dedecus esset.
 Haud impune feres: adimam tibi nempe figuram;
 Qua tibi, quaque places nostro importuna marito. » 475
 Dixit: et, adversa prenis a fronte capillis,
 Stravit humi pronam: tendebat brachia supplex:
 Brachia coeperunt nigris horrescere villis,
 Curvarique manus, et aduncos crescere in ungues,
 Officioque pedum fungi; laudataque quondam 480
 Ora Iovi, lato fieri deformia rictu.
 Neve preces animos, et verba potentia flectant,

nans etiam I, 170, olim. Apud Pansan. illico deprehensam mutat. — *Arcada*, auctore Hesiodo, iam ursae facta peperit. Ab eo Arcadiae nomen inditum esse multi Veterum putabant.

470. *obvertit*) Duo *advertit*. — Codices nostri Reg. *obvertit*. — *obvertit* etiam Heroid. XIX, 191, legitur. — *Quo simul obvertit*. Postquam, inquit, convertit et oculos et animum in Arcadem, e Calistone natum, ex-candescere coepit. *Quo*, in quem puerum. *Lex*. — *saevam*, ultionis cupidam. — *Scilicet*, vox indignantis. — *iniuria*, nempe mihi illata. — *dedecus de adulterio*, etiam IX, 26. Similes Iunonis querelae III, 266 seqq.

474. *nempe*) Non solum affirmantis est (certo), sed hoc loco etiam simul minantis et stomachantis. *VEN.* Multum igitur praestat *ut namque*, quod alii habent.

476. *adversa*) Plerique veteres *ar-reptam* aut *adversam*, aut *aversam*, aut *aversa*. Heinsius nescit quid inde exculpat, et plures proferit coniecturas. Forte praestat *adversam*. Vido Burmannum ad Amor. I, 9, 2. — Codex Reg. A, *arreptam sparsis*; Cod. B, *aversam prenis*.

477. *tendebat brachia*) Haec verba saepius repetit, etiam vs. 580; nunc melius omisisset, quam praecedat *pronam stravit*. Ita lector eam cogitaret e lapsu pronam, pronae statim ursae formam accepisse.

480. *laudata Iovi*) Quae pulchra visa erant Iovi; vide Burmannum ad Phaedr. I, 12, 1.

482. *Neve preces animos etc.*) Manuscripti omnes, praeter unum, qui habet *superflua*, praeferrunt *verba precantia*, quod ferri nequit, quia praecedunt *preces*. Heinsius suadebat, *truces animos per verba precantia*. Sed

Posse loqui eripitur: vox iracunda, minaxque,
 Plenaque terroris rauco de gutture fertur.
 Mens antiqua tamen facta quoque mansit in ursa; 485
 Adsiduoque suos gemitu testata dolores,
 Qualescumque manus ad coelum et sidera tollit;
 Ingratumque lovem, nequeat quum dicere, sentit.
 Ah! quoties, sola non ausa quiescere silva,
 Ante domum, quondamque suis erravit in agris! 490
 Ah! quoties per saxa canum latratibus acta est,
 Venatrixque metu venantum territa fugit!
 Saepe feris latuit visis, oblita quid esset;
 Vrsaque conspectos in montibus horruit ursoꝝ;
 Pertimuitque lupos, quamvis pater esset in illis. 495
 Ecce Lycaoniae proles ignara parentis,
 Arcas adest, ter quinque fere natalibus actis:

neque *truces animi* hic satis placent, *nec flectere per verba* poeticum est. Ita recepi cum Burmanno ex ipsius coniectura *verba potentia*, quae lectio, nisi vera est, bonum tamen sensum ministrat. — Codd. nostri tamen, *precantia*. — *animos*, iram Iunonis. — *potentia*, efficacia, multum valentia, ut *potentes herbae*, de quibus supra. — *Posse loqui*, facultas (τὸ δύνασθαι) loquendi: XI, 177, *posse moveri*; Hor. I, Ep. 7, 27: *reddes dulce loqui*. Sed et apud Græcos infinitivum sine articulo vim substantivi habet.

485. *Mens antiqua tamen*) Nostri Codices, *mens antiqua manet*. Quam lectionem praetulerim; proprium est enim Ovidio voces repetere. *Mens antiqua manet*, dum sit ursa, id est in acta ipso; *mens antiqua mansit* quoque, quum facta est ursa. Haec repetitio non tam iugrata mihi videtur quam tautologia *tamen* — *quoque* in eodem versu. LEM. — *facta*, quae

ex alia in aliam rem recenter mutata est. Ita I, 566, *facti rami*.

487. *Qualescumque manus*) Pedes, qui qualicumque modo manuum vires praestabant; confer I, 730.

489. *sola*) deserta. — *oblita quid esset*; oblita se esse ursam ac feram. LEM.

495. *Pertimuitque lupos, quamvis pater Lycaon* (unde ipsa *Lycaonia*) olim in lupum esset versus. Vltima ad haec verba disputarunt Interpretes; sed talia non urgenda sunt in Ovidio. Illustrare voluit inde a versu 489, illud *mens antiqua mansit*, et simul tristem fortunam inde eandem indicare.

496. *ignara parentis*) Et mox versu 503, *nescius*, non agnoscens matrem, aut nesciens matrem esse in ursam mutatam. Hunc occursum autem Ovid. ipse haud dubie finxit.

497. *adest*) saepe de repente adventu. — *fere natalibus actis*. Vulgo *ferens natalibus annos*, quod Hei-

Dumque feras sequitur, dum saltus eligit aptos,
 Nexilibusque plagis silvas Erymanthidas ambit;
 Incidit in matrem; quae restitit Arcade viso, 500
 Et cognoscenti similis fuit: ille refugit;
 Immolesque oculos in se sine fine tenentem
 Nescius extimuit; propiusque accedere aventi
 Vulnifico fuerat fixurus pectora telo.
 Arcuit omnipotens, pariterque ipsosque nefasque 505
 Sustulit; et celeri raptos per inania vento
 Imposuit coelo, vicinaque sidera fecit.
 Intumuit Iuno, postquam inter sidera pellex
 Fulsit; et ad canam descendit in aequora Tethyn,

aius relicit, ut non latinum. Burmannus monet *gerere* annos recte dici, argo et *ferre*. — Lectio vulgata, quae est Codicum nostrorum, servari posse mihi videtur. LEM.

499. *Erymanthidas*) Arcadicas. Erymanthus quippe Arcadiae mons est, celebris apud quem Hercules caedit. LAM. — *ambit* exquisitius quam *circumdat*; sic VI, 101. *circuire* pro *circumducere*.

503. *Nescius*) Vide notam ad 496. — *extimuit*. Gebhardus e duobus MSS. protulit *intimuit*, cuius tamen verbi auctoritas dubia Burmanno recte videtur. — Bene *extimuit* ex nostris Codicibus Regiis. — *aventi*. *Avere*, verbum Lucretio familiare, notante Heiusio, Burmannus conferre iubet Bentlei. ad Horat. I, Epist. 14, 9. — *telo* bene Codex Reg. A; Cod. B, *ferro*; e glossa. LEM.

506. *Sustulit*) In dialogis positum est. Rapuit et terris *ipsos*, et prohibuit *nefas*, eadem matris. — *Inania*, aër et aether. — *vicina sidera*, Arctos maior et Arctophylax, de quibus ad vs. 132 et 176, vidimus. Ita autem et Amphib apud Hygiu. et Eratosth. cap.

8. Carteri de filio inter sidera relato silent.

508. *Intumuit Iuno* etc.) Quod sub finem huius loci narratur, sidera illa in aequore tingui vetita esse, id Noster ab antiquis traditum acceperat. Lactantius in *Arg.*: *A Tethy et Oceano non tingitur, ut Hesiodus indicat*. Similiter Hygin. P. A. et in versibus Creticis apud eundem fab. 177. Quomodo autem Ovidius hoc tractavit? Nempe iter Iunonis finxit et orationem acerbissimam ad Deos marinos; in quo ante oculos Virgil. Aeneid. I, 35-75 habuit, ubi Iuno Aeolum adit auxilii implorandi causa, et Aeneid. VII, 292 sqq. ubi ad Acheronta descendit. In omnibus his locis similes querelae, nihil se efficere posse, sed ad auxilium aliorum confugiendum.

509. *canam*) Spumais, nec non aetate, ut quae omnium rerum, immo ipsorum Deorum mater; Iliad. II, 201: *Ἀστὴρὸς τε Θέω τε γένεσθαι καὶ μῆτρ' ἔσθαι*. Tethys Coeli et Vestae filia fuisse dicitur, uxor Oceani ac Iunonis nutrix, multorumque Deorum mater, unde ei atque Oceano magna reverentia. LEM. — *sonex*

Oceanumque senem; quorum reverentia movit 510
 Saepe Deos; causamque viae scitantibus inquit:
 « Quaeritis, aethereis quare regina Deorum
 Sedibus huc adsim? pro me tenet altera coelum.
 Mentiar, obscurum nisi nox quum fecerit orbem,
 Nuper honoratas summo, mea vulnera, coelo 515
 Videritis stellas illic, ubi circulus axem
 Ultimus extremum spatiumque brevissimus ambit.
 Est vero, cur quis Iunonein laedere nolit,
 Offensamque tremat, quae prosim sola nocendo?
 En ego quantum egi! quam vasta potentia nostra est! 520
 Esse hominem vetui; facta est Dea: sic ego poenas
 Sontibus impono; sic est mea magna potestas.

Oceanus fingitur etiam in monumentis antiquis: vide Gronovium, ad Melam, lib. III, 1, initio, ubi effigies eius expressa. Omnino Dii marini senes habebantur, unde *cana Tethys*. Senectus parit reverentiam, quae illi Deos movent, impellunt, ut ab ipsis auxilium petant.

512. *Deorum*) Tres Codices *Deorum*, non improbane Burmanno. — *Deorum* bene ex Codicibus nostris Regis, nam Iuno erat regina Deorum. Lxm. — *Quaeritis* etc. In hac oratione Iuno magis dolet se speratam, quam adulterio coniugis laesam; furta enim eius, quibus diu adsueta (1, 606), minus curabat. Ira autem ex contentu bene expressa. Satis invidiose statim in principio irrumpit in rem, pro me tenet altera, alia, coelum; ut IX, 146: *thalamos tenet altera nostros*. Seneca Hercules Fur. initio, ubi Nostrium imitatur: *pellices coelum tenent*.

514. *Mentiar*, non nisi in uno, unde Heinaius recepit. Aequè recte ceteri omnes, *mentior*. Vide Bur-

mannum. — *Mentior* habent nostri Codices A et B. De forma loquendi, *mentiar* aut *mentior*, si, vel *nisi*, vide Heinaius ad III, 271, et Burm. ad hunc locum, qui laudat Homer. II, K, 534: *ψεύσομαι ἢ ἔτρουσι πίσιν*.

515. *Nuper*) Monet Schirach. contra Gesnerum, ex hoc loco *nuper* non modo ad menses et dies (adde ad annos et secula adeo) referri, sed etiam, ut hoc loco, ad horas. — *vulnera*, qui dolores alteri creat. — *honoratas stellas*, in numerum stellarum receptos, atque adeo honore divino affectos. — *summo coelo*, iuxta polum, qui maxime elevatus supra finitorem. Hunc ambit circulus polaris, qui, ut è sphaerae ratione sponte intelligitur, brevior est ceteris. Docte cum Astronomis Iuno loquitur.

517. *ambit*) Nonnulli *exit*, quod Heinaius venustum videtur. Vade vero illa venustus? Circulus axem non *exit*, sed *ambit*. — Nostri Cod. *ambit*.

518. *vero*) Cum indignatione interrogantis est. — *Iunonem*, cum vi, pro *me*. Virg. Aen. I, 48: *Et quis-*

Vindictae antiquam faciem, vultusque ferinos
 Detrahat; Argolica quod in ante Phoronide fecit.
 Cur non et pulsa ducat Iunone, meoque
 Collocet in thalamo, socerumque Lycaona sumat?
 At vos, si laesae contemptus tangit aluminae,
 Gurgite caeruleo septem prohibete Triones;
 Sideraque in coelo, stupri mercede, recepta
 Pellite; ne puro tinguatur in aequore pellex.»

525

530

IV. Di maris adnuerant: habili Saturnia curru

quam numen Iunonis adoret *Præterea*, *ant* *supplex* aris imponat honorem?

523. *Vindictae*) Vindicamus ea, quorum possessione excidimus. — *Argolica Phoronide*, deest in; vide Burmannum. Male olim legebatur *quod in ante*. — Attamen noster Codex A habet *quod in ante*, et ita cum Varior. edit. reposuimus. *Quod in ante Phoronide*: quod ante in Phoronide, id est in Io, Phoronidis nepte; quae quum in vaccam, Iunonis metu, fuisset conversa, humanae tandem formae a Iove fuit restituta. LEM. — Bene autem Ius exemplum adfertur; fabulae enim simillimae sunt: in utraque Iovis amores, Iunonis ira, mutatio in feram et inde in Deam. Hinc et earum statuae vicinae in Atheniensium arce. Pausan. I, p. 59.

525. *et pulsa*) quidam, *expulsa*. — Codex noster A, *expulsa*. — *pulsa*, *expulsa*, ut Heroid. IX, 131, ubi vid. Heinsius. — *socerumque* etc. acerbius. — *sumere*, solemus in hac re.

527. *tangit*) commovet. — *aluminae*. Iuno a Tethy fuit nutrita et educata. LEM. — *Gurgite* etc. Vide ad vs. 172, ubi rem illustravimus, et ad 508. *Gurgite*, aqua, *caeruleo* ornat. — *septem Triones*. Hygin. fab. 177: Iupiter stellam fecit, quae So-

ptemtrio appellatur. Lact. ad Stat. III Theb. 685: *Vrsa maior vocatur Septemtrio*.

529. *in coelo recepta*) Vt Heroid. VI, 20: *in parte recepta tori*. Mare vocatur *purum*, quia habet vim expiandi, quam ei tribuerunt Veteres, haud dubie propterea quod cadavera in litus eiecit. Senec. Nat. Quaest. III, 26.

531-632. *Di maris adnuerant* etc.) *Corvus candidus in nigrum*. Coronidem, Phlegyne, bellatoris maximi, filiam amabat Apollo. Sed quum illa etiam Ischyn quemdam (vide Muncker. ad Hygin. fab. 102) admisisset, Apollo Coronidem interfecit, Asclepiumque ex utero exsecum educavit; corvum autem qui ingratum eius adulterii nuntium ipsi attulerat, ex albo in nigrum commutavit. Fabulum Pherecydes, Hesiodus et Ister narraverunt. Habent eam Pindar. Pyth. 3, ibique Schol. Apollod. III, 10, 3; Hygin. fab. 202, et A. P. II, 40, ex Iatro. Pausan. I, pag. 170 sqq., triplicem de Coronide et Asculapii natalibus traditionem servavit, quarum una cum Ovidiana conspirat, nisi quod Coronis a Diana interimitur, Aliam ex Argivorum carminibus sumit. Ex illa Phlegyas, bellator ferocissimus Thessalicae, quum in Pelp-

Ingreditur liquidum pavonibus aëra pictis:
 Tam nuper pictis caeso pavonibus Argo;
 Quam tu nuper eras, quam candidus ante fuisses,
 Corve loquax, subito nigrantes versus in alas.
 Nam fuit haec quondam niveis argentea pennis
 Ales, ut aequaret totas sine labe columbas;
 Nec servaluris vigili Capitolia voce

531

ponnesum speculatum venisset, filia enim secuta Aesculapium parit atque in monte quodam exponit, ubi eum capellae mammae nutritum et celestis igne fulgentem pastores reperiunt. Quae ad corvi decolorationem pertinent, ea inde orta videantur, quod in frigidis terris nigrae aves albescent. Aristot. H. A. III, 12. Caeterum huius fabulae duae aërae commodissime insertae sunt, *Corvæ filiae* in coruicem et *Nyctuaenes* in nocturnum mutatio. — *habilis*: Heinsius ex uno MS. molit *agili*; sine causa. In uno Mediceo *hilaris*, quod non improbat Burmannus. — Nostri Codices habent *habili*. — *Habilis* propter celeritatem, quoniam agitur: X, 717, *levis curvus* Veneris. Tibul. IV, 1, 130: *Iupiter ipse levi vectus per inania curru*. Horat. I, Od. 35, 8: *volucrum levis currum*. Virg. Aeneid. I, 147: *leves rotae Neptuni*. Senec. Med. 787: *Triviae curvus agiles*. Burmannus vero monet, *habilem* posse hic esse aptum Iunoni, ut apud Cicero de Orat. I, 251, *calcei habiles*.

532. *pavonibus pictis*) Pro pictis quidam *iunctis*, quod placet Heinso; sed Burmannus recte monet, repetitionem huius vocabuli vs. seq. adaequare vulg. — Nostri Regii, *pictis*. — *Tam nuper pictis* etc. In hoc transitu, in quo similitudo paulo altius repetita est, nec placere potest lectori eventus fabulae occupatus, atque adeo in fine non nisi uno versu repetitus. De

picta pavonum exuda vide I, 723. — *Quam tu nuper eras*. Corvus initio fuit candidus, sed quoniam eius indicio Apollo cognovisset Coronida amicum cum alio quodam invene rem habere, eamque sagittis interfecisset, puerumque Aesculapium exciso utro extraxisset, poenitentia ductus, corvum indicium, alibi aliquid praemii sperantem, ex alio nigrum fecit. LEM. — *alas* uniant, et omnino pennas plumasque intelligit *nigrantes*, nigrae: *vertitur in alas nigrantes*, vertitur sic, ut alae nigrescant.

536. *Nam fuit etc.*) *Alites* ex disciplina augurum dicebantur aves augurales maiores, in quibus corvus, *ales Phoebeus* (vs. 545) id est Apollini sacer et gratus, in cuius etiam corona sedentem nummi exhibent. Candidi corvi etiam hodie frequentes reperiuntur in terris borealibus; neque tamen illi toti albi, sed nigro colori admixtum habent candidum: vide Mullerum ad Linnæi Syst. Nat. t. II, p. 171. Sed olim, ex opinione poetarum, haec ales erat *niveis argentea pennis*, id est niveae seu candidae eius pennae referebant colorem argenti. Sic III, 406: *nitidis argentatus undis*.

537. *sine labe*) Sine macula nigra aut alius coloris. Schiösch. sine causa *totas* multum volebat in *totas*. Etenim *totas sine labe*, quae in toto corpore nullam maculam habent, significan-

Ovin. Op. Tom. III

K

Cederet anseribus; nec amanti flumina cyeno.
 Lingua fuit damno: lingua faciente loquaci, 540
 Cui color albus erat, nunc est contrarius albo.
 Pulchrior in tota, quam Larissaea Coronis,
 Non fuit Haemonia: placuit tibi, Delphice, certe,
 Dum vel casta fuit, vel inobservata; sed ales
 Sensit adulterium Phoebeius; utque lateulem 545
 Delegeret culpam non exorabilis index,
 Ad dominum tendebat iter; quem garrula motis
 Consequitur pennis, scitetur ut omnia coruix.
 Auditaque viae causa, « Non utile carpis,
 Inquit, iter: ne sperne meae praesagia linguae. 550

tius est coniectura illa. De *anseribus* tempore Manlii Capitolium servanti-
 bus, adscendentibus Gallis, res nota
 v. Livio V, 47. Hinc Lueret. IV, 687:
Romulidarum arcis servator, candidus anser,
 quem locum Noster haud
 dubie ante oculos habuit. Incunde
 autem hos nominavit pro *anseribus*
 in genere. — *loquacem linguam* etiam
 poetae hic observabis, si attenderis
 ad illa, *quum candidus ante foisses* —
fuit niveis argentea pennis ales — cui co-
 lor albus erat. — *contrarius* seu niger
 color inde dictus est *corvinus*, et *κόριν*
 Graecis est μέλας. BREM.

542. *Pulchrior etc.*) *Ἰασηέσσα Κορωνίς*
 dicitur in oraculo Pythiae apud
 Pansaniam, p. 171. — *quam Laris-*
saea Coronis. Codices nostri, quo
 (quondam) *Larissa Coronis*. Duae
 fuerunt Coronides, quarum altera ab
 Apolline, altera a Neptuno fuit ada-
 mata. LEM.

543. *Haemonia*) Thessalia (vid.
 ad I, 568), cuius urbs nobilissima
Larissa ad Peneum aemum. Omnia
 in hoc fab. ex Arcadia translata sunt
 in Thessoliam. Vide Burmann. ad vs.
 599 et Heynium ad Apollod. d. I. —

casta, quae non rem habuit cum alio
 praeter Apollinem.

545. *Sensit adulterium*) *Corvum*
 Apollo custodem addiderat Coronidi,
 ne quis eam violaret. Hygin. — *Phoe-*
beius ales; corvus propter anguriam, vati-
 cinia, praesagia, Apollinei sacer.
 LEM. — *Tendere iter, cursum, fugam*,
 phrases solemnes; subiungendae
 esse in his praeposit. *per*, monet Pe-
 rizon. ad Sancti Min. III, 3, p. 305.
 Drakenb. ad Sil. X, 73, explicat,
 celerare cursum. Celeritatis notio
 etiam inest in *motis alis*. — *scitetur*
ut omnia. Garruli enim et curiosi
 sunt rerum alienarum: *garrula cor-*
uix, *λαλιόυζα κόρωνις* Hesiod. Epy.
 vs. 747; Aristoph. Av. h. vs. 610. Hinc
 proverbium illud *λαλιότρος κόρωνις*.
 Anacr. IX, 36. Cf. Plin. Hist. Nat.
 X, 12, in it.

549-595. *Non utile carpsit etc.*) In-
 cunda est haec avium non voluntium
 confabulatio, cuiusque ope dans alias
 fabulas cognoscimus. Prioris origo
 ex nomine isto repetenda est, quum
 coruix Graecis *κόρωνις* diceretur. *Non*
utile, notum, figura litotes, qua ami-
 ci dissuadentes uti solent. — *vide*,

Quid fuerim, quid sinque; vide; meritumque require:
 Iuvenies nocuisse fidem: nam tempore quodam
 Pallas Erichthonium, prolem sine matre creatam,
 Clauserat Actaeo texta de vimine cista;
 Virginitibusque tribus, gemino de Cecrope natis, 555
 Hanc legem dederat, sua ne secreta viderent.
 Abdita fronde levi densa speculabar ab ulmo,
 Quid facerent: commissa duae sine fraude tuentur,

vex eorum, qui exemplis movent. — meritum, culpa, peccatum: vid. ad 279. — fidem, qua dedita erat Minervae. Commode adpersit aliam fabulam similis argumenti. *Cornix pulsa tutela Minervae.*

553. *Pallas Erichthonium* etc.) Vulcanus cum Minerva concumbere voluit. Sed quum Dea repugnaret, pudicitiamque defenderet, semen Vulcani in terram decidit, unde puerum natum ἀπὸ τῆς ἔρως καὶ χθονός (a certamine et terra) *Erichthoni* nomen traxisse dicunt. Hunc Minerva in cista, dracone appposito, servandum dedit Aglauro, Hersae et Pandroso, Cecropis filiabus; quae quum cistam aperuissent, cornix rem indicavit, sed ob ingratum nantium thētelē Minervae pulsa est. Iueptam hanc fabulam etymologica nominis Erichthonii interpretatio peperit. Antiquiores tantum Vulcani et Terrae filium eum dixerant. Id quom varie deinde tractatum sit, apparet ex Enrip. Ion. 267; Pausan. I, p. 41; Apollod. III, 14, 6; Hygin. P. A. II, 13; Fulgent. Myth. II, 14; Antigon. Hist. Mir. c. 12; Etymol. M. in Ἐρεχθίδος. Atque Heynii *Antiq. Aufsatze* P. I, pag. 42. De Cecropis filiabus, vide Pausan. pag. 7. — *Actaeo* ornatus causa additum, quia res gesta in Attica, quae olim *Acte*.

555. *gemino de Cecrope*) *Cecrops* a Graecis dictus est διπύγης haud dubie propterea, quod Aegyptio urianus in Graeciam pervenerat, et sic utrique genti numerari poterat. Hesych. διπύγης οἱ δὲν φύεται ἔχοντες. Hoc voc. ab. graec. Noster interpretatur *geminus*. Etiam Centauri, quos Isocrit. διπύγης vocat, et *geminus* sunt, ut vs. 630; VI, 126. Apollod. III, 14, 1: *Cecrops* ἀνδρὶς ἔχοντος ὀφιοῦς ἀνδρὶς καὶ ὀφίωντος. — *Cecrops* igitur fuit dictus *geminus* ac *biformis*, quod ex parte homo, ex parte serpens fuisse perhibetur. Demosthenes ideo hoc fictum dicit, quod et prudentia in consiliis summa esset, et in rebus agendis viribus atque audacia prae- celleret. LEM. — Post hunc versum 555 olim alius sequebatur, *Servandam dederat, sed non confessa quid esset*; tum sequebatur *Et legem* etc. Sed Heinsius, quum illud additamentum a priori Regio, priore Erfurt. et aliis duobus abesset, et praeterea Vaticanus, Verinus, et sex alii *Hanc legem* praeferrent, bene loco consuluit, illo versu eiecto, et hac lectione recepta. — Noster Cod. B habet versum istum *Servandam* etc. in margine appositum alia manu; deest in Codice A. LEM.

557. *levi — ulmo*) *levi* tantum ornatus. *Ulmus* cuius densis foliis facile

Pandrosos, atque Herse; timidas vocat una sorores
 Aglauros, nodosque manu diducit: at intus
 Infanteinque vident, adporrectumque draconem.
 Acta Deae refero: pro quo mihi gratia talis
 Redditur, ut dicar tutela pulsa Minervae;
 Et ponar post noctis avem: inea poena volucres
 Admonuisse potest, ne voce pericula quaerant.
 At puto, non ultro, nec quidquam tale rogantem

560

565

avis abscondi poterat. — *tuentur*,
 classum servant cistam, *sine fraude*,
 fideliter. *Dnae* apud Pausan. una,
 Pandrosos.

560. *Aglauros*) Ab Apollod. III,
 4, 2, *Aglauros* scribitur, quod Heyn.
 rectius indicat, quam contra Barnes.
 ad Eurip. Ion. 23, omnia illa loca,
 ubi haec scriptura occurrit, mutanda
 censent. — *nodos diducit*, *Nodi*
sunt ipsa vimina texta, quae didu-
centur, quando ab his, qui introspi-
cere cupiunt, distrahuntur: sic *nodi*
reti tribuntur nexilli, Virgil. Aen.
 V, 510. Eurip. *ἰὸντι τῶνδε*, solvisse
 arcum. Alii *ἀνέστειν*. Sed Noster spe-
cialem notionem subiicit. — *diducit*.
Veteres, deducit; Heins. conieciturat
seducit, sed bene *diducit*. — Nostri
 Codices Regii A et B habent *deducit*,
 — Plurali *vident* non debebat Schepp.
 offendi; Aglauros etenim arceuerat
 sorores diductis nodis.

561. *adporrectumque draconem*)
 Tradebant sane nonnulli, eum ha-
 buisse crura anguina, quemadmodum
 eum alii merum anguem fuisse salu-
 abantur. Hygin. d. l. Sed illam in-
 terpretationem non admittunt Ovidii
 verba. Is potius consentit cum Apol-
 lod. et Falgent; quorum hic, *Miner-*
sa eum abscondidit in cistam, draconem
apposito; ille plane, ut Noster, *vident*
τὴν βελτίαν παρρησιόπως ὁρᾶν,
vident

Apud Eurip. Ion. 22, et 1427, ei ad
 corporis custodiam duo dracones ad-
 iuncti. Sic et apud Antigon. *Dracon*
 ille sub Erichthonii nomine in statu
 Minervae cernebatur. Pausan. I, p.
 58. Hinc pars fabulae orta. — Quam
 poenam temeritatis passae sint istae,
 hic non additur. Nempe insanis cor-
 ruptae e praecepto loco se praecipita-
 runt. Eurip. Pausan. Apollod.

562. *Acta Deae refero*) Gesta a
 Cecropis filiabus Minervae nuntio.
 LEMAITRE.

563. *ut dicar*) Cornicem, ob gar-
 rulitatem, aversatur prudentiae Dea.
 In templis et lucis Minervae raro,
 Athenis omnino non adquiretur. L. x.
 — Animantia et arbores Diis sacras
 dicuntur in eorum tutela esse. Phaedr.
 III, 17. — *ponar post*, locum meum
 cedere coacta sim. — *volucres*, etiam
 homines, movere potest, ne voce, in-
 gratis nuntiis perferendis, criminibusque temere detegendis, sibi et aliis
 molestias creent.

566. *At puto, non ultro*) Ne corvus
 putaret, cornicem ideo pulsam esse
 tutela Minervae, quod ingrata ei fue-
 rit haec avis, monet, se a Dea ipsa
 ultro electam esse comitem; atque ita
 viam sibi pandit ad transformationem
 suam narrandum. *At puto* amat No-
 ster in obiectionibus quas removere
 vult: vide Met. III, 266; et XI, 425.

Me petiit: ipsa licet hoc ex Pallade quaeras;
 Quamvis irata est, non hoc irata negabit.
 Nam me Phocaica clarus tellure^o Coroneus,
 Nota loquor, genuit: fueramque ego regia virgo; 570
 Divitibusque procis, ne me contemne, petebar.
 Forina mihi nocuit: nam quum per litora lentis
 Passibus, ut soleo, summa spatiarer arena,
 Vidit, et incaluit pelagi Deus: utque precando
 Tempora cum blandis consumsit inania verbis; 571
 Vini parat, et sequitur: fugio, deusumque relinquo
 Litus, et in molli nequicquam lassor arena.
 Iude Deos, hominesque voco: nec contigit ullum
 Vox mea mortalem: nota est pro virgine virgo,
 Auxiliumque tulit: tendebam brachia coelo; 580
 Brachia coeperunt levibus nigrescere pennis.
 Reicere ex humeris vestem molibar; at illa
 Pluma erat; inque cutem radices ederat imas.

567. *ipsa licet hoc ex Pallade quaeras*) Codex noster Regius B pro *ex* habet *a*. Codex A versus hunc multo concinniorum et suaviorum, salvo carminis metro, exhibet: *licet hoc ex ipsa Pallade quaeras*. LEM.

569. *Nam me Phocaica*) Phocis regio Graeciae, finitima Atticae, unde *Phocaicus* deducitur. — *Coroneus*, Cod. Reg. B, *Phoroneus*. LEM. — In sequentibus nullum 569. — *Nota loquor* addit, quia iustales iactat. *Femine, ne me contemne*.

572. *nam quum per litora*) Heins. auctoritate Medicei et duorum Moreti, *clam*; male. — *summa spatiarer arena*. Virgil. Georg. I, 389: *Cornix sola in secca secum spatitur arena*. *Spatiantur* autem cornices *lentis passibus*, idemque incessus etiam virginum regiam decet.

571. *consumsit*) Codices nostri Ro-

gii, *absument*. — *molli*, pedibus cedens, quo facile lassantur currentes. Opp. *densum*, solidum; adquegius enim maris litus durecit. — *non contigit*, non exaudita est. IV, 104: *Vota — tetigere Deos, tetigere parentes*.

579. *pro virgine virgo*) Pallas perpetua gaudens virginitate. LEM. — Claud. XXIV, 207: *stansulat communis in arma Virginitas*.

580. *tendebam brachia coelo*) Singula membra in acta quodam mutantur: coelo neque recte ac ad coelum. *Brachia* melius in ulnas mutata fluxisset. Eadem autem verba 477 aeq.

581. *nigrescere*) Nonnulli habent *horrescere*, quod fluxit e versus 478. — Nostri Regii, *nigrescere*.

582. *reicere in tergum*, verbum in hac re proprium; vide Burnian. — *molibar*, *parabam*.

Plangere nuda meis conabar pectora palmis:
 Sed neque iam palmas, nec pectora nuda gerebam. 586
 Currebam; nec, ut ante, pedes retinebat arena:
 Sed summa tollebar humo: mox acta per auras
 Evehor, et data sum comes inculcata Minervae.
 Quid tamen hoc prodest, si diro facta volueris
 Crimine Nyctimene, nostro successit honori? 590
 An, quae per totam res est notissima Lesbon,
 Non audita tibi est, patrium temerasse cubile
 Nyctimenen? avis illa quidem; sed conscia culpa,
 Conspectum lucemque fugit, tenebrisque pudorem
 Celat; et a cunctis expellitur aethere toto. » 595
 Talia dicenti, « Tibi, ait, revocamina, corvus,
 Sint, precor, ista malo: nos vanum sperminus omen. »
 Nec coeptum dimittit iter; dominoque iacentem
 Cum iuvene Haemonio vidisse Coronida narrat.
 Laurea delapsa est, audito crimine, amanti; 600

584. *Plangere*) Vitiose Cod. Nor-
 stor B, *plaudere*.

586. *Currere*) quasi proelatio quaedam volatus, etiam XI, 336. Tum initium verbo tolli, denique successus verbis *acta corer* exprimitur. Apud Virgil. Aeneid. XI, 136, creatus adeo pius agitur ad sidera.

590. *Crimine Nyctimene*) Rursus alia adspersitur fabula, sed breviter, vs. 591-595. *Nyctimene* fuit vel Epopei, regis Leshiorum, vel, secundum alios, Nyctei filia. Vi eam compressam a patre, prae pudore abiisse in silvas, ibique a Minerva mutata esse in nocturnum, quae pudoris causa interdum lateat, scribit Hygin. fab. 204 et 253. Aliter Servius ad I Georg. 409, qui dicit hanc esse avis admiratiori.

591. *temerare*, incestu contaminare, pollucere, ut libro XV, 501.

Omnino est temeraria audacia aggredi et violare res sacras et illicitas, VIII, 742; XV, 75. Tibull. III, 5, 7: *temeranda sacra nulli virorum, conscia culpa* etc.; vide ad vs. 377. Noctua ideo lucem fugit, quod pupillam oculorum adeo laxam gerit et apertam, ut lucem diurnam ferre nequeat.

598. *domino*) Apollini. Lex. — *Cum iuvene Haemonio*. Hesiodus in fragmento a Strabone servato: ὄντι Ισχυρὸς Εὐστράτης γὰρ Κόρωνα. Ichny autem Apollo sagittis confecit. Apud Pindar. Pyth. 3, 46 sqq. Delphis versans hoc rescivit per artem suam fatidicam. Sed quoniam corvus avis auguralis, propterea is additus fabulae. De *Haemonia*, vide supra ad versum 543.

600. *amanti* habet non nisi quatuor Palatinus, unde Heinsius recepit.

Et pariter vultusque Deo, plectrumque colorque
 Excidit: utque animus tumida fervebat ab ira;
 Arma adsueta rapit; flexumque a cornibus arcum
 Tendit; et illa suo toties cum pectore iuncta
 Inlevitato traiecit pectora telo.

603

Icta dedit gemitum, tractoque a vulnere ferro
 Candida poeniceo perfudit membra cruore;
 Et dixit: « Potui poenas tibi, Phoebe, dedisse;
 Sed peperisse prius: duo nunc moriemur in una. »
 Hactenus; et pariter vitam cum sanguine fudit:
 Corpus inane animae frigus letale sequutum est.
 Poenitet heu! sero poenae crudelis amantem;
 Sequē, quod audierit, quod sic exarserit, odit:

610

Amantis, quod agnoscent reliqui, est ambiguum, potestque et cum *laurea* et cum crimine coniungi. — Nostri Codices Regii habent *amantis*; haec lectio, etsi ambigua, forsau vera est.

LEMMAIRE.

601. *vultusque Deo — excidit*) *vultus excidit* ei, cuius hilaritas mutatur in sollicitudinem et moerorem. *Color excidit*, quum vultum occupat pallor. Contrarium est *vultum recipere*, Fast. IV, 615. Bene autem sic notata animi perturbatio. Confer IV, 17, 129. Similiter Tibull. IV, 2, 4: *Ne tibi miranti turpiter arma cadant*. Propert. IV, 4, 19, de obstupescula virgine: *Interque oblitus excidit urna manus*. Liv. XXXIX, 34: *Adco perturbavit ea vox regem, ut non color, non vultus ei constiterit*.

602. *tumida ira*) Quae mox erumpitur est in vindictam, poenam, tropo petito vel a mulieribus parturientibus, vel a nubibus tempestatem imminantibus. Vide Schwartz. ad Plin. poneyr. 28. — *rapit de impetu inasculis*: V, 64, *pueris arripit*. Hoc

loco tamen, praefer unum, omnes, caput. Et saepe haec duo permutata sunt a librariis. *A cornibus*, quod cornua. — *pectora iungere* saepe de amplexu et concubitu.

605. *Inlevitato*, certo; vocabulum ab ipso Ovidio cusum, ut *indeclinatus*, *indeiectus* etc. — *tractoque a*; pro quibus Cod. Reg. A habet *tracto*; male repetitum ex praecedenti *traiecit*. LEM.

607. *poeniceo*, sive purpureo cruore; ita ποινικὸν αἷμα. Purpura cuius habet nigredinem sanguineam; Cassiod. lib. I Varr. Epist. 2. Cum purpureo cruore candida fere membra coniunguntur, auctore Homero. — Codex Regius A, *purpureo*; Codex B, *poeniceo*; purpureo glossam redolet. LEMMAIRE.

609. *duo nunc moriemur in una*) et ego et infans in utero conceptus. LEM. — *Corpus inane* etc. Hunc versum abesse mallem; adeo languet et otiosus est: *inane animae*, examinatum, ut alibi *inane sanguinis*. — *sequutum est*, occupavit.

Odit avem, per quam crimen causamque dolendi
 Scire coactus erat; nervumque arcumque manumque
 Odit, cumque manu, temeraria tela, sagittas:
 Collapsamque fovel; seraque ope viuere fata
 Nititur; et medicas exercet inaniter artes.
 Quae postquam frustra tentata, rogiisque parari
 Vidit, et arsuros supremis ignibus artus; 620
 Tum vero gemitus, neque enim coelestia tingui
 Ora licet lacrymis, alto de corde petitos
 Edidit: hand aliter, quam quon, spectante iuvenca,
 Lactentis vituli, dextra libratus ab aure,
 Tempora discussit claro cava malleus iclu. 625
 VI tamen ingratos in pectora fudit dolores,
 Et dedit amplexus, iniustaque iusta peregit;

614. *Odit avem*, corvum. *Crimen*, Coronidis consensitum cum *Haemonio* amore. LEX. — *nervum* et totum arcum. Post nomina partium non raro ponitur totum: *sagittas*, quippe *temeraria* (quibus ipse temere, importune usus erat) *tela*. Sic XIII, 401: *ut referat, Tyrrhina tela, sagittas*. Tibull. II, 6, 15: *fractus utinam, tua tela, sagittas*. Ita et Silius I, 322. — *nervumque*. Codices nostri Regii A et B in uno concordant, et habent *nec non; nervumque* nobis videtur emendatio recentiorum. LEX.

617. *Collapsam*) Codex Reg. A, *collisam*. — *Collabi* et *corruiere* dicuntur ii, qui morientes cadunt. — *fovel*, nempe amplexu, ut 339; X, 186. — *viuere fata*, morti eam eripere: *fatum*, ut *psipax*, de morte. — *medicas artes* et supra in se ipso (I, 524), et unum in unata, et X, 186 in Hyaciutho interfecto, *inaniter*, sine fructu, *exercebat*.

620. *Vidit*) Heins. ex Schol. Statii ad Theb. VI, 384, *dedit sensu*. Vc-

rum ille locum forsan memoriter laudavit. — *suprema*, omnia, quae in honorem et usum mortuorum sunt.

621. *neque enim coelestia* etc.) Nun licet Diis flere. Confer IV Fast. 521. Eurip. Hipp. 139, ubi Diana, *καὶ ἄστυ δ' οὐ Σίφω Σελάνδ' ἀστρον*. Fortasse haec quoque lex, ut illa, de qua mox ad vs. 678 dicemus, ab Euripide fieta, et ab Ovidio, qui saepe Enripid. exprimit, inde sumta. Hoc quidem certum est, Deos saepenumero ab hoc vel decore vel lege recessisse; ut exemplis bene multis docet Broukh. ad Propert. II, 13, 54.

622. *licet*) Heins. ex eodem Scholiaste adscitente uno MS. recipit *deet*. Illud taceat Broukh. — *alto*, profundo; *de corde*, ut alto pectore, I, 656.

623. *hand aliter* etc.) Superfluum et mira comparatio. — *Lactentis*. Nostri Codices Regii A et B, *lactantis*. — *libratus ab aure*: vide ad vs. 311. Cf. Virg. Aeneid II, 222, ubi multo melior similitudo.

627. *Iusta*) Sunt *funebria*, quod

Non tulit in cineres labi sua Phoebus eosdem
 Semina: sed natum flammis utroque parentis
 Eripuit; geminique tulit Chironis in antrum: 630
 Sperantemque sibi non falsae praemia linguae,
 Inter aves albas vetuit considerare corvum.

V. Semifer interea divinae stirpis alumno

nomen interdum additur; et vocatur *iusta*, quia debentur mortuis. Hinc *iusta* facere aut *peragere*, rite et debitis honoribus sepelire. *Iusta*, omnino modus certus, quo sollemnia officia tempore certo peragenda sunt, ut *iusta militaria* etc.: vide Gronovii Obs. IV, pag. 576. Additur *iniusta*, ἀνέπαιστος, quia iniusta nece affecerat Coronida; et quia eorum sese ingratum iniustumque auctorem damnabat. L.zm. — Sed hanc Schirach. reddit causam: « namque non admodum bene de eo fuerat merita Coronis. » — Iacobus Bononiensis interpretatur, porvas extemporales exsequias; legitque *iniustaque busta*. Notanda Codicum nostrorum Reg. lectio: Codex A, *iniustaque busta peregit*; alter vitiose, sed quod eodem reddit, *imbustaque iusta peregit*; vox *busta*, loco nota, in locum alterius transit, et lectionem Codicis A veram crediderim. L.zm. — Solvane erat amplexus et oscula dare in rogo ponendis. Propert. II, 10, 29. — *In cineres labi*, resolvi in cineres. Hor. IV, Od. 13, 28, *dilapsam in cineres juveni*. Arnob. VII, p. 251, *dissolutum in cineres labitur*.

629. *Semina*, prolem suam. Eurip. Iphig. Aul. 524: Σπέρματος ἀνέπαυτο ὕστερον ἐρίπαι. Sic III, 371, ex utero matris Bacchus eripitur. Virg. Aen. X, 315: *Lirhas exsecutus iam matre percuncta*, et hinc Phocho, Deo medicis, sacer. Ibi Servius monet, om-

nes exsecutos Phocho fuisse sacros.

630. *Chironis*) *Chiron*, Centaurus, Saturi filius, vixit tempore Argonautarum, nec solum artem chirurgicam invenit, sed aliis etiam artibus excelluit; itaque praestantissimi illius aetatis viri disciplina eius usi erant, Iason, Hercules, Achilles, alii. Plura de eius in genus humanum meritis habet Clemens Alex. Strom. lib. I, pag. 360. Vocatur *geminus*, et vs. 664, *biformis*, a natura Centaurorum. Horum formam e symbolica quadam imagine esse natam, tum Chironis fab. varie esse compositam, nec facile expediendum, monet Heynius in *Antiq. Anstætz*, P. I, p. 33. Habitat autem Chiron in iugo Pelii montis. Callim. hymn. Del. vs. 704.

632. *Inter aves albas*) Vetuit esse avem albam; sed bene considerare, avibus enim tribuuntur sedes. Phaedri I, fab. 3, 13; ubi vide Burn.

633. *Semifer interea* etc.) *Ocyrhoë*, Chironis filia, non contenta chirurgicam artem a patre didicisse, futurorum etiam scientiam a Diis impetraverat. Sed quum aliquando, invitâ Diis, et patri et Aesculapio infanti fata instantia coneret, repente conversa est in equum. Vide Hygin. P. A. II, 18, qui varias huius fabulae formas, etiam ex Eurip. Melanippa et Callimacho refert; tum Eratosth. 18. Sine dubio verum mulieris nomen fuit *Hippo*: vide 638, et inde transformatio ficta est. — *Semifer*,

Laetus erat; mixtoque oneri gaudebat honore.
 Ecce venit rutilis humeros protecta capillis 635
 Filia Centauri; quam quondam Nympha Chariclo,
 Fluminis in rapidi ripis enixa, vocavit
 Ocyrhoën: non haec artes conteula paternas
 Edidicisse fuit: fatorum arcana canebat.
 Ergo ubi vaticinos concepit mente furores, 640

quia inferior corporis pars *feri*, equi, figuram referebat.

634. *oneri*) Nempe educationis; de qua *oneriosior*, IX, 675. Chironis ope Aesculapius factus est *χρῖστος* et venator. Apollod. III, 10, 3. — *venit*, accessit ad patris autrum, in quo infans. — *protecta*, tecta. Capillos habebat sparsos in humeris, more vaticinantium. Cf. 673. Fast. I, 503, de Carmenta, *inmissis poppim atetit ante capillis*. Tibull. II, 5, 66: *luctavit fusas et caput ante comas*. De *rutilis* capillis, vide ad 319.

636. *Chariclo*) MSS. longe plurimi *Chariclo*, quod Naugerius, auctoritate Pindari et Schol. Apollon. ad I, 554, in *Chariclo* mutavit, eumque sequuti reliqui Editores.

638. *Ocyrhoën*) Sic, inserta litera h, scribendum putavimus. — Hae *Ocyrhoë* fuit nymphea, Oceani et Tethyos filia, sic dicta ab *ὄκρος*, *celer*, et *ρῆν*, *fluxus*; est enim velox-fluvius. LEM. — *Ocyrhoë* est, si viam verbi spectes, quae rapide fluit. Causa nominis additur, *Fluminis in rapidi* etc. Male igitur Heins. *rapidi* in *patris* mutatum volebat, ut fluvii filia fuisse designetur. Hygin. d. I.: *Euripides in Menalippa, Hippen, Chironis filiam, Thean antea appellatam dicit*. Etiam Cicerus Alex. d. I. tradit, Hipponem fuisse Chironis filiam, quae Aeolo nupsit. — *artes paternas*, Medicinam, Astronomiam, Mu-

sicam. LEM. — *Edidicisse*, Burmann. ex uno Vossiano, *Addidicisse*. Mox pro *canebat* sec. Palat. *movebat*, quod Gebhardo Crep. II, 5, placebat. Occurrit sane etiam Virg. Aen. I, 262, *fatorum arcana movebo*; sed hoc initium tantum fatorum canendorum significat, neque adeo h. l. convenit. Heins. ex Medic. ardebat *movebat*; quod verbum est vatum. Probat etiam Burmann. cui iugrata eiusdem soni repetitio in *arcana canebat*. Sed vide ad I, 299. — *Edidicisse*. Noster hoc vocabulum frequentat pro discere, cognoscere, VII, 99; XIII, 246; Heroid. VII, 180; III Pont. 7, 4, quibus in locis varietas notata. Neque Ovid. hunc eius usum novavit, ut Burn. putabat; sed ita et Tac. Div. I, 47; Tibull. II, 2, 12. — *fatorum arcana canebat*, vates erat. *Canebo* de vaticiniis et oraculis, quae olim versibus consignata edebantur. Nec tamen omnino displicet altera lectio, *movebat*. *Monere* enim proprie dicitur non modo augures et aruspices, sed etiam vel maxime oracula et vates.

640. *vaticinos*) Hoc restituimus, MSS. plurimorum auctoritatem sequenti. Heinsius, ex uno Vrbinate, iuvexerat *fatidicos*. Nonnulli, *fatidicos*. Non mirum est haec tria saepe esse permutata a librariis. — *Ergo ubi* etc. Describitur mulier *παρσημένης*, fatidica. Vaticinantes enim fu-

Incaluitque Deo, quem clausum pectore habebat,
 Adspicit infantem: « Totique salutaris orbi
 Cresce, puer, dixit: tibi se mortalia saepe
 Corpora debebunt: animas tibi reddere ademptas
 Fas erit; idque semel Dis indignantibus ausus, 645
 Posse dare hoc iterum flamma prohiberis avita:

rore divino rapi, menteque moveri credebantur, unde iulium *Ἰούλιον*, *Ἰουλιανόν*, dicebantur. Dicuntur *Deum accipere pectore, clausum tenere pectore, excutere pectore*. Senec. *Oedip.* vs. 298, vates pectore excutit *Daum*.

642. *Totique salutaris orbi*) Gerhardus legit *urbi*, et de Roma capit, quo translatus postea Epidaurio fuit Aesculapius. Mirificam profecto valem nobis exhibuit! — Nostri Codices Regii habent *totoque*; utrumque recte. LEM. — *Totiq. salutaris orbi.* Aesculapius enim adeo praestans in Medicina fuit, ut etiam Hippolytum ab inferis revocaverit; propter quod a Iove fulmine fuit extinctus, ac postea Deus effectus. LEM. — A Celso in praefatione, Aesculapius numeratur primus medicus, qui rudem adhuc scientiam paulo subtilius excoluerit. Clinicien reperisse traditur ab Hygin. fab. 274. Et nomen *ἰατρίης*, *salutaris*, multis in nummis ei tribuitur: vide Spanhem. de usu et praestantia numismatum, p. 416, et p. 500. Medicus enim felix salutem id est valetudinem reddit negotantibus.

643. *tibi se mortalia etc.*) Saepe valetudinem corporum suorum et vitam tibi debebant mortales. — *animas reddere ademptas*, mortuos in vitam revocare, tibi fas, possibile erit, in tua potestate erit. Pindari Pyth. 3, 83, narrat, eum herbarum succis, carminibus, amuletis et ferro mor-

bos sanasse, vulnera atque calore aut frigore male adfecta corpora, tum nvaritia adductum mortuum aliquem in vitam revocasse. Similia Pherecydes et Hesiodus tradiderunt, unde Schol. Eurip. ad *Alc.* 2, nonnulla adfert.

645. *semel animis*) Quem Aesculapius in vitam revocaverit, de eo dissentiant mythologi, alii Glaucum, Minois filium, nominantibus, alii Hippolytum, aliis Tyndareon, aliis alios. Vide Apollod. III, 10, 3; Zenob. I, 18, et Munker. ad Hygin. fab. 49. Hunc igitur ob causam a Iove fulmine necatus est. — *Dis indignantibus*. Eratosth. *τῶν θεῶν δυσχερὲς τοῦτο γὰρ ὄντως* etc. Plutonis de ea re querelus habet Diodor. Sicul. IV, 71. *Dis indignant.* Plutone scilicet querente et Iove indignante, Hippolytum ab equis discriptum restitui ab Aesculapio in vita posse. Virgil. *Aeneid.* VII, 772: *Ipse repertorem medicinae talis et artis Fulmine Phoebigenam Stygiis detruit ad undas*. Aesculapius, et ipse non sine flagitio Apollinis natus, quid fecit aliud divinis honoribus dignum, nisi quod sanavit Hippolytum? Mortem sane habuit clariorem, quod a Deo meruit fulminari. LEM.

646. *prohiberis*) Praesens pro futuro, quia vates futura ut praesentia sibi fugunt. — *his tunc nota novellis*, duplicem experieris metamorphosin: primo e matris morientis utero ra-

Eque Deo corpus fies exsanguis; Deusque,
 Qui modo corpus eras; et bis tua fata novabis.
 Tu quoque, care pater, non iam mortalis, et aëvis
 Omnibus ut maneat, nascendi lege creatus, 650
 Posse mori cupies tum, quum cruciabere dirae
 Sanguine serpentis, per saucia membra recepto:
 Teque ex aeterno patientem numina mortis
 Efficient; triplicesque Deae tua fila resolvent. »
 Restabat fatis aliquid: suspirat ab imis 655
 Pectoribus, lacrymaeque genis labuntur obortae:
 Atque ita, « Praevertunt, inquit, me fata; velorque
 Plura loqui; vocisque meae praeccluditur usus.

ptus; secundo ubi a fulminis confla-
 gratione reviviscens divinitatem con-
 sequutus es. LEM. — *novare*, sic et
 674; XI, 261.

649. *Tu quoque* etc.) Nunc quidem
 natura tua immortalis es et aeternus.
 — *manere*, de vita aeterna recte di-
 citur. — *cupies*. Codex Regius A, *cupis*;
 Cod. B, *cupies*. — *quum crucia-*
bere etc. Chironis pedem Hercules
 imprudens sagitta hydrae Lernaëae
 sanguine, veneni, tincta vulneravit,
 vel quum apud eum devertisset, Hy-
 gin. P. A. II, 38, vel quum Mal-
 aë alium Centaurum transfigere vellet.
 Pausan. V, p. 387. Apollod. II, 5,
 4. Eratosth. 40. Noster priorem ra-
 tionem sequutus est V Fast. 397 514.
 — *Recipiuntur* ea, quibus quis vulne-
 ratur, aut quae penetrant in corpus.

653. *putiens mortis*) mortalis. *Pa-*
ti necem est X, 267. Quum crucia-
 retur, immortalitatem suam sponte ces-
 sit Prometheus, cui Iupiter ea lege
 immortalitatem promiserat, si daret
 immortalem, qui pro ipsa mori vel-
 let. Lucan. D. Mort. 26. — *resolvent*.
 Alter Regius, *revolvunt*, acque. Fila
 Parcarum dicuntur *revolvi*, *resolvi*,

retexi, *iterari* etc. — Codices nostri
 A et B, *resolvent*. LEM. — *resolvent*
 Heinsius explicabat, secabant: potius
 est, retorquebant. Tibull. I, 7, 2,
 de iisdem Parcis, *stamina non ulli*
dissolvenda Deo. Propert. IV, 7, 51,
revolvibile stamen. Noster, X, 30,
retexent.

655. *Restabat* etc.) Similis con-
 versio, I, 700; sed h. l. ipse noluit
 restantia addere, neimpe fore, ut Chi-
 ron inter sidera referatur. Fast. V,
 413: *Nona dies aderat; quam tu ius-*
tissime Chiron, Bis septem stellis
corpora cinctus eras. Centauri enim
 sidus ei Graeci dicunt. — Filia,
 secundum Euripid. in Menalippa,
 gravida ex Aeolo, Hellenis filio,
 quum patre in scio peperisset, in
 equum mutata, tum et ipsa inter si-
 dera relata est. Secundum Callima-
 chum, a Diana conversa est, quod
 venari desiderat Deamque colere: Hy-
 gin. dicto loco. Sed apud Nostrium
 transformatur, quod Deorum consilia
 enuntiabat. Ingeniosum autem fi-
 gmentum quo vates mutationem suam
 praesentit ei praedicat.

657. *Praevertunt me fata*) Occu-

Non fuerant artes tanti, quae numinis iram
 Contraxere mihi; mallein nescisse futura. 650
 Iam mihi subduci facies humana videtur;
 Iam cibus herba placet; iam latis currere campis
 Impetus est; in equam, cognataque corpora vertor.
 Tota tamen quare? pater est mihi nempe biformis. *
 Talia dicenti pars est extrema querelae 665
 Intellecta parum; confusaque verba fuere:
 Mox nec verba quidem, nec equae sonus ille videtur,
 Sed simulantis equam; parvoque in tempore certos
 Edidit hinnitus, et brachia movit in herbas.
 Tum digiti ooeunt, et quinos adligat ungues 670
 Perpetuo cornu levis ungula: crescit et oris,
 Et colli spatium: longae pars maxima pallae
 Cauda fit: utque vagi crines per colla iacebant,
 In dextras abiire iubas: pariterque novata est

pant me et impediunt; nam in satia erat, ut verterer in equam. Ergo transformor, priusquam finierim vaticinium. — *praecludere*, solemnne in hac re, Phaedr. I, fab. 2, 26: *vocem praecludit metus*; fab. 23, 5, *linguam praecludere*. — Codex noster Regius B habet *praevertitur*, sed forsitan e glossa, LEM.

663. *cognata corpora*, quia pater ex parte equus. Sed ille ex parte tantum et *biformis*, cur igitur ego tota vertor in equam? — *nempe*, quippe.

665. *Talia dicenti*) Pausim Ovid. fingit, verba loquentis abrupta esse ipsa transformatione, ut 363. Idem nunc latius tractat, et transitum a voce humana ad hinnitus gradatim describit, ut 586 seq. ab ingressu ad volatum. In talibus, quippe argutiis, placuit sibi ingenium poetarum. — *fuere*. Heiusio aliquando placebat *feruntur*, ut 483. — Nostri Codices A et

B, *fiuntur*, I.E.M. — *simulantis*, imitantis. Mox edit certos hinnitus, quales verus equus edit, non quos aliquis imitans equi sonum effligeret, perspicuos: vide ad V, 296. — *equam*. Nostri Codices A et B, *equae*. LEMAIRE.

669. *brachia* etc.) Prono corpore coepit brachiis mutatis incedere. — *coeunt*, coalescunt interstitiis sublati. Sic vuluera dicuntur *coire*, et aqua, quae congelatur. Contra I, 742: *ungula in quinos dilapsa absumitur ungues*; ubi vide notam. — *Perpetuo*, non scias; ungulae enim equorum sunt solidae. Etiam vestes mutantur cum corpore, 582; I, 236: sed quum nunc *palla fit cauda*, lascivit ingenium poetarum. — *ut iacebant*; vide ad 272.

673. *vagi crines*) Iubas in uno colli latere dependere solent. Verba *pariterque* etc. otiosa et languida sunt

Et vox, et facies: nomen quoque monstra dedere. 675

VI. Flebat, opemque tuam frustra Philyreus heros,
Delphice, poscebat; nam nec rescindere magni
Iussa Iovis poterat: nec, si rescindere posses,
Tunc aderas: Elin, Messaniaque arva colebas.
Illud erat tempus, quo te pastoria pellis

680

post descriptionem, quae praecedit. — *nomen dedere*, nempe Hippo aut Hippe dicta est: *monstra*, transformatio, ut 367, aut novata facies.

676-707. *Flebat* etc.) *Mercurius* Apollinis boves quum abigeret, *Battum*, senem pastorem, quem obvium habebat, rogabat, furtum ne indicaret: quod ille, mercede accepta, promisit quidem; sed mox Mercurio, sub aliena forma eius testandi causa redeunti, locum ostendit, quo boves pascere: quam qd perfidiam in *saxum mutatus est*. Fundamentum fabulae in Homero, hymn. in Mercurium, copiosissime tractatur. Ibi Mercurius, eo ipso, quo natus erat, die, ex bubus Deorum, quas Apollo in Pieriae monte pascibat, quinquaginta summa calliditate per Boeotiam abegit ad Alphen in Peloponneso, atque prope Pylum in antro quodam abscondidit. In itinere prope Ouchestum senem vivitorem rogat, ne furtum prodatur; verum ille Apollini boves querenti, quid viderit, indicat. Sed eandem fabul. etiam Hesiodus, Nicander, Didymarchus, Antigonus, Apollonius Rhodius narraverant; unde eam Antiquus Lib. Metam. XXIII, repetiit: quae ratio paulo propius ad Ovidianum accedit. In ea occurrit Battus, qui, mercede accepta, silentium spondet, et a Mercurio redeunte, quum datam fidem falleret, in saxum mutatur; quamquam in aliis quibusdam rebus, ut

suis locis vidimus dissentit. — *Philyreus* a Philyra matre, quoniam Saturnus, sumta equina forma, in Pelio monte congressus habuerat. Apollon. II, 1256; Virgil. Georg. III, 92-94. Sic Chiron erat *Aeros* sensu antiquo; *āpos* enim olim dicti sunt, qui a Deo Deave prognati erant.

677. *nec rescindere*) Non enim rescindere Deus licet acta aliorum Deorum. Conf. III, 236; XIV, 784. Fluxit hoc ex Euripid. Hipp. vs. 1328, a quo haec Deorum lex confecta videtur: Valken. ad d. l. — *aderas*, scilicet in Thessalia, ubi habitabat Chiron; etenim non nisi praesens Deus opem ferre poterat adliectis. Apollo autem abierat, boves quarens, in Peloponnesum, ubi *Elin* et *Messania* sive (e dialecto Dorica) *Messania* arva. Lactant. in Arg. tradit, Apollinem tunc Admeti in Thessalia armenta paviase. Eius auctoritate decepti, Iutt. quidam verba *Elin Messaniaque* arva mutari voluerunt. Temere. Ad illam custodiam Apollo multo serius damnatus erat, occisis Cyclopiis, qui Iovi ad necandum Aesculapium fulmen ministrabant. Apollod. III, 10, 4. — *Olim* vulgo, *Messaniaque*. Sed Vatican. Caelesi, Frauc. Reg. et optimis quique, *Messaniaque* aut *Messaniaque*.

680. *quo te pastoria pellis*) Pastorem ab habitu rursus designat. *pellis* humeros pastorum tegere solent. Vs.

Textit; onusque fuit dextrae silvestris oliva;
 Alterius, dispar septenis fistula cannis.
 Dūque amor est curae, dū te tua fistula mulcet,
 Incustoditae Pylis memorantur in agros
 Processisse boves: videt has Atlantide Maia 685
 Natus; et arte sua silvis occultat abactas.
 Sēserat hoc furtum nemo, nisi notus in illo
 Rure senex; Battum vicinia tota vocabant.

seq. revocari lect. antiquam, quam ex parte etiam alii MSS. plurimi ad-
 iuvant, in quibus aut *onus dextrae*
baculus silvestris olivae, aut, ut ante
 Heins. vulgatur, *onusque fuit bacu-
 lus silvestris olivae*. Et enim baculum
 oleagineum gestare solebant pasto-
 res. Apoll. II, 34; utque etiam apud
 Virgil. Ecl. VIII, 16, Damon incum-
 bit tereti olivae. Et gestabatur dex-
 tera, Theocr. Id. VII, 15-19, quo-
 cum hic locus e nostra lectione egre-
 gie conspirat. Nam et ibi pastor hu-
 meris indutum habet *pellem, δῖππῶ*,
 et dextera fuit ex oleastro positum,
 ἀγρὸν αὖ δὲ ζῆταρ' ἄν' ὀπλόν. Tali ha-
 bitu conspiciuntur pastores apud Go-
 rasum II, n. 9, et Borioum in Col-
 lect. Antiq. Tab. 87. *onus*, quidquid
 gestatur: IV Fast. 241, *onus ingui-
 nis*. — *fistula*, quum Apollo alias Ly-
 ram moderaretur. De eius forma, vid.
 ad I, 711. — Heins. ex Florent. S.
 Marci, secundo Palatino et Leodic.
 dedit *onusque fuit baculum silvestre*
sinistrae. — Codices nostri Regii ha-
 bent *onusque fuit baculus silvestris*
olivae. — *cannis*. Heinsius putabat,
 ubi ipsa Nasonis manu esse *septena fi-*
stula canna.

683. *Dūque amor*) Hoc de amo-
 re forte Ovidius addidit, quia Apollo,
 quum prius Admeti armenta pasce-
 ret, vel Hymenaeum, Admeti nepo-

tem, amasse, vel ipsius Admeti amo-
 re arsisse traditur. — *mulcere* passim
 de carminum et musices suavitate. —
Pylus dictae sunt urbes tres in Pele-
 ponnese. Nunc Pylus Nelei in Tri-
 phylia prope Elin intelligitur. Posuit
 sent. *incustoditae*; erant enim, vid.
 Homerum in Mercur. 192, πᾶσαι ὁρ-
 γαια.

685. *videt has*) Has vidit Mercu-
 rius, quippe in Cyllene, Arcadio
 monte, natus. — *Maia*. Nostri Codic-
 es Regii habent *matre*. Incerta lectio.
 LEM. — *arte sua*, nota illa, quae ex-
 cellebat, calliditate. Hom. in Men-
 76: δαλὴς δ' οὐ λήθεο τίχνης. Ille
 enim *callidus*, *quidquid placuit*, *incoso*
condere furto, Horat. I, Od. 10, 7,
 ubi hoc ipsum exemplum subicitur.
 Dolos in ea re adhibitos memorat An-
 tonin. Lib., multoque latius Homer.
 d. I. *Artes* autem Latinis omnes dotes
 animi et corporis. — *silvis*. Corypha-
 sinum, Messeniae promontorium, An-
 toninus memorat.

688. *Battum* sine dubio vocabant,
 ut fit, a vitio quodam. Graecis βᾶτ-
 τος vocatur halbus, qui non distincte
 pronuntiare potest verba. Apud He-
 rodot. IV, 135, Battos rex Cyrenae
 halbutiens. In Alberti Gloss. N. T.
 p. 200, Battus pastor halbutiens com-
 memoratur. Inde βᾶτταριζεν, halbu-
 tire; quamquam illo nomine et is no-

Divitis hic saltus herbosaeque pascua Nelei,
 Nobiliumque greges custos servabat equarum. 690
 Hunc timuit, blandaque manu seduxit; et illi,
 « Quisquis es, hospes, ait, si forte armenta requirit
 Haec aliquis, vidisse nega: neu gratia facto
 Nulla rependatur, nitidam cape praemia vaccam. »
 Et dedit: accepta, voces has reddidit hospes: 695
 « Tutus eas; lapis iste prius tua furla loquatur. »
 Et lapidem ostendit: simulat Iove natus abire.
 Mox redit: et, versa pariter cum voce figura,
 « Rustice, vidisti si quas hoc limite, dixit,
 Ire boves, fer opem furtoque silentia deme: 700
 Iuncta suo pretium dabitur tibi femina tauro. »
 At senior, postquam merces geminata, « Sub illis
 Montibus, inquit, erunt: » et erant sub montibus illis.

tubatur, qui multa temere affuit, ut notum.

689. *Nelei*) Codices nostri, *Nili*. Pessime. LEM. — *Neleus*, rex Pyliorum, pater Nestoris. Is numerosa et egregia habebat armenta (Homer. Od. A, 288) quae autem, quum Pyliorum ager arenosus esset, plurimum extra Nelei fines pascebantur. Pausanias Messen. p. 371. Hinc vocatur *doves*; priscis enim temporibus divitiae censebantur multitudine armentorum et gregum; itaque nec custodes pecorum infini loci erant. Ceterum Nelei aetas incidit in tempora Centaurorum. Homer. Il. A, 262. *equarum* greges Neleus alebat sobolis causa; hinc *nobiles*, delectae. — *Nobiles* etiam palmas in certaminibus. Virg. Georg. 1 *Eliadem palmas Epeiros equarum*. LEM.

691. *seduxit*) Quum unus Battus adisset, non opus erat eum seducere, seorsim ducere. — *et illi*. Burmannus waltet, at tu, ut lib. I, 678. — Co-

dices nostri, *et illi*; et supra Codex A post *manu* inserit *hunc*. LEM. — *et illi* revocavimus ex MSS.; nam Heiusius et hic, et pluribus aliis locis ex ingenio *Eia* inseruit. — *Quisquis es*: vide I, 679. *Fidisse nega*: Homero, ibid. 92: *idion pñ idion eivas*, καὶ παρὸς ἀνείσας, καὶ στυγν. — *facto*, negotio. — *nitidam*. Vide ad I, 610. Apud Antonin. chlaenam, silentii mercedem, accipit.

696. *Tutus*) securus, non sollicitus. — *loquatur*. Codices nostri Regii, *loquetur*. — Ex voce non raro facilius agnoscimus homines, quam ex figura. — *silentia deme*, indicia futuri occultum. — *pretium*, praemium: vide Burmann. ad Phaedr. I, 8, 1, et Heins. ad h. l. — *femina*, vacca. Seneca Agam. vs. 354, *conius tauri*. Contra vir de capro et tauro; vide ad I, 660.

703. *Sub — Montibus — erunt*) Regii nostri A et B habent *erant*. — Rod. acquiescit veterum lect. *sub illis*

Risit Atlantiades; et, « Me mihi, perfide, prodīs?
 Me mihi prodīs? » ait; periuræque pectora vertit 705
 In durum silicem, qui nunc quoque dicitur Index:
 Inque nihil merito vetus est infamia saxo.

VIII. Hinc se sustulerat paribus Caducifer alis:

*Montibus, inquit, erunt, et erunt sub
 m. i.; putatque, cum Glarenno, re-
 petitione illa Batti battologiam ex-
 pressam esse, et Mercurium, ut il-
 lam irrideret, et ipsam verba, me
 mihi prodīs? repetiisse. Mirum!*
*Quum Battus dixisset, sub (in, pro-
 pte) montibus erunt, addendum erat,
 fuisse ibi, nec Battum imposuisse
 Mercurio. Verba autem me mihi pro-
 dīs (in quibus similis lusus ac 430;
 I, 641; VI, 365) graviter et cum vi
 repetuntur, ut solemus, quum alieni
 magnam stultitiam exprobramus. —
 erunt: et erant. Allusum voluit ad
 Battum quemdam ineptum poetam,
 qui in versibus suis eadem identidem
 iterare solebat. Battum eadem verba
 titubanter repetentem deridet itidem
 Mercurius; vide Erasmi adag. βαττο-
 λογία et βατταρίζειν. LAM.*

705. *periura*) perfida. Apud An-
 toninum Battus Mercurii baculo tac-
 tus in lapidem mutatur, quem ne-
 que aestus neque frigus deserat: lo-
 cusque, ubi res accidit, Βάττου σχο-
 πιά vocatur. — *Silex* poetis omnis
 lapis, et *durus* est epitheton commune
 lapidum. Hinc, 831, *durescere*, in
 lapidem mutari. *Indicem* putant esse
 lapidem Lydium, qui aurum explo-
 rat, indicat eius bonitatem. At nulla
 auctoritate doceri potest, *indicem* sic
 dictum Romanis, et, si dictus es-
 set, nulla *infamia* ei inesset. Lactant.
 in Argum. qui interdum eosdem,
 quos Ovidius sequutus est, auctores
 consuluit, habet: *In lapidem eum*

*mutavit, qui ab eventu Index circa
 Pylum vocatur. Hic non genus quod-
 dam lapidum intell., sed unus ille
 lapis, in quem Battus propter perfidum indicium mutatus est. Sic igitur
 et Ovidium explicandum arbitror. Si-
 ne dubio in quodam Messeniae monte
 cernebatur seriore etiam tempore sa-
 xum hominis formam utcumque re-
 ferens. In eum ipsum mutatum esse
 Battum antiqui tradiderant; unde ei
 Indicis nomen hæsit et cum nomine
 infamia. Index enim et satis invidiose
 dicebatur: vid. Ernesti ad Sueton.
 Caes. 17.*

708-831. *Hinc se sustulerat*) Mer-
 curius amat *Hersen*, Cecropis filium,
 rogatque eius sororem *Aglauron*, ut
 suam sibi in eius amore conciliando
 operam addicat. Illa vero pro mini-
 sterio magnam sibi expetit auri vim.
 Minerva igitur et memor unperæ per-
 fidine, vs. 555 sqq., et offensa avari-
 tia virginis, Invidiam adit, eamque
 rogat, ut veneno suo Aglauron infi-
 ciat; quo facto illa lenta tæbe confici-
 tur, et quum invidia sororis tacta
 Mercurium excludere vellet, in lapi-
 dem ab eo mutatur. Apud Hygin-
 fab. 166, Aglauros cum sororibus, a
 Minerva ob cistulam apertam insan-
 tia obiecta, in mare se præcipitat. Cf.
 Pausan. p. 41. — *Hinc*, ex Pylis
 agris: *paribus alis*, leni volatu, quum
 alae non magnopere moventur, sed
 linea propemodum eadem semper man-
 ent. Respexisse videtur Virg. Aen.
 IV, 14. Livius I, 34, *suspensis alis*:

OVID. Op. Tom. III

L

Munychiosque volans agros, gratamque Minervae
 Despectabat humum, cultique arbusta Lycei. 710
 Illa forte die castae de more puellae
 Vertice supposito festas in Palladis arces
 Pura coronatis portabant sacra canistris.
 Inde revertentes Deus adspicit ales; iterque
 Non agit in rectum, sed in orbem curvat eundem. 715
 Ut volucris visis rapidissima milvus extis,
 Dum timet, et densi circumstant sacra ministri,
 Flectitur in gyrum; nec longius audet abire;

qui ita volant, *pendere* dicuntur, *morx* vs. 726, et IV, 517. *Opp. iactatis*, aut *motis alis*, quibus vs. 835, in in coelum avolat.

709. *Munychios*) Atticos. *Munychia*, pars urbis Atheniensis cum porta. — Sic dicta a Munycho qui illic aedificavit templum Munychiae Dianae. LEM. — *gratam Minervae humum*. Nempe *gratae* et *delictae* Diis urbes dicuntur, quae sunt in eorum tutela. — *Lyceum* Athenis gymnasium, situm extra moenia ad Ilissum, egregie cultum et arboribus consitutum; in quo senioribus temporibus Aristoteles scholas habebat. Cecropis autem aetate nec *Lyceum* conditum, nec solennia illa, quae iam describuntur, iustituta erant.

711. *Illā forte die*) die vicesimo secundo iuensis hecatombaionis, qui fere respondet nostro Julio, quinto quoque anno celebrari solebant *de more*, ab Erichthonio rege instituto, et a Theseo renovato, Panathenaea, quibus populus Minervae gestabatur. In pompa solenni, *puellae castae* et nobilissimae, *vertice supposito*, in capite, portabant canistra seu corbes, unde *καναφόροι* et *λευκοφόροι* dictae sunt; nam *κάνιστρον* canistrum significat;

et *λευκόν* eodem reddit. Ea canistra *coronata* (Ciofan. interpretatur ad marginem usque plena) erant floribus et frondibus, continebantque *sacra*, id est vasa, quorum usus in istis solenniis, et sic *pura*, non profana; nisi malis cum uno MS. *testa*; tegi enim solebant ista canistra. — Alter Codex Twissenii, *septa*, quod elegans visum Heinio. — Nostri Regii A et B, *testa*. In arce autem Cecropia, Minerva tria habebat templa, e quibus nobilissimum Parthenon. — *festas*, in quibus solennia celebrabantur. Sic *fésta theatre*, III, 111, ubi vide notam.

715-721. *Non agit in rectum etc.*) Volatum in orbem quinque formulis variavit. Versus 720 et 721 si abessent, non desiderarentur. Cum similitudine interiecta confer Virg. Aen. IV, 252 sqq. — *milvus nobis Hæbe*, e genere avium rapacissimarum. *Milvum* quidem *regalem* tum audacem esse in Africa visum, ut carnes e macello et e manibus hominum rapiat, Mullerus ad Linnæi Syst. Nat. tom. II, pag. 71, narrat. — *milvus*. Nostri Codices Regii A et B habent *milvus*; pariter recte dicitur *milvus*, velut *milvus*. LEM.

Spemque suam motis avidus circumvolat alis:
 Sic super Actaeas agilis Cyllenius arces 720
 Inclinat cursus; et easdem circinat auras.
 Quanto splendidior, quam cetera sidera, fulget
 Lucifer; et quanto, te, Lucifer, aurea Phoebe;
 Tanto virginibus praestantior omnibus Herse
 Ibat; eratque decus pompae, comitumque suarum. 725
 Obstupuit forma Iove natus; et aethere pendens
 Non secus exarsit, quam quum balearica plumbum
 Funda iacit: volat illud, et incandescit eundo,
 Et, quos non habuit, sub nubibus invenit ignes.
 Vertit iter; coeloque petit diversa relicto; 730
 Nec se dissimulat: tanta est fiducia formae!
 Quae quamquam iusta est, cura tamen adiuvat illam;
 Permulcetque comas; chlamydemque, ut pendeat apte,

719. *motis alis*) Non valde ille movet alas, sed propemodum natat in aëre. — *agilis*, quippe alatus. — *Inclinat* i. q. curvat: *easdem circinat auras*, ingeniose, sed tamen paulo audacius in iisdem aëris, in eundem semper orbem, more circini, movetur.

723. *Lucifer*) stella Veneris, vide ad II, 115, maximum coeli decus, non modo caeteris plauetis fixisque stellis maior oculis nostris apparet, sed splendore etiam tanto est, ut a plena eius luce umbras adeo mittant corpora. Luna autem, ut ait Manil. I, 435, *conditor omne stellarum vulgus*. Itaque tam cum illo, quam cum hac comparantur homines pulchritudine eximii; II ex Pont. 5, 49; Horat. I, Od. 12, 46, *praestantior, formosior*. — *Ibat* elegantius, quam erat.

727. *balearica*) Similitudo paulo altius repetita, nec adeo magnopere probanda. Eundem in aliam rem transtulit XIV, 825. Cum aliis rebus auris ignis comparatur, I, 492-494.

— *balearica*; plurimi, *balearia*; sed nostri Regii, *balearica*: qua Balearium insularum incolae maxime utuntur. Balearum autem insulae sunt duae, Hispaniae adiacentes, quarum incolae optimi erant funditores; hodie *Ma-iorca* et *Minorca*. — *plumbum*, plumbeum pilum. LEM.

730. *diversa*) opposita, contraria, h. l. terra. — *Nec se dissimulat*, non aliam formam sumit: vide ad 374. Merito fudit *formae*, etenim et pulchra et juvenilis ei tribuebatur. — *iusta*, pulchra. Schirach. comparat Francogal. *adroit*. — *iustum*, quidquid in suo genere perfectum est, et omnibus numeris absolutum. Sic *iusta statura*, *iustus exercitus* etc. — *cura* ponitur de cultu, capillorum in primis. Phaedr. II, Fab. 2, 8: *Finge cura mulierum*. Vid. Bentl. ad Horat. I, Epist. 1, 94. Facite autem hanc curam iam describit. — *Chlamydes* cingebat *limbos*, vel purpureus, vel, si ipsa purpurea esset, aureus aut p.

Collocat; ut limbus, totumque adpareat aurum;
 Vl teres in dextra, qua somnos ducit, et arcet, 738
 Virga sit, ut tersis niteant talaria plantis.
 Pars secreta domus ebore et testudine cultos
 Tres habuit thalamos, quorum tu, Pandrose, dextrum,
 Aglauros laevum, medium possederat Herse.
 Quae tenuit laeyum, venientem prima nolavit 740
 Mercurium; nomenque Dei scitarier ausa est,
 Et causam adventus: cui sit respondit Atlantis
 Pleionesque genus: « Ego sum, qui iussa per auras
 Verba patris porto: pater est mihi Iupiter ipse:
 Nec fingam causas: tu tantum fida sorori 745
 Esse velis, prolisque meae matertera dici.
 Herse causa viae; faveas, oramus, amanti. »

ctus et variegatus. Chlamydi ipsi aureae figurae intexebantur. Virg. Aen. IV, 137; V, 250 sqq. Quomodo autem collocata sit chlamys, ut in humero dextero constricta sinistram brachium tegeret, vide in Winkelmanni H. A. p. 306. — *totumque*. Regius, *textumque*. Klotzius ad Tyrt. p. 102, suadet *tortumque*. Nostri Regii A et B, *textumque*, quod multo elegantius nobis videtur. LEM. — Ex posteriore loco possis et *tortum* tueri, quod Klotzius, nulla tamen causa addita, sanxit. — *qua somnos etc.* vide ad I, 671, *ducit*, adducit.

737. *Pars secreta domus*) Apud Graecos mulieres in *secreta* seu interiore aedium parte sedebant, quae gynaeconitis appellabatur. Coraelius Nep. praef. Singulae habebant suos *thalamos* seu cubacula, quorum parietes et fores distingui olim solebant tinctis animalium cornibus, *ebore et testudinum* tegminibus, Plin. Hist. Nat. XVI, 44. Virgil. Georg. II, 463: *Nepos varioq; inhiant pulchra testudine*

postes. Schirach. *ebor et testud.* h. l. refert ad loquaciam. — *possederat*, sibi habitandum sumserat. — *cultos*. Ex praestantioribus nonnulli, *comptos*. — Bene *cultos*, nec est necessaria emendatio. LEM.

743. *Pleione*) Atlantia uxor, e cuius filiabus una Mais, mater Mercurii. — *genus* habent unus Gronovii, alio Medicei, Genevenses, Moreti et Palatini unus. Caeteri, *nepos*. — Nostri quoque Regii A et B *nepos* dant. *genus* recepi, quis et auctoritate MSS. et usu poetico se commendat, quum *nepos* a glossatoris manu profectum esse videtur. Horat. I, Od. 3, 17, *Iapeti genus*. Se commendat ab una muneris parte, qua commercium inter Deos et homines. De eodem, Iovis *mandata per auras ferre*, apud Virgil. Aeneid. IV, 270. — *qui iussa verba porto*. Ἀντίτροπος, ἀντιπρὸς, interueniens Deorum. Mercurius, inquit Arnebius, quasi quidam Medicarius dictus est: quod inter loquentes duos media currat, ut ἀντιπρο-

Adspicit hunc oculis isdem, quibus abdita nuper
 Viderat Aglauros flavae secreta Minervae:
 Proque ministerio magni sibi ponderis aurum 750
 Postulat: interea tectis excedere cogit.
 Vertit ad hanc torvi Dea bellica luminis orbem,
 Et tanto penitus traxit suspiria motu,
 Ut pariter pectus, positamque in pectore forti
 Aegida concuteret: subit, hanc arcana profana 755
 Detexisse manu tum, quum sine matre creatam
 Lemnicolae stirpem contra data foedera vidit;
 Et gratamque Deo fore iam gratamque sorori,
 Et dilem sumto, quod avara poposcerit, auro.
 Protinus Invidiae, nigro squalentia fabo, 760
 Tecta pelit: domus est imis in vallibus antri

tur oratio, etc. lib. III Advers. Gen-
 tes. LEM. — *Esse velis*, ut apud
 Graecos *ἔλπεσθαι* *ἴναι*.

748. *oculis isdem* non urgendum
 est. Hoc addidit, ut crimen virginis,
 de quo 559, in memoriam lectori re-
 vocaret. — *flavae*, quae habet *flavos*
 (de quibus ad vs. 319) seu pulchros
 capillos, pulchrae. Sic *ξανθὴ ἑρμῆ-
 τος* Homer. Il. E, 500: vide et in-
 fra ad III, 617. — *tectis excedere*.
 Vossii, *tectus accedere*, quod non dis-
 plicuit Heinio.

752. orbem dedit Heinio ex melio-
 ribus; sed Burmannus malit orbem re-
 tinere, quia pro oculis poëta orbem
 ponere non notaverit. Codex Regius
 B, orbem; Codex A, orbem. — *Lumi-
 nis orbem*, oculum: vid. ad I, 740.
 — *torvi oculi* tribuantur iratis et in-
 dignantibus. — *penitus*, e profundo
 pectore: vide ad 179. Virgil. Aeneid.
 I, 371: *Suspirans imoque trahens a
 pectore vocem*. Notiones generales
 ubique Ovidius ad cuiusque perso-
 nam accommodata exornat, in *pei-*

nis si illa exornatio mythologiam at-
 tingit. Hinc et additur, *positamque*
 etc. — *Aegis*, munimentum illud
 aeneum, quod in pectore gerit Pallas,
 insignitum capite Gorgonis, quod et
 in clypeo eius expressum erat.

755. *subit* in memoriam redit. —
Lemnicola, Vulcanus, qui in Lemno,
 insula maris Aegei, officinam habere
 credebatur, ibique in primis coleba-
 tur. — Codices nostri Regii dant *Le-
 mniacae stirpem*; id rei grammati-
 cae, si non poëticae, convenientius
 eredo. LEM. — *contra data foedera*, con-
 tra datam fidem. — *Et gratamque
 Deo*. Codex Regius A, iam gratam-
 que Deo; Codex B, ingratanque Deo.
 — *poposcerit*. Codices nostri, *popo-
 scerat*. LEM.

760. *Protinus Invidiae* Minerva In-
 vidiam excitat in Aglauro: sed vide,
 quomodo hoc exornavit. Primum In-
 vidiam ferit, praesente Euripi. in
 Iuone, fragm. 5, personam, ut XII,
 39 sqq. Famam; et Horat. I, Od. 35,
 17 sqq., Necessitatem. Deinde finxit

Altilia, sole carens, non ulli pervia vento;
 Tristis, et ignavi plenissima frigoris; et quae
 Igne vacet semper, caligine semper abundet.
 Huc ubi pervenit belli metuenda virago, 755
 Constitit ante domum, neque enim succedere tectis
 Fas habet, et postes extrema cuspide pulsat.
 Concussae patuere fores: videt intus edentem
 Vipereas carnes, vitiorum alimenta suorum,
 Invidiam; visaque oculos avertit: at illa 760

Minervae ad eam iter, ut ministerio eius uteretur, ut supra, 509, Iuvonis ad Deos maris, et IV, 432, ad Furias; tum VIII, 790, Cereris ad Faunem. Iam, quoniam invidia, auctore Eurip. maximus omnium in homine morbus, nec illa *Siculi tyranni maius invenere tormentum* Horat. I, Ep. 2, 58; propterea, eius et habitum et domicilium foedissimum descripsit, omniaque eius mala sensibus subiecit. Partes etiam huius descriptionis bene disposuit. Primum domum et foedam et tristem, omniaque amoenitatis expertem describit. — *Tolun*, venenum, quo inficit homines. Mox *tabem*, nocens virus et piceum venenum vocat. *Nigrum* solenne epitheton veneni. — *Situs* tristitiam bene notant verba *imis in vallibus antri*, imo in angulo, aut ima in cavitate antri; namque *vallis* et cavitatis notionem involvit. — Vulgo, *in vallibus huius*. Vir doctus in Miscell. Observ. vol. II, tom. I, p. 32, improbat *vallibus antri*, atque etiam *vallibus huius* insipidum et prosaicum ei videtur: putat igitur legendum, *imis et vallibus antrum*. Comparat XI, 592, et I Fast. 555. Sed non video, cur in vallibus potissimum antrum habuerit, quam etiam in montibus antra satis obscura et frigida esse possint. Alius vir do-

ctus ibidem in nota adiecta monet, *huius* sic positum non esse insipidum et prosaicum: itaque et hic retineri malit, praesertim si cum uno MS. legatur, *domus est huius sub vallibus imis*. Nec hoc placet, quia sola vallis nec omnes ventos, nec omnem solem arceat. *Sub vallibus* autem, quod et duo alii tuerentur, Burm. placet. Et amat Ovid. *sub pro in*. — Nostri Codd. *in vallibus antri*.

763. *ignavi*) Ab effectu, ut mox, 821, *ignava gravitas*. Contra *habiles vigor*, qui reddit habiles, Virgilius Georg. IV, 418. Post haec citiosa sunt et quae — *abundet*, in quibus etiam huius verborum est.

765. *belli*) Codices nostri Regii A et B, *bello*. — *Belli metuenda* dicitur, ut *gladii tremendus*, *nasi timendus*, quae exempla attulit Heinsius. Deest autem in his formulis *de causa*: vide Perizon. ad Sanctii Minerv. II, 3, pag. 166. — *Fas habet*, *fas esse*, licere sibi putat. — *moedere*, propius accedere. Nam Palladi, ut quae est Dea, non licet Invidiae domum ingredi. LEN. — Etiam factis Minervae turpitudine Invidiae notatur. Cf. 769, 786. — *Invidi* rebus malis aluntur, calamitatibus aliorum. Hinc *edit vipereas carnes*.

Surgit humo pigre, semesarumque relinquit
 Corpora serpentum; passuque incedit inerti.
 Utque Deam vidit, formaque arinisque decoram,
 Ingemuit; vultumque ima ad suspiria duxit.
 Pallor in ore sedet; macies in corpore toto;
 Nusquam recta acies; livent rubigine dentes;
 Pectora felle virent; lingua est suffusa veneno;

775

771. *pigra*) sterili ob frigus. Sic Horat. I, Od. 22, 17, *pigri campi*. — Hic vulgo *pigre*; sed Heinsius ait ex melioribus se *pigra* dedisse, idemque in tribus suis Giddao. invenisse. — Nostri Codices Regii habent *pigra*. — Klotzin ad Tyrtæum, p. 102, displicet *pigra*, quia ex antecedentibus iam apparent, binum fuisse sterilem. Sundeit ergo *humo nigra*, sive ut simpliciter horrorem loci indicet, sive ut scriptibus tectam dicat. Quod tamen non necessarium puto, quum Noster sæpiissime repetat, quæ iam antea copiosius etiam notata erant. Ego vero *pigre* revocandum duxi, quod sequentia flegitare videntur. Etenim *surgit pigre* et mox *passu incedit inerti* egregie sibi respondent.

774. *vultumque ima*) Vulgo, *vultumque Deae*. Sed bene Heinsius ex præstantioribus *Deae* in *ima* mutavit. Verum ne sic quidem locus sanus visus est Intt. offensas formula *vultum ducere ad suspiria*. Faber corrigit, *visusque decor suspiria duxit*; satis iofeliciter. Burmannus vult, *ad cultumque Deae sup. movit*; non multo melius Schirach, *deuique malebat, ad vultumque Deae s. duxit*, quum lect. sane confirmat glossa Cod. Leid. hinc: *Vultus Deae pulcherrimæ fuit causa, eor superaret*. Sed ille glossator, sic succurrere voluit lectioni obscuræ, *vultumque Deae*. — Iam prima Iovidiæ commotio interponitur. *Ima sa-*

spiria, quæ ducuntur ex imo pectore, ut *alta suspiria*, Claudianus II in Eutrop. 530, quæ ducuntur *alto de corde*, ut dixit Noster. vers. 622. Iam ducere *vultum ad suspiria*, vultum componere accommodare suspiriis, suspiria vultu quoque prodere. Suetonius quidem, Tib. 68, dixit *adducere vultum*, ad gravitatem componere, ubi Casaub. comparat, *obducere vultum*, ad moestitiam componere. Et Seneca Ep. 58, *vultum adducit ad tristitiam*. Hanc igitur lectionem multum præfero omnibus emendationibus propositis, quibus repetitur tantum quod poeta iam dixerat.

775. *Pallor in ore sedet*) Vbi propius accessit, forma eius describitur. Quam bene ea composita sit, facile reperies, si cogitaveris, quæ de invidis prædicari soleant. Horat. I, Ep. 2, 57: *Invidus alterius macrescit rebus opibus*. Ep. 14, 37: *Non istio obliquo oculi mea commoda quæquam limat, non odio obscuro morsque reuenat*. IV, Od. 3, 16: *Dente minus mordeor invido*. — *sedet* exquisitius quam, *est*, apparet, ut I, 267: vide Gronovii Obs. II, p. 180. — *recta acies*. Confer infra vs. 787. — *rubigo*, vitium dentium. — *fel* in pectore signum malevolentiae. — *virent*, sic et Claudian. 49, 96: *viscera felle virent*. — *suffusa veneno*, *μετὰ τοῦ θανάτου πόσου*. Lingua suffusa veneno dicitur, ut os suffusum rubore.

Risus abest, nisi quem visi movere dolores;
 Nec fruitur somno, vigilacibus excita curis;
 Sed videt ingratos, intabescitque videndo, 780
 Successus hominum; carpitque et carpitur una,
 Suppliciumque suum est: quamvis tamen oderat illam,
 Talibus adfata est breviter Tritonia dictis:
 « Infice tabe tua natarum Cecropis unam;
 Sic opus est: Aglauros ea est. » Haud plura locuta, 785
 Fugit, et impressa tellurem reppulit hasta.
 Illa Deam obliquo fugientem lumine cernens,
 Murmura parva dedit; successurumque Minervae

778. *Risus abest*) Immunitas eius et cruciatus describuntur. — *nisi quem*. Nam alienis malis tanquam suis bonis laetatur, pascitur se *αἰσχρογέστος*; *ἐμψυχοειστος*. LEM. — *movere*. Ciofauns ex MSS. emendandum censet *fecere*, quod efficacius sit, quam *movere*. — *vigilacibus*. Codices nostri Regii, *vigilantibus*, quod reponerem: nam *vigilae* pro *vigilant*, ut *curae* pro *curiosus*, non nisi ab auctoribus mediocris notae acceptum fuisse reperio; et fomen in iis errore librariorum hoc verbum insolitum ierepsit. LEM. — *carpi* dicuntur quae sensim consumuntur, attenuantur, perduntur. Virg. Aeneid. IV, 2, caeco *carpitur igne*. Hoc bene ad Invidium tabescentem translatum. Sed eodem et *carpit*, quia de existimatione aliorum detrahit. Plin. I, Ep. 9.

782. *Supplicium* etc.) Isocrates Evagorae, cap. 2, invidiae hoc unum inesse ait bonum, *ἐν πόνειρον κακόν τοῦ ἔχοντος ἔσθαι*. — *suum est*: Hein- sius malebat *sui est*. Busmanius, si quid nasteret, mallet *sibi est*. — *odiam* illud mox praeclare notatum et brevitate et confusione quadam verbo- rum, qua *Aglauros ea est* in finem

reiectum. — *Tritonia* vel a τριτὴν, quod lingua Cretum *caput* significat; eo quod e capite Iovis nata sit; vel a palude Tritons Libyae, iuxta quam nata est, ubi *στογνί* — *quieta* *Vultus vidit aqua, posuitque in margine plan- tas*, *Et se dilecta Tritonida dixit ab unda*. Lucan. lib. IX, 352. LEM. — *De tabe*, seu veneno, vide ad III, 49. *Sic opus est*, ut I, 279. — *impressa hasta*, ut vim adderet corpori se in aëre tollenti, ut IV, 710; VIII, 366: *tellurem reppulit*, quia ipsa aufugit. Poëtis loca *recedere* aut *repelli* dicuntur a quibus ipsi abimus. Vide ad XI, 466.

788. *Murmura parva*) Heins. con- iecturat *Murmura rava*, vel *rava*. Mox Vivianus ex suis, *successu* nam- que. Ita et primus Medic. et alii nonnulli Heinsii. Id dictum, ut VII, *do- luit succensu flava virago*. Quidam ex praestantioribus, *successibus atque*, aut usque. Prior Regius, *successus namque*. Florent. S. Marti, *successum utique*. Heinsius molit ex emendatione Viviani *successorumque*: *successa* enim dixisse et Cic. XVI ad Div. 21; et *successorum* indoluit dictum, ut *revereri alicuius* et similia.

Indoluit; baculamque capit; quod spinea totum
 Vincula cingebant; adopertaque nubibus atris, 790
 Quacumque ingreditur, florentia proterit arva;
 Exuritque herbas, et summa cacumina carpit;
 Adflatuque suo populos, urbesque domosque
 Polluit: et tandem Tritonida conspicit arcem,
 Ingeniis, opibusque, et festa pace virentem; 795
 Vixque tenet lacrymas, quia nil lacrymabile cernit.
 Sed postquam thalamos intravit Cecrope natae,
 Iussa facit; pectusque manu ferrugine tincta
 Tangit; et hamatis praecordia sentibus implet;

— Cod. Reg. A, *successus atque Minervae*; Cod. B, *successibus*. Emenenda *successorum* pro *successurum*, quod si quid significat, contortum est, et ellipsim inusitatam postulat. LEN. — *successurumque Minervae*. Indoluit, *successurum* Minervae consilium de Aglauro invidiae veneno inficienda. — *spinea vincula*, spinas; nam quidquid reus movet, eiigit, *vinculum* dicitur, unde non raro de coronis ponitur. Sic facile carere possumus emendationibus Interpretum. *Spinæ* symbolum cruciatu, quem creat. — *totum* non caret vi, neque adeo temere sollicitandum. Caeterum etiam *baculum* in usu fuit, ut docet Heins. ad 687. — *Vincula* Heinsius habet suspectum. Secundus Medic. pro diversa lect. *cingula*. Ipse conj. *ungula* angebat, ut ipsas spinas vocet *ungulam spineam* a similitudine; *ungulas* enim fuisse instrumenti ferrei in tortura genus, quo carniſces uterentur. Burm., si *vincula* displiceat, refingi posse putat *vimina*. — Bene *vincula* ex Codic. nostris. LEN.

791. *Quacumque ingreditur*) Invidia omnia corrumpit, pestisque est hominum. Hoc sub sensus vocavit.

Contra apud Claud. 33, 185 sqq. ubi Ceres curru vehitur, omnia florescunt, rota *Sulcatam fecundat humum; flavescit aristas Orbita; surgentes conducunt vestigia culmi; Ventis iter comituta reges*. — *cacumina*. Vetustiores *papavera*, nostri Codices Regii *cacumina* habent. LEN. — *Cur summa cacumina?* nempe quis invidia summa semper petit. Remed. versu 369, *summa petit livor*.

794. *Tritonida*) Athenas; longius ad III, 127. — *Ingeniis, opibusque*. Cecropia cum adjuventa urbe iam tum quidem Minervae consecrata erat; nondum tamen *ingeniis*, ingenii laude florentibus viris, *opibusque* virebat. — *festa*, plena bonorum et lactitiae, *pace virentem*. Ciofanius ex utroque suo, Briant. Capranie. ambobus Maffei, et tribus Vaticanis, adfert et probat *pace nitentem*. — *virere* poetis, id est, florere. Drakenb. ad Sil. I, 187. — *Vixque* etc. Hoc oxymoron et animum ferit, et graviter Invidiam indolem notat. — *tenet*, retinet.

798. *ferrugo*) poetis i. q. nigredo, V, 404. — *praecordia*. Quærit Euripides, In. 5, in qua corporis parte invidia sedeat, in manibus, visceri-

Inspiratque nocens virns; piceumque per ossa 800
 Dissipat, et medio spargit pulmone venenum.
 Neve mali spatium causae per latius errent,
 Germanam ante oculos, fortunatumque sororis
 Coniugium, pulchraque Deum sub imagine ponit;
 Cunctaque magna facit, quibus irritata, dolore 805
 Cecropis occulto mordetur; et anxia nocte,
 Anxia luce gemit; lentaque miserrima tabe
 Liquitur, ut glacies incerto saucia sole:
 Felicisque bonis non secius uritur Hersed,
 Quam quum spinosis ignis supponitur herbis; 810
 Quae neque dant flammam, lenique vapore cremantur.
 Saepe mori voluit, ne quidquam tale videret:
 Saepe, velut crimen, rigido narrare parenti.
 Denique in adverso venientem limine sedit
 Exclusura Deum: cui blandimenta, precesque, 815
 Verbaque iactanti mitissima; « Desine, dixit;

bus aut oculis. Noster praecordia, pulmones ossa nominat. — *hamatis sentibus*, ul *hamatis rubis* Tibul. IV, 3, 10. — *piceum*, atrum. — *medio pulmone*, per pulmones. — *Neve mali spatium causae per latius errent*. Sensus: ne invidiae veneno infecta in aliis rebus haereat et conficiatur.

804. *pulchraque*) Vnus Basil. *plenaque*, quod Burman. placet. *Plena ignago*, cui nihil, nullum membrum, deest. Id aulem alienum a consilio poetae. — *Cecropis*: Aglauros filia Cecropis, mordetur, cruciatur. LEM.

808. *Liquitur*) liquescit, absumitur, quod verbum sequens similitudo suppeditavit: *lenta tabe*, veneno, cuius vis lenta. — *saucia*, liquefacta. Horat. I, Od. 14, 5: *malus sancius vento*. Etiam *vulnerari* dicuntur, quae labefactantur. — *incertus sol*, obscurus, quum coelum nubibus est obdu-

ctum. *Incerta luna* eodem sensu Virg. Aeneid. VI, 270; et *incerti caeruleae* ligine soles; Aeneid. III, 203.

809. *non secius*) Codex Regius A, *aliter non*; rectius Codex B, *non lenius*. LEM. Non secius Heinsius de suo dedit, sed bene se habet. Quod plurimi MSS. habent *non lenius*, aut *non lentius*, probarem, si poeta ordine inverso scripsisset: spinosae herbae non lentius uruntur, quam illa. — *spinosis herbis*, spinis nondum aridis. — *vapor*, calor.

811. *lenique vapore*, quod nec Burmanno displicebat, recipimus e duobus MSS. Possis et cum Medic. uno *lentique vapore* legere, quod Heinsius exemplis illustravit. Sed vulg. *leni tepore* non convenit rebus, quae supposito igne cremantur. — Nostri tamen habent *tepure*.

813. *rigido*, duro. — *adversa quae-*

Hinc ego me non sum nisi te motura repulso. »

« Stemus, ait, pacto, velox Cyllenius, isto : »

Caelatasque fores virga patefecit: at illi

Surgere conanti partes, quascumque sedendo 820

Flectimur, ignava nequeunt gravitate moveri.

Illa quidem recto pugnat se attollere trunco :

Sed genuum innectura riget, frigusque per artus

Labitur; et pallent amisso sanguine venae.

Vtique malum late solet immedicabile cancer 825

Serpere, et illaesas vitiatas addere partes;

Sic letalis hiems paulatim in pectora venit;

Vitalesque vias, et respiramina clausit :

Nec conata loqui est; nec, si conata fuisset,

Vocis haberet iter: saxum iam colla tenebat; 830

Oraque duruerant; signumque exsanguie sedebat:

Nec lapis albus erat, sua mens infecerat illam.

cumque alteri oppositasunt. — iactare, dicere, IX, 23.

819. *Caelatasque fores* De caelatis foribus, vide ad vs. 4. — *virga* patefecit fores, ut Minerva, 767, extrema cuspidē. — *quascumque flectimur* ex noto et poetis familiari grecismo, quem exemplis illustrat Hein- sius. — Nostri Codices, *flectitur*, quod praetulerim, quippe quod absolutum: *sur lesquelles on fléchit, on se plie, en s'asseyant*. LEM. — *pugnat se attollere*, ut I, 685, *pugnat evincere somnos*.

823. *artus*, pro quo nostri Codd. dant *ungues*, latiori, ut videtur nobis, significatione. LEM. — *per artus* pro *per ungues*, ex pluribus Gio- fani et Heinssii MSS. recepi; *ungues* enim nec frigus, nec calorem sentiunt. Vult totum corpus dicere, id autem recte *per artus* (iuncturas membro- rum, iteum membra ipsa) et *venas* ex-

primit. Et passim *frigus* aut *tremor artus occupare* dicitur: vid. Giof.

825. *Vtique malum etc.*) Similitudo apprimē claudicans: etenim lupia factus cum carne cancro absoluta male comparatur; tum cancer lentis- sime serpit, neque totum corpus oc- cupat. Frustra subiecit *paulatim*, ut similitudinem quandam ostenderet. — *hiems*, frigus, insto durius de cor- pore humano. — *Vitales vias*, cana- les, quibus respiramus aliasque mu- nera ad vitam sustentandam facimus: *vocis iter*, arteria aspera et os; VI, 355; *via vocis*. Lucret. IV, 514: *iter, qua vox it in auras*. — *habeat*. No- stri Codices Regii A et B, *habebat*. — *colla tenebat*, occupaverat collum, ut 376. — *duruerant*. Nostri Codices Reg. *duruerant*. Vide ad 706. — *in- fecerat*, maculas aut nigrum ei colo- rem contraxerat. Servant homines mutati aliquid e pristina natura, Ly-

VIII. Has ubi verborum poenas mentisque prokinæ
 Cepit Atlantiades, dictas a Pallade terras
 Linquit, et ingreditur iactatis aethera pennis. 835
 Sevocat hunc genitor; nec causam fassus amoris,
 « Fide minister, ait, iussorum, nate, meorum,
 Pelle moram, solitoque celer delabere cursu;
 Quaeque tuam matrem tellus a parte sinistra
 Suspicit, indigenae Sidonida nomine dieunt, 840
 Hanc pete; quodque procul montano gramine pasci
 Armentum regale vides, ad litora verte. »

mon feritatem, Daphne nitorem, etc.

833-875. *Has ubi etc.*) Agenor, rex Phoenices, filium habuit Europam, quam amavit Iupiter. Igitur, in taurum versus, virginem raptam dorso transtulit per mare Mediterraneum in insulam Cretam, ubi ex ea suscepit Minoem, Sarpedonem et Rhadamanthum. Fabulam hanc partim Phoenicium, partim Cretensem, Phaeceydes, Hellanicus, Antimachus, Anticlidea, Epimenides narraverant; peculiaribusque carminibus Eumelus, Stesichorus et alii celebrant. Ex iis, qui restant, vid. Anacr. Od. 35; Moschus Id. II; Horat. III, Od. 27, 25-28; Achilles Tat. init. Apollod. III, 1, 1; Hygin. fab. 178; Palaeph. esp. 16; Eratosth. 14; Noster infra VI, 104 sqq. et V Fast. 605. Fulgent. Myth. 1, putat, Europam a Iove raptam esse in nave, quae tauri picturam habuerit. Palaephatus autem narrat, Gnosium quemdam, nomine Taurum, a Tyro rapuisse tum alias puellas, tum virginem regiam Europam. — Agenor autem vixit saecula circiter quindecim ante aetatem Christianam. — *Has ubi. Has* Heinaius mutari volebat in *quas*.

836. *causam fassus amoris*) Franciscus malebat *causam fassus amorem*.

— *causa amoris*, amor, ut IV, 519; *causa veneni* ipsum venenum. Sic *carere* possumus coniectura Francii.

839. *Quaeque tuam*) Hic versus valde vexavit Interpretes, quorum nonnulli ex astrologicis adeo rationibus eum interpretari conati sunt. — *mater* Mercurii, Maia, una ex Pleiadibus, quae locum suum tenet in capite Tauri, qui circulo aequinoctiali dividitur, Phoenicibusque est meridionale sidus. — *Sidonida*. Nostri Codices, *Sidonis*, male. LEM. — *Sidonida* ab urbe capitali. Ab Anacr. Od. 35, 3, Europa vocatur *Σιδωνία γυνή*. — *sinistra pars* nunc est meridionalis, et cogitandum est, Iovem, quum haec Mercurio mandata daret, stetitisse vultu ad occidentem verso. Sic omnia mihi plana videbantur: indicent tamen alii. — *Spectare* autem terrae dicuntur regiones eam, in quam vergunt et extenduntur. Sic Liv. XXXIII, 17: *Acarnania spectat solem occidentalem*. Noster autem pro *spectare* dixit *suspicere*, quia sidera in alto sunt; nam *suspiciere* est sursum, in altum spectare. Contra Senec. Oedip. vl. 476: *Quasque (gentes) despectas vertice summo Sidus Arcadium*. Sensus: tellus, quae extenditur versus Pleiadas, seu meri-

Dixit; et expulsi iamdudum monte iuveni
 Litora iussa petunt, ubi magni filia regis
 Ludere, virginibus Tyriis comitata, solebat. 845
 Non bene conveniunt, nec in una sede morantur
 Maiestas et amor: sceptri gravitate relicta,
 Ille pater rectorque Deum, cui dextra trisulcis
 Ignibus armata est, qui nutu concutit orbem,
 Induitur faciem tauri, mixtusque iuencis 850
 Mugit, et in teneris formosus obambulat herbis;
 Quippe color nivis est, quam nec vestigia duri

diem. — *Verte*, abige. Virgil. Aen. I, 528: *ad litora vertere praedas*.

843. *iamdudum*, continuo, ut XI, 482, — *expulsi*, abacti. Graeco ἐξέλκω. Sic Virgil. Ecl. I, 22, *depellere*, Cul. 44, *propellere*. — *magni regis*, Agenoris: *magnus Agenor*, Seneca Oedip. 715; Homer. Il. 2, 321; et, ut ex Schol. ad Il. M., 397, apparet, etiam Hesiod. et Buechyl. Phoenicis filiam fecerunt. — *Tyrus* tum nondum condita; sed solenne est Tyrios dicere *Phoenicios*: III, 35, *Tyria de gente profecti*. Etiam apud Eurip. Phoen. 642, *Cadmus Τύριος*, ubi Schol. monet, Phoenicen autem Tyrum dictam. Contra III, 129, *Cadmus Sidonius hospes*, et IV, 571, *Sidone profectus*. Aulde Hygin. fab. 178.

846. *Non bene conveniunt* } Miram transformationem narraturus et amplificaturus, praemittit sententiam. — *sedes*, persona, subiectum, Her. XIX, 173: *Mule res iunctae, calor et reverentia pugnant*. Quintil. Decl. 12: *non habitant una pudor et sanctas*. Atque etiam morari, id est habitare. Munke. ad Hygin. fab. 52. Sequentia brevius expressa ab Auct. Eleg. in Obitu Maec. 88: *Dominator Olympi Dicitur in nitidum procubuisse*

bovem. Maiestatem Iovis hic praecclare describit.

848. *Ille* } Gebhardus malebat *ipse*. *Ille* bene inservit magnitudini declarandae. Virgil. Aeneid. VII, 110: *sic Iupiter ille monebat*. Tibul. I, 4, 19: *Vetus pater ille valere*. Silius III, 181, *monet hoc pater ille Deorum*, ubi Drakenb. etiam h. l. *ille* tnetur. Quamquam nec *ipse*, quod Gebhardus malebat, deterius est. Et sic Senec. Hipp. 299, ubi nostram loc. respicit: *Induit formas quoties minores, Ipse, qui coelum nebulasque ducit* Cl. et sqq. *nutu concutit*, ut I, 179, ubi vid. not. Forte Nostro haec scribenti in animo versabatur Terent. Eun. III, 5, 42, de Iove in pluviam puream converso: *At quem Deum? qui templa coeli summa nutu concutit*.

850. *Induitur faciem tauri* } Taurum illum expressum vides in Lipperti Dactyl. I, 29, 30. Formositatem eius iam describere incipit; recte igitur sequitur *Quippe*, quod Heins. temere mutatum volebat in *Ipsa*. — *quam nec etc.*, qualis est, quum modo de coelo delapsa conspicitur: II ex Pont. 5, 18, *non calcata candidiora nive*. — *duri* respectu molitudinis nivis. Phaedr. I, fab. 30, 10, de tauro: *procalceas observat duro*

Calcavere pedis, nec solvit aquaticus Auster.
 Colla toris exstant; armis palearia pendent;
 Cornua parva quidem, sed quae contendere possis 855
 Facta manu, puraque magis perlucida gemma.
 Nullae in fronte minae, nec formidabile lumen;
 Pacem vultus habet: miratur Agenore nata,
 Quod tam formosus, quod proelia nulla minetur.
 Sed, quamvis mitem, metuit contingere primo: 860
 Mox adit; et flores ad candida porrigit ora.
 Gaudet amans; et, dum veniat sperata voluptas,
 Oscula dat manibus: vix ah! vix caetera differt:
 Et nunc adludit, viridique exsultat in herba;
 Nunc latus in fulvis niveum deponit arenis; 865
 Paulatimque metu demto, modo pectora praebet

pode. — vestigia pedis, ipse pes. — Auster pluvias coucitat, unde *aquaticus*, vocabulum ab ipso Ovidio cunctis. Occurrit et infra IX, 342, ubi *aquatica lotos*, quae amat loca aquosa.

854. *Colla toris exstant*) E pectore toroso, quod valde laudatur in tauris (Colum. VI, 13), emicbat collum. Suot autem tori pars carnosa, pulpa carnis musculosa, io lacertis et pectore, pulvillorum instar, emineus. Virgil. Georg. III, 53, optimus taurorum oumerat, quibus *plurima* (longa) et crassa) *cervix*, et quibus *crurum tenuis a mento palearia* pendent.

855. *Coruua parva*) Laudaotur in bubus corona excelsa; sed Iupiter assumserat parva, ne terribilis videretur puellae. Et Columella VI, 20, breviora tauris, quam bubus, cornua tribuit. — *quae contendere possis*. Codices Regii A et B, *posses*. — *manu facta* dicuntur, quae ab artificibus facta sunt, et opposita naturae operibus: vide Barua, ad Quintil. Decl. IX, 18.

857. *Nullae minae*) Noo erant trux aut torvus, quae alibi fere de tauris praedicantur. — *Pacem*, serenitatem et tranquillitatem, habet, prae se fert: X, 702. — *proelia nulla minetur*. Non colluctari cum caeteris bubus coeatur. — *mitem*, χαριόδης, id est, mansuetus vocatur ab Apollod.

862. *veniat*) Talibus viget phantasia Ovidii. *Venire* eleganter dicuntur, quae contingunt alicui, ut haereditates (Cic. Verr. IV, 27), et hic voluptas. — *vix ah! vix*. Burmannus praefert Vaticanam lectionem, *vix iam, vix*. Nonnulli, *vix et vix*, uode Heinsius coniecturat *vix virque*. — Nostri Regii A et B, *vix, ah! vix*. — Vocabulum *caetera* interdum sumi obscuroe, putat Burmannus. Verum illa obscuroitas oon oisi e contextu est. Sic omoia vocabula possent obscuroa dici. VI, 514: *vix sua gaudia differt*.

865. *in fulvis niveum*) Vt I, 112: *flavajque de viridi. — plaudere*, mulcere; vide Heinsium. — Nostri Co-

Virginea plaudenda manu; modo cornua sertis
 Impedienda novis: ausa est quoque regia virgo,
 Nescia quem premeret, tergo considerare tauri.
 Tum Dens a terra, siccoque a litore, sensim 8;0
 Falsa pedum primis vestigia ponit in undis;
 Inde abit ulterius, mediiue per aequora ponti
 Fert praedam: pavet haec; litusque ablata relictum
 Respicit; et dextra cornum tenet, altera dorso
 Imposita est: tremulae sinuantur flamine vestes. 8;5

dices habent *palpanda*. Haec lectio, praeterquam quod accuratior nobis visa est, habet nescio quid dulcius et arganti convenientius. LEM. — *novis*, e novis floribus. — *premere* et *discurrere* pro insidare.

873. *Falsa*) Fallacia. Fallere vult virginem. — *primis*. Nostri Codices, *primo*. — *Aequora ponti*, ut alibi *freto ponti*, poetica periphrasis ponti. Intelligitur autem hoc loco mare Mediterraneum, per quod Europam transiit in insulam Cretam.

874. *cornum*) Nostri Regii, *cornu*; *cornum* videtur emendatio recentior.

LEM. — *Cornum* per Archaismum; vid. Priscian. lib. VI, p. 683. — *Imposita est*, innotuit. — Verbis *tremulae* et *sinuantur* egregie pinguntur varii motus et sinus, quos efficiebat ventus; cf. versus 528. Haec postrema latus tractavit V Fast. 667 seq.: *Ille iubam dextra, laeva retinebat amictus, Aura sinus implet, fluvius movet autae capillos* etc.



P. OVIDII NASONIS METAMORPHOSEON

LIBER TERTIVS

FAB. I. Iamque Deus posita fallacis imagine tauri,
Se confessus erat; Dictaeque rura tenebat:
Quum pater ignarus Cadmo perquirere raptam
Imperat, et poenam, si non invenerit, addit

1-130. *Iamque Deus posita etc.*) Agenor filios tres ad requirendam Europam sororem dirigit ita, ut, nisi eam reperissent, ad se non reverterentur. Cilix, variis peragratia terris, Ciliciam constituit; Phoenix in Africam est profectus, ibique remansit; Cadmus autem in Graeciam devenit, ubi, oraculo admonitus, Thebus, aut potius Cadmeam arcem condidit, interfecto prius ingenti dracone, e cuius dentibus humi sparsis viri armati prodierunt, quorum pars Cadmo in condenda urbe affuit: Eurip. Phoen. vs. 641 sqq., vs. 661 sqq. et Schol. ad haec loca Apollod. Biblioth. III, 1, 1, et IV, 1; Pansan. Boeot. pag. 719 et 733; Hygin. fab. 178; Seneca Oedip. vs. 709 sqq., Apollon. Rhod. III, 1170 sqq. Primi autem auctores fuerunt Muses, Pherecydes, Hellanicus, Lysimachus. Cadmus cum Phoenicum manu in Boeotiam venit, fuscisque Hyantibus, Aonae cum suis in unam gentem con-

lescere passus est. Quum locum condendae urbi quaereret, sequutus est, sive oraculo monitus, sive sua sponte, bovem ducem, uisi et hoc signum etymologica Boeotiae interpretatio peperit. Pansan. pag. 719. Quid de dentibus ab eo satis existimandum sit, ad vs. 126 videbimus.

2. *Se confessus erat*) indicaverat se esse Iovem. Sic et XI, 264. Virgil. Aeneid. II, 591: *confessus Deum*. — *Dictaeque rura*, Creta, Tyro vicina, et in cuius monte *Dicta* Iupiter natus credebatur, unde ipse *Dictaeus*.

3. *ignarus*) Male Ciofaa. *ignarus raptam* coniungit. Imo centies *ignarus* apud Nostrum ita occurrit, ut subintelligenda relicta sit illa res, cuius quis ignarus fuerit, ut I, 658, et infra 243, 287. Vide et Certe ad Sallustii Catilin. 51, 27. Ignorabat Agenor, filiam a Iove translatam esse in Dictaeam rura. — *invenire*, nunc ad quaerendi studium pertinet. Apollod. *σίναις μὲν πρότερον ἀναγλύσαι πρὶν*

OVID. Op. Tom. III

M

Exsilium, facto pius, et sceleratus eodem. 5
 Orbe pererrato, quis enim deprendere possit
 Furta Iovis? profugus patriamque, iramque parentis
 Vitat Agenorides; Phoebique oracula supplex
 Consultit, et quae sit tellus habitanda, requirit.
 « Bos tibi, Phoebus ait, solis occurret in arvis, 10
 Nullum passa iugum, curvique immunis aratri.
 Hac duce carpe vias, et, qua requieverit herba,
 Moenia fac condas, Boeotiaque illa vocato. »
 Vix bene Castalio Cadmus descendērat antro;

ἐν ἑξέμακτον Εἰρώπην. Sic ille pius in filiam, et sceleratus, crudelis in filios. Haec sententia, ut ἑξέμακτον, placuit Nostro; itaque eam, IX, 408, repetiit. Cic. Off. III, 31, de T. Manlio, qui perindulgens in patrem, idem acerbē severus in filium.

6. Orbe pererrato) Nempe aliquandiu in Thracia habitavit cum Telephassa matre; eaque mortua, Delphos profectus est oraculum consulturus. Apollod. — Furta. Puellas raptas. Pluralem posuit, ut sententia esset generalis. — profugus, exsul: Fast. I, 490: Cadmus in Aonia constitit exsul humo. Oraculum consuluit et de sorore, et sine dubio etiam de nova sede capiendi: namque in urbibus coudendis coloniisque deducendis summa erat oraculorum auctoritas. Cic. de Div. I, 1. De sorore oraculum aut nihil respondit (Schol. Eurip. ad vs. 641, ibique Valken.) aut πῶτε παλμπρογυμένῃ inuit. Apollod. Oraculum ipsum, cuius auctor forte Mnaseus, exstat in Schol. Eurip. d. I et Aristoph. Ran. 1256. Eo monetur per Phlegias et Phloicidem ad Pelagontis arriorens tendere, ibique bovem sumere duem itioeris, in utroque latere signum candidum, in lunae plenae speciem, habentem. Sic et Paus.

Apollod. Hygin. Schol. Eurip. Inde Noster, forte alios auctores sequutus, non una re aberravit. — arvis bene se habet. Eurip. πιδία ποροῖα: solis, solitariis, ut 393, sola antra.

11. Nullum passa etc.) Expressum diceret ex Euripid. si ibi constaret legendum μάχος ἀδάμαχος. Nostrum sequolus est Senec. d. I. quam non flexerat vomer, aut tardi iuga curva plaustris. — Carpere vias, proficisci, ut carpere aëra, volare. — herba ad naturam bovis accommodatus, quam loco in orae. græco, ubi illa ἔχεται κλέη τε πιδίη γένε ποιήντα. Sed ibi nihil de nomine Boeotia; Hygin. vero et Schol. Euripidis id nomen urbi inditum narrat. Alius Schol. ibidem notat, Thebam Syris dictam esse bovem: quod fortasse et ipsum in expedienda hac fab. observandum. Lactant. in Arg., In tamē terram devenit, quae postea a bove Boeotia est dicta. A Boeoto, Neptuni aut Itoni filio, illud nomen vanisse, alii putabant: vide Pausan. pag. 711. Schol. Hom. ad Catal. I. — condas; secundus Palatinus, ponas; Nostri Regii, condas.

14. descendērat ex monte Parnaso, in quo antrum, unde oracula dabantur; quod Ovidius a fonte vicino Ca-

Incustoditam lente videt ire iuvencam, 15
 Nullum servitii signum cervice gerentem.
 Subsequitur, pressoque legit vestigia gressu;
 Auctoremque viae Phoebum taciturnus adorat.
 Iam vada Cephisi, Panopesque evaserat arva;
 Bos stetit; et tollens spatiosam cornibus altis 20
 Ad coelum frontem, mugitibus impulit auras.
 Atque ita, respiciens comites sua terga sequentes,
 Procubuit, teneraque latus submitit in herba.
 Cadmus agit grates, peregrinaeque oscula terrae
 Figit; et ignotos montes, agrosque salutat. 25

italium vocat. — *presso*, tardo. Burmannus comparat e Liv. XXVIII, 14: *Hispanos presso gradu incedere iubet*. Leuz vero: gressu impresso in vestigiis vacante. — *adoratio* alias fiebat formula ore prolatis certisque ritibus; Cadmus vero iuter eundem *taciturnus* gentis agebat Apollini. — *auctoremque viae*. Gebhardus Crep. I, 12, legit, *auctoremque viae*, quod Burmannus merito ineptum iudicat. Nostri Codices Regii habent *auctorem*.

19. *Iam vada Cephisi* De Cephiso vide ad I, 369. — *Panopesque evaserat arva*. *Panope* aut *Panopeus*, urbs Phocidis. Medicus, Basil. et Gronov. *Panopes evaserat*. Heinsius coniecit: *rat Panopea*, ut esset appositio. Etiam Burmannus putabat rectius scribi *Panopea*, oppidum enim *Panopeus* a Strabone IX, pag. 416, dici, et a Pausania X, 4, licet a Stephano *Πανόπηα* vocetur, Salmasio et Berkelio defendentibus. — Nostri Regii dunt *Panopesque*.

20. *Bos stetit* Codex Regius A male constitit; alter B, stetit. — *Il- lud bos stetit et procubuit* exornavit, mores hominum errantium describendu. — *spatiosam* habent libri veteres

magno numero praelatumque est ab Heinsio et Gebhardo vulgatae lect. *spatiosam*. — Recte *Spatiosam* ex Codicibus Regiis. — *spatiosam*, latam. Mox versu 56, *spatium corpus*, et versu 95, *spatium hostia*. Boves spatiosa fronte Graecis dicuntur *εὐρυμέτωποι*, et *πλατυμέτωποι*. Homer. h. Merc. 355. Hi optimi habebantur: Varro R. R. II, 5; Colum. VI, 1, ubi etiam *cornua procera* et *robusta* laudantur. — *Mugitibus*, in oraculo Apollinis vocator, *ἰρίμυκος*, *valde mugiens*. — *impelli* clamoribus a poetis dicuntur non modo aures, sed et aurae, montes etc.

21. *Atque ita*, quo facto, ut I, 377. — *comites*. Pausan. τὸν σὺν αὐτῷ στρατὸν. — *latus*, corpus, *submittere*, aut, ut II, 865, *deponere*, formulae solennes de procumbente. In orac. κλίνειν γόνυ. Schol. Rom. ad II. B, 494, ἐλάσσει ἀνέκλινε. Pausan. ἱμεῖς καροῦσθ ἐλάσσειν: Pausan. pag. 733, narrat, suo adhuc tempore ostendi locum ubi bos procubuerit, in eoque esse aram cum signo Minervae, dedicatam a Cadmo.

24. *peregrinaeque oscula terrae*) De hoc more salutandi terras peregrinas,

Sacra Iovi facturus erat: iubet ire ministros,
Et petere e vivis libandas fontibus undas.

Silva vetus stabat, nulla violata securi;
Est specus in medio, virgis ac vimine densus,
Efficiens humilem lapidum compagibus arcum; 30
Vberibus fecundus aquis: hoc conditus antro
Martius anguis erat, cristis praesignis et auro;

quem apud poetas praeci homines religiose colunt, vide Ciof. ad hunc locum. Fuit satis antiquus. Homer. Od. E., 354.

26. *Sacra Iovi etc.*) Illam ipsam invencam, vine ducem, immolaturus erat, vel Telluri, secundum oraculum, vel Minervae, auctore Apollod. forte, quia illa *faulx viri*, vs. 101. Noster *fovem* substituit. — *ministros*, comites, quos sacrorum parandorum ministros esse volebat. Mox *socii* vocantur; Schol. Homer. τῶν τῶν μὲν ἀνθρώπων. Apud Euripid. ipse Cadmus abiit ἐν χερσὶν, ad manus lavandas aqua lustruli. In eam rem viva aqua adhibebatur. Liv. I, 45: *Quia tu ante vivo perfunderis flumine?* Ipsum oraculum iusserat sacrum fieri ἀγρὸς καὶ καλὸς. *Libatio* alias fiebat vino aut lacte, nunc, illis deficientibus, undis. — Fons ille, unde aqua haurienda, proprio nomine *Aretias* dicebatur. Schol. Aesch. Theb. 106. Iude haud dubie fluxit Ἀρεῖα πηγήν apud Apollod. et Schol. Euripidis. *Duraeum* nominant Seneca Oedip. 714, et Palaeph. 6. Omnium pessime Hyginus, *Custalium fontem*. Eum Noster ex ingenio descripsit, quales multi fontes esse solent. Liv. I, 21: *Lucus erat, quem medium ex opaco specu fons perenni rigabat aqua.*

28. *nulli violata securi*) Nefas erat silvas sacras violare securi: vide Valer. ad Eurip. Hippol. versu 74.

Tales silvae veteres et antiquae dici solebant et opponi caeduis: VIII, 742, *lucus ferro temerasse vetustos.*

29. *Est specus*) Codex noster Regius B, et *specus*; quod opprime consentit cum lectione vulgata vs. 31, in quo pro hoc legitur ubi. Videlicet recte sic fluit oratio: *silva vetus stabat — Est specus in medio — ubi etc.* Codex A, est *specus*. LEX. — *virgis densus*, virgis dense septus, ut Fast. VI, 9: *neous arboribus densum*. Ibid. V, 411: *lucus luncis et arundine densus.*

31. *hoc conditus*) Vulgo, ubi conditus, Heins. de suo dedit *hoc*; suadet etiam cui creditur. — Nostri Regii, ubi. — *hoc conditus antro*. Multi occurrunt in antiquitate daemones, custodes locorum, aedium, antrorum: vide Spanh. ad Coll. h. Del. vs. 91. Atque etiam gentes locorum per serpentes exhibuerunt. Heyn. ad Virgil. Aeneid. V, 84. Ac hic quidem secundum Euripidem custodiebat flumina et fluentia viridia, nempe a Marte sibi tradita, unde in Oae. videtur εἰνός Εὐκαλίου πόταξ, quem Cadmus iubetur πύχζεαι ἱδὸς αἴμα. Neque tamen propter hanc unam causam h. l. et Stat. Theb. X, 606, *Martius anguis* vocatur, sed et quia Martis filium eum multi lociebant. Eurip. ὀπά-ζων Ἀρεῖς. Schol. Sophocl. Antig. 130, *Tiphlosam Furiam* addit matrem: vid. Munke. ad Anton. Lib. II. Erat

Igne micant oculi; corpus tumet omne veneno;
 Tresque vibrant linguae; triplici stant ordine dentes.
 Quem postquam Tyria lucum de gente profecti 35
 Infausto tetigere gradu; demissaque in undas
 Vrna dedit sonitum; longum caput extulit antro
 Caeruleus serpens, horrendaque sibila misit.
 Effluxere urnae manibus; sanguisque relinquit

auctore Euripide, πόσις καὶ ἀνέμοισιν.
 Eius crudelitati vastitatisque, simul
 Cadmi cum eo pugnae describendae
 Noster immoratur, quia erat pars fa-
 bulae magis. Noverat antiquitas ser-
 pentes mirae magnitudinis. Serpens
 quidem ille, quem Regulus ad Bagra-
 dam, fluvium Africae, interemit,
 centum et viginti pedes in longitudi-
 nem habuisse, nec ullis telis confici
 potuisse, traditur. Plin. H. N. VIII,
 14. Hinc et Virg. Aeneid. II, 203 sqq.
 licuit vastissimae molis serpentes de-
 scribere, quem Noster respexit; et
 utrumque Silius lib. VI, 150 sqq.
 Neque tamen negandum est, prodigi-
 aliter quaedam hic esse aucta. —
 praestignis, insignis, ut Trist. III, 4,
 5, praelustris. — cristis et auro, cri-
 sta aurea. Intelliguntur autem comae
 fulvae in capite, praecipuum serpentum
 quorundam ornamentum. Aelian.
 Animol. XI, 27.

33. *Igne micant*) Oculi icatarum
 aut saeviarum bestiarum dicuntur igne
 micare, tremere aut scintillare. — tu-
 mere, verbum proprium de serpentibus
 veneno inflatis, I, 460. Serpen-
 tum autem venenum non per totum
 corpus sparsum est, sed glandulis
 quibusdam oris inclusum.

34. *Tresque vibrant*) Nostri Codices
 et vulgata lectio, *micant*. In Codice
 B, inter lineas, secunda manu scrip-
 tam, *erant*. Otiosa et ingrata re-
 petitio est τοῦ *micant*; quare ample-

xus est Heinsius, quod sane ex veteri
 libro depromptum, *tresque vibrant*.
 Statius Thebaid. lib. V, de serpente
 Archemori: *Livida fav oculis: tumidi
 stat in ore veneni Spuma virens: ter
 lingua vibrat*. Virgilius Aeneid. XI
*Sibila lumbabant linguis vibrantibus
 ora; ubi Servius, vibrantibus, mobili-
 bus; quia nullum animal tanta celeri-
 tate linguam movet; adeo ut triplicem
 habere videatur, quum una sit. Pri-
 mam in vibrare syllabam Catullus
 quoque corripit. LEX. — vibrare et
 micare solennia de celeri motu lin-
 guae serpentum. Silius d. l. *Trifido
 vibrata per auras Lingua nucat motu*.
 Lingua illa duplicem habet cuspidem
 IV, 585, sed vibrata triplex, triunca
 esse videtur. Plin. H. N. XI, 37: *Lin-
 gua tenuissima serpentibus, triunca,
 vibrans etc. — triplex dentium ordo
 fictus est*.*

37. *longum enpat*) *Longum pro
 longa* ex nonnullis MSS: iam Nange-
 rius notavit. Repertum etiam in Re-
 gio et Leidensi adoptavit Burmannus.
 — Nostri Regii habent *longo*. Diffi-
 cile, inter has lectiones, discernere
 nostra vera; vide nux explicationem.
 LEX. — *longum* multo optius consi-
 lio loci, quam vulgata *longo*, quum
 in longo antro parvum caput esse po-
 tuisset: πόσις κρᾶτα ei tribuit Eu-
 rip. — *caeruleus* nunc est niger: vide
 nos ad Plin. VIII, ep. 20, 4. Annot.
 XXIX, 11: ὀφθαλμοὺς καὶ τὴν ἀνὰ τὴν

Corpus, et attonitos subitus tremor occupat artus. 40
 Ille volubilibus squamosos nexibus orbes
 Torquet, et immensos saltu sinuatur in arcus;
 Ac media plus parte leves erectus in auras
 Despicit omne nemus; tantoque est corpore, quanto,
 Si totum spectes, geminas qui separat Arcios. 45
 Nec mora; Phoenicas, sive illi tela parabant,
 Sive fugam, sive ipse timor prohibebat utrumque,
 Occupat, hos morsu, longis complexibus illos;
 Hos necat adflatos funesti tabe veneni.

Fecerat exiguas iam Sol altissimus umbras: 50

τοῦ. Hinc vs. 63, *atra pellis*. — *mittere sibila*, ut alibi vocem. — *relinquit*, Regii nostri, *relinquit*; melius consentit cum *effluere*, ad initium versus.

41. *Ille — arcus*) Torquens squamosam et volubile corpus, facit orbes et saltus immeusos. Nimis fere cumlevit verba naturae et motui serpentum propria. Simplicius Virgil: Aen. lib. II, 208: *sinuantque immensa voluminis terga*. — *nexus* similiter de luctantibus, IX, 58. Ceterum talibus arcibus non opus erat in homines prope ipsam speciem stantes. — *squamosos*, Codex Regius B, *suamosos*, mendose pro *squamosos*. — *Immeusos*. Cod. A et B, *impresso*, ut referatur ad vocem *saltu*. — *nexibus*, nodis; et orbes, spiras quas serpentes cauda efficiunt. LEM.

43. *Leves*, tantum ornat, et petitum a natura aëris. Ita autem se solent serpentes erigere. Plin. VIII, cap. 33, de basilisco, *celsus et erectus a medio incedens*. Nostrum expressit Seneca in Thyest. vs. 655: *quam supereminens Despectat alte quereus et vincit nemus*. Sed Ovid. purum sibi constat: etenim vs. 91 sqq. Cadmus totum draconem figit in quereu. — *tantoque est corpore*.

Magis etiam sui monstri magnitudinem auxit Silius vs. 185: *Sub astra coruscum Extulit assurgens caput, atque in nubila prima Dispersit sanienem et coelum foedavit hiatu*. Quae sequitur similitudo, quanto etc., luxurianti ingenio tribuenda est. Placuit tamen Silio, qui tam sic reddidit: *Quantus non aequas perlustrat flexibus Arcios, Et geminum lapsa aidus circumligat anguis*. De illo autem serpente coelesti diximus ad II, 173. Ab Arato Phaen. versu 45, vocatur μέγας Ἰαχίμα, et a Virgil. Georg. I, 244, *maximus*.

46. *Phoenicas*) Apollod. τοὺς πλείονας τοῦ περὶ θέντων δεινύτατον. Noster omnes, quibus serpentes necare possunt, modos enumerat. — *complexibus* suffocavit eos. Apud Virgil. natos Laocoontis morsu depusculatur, ipsum spiris ligant ingentibus.

49. *Hos necat adflatos etc.*) Vulgo *adflatu, funesta hos tabe*. Heinsius dedit *adflatos funesti*, quia prius vocabulum in uno exstabat. Eidem et placebat ex quibusdam *adflati funesta*; tum snadebat etiam *efflati*, quod Burmannus in uno reperit. — Codex Regius A, *hos necat adflatu, hos funesta*

Quae mora sit sociis miratur Agenore natus;
 Vestigatque viros: tegimen derepta leoni
 Pellis erat; telum splendenti lancea ferro,
 Et iaculum; teloque animus praestantior omni.
 Vt nemus intravit, letataque corpora vidit, 55
 Victoremque supra spatiosi corporis hostem
 Tristia sanguinea lambentem vulnera lingua;
 « Aut ultor vestrae, fidissima corpora, mortis,
 Aut comes, inquit, ero. » Dixit; dextraque molarem
 Sustulit; et magnum maguo conamine misit. 60

tabe; Codex B, *hos necat inflati funesta
 tabe veneni*. Hanc vel vulgatae, vel
 Heinsianae lectioni praetulerim. LEM.
 — *tabes*, ut *tabum*, humor corruptus
 et sordidus. Nunc *tabes veneni*, ipsum
 venenum. Hanc autem serpentis sui
 vim habet et Silias versu 158: *trahit
 foeda gravitate* (foedo et pestilente
 odore) *per auras*; *Ac tabe adflatus
 volucres*; et versu 239: *cervas Longi
 avectas adflatus peste premebat*.
 Et halitus quorundam serpentium venenatus est: adeo ut solo adflatu praedam suam necare possint.

52. *tegimen derepta leoni* etc.) Ea
 Cadmi arma memorat, quibus mox
 opus erit. Exuviis ferarum tegi olim
 solebant viri fortes. Virg. Aeneid. I,
 275: *lupae fulvo nutrix tegnunt laetus*.
 Proprie autem pellis dicitur deripi
 membris: vide Heins. — *Animus*;
 apud Hesiodum Theog. 936,
 Cadmus *ἡνίοχος* dicitur.

56. *Victoremque supra*) Simpliciter
 Apoll. ἀγανκτήσας Κρόνος πτείνε
 τὸν ὀπάροισα. Sed illud πτείνε latissime
 descripsit plantus in poetae et
 exornavit. — *spatiosi*, vastissimi:
 Noster, Remed. Amor. dixit, *spatiosum
 taurum*. Spatium enim ponitur
 pro magnitudine et crassitudine; quod
 frequens est latinis auctoribus; hinc

apud Iuvenalem, *spatium admirabile
 rhombi*. LEM. — *corporis*. Heinsius
 aut hic *tergoris*, aut in versu 58 *fidissima
 pectora* legendum censebat,
 ne eadem vox toties repeteretur. No-
 stri Regii Codices vulgatam habent. —
tristia etc. Nota rursus quatuor voca-
 bula in a desinentia. Brevis est Cadmi
 oratio; agere enim mavult, quam
 querelas inanes iurtesque fundere. —
corpora, quia iam mortui socii, quam-
 quam et de vivis hominibus passim
 occurrit: vide nos ad Plinii Pan. 33.
 — *molares*, ut *μύλας*, omnino saxa
 grandia apud poetas; Eurip. *μέγαρα
 ποτ*.

60. *Et magnum magno*) Duodecim
 MSS. et *maguo conamine misit* in ho-
 stem. — Nostri Codices Regii, et
magnum magno. — Infra versu 95,
victor victi; XII, 236, *vastum vastior*;
 Virgil. Aeneid. V, 447: *gravis gra-
 viter concidit*; Homer. *μύαξ μύαλοισι*.
 Demosth. de Cor pag. 285: *ὁ
 κακὸς κακὸς ἐμύλεσας*. Male igitur
 h. l. Schaeffer. cor. inque anguem ma-
 gno. Ex magnitudine autem lapidis
 missi, ipsius Cadmi statura intelligi-
 tur. Quintil. Inst. VIII, 4, 24. He-
 roica aetate homines arbores proceri-
 tate superasse fingebantur: vide ad
 XII, 352. Talis tantusque etiam Cad-

Illius impulsu quum torribus ardua celsis
 Moenia mota forent; serpens sine vulnere mansit,
 Loricaeque modo squamis defensus, et atrae
 Duritia pellis, validos cute reppulit ictus.
 At non duritia iaculum quoque vincit eadem, 65
 Quod medio lentae fixum curvamine spinae
 Constitit; et toto descendit in ilia ferro.
 Ille, dolore ferox, caput in sua terga retorsit,
 Vulneraque adspexit, fixumque hostile momordit:
 Idque, ubi vi multa partem labefecit in omnem, 70
 Vix tergo eripuit; ferrum tamen ossibus haeret.
 Tum vero, postquam solitas accessit ad iras
 Plaga recens, plenis tumuerunt guttura venis;
 Spumaque pestiferos circumfluit albida rictus;
 Terraque rasa sonat squamis; quique halitus exit 75
 Ore niger Stygio, vitiatas inficit auras.

mus in hac pugna cogitandus est. Saxo misso succuluit draco secundum Helianic. Eurip. Hygin. Gladio eum esse interfectum tradiderat Pherecydes. In nostra copiosa descriptione plura arma Cadmus experitur.

61. *Illius impulsu*) Haec similitudo bene delecta est; etenim certam accipimus notionem et roboris, quo Cadmus vigeat, et molis serpentis. — *turres* autem non sunt, ut Lenz putabat, arces, palatia; sed turres in muris munitae urbis, quae saxis et machinis bellicis missis moveri, concuti, solebant. — *loricae* genus intellig. in squamarum speciem ex aere confectum. Virgil. Aeneid. IX, 707, *duplex squama lorica fidelis*. — *Atrae*, pro quo male Heins. scribebat *hirtae*, improbaute etiam Burnmano.

65. *vincit*) Nostri Codices, *vicit*, quod probò, propter *reppulit* in versu praecedenti et in versu 68 *retorsit*.

Vincit, repellit; tunc enim iacula vinci dicuntur, quum repelluntur. LEN.

66. *Quod medio lentae* etc.) Multum phantasie in sqq. elucet. *Spina* serpentum admodum *lenta*, scilicet flexibilis est, et in multos orbes curvari potest. — *consistere*, haerere. — *descendere* in corpus dicuntur tela, vulnera, ipsique adeo milites, qui vulnerant telis. — *et toto — ferro*. Regii nostri, et totum — *ferrum*. — *momordit hostile*, more ferarum, quibus aliquod telum inhaeret. — *ossa* spinae eiusque vertebrae. — *haeret*. Nostri Regii, *haerit*. — *plaga* dedit Burn. et duobus MSS. Vulgata, *causa*. — Nostri quoque Regii, *causa*. — *plena* sunt venae, quum lument.

76. *niger*, pestilens. — *Stygio* propter halitum letiferum. Silius vs. 219: *Stygios aestus fumant ex sibilat ore*. — *vitiatas inficit* e copia poetica, vi-

Ipse modo immensum spiris facientibus orbem
 Cingitur: interdum longa trabe rectior exit.
 Impete nunc vasto, ceu concitus imbris amnis,
 Fertur, et obstantes proturbat pectore silvas. 86
 Cedit Agenorides paulum; spolioque leonis
 Sustinet incursus; instantiaque ora retardat
 Cuspide praetenta: furit ille, et inania duro
 Vulnere dat ferro; frangitque in acumine dentes.
 Iamque venenifero sanguis mauare palato 85
 Coepit; et virides adspersine tinxerat herbas;
 Sed leve vulnus erat, quia se retrahebat ab ictu,
 Laesaque colla dabat retro, plagamque sedere
 Cedendo arcebat, nec longius ire sinebat:

tia aut inficit. Avienus: *Pestifero adflatu serpens vagus inquinat auras*. Claudianus XXXV, 202, de equis Phrygonis: *corrumpit spiritus auras Letifer; infectos spumas vitiantur arenae*. — Quidam herbas pro auras; sed Burmann. recte monet, herbas sanie potius, halitu vero auras infici. — Codices Regii habent quoque herbas.

78. *trabe*, arbore. — *exit*, eminet, confer Senecae *Ordip.* versum 726. — Nostri C. R. dant *astat*; praestans lectio quae pingit vividius serpentem seminimum minaciter assurgentem. LEM. — *modo cingitur spiris*; id est, in terram pronus, modo erectus surgit, *astat*. LEM. — *impete* antiquae pro *impetu*. Sic et VIII, 359. — *concitus* rapidior factus. Solemne poetis, praecunte Homero Il. Δ, 452 sqq. et E, 87 sqq. et alibi, militum, hinc et saeviarum bestiarum, impetum cum aene concito aut exundante comparare. Cf. Virgil. Aeneid. II, 496; X, 603. — *obstantes* etc. Similiter apud Liv. XXI, 22, serpens in quiete Hannibali oblatum cum ingenti arborum et

virgultorum strage ferebatur. — *proturbare*, prosternere. Cf. VIII, 340.

81. *spolio* pelle decrepta; nam *spoliare* omnino detrudere. Spolium illud scuti vim habebat. Sic quoque Cadmus magnum facere voluit; recreot tamen, ne prodigiuliter. — Vir doctus in Ephem. Norimh. mōx malebat *inhiantiaque*. Sine causa. *Instare* verbum militare. Cadmus cedit, serpens *instat* cedenti. — *praetendere*, verbum in hac re proprium: vid. ad XI, 510. — *inania vulnera*, morsus nullum dentis vestigium in ferro relinquentes. Virgil. Aen. XII, 255, *morsus inania*; et apud Nostrum VII, 786, *vacuus morsus*. De morsu vulnus faciente, *vulnus etiam* VII, 781, legitur. — *frangitque* non nisi in uno MS. legitur, sed eo nihil vitiū. Quam ieiuna est post superiora vulgus lect. *figitque!* — Nostri Codices Regii, *figit*.

87. *quia se retrahebat* etc.) Incipit rursus *ταυτολογειν*: etenim idem quater dicit, *se retrahebat, colla dabat retro* etc. Proprie tela dicuntur *sedere* quum incidant et haerent in scuto,

Donec Agenorides coniectum in gutture ferrum 94
 Vsque sequens pressit, dum retro quercus eunti
 Obstitit; et fixa est pariter cum robore cervix.
 Pondere serpentis curvata est arbor, et imae
 Parte flagellari gemuit sua robora caudae.
 Dum spatium victor victi considerat hostis; 95
 Vox subito audita est: neque erat cognoscere promptum,
 Vnde; sed audita est: « Quid, Agenore nate, peremtum
 Serpentem spectas? et tu spectabere serpens. »
 Ille diu pavidus, pariter cum mente colorem
 Perdiderat; gelidoque comae terrore rigeant. 100
 Ecce viri faulrix, superas delapsa per auras,
 Pallas adest; motaeque iubet supponere terrae

Flor. IV, 2, 40. Hinc etiam *plaga sedet*, altius descendit et penetrat. *Coniici* dicitur culter, quum adigitur XV, 735, l. 1. lancea: vide Gronovii Obs. I, pag. 87. — *in gutture*, Codex noster B, *in guttura*.

94. *gemuit flagellari*, gemuit quod flagellabatur. *Gemere* de sono cuiuscunque reiteratione, pressae, pulsae, IV, 449; XIV, 739; ex Pont. III, 3, 10; et quae non sonant, *taetere* dicuntur. — *sua robora*, plenius quam se.

95. *Vox subito audita est* Apparebant interdum Dii sic, ut in hominum conspectum non prodirent, sed vox tantum eorum audiretur, quae nonnunquam agnoscebatur ab audiente, et vox Minervae ab Ulysse in Sophoclis Aiaae versa 14. Nunc missa videtur a Marte, qui Cadmum interfecisset, nisi intercessisset Iupiter: vid. Apollod. III, 4, 2, ibique Heynius. Et transformatio Cadmi in serpentem, quae IV, 562 sqq. narratur, Martis irae tribuitur ab Hyg. fab. 6. — *In spectas et spectabere* inest hisus non contemnendus. — *mente*, quidam vo-

ce; Nostri Regii bene habent *mente*, LEM.

101. *Ecce viri faulrix*) Vnus, *fau-*
tor; monet Burmannus etiam *aucto-*
rem, sponsores et similes de feminis
 dici. — Ex nostris Regii, *fautrix*. —
 Pallas partem dentium seri iubet;
 alteram partem ad Aecten pertulit.
 Apollod. I, 9, 23. Noster VII, 121
 sqq. quem locum cum hoc conferas.
 Secundum Pherecydem in Schol.
 Apollon. III, 1178, Cadmus hos den-
 tes sevit, a Marte iussus; sed reliqui
 hoc consilium Minervae tribuunt. —
Ecce adest. Sic et II, 496. Virorum
 illustrum curam olim Deos aliquis
 Deave gerebat, cuique apparebat, si
 auxilio indigeret. Exempla sunt in
 Homero et Virg. obvia. Heroibus hoc
 datum erat, ut Deos divina specie
 ipsis oblatos sine noxa intuerentur.
 Pallas Cadmo etiam imperium Boco-
 tiae comparasse traditur ab Apollodo-
 ro. — *supponere terrae* saepe pro
 sepelire, ut XV, 370; ib. 153; Amor.
 III, 9, 48. Ergo bene de semioibus
 sparsis. Tunc vero perspicuitatis cau-

Vipereos dentes, populi incrementa futuri.
 Paret; et, ut presso sulcum patefecit aratro,
 Spargit humi iussos, mortalia semina, dentes. 105
 Inde, fide maius! glebae coepere moveri;
 Primaque de sulcis acies adparuit hastae:
 Tegmina mox caput picto nutantia cono;
 Mox humeri pectusque, onerataque brachia telis
 Existunt; crescitque seges clypeata virorum. 110
 Sic, ubi tolluntur festis aulaea theatri,

sa recte additur *motae*, aratro proscissae, quemadmodum *movere terram* et fodere significat. Virgil. Georg. II, 264; Plin. II, Ep. 17, 25. Atque *τῷ motae* mox respondet *presso sulcum* etc. Apud Eurip. 673, deotes spargit *αἰς βαθυστέρους γῆρας*. VII, 122: *aratos spargit in agros*; apud Pherecyd. *αἰς τὸν ἀρουραν*, in terram motam. Non igitur adsentior Valken. ad Eurip. 673, qui *matricem* praeferebat, quis hoc ei doctius videbatur, quam ut a librario possit expectari. — *incrementa*, additamenta, quibus augeatur novus populus.

104. et, ut presso, pro et impresso, dedit Heinsius ex castigationibus. — Noster Regius A, ut presso; Codex B, impresso. VIII, 332: *pressa signa pedum*. Et ipsam *pressum aratrum*, Tibul. IV, 1, 161. — *spargit*. Inde Graecis illi dicti putantur *Sparti*. — *mortalia semina*, semina, unde mortales nascerentur. Verba autem et, ut — *dentes* si obessent, non desiderantur.

106. *Inde fide maius*) Eurip. 674: *Εὐθὺν ἐξενήξει γῆ Πάριον ὅψιν ὑπὲρ ἀέριον ὄραν χθονός*. Sed Noster eos sensim nobis et terra procedentes ostendit, addita similitudine minime vulgari. — *novæ ferri*, arsum ferri, mox dilubi. Claud. XXI, 318: *gleba matrem*

nascente ferunt, erunt terram sibi obstantem.

108. *Tegmina caput*) galeae, habebant *comm*, tuberculum excavatum, cui indebantur cristae, quae fere constabant versicoloribus pennis, unde *picta conus*. Eae pennae inter eundem *nutabant*, movebantur. Est autem *nutare* verbum in hac re proprium: vid. Heinsius ad Silium IV, 460. Sed dum *galeae sensim e terra prodibant*, cristae *nutare* non poterant. — *Vaus Thuani, micantia*; bene *mutantia*. Facilis autem mutatio *τῷ nu* in *mi*, et *τῷ t* in *e*. LEM.

110. *Existunt*, II, 264. — *seges virorum*. Euripid. vs. 946, terra edit *χρυσόπτερος εἰς ἄγρον Σπαρτῶν*, aurea galeis armata segetem Spartorum, unde Ovidius *clypeatam* fecit, quod Addisonus sine causa damnabat. Virgil. Georg. II, 142: *Galeis densisque virum seges horruit hastis*. A Claudiano *messis* vocatur, quum *Amiger et viridi floreret milite sulcus*.

111. *aulaea*) Vela picta, quorum nus etiam in theatri erat. Haec, quum Indus initium capiebat, non in altum trahebantur, ut apud nos; sed ex alto demittebantur, ita ut, quando aerna aperta esset, humi iacerent; vide Gesner. ad Horat. A. P. vs. 154, et Scheffer. ad Phaedri V, fab. 7, 13.

Surgere signa solent; primumque ostendere vultum,
 Caetera paulatim: placidoque educta tenore
 Tota patent; imoque pedes in margine ponunt.
 Territus hoste novo Cadmus capere arma parabat: 115
 « Ne cape, de populo, quem terra creaverat, unus
 Exclamat; nec te civilibus insere bellis. »
 Atque ita terrigenis rigido de fratribus unum
 Continuis ense ferit; iaculo cadit eminus ipse.
 Hic quoque, qui leto dederat, non longius illo 120
 Vivit; et expirat, modo quas acceperat, auras;
 Exemploque pari furit omnis turba; suoque
 Marte cadunt subili per mutua vulnera fratres.
 Iamque brevis spatium vitae sortita iuventus
 Sanguineam trepido plangebant pectore matrem, 125
 Quinque superstitibus; quorum fuit unus Echion.

— *festa theatra* , in quibus ludi celebrantur diebus festis. Vide supra Metamorph. lib. II, 713, *festas arces* ; I Art. 133, *solennia theatra* , in quibus ludi solennes habentur.

112. *signa* omnes intelligunt imagines in aulæo pictas; nec improbo, quamquam hoc nomen rarissime ita legitur. Putem tamen et de statuâ post aulæum positâ cogitari posse, quæ in theatris iuventorum velorum coloribus infici Lucret. IV, 77, ait, quibusque melius etiam viri armati comparantur. Eæ, dum aulæa tolluntur, remouentur, surgunt exquisitiore illo verbi usu, de quo ad I, 34½; atque ex illusione optica, iucunde dicuntur *educi* et *pedes in margine ponere* . — *tenor* , quoniam sicut intervallo res sibi succedunt, continuitas, συνέχτης.

115. *Territus hoste novo* (Pherecydes narraverat, lapidibus eos esse petitos a Cadmo, et, quam vero putarent peti se ab aliis e suo numero, immanis consueruisse. Schol. Apollon.

III, 1185. Hoc alii variantur. — *novus* singulari et miro modo creatus, ut I, 310. — *populus* , coetus. — *auras* , anima, vita promiscue p. muntur; ut *aura* vesci, vivere, *vitales auras* accipere, nasci significat, sic *expirare auras* , mori. — *furere* , acriter pugnare. — *subiti* , subito nati. Inde Claud. d. I. exercitum repente coactum non male cum subita Spartorum origine comparat.

125. *trepido plangebant* (Codex noster Regius B, *tepido tangebant* ; Codex A, *tepido plangebant* . Nihil dubium quin lectio *tangebant* *matrem* *tepido pectore* concinnior vulgata videatur; levi tamen mutatione pulchrior esset, scilicet *tepido tingebant* . LEM. — *trepido* , trepidante. Membra morientium, aut decisa a corpore, palpitare et trepidare dicuntur. IV, 129; Virg. Aen. I, 212, *tremantia membra* , ubi Heyn. urgat, suæcum hoc epitheto imaginem sensui oblici.

126. *quinque* (quibus nonnulli sex-

Is sua iecit humi, monitu Tritonidis, arma;
 Fraternaeque fidem pacis petiitque deditque.
 Hos operis comites habuit Sidonius hospes;
 Quum posuit iussam Phoebeis sortibus urbem. 130
 II. iam stabant Thebae: poteras iam, Cadme, videri

tum addunt, Creonta. Illorum nomina a Lysimacho et Hellanico servata multi repetierunt. Pausan. quoniam nihil melius habeat, adsentiri se ait fabulae de eorum origine. Sine dubio *Sparti* dicebantur antiqui illius regionis incolae. Inter hos, Cadmo adveniente, bellum civile ortum, in quo plurimi perierunt; *quinque* autem a primoribus superstites fuerunt, quorum nomina tradita sunt, quia serius totidem familiae Thebanae illustres. — *Echionna* Cadmus, *ὡς προσχόντα κατ' ἀνδραγαθίαν*, generum adveniensit. Pausan. d. l. Iam quum Thebani Spartorum nomen ex etymologia interpretarentur, forte et constaret, ingentem draconem esse a Cadmo interfectum; inde composita est haec fabula.

127. *iecit humi*) Codex Regius A, *humo*. — *monitu Tritonidis*. Id est, sapientius, consultius duxit abicere arma. Similiter Hom. II. A, 194 sqq. Ninnervae monitu Achilles gladius strictum recondit in vagina. Vnde *Palas Tritonis* aut *Tritonia* dicta sit, disputatur. Heynio ad Virg. Aeneid. II, 170, maxime probabile videtur, a *Τηρέω*, quod Acolibos caput est, eam dictam esse *Τηρογέμεαν*, e capite Iovis natam.

128. *fidem*) Gebhard. Crep. II, 7, ductu Codicis Palatini, legit *fide* (antique pro *fidei*) *pacem*. Mule. Num *fide* pro *fidem* in Codicibus enim lineola superposita reperiri facile est hoc modo *fidē*. Nec est causa cur ex Codice Palatino *fidei* legatur, LEN. —

fidem pacis etc. Postulavit, ut reliqui fide data promitterent se quieturos, idemque et ipse promisit. — *operis comites*. Phreocydes: hos quinque Κάδμος ποιῆται πολέτας κατοικίας αὐτοῦς ἐν Θήβαις. Inde Thebani dicti *dracontigenae*. Cf. infra 543 sqq. — *iussam Phoebeis* etc. In Oraculo iubetur ὁ γῶν ἐν ἀπρωτάτῳ πτεῖν πῶλεν τύραννον. Ille vero Cadmeam tantum acropolim condidit, cui postea accessere Thebae. Confer Pausan. Bocol. pag. 719. — *Quum posuit iussam*. Noster Regius B, *Quum posuit iussus*.

131–152. *Iam stabant Thebae*) Actaeon, Cadmi ex Autonoe nepos, Aristaei filius, ob visam sine veste Dianam in cervum mutatus, a suis ipsius canibus discerptus est. Eurip. Bacch. 337 sqq.; Cullim. Lav. Pull. 108; Pausan. IX, pag. 714 et 787; Apollod. III, 4, 4; Hygin. Fab. 180, 181; Fulg. Mythol. III, 3; Senec. Oedip. 751. Ab his Acusilaus et Stesichorus fab. auctores laudantur. Ac ille quidem poenum illatam a Iove repetierat, indignante, quod Actaeon Semele uxorem petisset; plurimi vero a Diana, vel quod ille nudam vidisset, vel, quod Euripides sequutus est, se in venandi arte praetulisset Deae. Anaximenes apud Fulgentium putaverat, Actaeona, cognitis venationis periculis, timidum esse factum, tantum cervum, studioque canum alendatum decoxisse. Posterior etiam Theophr. Progyrna. cap. 6, et Palaeph.

Exsilio felix; soceri tibi Marsque Venusque
 Contigerant; huc adde genus de coniuge tanta,
 Tot natos, natasque, et, pignora cara, nepotes,
 Hos quoque iam iuvenes: sed, scilicet, ultima semper 135
 Expectanda dies homini; dicique beatus
 Ante obitum nemo supræmaque funera debet.

3, amplexi sunt, et solent opes hominibus viscera eius dici. Heroid. I, 90: *Viscera nostra tuæ dilaniantur opes*: vid. ad IX, 194. Forte Actæon inter venandum aut a canibus dilaniatus est, aut alio modo periit. Id ad Dianæ iram referebatur. — Transitus, in quo poeta de Cadmi sorte philosophatur, addita sententia gravi. Et iam Pindar. P. III, 163, observaverat, non solidam illi contigisse felicitatem. Non male hic apostrophe adhibita, qua Cadmo bona sua partemque calamitatis enumerat poeta, atque ita comanode fab. argumentum proponit, addito indicio suo, quo quasi solatur Cadmum. — *stabant Thebæ*. *Stare* frequenter ponitur pro *florere*, quemadmodum *miseri iacere* dicuntur. Sed h. l. de urbe absoluta capiendum est. Sic *stare*, et XI, 205.

132. *felix*) In Orac. καὶ σίγη ἐν ἀνθρώποις ἐνομάζοντο; ἔσται αὐτῶν ἀθανάτων λιγύων ἀνθρώπων, ὅλβιος Κάδμος. Id ipsum de eius felicitate disputandi occasionem præbuit. — Nangerius e veteribus nonnullis adfert et probat *exsiliū felix*, quod Burmannus illustrat quidem; sed propter Codicum consensum respuit. — Et nostri Regii habent *exsilio*. — *soceri tibi Mars*. Cadmus Harmoniam (sic, non Hermionem, ut quidam corrupte exhibent) duxerat, *Martus* et *Veneris* filiam, quibus nuptiis omnes Dii interfuerant, quasque Musæ et Gratiæ carminibus suis celebraverant. Euripid. Phœn. vs. 7, ibique Schol. Hesiod. Theog. vs. 936, 974; Theognis, vs. 15; Pausan. p. 719 et 734; Apollod. d. I.

134. *Tot non ad unum natos, sed ad natos natasque* coniunctim referendum. *Natus* enim non nisi unus a cæteris scriptoribus commemoratur, Polydorus, qui successit Cadmo in imperio. *Natas* autem habuit quatuor, Autonoe, Ino, Semelen, Agaven. Ino nupsit Athamanti, Autonoe Aristæo, Agave Echioni; Semele autem cum Iove rem habuit: vid. Pausan. et Apollod. d. I. E *nepotibus* memorabiles sunt præ cæteris Melicerta, Bacchus, Pentheus, et hic ipse miserrimus Actæon. Solemne autem est, liberos aut, ut h. l., *nepotes* vocare *pignora*, quibus parentum et liberorum amor æretissime constringitur. — *iuvenes*, atque adeo iam spectatæ virtutis. — *scilicet* ponitur, quum sententiæ proferuntur. Sequitur sententia Solonis ad Croesum (Herodot. I, 32), quam expresserunt multi. Eurip. Trond. vs. 510: τῶν δ' εὐδαίμωνων Μῆδεια νομίστ' εὐτυχίην, ποίη ἐν Δίῳ. Cf. Androm. vs. 100; Iphigen. Aulid. vs. 161. Laudat nostrum locum Lactant. Ira Dei XX, 2. — Post vocem *homini* Codex Regius B inserit *est*. — Quum *sumus supremum* sæpe occurrat, vide Heinsum; supervacaneam puto Lindenb. conjecturam *suprema munera*, quamquam casu et Bronkh. ad Prop. I, 17, 23, probet.

Prima nepos inter tot res tibi, Cadme, secundas
 Causa fuit luctus; alienaque cornua fronti
 Addita, vosque canes satiatae sanguine herili. 140
 At bene si quaeras, Fortunae crimen in illo,
 Non scelus invenies; quod enim scelus error habebat?

Mons erat, infectus variarum caede ferarum:
 Iamque dies rerum medias contraxerat umbras:
 Et Sol ex aequo meta distabat utraque; 145
 Quum iuvenis placido per devia lustra vagantes
 Participes operum compellat Hyantius ore:
 « Lina madent, comites, ferrumque cruore ferarum,

138. *Prima*) Postea plures accessore: hinc IV, 563, dicitur *luctus serieque malorum victus*. — *aliena*, quae abhorrent a forma humana; Heroid. XIV, 90, non minus eleganter, *non sua cornua*, ut infra vs. 203, *ora non sua*. — *satiatae* ex Neapolitano primo, Vatican. sec. Palat. sec. Mediceo priore, Erfurt. et tribus aliis dedit Heinsius. Ceteri, *satiati*. — Sic et nostri Regii. — *satiatae sanguine*, gravius quam, quae hausistis sanguinem. Femininum saepe praefertur a Graecis et Romanis quoniam de animantibus sermo est; vide Heiosium.

141. *At bene si quaeras*) At si rem accorte, et sine praepiudicatis opinionibus examinare velis. — *crimen*, culpa. Fortunam habebat malignam. Commodus a Burmanno allatus est locus Quinctiliani, lib. VI Inst. Or. prooemio: *Frustra mala omnia ad Fortunam crimen relegamus*. Phaedr. II, Epilog. 19: *Donec Fortunam criminis pudeat sui*. — *error*, quo deductus erit ad Dianae lavacrum. Alii tamen rem sic narrant, ut culpa non vacaverit bonus Actaeon.

143. *Mons erat*) Intelligitur mons Cithaeron. Eurip. Bacch. vs. 1290;

Apollod. d. I. *Erat* involvit praedicatum. Sic vs. 155, *Pallis erat*: I, 568, *Est nemus*; IV, 432, *Est via declivis*. Et ita creberrime incipiunt descriptiones locorum. Plin. IX, Ep. 33, 2: *Est in Africa colonia*. — *caede ferarum*, sanguine caesarum ferarum.

144. *dies* ponitur pro Sole, qui diem facit, et vicissim Sol aut Phoebus pro die. — *medias*, ex uno Palatino, pro *medius*. — Nostri Codices Regii, *medius*. — *medias umbras* doctius quam, si *medius dies* dixisset. Manil. II, 796: *Declinatque diem, mediasque examinat umbras*. Posset tamen et *medius* defendi ex III Art. 723. — *meta utraque*, a parte finitoria orientali et occidentali: vid. ad II, 142.

147. *Hyantius*) Codex Regius A *Cynthius*. — *Hyantius*, Boeotus; vide ad vs. 1; onde et apparet, melius poetam dicturum fuisse, *Aonius iuvenis*. Et saepe *Aonius* pro Boeoto ponitur: vide Valken. ad Eoripid. Phoen. 645. Sed poetae terras ab antiquissimis incolis nominant. — *operum*, venatus, ut mox *propositum opus*. Venatus delectabatur; etenim a Chironu educatus *αὐτὸς ἐδιδάχθη*.

Fortunamque dies habuit satis: altera lucem
 Quum croceis evecta rotis Aurora reducet, 150
 Propositum repetamus opus: nunc Phoebus utraque
 Distat ideam terra, finditque vaporibus arva.
 Sistite opus praesens, nodosaeque tollite lina. »
 Iussa viri faciunt, intermittuntque laborem.
 Vallis erat, piceis, et acuta deusa cupressu; 155
 Nomine Gargaphie, succinctae cura Dianae;

Sequens oratio parum ad rem pertinere videri possit. Sed ea voluit poeta invenire sua fortuna lactum, nec quidquam mali metuentem describere: quod ipsum inest in voc. *placido*.

149. *Fortunam* — *satis*) Regius subintell. putabat, *satis prosperam*, quod non est necesse; nam quamquam *et* *satis* ex vulgaribus linguae legibus Genitiv. additur, tamen nec exempla cum accusat. rara sunt: ipse Cicero Attic. XII, 50, *satis consilium* dixit; Senec. Herc. Oct. vs. 1830, *erunt satis praesidia*. Vid. Curt. ad Sallustii Cat. 58, 9; et Bosius ad Nepotis Epam. 4. Similiter *abunde*, *affatim*, *âlaç*.

150. *Quum croceis evecta* etc.) Vno verbo, crastino die. Solent autem poetae, ut narrationis tenuitatem fugiant, huiusmodi versus ornatos, tanquam formulas solemnes, inserere: vide Heyn. ad Virgil. Aeneid. IV, 6, ubi haec poetarum consuetudo defenditur contra Hominum. Aurora bigis vecta ante Solem, coeli complexum decurrere credebatur. Expressit autem Noster Virgil. Aen. XII, 76: *Quum primum crastina coelo Puniceis invecta rotis Aurora rubebit*. Etiam hic plerique, *invecta*; sed Burmanno placuit *evecta*; sic in uno Ciofani, Leidens. et duobus aliis: vide Burmannum.

num. — Nostri Regii *invecta*; et mox *repetemus*, pro *repetamus*; non male quoque. LEM. — *idem*, pariter, ex aequo; subauditur *spatium*: ut intelligamus ab utraque terra eodem *spatio* distare, atque abesse ab oriente et occidente; per quod significat meridiem esse. LEM. — *vapores*, aestus, ut II, 811, et saepe, praecedente Lucretio; Homerus, ἀέροι. — *finditque* etc. Virg. Georg. II, 353: *ubi hiulca siti findat canis aestifer arva*. Tibul. I, 7, 21: *arentes quum findit Sirens agros*. — *nodosa*, non *knotenreich*, ut Rod. vertit, sed *nexa*: II, 499, *nexiles plagas*: vid. ad II, 560.

155. *cupressu*) Cantabr. Argentor. et duo alii, *cupresso*, utrumque usitatum. — *cura* dedimus cum MSS. quibusdam, cum Editionibus Aldina, Gryphii, Bernmanni et aliis, pro *sacra* quod fluxit ex interpretatione. Burmannus suadet *cara* vel *grata*, siue causa. — Regii nostri habent *sacra*. LEM. — *cara* Dei vocatur, aut locus, quo Deus delectatur, aut homo, quem tuetur. Virg. Aeneid. I, 476, Anchises *cura Deum*. Infra X, 529: *non iam Cythereia curat Litora*. Ergo nihil hic mutandum. Causa autem huius *curae* duplex, quia locus et absconditus et iucundus, quod utrumque Deum ad lavandum invitabat, et a Nostro notatur. Et habebant

Cuius in extremo est antrum nemorale recessu,
 Arte laboratum nulla: simulaverat arte in
 Ingenio natura suo; nam pumice vivo,
 Et levibus tophis nativum duxerat arcum. 160
 Fons sonat a dextra, tenui perlucidus unda,
 Margine gramineo patulos incinctus hiatus.
 Hic Dea silvarum venatu fessa, solebat
 Virgineos artus liquido perfundere rore.
 Quo postquam subiit, Nympharum tradidit uni 163

Deae suos fontes. *Succinctae*, venatrici. Venantes enim succingi solebant: vide ad II, 412. — *Gargaphis*, vallis prope Platæas cum fonte cognomini. Herodotus lib. IX, 25 et 48; Pausan. Boeot. pag. 718. Hyginus, fab. 181, vocat *vallē opacissimam*; hinc Noster, *piceis densa et cupressu, densis piceis et cupressibus obsita*. — *acuta cupressu*, a forma, ut I, 699.

157. recessu) Confer XI, 235 sqq. *Recessus*, loca remota, nemorale, nemoribus cinctum. — *simulaverat*. Duo Medicei et unus Leid. *similaverat*, quoniam scripturam acriter defendit Barth. ad Claudian. II Ruf. 81; sed Gronov. diatrib. Stat. cap. 6, docet semper scribendum *simulare* et *assimulare*, eique assentitur Burnmannus. — *simulaverat*, imitata fuerat. Erat merus lusus naturæ. *Simulata* apud Ciceron. N. D. II, 35, quæ ad exemplum naturæ expressa sunt. — *ingenium* bene tribuitur Naturæ ludenti. — *pumex*, lapis cavus et pendens, qui facile imitatur formam antrorum et arcuum. — *vivus*, eo ipso loco natus. — *tophus* oritur ex aquis cum calce mixtis et destillantibus. Simulabat nativum hic lapis miras serpentum figuræ, ut vel Baucaniana spelunca quemque docere potest. Tum *pumices et tophi* omnino

sunt saxa, quibus Dearum Nympharumque antra constructa fingebantur. VIII, 56; X, 692. II Fast. 315: *Antrum subit tophis laqueataque pumice vivo*, Plin. XXXVI, 21: *Non praetermittenda est et pumice natura. Appellatur quidem ita et erosa saxa in aedificiis, quæ musea vocant, dependentia, ad imaginem specus arte reddendam*. — *nativum*, a naturo ductum. — *Fons* fuit in ipso antro, vs. 177. Hygin. fab. 181, eum vocat *Parthenium*. Pausan. in Boeot. pag. 714, narrat, Megaris Platæas proficiscuntibus ad dextram esse fontem et saxum, quod Actæonis saxum dicunt, in quo Actæon e venatu fessus cubare solitus fuerit, et unde prospexerit Dianam in proximo fonte lavantem. — *a dextra*. Codex noster Regius B, *ad dextram*. I.E.M. — *tenuis*, non profunda, ut Lav. I, 4. — *hiatus*, sine dubio lacus aquam colligens. Plin. VIII, Ep. 8, 2, de Clitumno, *eluctatus facit gurgitem, qui lato gremio patet ut purus et vitreus*. — *patulos hiatus*. Patentes ripas; hiare enim videtur ripæ ut fluvii alveum faciant. I.E.M. — *rore*, aqua, qua quis perfunditur. I, 371, *liquido, limpidio, perfundere*, nempe ex urna, vs. 172. Non immergebat corpus.

163. subiit) subiit e. succedere vim

OVID. Op. Tom. III

N

Armigeræ iaculum, pharetramque, arcusque retentos.
 Altera depositæ subiecit brachia pallæ.
 Vincula duæ pedibus demunt: nam doctior illis
 Ismenis Crocale, sparsos per colla capillos
 Colligit in nodum; quamvis erat ipsa solutis. 170
 Excipiunt laticem Nepheleque, Hyaleque, Rhanisque:
 Et Psecas, et Phiale; funduntque capacibus urnis.
 Dumque ibi perluitur solita Titania lympa
 Ecce nepos Cadmi, dilata parte laborum,

appropinquandi habent. Quo. Num quod? De nymphis Dianam comitantibus, variumque ei ministerium præstantibus, vide Callimachi hymnum ad Dian. vs. 13 sqq. — Vossianus, quem. Codd. Regii, quo.

167. *subiecit brachia*) Exquisitius quam, suscepit pallam; modum enim rei faciendæ exprimit. — *vincula pedum*, quæcumque calcesmenta. Virgil. IV, 5, 8, *Nuum exuta pedens vinculis*; VIII, 418, *Tyrrhena pedum vincula*. Venantium calceus erat *costurnus*, quali etiam hodie venatores Italici utuntur, ascendens ad mediam tibiæ. Pellis scissa erat multis locis, habebatque foramina per quæ lora traicerentur: vide Spanh. ad Callim. d. I. vs. 16, ubi Diana expetit sibi viginti nymphas Cretenses, quibus calceorum curam committat; nam inter Cretenses et inventi et maxime in usu erant istiusmodi calcei, Græcia *ἐνδρόμους* dicti. Sic muniti pedes Dianæ in Lipperti Dactyl. I, 1, 68, conspiciuntur. — *demere et adinere* verba in hac re propria. Apud Plantum occurrit socos item *compedes adinere*. — *Crocale*, ἀπὸ τοῦ κροκαλέου, quod capitis ornamentum, latine *reticulum*, quo crines cohibebantur. Id h. l. et passim apud Virg. *nodus* vocatur; *furunculusque* solenniter

sunt, crines *nodu* et *in nodum colligere*. — *Ismenis*, Thebana, ab Ismeno fluvio, qui tamen hoc nomen demum accepit ab Ismeno Amphionis et Niobæ filio, quum antea Κάδμου ποταμός vocaretur; vide Burm. — *Ismenis Crocale*. Codex Regius A, *Crocales*; Codex B, *Trocales*, vitiose. *Ismenis* filia fluvii Ismeni ex re de græco nominata; κροκάλη, calculus est litoralis, vel in imo fontis. LEM. — *doctior*; peritior; *doctus* ut σοφός, quicumque alicuius artis peritus est; vide Fischer. Indicem in Aesch. h. v. et Burmann. ad Phædri IV, fab. 16, 8. Et erat artis, crines sic colligere; hinc ministræ, quibus ea cura iniuncta, primum locum tenebant. Amor. I, 11, 1: *Colligere incertos et in ordine ponere crines Docta, neque inter ancillas habenda, Nape*. Hemistichium *quamvis* etc. Crispinus a sciolo monacho adiectum putabat. Immo Ovid. eo monet, artificem, ut sit, suos ipsius crines neglexisse.

171. *Excipiunt laticem*) aquam a latendu, quod in terræ venis lateat. LEM. — *Nepheleque*. Bersman. *Neptæque*, ἀπὸ τοῦ νεπτῆ. Codex Regius A *Nymphaeque*; Codex B *uale* propter metrum *Nymphæ*; sed recte vetustiores magno numero *Nepheleque*.

Per nemus ignotum non certis passibus errans, 174
 Pervenit in lucum, sic illum fata ferebant.
 Qui simul intravit rorantia fontibus antra;
 Sicut erant, viso nudae sua pectora Nymphae
 Percussere viro; subitisque ululatibus omne
 Implevere nemus; circumfusaeque Dianam 180
 Corporibus texere suis: tamen altior illis
 Ipsa Deaest, colloque tenus supereminet omnes.
 Qui color infectis adversi Solis ab ictu
 Nubibus esse solet, aut purpureae Aurorae;
 Is fuit in vultu visae sine veste Dianae. 185
 Quae quamquam comitum turba est stipata suarum;

175. *non certis passibus*, sine certo consilio et proposito, errabat. *Vago pede errare* est Heroid. XXI, 96. *Non certis manibus* eodem sensu up. Prop. I, 3, 8. Hic versus in Florentino, Neapolitano ac Mediceo secundo, magna recentiore margini erat adscriptus, et proinde spurius Heinsius videbatur. — Nostri Codices Regii hunc versum agnoscunt. — Non erat, cur Heinsius eum eiici vellet; valet enim ad innocentiam Actaeonis declarandam. Secundum Hyginum, eundem locum petebat ad se refrigerandum. Nonnulli venantes *lucum*, id est, partem interiorum et sanctiorem *memoris*, adibant Deorum venerandorum causam. Plin. Pan. 81. — *ferebant*. Sex libri, *trahabant*; pro in *lucum*, niter Regias ad fontem. — Nostri Regii *in lucum* et *ferebant*.

178. *sicut erant*, ut II, 272. Dum Nymphae ululantes, Dianam vero non nisi erubescens facit, decorum observat. — *texere*, exquisite, metaph. a vestibus sumpta. Diana *altitudine* s. proceritate et dignitate conspicuus erat; unde reginae ei comparari soleat, Helena apud Homerum, Od. A, 122;

Dido apud Virg. Aeneid. I, 498 sqq. ubi *Deas supereminet omnes*.

183. *Qui color infectis*) Iridis descriptionem esse volunt, cuius colores retulerit os Dianae pudore suffusae. At quo tandem iure, pudoris rubor cum arcus coelestis variis coloribus comparari poterit? Et tamen auevisimum comparisonem iudicat Schirach. et maximum ingenii summi testimonium. Intellige ergo nubes, quas solis occidentis radiis rubescere interdum videmus. — *ictus solis*, radii solis incidentes. Lucretius V, 612, *radiorum ictus*; qui et versu 486, *verbera solis* dixit e Graeco βλήν ἡλίου. Non adsentior viro docto in Ephem. Norim. *adversus* in *aversi* mutantis; nam *adversus* dicitur, qui est e regione, oppositus. Virgilius Aeneid. IV, 701: *Iris Mille trehens varios adverso sole colores*. Sic et V, 83. — *Aurorae*, confer VI, 48, ubi similia comparatio.

186. *comitum turba*) multas enim habet Diana comites. Callimach. h. Dian. vs. 13 sqq. — *est stipata*. Est vacat in nostris Codicibus Regiis, et reipsa salve sensu et metru vacat;

In latus obliquum tamen adstitit; oraque retro
 Flexit: et ut vellet promptas habuisse sagittas,
 Quas habuit, sic hausit aquas; vultumque virilem
 Perfudit; spargensque comas ultricibus undis, 190
 Addidit haec cladis praenuntia verba futurae:
 « Nunc tibi me posito visam velamine narres,
 Si poteris narrare, licet. » Nec plura minata,
 Dat sparso capiti vivacis cornua cervi;
 Dat spatium collo; summasque cacuminat aures; 195
 Cum pedibusque manus, cum longis brachia mutat
 Cruribus; et velat maculoso vellere corpus.
 Additus et pavor est: fugit Autonoeius heros;

potest. LEM. — In latus obliquum adstitit; corpus inflexit et contraxit in alterum latus, ut porva videretur, nec conspici posset ab Actaeone. Phantasia non mala.

188. ut — sic. Elegans est hic usus harum particularum. Quum non haberet, quas vellet, hausit, quas habuit. — *promptas*, paratas. — *virilem*, viri, Actaeonis.

191. *Nunc tibi me posito etc.* Prisco saeculo mortales impune cernere poterant Deas etiam nudas, Propert. III, 2, 38, thique Bronkh. Seniore tempore poena adfliciebantur, qui Deos invitos viderant. *Nunc tibi etc.* Similis sarcasmus I, 720. Apud Hyg. Diana fest, ut Actaeoni cornua in capite nascerentur. Forte poetam aliquem sequutus, totam transformationem a parte indicare voluit, ut Noster vers. 159. Stesichorus dixerat, Dianam *τὴν ἑσπέρου παραβάλλειν δέπουζ*. Polygnotus eius et matrem pinxerat cervae humilem manibus tenentes, pelleque cervinae insidites, adstante caue venulco. Pausan. X, pag. 872. — Actaeonis transmutati causa, inquit Diodorus lib. 4, traditur a

nonnullis, quod Dianae concubulum, quum venaretur in montibus, adpetierit; Euripides, quod se illi Actaeon praetulerit venandi a te. Iann, apud Lucianum, Dianae scopice exprobrat deformitatem; visam scilicet ab Actaeone, veritam ne adolescentis ipsius turpitudinem, αἰσχος, evulgaret, imminuisse illi canes. Dialog. Iunonis et Latonae. LEM.

193. *Nec plura minata* Vanz Mureti et Leidenensis, *morata*, quod venustum Heinio videtur. — *minata* nostri Regii habent — *vivar*; frequens cervorum epitheton, quia olim credebantur quam longissime vivere. Anson. : *Hos (homines) novies sperat vivendo garrula cornix, Et quater egreditur cornicis saecula cervus*, quae vero recentioribus temporibus reperta sunt falsissima; cervus enim vix quadragessimum aetatis annum attingit. — *spatium*, longitudinem — *evaminare*, acutas reddere, verbum Ovidio proprium.

198. *pavoris* symbolum apud Veteres erat cervus. Homer. II, A, 225. — *heros*, quia mater eius ex Harmonia Mastis et Veneris neptis, pater

Et se tam celerem cursu miratur in ipso.
 Ut vero solitis sua cornua vidit in undis, 200
 Me miserum! dicturus erat: vox nulla sequuta est.
 Ingemuit; vox illa fuit; lacrymaeque per ora
 Non sua fluxerunt: mens tantum pristina mansit.
 Quid faciat? repetatne domum, et regalia tecta?
 An lateat silvis? timor hoc, pudor impedit illud. 205
 Dum dubitat, videre canes; primusque Melampus
 Ichnobatesque sagax, latratu signa dedere,
 Gnosius Ichnobates, Spartana gente Melampus.
 Inde ruunt alii rapida velocius aura,
 Pamphagus, et Dorceus, et Oribasus; Arcades omnes;

Apollinis filius. Is, qui modo *heros* fuerat, nunc *fugit*; quod indignum. — *Et se tam celerem* etc. Luxuriantis ingenii est.

200. *Ut vero solitis* etc.) Ita hunc versum ex Leidensi edidit Heinsius. Caeteri, ut *vero vultus et cornua*. — Nostri Regii vulgatam habent. — *solitis*. Veteres enim aquis pro speculo utebantur. Cf. vers. 498. Heinsius hunc versum, ut insulsum et frigidum eiici volebat. Sine causa. Cf. similia I, 640 seqq., 647, 657, et cum seqq. compara II, 485 seqq. — Bene *non sua*, non ei data a natura. Trist. III, 4, de Daedulo et Icaro, *penas ambo non habuere suas*. Virgil. Georg. II, 82: *Miraturque novas frondes, et non sua penna*.

204. *repetatne domum*) Codex Regius B habet *repetatne domos et regia tecta*. Haec lectio mihi eo praestantior videtur, quod elisiuconi vitet. LEM — *pudoris* causa nulla erat; quis enim domi agnovisset transformatum dominum?

206. *videre canes*) Quinquaginta aluinae canes Actaeon traditur, quarum nomina adeo poetae prisci me-

moriae mandanda censuerunt. Comprehensa etiam erant prisci cuiusdam poetae graeci versibus, quos bibliothecae auae inseruit Apollod., ubi tamen non nisi reliquiae quaedam, eademque misere corruptae servatae sunt. Hygin. duos catalogos habet, quorum prior 39 nomina continet, quorum pleraque eadem sunt, quae Driliana, etiam eodem prope ordine recensentur. Posterior 46 nomina enumerat ab his diversa. Aeschylus non nisi quatuor nominaverat Pollux V, 47. Noster 36 nomina excerptis. Bene autem fecit, quod, tenentis vitandae causa, nominibus subiude adpersit aliquid de indole et patria singulorum canum; de qua re si quis accurate indicare velit, adeat rei cynaegeticae auctores. Venaticorum canum virtutes principes sunt sagacitas et velocitas. Praestantissimus ulciant Creta, Arcadiu, Laconia.

208. *Gnosius*) Cretensis, a Gnosio urbe Cretensi. Eiusmodi autem repetitiones nominum cum additam uto aliquo iam apud Hymnorum occurrunt. — *rapida aura*. Callim. h. Diana vers. 94: *ῥάπιδος αὐράων*.

Nebrophonesque valens, et trux cum Laelape Theron,
 Et pedibus Pterelos, et naribus utilis Agre,
 Hylaeusque fero nuper percussus ab apro,
 Deque lupo concepta Nape, pecudesque sequuta
 Poemenis, et natis comitata Harpyia duobus, 213
 Et substricta gerens Sicyonius ilia Ladon,
 Et Dromas et Canace, Sticteque, et Tigris et Alce,
 Et niveis Leucon, et villis Asbolus atris,
 Praevalidusque Lacon, et cursu fortis Aello, 220
 Et Thous, et Cyprio velox cum fratre Lycisce,
 Et nigram medio frontem disliuctus ab albo
 Harpalos, et Melaneus, hirsutaque corpore Lachne;

211. *valens*, scilicet robore. — *Hylaeus* etc. Heinsio poeta videbatur ad *Hyleum* ab apro Calydonio interceptum respexisse.

214. *Deque lupo* etc.) Arist. Hist. Animalium lib. VIII, cap. 8: *Εν Κυρήνη μίσησανται αὐτὸν τὰς κυνὶ*. — *Poemenis*, Codex Regius A, *Ille-menis*. Caeterum magna varietas in his nominibus scribendis manuscriptis est, ut solet, *Poemenis*, *Pastoralis*. — *Harpyia*, rapax, et *Harpyiarum* similia quae sunt rapacissimae. LEN.

216. *gerens*, habens. II, 751, *substricta crura gerens*, de mergo ave. Quintil. Inst. Orat. VIII, 3, 10: *Decentior equus, cuius adstricta sunt illa, sed idem velocior*. — *Sicyonius Ladon*. A fluvio Arcadiae nomen sumpsit hic canis; vel etiam a *χίχουρι*, quod capio significat. LEN. Et *Dromas*, currens — *Canace*. *Κρυχά* strepitum significat, unde nomen cani fuit inditum, quod eius latratus omnia resonarent. — *Sticteque*. Hae a colorum varietate nomen sumpsit; nam *στῆκῃ* distincta variis maculis dici potest, ἀπὸ τοῦ στῆκεν, id est a distinguendo. — *Tigris*; tigridi si-

milis quae est fera velocissima. — *Et Alce*, similis Alcae, ferae perniciosissimae; ἀλκή etiam robur, potentiaque dicitur: quae etymologia verior mihi videtur. LEN.

218. *Et niveis*) Nivei aut candidi canes prebantur venatoribus, non item albi; vide Spanhem. ad Callimachi hymnum Dian. vers. 90. — *Leucon*; albus a colore: et *villis Asbolus atris*, hoc est, pilis nigris. Asbolus autem a colore dictus est, ἀσβόλος enim fuliginem significat, eo quod nigris villis ac fuliginosis esset. LEN. — *Praevalidusque Lacon*, a Laconia, patria eius; et *Aello*, a procella, quia impetuosus. LEN. — *cursu fortis*. Infra VIII, 311, *cursu invictus*. Sed *fortis* etiam simpliciter de velocitate, VI, 221.

220. *Thous*, velox dicitur et impetuosus. — *Lycisce*; canis ex lupo nata dicitur *Lycisen*; sic Virg. E. III, vers. 18: *multum latrante Lycisca*. LEN.

221. *ab albo*) Codex Regius B, *ab alio*. — *Harpalos*; rapax. — *Melaneus*; niger. — *hirsutaque corpore Lachne*. Verbum de verbo expressit poeta; nam *lachne* villorum densitas dicitur. LEN.

Et patre Dictaeō, sed matre Laconide nati,
 Labros et Agriodos, et acutae vocis Hylactor;
 Quasque referre mora est: ea turba cupidine praedae 225
 Per rupes, scopulosque, adituque carentia saxa,
 Qua via difficilis, quaque est via nulla, feruntur.
 Ille fugit, per quae fuerat loca saepe sequutus.
 Heu famulos fugit ipse suos! clamare libebat:
 Actaeoni ego sum; dominum cognoscite vestrum. 230
 Verba animo desunt: resonat latratibus aether.
 Prima Melanchaetes in tergo vulnera fecit;
 Proxima Theridamas; Oresitrophos haesit in armis.
 Tardius exierant, sed per compendia montis
 Anticipata via est: dominum retinentibus illis, 235

225. *praeda*, fers capta; *praedari* pro venari, ipsique adeo venatores dicuntur *praedatores* vide Barn. ad Phaedr. II, fab. 1, 2. Canes id fecisse h. l. memorantur cupidine praedae: sed apud Apollod. rabies iis injecta legitur a Diana; quam tamen eos et sine Dea invadere potuisse Pausan. monet. — *Qua via* etc. Hunc versum aliter legunt nostri; scilicet *quaque est difficilis, quaque est via nulla, sequuntur*. LEM. — *feruntur* Heinsius praetulit, pro *sequuntur*, quod tuetur Lenz. *Feruntur*, cum impeta ruunt, bene convenit ardori canum, neque ulco sollicitandum est. Iam hinc phantasia poetae cupidinem canum comitumque cum domini conatibus et querelis ante oculos ponit.

230. *Actaeon ego sum* etc.) De hoc versu Heinsius: *Non magis Nasonis est, quam meus*. Agnoscat tamen libri veteres. Eo sublato omnia erunt concinniora. — Agnoscat quoque Codd. Regii. — Sine causa Heinsius hunc versum eliciendum putabat. Etenim famuli possunt esse comites, quos

Actaeon alloqui volebat. Sed et canes, si hos intelligere maluiss, dominum ex voce agnoscerre potuissent. Adde, quod toties in hac ipsa fab. luxuriat ingenium Ovidii. — *animo*, voluntati.

232. *Melanchaetes* et reliqui etiam ab Hygino postremi nominantur. Sed Nostrer, taedii vincendi causa, eos, aliis quibusdam interiectis, superioribus addit, tum ingenioso commentu peculiarem eorum operum memorat. — *Melanchaetes*; insam et pilos habens nigras. LEM.

234. *exierant*) Recte Heins. monet, verbum *exire* sumtum esse a Circo, ubi equi carceribus *exant*. Caeterum hux respexit haud dubie Seneca Nat. Quaest. lib. III, prol.: *Qui tardius exierant, moram velocitate pensant*. — Nostri Codices Regii habent *exierat*, quod praetulerim, ut referatur ad Oresitrophum solum, qui quassa per compendia montium venisset, in *armo*, id est, in anteriore parte corporis Actaeonis aggressus est, dum Melanchaetes et Theridamas eundem a tergo adoriuntur. LEM. — *compen*

Cetera turba coit, confertque in corpore dentes.
 Iam loca vulneribus desunt: gemit ille, sonumque
 Et si non hominis, quem non tamen edere possit
 Cervus, habet; moestisque replet iuga nota querelis:
 Et genibus supplex positus, similisque roganti, 240
 Circumfert tacitos, tanquam sua brachia, vultus.
 At comites rapidum solitis hortatibus agmen
 Ignari instigant, oculisque Actaeona quaerunt;
 Et velut absentem certatim Actaeona clamant.
 Ad nomen caput ille refert: ut abesse queruntur, 245
 Nec capere oblatae segnem spectacula praedae.
 Vellet abesse quidem: sed adest; velletque videre,
 Non etiam sentire canum fera facta suorum.
 Vndique circumstant; mersisque in corpore rostris,
 Dilacerant falsi dominum sub imagine cervi. 250

dium, omne lucrum, quod in quacunque re facere possumus, sed in primis de breviori via occurrit, quam quis, ambagibus relictis, insistit: vid. Schwarz. ad Plinii Paneg. cap. 95, pag. 488. — *anticipat viam* is, qui alterum antevertit cursu. — *Iidem* Codices nostri, *praecipitata via est*. Praestaret *anticipata*, si Codd. nostris fulciretur. LEM.

238. *Et, si non hominis etc.*) confer versum 667 libri II. — *iuga nota*, in quibus venari solitus fuerat: vide ad I, 370. — *positus* habet Bonon. pro diversa lectione. Carteri, *pronis*. — Sic et nostri Regii, *pronis*. — *positus* revocavi ex Cod. Bonon. et placuit etiam Heinsio. *Prona genua* an sic recte dicantur, dubito. Sed *ponere genua*, formula solennis de supplicatione: I, 729, qui loco nostro simillimus. In tanta enim rerum similitudine fieri laud potuit, quin similia verba similesque acsententiae repetentur.

242. *hortatibus*) Vetustiores maxima ex parte, *latratibus*, quod Heinsius interpretabatur, clamore et borbato latratum caninum aemulante. — Nostri Codices Regii *latratibus* habent. — *hortatur* canes et monet venator: vide Heinsium. — *Ignari*; ut versu 3, *oculis quaerunt*; IV, 129: *iuvenem oculis animoque requirit*. Sic et Plin. VI, Ep. 10.

245. *Ad nomen*) audito suo nomine; ut IV, 145. — *refert*, reflectit tanquam se indicaturas. — *ut abesse queruntur*. Nostri Regii, *et abesse*; vividius certe. Sermo interruptus maxime hoc loco convenit. LEM. — *capere spectacula*, spectare. — *oblata recte de praeda*. *Offerri* enim dicuntur, in quae inasperato incidimus. — *fera facta* elephantum habet etiam Laceretius V, 1339; Euripid. Bacch. 337, *ὡπλιστοὶ ἀνύλακτι* Actaeonis. — In his *vellet etc.* ludit poeta cursus, more suo. — *falsus cervus*; ut I, 754, *falsus genitor*. Male igitur quidam

Nec, nisi finita per plurima vulnera vita,
Ira pharetratae fertur satiata Dianae.

III. Rumor in ambiguo est: aliis violentior aequo
Visa Dea est; alii laudant, dignamque severa
Virginitate vocant: pars invenit utraque causas. 255
Sola Iovis coniux non tam culpetne probetne
Eloquitur, quam clade domus ab Agenore ductae
Gaudet; et a Tyria collectum pellice transfert
In generis socios odium: subit ecce priori
Causa recens; gravidamque dolet de semine magni 260

falsa. — Attamen et noster Reg. A *falsa* dat.

251. *Nec, nisi finita etc.*) Hunc versum et sequentem, quos Codex Sprotti a manu recentiore margini adscriptos habet, caeteri vero ordine exhibent, Heinsius, ut foedissimum centonem, deleudos censet. Inepte sane sunt superioribus addita; sed et alibi solet Ovidius latiori et acriori descriptioni ambicere sententiam languidam. Dispicet etiam structura verborum. Nescio tamen, an non et haec similibus locis defendi possit. Certo etiam va. 58 concurrunt quatuor vocabula in a desinentia. Simile additamentum infra vers. 400 sqq. legitur.

253-315. *Rumor in ambiguo est etc.*) Iuno dolens, Semelem, Cadmi filiam, a Iove concepisse, in animum conversa ipsam adit, persuadetque fraudulentem, ut eo habitu Iovem sibi expetat, quo Iunoni amplexus dare solet. Iupiter igitur irrumpendo conctus, cum tonitribus et fulminibus Semeles aedes intrat; quibus quam conflagraret gravis, utero eius Bacchum imperfectum eripit, femori suo insuit, utque Nyseidibus educandum tradit. Conf. Euripid. Bacch. 1-9, 89-104,

286-297; Apollod. III, 4, 5; Dioscor. Sic. III, 63; IV, 2; Lucian. Dial. D. 9; Eudoc. pag. 118 et 373; Hyg. fabul. 169, 179; Fulgent. Myth. II, 15. Nempe Bacchus poësis dictus est *ῥυπὸν ῥυῖν*, quod pr. vini generosioris vitiumque epitheton. Strabo lib. XIII, pag. 628. Porro, Orientalibus *ex femore alterius egredi* dicitur, qui ab eo gignitur. Hinc fabula nasci facile potuit. Alia ad vers. 312 dāhimus. — *Rumor etc.* Quam rumor de Actaeonis poena sparsus esset, in utramque partem de eo disputatum est. Verum nullo iure de ea disputabatur, quam poenam illam Saturnius leges postulassent. Callim. in Iavacr. Pallad. 99 sqq. — *violentior visa est* etiam Senec. Oedip. 763, ubi *nimum saevi Diva pudoris*. — *dignamque etc.*, decere eam severitatem tantum in custodiendo pudore suo.

256. *culpetne etc.*) ut apud Tibull. IV, 5, 20. Duo MSS. *clamve palamve*; quae varietas etiam hic notanda, ubi nonnulli, *culpetne probetne*. — *collectum*, conceptum, ut *colligere solum* et similia. Translatum illud ab Europa odium etiam in sqq. fabulae quaedam confirmant.

Esse Iovis Semelen: tum linguam ad iurgia solvit;
 « Effeci quid enim toties per iurgia? dixit.
 Ipsa petenda mihi est; ipsam, si maxima Iuno
 Rite vocor, perdam; si me gemmantia dextra
 Sceptra tenere decet; si sum regina, Iovisque
 Et soror et coniux: certe soror: at puto, furto est
 Contenta; et thalami brevis est iniuria nostri.
 Concipit; id deorat: manifesta crimina pleno
 Fert utero; et mater, quod vix mihi contigit uni,
 De Iove vult fieri: tanta est fiducia formae!
 Fallat eam faxo; nec sim Saturnia, si non

265

270

261. *tum linguam* etc.) Heinsius hoc hemistichium suspectum habebat, et coniecit *quid linguam ad iurgia solvi* vel *solvō?* deleto versu sequenti, quem latinum non putabat, nisi legeretur, *tot Io per iurgia.* — Nostri Codices hanc lectionem praebent. LXX.

262. *Effeci quid enim* etc.) Amant poetæ eiusmodi soliloquia Deorum. Conf. II, 471; IV, 420; Virgil. Aen. I, 36 seqq. Exordium est abruptum. Antea tacite secum indignata fuerat, tum cogitaverat, nolle se rursus iurgis uti; hinc verbis pergit, *effeci* etc. Conf. VI, 687, ubi praemittitur *et merito*; IX, 143; Plin. IV, ep. 4; Pan. 70, 6. — *Effeci* Burmannus ex Francofurtensi dedit, quia venustius si videbatur vulgato *profeci*, quod et nostri Regii habent. LXX.

263. *si maxima — regina*) Redundantia in his convenit affectui Iunonis. — *si sum regina.* Sonantius et gravius Virgil. d. I. *incedo regina.* — *et soror et coniux.* Cic. e N. D. II, 26: *Aër autem, ut Stoici disputant, interiectus inter mare et coelum, Iunonis nomine consecratur, quae est soror et coniux Iovis, quod et similitudo est*

aetheris, et cum eo summa coniunctio. Acerbe additum, certe soror.

266. *furtum*) concubitus, qui utero non sit manifestus. — Quoniam rō est post *furto* a multis praestantioribus abest, propterea Heinsius et mallet *contentam*, in versu sequenti; idque repertum est in Francofurtensi a manu prima. Tum Burmannus etiam suadet *at thalami.* — Codex noster B dat: *Furto contenta est: thalami* etc. — *thalamus*, coniugium. Coniugium nostrum in breve tempus laeditur, quandiu actus concumbendi durat.

269. *vix mihi contigit uni.* Haerent Interpretes in voc. *uni*; quod si pro *soli* accipis, non oritur sensus commodus; sin *semel* interpretaris, mentitur Iuno, quae saepius ex Iove mater facta est. Itaque Burmannus praefert cum Micillo uno, idque coniungit cum seqq., ut adeo sensus prodent hic: quum tot alii sint, ex quibus illa possit mater fieri, illa non nisi ex solo Iove vult fieri, quod mihi vix contigit, paucos quae ex Iove partus edidi. Verum nec haec sententia satis placeat. Malim equidem *uni* cum Capoferreo in *ipsi* mutare. Rarius, quam

Ab Iove mersa suo Stygias penetrabit ad undas. »

Surgit ab his solio; fulvaeque recondita nube,
Limen adit Semeles: nec nubes ante removit,
Quam simulavit anum; posuitque ad tempora canos, 223
Sulcavitque cutem rugis, et curva trementi
Membra tulit passu; vocem quoque fecit anilem:
Ipsaque fit Beroë, Semeles Epidauria nutrix.
Ergo ubi, captato sermone, diuque loquendo,
Ad nomen venere Iovis, suspirat: et, « Optem 226
Iupiter ut sit, ait: metuo tamen omnia: multi
Nomine Divorum thalamos subiere pudicos.

Iuno vellet, ex Iove conceperat. Id nunc augeat: quod vix (vix his terre) mihi contigit ipsi.

222. penetrabit ad undas) Recepi pro in undas, et multi habent. Morientes enim non in, sed ad Stygem descendunt. — Attamen noster Regius A, in undas.

223. ab his) post haec verba. Sic IV, 329: Nais ab his tacuit. Saepe Dii, ut fallerent mortales, familiaria cuiusdam formam induerunt. Praevit Homerus II. B, 20, 122, 386. Conf. et Callim. Cer. 43; Virg. Aeneid. V, 620; IX, 649–651; et Noster IV, 219; VI, 26 sqq. Apud Apollodorum et Lucianum, Semele decepta esse tantum legitur a Iunone; sed figmentum de Beroë habet et Hyginus. Dii, quum in terras delabantur, neque cerni voluit a mortalibus, reconditi, tecti esse solent nube. — fulvaeque nube. Vnus, furvaeque, quod et Heinssius coniecit; alius, flavaeque; rursus alius, fuscaeque; quas lectiones omnes defendi posse recte monet Burman. — Nostri Regii, fulvaeque.

225. simulavit anum) Simpliciter Homerus II. Γ, 386: Γενί δὲ πρὶν εὖναι παλαιότῳ. Id isem exornavit

Virg. Aeneid. IX, d. 1: Ibat Apollo Omnia longaevo similis, vocemque eodoremque Et crines albos. Eum Noster verbis delectis superare laboravit, — simulavit anum, summat formam, anum. — sulcavit cutem rugis, venuste. Plaut. consulcare frontem; frontem rugis arare dixit Virg. Aen. VII, 417, et Noster passim; vid. Ciofannum ad hunc locum. — Trementi passu? infra XIII, 533, passu anili. — tulit membra exquisitis quam, incessit.

228. Ipsaque fit Beroë) Nostri Codices Regii, ipsaque erat. Unde veniat Vulgata, nescin, nempe erat rectum sonat. LXX. — Ipsa summam similitudinem exprimit. Alia Beroë fit Iris apud Virgilium Aen. V, 620; alia rursus, Oceani filia, G. IV, 34, commemoratur.

226. Ad nomen Venere Iovis) Brevis Hygin.: Alumna, pete a Iove, ut sic ad te veniat, quemadmodum ad Iunonem, ut scias, quae voluptas sit cum Deo concubere. Sed haec nostra oratio multo magis ad fallendum est composita. — Optem. Nostri Codices, opta; rectior lectio optem. LXX.

222. Subiere habent sex MSS. in quibus Francofurtensis, unde Bur-

Nec tamen esse Iovis satis est: det pignus amoris;
 Si modo verus is est: quantusque, et qualis ab alta
 Iunone excipitur, tantus, talisque rogato 185
 Det tibi complexus; suaque ante insignia sumat. »
 Talibus ignaram Iuno Cadmeida dictis
 Formarat: rogat illa Iovem sine nomine munus.
 Cui Deus, « Elige, ait; nullam patiēte repulsam.
 Quo tunc magis credas, Stygii quoque conscia sunt 190
 Numina torrentis: timor et Deus ille Deorum. »
 Laeta malo, nimiumque potens, perituraque amantis
 Obsequio Semele, « Qualem Saturnia, dixit,
 Te solet amplecti, Veneris quum foedus initis,
 Da mihi te talem. » Volu t Deus ora loquentis 195
 Opprimere: exierat iam vox properata sub auras.
 Ingemuit; neque enim non haec optasse, neque ille
 Non iurasse potest: ergo moestissimus altum
 Aethera conscendit, nutuque sequentia traxit

manus recepit. Plerique, *intere*; eadem varietas lib. IV, 328. — Nostri Regii quoque, *inire*. — Verbum *subire* aptum furtivis amoribus et fallacibus adulteris, iudice Burm. Mihi vero *subire* idem esse videtur, quod *inire*, quod alii agnoscant, *intrarant*.

283. *esse Iovis*) scilicet *te*, de qua forma loquendi vid. Heins. ad Vell. II, 88, quod si cui datus h. l. videtur, retineat *Iovem*, quod tuerentur omnes MSS. praeter duos. — *alta*, magna, nobilissima. *Caesar altus* II Post. 3, 63; Hor. III, Od. 4. — *formarat*, instruxerat. Vid. Graev. ad Iustin. XX, 4, 3.

291. *timor et Deus etc.* Ordo: et ille Deus est timor Deorum, hunc quoque Dii timere solent. BURM.

292. *nimiumque potens*) Sic rursus occupat eventum rei. *Nimium potens*, nimium valens precibus apud Iovem.

— *obsequio amantis*. Etiam Fast. VI, 485: *Arserat obsequio Semele Iovia*. Exposuit de h. v. Burm. ad Quintil. VIII Inst. Orat. 3, 35. — *Veneris foedus inire*. Apollod. οἷος ἦλθε μνηστέρωνος ἕρπον. Infra VII, 710, *foedera lecti*. A. A. I, 462, *concoctibus foedera*. Silius II, 85, *Veneris iam foedera passae*. — *Dare se alicui* alias de obsequio et gratificatione dicitur, sed nunc de amplexibus. — *Opprimere*, claudere: vide Euenem. ad Laclont. Inst. V, 1.

299. Apud Apollod. intrat thalamum. ἐπ' ἀμυκτός ἀρπακτός ὄρου καὶ βροστῆς. H. l. sumit habitum, quem coelum tempore tempestatis habet. — *nutuque* Heinsius dedit ex uno pro *vultuque* nut *vultuque*. — Sic et nostri Regii, *vultuque*. — *Sepe* dicuntur quae facile parent: vide ad Plin. VII, ep. 9, 11, et Pan. 45, 5.

Nubila; quis nimbos, immixtaque fulgura ventis 300
 Addidit, et tonitrus, et inevitabile fulmen.
 Qua tamen usque potest, vires sibi demere tentat:
 Nec, quo centimanum deiecerat igne Typhoea,
 Nunc armatur eo: nimium feritatis in illo.
 Est aliud levius fulmen; cui dextra Cyclopium 305
 Saevitiae, flammaeque minus, minus addidit irae:
 Tela secunda vocant Superi: capit illa; domumque
 Intrat Agenoream: corpus mortale tumultus
 Non tulit aethrios, donisque ingalibus arsit.
 Imperfectus adhuc infans genetricis ab alvo 310
 Eripitur, patrioque tener, si credere dignum,

— *fulgura et fulmen differunt: fulmen est telum illud, quod a Iove in terram demitti credebatur; fulgur autem, coruscatio.* — De fulminum generibus, Plin. II, 51.

302. *Qua*, in quantum. Sic explicatur in glossa. — *tibi*, telis suis. A Virgil. Aeneid. I, 665, Iovis tela Typhoea commemorantur, ut maxime terribilia, quia Typhoeus, immane monstrum, vertice coelum tangens, aliter debellari non poterat. Hinc et Noster eum potissimum memorat. Is secundum alios, quos Noster V, 346, sequitur, fulmine vulneratus aufugit et Aetna monte obrutus est, sed h. l. deiectus, interfectus. Phaedr. II, 1, 1. Locus classicus de telis Iovis est ap. Virg. Aeneid. VIII, 429 sqq., ubi iis admiscuntur imber, nubes, venti, fulgores, sonitus, metus, flammae et irae. — *Typhoea*. Codex Regius B, *Typhoeum*; alter vero *Typhoea*.

307. *secunda*) secundi ordinis, inferiori. Ita secundum et δεύτερον et in aliis locationibus: vid. Graev. ad Hesiod. Epy. 141. — *Superi vocant*. Etiam Homerus memorat nomina, quibus Dii res signent. *Lusoria tela*

vocat Senec. N. Q. II, 44, ubi docet, auctores huius signum admonere voluisse eos, quibus adversus peccata hominum fulminandum sit, non eodem modo omnia esse percipienda.

309. *aethrios*) *Tumultus aethrii* explicandi sunt ex Horat. I, 16, 12: *Tremendo Iupiter ipse ruens tumultu*, de tempestate cum tonitru; et graviter nimbi, fulgura, tonitrus, fulmina, quae Iupiter in alto aethere sumserat, *aethrii tumultus* dicuntur. Apud Apollod. Iupiter intrans fulmen emitit, et Semele exspirat metu. Secundum Lucianum, tectum concepit ignem, quo illa periit. — *donisque*; Codex Regius B omittit *que*. — *dona*, iusigua, quibus se, precibus Semeles coactus, iustraxerat. — *iusigua*, coniugia.

310. *Imperfectus*) Apollod. ἡμίτερον βρέφος, sed Lucian. ἡνέτερον. — *eripitur*. Inde Eurip. 91: *καὶ δὲ ἐκ τῆς μητρὸς*. — *innatur femori*, nempe anreis fibulis, ne Iuno eum reperiret. Eurip. 96, *ῥήπτειν*, et Geneci de hac re habent. Iam Euripidis aetate erant, qui illud ἐν περὶ ἰνδὲ ostium putarent, quod Ioculus

Insuitur femori; maternaque tempora complet.
Furtim illum primis Ino matertera cunis
Educat: inde datum Nymphæ Nyseides antris
Occuluere suis; lactisque alimenta dedere.

3.5

IV. Dumque ea per terras fatali lege geruntur,
Tulaque bis geniti sunt incunabula Bacchi;

Imoni quondam ἀμφοτέρω, obsecravit. Bacch. 295. Sed Eustath. fol. 310, l. 7, cum inde repetit, quod ille in Mero, monte Indiae, educatus sit. Conf. Curt. VIII, 10, 11; Plin. VI, 21. Inde autem poëtis dictus μετοῖς ἔσθης et μετοῖς ἔσθης. — *materna*, in utero matris exigenda; *complet*, transigit. Sic ille *demater*. De illo partu Iovis agit Lucianus, d. l.

313. *Ino*) Sic et Apollodorus; sed apud Lucianum Mercurius eum statim in *Nysam* deferit. — *primis cunis*, ab initio. — *inde datum*, a matertera acceptum. — *Nysa*, urbs et mons Indiae. Ibi *Nyseides* nymphae (quarum nomina Cyseis, Nisa, Erato, Eriphia, Bromie et Polyhymnia) in antris educarunt Bacchum, quae est vulgaris huius rei narratio, Homer. hymn. Bacch. pag. 99. Ern. Antrum illud duas foras habuisse dicitur, unde Bacchum *Dithyriten* appellatum volunt. Serv. ad Virgil. Ecl. VI, 15, *Nysam* Bacchi nutricem facit. Eam et Hygin. fab. 182, commemorat, Oceani filiam. Pro ea idem alibi *Nysam* laudat. Inde autem factum est nomen *Dionysus*. — Male Codex Regius B, *Nereides*.

316 — 318. *Dumque ea per terras* etc.) *Tiresias*, Thebanus, Everis filius, vates in tota antiquitate celeberrimus, sed lumine captus. Causa vitae, quos passus est, varie narratur. In feminam eum esse transformatum ob interfectum, vel in monte

Cyllene, vel in Cithaerone, draconem referunt etiam Apollod. III, 6, 7; Antonin. Lib. XVI; Hygin. fab. 75; Schol. Hom. ad Od. A, 493. Caecitatis vero eius causa varie commemoratur. Qui Pherecydem sequuntur, ut Call. hymn. in Lavacr. Pall. vers. 75-103, et e Latinis unus Propert. IV, 9, 57, eam eadem tribuant Minervae, quam nudam viderit Tiresias juvenis, quae tamen, precibus matris et integritate juvenis permota, vaticinandi ei artem tribuerit. Cum Nostro consentiunt Apollod. Hygin. Anton. Lib. XVII, Phlegon Trall. de Mirab. 4, quibus Hesiodus praeverat. Elegiacis carmine fabulum tractaverat Sosthratus. Praeter vaticinandi artem constitutus ei etiam erat longus vitae terminus, quippe qui per septem, aut, ut alii volunt, novem aetates vixerit, a Cadmo iude usque ad captas ab Argivis Thebas, et Labdacidis multa oracula ediderit. Frequens igitur eius ap. Tragicos veteres mentio. Datum denique ei erat etiam hoc, ut apud inferos solus saperet: Homer. Od. K, 490; Cic. Div. I, 20: vide omnino Spanhem. ad Callim. d. l. — *Per terras*, in terra. Virgil. Aen. I, 708: *convenire per limina*, in domum. — *Vnus per Thebas*, quod Heinsius non displicebat. Immo *per terras* rectius opponitur iis quae in coelo fiunt. — *Pro geruntur* Heinsius coniciebat *reguntur*. — Nostri Regii habent, *per terras*, et *geruntur*. — *fatali lege*,

Forte Iovem memorant, diffusum nectare, curas
 Seposuisse graves, vacuaque agitasse remissos
 Cum Iunone iocos; et, Maior vestra profecto est, 320
 Quam quae contingat maribus, dixisse, voluptas.
 Illa negat: placuit, quae sit sententia docti
 Quaerere Tiresiae: Venus huic erat utraque nota.
 Nam duo magnorum viridi coeuntia silva
 Corpora serpentum baculi violaverat ictu: 325
 Deque viro factus, mirabile! femina, septem
 Egerat autumnos: octavo rursus eodem
 Vidit; et, « Est vestrae si tanta potentia plagae,
 Dixit, ut auctoris sortem in contraria mutet;
 Nunc quoque vos feriam. » Percussis anguibus isdem 330
 Forma prior rediit, genitivaque rursus imago.
 Arbiter hic igitur sumtus de lite iocosa,

ex fato. Ex opinione enim Veterum omnia fiebant vel ex fati necessitate, vel ex libera Deorum voluntate, vel ex humanum studio.

318. *diffusum*) *diffundi* eleganter dicitur animus, quum exhilaratur atque laetitiae se dat: tristitia vero contrahitur. Cic. Lael. 13. Noster IV, 764: *generosi munere Bacchi Diffudere animos*. — *seposuisse* elegantius, quam, quod alii habent, *deposuisse*. — Noster Regius A, *supposuisse*. — Virg. Aeneid. I, 562, *secludite curas*. — *vacua*, a laboribus, otiosa. — *remissos*, paulo liberiores et petulantiores. — *contingat*. Codex Reg. A, *continget*; Codex B, *contingit*.

322. *docti doctus* (σοφός), ob divinandi peritiam. Libros etiam scripsisse traditur Tiresias. — *Venus*, voluptas veneres. Arrianus, Anim. I, 25, *μενεαὶς ἀποδίδης ἐκείνης*.

324. *coire*) De actu venereo dicitur. Tiresias prius violabat femellam

seu draconem, sed postea, ab Apolline monitus, masculinum draconem. Tzetzes in Lycophronem Cassander. vs. 683. — *autumnos*, annos.

329. *sortem*, sexum, ut VI, 680, IX, 67. — *vos feriam*. Vnus, *persuasionem*, quod placet Burmanno, quia Ovidius delectatur repetitione eiusdem verbi. — Nostri Regii, *vos feriam*. — *rursus*. Heinsius hoc vocabulum mutari vult in *reddita*. — Nostri Regii, *genitivaque venit imago*. — *imago*, forma, natura. — *genitiva*, connata, quam habuit quum nasceretur. Augustus habebat *gentivas notas*, Sueton. Oct. 80. Ceterum Lucian. de Astrol. monet, fabulam de Tiresiae transformatione fluxisse inde, quod Tiresias docuerit stellas erraticas esse utriusque sexus; quo interpretatio non admodum dissimilis est ei, quam de Atlantis, Prometheus aliorumque fabulis exhibet Cicero Tusc. V, 3.

Dicta Iovis firmat: gravius Saturnia iusto,
Nec pro materia fertur doluisse: suique
Iudicis aeterna damnavit lumina nocte.

335

At pater omnipotens, neque enim licet irrita cuiquam
Facta Dei fecisse Deo, pro lumine adempto
Scire futura dedit, poenamque levavit honore.

V. Ille per Aonias, fama celeberrimus, urbes

Irreprehensa dabat populo responsa petenti.

341

Prima fide vocisque ratae tentamina sumsit

Caerula Liriope: quam quondam flumine curvo

Implicuit, clausaeque suis Cephisos in undis

333. *firmat*, confirmat. Lactant. in *Argum. tutatur sententiam Iovis*. Verus, quibus dicta Iovis confirmavit, habent Apollod. et Schol. Hom. Οἱεν μὲν ποτὶν δ' ἴκκ μοιρῶν τίπτεται ἀνὴρ, Τὰς δὲ δὲν ἐκτεμνῆσαι γυνὴ τίπτεται νόμῳ. — *pro materia*, ut postulabat materiae levitas: X, 133. Ita *pro rerum maiestate* Lucr. V, 2.

335. *aeterna damnavit nocte* graviter excavationem exprimit. — *Neque enim licet* etc. Vid. ad II, 677. — *Scire dedit graece*, dedit scientiam. — *levavit*, tolerabiliorem reddidit. Apud Homerum Od. Θ, 64, Demodoci caecitatem Musa levaverat arte musica cantuque dulci. — *honore*, arte honorifica.

339-510. *Ille per Aonias* etc.) Dum exemplum ponit artis Tir-siae, commode nova intexit fabula, ex qua rursus alia orta est. *Narcissus*, invēnis pulcherrimus, quum et invēnes et puellas superbe sperneret, Rhamnusia efficit, ut suae ipsius imaginis, quam in fonte quodam conspexit, insano amore corripere, atque tabescendo mutaretur in florem sui nominis. Thespiciensis erat haec fab. quam duplici modo Pausan. IX, 31, pag.

772, narrat, quorum alteram, quem Noster sequutus est, vulgatum vocat. Ex altero Narcissus sororem habebat sibi simillimam, cuius amissae desiderium contemplanda imagine in fonte lenire volebat. Thespiciensem fuisse Narcissum etiam ex Lucian. Verr. Hist. lib. II, tom. 4, pag. 276, apparet. Pausan. fab. attingit Hygin. fab. 271. *Echus* fabula, si abesset, non desideraretur; eamque apparet a Nostro insertam esse, atque commode sub finem adhibitam. Exstant Ansonii duo epigrammata, 11 et 99, in Echo, totidemque, 97 et 98, in Narcissum. — *Aonias*, Boeotias: vide ad vers. 13. — *irreprehensa*, certa, quibus eventus constaret. — *respondere* proprie dicuntur vates: vide Munken. ad Lactantium Argum.

341. *Fide* antiquae *pro facit*. *Fides* autem nunc capiendum, ut in *fide dignus*. — *vocis ratae*, vaticinii certi. — *ratae*. Nostri Codices Regii habent *datae*. — *Liriope* genus incertum; vid. Burm. — *Caerula* indicat, eam fuisse Nympham fontanam aut fluvialē. — *curvum* de fluminibus includentibus aliquid. Virg. Georg. IV, 361: *illum Curvata in montis spe-*

Vim tulit: enixa est utero pulcherrima pleno
 Infantem, Nymphis iam nunc qui posset amari; 345
 Narcissumque vocat: de quo consultus, an esset
 Tempora maturae visurus longa senectae;
 Fatidicus vates, Si se non viderit, inquit.
 Vana diu visa est vox auguris: exitus illam,
 Resque probat, letique genus, novitasque furoris. 350
 Iamque ter ad quinos unum Cephisius annum
 Addiderat; poteratque puer iuvenisque videri.
 Multi illum iuvenes, multae cupiere puellae.
 Sed fuit in tenera tam dira superbia forma;
 Nulli illum iuvenes, nullae tetigere puellae. 355

Adspicit hunc, trepidos agitantem in retia cervos,
 Vocalis Nympha; quae nec reticere loquenti,
 Nec prior ipsa loqui didicit, resonabilis Echo.

ciem circumstetit unda. Etiam apud Hyginum *Narcissus Cephisi fluminis filius*. Sed quoniam in vicinia Heliconis natus, propterea secundum Claudian, 35, 134, *Helicon eum genuisse dicitur*. Idem vs. 332, de hoc et de Hyacintho, *nunc inelyta germina veris*, *Praestantes olim pueros*. Solent utem hi duo et Hylas propter *pulchritudinem* coniungi. — *tulit*, intulit.

345. *Nymphis*) Codices nostri, *Nympha*. Vox graeca Νύμφη, ut sit Nympha ipsa Liriope, quae enixa sit; non is qui posset amari a Nymphis. Deleatur virgula post *infantem*, et reponatur post *Nympha*; et eam lectionem genuinam praetulerim: vide infra vs. 357, ubi Nymphae reperitur. LEX. — *nunc*, vide ad I, 321. — *Fatidicus vates*, χρηστήριος μάντις. — *videre tempora*, vivendo eo pervenire. — *furor*, insanis amor.

352. *puer iuvenisque*, id est medius erat inter utrumque; vide ad IV, 17. — *cupere*, ut *petere*, de amantibus

et connubia optantibus. — Quidam, *petiere*. Nostri Regii *cupiere*. — *tenera*, pulchra. — *dira*. Alii habent *dura*, quod non improbat Burmannus, quia *tetigere* sequitur, pro quo tamen alii *flectere*. Idem verba *fuit - forma*, per parenthesis adiecta putat. — Regii Codices, *dura*. — *superbia* est amantium, qui fastidiosi non redamant. Tibull. I, 8, 69, *fastidia*. Iidem *diri*, crudeles. Non igitur erat, cur Burmannus *dura* mallet. — *tetigere*, flectere eius animum potuerunt, ut IV, 164. Et est *flectere* in Varr. Lectt. Lusu autem illo, vs. 353 et 355, expressit Catull. Carm. Nupt. 58: *Multi illum pueri, multae optavere puellae. Idem quum tenui captus destituit ungui, Nulli illum pueri, nullus optavere puellae.*

3 6. *Adspicit hunc* etc.) Vt Narcissus ad Echo in silvis versantem et ad fontem commode deduci posset, propterea venans inducitur. — *Fiscalis*, voce notabilia. Obiter sed commode

Corpus adhuc Echo, non vox erat: et tamen usum
 Garrula non alium, quam nunc habet, oris habebat, 355
 Reddere de multis ut verba novissima posset.
 Fecerat hoc Iuno, quia, quum deprendere posset
 Sub Iove saepe suo Nymphas in monte iacentes,
 Illa Deam longo prudens sermone tenebat,
 Dum fugerent Nymphae: postquam Saturnia sensit; 365
 « Huius, ait, linguae, qua sum delusa, potestas
 Parva tibi dabitur, vocisque brevissimus usus. »
 Reque minas firmat: tamen haec in fine loquendi
 Ingeminat voces, auditaque verba reportat.

Ergo ubi Narcissum, per devia lustra vagantem, 370
 Vidit, et incaluit, sequitur vestigia furtim:
 Quoque magis sequitur, flamma propiore calescit;
 Non aliter, quam quum summis circumlita taedis
 Adnotam rapiunt vivacia sulphura flammam.
 O quoties voluit blandis accedere dictis, 375

hulus Nymphae fuit superiora inne-
 etit. — *reddere, repetere.* Plinius
 H. N. X, 42: *Humanas voces reddunt*
pittaci. Mox sic *reportare* et *remit-*
tere. — *sub Iove,* Burmannus putat
 a nequam quodam et sciolo librario
 profectum; legendum esse cum quin-
 que manuscriptis cum *Iove*, ut II,
 599. — *prudens,* cons. Ito.

368. *Reque minas firmat*) Re ipsa
 et effectu minas exequitur. LEM.

370. *devia*) Qui se effinse amant,
 atque immodicam conceperunt de se
 opinionem, non multum in publico,
 aut in rebus civilibus versantur: hic
 enim neglectus multi et vilipendia oc-
 current, quae se sibi ostendant, ani-
 mos ipsorum deiectiona; itaque vitam
 plerumque degunt solitariam, priva-
 tam et nubentem, vilium hominum
 comitatu cincti, qui illos colere atque
 adulari sibi in animum inducant,

ae velot Echo in omnibus dietis factis-
 que assententur, iis verborum prae-
 stent obsequia. LEM. — *lustra.* Codi-
 ces Regii *rura*; elegantius tamen *lu-*
stra. LEM.

372. *flamma propiore calescit*) Te-
 rent. Eun. I, 2, 5: *Accede ad ignem*
hunc; iam calesces plus satis. — *vi-*
vax, quod multum vitae, alacritatis,
 rapiditatis etc. habet. Gell. N. A. V,
 2, *vivacissimus,* rapidissimus, curner
 equi. Quinetil. Instit. Orat. II, 6, 3,
vivaces, qui sunt alacriori ingenio;
 vide Gronovii Obs. III, 4, pag. 352.
 Ergo *vivacia sulphura* sunt rapacia,
 quae celeriter ignem capiunt. Remed.
 700, *rapidae faces.* *Rapere* enim, ut
 monet Burm., verbum proprium igni
 et flammæ; conf. quae diximus ad II,
 123. Idem Burmannus *adhibere pre-*
ces publica forma dictam putat. —
 Pro *adhibere* unus tentare. — *mollis*

Et molles adhibere preces! natura repugnat;
 Nec sinit incipiat: sed, quod sinit, illa parata est
 Expectare sonos, ad quos sua verba remittat.
 Forte puer comitum seductus ab agmine fido,
 Dixerat, ecquis adest? et, adest, responderat Echo. 386
 Illic stupet: utque aciem partes dimisit in omnes,
 Voce, veni, clamat magna: vocat illa vocantem.
 Respicit: et nullo rursus veniente, quid, inquit,
 Me fugis? et totidem, quot dixit, verba recepit.
 Perstat; et, alternae deceptus imagine vocis, 387
 Huc coëamus, ait: nullique libentius unquam
 Responsura sono, coëamus, rettulit Echo:
 Et verbis favet ipsa suis; egressaque silvis
 Ibat, ut iniiceret sperato brachia collo.
 Ille fugit; fugiensque, Manus complexibus aufer; 390

quibus molliuntur pectora dura. Similis locus Tibull. III, 4, 75: *Ne dubita blandas adhibere querelas, Vincuntur molli pectora dura prece.*

379. *fido*) Solemne comitum epitheton; ergo tantum ornat. — *seductus*, aberraverat. Sequitur colloquium cum Echo, quocum conf. Aristoph. Thesmoph. 1065 seqq. Saepè Graeculi puerriliter sic ludibant. Vide Ramler. ad Martini. II, 86, 3. Sed hoc loco probandus est ille iocus; res enim ita instituenda erat, ut Echo oecumodate ad hanc fabulam naturam suam ostendere posset. — *aciem dimisit*. Unus *divisit*, quod placet Heinsio, qui exempla suppeditat, in quibus *dividere aures, mentem*. — *Lectio divisit non gemina. Dimittere oculos, acies*, frequentius apud scriptores dicitur. L. M. — *aciem dimisit*, oculos direxit, circumspexit. VIII, 189: *Ignotas animum dimittere in artes*. Burmannus formulam e re militari ductam arbitrabatur. Non puto.

385. *alternae vocis imago*, Echo. Virg. Georg. IV, 50, *voce offensa imago*. Horat. I, Od. 20, 7, *incoacta imago*. — *coëamus*, et mox, sit tibi *ecpia nostri*. Hæc duo duplici sensu, naturali et venereo intelligenda sunt, ut vs. 415, *sitis altera crevit*. L. M. — *rettulit Echo*, Burmannus cum uno malit *reddidit*, quia vs. 392 sequitur *rettulit*. — Regii habent *rettulit*. — *favet ipsa*, iis delectatur, ipsa placet sibi propter verba sua. Vid. lib. II Amor. 5, 11: *nimiumque suo fave, ille dolori*. — *silvis*. Codices Regii, *silva*; parum refert. L. M. — *sperato collo*. Sic et Regii. Unus, *captato*, quod placet Heinsio et Burmanno. Immo *sperato* est melius. *Speratum* enim sollemnis vox de amantibus: II, 862: *sperata voluptas*; IV, 368, *sperata gaudia*; VIII, 55, *sperata cubilia*. Non igitur sollicitandum hoc vocabulum.

390. *aufer* dedit Heinsius nonnisi e conjectura et suo periculo, sed re-

Ante, ait, emoriar, quam sit tibi copia nostri,
 Rettulit illa nihil, nisi, Sit tibi copia nostri.
 Spreta latet silvis; pudibundaque frondibus ora
 Protegit; et solis ex illo vivit in antris.
 Sed tamen haeret amor, crescitque dolore repulsae: 395
 Attenuant vigiles corpus miserabile curae;
 Adducitque cutem macies; et in aëra succus
 Corporis omnis abit: vox tantum, atque ossa supersunt:
 Vox manet: ossa ferunt lapidis traxisse figuram.
 Inde latet silvis; nulloque in monte videtur;
 Omnibus auditur: sonus est, qui vivit in illa. 400

Sic hanc, sic alias, undis aut montibus ortas,
 Luserat hic Nymphas; sic coetus ante viriles.
 Inde manus aliquis despectus ad aethera tollens,
 « Sic amet iste licet, sic non potiat amorato! » 405
 Dixerat: adsensit precibus Rhamnusia iustis.

etc. Vulg. aufert ferri non potest. — Attamen nostris Codicibus est aufert; et iam pridem advertere licuit, Hein- sium ingeniosis quidem conjecturis, sed plerumque nullius Codicis aucto- ritate firmatis, textum auctoris vo- luisse evertere: nec video cur lectio aufert, quam D. Gervig improbat, et si minus elegans, ferri nequeat. LXX.

394. Protegit) tegit. — in antris. Claudian. XXVIII, 33, adytis (an- tris) effunditur Echo clarior. — solis, ut vs. 10. — haeret, manet, durat, verb. propr. in re amoris: vide Burmann. — crescitque etc. ex natura cupiditatum humanarum. — Atte- nuant, absumunt. Art. Amat. I, 735: Attenuant iuvenum vigilatae corpora noctes. Infra 489, ipse Narcissus sic attenuatur. — Adducit, contrahit, sanc- cis abentibus. Virg. Georg. III, 482: silis mero adduxerat artus. — lapi- dus, quia Echo auditur in locis saxo-

sis. Doctae rupes tales lapides vocan- tur a Claudio d. l. Caeterum Echo ad meras voces attenuata originem de- bet prosopopoeiae poeticae. — Versus sqq. 400 et 401 delendos censet Hein- sius. Et sunt satis inepte adpersi; dictum enim iam ante erat, eam in- tere silvis et merum sonum esse.

403. Ludere, ludibrio habere, sper- nere. Tibull. I, 8, 71: Hinc Mara- thus quondam miseris ludbat aman- tes, Nestors ultorem post caput esse Deum. Superbiam enim illam odisse credebantur Dii. Ibid. 69: Oderunt, Pholoë, moneo, fastidia Divi. In iis potissimum Nemesis, cuius pulcher- rimum signum erat Rhamnium prope Athenas. — Luct, pro cupio, locum habet in precibus. Horat. III. Od. 27, 13, us licet felix, — iste, pro quo Co- dices nostri habent ipse. — adsensit. Vnus accessit, quod eodem redit; vid. Burmannum. — Nostris Regii, absensit.

Fons erat illimis, nitidis argenteus undis,
 Quem neque pastores, neque pastae monte capellae
 Contingerant, aliudve pecus; quem nulla volucris,
 Nec fera turbat, nec lapsus ab arbore ramus. 412
 Gramen erat circa, quod proximus humor alebat;
 Silvaque, sole lacum passura tepescere nullo.
 Hic puer, et studio venandi lassus et aestu,
 Procubuit; faciemque loci, fontemque sequutus;
 Dumque sitim sedare cupit, sitis altera crevit: 415
 Dumque bibit, visae correptus imagine formae,
 Spem sine corpore amat: corpus putat esse, quod umbra
 Adstupet ipse sibi, vultuque immotus eodem (est.

407. *Fons* ille erat in Thespisium finibus, Pausaniae adhuc aetate Narcissi nomen gerens. Claritas eius et puritas h. l. urgetur, quia sic tanto magis formam pueri reddere poterat. — *argenteus*, pellucidus: ἀργύρεος ποταμοί aut περὶ τοῦ ἐτιμῶν apud Graecos. — *nitidus*, nil nisi clarus. Etiam Heroid. XV, 157, *nitidus fons*. — *Quem neque pastores* etc. fons plane intactus: *integer fons* Lucret. I, 925; Horat. I, Od. 26, 6. — *monte*. Aut subintelligitur *in* (quod vocabulum habent plerique et omittunt nostri Regii), aut *mons* nunc est herba in monte: vide Burmannum. — *lapsus*. Sic et nostri Regii. — Duo, *raptus*, idque adblondiebatur Heinsio. — *lacus* vocatur et versu 500. Eum frigore suavem describere voluit; sed hic *tepescere* displicet, quia *tepor* gratus est. Melius Horat. II, Od. 15, 9: *Excludit ictus fervidos spissa ramis laurea*. Similiter infra V, 389. — *lassus*. Codex Regius A, *lassus*; vividior an debiliior sit ista lectio, non dicam. LEM.

414. *sequitur* locum is, qui amoenitate eius allectus eum adit. Cie. II Legg. 1: *Hanc amoenitatem loci se-*

quor. Potest tamen *sequutus* et explicari, impulsus facie, propter faciem. Plin. X, Ep. 94, *mores eius sequutus*. Non inaptum lusum praebuit vocabulum *sitis*, quod et de vehementiore appetitu dicitur. — *altera*, alia, alius generis. — *bibit*. Burmannus malit *videt*, quia iam versu superiori Narcissum *bibentem* descripsit. Immo ibi *modu cupit* bibere. — Pessima haec coniectura Burmanni. Nostri habent *bibit*. LEM. — *imagis*, amore imaginis. *Imago* autem *formas* i. q. umbra, quam per omnem h. l. valde variavit. In verbis *spem sine corpore amat* frustra haeserunt Interpretes. Intelligitur umbra, quam corpus *esse* sperabat, neque tamen erat. Ipse sic explicat verbis subiectis. — *Spem*. Paucam, probante Heinsio. Sed Burmannus recte monet, *rem* oppositi quidem umbrae, aut uolui, non autem corpori. — *umbra*; Codices Regii A et B habent *unda*. Haec lectio non spernenda videtur, et aptior huic loco, ubi agitur de imagine quae in unda delineatur; attamen infra, versu 434, legitur *umbra* est. LEM.

418. *Adstupet ipse sibi* Pausanias,

Haeret, ut e Pario formatum marmore signum.
 Spectat humi positus geminum, sua lumina, sidus, 120
 Et dignos Baccho, dignos et Apolline crines,
 Impubesque genas, et eburnea colla, decusque
 Oris, et in niveo mixtum candore ruborem;
 Cunctaque miratur, quibus est mirabilis: ipse
 Se cupit imprudens; et, qui probat, ille probatur; 125
 Dunque petit, petitur; pariterque incendit, et ardet.
 Irrita fallaci quoties dedit oscula fonti!
 In medias quoties, visum captantia collum,
 Brachia inersit aquas; nec se deprædit in illis!
 Quid videat, nescit; sed, quod videt, uritur illo; 130
 Atque oculos idem, qui decipit, incitat error.

dicto loco, absurdum hoc figmentum esse indicat; neminem enim stolidum esse, ut sui amore capiatur, hominemque ab umbrâ discernere nequeat. Quid autem Noster? Is eo ita delectatus est, ut intolerabilis garrulitatis exemplum nobis reliquerit, neque voluptatem, sed taedium lectoribus paraverit. Semper ad eandem notionem revolvitur, quin adeo, quae ipse dixerat, Narcissum repetentem inducit. Diutius etiam, quam naturae veritas patitur, eum hoc errore fascinatam tenet. Adde frigida acumina, quibus l. l. distinxit. — *Adstupere* dictum, ut *adgemere*, *adsonare*, *adludere* aliis. Stupori convenit vocabulum *haerere*. Apud Virgil. *Aeneid.* VI, 471, regina non aliter haeret, ac si dura *silex*, aut stet *Morpheus* (in *Paro*) cantes. Inde Noster fecit, ut e *Pario* formatum marmore signum.

420. *geminum sidus*) hoc est *sua lumina*, aut sic: *sua lumina* tanquam *geminum sidus*. — Plerique, *ceu lumina*; Heinsius vero, Behotium in *Apophor.* sequutus, dedit *sua lumina*, malit tamen *duo lumina*, quod pla-

eet et Schiraeio. Burmannus praefert Zinzerlingii coniecturam, *geminum, ceu sidera, lumen*. — Cod. R. A., *sua*; R. B. *ceu*. — Oculi fulgentes, siderum instar, ponuntur in maxima pulchritudinis parte. Cf. ad I, 499. — *Apollo* et *Bacchus* laudantur a poetis ob aeternam iuventutem et formositatem; imprimisque tribuuntur iis pulchri et promissi capilli; *Amor.* I, 14; *Martial.* IV, *Epigr.* 45. Hinc *Bacchus εὐχόμενος, γυμνασόμενος* etc. — *Et dignos*. Cod. Regii habent *Et digitos Baccho*, *Lectionem istam reiiciendam merito censet Heinsius*; nam de digitis *Bacchi* nulla hoc loco mentio fieri potest; verum de comis eius passim apud poetas, hinc etiam *εὐχόμενος* dictus et *ἀφρονόμενος* Graecis. LEM. — *Impubes*, lanugine obductus. — *decus exquisitus* quam pulchritudo. — *mixtus* alibi sine praepositione legitur vel cum tertio, vel eum sexto casu.

425. *Se cupit*) *De cupere* (i petere vide ad 353. — *imprudens*, nesciens illam imaginem esse umbram suam. — *qui probat* — *ardet*. Frigidum acumen. *Probare*, pulchrum et amore

Credule, quid frustra simulacra fugacia captas?
 Quod petis, est nusquam: quod amas, avertere, perdes:
 Ista percussae, quam cernis, imaginis umbra est:
 Nil habet ista sui; tecumque venitque manetque; 433
 Tecum discedat, si tu discedere possis.
 Non illum Cereris, non illum cura quietis
 Abstrahere inde potest: sed opaca fusus in herba
 Spectat, inexpleto mendacem lumine formam;
 Perque oculis perit ipse suos; paulumque levatus, 440
 Ad circumstantes tendens sua brachia silvas,
 « Equis, io silvae, crudelius, inquit, amavit?
 Scitis enim, et multis latebra opportuna fuistis.
 Ecquem, quum vestrae tot agantur secula vitae,
 Qui sic tabuerit, longo meministis in aevo? 445
 Et placet, et video; sed quod videoque placetque,
 Non tamen invenio: tantus tenet error amantem!

dignum iudicare. — *qui probat, ille.* Nostri Regii, *ipse.* — *incitat oculos,* irritat animum per oculos.

432. *Credule, quid frustra etc.*) Iam supra versu 417, poeta hunc errorem indicaverat; itaque aut haec, aut illa rescanda fuissent. — *quod amas, avertere, perdes.* Tu modo te averte, nulla erit umbra, nihil quod amas. LEM. — *Nil habet ista sui,* non constat per se, nihil habet proprium. Bene sic describitur umbra. — *Tecum discedat.* Codices nostri Regii, *discedet.*

437. *Non illum Cereris etc.*) Nec Ovidium brevitatis cura ab hoc fonte et a Narcisso abstrahere potuit. — *finis,* alibi reclinatus, stratus, abiectus. Sed et graece sic ὄπισθ' ut Anac. Od. LI, 16. — *opaca,* quam opacat silva. — Heinsius coniecit *opaca in umbra;* sine causa. — *inexpleto,* quod contemplandu inagine expleri, satiari non poterat. — *mendacem,*

quae videbatur esse forma, neque tamen erat. — Falsam adolescentis ligurum. LEM. — Elegans est hic usus verbi *mentiri.*

440. *paulumque levatus*) Neapolitanus, *levatus,* quod non displicet Heinsio. Mox Burmannus, ex uno Heinsii et tertio Leidensi, probat *tendit,* atque ex eodem Leidensi et duobus Regiis, *Et quis,* ut rotundior sit oratio. — Sic et in versu 444 noster Regius A, *Et quem pro Ecquem,* errore facili. LEM.

443. *Scitis enim, et multis*) etc. Burmannus opinatur procacitatem nympharum hic tangi. Sed videtur poeta omnino amantes intellexisse, qui fere loca remota, silvas et austras, quaerere solent. Commoda autem est haec ad silvas apostropha. — *Ecquem,* quum vestrae etc. Ordo est: Ecquem meministis in longo aevo, qui sic tabuerit, et paulatim consumptus sit? LEM.

Quoque magis doleam; nec nos mare separat irgens,
 Nec via, nec montes, nec clausis moenia portis;
 Exigua prohibemur aqua: cupit ipse teneri; 450
 Nam, quoties liquidis porreximus oscula lymphis,
 Illic toties ad me resupino nititur ore:
 Posse putes tangi: minimum est, quod amantibus obstat.
 Quisquis es, huc exi! quid me, puer unice, fallis?
 Quo ve petitus abis? certe nec forma, nec aetas 455
 Est mea, quam fugias; et amarunt me quoque Nymphae.
 Spem mihi, nescio quam, vultu promittis amico;
 Quumque ego porrexi tibi brachia, porrigis ultro:
 Quum risi, adrides: lacrymas quoque saepe notavi,
 Me lacrymante, tuas: nictu quoque signa remittis: 460
 Et, quantum motu formosi suspicor oris,
 Verba refers, aures non pervenientia nostras.
 In te ego sum, sensi; nec me mea fallit imago:
 Vror amore mei; flammam moveoque feroque.

448. *nec nos mare separat etc.*) Plinius, Ep. VI, 1, 1: *Desiderium absentium nihil perinde ac vicinitas acuit.* — Sed *via* in his impedimentis male commemoratur; ea enim facile potest transiliri. — *teneri* vox amantium; quam potiti sunt amato, et ferine cum amplexibus coniungitur. VII, 56, 143. — *liquidis*, limpidis. — *resupino* etc., corpore inclinato, sursum erigi conatur.

454. *puer unice*) Vnus Palatinus, unus Argent. et Thysii codex, *puer invidi*, quod Danieli Heinsius placebat. — *unius*, quem prae caeteris amamus, quia caeteris praestat vel animi vel corporis dotibus. Multas est in h. v. explicanda Heins. ad h. l. Raro ponitur pro *unus*.

457. *promittis* exquisitum quam facis. — *amicus*, hilaris, VIII, 677, *boni vultus*. — *porrexi tibi*. Codex Re-

gins A, pro *tibi*, habet *mea*. — *nictu* dedit Burmannus ex uno Iuniano, quum caeteri *nutu* aut *motu* habeant. — Regii nostri, *nutu*. — *nictus* proprius est amantium, quum blande se invicem intuentes oculos movent, osque diducunt ad subridendum, Graecis est *σκαρδευνός*. Sed h. l. non nisi ad oculorum motum retulerim, quia *rius* iam praecessit. Forte tamen praestat ex plurimis *nutu*. IV, 63: *nutu signisque loquuntur*. Art. Amat. I, 138: *Nec tibi per nutus accipienda nota est*. Ibi quoque non nisi unus *nictus* praefert. — *pervenientia aures*, intellige *ad*. Sarpe Homer. ἤντ πῶλιν, omisso *τίς*, quod unitati sunt Latini.

463. *In te ego sum*) Vulgo *Ille aut ipse ego sum*. Sed Heinsius ex Mediceo, *In te*. — Codices nostri Regii, *iste*. — *In te ego sum* etc. Hactenus error. Eo expeditus Narcissus in despectu

Quid faciam? roger, anne rogem? quid deinde rogabo? 465
 Quod cupio mecum est, inopem me copia fecit.
 O utinam nostro secedere corpore possem!
 Votum in amante novum; vellem, quod amamus, abesset!
 Iamque dolor vires adimit; nec tempora vitae
 Longa meae superant; primoque exstinguitur in aevo; 475
 Nec mihi mors gravis est posituro morte dolores.
 Hic, qui diligitur, vellem diuturnior esset:
 Nunc duo concordēs anima moriemur in una. »
 Dixit, et ad faciem rediit malesanus eandem;
 Et lacrymis turbavit aquas; obscuraque inoto 475
 Reddita forma lacu est: quam quum vidisset abire,
 « Quo fugis? o remane; nec me, crudelis, amantem
 Desere, clamavit: liceat, quod tangere non est,
 Adspicere, et misero praeberē alimentā furori. »
 Dumque dolet, summa vestem deduxit ab ora, 480
 Nudaque marinoreis percussit pectora palnis.

rationem vertitur, cuius autem vim non bene expressit poeta. Alienum ab ea est oxymoron inopem me copia fecit; alienus ille iustus, Votum — abesset; ineptum acumen, Hic, qui diligitur etc. — quid deinde rog. et si rogare libet, quid tandem rogabo? — inopem me copia fecit, Ausonius de Narcisso: Si cuperes alium, posses, Narcisse, potiri; nunc tibi amoris adest copia: fractus abest. Epigram. 95 et 96. LEM.

470. superant, superant. Quod Virgilianum est: — superatae, et vestitur aura? — primo aeo, iuente aetate. — anima in una, dum unus animam exultat. Dictum hoc e sermone intimae familiaritatis sibi vindicantis alterius sortem. IV, 108; IX, 388; XII, 229. Sed ab hoc loco alienum est, quia Narcissus iam senserat, umbra sua se ardere. — Malim

explicare non illi animum mutari, licet errorem agnoverit.

474. malesanus, insanus, vel quia redibat ad aquam quae renovabat dolores, vel propter amorem sui. — lacrymis ineditibilem tribuit vim.

477. o remane) o aule remane recepit Burmannus ex Vossio; Heinseus suadebat, oro mane, ut ultimum in oro cotripiat. — Nostri Regii habent, Quo refugis, remane. Et hanc lectionem forsitan vera sit. LEM. — misero furori; quod homines miseros faciat, qui illo vexantur.

480. summa vestem deduxit ab ora) Codices Regii nostri, summo vestemque reduxit ab ore. Id est, rethuxit vestem, quae totum tegerat corpus, praeter os et faciem. Non male; sed displicet quod rō quae post secundam vocem reiciatur; impeditus praeterea phrasibus ordo, nisi interpunctio mutetur.

Pectora traxerunt tenuem percussa ruborem;
 Non aliter, quam poma solent, quae candida parte,
 Parte rubent: aut, ut variis solet uva racemis
 Ducere purpureum, nondum matura, colorem. 485
 Quae simul adspexit liquefacta rursus in unda,
 Non tulit ulterius; sed, ut intabescere flavae
 Igne levi cerae, matutinaeque pruinæ
 Sole tepente solent; sic attenuatus amore
 Liquitur; et caeco paulatim carpitur igni. 490
 Et neque iam color est mixto candore rubori;
 Nec vigor, et vires, et quae modo visa placebant,

Servanda igitur vulgata lectio. — ora, extrema pars vestis, vel, ut hoc loco, in pectore (*summa, suprema*) vel infra (*ima*). Iam ut II Fast. 347: *tunicas ora subducere ab ima* sensu obscuro, sic h. l. *vestem deducere summa ab ora*, quod facere solebant, qui planctus causa pectus nudabant; vid. Heinsius ad h. l., et Burmannus ad Am. I, 7, 48. Cf. et infra V, 399. Hoc autem figmentum praeclarum est. — *tenuem ruborem*. Florentinus S. Marci, primus Vaticanus, et duo alii, *roseum*. — Nostri Regii *tenuem*. — *tenuem ruborem* illustrat duplici comparatione, quae profunda quidem est: sed an admirabilem phantasiae vim prodatur, et digna sit ingenio summi poetar, ut Schirach. videtur, nescio. Non debemus nimii esse in laudandis poetarum veterum locis. In posteriore forsitan respexit Hor. II, Od. 5, 10: *Iam tibi lividos Distinguet Autumnus racemos*, *Purpureo variis colore*. Alias huius generis similitudines collegit Broukhusius ad Propert. II, 2, 20. — *Ducere colorem*, ut in Metamorphos. libro VIII, 760, *ducere pullorem*; ut antea dixerat Virgil. Ecl. IX, 49, *duceret uva colorem*.

486. *liquefacta*, quod et habent nostri Codices Regii, offendit Heinsium, quia cera dicatur *liquefieri* non *unda*. Burmannus refert inter singularem Ovidii. Passim apud Nostrium *liquida aqua* pro *limpida*, clara, ut 451, et I, 370. Plinius V, Ep. 6: *purius coelum, aer liquidior*; Panegy. 82, *liquida flumina*. Itaque limpidaan redditam recte *liquefactam* dixeris. — *ut intabescere*. Cod. R. B., *ut intabescere*.

490. *Liquitur*) Liquescit ac paulatim consumitur. LEM. — *et caeco carpitur igni*. Occulto amore, clandestino, per membra et ossa meanti, cruciatur. Male nostri Regii, *tecto*, quod glossam redolet. Louge rectius, *caeco igni*, tertius Mediceus et quinque alii; sex pro diversa lectione id ipsum exhibent. Notum hoc Virgil. Aeneid. IV, 2: *Vulnus alit venis, et caeco carpitur igni*. LEM. — De verbo *carpi*, vide ad II, 781; nude apparet, *passim* nunc posse abesse. — *et vires*, pro *nec vires*: vide Burmannum.

491. *Et neque etc.*) Ad φιλαίτων προσόργων et θοανάσσορων ingenia exprimenda, eleganter sumitur illos vernus, idemque φιλαίτρος pluviae sithor, quum eiusmodi ingenio spem sui sub

Nec corpus remanet, quondam quod amaverat Echo.
 Quae tamen ut vidit, quamvis irata memorque,
 Indoluit: quotiesque puer miserabilis, Eheu! 495
 Dixerat: haec resonis iterabat vocibus, Eheu!
 Quinque suos manibus percusserat ille lacertos,
 Haec quoque reddebat sonitum plangoris eundem.
 Ultima vox solitam fuit haec spectaulis in undam;
 Heu frustra dilecte puer! totidemque remisit 500
 Verba locus; dictoque Vale, Vale inquit et Echo.
 Ille caput viridi fessum submitit in herba;
 Luminis nox claudit, domini mirantia formam.
 Tum quoque se, postquam est inferna sede receptus,
 In Stygia spectabat aqua: planxere sorores 505
 Naiades; et sectos fratri posuere capillos:
 Planxere et Dryades: plangentibus adsonat Echo.

initia prodigam praebant, quam tamen fallunt, et frugis bonae expectationem destituunt. LEM.

494. *quamvis irata memorque* ac a Narcisso fuisse spretam. LEM. — *memor*, scilicet iniuriae ipsi factae. Sed displicet Glareano, quod Echo mutata in lapidem *viderit* Narcissum. Respondet Burmannus poetam narrasse quidem iam antea metamorphosin Echus, sed cum simul cum Narcissi transformatione factam esse. Putem, *videre* omnino esse acutire, intelligere. Hoc poterat, quia nunc quoque persona erat. Praeterea serpius iam observavimus, haec et talia in Ovidio non esse urgenda. Cacterum ingeniose Echo hic inducitur et fabulae innectitur. Etiam illud *indoluit* ex natura Echus bene confirmatur. Male Heinsius etiam versus 501, *locus* recipit. Immo *locus*, in quo mutata Echo, remittebat verba.

503. *nox claudit*) Codices nostri

Regii, *mors clausit*. Quam hic nullo attributivo vel adiectivo *nox* ista designetur, quod tamen necesse esset, *mors* praefereendum censeo. LEM. — *dominus luminis*, ut VI, 560, *domino linguae*. * In Stygia etc. Mures enim in inferna sede exercent studia antiqua: vide ad IV, 445. Nihilominus Noster nunc ingenio abusus est: *Stygus* enim turbida aqua et limo plena non poterat spectantis formam reddere.

505. *Planxere sorores*) Apud Claudian. d. l. Narcissum *fracta Cepheus arundine luget*, — *sectos capillos*. Ex more antiquissimo solebant mortuorum tumula secti capillorum cinerum imponi. — Quotum in Gronoviano *fronti posuere*, existat, Burmannus *conjectural fontis*, tanquam busto Narcissi. — Non infausta Burmanni conjectura. Nostri tamen *Cordices* habeat *fratri*. LEM. — *ponere* solemne in consecrationibus. Tibul-

Iamque rogam, quassasque faces, feretrumque parabant?
Nusquam corpus erat: croceum pro corpore florem
Inveniunt, foliis medium cingentibus albis.

510

VI. Cognita res meritam vali per Achaidas urbes
Attulerat famam; nomenque erat auguris ingens;
Spernit Echionides tamen hunc, ex omnibus unus
Contemtor Superum, Pentheus; praesagaque ridet

lus I, 1, 14, *potum potere Deo*. Mirum autem est, Nymphas rogam et feretrum parasse.

508. *quassasque*) Septem MSS. *cassasque*. Id Burmannus explicat, quae resectae ab arbore succo suo carent et aridae sunt. — Nostri, *quassasque*. Et arguta forte videbitur explicatio Burmanni. *Cassas* pro *quassas* scriptum fuisse a librariis, et eodem sensu, quis demiretur, quum sciverit quomodo ante typographiam repositum scriberentur libri? scilicet duo, tres, vel plures scribae ante pluteum, dictante verba magistro, exarabant; et, prout quisque peritus esset, alter *quassas*, alter *cassas* in suo codice reponerat. Similiter et omnibus hisce mendis quae in nostris scriptis libris occurrunt. LEM. — *Quatere, quassare, percutere faces*, formulae obviae. Vid. Heinsius ad IV, 758. Inctabantur enim inter enudum. — *croceum florem*, Narcissum. Flos hic Diis inferis sacer fingitur, ut qui floreat tantum et transeat, neque ullum ex se fructum edat; ita et ingenia praecocia hand facile perveniunt ad frugem. LEM. — *flos* autem ille etiam hodie iuxta Heliconem plurimus reperitur, ut narrat Chandler in Itiner. cap. 64.

511-733. *Cognita res meritam* etc.)

Bacchus, emensus multas terras, Thebas venit. Pentheus vero, Echionia filius, Cadmi ex Agave nepos, cui Cadmus imperium tradiderat, quum

sacra nova accipere nollet, Bacchumque adeo interficere conaretur, dilaceratus est ab Agave et sororibus, quas Bacchus enim in finem in furorem adegerat. Tractata est haec fabula post Aeschylum, cuius Pentheus interit, ab Euripide in Bacchis. Habent eam Apollod. III, 5, 2; Hygin. fab. 184; Philostr. Icon. I. Attingit etiam Theocrit. Id. 26. Cf. et Senec. Oed. 404-508, et similem loc. apud Virgil. Aen. VII, 385 sqq. Sine dubio Pentheus, quum furorem Bacchum, qui totas interdum civitates invadebat, coercere vellet, a Bacchis occisus est. Ferociorem autem eum Ovidius descripsit, quam Euripides. Nullam autem transformationem haec fabula habet; itaque Noster, ne inatituti immemor videretur, inde ad versum 574, commodè intexuit aliam. — *res*, vaticinium de Narcisso impletum; *cognita*, quum esset divulgata. — *voti*, Tiresiae; redit enim eo, quo dellexerat carmen. — *Achaidas*, graecae. Apud Homer. omnes Graeci Ἀχαιοί. — *Achaidas urbes* Cod. Regius B, *Archadas*; male. *Achaica* regio est Graeciae, Peloponneso contermina. LEM. — *auguris*. Aurea eius ita purgatae erant, ut omnes avium voces audita perciperet. Apollod. III, 6, 7. Apud Euripid. d. I. 347, sedes habet, ubi σιωπῶνται. — Iam breviter notat mores Penthei, qui ad hanc rem pertinebant,

Verba senis; tenebrasque et cladem lucis ademtae 615
 Obicit: ille movens albertia tempora canis,
 « Quam felix esses, si tu quoque luminis huius
 Orbus, ait, fieres, nec Bacchia sacra videres!
 Iamque dies aderit, iamque haud procul auguror esse,
 Qua novus huc veniat, proles Semeleia, Liber. 520

Contemtor Superum: ex omnibus, ex omni familia Cadmi. Gaeteri venerantur Bacchum: vid. vs. 564. — tenebrae, ut σκότος, de caecitate. — cladem, damnum, quod passus erat, lucis ademta. Aliter Tiresiam increpat apud Euripid. 255 sqq.

516. *movens*) Motus et agitatio capitis signum indignationis. Movet autem Tiresias tempora, et quidem senilia. Sed id graphice expressit, *albertia canis*, tempora cana. Πολυὶ πρόταρσι. Anacr. Od. 56; et Homer. Iliad. Θ. 518, *senes vocat πολυαχρότατος γέροντας*. Tiresiam, qui quatuor generationibus post, Eteoclis et Polynicis tempore, adhuc vixit, iam aeternam facit tempore Penthei, sequutus Euripidem, apud quem Bacch. vs. 258, Pentheus ei tribuit γέρας πολυόν: vid. Barnes. ad vs. 178. Et commode h. l. senectutis mentio fit; ea enim tanto maiorem auctoritatem vati, tantoque maiorem fidem eius responsis conciliabat. Nec tamen omnino spernenda est altera lectio, *albertia tempora vittis*, maxime oh XIII, 643: *Hanc Annus niveis circumdata tempora vittis Concutiens*. Vitta enim alba insignire solebat tempora augurum. — *canis*. Zinzerling. in Promul. I, cap. 51, ex MSS. corrigat *vittis*, quod Heinsius exemplis illustrat.

517. *Quam felix esses*) Et ad risum et ad cladem oculorum verbis gravissimis respondet vates. Apud

Euripid. 368, non μυνταῖς, sed τοῖς πράγμασιν edoctus veretur, ne Pentheus luctum inferat Cadmi dono. Sed Ovid. vel nexus causa haec novavit. — *Bacchia sacra*. Codex Regius A *Bachia*, et supra τὸ εἰ ab eadem manu reposita fuit litera e, unde legendum *Bachica* quod habet et Codex B; non male. LEM. — *Bacchia sacra*, τιλκτάς ῥήτους, id est mysteria bacchica: vid. Perizon. ad Aelian. V. H. II, 31, 20. Dicta sunt, ut omnia sacra enthusiastica, *Orgia*, ἀπὸ τῆς ὀργῆς, a furore, insaniam: vid. ad IV, 1. Intelliguntur autem h. l. prisca illa orgia, diversa ab Atheniensium Dionysiis, et *trieterica* dicta, quoniam a Thebanis tertio quoque anno celebrabantur, et quidem in monte Cithaerone nocturnis discursibus; vide Barnes. ad Euripid. vs. 133, et Perizon. ad Aelian. V. H. XIII, 2.

519. *Iam, vox vaticinantium; itaque repetitur non sine gravitate. — Codices nostri Regii: Namque dies aderit, quam iam haud procul etc.* quam lectionem, teste Heinsius, habent vetustiores; quis vulgata intulerit non dicit Gierig. LEM. — *novus*, non est recentior, diversus a prisca huius nominis Diis, sed, ut Francius bene vidit, nobis adhuc incognitus. Eurip. vs. 219, ὁ νεώσφι δαίμων; vs. 256 et 272, ὁ δαίμων ὁ νέος. Sic saepe *novus* apud Nostros, *novi fluctus*, *nova monstra* etc. id est adhuc ignota. — *veniat*, exquiritur, quam ven-

Quem nisi templorum fueris dignatus honore,
 Mille lacer spargere locis, et sanguine silvas
 Foedabis, matremque tuam, matrisque sorores.
 Evenient: neque enim dignabere numen honore;
 Meque sub his tenebris nimum vidisse quereris. » 525
 Talia dicentem proturbat Echione natus:
 Dicta fides sequitur; responsaque valis aguntur.
 Liber adest; festisque fremunt ululatibus agri:
 Turba ruunt, mixtaeque viris matresque nurusque,

niet. Tibull. I, 4, 49: *Tempus erit, quam me deducat*, ubi vide observationem Heynii.

521. *Quem nisi etc.*) Nisi dignum eum iudicabis, quem colas templis excitandis et dedicandis. *Honorare templis*, aris, statuis, ut graec. τιμᾶσαι τὰς τοῖς etc.: vid. Perizon. ad Aelian. V. H. II, 31, 12. — *lacer spargere*, laceraberis et spargeris. — *Foedare*, de sanguine viduorum. Virgil. Aeneid. II, 492, *foedantem sanguine ignes*. — *sub*, in, tenebris, ut VII, 2, *sub nocte*. In *sub tenebris vidisse* inest acumen. — Codex Regius B, *Meque ab his tenebris*.

527. *responsa*, vaticinium: vide ad vs. 340. — *aguntur*, eventum habent. Idem est alterum *fides sequitur*.

528. *adest*, nempe e Lydia. Euripid. 234. Thebis mulieres coegit βαρβαρίων ἐν τῷ Κιθαρῳνί. Apollod. Noster brevitatis studio statim irruit in ipsum fremitum. Agri fremunt, βοῶντες, verbum proprium de Bacchantibus, unde Bacchus βοῶμος; vid. Longin. XV, 6. — *ululatus*, ἰχχῆς, αἰδολυμοίς. Ipse Bacch. de se, Eurip. vs. 24, Thebas in Graecia primas ἀναιδολῆα, ululatu complevi. Nam αἰδολῆα et ululare, etiam praegaudio exclamare et ululare, sed de faribundo Bacchantium clamore in

primis dicitur. — *Ululabant* autem voces has, Εὐαὶ Βάχχῃ, ὦ Ιχχῆ, ἰὼ Βάχχῃ, Εὐαὶ αἰδολῇ, unde αἰδολῆα τὰ ὀργῆα, quod Virg. Aeneid. VI, 517, reddidit, *ovare orgia*, id est evando celebrare orgia: vid. Drakenb. ad Sil. II, 101. — *festis*, quia coniuncti erant huiusmodi ululatus cum sacris Bacchi.

529. *Turba ruunt*). Codices nostri Regii, *Turba ruit*; utrumque recte. Lat. — Inducuntur ergo Bacchi thiasii. Virgil. Ecl. V, 30; nam θῖαςος, *thiasus*, dicta est vocabulo proprio multitudo illa mixta et pompo, quae Bacchum comitabatur: vid. Bornes ad Eurip. vs. 56. — *mixtaeque* etc. Feminae et mores, poneres et nobiles sacris his arcanis interesse poterant. Euripid. vs. 208 sqq. Verba *ruunt* et *feruntur* egregie pingunt studium, quo superstitiosa et levis multitudo certatim advolat ad ignota (nam ignota et nova scire cupiunt) *sacra*. *Ruere* sic etiam XV, 729; Phaedr. V, fab. 1, 3. Significat enim sine ordine et suavia cum contentione currere. — *matres et nurus* volente Noatro, quum omnis generis et aetatis mulieres commemorat. Et *nurus* poetis omnis mulier. Broukh. ad Propert. II, 5, 26. — *mixtae viris*. Eurip. 36: γυναικες ὅσῃ δὲ καὶ ἄνδρες παρὶς ἀν-

Vulgusque proceresque, ignota ad sacra feruntur. 530.
 « Quis furor, anguigenae, proles Mavortia, vestras
 Attonuit mentes? Pentheus ait: aerae tantum
 Aere repulsa valent? et adunco tibia cornu?
 Et magicæ fraudes? ut, quos non belliger ensis,
 Non tuba terruerint, non strictis agmina telis; 535

μυρμηκας. — *proceres*, ipse Cadmus cum tibiabus et Tiresia. Eurip. 299. — *Vulgusque proceresque*; iam in libro I, 193: *Faunusque Satyrique* etc. infra libro IV, 10: *telasque calathosque* etc. In his tribus locis nostri Regii Codices *τὸ* que prius non habent, sed dant *Et vulgus, proceresque* etc. et *Fauni Satyrique* etc. *Et telas calathosque* etc. Vulgatam lectionem retinimus, quia huius metri exempla reperiuntur apud Virg., præsertim in Ecl. IV, 51; et Georg. I, 279. LEM. — *proceres* dicuntur qui in civitate eminent, sicuti, in aedificiis, capita trabium quæ proceres appellantur. LEM.

531. *Quis furor*) Summa orationis: non vincitur vi armorum fortissimique virorum, sed inanibus tympanis pueri molli obsceniorumque gregum, quod Thebanorum origine indignissimum. In hac origine et in illa molliæ explicanda totus est, proditque animus rei turpitudine commotissimus. Abundat antithetis. — *Quis furor* crebra vox indignantium, VI, 170; Virgil. Georg. IV, 495; Tibul. I, 10, 33. — *anguigenae*, Thebani ex anguis dentibus prognati, Græcis *Ἐκπυτοί*. Eorum urbs *draconigena* III Fast. 865. Vtrumque voc. ab ipso Ovidio signatum videtur ad formam *terrigena* etc. — *proles Mavortia*, nam draco ille Martis filius fuerat.

532. *Attonuit*) Codices nostri, *At-*

tollit, quod improbat Heinsius; tamen *attonuit* videtur emendatio recentiorum. LEM. — *Attoniti*, qui, audito Bacchantium fremitu, et ipsi furorem concipiunt: vid. Iani ad Horat. I, Od. 16, 7. — *aera*, cymbala, quorum usus in mysteriis Bacchi non minus, quam in sacris Cybeles; multa enim utrisque sacris communia. Erant concava, atque inter se concussa, tinnitum acutum dabant, et pungentem veluti animos: vide IV Fast. 189. — *repulsa*, pulsa, ut Tibull. I, 3, 24; 8, 22. — *adunco tibia cornu*, tibia Phrygia, inventa a Mida rege, et incurva, quam cæteræ tibiae essent rectae. Virgil. Aeneid. XI, 737: *Pro curva thoros indixit tibia Bacchi*. Cornu additum augebat sonum.

534. *magicæ fraudes*) Cantabrig. *frondes*, quod et Heinsio et Burmanno placet. — Nostri Codd. *frondes*. Apud Euripidem, versu 234, Bacchus γένος ἐμπεδός. Quam sacra Bacchi essent nocturna, arcana et cum multis præstigiis coniuncta, Pentheo videbantur *magicæ fraudes*: vide supra Var. Lect. — *belliger ensis*, ut Martial. V, Epigr. 25, *belligera hastata*; Horat. Sat. I, 31, *hosticus ensis*. — *belliger* Heinsius ex primo Gronoviano, in quo pro diversa lectione exstat, dedit Barber. *bellifer*. Cæteri, *bellicus*. Nostri Regii, *bellicus*. — *Tubæ* usus erat in bellis; vide ad I, 58. — *terruerint*. Nostri Regii *ter-*

Femineae voces, et mota insania vino,
 Obscoenique greges, et inania tympana vincant.
 Vosne, senes, mirer? qui, longa per aequora vecti,
 Hac Tyron, hac profugos posuistis sede Penates;
 Nunc sinitis sine Marte capi? vosne, acrior aetas, 540
 O iuvenes, propiorque meae, quos arma tenere,
 Non thyrsos, galeaque tegi, non fronde, decebat?
 Este, precor, memores, qua sitis stirpe creati;
 Illiusque animos, qui multos perdidit unus,
 Sumite serpentis: pro fontibus ille lacuque 545
 Interiit: at vos pro fama vincite vestra.

ruerit, in fugam converterit. Supra I, 727: *profugam per totum terruit orbem*. Hor. II, Od. 1, 19: *Fulgor armorum terret equos*.

537. *Obscoeni greges*) Sil. Ital. XVII, 112, *Semiviri chori*. — *tympana*, orbes intenti corio, pulsabantur manibus et edebant sonum raurum. Euripid. 134, *ὑποσώτῃσιν κρυψάμεται*, et versu 156, *βασίλειον*. — *inania*, non timenda.

538. *senes* cum Caëmo e Phoenicia profecti orbem pererraverant: vide vs. 6. Hos non omnes necasse videtur serpens a Caëmo interfectus. — *Hac Tyron*. Codex Regius B mendose, *Hac Tyro*. Tyros insula est Phoeniciae adiacens, a Tyro, Phoenicis filio, dicta. Est etiam Tyros Laconiae urbs, et insula in mari rubro. LEM. — *Hac Tyron* etc. Certum signum novae sedis captae, si *penates* ibi constituerentur. Novae autem sedi nomen urbis, unde venerant profugi, imponi solebat. Expressit vero, ut Nauger. innuunt, Virgil. Aen. I, 68: *Ilum in Italiam portans viatosque penates*.

540. *acrior aetas*) Codex Regius B male *cuior*. — *acer* de iuventili

vigore. — *propior meae*. Elegantius Ascanius ad Euryalum, Aeneid. IX, 275, *mea quem spatii propioribus notas Insequitur*. — *thyrsus*, baculus aut hasta, quam gestabant, quaque terram pulsabant Bacchantes. Revinctus erat hedera aut pampinis, unde ab Euripid. vs. 25, *κισσῶν βέλος*; ab Ovidio vero XIII. Equist. 33, *pampino hasta* vocatur: vide mox vs. 667. Speciem eius e gemmis expressam habes apud Perizon. ad Aelian. V. H. III, 18, et in Lipperti Dactyl. I, 184, 390. — *fronde*. Bacchantes coronati erant hedera, pampinis aut aliarum arborum frondibus. — *tegi* verbum solemne in hac re. Vide Caesull. LXIV, 257.

544. *Illiusque animos* etc.) Solenne est posteris maiorum facta in memoriam revocare. Argumentum autem hoc a serpente ductum non dedit orationem in opere mythologico. — *fontes* et *lacus* eodem redeunt, sed dictum hoc ad formulam *pro aris et focis*. — Pro *fontibus* nostri Codices dant *frondibus*; rarior locutio *fronde* pro lucis et silvis. LEM. — *pellite* dedit Heimsius ex optimis MSS. pro vulgata *vincite*. Vnus Palatinus, *per-*

Ille dedit leto fortes: vos pellite molles,
 Et patrium revocate decus: si fata velabant
 Stare diu Thebas; utinam tormenta virique
 Moenia diruerent; ferrumque igitur sonarent! 55.
 Essemus miseri sine crimine; sorsque querenda,
 Non celanda foret; lacrymaeque pudore carerent.
 At nunc a puero Thebae capientur inermi;
 Quem neque bella iuvant, nec tela, nec usus equorum,
 Sed madidus myrrha crinis, mollesque coronae, 555
 Purpuraque, et pictis intextum vestibus aurum.

dite. — *molles*. Codex Regius A, *mites*. — *molles*, effeminati. Male Burmannus *τῶ* *pellite* praefert *perdite*, quod melius conveniat v. *dedit leto*. Immo vult minus dicere, ut duplex oppositio sit, *fortes* — *molles*, *leto* dare — *pellere*, quemadmodum ante *intextum* — *vincite*. — *revocate*. Codices nostri Regii, *retinete*. — *revocare*, restituere, vocabulo vocis ad facta translato: vid. Gronov. Observ. II, 19. Praefero tamen, quod omnes MSS. praeter duos, habent, *retinete*. Heron. III, 3, *retinere* fortitudinem, conservare. Velleius II, 79, 5, *retinere* dignitatem, dignitatis memorem se gerere. Etiam in Nuce 51, *retinere* decus.

549. *utinam* tormenta) Instrumenta sunt bellica a torquendis lapidibus, aliisque missileibus dicta. LEM. — *sonarent*. Heiusius coniunctum *domarent*. Immo illud melius, diciturque non modo de igne (vide Draconib. ad Sil. I, 129), sed et de armis; confer Virgil. Georg. I, 447. — Codices nostri Regii, *sonarent*; nil mutandum censeuius. LEM.

551. *Essemus* — *carerent*) Idem ter dixit, quia urget id, quod caput rei est. Verbis *stare*, *diruere* et *capit* in

nimis augeat rem. — *sorsque querenda*. Hoc est, sors nostra lamentatione quidem digna foret, non vituperatione. LEM. — *Quem neque* etc. Tibull. I, 7, 43: *Non tibi sunt tristes curae, nec luctus, Osiri* (quem cum Baccho confundebant Graeci), *Sed variis flores, et firus redimita corymbis; Fata sed ad teneros lutea palli pedes, Et Tyrridae vestes, et dulcis tibia cantu.* Et ad ipsum Bacchum Horat. II, 19, 25: *Quamquam choreis aptior et socis Ludaeque dictus, non sat idoneus Pugnae ferebaris, sed idem Pacis eras medius belli.* Etiam secundum Eurip. 419, amat *ὁλοδοτύραν τιρήνν*. — *crinis* Bacchi pussiam laudatur: vid. ad vs. 421. Eum ornare solebat. Eurip. 234: *ἔκδοτον φορεῖν χροῖν ἐνδοξος κόμην*. — *madidus*, delibutus. Vaguebantur autem Veteres etiam oleo myrrheo, de cuius praestantia vid. ad X, 500. — *molles coronae*, nempe hederaceae, unde Bucclius *κισσόφυλας*: *Semper hederæ tempora victa gerit* Tibull. III, 6, 2. Hederæ autem molitudo tribuitur a poetis. Virg. Ecl. V, 31. — *De purpurea* Bacchi veste vid. Salmus ad Tertullian. de Pallio, p. 329. Talem etiam Homerus h. Bacch. 5, ei tribuit. — *pictis* eo ipso,

Quem quidem ego actutum, modo vos absistite, cogam
Adsumtumque patrem, commentaque sacra fateri.

An satis Acrisio est animi, contemnere vanum
Numen, et Argolicas venienti claudere portas; 560
Pentheia terrebit cum totis advena Thebis?

Ite citi (famulis hoc imperat), ite, ducemque
Attrahite huc vinctum: iussis mora segnis abesto. »

Hunc avus, hunc Athamas, hunc cetera turba suorum
Corripiunt dictis, frustra que inhibere laborant. 565
Acrior admonitu est; irritaturque retenta,
Et crescit rabies; remoraminaque ipsa nocebant.
Sic ego torrentem, qua nil obstat eunti,

quod anrum, inextm; lib. II, 734.

557. modo vos absistite) Plurimi, *absistite*. — Regii nostri, *absistite*. Lectio *absistite* convenit quidem verbis Eurip. 780, ubi Pentheus scutatos et equites accessi inhet, sed non perinde moribus et consilio Penthei et notatione Ovidii sibi arrogat. *Absistite*, scilicet a sacris novis. — *adsumptum*, quem falso sibi arrogat. XI, 789. — *Adsumtumque patrem*; Iovem quem e mentitis est patrem. LEM. — *commentaque sacra*, conficta. LEM.

559. An satis Acrisio) Acrisius Argivorum rex, oclusis portis, neque Deum hunc (Bacchum) neque sacra ipse admittit. LEM. — De Acrisio Bacchum spernente vid. IV, 686 sqq. Sed Argos Deus ille serius profectus est. Apollodorus. Etiam Euripid. 20, ipse narrat, Thebas primam esse Graeciae urbem, quam intravit. — *vanum*, quod non est uomen. — *Pentheia*, cum emphasi, pro me, cf. XIII, 17, ubi Aiax, de Ulyse: *acemolus Aiaxis*. — *advena*. Bacchus quem non civem agnoscit Pentheus, sedum Deum. LEM. — *Ite citi etc.*)

Confer 355. — *ducem*, venerat enim cum comitibus.

564. avus, qui in vivis adhuc erat, sed regnum Pentheo tradiderat, eum *inhibere*, coercere, laborat. Euripid. 330. — Apud Euripidem, in Bacchis, non audit Cadmum, non Tiresiam. LEM. — *hunc Athamas*; Aeoli filius fuit Athamas, Cadmi gener. LEM. — *suorum* languere videtur Burmanno; praefert igitur e Canlahr. *sequentes*, malit tamen *frequentes*. Languorem illius equidem non video. Regem curripere non nisi *mi* poterant. — Nostri Regii habent *suorum*; ita et omnes quos alii consulerunt. LEM.

566. Acrior admonitu est) Berneg. Codex, a monitu, quod valde adhibendum Burmanno, qui etiam exempla adfert, ubi a pro post ponitur. — Codex Regius A, amonutu, quod idem est quod admonitu, et hoc postremum habet Regius B. Lectio Codicis Berneg. quam refert Giorig, ex compendio scripturae procedit. LEM. — *Acrior*, ferocior, iracundior fit ex irae natura, quam poeta loquaciter quidem quatuor formulis indicat, sed

Lenius, et modico strepitu decurrere vidi:

At quacumque trabes obstructaque saxa tenebant, 570

Spumeus, et fervens, et ab obice saevior ibat.

Ecce cruentati redenuit; et, Bacchus ubi esset

Quaerenti domino, Bacchum vidisse negarunt.

Hunc, dixere, tamen comitem, famulumque sacrorum

Cepimus: et tradunt manibus post terga ligatis, 575

Sacra Dei quondam Tyrrhena gente sequutum.

Adspicit hunc oculis Pentheus, quos ira tremendos

egregie illustrat similitudine subiecta, in qua pro generali illo, *sic torrens decurrit*, melius, *sic ego torrentem decurrere vidi*. — *decurrere* proprie de fluvii, qui fere ex altioribus locis defluunt. — In versu anteprecedenti, Codex Regius A habet *remoramina*; at Codex B, *moderamina*, Baronia, *revocamina*; neque bene.

570. *obstructaque*) Obiecta. Vide Heinsium. — Gebhardus e MSS. *obstrusaque* — Recte *obstructa* e Codicibus Regiis. LEM. — *tenebant*, cursum eius morabantur. — *obex*, trabes obstructae, I Fast. 563; *obex montis*, mons obiectus; *ab obice*, propter obicem. — *saevior*, rapidior. Vis aquarum cum ira et saevitia comparatur.

572. *cruentati*) Apud Eurip. 434, se vinciri patitur, sed ibi quoque comitem se Bacchi mentitur. — *cruentati*; vulnerati a comitibus Bacchi, dum Bacchum et Bacchas prehendere tentarent. LEM. — *Quaerenti domino*; tyrannum. LEM. — *Bacchum vidisse negarunt*. Famuli tamen in Bacchis Euripidis: Πενθεύ, πέρσετον, τίςδ' ὄργαν ἡγριότητος Ερ' ἔν' ἐκμύχας etc. Insum adducentes Bacchum, quem Noster Acoetae sub imagine inducit luteum. LEM. — *Sacra Dei* etc. Hunc quoque versum Heinsius et

Burmamnus spurium iudicant. Recte. Poëta enim ipse hic loquitur; in vero Bacchum non poterat ita nominare. — Nostri Regii eundem versum non admiserunt. De *Tyrrhenis* vide ad versum 583.

577. *Adspicit hunc*) Bacchus mutata forma adducitur viuctus, minus tique Pentheo et vitam suam enarrat et miranda Bacchi facta. Confer Homeri hymn. Bacch. p. 83 Ern. Hygini fabul. 134; Apollod. III, 5, 3. Quae Aglaosthenes in Naxica tradiderat, excerptit Hygin. P. A. I, 17. Confer et Senec. Oed. 449 sqq. et, qui paucis rem attigit, Propert. III, 15, 25. Omnes in eo consentiunt, *Tyrrhenos* nantas rapere voluisse Bacchum, eosque cunctos, praeter gubernatorem pium, in delphinos esse mutatos, quum antea repente variae navis partes hederi et pampinia essent circumdatae. Nempe ad commendanda sacra huius Dei, ab homine et inter homines nati, fingenda erant multa miracula et exempla hominum ab eo punitorum. Post Homeric. hymn. plurimi et in eo conspirant, *Naxos* eum navigare voluisse, sive quia Naxica scriptor primus fab. invenerat exornaverat, sive quia illa insula Orgia celebris. Commode autem Noster haec admiscuit,

Fecerat : et, quamquam poenae vix tempora differt,
 « O periture, tuaque aliis documenta dature
 Morte, ait, ede tuum nomen, nomenque parentum, 580
 Et patriam; morisque novi cur sacra frequentes. »
 Ille metu vacuus: « Nomen mihi, dixit, Acoetes;
 Patria, Maeonia est: humili de plebe parentes.
 Non mihi, quae duri colerent pater arva iuveni,
 Lanigerosve greges, non ulla armenta reliquit. 585

partim quia metamorphosin habent, qua reliqua huius fabulae pars caret, partim quia Penthen docere poterant, quam potius ille Deus esset. Narratio haec praeclara est et morula in primis, longior tamen, quam ut furens Pen- theus omni aures praebuisse credi possit. Hoc sensit ipse poeta; itaque versu 692 quasi excusationem sibi parat, sed non satis probabiliter; qui enim attente diu alterum audit, eo ipso consilio, ut ira vires mora absumere posset, is, re cognita, non di- rum supplicium decernit. Ceterum Lucian, in Dial. Marii, tradit, proe- lio victos esse Tyrrhenos a Baccho. — *tremendos*, igne micantes; ignis enim tremere dicitur. — Cod. Reg. B, *vix poenae*; parvi refert. — *edere*, ut I, 761. — *tuum nomen* etc. Haec tria fere olim quaeri solebant ex ad- venis.

582. *Acoetes*, Ἀκοῆτης. Codex Re- gius A, *Acoetes*. — Hoc nomen alii interpretantur vigilem, quia guber- natorem navis vigilem semper esse oportet; alii contra, tam pauperem, ut cubili careat: prius verum, alte- rum ineptum. Idem nomen guberna- tori etiam apud Hygium; sed in Ho- mero *Medides* dicitur. — *Maeonia* est Lydia, a Maeonibus, priscis Ly- diae colonis, sic dicta. Etiam apud Euripid. 464, interrogatus ὄντι; εἰ γέ-

νος, respondet, Ἀυδὶς μοι πατρίς. Sed paulo ante, versu 576, *Tyrrhena* gen- te profectus fingebatur, atque etiam versu 696, *Tyrrhenus* vocatur. Etiam Homerus d. I. hos Bacchi vectores vo- cat Τυρρηνούς, a quo nec dissentiant caeteri auctores, Apollod. Hygin. Lu- cian. Senec. Oedip. vs. 449. Nempe *Tyrrheni* et prisca Pelasgorum stirpe fuerunt atque etiam aliquandiu Ly- diam incoluisse videntur: vide Hey- nium in Comment. de Castoris Epo- chis, et Excurs. III ad Aeneid. VIII. Sed Hyg. qui eandem eum Nostro auctorem sequutus esse videtur, *Tyrr- rheni*, inquit, qui postea Tursi sunt dicti, quum piraticam facerent. Nempe *Maeonia* dicta est etiam Tusciam, in quam priscis temporibus Maronum colonia deducta esse vulgari Veterum errore credebatur: vide Heyn. d. I. Hinc Virgil, d. I. *Maeonia iuventus* de Etruscis, et Sil. Ital. XV, 35, *Maenius* locus est Trasimenus. Et Tursi rei nauticae studiosi erant, Dion- nys. Halic. I, 25, eosdemque sacris Bacchicis fuisse addictos et monumen- tis multis eorum apparet.

584. *Non mihi pater* etc.) Descri- bit se pauperrimum, ad miserationem faciendam. Ornate effert tria vitae genera. In *armentis* et *arvis* omnes olim divitiae. Pauperrima autem erat *piscatorum* conditio; vid. Virg. Aen.

Pauper et ipse fuit; linoque solebat et hamo
 Decipere, et calamo salientes ducere pisces.
 Ars illi sua census erat: quum traderet artem,
 Accipe, quas habeo, studii successor et heres,
 Dixit, opes: moriensque mihi nihil ille reliquit, 590
 Praeter aquas: unum hoc possum appellare paternum.
 Mox ego, ne scopulis haererem semper in isdem,
 Addidici regimen, dextra moderante, carinae
 Flectere: et Oleniae sidus pluviale capellae,
 Taygetenque, Hyadasque oculis Arctonque notavi, 595
 Ventorumque domos, et portus puppibus aptos.
 Forte petens Delon, Chiae telluris ad oras
 Adplicor, et dextris adducor litora remis;

XII, 517 seqq. Theocrit. Id. 21, ibique Haules, qui et de instrumentis piscatoris exponit. — *durus*, robustus et laboriosus, qui graves labores peragit. Omnis vita rustica *dura* est. — *linum*, retia piscatoria. — *Decipere*, suaviter pro capere. Virgil. Georg. I, 139: *fallere aves visco*. Verbum proprium est, *inescere*, *δυσκάλειν*. — *salientes* a natura piscium. Confer Art. Amal. I, 763, et infra XIII, 923.

588. *census*, divitiae, opes, redditus, quia bona civium romanorum in censum deferbantur. — *studium*, vitae genus, ut I, 694, ubi de venatu. — *lucunde successor et heres*, tanquam magnarum facultatum. — *lucunde et illud, nihil mihi reliquit praeter aquas*. — Codex Regius A, *moriensque aliud nil ille reliquit*. Regius B vulgatam habet; prior lectio rectificanda. LEM.

593. *Addiscere*) *discere* aliquot praeter id, quod iam tenemus. Simile est *addocere artes* apud Horat. Nautarum est, regere navem, nosse sidera et portus. — *regimen*, gubernaculum, clavus. — *Iam sidera illa*

memorat, quae praeter caeteris nautas olim ducebant. *Olenia capella*, Amalthea, cuius lacte Iovem nutritum ferunt. Ea inter sidera relata locum anum habet in humero sinistro Heniochi sive aurigae. Hyg. Poët. Astr. II, 13. Vocatur *sidus pluviale*, et V. Fast. 113, *signum pluviale*, quia pluvium nunciat. — *Taygete*, una ex Pleiadibus. — *Hyades stellae* in capite Tauri, quae quum oriuntur et occidunt, largos imbres cient. Gellius N. A. XIII, 9. — *Quare Hyades* sic dictae, ἀπὸ τοῦ ὕδωρ. LEM. — *Arcton*, Ursam borealem, Cynosram, vel Helicem. LEM. — *Ventorum domos*, regiones, unda spirant.

597. *Delon*) Delos insula maris Aegaei. LEM. — *Chiae*. Sic nostri Codices; vide infra notam nostram et Gierig, in 687. — *Diae*, quod primum Constant. Fun. ex Abstemii codice protulit, tum Heinsius ex Langerm. recepit, verum esse non potest. *Dia* enim est eadem quae *Naxos* (Plinius H. N. IV, 12), in quam deferri Bacchus volebat, vs. 636, 690. Dif-

Doque leves saltus; udaeque innitor arenae,
 Nox ubi consumpta est. Aurora rubescere primum 600
 Coeperat: exsurgo, laticesque inferre recentes
 Admoneo, monstroque viam, quae ducat ad undas.
 Ipse, quid aura mihi tumulto promittat ab alto,
 Prospicio; comitesque voco, repetoque carinam.
 Adsumus en, inquit sociorum primus Opheltis; 605
 Utque putat, praedam deserto nactus in agro,
 Virginea puerum ducit per litora forma.

facile est verum nomen hic reponere, quoniam nescimus, unde Acoetes solverit, nec caeteri auctores aliquid certi suppeditant. In hymno Homeric. et ab Hygin. nullus locus commemoratur. Apud Apollod. Bacchus ex *Icaria* in *Naxon* transferri vult; nautae autem eam insulam praeternavigantes *Asiam* petunt, ut praedam ibi vendant. Per *Asiam* Heynius intelligit *Asiam* proprie dictam, *Lydiae* partem. At, qui, relicta *Icaria*, *Naxon* praeternavigant, ii non deferuntur cursa in *Lydiam*, sed magis magisque ab ea discedunt. Revocavi antiquiorem lectionem eamque plurimorum codicum, *Chiae*. Non autem intellig. *Chios* insula celebris prope *Ioniam*. Quamquam enim *Lydy* Delon petens commodè ad dexteram eius litus appellere potuisset, non tamen *Naxon* ad dexteram habuisset, sed e regione et longe remotam. Sed cogitandum videtur de *Ceo*, quae *Romani* nonnulli et *Ceam* dicunt, et *Ptolem.* *Κέα*, ut adeo furtè et h. l. e consilio uanullorum *Ciae* rescribendum sit. Ea quique nullis passuum distabat ab *Helena*, quemadmodum haec a *Sunio* totidem passus. *Plin. Hist. Nat. IV, 12-20.* Idem tradit, eandem et *Hydrussam* (*Ὑδρὺσσα*), aquis abundantem,

Graecis esse dictam. Ei igitur bene convenit, quod Acoetes mox narrat, se *laticis inferendi* causa huc appulisse. Ovidius igitur, qui haec suo modo exorauit, eum finxit e sinu *Saronico* solvisse. — *tellus*, etiam de insula dicitur poetis. Vid. Heynius ad Virgil. *Aen. III, 73*, in Varr. lect. — *adducor litora*. Nostri Codices Regii, *adduco*. Vnde venit haec varietas non dixerim. *Adducere litora remis*, per metonymiam, pro *adducere remos, navem ad litora*. In vulgata *adducor litora remis* subauditur praepositio *ad*. *LEN.* — *saltus do*, exsilio e nave in litas. — *leves*, ut Horat. II, Sat. 6, 58, *levis exsilii*.

603. *promittere* de bonis prognosticis, ut *denunciare* de malis Virgil. Georg. I, 433. — *sociorum* duodecim nomina habet Hygin. eadem fere, quae h. l. Noster ea per totum locum disposuit, ne uno loco cumulata tuedium adferrent. Erant autem illi secundum Homer. hymn. et alios, piratae: neque piratica antiquissimis temporibus infamis erat. Secundum Serv. ad Virgil. *Aeneid. I, 71*, *dormientem in litore rapiunt*; sed apud Apollod. et Hygin. ipse conducit navem, ut *Naxon* deferatur. — *puerum*. Apud Homer. *ἄνδρα ἄνδρι ἰόντιν*. — *Virginea forma*. *Vnus Medicus* et *Ar-*

Ille, mero somnoque gravis, titubare videtur,
 Vixque sequi: specto cultum, faciemque gradumque:
 Nil ibi, quod posset credi mortale, videbam. 610
 Et sensi, et dixi sociis: Quod numen in isto
 Corpore sit, dubito; sed corpore numen in isto est.
 Quisquis es, o faveas; nostrisque laboribus adsis.
 His quoque des veniam. Pro nobis mitte precari,
 Dictys ait; quo non alius conscendere summas 615
 Ocior antennas, pressoque rudente relabi.
 Hoc Libys; hoc flavus, prorae tutela, Melanthus;

gentin. *virginæ-formæ*; utrumque recte. — Codices Regii, *virginæ formæ*. — Enripides, in Bacchis, versu 353, *ἡλόμαρος ξένος*. Talis etiam in monumentis representatur. Conf. IV, 18 sqq. — *mero somnoque gravis*, qui crapulam nondum edormivit. Homer. Iliad. A, 125, *οἰνοπαγής*. Heroid. XIV, 33: *Cibo vinoque graves somnoque iacebunt*. — *titubare* et lingua et pes elurionum dicuntur. — *titubare videtur*. Vacillare mero somnoque simulabat se Bacchus, ne a nautis Deus esse cognosceretur. LXX.

609. *specto cultum, faciemque etc.* Dii, quando formam humanam sumserant, incensu, voce, oculis aliisque rebus declarabant, aliquid divini inesse sibi. Virg. Aeneid. I, 327; V, 647, de Iri in animum mutata, *Divini signa decoris Ardentisque notate oculos, qui spiritus illi, Qui vultus vocisque sonus, vel gressus auri*. Sed quætere libet, quomodo *titubanti gradus* divinus esse potuerit. — *cultum*. Quidam, *vultum*. — Regii nostri, *cultum*. — *quod numen etc.* Gubernator in hymno Homeri: *ὁ γὰρ Ζεὺς ὅδε γ' ἰόντιν, ἢ ἀργυρότερος Ἀπόλλων, ἢ Περσεύων, ἐπὶ οὗ Ἰνδοταῖσι βροτοῖσιν εἶναιος*.

614. *Pro nobis mitte precari*; Acce-

tis socii putantes se puerum, non Bacchum cepisse, non modo nolunt ipsum precari, ut sibi det veniam, sed Acœtis quoque preces agere ferunt. Quare Bacchum irridentes atque contemnentes in delphinos omnes fuerunt conversi. LXX.

615. *Dictys ait; quo non etc.* Non nuda nautarum nomina ponit, sed adspersit aliquid de singulorum virtutibus, *Dictys* laudatur ab agilitate, qua excellere laudi ducebatur nautis. — *antennæ*, ligna illa transversa in malo, unde suspenduntur vela. — *pressoque*. MSS. *fre* omnes, *pressoque*. Heinsius coniecit *tensoque*. — Nostri Regii, *presso*; quæ sola lectio genuina videtur. LXX.

617. *Hoc flavus* Codex Regius A, *hoc flavus et p. tutela Melanthus*; Codex B, *hoc Flavos et p. tutela Melanthus*, unde profluxit vulgata *hoc flavus prorae tutela Melanthus*. Attamen in his latere aliquid existimo, et vulgatam esse falsam pæne dixerim. LXX. — *flavus*, qui habet flavos id est pulchros capillos, de quibus ad II, 319 et 749. Sic *ξανθὸς Μανίας* apud Homer. Cur autem pulchritudinem in hoc nauta laudaverit, non video. Si, quum *Melanthus* nigrum notet, laudare voluit, luxas ille iniquus est;

Hoc probat Alcimedon; et, qui requiemque modumque
 Voce dabat remis, animorum hortator Epopeus;
 Hoc omnes alii; praedae tam caeca cupido est! 620
 Non tamen hanc sacro violari pondere pinum
 Perpetiar, dixi; pars hic mihi maxima iuris;
 Inque aditu obsisto: furit audacissimus omni
 De manero Lycabas, qui Thusca pulsus ab urbe
 Exsilium, dira poenam pro caede, luebat. 625
 Is mihi, dum resto, iuvenili guttura pugno
 Rupit; et excussum misisset in aequora, si non
 Haesissen, quamvis amens, in fune retentus.
 Impia turba probant factum: tum denique Bacchus,
 Bacchus enim fuerat, veluti clamore solutus 630

Melanthus, Hygin. *Melas*, quod forma quidem, non autem significatione differt. — *provae turba*, id est, proreta, *πρωπάρης*, custos et gubernator, in prora navis. Alibi *tutela navis* est simulacrum Dei tutelaris in puppi collocatum. Vide Virg. Aen. X, 171.

619. Erat *Epopeus* *ἐπισυρῆς*, *par-sarius*, hortator remigum, qui remigibus *modum* dabat, et nunc pergere iubebat, nunc cessare ab opere, atque etiam canendo *animum* addebat defatigatis. Modum autem dabat vel voce, et interdum quidem satis acerba (Senec. Epist. 56), vel portisculo, id est, malleolo, quem manu tenebat; vide Gronovii Observat. IV, 26, et Drakenb. ad Silium Italicum VI, 366. Locus elegans in eam rem est apud Xenoph. Oecon. XXI, 3. — *caeca*, temeraria, insana, quae exne-est animum, quo minus videat, quid sit pinum aut impiam. Hyginus addit, eos propter formam constuprare Bacchum voluisse. Apud Homerum vinculis cum ligare voluit, sed illa sponte cadunt de manibus.

621. *pondere*) Codex Regius B, *corpore*, et *supra*, sed alia manu, etsi eiusdem saeculi, *pondera*. LEM. — *pondus*, quicquid imponitur navi corpus: XV, 694, sic est onus de corpore Dei navem premente. Navis violatur pondere, quia res impia est, Deum vi abductum in ea retinere. — *pars hic* etc. Erat Acoetes gubernator navis. Homoc. d. l. vs. 15. Hygin. d. l. — *pars hic mihi maxima iuris*. *Maxima*, inquit, *pars* huius navis est mea. LEM.

626. *iuvenili*, adeoque forti. X, 675, *iecit iuveniliter*, summa vi. — *Rupit*. Six. et unus Leidensis, *fregit*. Hein-sius maluerat *rapit*. Nostri Regii habent *rupit*. — *Rupit*, de costu cupiendum, rumpere voluit. Hyginus nil definit, *inaviam ab eis passus* est.

629. *turba probant*) Nostri Regii, *probat*, sine ulla lineola super scripta; unde pluralem numerum suspicor a recentioribus fuisse invecum. LEM. — *solutus sapor*. Solvitur somnus, quum depellitur, fugit. — a

Sit sopor, aque mero redeant in pectora sensus,
 Quid facilis? quis clamor? ait: qua, dicite, nautae,
 Huc ope perveni? quo me deferre paratis?
 Pone melum, Proreus, et quos contingere portus
 Ede velis, dixit; terra sistere petita. 635
 Naxon, ait Liber, cursus advertite vestros.
 Illa mihi domus est; vobis erit hospita tellus.
 Per mare fallaces, perque omnia numina iurant
 Sic fore; meque iubent pictae dare vela carinae.
 Dexterâ Naxos erat: dextra mihi lintea danti, 640
 Quid facis, o demens? quis te furor, inquit, Acoete,
 Pro se quisque, tenet? laevam pete: maxima nulu
 Pars mihi significat; pars, quid velit, aure susurrat.
 Obstupui; capiatque alius moderamina, dixi:
 Meque ministerio scelerisque artisque removi. 645

mero, post merum digestum. — *Huc ope perveni*. Vnus Heilmii, *deveni*, quod Burmanno eleganter dictum videtur, quia dicitur de iis qui in mala incidunt. — *Nostri Regii, perveni*, — *quo me deferre paratis*. Servius d. I, *experfectus in nave, quo duceretur, interrogavit. Responderunt illi, quo vellet. Liber ait, ad Naxum, insulam sibi sacratam*.

634. *Proreus* Graecis est is, quem Ovid. vs. 617, *prorae tutelam* dixit. Ab Hygino in antiquo exemplari abfuit hoc nomen; itaque nonnulli putarunt, Nostrum ex nomine officii fecisse nomen proprium. Vid. Muncker. ad Hygin. — *Naxon*, vide ad vs. 577. — *Naxos* insula est Aegaei Cycladum clarissima, quae et *Dionysias* dicta fuit, ut inquit Solinus, vel quod hospita Baccho fuerit, qui Dionysius cognominatur, vel quod vini fertilitate alias Cycladas vincat; unde Virgilius Aeneid. III, 125: *bacchantaque iugis Naxon*. LEM.

637. *domus*, patria, *hospita*, benigno vos hospitio excipiet. Contra *inhospita tecta* I, 218, ubi v. de not.

638. *Per mare iurare solebant nautae*. — *omnia numina*, bene notat levitatem nautarum. — In externa prorae parte pingebatur aut Deus navis tutelaris, aut aliud quoddam insigne, unde navi nomen esset, I Trist. 10, 2; hinc *picta carina*. Sed interdum totam adeo navem pingebant.

642. *Pro se quisque, καὶ ἑαυτὸν ἴκαστος*, quantum quisque potest. De formula *quis furor*, vide ad 531. — *quisque, tenet*. Nostri Regii, *timet*; errore facili; nam quid timendum fore crederent o iuvene quem non agnoverant, isti nautae perfidi? LEM. — *maxima nulu*. Vnus, *limo*, scilicet oculo, quod non a librario profectum Burmannus putat. — *nulu*, recte ex nostris Codicibus Regiis. — *aure*, paulo insolentius, in aurem.

645. *Ministerium* voc. nauticum. Virgil. Aeneid. VI, 302, *velis mini-*

Increpor a cunctis; totumque immurmurat agmen.
E quibus Aethalion; te scilicet omnis in uno
Nostra salus posita est, ait; et subit ipse; meumque
Explet opus; Naxoque petit diversa relicta.

Tum Deus illudens, tanquam modo denique fraudem
Senserit, e puppi pontum prospectat adunca.
Et flenti similis; Non haec mihi litora, nautae,
Promisistis, ait; non haec mihi terra rogata est:
Quo merui poenam facto? quae gloria vestra est,
Si puerum iuvenes, si multi fallitis unum? 655
Iamdudum flebam: lacrymas manus impia nostras
Ridet; et impellit properantibus aequora remis.
Per tibi nunc ipsum, nec enim praesentior illo
Est Deus, adiuro, tam me tibi vera referre,
Quam veri maiora fide: stelit aequore puppis 660
Haud aliter, quam si siccum navale teneret.
Illi admirantes remorum in verbere perstant;
Velaque deducunt; geminaque ope currere tentant.
Impediunt hederæ remos, nexuque recurvo

strat. Sic et Tacit. Mor. Germ. 44. — *artem* Lenzius interpretatur *de fraude*. — *Aethalion*, Hyginus, *Ethallides*. — *Explet meum opus*; vices meas peragit. — *diversa*, loca opposita, contrarium coeli partem spectantia.

652. *Non haec mihi etc.*) Non haec mihi litora promisistis, quae non sunt litora, sed mare: non haec terra, quae non est terra, sed aqua, mihi rogata est. BARN. Lenzius vero putat, eum prospexisse iam Deloo propinquam. Haec interpretationem adiuvat Schepperi coniectura: *portum pro pontum*. — *quae gloria*, etc., ut Tibul. I, 8, 49, *puero quae gloria victo?* — *iuvenes* dici solent nautae et remiges.

658. *praesens Deus*, qui nobis auxilio suo adest. Sed h. l. ambigue dictum videtur, et simul de praesenti-

tia corporis capiendum. Conf. XIV, 679. — *vera referre*. Codex Regius A, *verba fateri*, et paulo post, ab eadem manu, *verba referre*. Forsan lectio *fateri* vera sit. LEM. — *veri fide*, ut Heroid. XVI, 60, *veri vix habitura fidem*: vide Heinsium.

662. *remorum in verbere*) Pergunt verberare mare (τῶπιος ἄλα Homer.) rensis. Similiter piscator *verberat amarem funda* Virg. Georg. I, 141. — *Vela deducunt* ex antennis, ubi, quamdiu opus iis obo erat, ligata pendebant, ut *gemina ope*, velis remisque, currant. Lenzius contra: contrahunt vela, antea expansa, tanquam in vado essent, et geminata viribus remos movent.

664. *Impediunt hederæ remos*) In hymno Homeri, vinum fluit per na-

Serpunt; et gravidis distinguunt vela corymbis. 665
 Ipse, racemiferis frontem circumdatus uvis,
 Pampineis agitât velatam frondibus hastam.
 Quem circa tigres, simulacraque inania lyncum,
 Pictarumque iacent fera corpora pantherarum.
 Exsiluere viri; sive hoc insania fecit, 670

vem, mox in velo expanditur vitis, malum cingit hedera, scalni que omnes coronis ornantur. Hyginus: remos in thyrsos mutavit, vela in pampinos, rudentes in hedera. Haec igitur auctor quisque suo modo exornavit, omnium copiosissime Seneca Oed. 451-456, ubi etiam mare in pratum mutatur. Similia phaenomena leguntur IV, 394: Claudian. X, 188, Venere advenante, et XXIV, 366, Baccho per aequora rubra navigante, ubi nostrum locum respexit, in quo omnia fere Bacchi insignia ostenduntur. Impediunt, cingunt, ut sup. II, 433. Hedera brachiis suis, sive claviculis, quas plurimas inter folia emittit, omnia amplectens bene serpere dicitur, eique verus tribuuntur. Serpsit adeo circum tempora, Virgil. Ecl. VIII, 13. Noster VI, 128, Neziles hederæ. Eius racemi in orbem circumacti, ut, in vite, corymbi. — gravidis, ut gravidæ aristæ I, 110. — distinguunt, per intervalla ornant. Plin. V, Ep. 6, 16: Xystus distinctus lauro. Est autem hæc antiquior lectio, quam revocavi. Nam Heinsius ex priorè Regio et aliis, distinguunt suale invexerat. Melius est, quod idem suadebat, destringunt. — distinguunt, Codex Regius B, distinguunt; ut Codex A, destringunt; quam lectionem, etiam abiter viro docto Giesig visum, prætulerim, quia destringere huic loco aptius quam distinguere, pro ornare, existimo. LAM.

— Caput Bacchi plerumque hedera cinctum, interdum tamen et pampinis, ut monumenta antiquæ docent. Itaque uvæ in hoc miraculo offendere non debent. — Pro uvis Scholiast. Statii ad Thebaid. IV, 656, umbris, quod valde adblanditur Burmanno, quia frons eleganter dicitur umbrari, σκιάσθαι, frondibus. — Nostri Regii Codices habent uvis. — umbris, quod Burmanno placet, nunc nimis foret poeticum, nec quisquam facile racemiferas dixerit umbras. — agitât, more Bacchantium iactat. — Pampineis agitât velatam etc. Thyrsi descriptio et periphrasis. Catullus, de Nupt. Pelei et Thet. 257: Horum parata tecta quatiebant cuspidè thyrsos. LAM.

668. Quem circa tigres etc.) Tigres, lynces et pantheræ significant terrificus species, imagines et phantasmatum quæ ebriorum oculis et animis obversantur. LAM. — tigres et pantheræ a Baccho in India devictæ iungebantur eius currui, itque addebantur etiam lynces. — inania. Gronovianus et Argentinus, immania, quod ex MSS. probant Bersamannus et Giphart. — Codex Regius B, inania, et supra, altera manu, vel immania. — Bene inania de hac illusione misculosa: IV, 404, falsa sævorum simulacra ferarum. — Pictæ, maculosæ. Sic picturatae aves Claudian. 40, 3; lynces Bacchi varias Aeneid. I, 323.

670. Exsiluere viri etc.) Seneca.

Sive timor; primusque Medon nigrescere pinnis
 Corpore depresso, et spinae curvamina flecti
 Incipit: huic Lycabas, in quae miracula, dixit,
 Verteris? et lati rictus, et panda loquenti
 Naris erat, squamamque cutis durata trahebat. 6,5
 At Libys, obstantes dum vult obvertere remos,
 In spatium resilire manus breve vidit; et illas
 Iam non esse manus, iam pinnas posse vocari.

qui hunc locum respexit, omnes natus una mutatione complectitur. *Brachia prima cadunt praedominibus, Illisumque utero pectus coit, Parvula dependet lateri manus Et dorso fluctum curvo subit, Lunata scindit cauda mare.* Sed Noster plures natus separatim et in actu quodam in novam formam transcentes ostendit, atque ita per partes et in pluribus transformationibus delphinarum formam naturamque describit, de qua vide II, 265. Ex hac fabula delphinus vocatur *Tyrrenus piscis*, Seneca Agam. 451. — *Sive hoc - timor.* Scriptores utroque trahunt. In hym. Homer. quum unus in leonem mutatus impetum in reliquos faceret, bi metu perterriti prosiliunt in mare et delphini sunt. Etiam apud Hygium et Servium leonibus et pantheris repente procurentibus terreunt. Sed alteram causam Apollodorus habet, *ἐμπαντις γενόμενος*. Apud Aglaosthenem, Bacchus comites suos symphoniam canere iubebat, qua audita, Tyrreni saltare incipiebant, saltantesque in mare se proiciebant inscii. Etiam ab Apollodoro *βοῦ ἀϊδίου* commemorantur. — *nigrescere pinnis*, Nostri Codices Regii, *nigrescere coepit*. Ingrata est ista repetitio *coepit, incipit*. LEM. — *Pinnae* (*Finnen*) instrumenta natandi piscibus loco manuum

et pedum datae. Tales pinnas delphini in ventre habent duas, nigra cute obductas, sed et dorsum, in quo una pinna sesquipedalis, nigrum colorem refert, quemadmodum venter album. Hoc nomine deceptus Lactantius in Argument. nobis narrat, nonnullos in aves esse mutatos. — *depresso*, quum antea erecto, ut homo, fuisset. — *Corpore depresso, et spinæ*. Codex Regius B, *corpore; sed presso spinæ*. — *flecti* quoad *curvamina*, quia delphinis corpus repandum.

673. *In quae miracula*) in quam miram horrendam faciem verteris. Virgil. Georg. IV, 441: *Omnia transformat sese in miracula rerum*. Noster IV, 590: *teque his - exue monstria*. — *et panda*. Vnus *sina*, quod Burm. ex *simn* ortum putabat, de quo vide Heins. ad XIV, 95. — Nostri Regii, *panda*. *Sina* vel *simn* mendum est. LEM. Iam Scal. reprehendit Ovid. quod *squamas* tribuerit delphino.

676. *obvertere remos*) idem quam, *inhibere remis*, *πρόμαχον προσησθῆαι*, converso remigio retrorsum ire, quod facere solent fugam meditantes. *Obstant enim remi*, ut navis coeptum cursum tenere non posset: *obvertere navem* vertit Cicero illud Arateum, *ἀναστρέψαι πῆξ*.

678. *iam pinnas*) Nostri Regii

Alter ad intortos cupiens dare brachia funes,
 Brachia non habuit; truncoque repandus in undas 685
 Corpore desiluit: falcata novissima cauda est;
 Qualia dividuae sinuantur cornua Lunae.
 Undique dant saltus; multaque adspergine rorant;
 Emerguntque iterum; redeuntque sub aequora rursus;
 Inque chori ludunt speciem; lascivaque iactant 685
 Corpora; et acceptum patulis mare naribus eflaut.
 De modo viginti, tot enim ratis illa ferebat,
 Restabam solus; pavidum gelidumque trementi
 Corpore, vixque meum firmat Deus, Excute, dicens,
 Corde metum, Diamque tene. Delatus in illam, 690

habent pennas: parvi refert, nam pinnae piscium pro pennis piscium accipi posse nequaquam dubium est. LEM.

679. *funes*) retinacula ancorarum. *Tortos fines* dixit Virg. Aeneid. IV, 575. — *dare*, extendere, porrigere. — *trunco*, sine manibus. — *falcari* et *sluvari*, curvari in formam falcis et sinus. Haec verba quum et ipsa similitudini inserviant, similitudo, quae adspargitur, commode obesse poterat. — *novissima*, extrema pars caudae. — *dividua luna*, quum dimidius eius orbis cernitur: vide Heins. Ab hac lunae phasi fluxit verbum *lunari*, curvari. *Lunata cauda* delphinis tribuitur a Seneca. — *dividuae lunae*. Nostri Codices Regii habent *dimiduae*. LEM.

683. *Undique dant saltus*) Amant delphini non solum saltus et altissimos et velocissimos, verum etiam eiusmodi *lusus*, quales hic describuntur. — *lasciva*, quia in chori speciem ludunt. *Lascivi* autem dicuntur chori et saltationes propter motum molliorem. Tibull. II, 1, 88: Noctis currum sequuntur lascivo sidera fulva choro. Plin. IX, Epist. 33, 9, del-

phinus priorem lasciviam repetit; praecesserut: *exsilit, mergitur, varioque orbis implicitat expeditque*. Virgil. Aeneid. VIII, 673, in elypro delphines in orbem aequora verrebant caudis. — In capite foramen habent quo acceptum mare, haustam aquam marinam eflaut, quod idem et balaeus maximo cum strepitu facere sciunt.

687. *viginti*) Hyginus duodecim habet. — *pavidum, gelidumque trementi*. Codex Regius A, *pavidus gelidusque trementi*, quod praetulerim veluti minus contortum. LEM. — *vix meum*, vix memorem mei, exanimatum. Similiter Graeci utuntur suo *ἐγός*. — Moneute Heinsio *firmat*, unum mihi addit. — *Diamque tene*. Codices nostri, *Chiamque tene*; unde haec lectio veniat, nescio. LEM. — *Diam tene*, tene viam quae ducit ad Diam. — *Dia*, *Nuxos*, quam Strongylem, dein Dian, mox Dionysida, etc., appellarunt. Plin. lib. IV, cap. 22. LEM. — *Accensis aris*. Olim edebatur accessi *sacris*; duo veteres, *accedo*; sed Heinsius ex primo Palatino, *Cantabr.* et quinque aliis, *co-*

Accensis aris, Bacchein sacra frequento. *

« Praebuimus longis, Pentheus, ambagibus aures,
Inquit, ut ira mora vires absumere posset.

Praecipitem famuli rapite hunc; cruciataque diris
Corpora tormentis Stygiae demittite nocti. »

695

Protinus abstractus solidis Tyrrhenus Acoetes
Clanditur in tectis; et, dum crudelia iussae
Instrumenta necis, ferrumque ignisque parantur,
Sponte sua patuisse fores, lapsasque lacertis
Sponte sua, fama est, nullo solvente, catenas.

700

Perstat Echionides; nec iam iubet ire, sed ipse
Vadit, ubi, electus facienda ad sacra, Cithaeron

ensis; malit tamen *accensusque Deo*
aut *adscitus saceris*. MSS. Beramanni,
accessi terris. — Codices nostri Regii,
Accessi sacris. — *Accendi*, calefieri.
Ita *accensae undae* Silius V, 605;
ubi vide Drakenb. Hinc et *arus* di-
cuntur *accendi*, in quibus sacra sunt.
Tura autem dari Baccho solebant IV,
11. Fit ergo Acoetes *famulus sacro-*
rum Bacchicorum, versu 574. In hy-
mno Homérico Dens eum retinet, fa-
citque πρῶτον.

692. *Praebuimus longis* etc.) Vide
ad vs. 577. Sine nexu grammatico,
et natura irae, mox convertitur ad fa-
mulos. — *Praecipitem rapite*, maxima
cum vi et celeritate auferte. — *cruci-*
ataque diris. Codices Regii, *duris*.
— *demittite nocti*. Virgilius *demittere*
corpo dixit Arneid. IX, 527; et *demit-*
tere corpora nocti Aen. X, 662. Sed
Noster *demittere Stygiae nocti*, ex cu-
ius imitatione Silius Italicus V, 241;
damnare Stygiae nocti. Apud Enripid-
em, enim vult ligare ad praesepe;
sed insania correptus, loco Bacchi,
tantrum alligat.

696. *solida tecta*) carcer bene mn-
nitus. Sic IV, 645, *solida moenia*;

et VI, 573, *moenia solido saxo*. —
crudelia, crudelitati inservientia. —
Ex *instrumentis necis* ardentis lami-
nae commemorantur a Cic. Verr. V,
63, quo etiam h. l. *ferrum* et *ignis*
respicere videntur. — *ignisque*. Co-
dices nostri, *ignesque*. — *nullo sol-*
vente otiosum videtur Capoferreo,
quia praecessit *sponte sua*, quod ideo
mutat in *innocuis*. Male. Solet No-
ster passim ita redundanter loqui, ut
I, 90, *quae vindice nullo*, *Sponte sua*,
sine lege; et versu 100, *Ipsa per se*,
ubi vide notam. Et nunc quidem il-
lud *sponte sua*, in quo vis miraculi,
urgendum erat.

701. *Perstat Echionides*) Exitus
Pentheus, quem apud Euripid. vers.
1023-1151, nuncius narrat. — *Ci-*
thaeon electus ad orgia celebranda,
quia Bacchus amat montes, unde ipse
ἐπινοῶ. — *electus Cithaeron*. Plerique
veteres et noster Codex A, *festus*;
Berneggeriana, duo alii et noster
Codex B, *natus*, ut in libro II, 223,
natusque ad sacra Cithaeron. In hac
varietate mihi potissimum arridet *fe-*
stus; nam dicitur eleganter *festus dies*,
fasta convivia. — *Cithaeron*, mons

Cantibus et clara bacchantum voce sonabat.
 Vt fremit acer equus, quum bellicus aere canoro
 Signa dedit tubicen, pugnaeque adsumit amorem: 703
 Penthea sic ictus longis ululatibus aether
 Movit, et audito clangore recanduit ira.

Monte fere medio est, cingentibus ultima silvis,
 Purus ab arboribus, spectabilis undique campus.
 Hic oculis illum cernentem sacra profanis 710
 Prima videt, prima est insano conceita motu,
 Prima suum misso violavit Penthea thyrsos
 Mater: « Io, geminae, clamavit, adeste sorores:
 Ille aper, in nostris errat qui maximus agris,
 Ille mihi ferendus aper. » Ruit omnis in unum 715

Bocotiae, de quo Virgil. Aeneid. IV, 303: *Thyas, ubi audito stimulant tricerita Baccho Orgia, nocturnusque vocat elamore Cithaeron*; et Seneca, Oed. 487: *sacer et Cithaeron sanguine inundavit*. LXX.

704. *fremet*, hinnit, — *acer, ferox*, generosus. — *longis*, diu continuatis uno tenore. — *ictus*, motus. Vide ad IX, 583. Apud Eurip. 910 sqq. insania iniicitur Pentheo, ut duos soles, duasque Thebas carnere sibi videatur, atque ita Bacchico habitu vestitus ludibrio spectantium exponitur. Eum auctorem sequuti sunt alii, etiam poetae Latini, Pacuv. et Virgil. Aeneid. IV, 469. Ab his Noster discedens ira potius eum motum usque ad finem servat. — *clangore*, nempe cymbalorum.

708. *Monte medio*) Describitur Cithaeron, ad cuius radices vallis erat opaca pinetna. Euripid. Bacch. vers. 1050. Dianae hanc silvam sacram fuisse, Pseudo-Virg. Cid. 108, memorat. — *Monte fere medio est*. Codex Regius B, *monte fere in medio est*

idem in versu sequenti, *Purus et arboribus*, pro *purus ab arboribus*. — *Purus et xanthos* dicitur locus ab arboribus nudus. Liv. XXIV, 14; *purus et patens campus*. — *spectabilis*, qui totus spectari potest, oculis patet.

710. *Hic oculis illum etc.*) Secundum Euripid. 1040 sqq. ex arbore spectantem conspiciunt Cadmi filiae lapidibusque petant et thyrsis; tum, arbore eruta, delapsam lacerant. — *profanis*, non initiatis, ἀβασίλειος, Eurip. vs. 472. — *insano conceita motu*, τοῦ πρῶτον ἐκπαρῆς, ibidem versu 1092. — *motu*. Codices Regii nostri habent *cursum*; ntrum sit genuinum non facile dixeris. LXX. — *Mater* erat sacerdos Bacchi; Euripid. 1112. — *Mater: Io, geminae*. Vnus Mediceus, *mater et Ogeona*, cum glossa, a loco dictae. Hinc Burmannus coniecturat quod et Heinsius in mentem venerat, et *Ogygiae*, id est *Thebae*, nam Thebae *Ogygiae* dictae erant. — Codex Regius A, o *geminæ*; Codex B, *Io geminae*. — *Ille aper*. Penthea matri Bacchi sorore

Turba furens: cunctae coeunt, cunctaeque sequuntur
 Iam trepidum, iam verba minus violenta loquentem,
 Iam se damnantem, iam se peccasse fatentem.
 Saucius ille tamen, « Fer opem, matertera, dixit,
 Aulonoë; moveant animos Actaeonis umbrae » 720
 Illa, quid Actaeon, nescit; dextramque precanti
 Abstulit: Inoo lacerata est altera rapto.
 Non habet infelix quae matri brachia tendat;
 Trunca sed ostendens disiectis corpora membris,
 « Adspice, mater, » ait; visis ululavit Agave; 725
 Collaque iactavit, movitque per aëra crinem;

correctae aper esse videtur, sed apud Euripid. Ieo; Apollod. omnino *Ἰνπιόν*. Prima cum vi repetitum; nam id quoque Bacchi opus, quod mater prima fecit ista.

716. *cunctae coeunt, cunctaeque sequuntur* dedit Heinsius ex altero Patavino; malit tamen *rabidaeque sequuntur*. Schepper. *fremituque*. Quae lectio non displicet; hanc confirmare videtur Euripides versu 1129; quum loc. Noster expressit, *ὄχλος τε παρ' ἑνὸς ἑπὶ γῆς βαρύνων*. ἢν δὲ παρ' ἑνὸς ἦσαν. Et facile *fremituque* potuit corrumpi in *trepidumque*, quod est in MSS. fere omnibus. Caeterum *cunctae coeunt* languet post antecedentia.

719. *Fer opem, matertera*) Apud Euripid. primam matrem implorat, quod sane veri est similis, praesertim quum mater agmen mulierum duceret, primaque in filium impetum faceret. Verba eius vs. 1118 sunt, *Οὐκ ἔστι δ', ὃ μὲντις, μί, μὲδ' ἑταίρῳ Ἀμυρτιάδῃ παῖδά σὺν πατρὶσιν*. Sensus eorum et vim angoris Noster paulo ante, *Iam trepidum - fatentem*, bene et per gradationem expressit; et matrem mox versu 724, multo gravius, quam verbis, movet

vult, *Trunca* etc. — *Actaeonis*, dilanisti et ipsius, *umbrae* hic bene adhibita.

721. *Illā, quid Actaeon*) Nostri Regii, *Illā, quis Actaeon*. — *Dextram* protendere solent precantes. — Post hunc versum 721, Verinas, Langermanianus, et unus Medicus, et editiones quaedam inserunt illum, *Ille etiam vellet quum brachia tendere matri*, qui hic transscriptus videtur ex I, 635. Sed et nunc quidem imperfectum *vellet* minime convenit *τὸς habet* et *tendat*. Et verba *Non habet* etc. referuntur ad antecedentia *dextram precanti*. — Codices Regii nostri istum sane spurium versum non acceperunt. — *disiectis*. Heinsius mallet *direptis* vel *discriptis*. — Nostri Regii habent *disiectis*. — *disiectis* non erat sollicitandum ab Hrins.; Enrip. 1134, quaelibet *δισπαίρεται σάκεα*, tanquam pilam iactavit, ita ut pars sub saxis iaceret, pars in densis frondibus silvae, neque facile reperiri posset.

726. *Collaque iactavit*) Baethantes solebant et caput et eorum, quum promissum atque solutum gerbant, iactare. Eurip. vs. 493; vide Barnes,


Avulsumque caput digitis complexa cruentis
 Clamat, « lo comites, opus haec victoria nostrum est,
 Non citius frondes autumnno frigore tactas,
 Iamque male haerentes alta rapit arbore ventus,
 Quam sunt membra viri manibus direpta nefandis.
 Talibus exemplis monitae nova sacra frequentant,
 Turaque dant, sanctasque colunt Ismenides aras.

ad vs. 150, et Virgil. Aeneid. VII, 394. — *Avulsum caput*. Hinc intellige Horat. Serm. II, 3, 303. — *cruentis*. Codex Regius A, *lacertis*, omnino mendose. — *opus haec victoria nostrum est*. Codex Regius B, *opus haec victoria nostra est*. — *opus nostrum*. Eurip. vers. 1177: Εὐάν, ἐγὼν τὸ γέγραπται. Et Baechum vocat καλλίστην, pulchrae victoriae auctorem.

729. *frondes*, folia. — *autumno*. Codices nostri Regii, *autumnis*. — *autumno*, *autumnali*. — *tactas* ele-

ganter, paululum morsus. Auson. Id. VIII, 10: *Mordeat autumnus frigus subtile pruinas*. Et saepe *autumnus uies*, *autumna tempestas*. — *male*, non satis firmiter, ut Horatius libro I, Sat. 3, 31: *et male laxas In pede calceus haeret*. — *alta*, tantum ocnai. — *Quam sunt* etc. Mulieres id efficere non robore suo, sed Deo τῶν θεῶν addente earum manibus. Euripid. 1126.

733. *Ismenides*) Thebanæ, ab Ismeno, fluvio Bocotiae, in qua Thebae. Lxx.



P. OVIDII NASONIS METAMORPHOSEON

LIBER QVARTVS

FAB. I. At non Alcithoë Minyeias orgia censet
Accipienda Dei: sed adhuc temeraria Bacchum

1-415. *At non Alcithoë Minyeias*) Minyeides solae non potuerunt tristi Penthei exitu moveri, ut Baccho sacra facerent. Quam igitur interea opus facerent, laboremque variis fabellis, quae sic commodè intexuntur, levarent, in vespertilioes mutatae sunt. Tractarunt hanc fabulam etiam Aelianus V. H. III, 42, atque a Nicandro et Corinna Auton. Lib. X. Ac hi quidem aliud facinus addunt, quod unum de mulieribus illis Plutarch. Quaest. Graec. tom. VII Opp. p. 197 Reisk. narrat. — Hanc quoque fabulam apud nos elegantissimis carminibus imitati sunt poetae aemuli, *Lafontaine* et *Voltaire*: ambo laude digni; sed prior antiquitatis sincerum saporem magis redolet. LEM. — *Minyeias*; sic recte emendarunt Scalliger et Heinsius hoc nomen, quod iam Lactantii tempore corruptum erat; in eius enim Argumento est Minei filia. — Nostri Codices habent *Mineias*. — *Minyeides* quae fuerint, non certo defini potest, quum patronymica saepe nepotibus, pronepotibus et om-

nino posteris tribuantur. Si Plutarchum et Auton. audias, fuerunt Minyae filiae. De Minya autem eiusque genealogia, vid. Pausan. Borot. p. 783. Fuit filius Chrysaë, filiumque habuit Orchomenum, conditorem Orchomeni urbis. Sed nihil ille de his mulieribus. Aeliano dicuntur *Μινυαὶ Συναρίπαι*, ut fuisse dicatur e populo Minyarum, id est, populo Minyae imperio subiecto; Pausan. d. I. et Coriuth. p. 178. Nomina earum varie exhibentur. Nostro una est *Alcithoë*, altera *Leuconoe*; tertiam non nominat. A Plutarcho vocantur *Λαυσίπαι*, *Αρστίπαι*, *Αλκαθόαι*; ab Aeliano, *Λαυσίπαι*, *Αρσίπαι*, *Αλκαθόαι*: quae varietas vel librariis debetur, vel, ut saepe in mythis factum, ipsis auctoribus. Fuisse autem illae (quod et Aelian. tradit) mulieres honestae videntur maritorumque amantes, quae domi rei familiari operam dare molent, quam nova sacra frequentare. Hinc, ut sacris illis honos accederet, poena ficta est, quam Bacchus ab istis sumserit. — De *Orgia* vide ad III,

Progeniem negat esse Iovis; sociasque sorores
 Impietatis habet. Festum celebrare sacerdos,
 Immunes operum dominas, famulasque suorum, 5
 Pectora pelle tegi, crinales solvere villas,
 Serta comis, manibus frondentes sumere thyrsos,
 Iusserat; et saevam laesi fore numinis iram
 Vaticinatus erat; parent matresque nurusque;
 Telasque, calathosque infectaque pensa reponunt; 10
 Turaque dant; Bacchumque vocant Bromiumque Ly-
 aeumque,

518. — *Accipere, celebrare.* Eodem sensu *capere orgia*, Virg. Aen. VII, 403. — *temeraria*, impia in Deum, etiam VI, 32.

4. *sacerdos*, Tiresias. — *Immunes operum dominas* etc. Hic versus aliter legitur apud nostros Codices. Regios, scilicet: *Immunes operum famulas, dominasque suorum*; et eo forte fuit auctoris scriptura ut prius de famulis, deinde de domoio loqueretur. LAM. — *Bacchantes pellibus cervorum et damorum tegi solebant*, quae dicebantur *nebrides*; nam νεβρίς est hinnulus: vide Schol. Eurip. ad Phoen. vs. 798. — *tegere*, verbum proprium in sacris, quoniam vel eoque velatur sertis, vel in Bacchanalibus corpus nebridibus. — *crinales villae*, villae, quibus crines coerebantur. Bacchantes enim, ut modo vidimus, passis capillis currere solebant. Etiam opod Virgil. Aeneid. VII, 403, haec orgia sic iudicantur, *solvere crinales villas*. — *Serta*, frondes pompineas aut hederaeos. — *comis* revocavi e plurimis MSS.; namque *serta coma*, quod Heinsius et Burmanno e quibusdam placuit, minus amove est. — *et saevam*. Gruterus legit *ant saevam*. — Nostri Regii, *et saevam*, — *laesi*, spreti.

10. *Telasque, calathosque*.) En iam tertio unimelvertimus, vide lib. I, 193, et III, 530, hoc quantitativum non exstare in nostris Codicibus qui habent *Et telas, calathosque*. Recentiores editores, auctoritate Virgilii freti, qui aliquando *τὰς ποτασας* vitam genus longum fecit, illud in Ovidium sine metri iactura intulerunt. Quamobrem vulgata lectionem non mutavimus. Vide ad III, 310. LAM. — *calathi* erant in vasis multis tribus, foscillae e viminibus factae, quae ab ima parte angustae, paulatim se in latitudinem laxabant, graece τάλαντα. Etymol. M. τάλαντος, αλκίαντος, αλκίαντος. Speciem *calathi* dat Sponhem. ad Callion. p. 652. In eo *pensa* una reponere bacchantes. — *infecta*, pro imperfecta, paulo insolentius dictum. Sic et VI, 202. — Vivamus legit *infestaque*, quod explicat, non festa; atque ita Gronovius, a manu prima. Codices nostri Regii, *infectaque*. — *reponunt* etc. Relictis rebus omnibus occurrunt. Exprobat Euripides in Bacchis 117, ubi sunt *ἀπ' ἑσθῆς, παρὰ ἀπορτίου, α τὰς* et a radius.

11. *Bacchumque vocant* etc.) Argumentum recenset hymanum, quibus celebraverint Bacchum. Hymni

Ignigenamque, saturnque iterum, solunque bimatrem.
 Additur his Nyseus, inde totusque Thyoneus,
 Et cum Lenaeo genialis consitor uvae,
 Nycteliusque, Eleleusque parens, et Iacchus, et Evau;
 Et quae praeterea per Gratas plurima gentes
 Nomina, Liber, habes: tibi enim inconsumta iuventus;

enim complectebantur nomina, vi-
 tates et res gestas Deorum: vid. Or-
 phicus hymn. 51, ubi eadem fere no-
 mina. Et habemus hic locum classi-
 cum de Baccho, quocum et. III Fast.
 713; Horat. II, Od. 16; Senec. Oedip.
 vs. 404 sqq. — *Bromius*; vide ad III.
 528. — *Lycæus*, qui curas solvit, a
 λύειν. — *Ignigena*, πυρογενής. De
 hoc et de sqq. duobus vs. vid. III,
 309 sqq. et quae nos et ibi et ad ver-
 sum 253 notavimus. — Nomen au-
 tem *bimater* ab ipso Ovidio signatum
 videtur. Graecis hanc ubi causam δι-
 βρως dictus a multis creditur: vide
 Marci Var. Lect. XIX, 1.

13. *Additur his*) Codex Regius B,
additus, minus bene propter sensum.
 LAM. — *Nyseus* a *Nysa*, monte et urbe
 Indiae, ubi edentus, III, 314. —
Thyoneus ἀπὸ τοῦ θύειν, a furendo,
 unde et Bacchantes *Thyades*. Schol.
 Apollon. ad Argon. I, 636. — *inde-*
tonsus pro *intonsus*, ἀκιστάμενος, fre-
 quens et Apollinis et Bacchi epithe-
 ton, ob cumam promissam, quam
 etiam in monumentis habent. *Longae*
comae Bacchi apud Martialem IV,
 Epigr. 45; *Decet intonsus crinis utrum-*
que Deum apud Tibullum I, Eleg.
 4, 38.

14. *Lenaeus*) ἀπὸ τοῦ ληνοῦ, a
 toculari, a calcatorum. — *genialis uva*,
 quae facit, ut genio indulgemus,
 lucti et hilares simus, egregium adeo
 uvae epitheton, *genialis platanus*;
 XI, 95, *genialiter agere festum*; XIII,

229, *genialia sarta*; Virgil. Georg.
 I, 302, *genialis hirsus*, apta convi-
 viorum hilaritati. Tibul. III, 3, 63,
iuuandae consitor uvae. — *Nyctelius*,
 enius sacra noctu celebrantur. Virgil.
 Georg. IV, 521, *nocturnus Bacchus*. —
Eleleus, *Iacchus* et *Evan* a vocibus
 Bacchantium. Scil. *Eleleus* a voce
 ἑλάλει qua procedentes ad Orgia ce-
 lebranda, ad conferendam pagnam,
 utebatur. Visum autem hortatur ac
 reddit hominem audacem ad omnia
 aggrediendus unde Horatius: *ad pyoe-*
lia trahit moroseum. *Iacchus* ἀπὸ τῆς
 ἰαχῆς, hoc est a clamore. *Evan* vox
 est quae Bacchus ipse significatur. L.

17. *Nomina, Liber, habes*). Re-
 pecte, veluti furore abreptus et ipse,
 Libetum alloquitur. Similiter Clau-
 dianus 34, 29; forte ex imitatione
 Nostri. — *inconsumta*, ἀσβήτως, per-
 petua, aeterna. Tibul. I, 4, 37: *Si-*
lis aeterna est Phoebo Bacchoque iu-
ventus. — *iuventus*. Codex Regius A,
iuventa; Codex B, *iuventus*, *iuventus*,
 etiam minus usitata, tamen praefere-
 enda mihi videtur; habent eam vo-
 cem et Basilicenses, et Spirensis, et
 alii quos refert Heinsius; Lucretius
 lib. V, *aero florente iuventus*; Virgi-
 lius Aeneid. V, *si nunc foret illa iu-*
ventus; Tibullus lib. I, 8, *Sero re-*
vocatur amor, seroque iuventus. Di-
 citur etiam *Iuventus* Dea iuventutis;
 hinc igitur vocem, magis poeticam,
 cum Heinsio servandam conseo. LAM.
 — *Additur puer*, nomen media est Bac-

Tu puer aeternus, tu formosissimus alto
 Conspiceris coelo: tibi, quum sine cornibus adstas,
 Virgineum caput est. Oriens tibi victus, ad usque 20
 Decolor extremo qua tingitur India Gange.
 Peuthea tu, venerande, bipenuiferumque Lycurgum
 Sacriligos mactas; Tyrrhenaque millis in aequor

chi aetas inter iuvenem et puerum, III Fast. 773. — Fuisse autem Bacchum *formosissimum*, docet Broukhussius ad Tibull. II, 3, 35. Hinc et *candidus* vocatur apud Horatium I, Od. 18, 11; quo epitheto virgines fere insigniri solent. — *Conspiceris*, pro *es*, non modo sonantius, sed etiam efficacius ad sensum. Nam *conspici* dicuntur, qui ante aliquam aut virtute insignes, aliorum oculos in se conversos tenent. — *coelo* Bacchus impositus post victorias portas, vers. 613. Regius et Barmannus putant, Ovidium hic sequi eos, qui Solem et Bacchum eundem esse tradebant; quum rationem sane Virgil. Georg. I, 5-7, sequutus est. — *cornua* parva dantur Baccho non tam a pictoribus, quam a poetis. Depoui poterant; baecebant enim non in capite, sed in filamine quodam. Erant autem cornua apud Veteres symbolum maiestatis et potentiae: vid. Th. Bartholin. de Vniuers. cap. 2 et 3. Hinc Bacchus *corniger*, *κεραϊός*, *κεραρυόεις*, *κερυόεις*. — De *virgineo capite* vide ad III, 607. — *ad usque*. Vasque ad eam terram, qua.

21. *Decolor extremo* etc.) De expeditione Bacchi Indici, cuius crebra apud poetas mentio, vid. Nonni Dionysiacae et Diod. Sic. liber IV. — *Liber* pater primus omnium cum exercitu, in quo mulieres quaque erant furetes, in Indiam ingressus fuisse, eamque subegisse, ac gentem nulli

unquam hominum obnoxiam, ac sola quiete contentam, caedibus libidinibusque vexasse ac polluisse, indeque magnificentissimum triumphum reportasse fertur. LEM. — *Decolor*, de colore vitio et deformi dicitur. Hoc I. color fuscus intelligitur. Fusci enim sunt Indi propter solis nestum: Tibull. II, 6, 12; vid. Broukhuss. ad Propert. IV, 3, 10. *Furvam gentem* Indos dixit Iuvenalis XII, 86. Nempe *furvos* dicebant recentiores, quos antiqui *fuscus*. *Decolor Indus* est etiam V Trist. 3; et *decolor India* Senec. Hipp. 344. *Colorati Indi*, nempe Aethiopes, Virgil. Georg. IV, 293. — *tingitur*, exquisitius quam irrigatur, et quod quinque et nostri Regii habent *cingitur*. India non cingitur Gange. Suadet Barmannus *finditur*, quia India in duas partes ab eo flumine dividitur. Hodie quidem, sed Ovidii temporibus *Ganges* erat terminus Indiae; vide Q. Curtium VIII, 9; hinc *extremus Ganges* dicitur.

22. *Peuthea tu*) In laudibus Bacchi commemorari etiam solet poena, qua afflicta erat contemtores orgiorum suorum. — *venerande*, sancte; vox solemnis in invocationibus Deorum. — *Lycurgus*, Dryantis filius, Edonum in Thracia rex, cuius impietas et supplicium varie narratur: vid. Homer. II, 2, 130 sqq.; Schol. Hor. ad II, Od. 19; Hygin. fab. 132; Diod. Sic. III, 64; Plutarch. de aud. poet. p. 6, ed. Krebs.; Apollod. III, 5, 1.

Corpora: tu biugum pictis insignia frenis
 Colla premis lyncum: Bacchae Satyrique sequuntur; 25
 Quique senex ferula titubantes ebrius artus
 Sustinet, aut pando non fortiter haeret asello.
 Quacumque ingrederis, clamor iuvenilis, et una
 Femineae voces, impulsaque tympana palmis,
 Concavaque aera sonant, longoque foramine buxus. 30

Apud Homerum, Bacchi nutrices cum bipenni persequitur, easque ob causam a Iove excacatur; iuxta Hyginum vero, quum Bacchum de regno fugasset, pantheris obicitur ab eodem Deo, postquam insaniam correptus uxorem et filium interfecerat. *Byennifer* vocatur etiam V Trist. 3, 39. *Securiger* Senec. Oedip. versu 471. Apud Homerum d. l. fert *Βουπλήγῃ*, quod, interprete Eustath. genus securis significat, quo tantri occidi solebant: *Βουπλήγῃ δὲ - πίδακος βόός ἀναρπτικῆς*. — *Sacrilegus*, contemptores sacrorum et insolentes in Deum ipsum. — *Tyrrhena corpora*, Tyrrhenos. III Fast. 723, *Tyrrhena monstra*. — *frenis pictis*, auro argentoque distinctis.

25. *Colla premis*) scilicet iugo. — *Lynces*: vide ad III, 668. — *Satyri*, perpetui et fideles Bacchi comites: vide XI, 89; Trist. V, 3, 37. — *Satyri* nihil aliud hominis quam figuram habent. In Aethiopia nascuntur aduncis paribus, aspera cornibus fronte, pedes caprinos habentes. Illorum saltatione ac iocis et risu plurimum oblectabatur Bacchus. LEM. — *senex*, Silenus, Bacchi praeceptor et perpetuus comes. In monumentis antiquis vel ferula nitens, vel asino insidens representatur: vid. Perizon. ad Aelianum V. H. III. 18; ubi ex utroque genere geminae. — *ferula*,

βάβηξ, baculus oblongus, cavus et recipiendo igni aptus, quo in primis Bacchus et ministri eius uti solebant; vide Barnes. ad Eurip. Bacch. vs. 147, et Perizon. d. l., ubi etiam species expressa. Imitatus Nostrum est Claudianus Rapt. Pros. I, 19: *Ebrua Maeonius fulcas vestigia thyrsis*. Virg. Aeneid. III, 659: *trunca pinus vestigia firmat*. — *artus*, pedes. — *aut pando*; *aut*, pro *et*, dedi cum primo et secundo Palatin., tertio et quarto Medic. Verbinate, aliisque nonnullis melioribus. — Nostri Codices Regii habent *et*. — *non fortiter haerere*, non firmiter insidere. Cic. pro Deiot. 10: *Fix haerere in equo senex poterat*. Silenus asino haerens in monumentis tenetur a Fauno:

30. *Concavaque aera*) cymbala carena. LEM. — *longoque foramine buxus*. Periphrasis est tibiae quae ex buxo fieri solet. LEM. — *longo foramine* explicandum, longa serie foraminum, docent Noster XII, 158, *longave multifori - tibis buxi*; Horatius etiam Art. P. 263, *tibia tenuis simplexque foramine paucio*; et Virgil. qui, Aeneid. IX, 618, Phrygiae tibiae biforem cantum tribuit. LEM. — Heinsius coniecit *anacoe foramine*, quod multo durius foret altero. — Iusto lectio Heinsii, sensui carens, nostrae explanationi omnino repugnat. LEM.

Pacatus, mitisque, rogant Ismenides, adsis:
 Iussaque sacra colunt: solae Minyeides intus,
 Intempestiva turbantes festa Minerva,
 Aut ducunt lanas, aut stamina pollice versant,
 Aut haerent telae, famulasque laboribus urgent. 35
 E quibus una levi deducens pollice filum,
 Dum cessant aliae, commentaque sacra frequentant,
 « Nos quoque, quas Pallas, melior Dea, detinet, inquit,
 Utile opus manuum vario sermone levemus;
 Perque vices aliquid, quod tempora longa videri 40
 Non sinat, in medium vacuas referamus ad aures. »

31. *Pacatus* ex uno recepit Hein-
 sius pro *placatus*; de hac varietate so-
 lemnis vide Lambin. ad Lucr. I, 9.
 — Nostri Regii habent quoque *placatus*. — *Pacatus* et *mitis*, vocabula
 sollemnia in invocationibus Deorum—
rogant Ismenides. Thebanæ matres,
 ut felix faustusque adsis, precantur.
 LEM.

32. *solae* has Deo adversatas esse,
 monet etiam Aclianus. — *intus*; in
 arcebus, quum reliquæ mulieres in
 Cithærone bacchantur. — *turbare*,
 profanare quod, 390, substituitur.
 Cic. H. R. 16: *sacra ludasque contur-*
bare; Quintil. Decl. 265, *publica sa-*
cra turbare. — *Intempestiva Minerva*,
 quum alieno tempore operam darent
 lanificio, cui Minerva praeerat. Ac-
 lian. οὐ μὲν περὶ τοὺς ἱεροὺς τόπους καὶ
 ἐνομοδύνατον περὶ τὴν Ἐργάνην. *Testis*
operari Minervae dixit Tibul. II, 1,
 65. — *Aut ducunt — laboribus urgent*,
 triplex mulierum graecarum opus. —
ducunt lanas. Vid. ad II, 411. Ple-
 ninus Claudian. XX, 385: *Pellera*
per tenues ferri producere rimas. —
versari a lanificis dicitur et *stamen*,
 filum, et *iusus*, ut 221; VII, 22.
 Tibul. II, 1, 64: *Fusus appposito pol-*

lice versat opus. — *haerent rei*, aut in
 re aliqua, qui scdulo eam tractant.
Haerere in libris Cie. Attic. XIII,
 4; *Haerere in iure* Orat. I, 38.

36. *una*, Leucippe. — *deducere*
 vide ad I, 4. — *levi pollice*, ut VI,
 22. Hercules contra, Epist. IX, 77,
crassa robusto deducit pollice fila. —
filum habent nostri Regii. Duodecim,
sumum, ut VI, 22; sed vide Burman-
 num ad Amor. I, 14, 7. — *detinet*,
 lanificio occupatas retinet. Etiam ab
 Anton. vrr. ὑπάργυρον. — *opus levemus*
 ipse explicat, *quod tempora longa*
videri Non sinet. Iusta 295, sic *mi-*
nuere laborem; VI, 60, *fallere labo-*
rem; Trist. IV, 1, 13, *cantando Fal-*
litur ancillae desipiturque labor;
 ibid. I, 6, *grave mollit opus*. Adeo
 Noster hoc variavit. Virgil. Georg.
 I, 293, *texens mulier longum cantu*
solatur laborem. Sed cum hoc loco
 confer in primis Georg. IV, 345, ubi
 Clymene inter sorores velleræ car-
 peutes Deorum amores narrat. — *va-*
rio sermone, variis fabellis vicissim
 narrandis. — *vacuas*, non occupatas
 aliis rebus audiendis; III, 319, *va-*
cua Iuno. Sic sequitur longum episo-
 dium usque ad vs. 388: quo commodè

Dicta probant, primamque iubent narrare sorores.
 Illa, quid e multis referat, nam plurima norat,
 Cogitat; et dubia est, de te, Babylonia, narret,
 Derceti, quam versa squamis velantibus artus 45
 Stagna Palaestini credunt celebrasse figuras;
 An magis ut suntis illius filia pennis
 Extremos albis in turribus egerit annos:
 Nais an ut cantu, nimiumque potentibus herbis,
 Verterit in tacitos iuvenilia corpora pisces, 50

iocundae aliquot et amatoriae fabellae intextuntur, quae vix melius, quam a mulieribus confabulantibus, narrantur. Earum numerum auget *dubitatio* primae mulieris et praeteritio tertiae 276-284.

45. *Derceti*) Nostri Regii, *Dirce*, male. LEM. — *Dercetis* sive *Derceto* et alio nomine *Atergatis*, Dea Syriorum. Et Venus laesa amorem iuvenis cuiusdam inspiravit, ex quo Semiramis enixa praes pudore se in lacum praecipitavit, in quo in piscem mutata iuxta Ascalonis stagnum colebatur, eiusque imago ex parte hominem, ex parte piscem referebat. Diod. Sic. III; Plin. H. N. V, 32. *Filia* eius Semiramis a columbis educata credebatur. — *versa squamis*, in squamas, ut alibi, *mutatus tauro*. — *velare de plumis et squamis* dicitur. — *Palaestini*, Syri; nam Syriae pars erat Palaestina. — *celebrasse* agnoscunt meliores; nonnulli, *coluisse*, ut lib. II, 380; aut *habuisse* quod posterius ex interpretatione fluxit. — Codex Regius A, *celebrasse*; Codex B, a prima manu, *mutasse*; et inter lineas, a secunda manu, *celebrasse*; alii quoque *mutasse* habent, teste Meisio, LEM. — *celebrat locum is*, qui frequenter in eo versatur.

47. *An magis ut suntis*) Semiramis,

Dercetis Deae filia, miro quodam modo a columbis lacte coagulato e proximis pastorum mapulibus raptis nutrita fuit, unde et *Semiramis* fuit appellata; nam, Syrorum lingua, *semiramides* vocantur columbae, quos Syri, ut deos, colebant. LEM. — *numere pennas aut alas*, pro in avem mutari, amat Ovid. V, 288; XI, 789; XII, 1. — *albis in turribus*. — *albis*, pro *altis*, Heinsius recte recepit e Florentino S. Marci, et Rottendorphiano, ubi illud pro diversa lectione. — Codices nostri Regii habent *altis*; quam lectionem, nimis vulgarem, merito reiecerunt Hein. et Gierig. LEM. — Noster Trist. I, 9, 7: *Adspicias, ut veniant ad candida tecta columbae; Accipiat nullas sordida turris aves*, itemque Martial. Epigr. XII, 31: *Quaeque gerit similes candida turris aves*. Amant autem columbae loca altiora. Ex his fabulis Syri et pisces et columbas in *Deorum numero* habebant. Hygin. fab. 197.

49. *Nais*) De *Naide* haec nihil certi commemorari potest. Lactant. in Arg. enim ait similiter cecisse in piscem. — *cantu et herbis* ulcantur vespertinae VII, 98. — *De potentibus herbis*, vide ad I, 522. — *tacitos*, *ἄφωνος*, ut qui pulmonibus, arteria et gutture careant. LEM. —

Donec idem passa est: an, quæ poma alba ferebat,
 Ut nunc nigra ferat contactu sanguinis arbor.
 Haec placet; hanc, quoniam vulgaris fabula non est,
 Talibus orsa modis, lana sua fila sequente:

* Pyramus et Thisbe, iuvenum pulcherrimus alter, 55
 Altera, quas Oriens habuit, praelata puellis,
 Contiguas tenuere domos, ubi dicitur altam
 Coctilibus muris cinxisse Semiramis urbem.
 Nolitiam, primosque gradus vicinia fecit;

an, quæ poma alba. Mori arboris est periplasis. Morus enim arbor fructus primum albos, deinde nigros Pyrami ac Thisbes sanguine effectos fert. LXX.

53. *Haec placet*) Nostri codices Regii, *hoc placet*: sic veteres magna ex parte. *Haec* placuit Heinsio. LXX. — *lana sua fila sequente* eleganter; dum lana deducitur in fila; sequi de rebus ductilibus. Vide ad Plin. VII, Ep. 9, 11.

55. *Pyramus et Thisbe*) Babylonii, triste amoris infelicissimi exemplum, quorum sanguine mori poma adpersa nigrum contraxerunt colorem. Caeterum a nulla alio scriptore antiquo tractata est hæc fabula, et, nisi ficta ab Ovidio, certe ut *non vulgaris* et ex Oriente translata, diligenter exornata. Valde autem afficit animos legentium. Aetas amantium, castus eorum amor, durities patientium, error quo trahuntur, tristes denique eorum exitus, multum valent ad commovendum animum. Omnia inter se conspirant ad fidem faciendam, atque ad naturæ veritatem moroseque amantium notata sunt.

57. *Contiguas domos*) Codex Regius A, pro *contiguas*, habet *contimnas*; idem Codex B. — Ex hoc versu apparet, has domos habuisse

communem parietem, quas, qui distincte loqui volunt, *continuas* (quod etiam h. l. est in Varr. lect.) aut *contuncutes* dicunt. *Contiguas* enim aut *attiguas* eae etiam dici possunt, quæ se invicem attingunt. Hoc nunc praestat, quia versu 66, demum monetur, has domos *communem parietem* habuisse. — *tenuere*. Valgo *habuere*, quod Heinsius reiecit, quia *habuit* iam praecessit. — Codex Regius A, *habuere*; sed praestantior lectio Heinssii. Idem mox, pro *ubi*, dat *qua*. — *altam coctilibus muris*. Babylonia, Iuv. X, 171, vocatur *a figulis munita*. Similiter et Noster eam circumloquitur; eius enim maxime memorabiles muri, a Semiramide excitati, et in miraculis mundi adeo numerati: *coctiles*, quia instructi erant latere coctili, bitumine interliti. Habebant altitudinem centum cubitorum, unde *urbs alta*: vide Curt. V, 1, 24 sqq. et qui ibi laudantur ab Interpp. Alias *altas urbes* sunt celebres et valentes opibus. — De altitudine murorum et torrium variant Interpretes; vid. Faruah. ad hunc locum. LXX. — *cinxisse*. Vnus Medic. *posuisse*; male cum *muris*. LXX.

59. *primos gradus*) scilicet amoris, quod haud dubie subintelligendum est e versu sequenti, nisi malis cum

Tempore crevit amor: taedae quoque iure coissent, 60
 Sed vetuere patres: quod non pôtuere vetare,
 Ex aequo caplis ardebant mentibus ambo.
 Conscius omnis abest; nutu siguisque loquuntur:
 Quoque magis tegitur, tectus magis aestuat ignis.
 Fissus erat tenui rima, quam duxerat olim, 65
 Quum fieret paries domui communis utrique:
 Id vitium nulli per secula longa notatum,

aliis notitiam primosque gradus per
 Reudiudyn expouere, primus gradus
 notitia.

60. *taedae quoque iure*) Mediceus
 et Argentinus *iura*, quod placet Bur-
 manno qui comparat coire *societatem*
 e Cicrone et Nepot. Sed hoc durum
 minimeque poeticum foret. — *taedae*
 — *coissent*, matrimonium quoque iniis-
 sent. Satis enim notum, in nuptiis
 tardas praeferrî solitas sponsis. Hinc
taeda poetis de ipsis nuptiis, de ipso
 matrimonio IX, 721; XV, 826. —
Coire, ut *συμψύγεσθαι*, de coniugi-
 bus. Iam *coissent iure taedae* fere
 dictum est, ut ibid. 15, *sociata foe-*
dere lecti, et infra VII, 403, *thalamum*
foedere iungit. Ros. Schirach. hic uli-
 quid humani passus est. Quum enim
 verbo ita iungeret, *taedae quoque cois-*
sent, idque *iure*, fieri haud poterat,
 quin ad interpretationem durissimam
 deferretur; *taedae* enim de amore
 accipit, qui se coniunxisset iure.

61. *patres* possent esse omnino
 parentes, ut alibi *fratres* pro fratribus
 et sororibus, *reges* pro rege et regina,
 vide Bentl. ad Horat. I, Sat. 5, 100.
 Rectius tamen nunc sensu vulgari cap-
 iet; namque versa 153 Thisbe ait,
misceri, mens illiusque, parvulus, ubi
 soli patres intelliguntur, qui duriores
 fere matribus in eiusmodi rebus esse
 solent. Post *patres* posui interpun-

ctionem maximam, quom vir doctus
 apud Clark. ad Rom. II, F, 39, et
 alius in Observatt. Miscel. Vol. II,
 tom. I, pag. 34, tenuit. In vulgata
 lectione falsa est sententia. — *Ex*
aequo, ambo pariter, unus aequo ut
 altera; IX, 719. Plin. Paneg. 83, de
 marito ac coniuge, *probatu ex aequo*.
 — *captus*, de amante. — *nutu* etc.
Venus docet vel viro coram nutus con-
ferre loquaces, *Blандаque compositis*
abdere verba notis. Tibull. I, 2, 22.
 — *Quoque magis* etc. Sententia amo-
 ris naturam bene adumbrans, verbis-
 que tropicis expressa similitudinem
 involvens. — *tegitur*, celari cogitur.
 — *tectus magis*. Vulgo, *tanto magis*.
 Sed Barmanus recepit veterum libro-
 rum scripturam (et haec est nostrorum
 Regiorum Codicum) tum quia repetitio
 eiusdem verbi familiaris Ovidio, tam
 quia saepe Veteres post *quo* et *quanto*
 omittunt eo et *tanto*. Ergo *magis* hic
 eo *magis* intelligendum; vide Dra-
 keub. ad Livium I, 25. — *aestuat*,
 calorem efficit.

65. *Fissus erat tenui rima*) Ut so-
 lestiam amantium notaret, haec de
rima pluribus persequutus est. Pro-
 pertius II, 13, 72: *nunc licet per ri-*
mosas mittere verba fores. Pr: eo
 Noster mox iucunde *voxis facere iter*.
 — *Et aluere et agere rimam* latius
 est; vide Glosan.

Quid non sentit amor? primi sensistis amantes;
 Et vocis fecistis iter; tutaeque per illud
 Murmure blanditiae minime transire solebant. 70
 Saepe, ut constiterant, hinc Thisbe, Pyramus illuc,
 Inque vicem fuerat captatus anhelitus oris;
 « Iuvide, dicebant, paries, quid amantibus obstat?
 Quantum erat, ut sineres nos toto corpore iungi?
 Aut hoc si nimium, vel ad oscula danda pateres! 75
 Nec sumus ingrati: tibi nos debere fatemur,
 Quod datus est verbis ad amicas transitus aures. »
 Talia diversa nequicquam sede loquenti,
 Sub noctem dixere, Vale; partique dedere
 Oscula quisque suae, non perveniencia contra. 80

68. *Quid non sentit amor?*) Parenthesis est, rationem continens, cur amantes primi rimari illam notuerint. Virgilius de Didone: *Quis fallere possit amantem*. LEM. — *Primi sensistis*. Elegans et certe Ovidiana repetitio, mendosum autem et iners iudicium quod habent nostri Regii. LEM.

69. *Et vocis fecistis iter*) vide notam ad 65. Vocis habent nostri Regii. Heinssius ex Vrbinate, Theat. et tribus aliis accepit *voci*. — *tutae*, quae non interciperentur, ut literae. — *murmure* solemus de submissis et lenibus amantium confabulationibus. Art. Amat. II, 723, *murmure amabile*. — *minime* et 83 *parvo*, ut XI, 187, *vox parva*.

71. *ut*) Praestantius quam ubi quod habet Codex noster B. LEM. — *Inque vicem*, pro quo ambo Codices nostri, *vices*. — *captatus anhelitus oris*, *Anhelitus oris* est ipsam illud *murmure* minimum, illique *captabatur* auribus. Heroid. XIX, 53, *captare voces auribus*; III ex P. 4, 19, *captam per aurem*. — *in idem* clausula tribuitur

rebus inanimis, quae prohibent aliquid fieri. Sic libro X, 642: *Detulit aura preces ad me non invida blandas*; sic Rem. Am. 103, *durum timen*, quod excludit amantem; et Art. Amat. III, 150, *crudelis ianua*. Perumque acerbis amantes in eiusmodi obstacula invadere solent; sed nostri amantes leniore sunt ingenio, quod et ipsum eos commendat.

74. *Quantum*) Codex Regius B, *quanto*. *Quantum erat*, vox eorum, qui rem parvam esse dicunt; Gallice *que l'en coûterait-il?* sed non, *quel bonheur ce serait!* LEM. — *ad oscula danda*. Idem Codex B, *oscula sola*; non male certe.

76. *Nec sumus*) Ediderat Cl. Gierig *nec sinus*; sed multo convenientius *metro*, nam *sinus* peccat, nostri Regii habent quam dedimus lectionem. LEM.

78. *sedes*) Locus, ubi stabant. — *diversa*, opposita. — *nequicquam* pertinet ad votum illud, ut litius paries pateret. — *pari*, nempe parietis.

Postera nocturnos Aurora removerat ignes,
 Solque pruinosas radiis siccaverat herbas;
 Ad solitum coiere locum: tum murmure parvo
 Multa prius questi, statuunt, ut nocte silenti
 Fallere custodes, foribusque excedere tentent;
 Quumque domo exierint, urbis quoque claustra relin-
 Neve sit errandum lato spatiantibus arvo, (quant:
 Conveniant ad busta Nini, lateantque sub umbra
 Arboris: arbor ibi, niveis uberrima pomis,
 Ardua morus, erat, gelido contermina fonti.
 Pacta placent; et lux, tarde decedere visa,
 Praecipitatur aquis, et aquis nox surgit ab isdem.

81. *Postera nocturnos Aurora etc.*)

Sic libro VII, 100, *Postera depulerat
 stellae Aurora micantes*. Hic eleganti-
 or nocturnos ignes, nam stellae sunt
 coeli facies, LEM. — *coiere locum*. Co-
 dex Regius B, *venere*. Forsan dulcius.
 LEM. — *custodes*, imitatores. — *fori-*
busque excedere tentent. Burmannus
 molit *foribusque exire potestis*, quia
 unus Thuanus *exire*. — Nostri Regii
 habent vulgatam.

86. *urbis claustra*) ex uno Bon-
 nicensi dedit Burmannus pro *tecta*.
 Heinsius coniecit *septa* ex *portu-*
rum sepe Trist. IV, 1, 81. Etiam
 nostri Regii habent *tecta*, consenti-
 mus tamen Burmanno; nam *tecta* de
 domibus, non de archibus quae clau-
 sae non tectae sunt. Quod ad *septa*,
 rarius est; ut Lucretius, *naturae por-*
tuum claustra et vitae claustra; Ju-
 venalis Satyr. VIII, *laxant portu-*
rum claustra; Statius Thebaidos X,
 644, *Thebarum claustra*. Infia VIII,
 70, *portuum claustra*. LEM. — *busta*
sepius, sepulchra, monumentum se-
 pulchre, *sepulchra*. Sic *bustum* Suda-
 nepolis, Catulli, idurum apud Cie.
 Proprie *bustum* locus, in quo cadaver

combustum et sepultum; vid. Kirchm.
 de Funeribus Roman. lib. III, cap. 1
 init. Miror tamen a Nostro *busta* hic
 commemorata, quum Romae meretri-
 ces fore vel busta commorarentur,
 unde *bustariae moechae*.

89. *uberrima* dedit Heinsius; sic
 et nostri Regii. Liber scriptus Bers-
 mannus, tertius Gronovianus, et Za-
 liehemianus, *celeberrima*; tertius Me-
 dicus, *creberrima*; III Amor. 5, 3,
celeberrimus illic locus. — *fontis* hic
 memoratur propter versam 98.

91. *lux pro sole*. — *decedere*. No-
 stri Regii, *discedere*; non praestat.
 LEM. — *Decedere* solemne de occi-
 dentibus sideribus. Patant suntam
 a praesidiis provincialium post ex-
 pletum tempus a munere suo abscin-
 ditibus. Immo a militibus translatus;
 vid. ad II, 114 sqq. — *praecipitatur*,
 prona via descendit in oceanum; II,
 67 sqq. Virg. Aen. II, 9: *nox caelo*
praecipitat. Puer, *nox surgit*, quia
 poetae ei non minus, quam Soli, de-
 cursum per coelum tribuunt, ita qui-
 dem, ut vel ab Oriente surgens Solis
 cursum persequatur, vel, Sive in
 oceanum se praecipitante, ab eadem

Callida per tenebras, versato cardine, Thisbe
 Egreditur, fallitque suos; adopertaque vultum
 Pervenit ad tumulum; dictaque sub arbore sedit. 95
 Audacem faciebat amor: venit ecce recenti
 Caede leaena boum sputantes oblita rictus,
 Depositura sitim vicini fontis in nuda.
 Quam procul ad lunae radios Babylonia Thisbe
 Vidit; et obscurum trepido pede fugit in antrum; 100
 Dumque fugit, tergo velamina lapsa relinquit.
 Vt lea saeva sitim multa conpescuit unda,
 Dum redit in silvas, inventos forte sine ipsa
 Ore cruentato tenues lauiavit amictus.
 Serius egressus, vestigia vidit in alto 105
 Pulvere certa ferae, totoque expalluit ore
 Pyramus: ut vero vestem quoque sanguine tinctam
 Repperit; « Vna duos nox, inquit, perdet amantes;
 E quibus illa fuit longa dignissima vita!
 Nostra nocens anima est: ego te, miseranda, peremi, 110
 In loca plena metus qui iussi nocte venires;
 Nec prior huc veni! nostrum divellite corpus,

illa parte occidentali surgat. — nox surgit. Quidam, exiit. Surgit quod habent nostri Regii, praecedente praecipitatur, aptius. LEM. — Ex hac posteriore ratione fluxit aquis ab eadem. Lactantius in Argumento narrat, eos matutino tempore ibi convenisse.

93. Venna fuvet, si reserat fixo dente puella fores, docetque, pedem nullo ponere posse suo; idque docet non nisi eos, quos Non vetat obscura surgere nocte timor, ut ait Tibull. I, 2, 18 seqq. Eius rei hic habemus exemplum, atque etiam eius, quod idem de potentia Cupidinis ait: Hoc doce custodes furtim transgressa in-venies, Ad iuvencem tenebris sola puella venit. Vid. Tibull. II, 1, 75. — Ver-

sato cardine. Alibi furim verso aut tacito cardine clam egredientes fores aperire dicuntur, Tibull. I, 2, 10; 6, 12. — Adopertaque vultum. Regius B habet vultu; forsan errore librarii qui oniserit lineolam supra vocalem u. LEM.

97. Caede boum) Sanguine boum caesorum, ut supra III, 143, caede ferarum. — Deponuntur omnia, quae finiuntur, quibus quis liberatur; vid. VIII, 47.

100. trepido, pro timido, e Cantabrigensi dedit Barmannus. — Nostri Regii habent timido; videntur Critici, an trepido nimiam agitationem notat ac minus conveniat puellae. LEM. Noster I, 506, penna trepidante, —

Et scelerata fero consumite viscera morsu,
 O quicumque sub hac habitatis rupe, leones!
 Sed timidi est optare necem.» Velamina Thisbes 115
 Tollit, et ad pactae secum fert arboris umbram;
 Utque dedit notae lacrymas, dedit oscula vesti:
 « Accipe nunc, inquit, nostri quoque sanguinis haustus;»
 Quoque erat accinctus, demittit in ilia ferrum:
 Nec mora; ferventi moriens e vulnere traxit. 120
 Ut iacuit resupinus humi, cruor emicat alte;
 Non aliter, quam quum vitiato fistula plumbo
 Scinditur, et tenues stridente foramine longe
 Eiaculatur aquas; atque ictibus aëra rumpit.
 Arborei foetus adspergine caedis in atram 125
 Vertuntur faciem; madefactaque sanguine radix
 Poeniceo tinguit pendencia mora colore.
 Ecce, metu nondum posito, ne fallat amantem,

relinquit. Codd. RR. A et B, *relinquit.*

113. *morsu*) Dominicanus et unus Gronovii, *dente*, ut apud Phaedrum, I, fab. 2, 24, *dente aspero*. Sed alterum gravius. — Regii nostri, *morsu*. — *pactae arboris*, ad quam convenire constituerant. LEM.

118. *haustus sanguinis*) profluentem sanguinem: VII, 333; XIII, 331. — *traxit e vulnere*, quo celerius, sanguine emisso, respiraret. — *fervens vulnus*, eleganter, vulnus, ex quo bullit sanguis calidus. Quod Virgil. Aeneid. IV, 689, dixit, *stridet vulnus*, id Noster similitudine illustrat.

121. *humi*) Nostri Codices, *humo*. Non tanti fecerunt grammaticae regala scriptores antiqui, ut ab ea nunquam recederent; quod iam observavimus in Caesare nostro. Ita hoc loco *humo*, pro *humi*, non est insolitum. LEM. — *vitiari*, scindi; supra, *vitum* parietis, rima. — *longe*. No-

stri Codices, *longas*. — *Eiaculatus* sanguis etiam VI, 260, describitur partim iisdem, partim aliis verbis. Nam, quod hic est, *ictibus aëra rumpit*, id ibi non minus ornate, *terebra- ta prosilit aura*. — *rumpit*; sic nostri Codices Regii; Lovan. *pulsat*, quod placet Barmanno. — Mox, *arbove- foetus-colore*, idem his rursus dixit. — *poeniceo* rescripsit Barmannus, quum unus Ciosani et Mureti excep- pta *puniceo*, caeteri *purpureo* habe- rent; hic, sicuti et versa 607 libri II, nostri Regii, *poeniceo*; vide locum citatum. LEM. — *tinguit*, Codex No- ster B dat *tinxit*; minus bene. LEM. — *pendentia* e primo Vaticano et uno Mediceo dedit Barmannus; hoc probat etiam vir doctus in Observat. Misc. vol. II, T. 1, pag. 34; quamvis alii praeferant *candentia*. Nostri Regii habent vulgatam lectionem.

128. *fallere amantem*, formula so-

Illa redit; iuvenemque oculis, animoque requirit;
 Quantaque vitarit narrare pericula gestit. 130
 Utque locum, et versam cognovit in arbore formam,
 Sic facit incertam pomi color, haeret: an haec sit,
 Dum dubitat, tremebunda videt pulsare cruentum
 Membra solum; retroque pedem tulit; oraque buxo
 Pallidiora gerens, exhorruit, aequoris instar, 135
 Quod tremit, exigua quum summum stringitur aura.
 Sed, postquam reinvoluta suos cognovit amores,
 Percutit indignos claro plangore lacertos:
 Et laniata comas, amplexaque corpus amatum,
 Vulnere supplevit lacrymis, sletumque cruori 140
 Miscuit, et gelidis in vultibus oscula figens,
 * Pyrame, clamavit, quis te mihi casus ademit?
 Pyrame, responde: tua te, carissime, Thïsbe

Iemnis de puellis, quae non praesto sunt ad dictum locum, se frustra expectari sinunt. — *oculis animoque* req. summum desiderium exprimit. Min. VI, ep. 10, 2: *illum animus, illum oculi requirebant*. Similiter *animo oculisque* sequi infra XII, 529. — *gestit* verbum delectum ex moribus puellae servatae.

133. *tremebunda* etc.) Vid. ad III, 125. — *ora-gerens*. Heinshius coniecit *ferens* aut *rigens*; Schirachius, *fivens*. Nostri Regii *gerens* servant. *Ora gerens* nec Heinshio nec Schirachio satis latinum videtur. Sed si Horat. I, Od. 8, 10, recte dixit, *brachia livida gestare*; Noster autem II, 585, *pectora nuda gerere*; III, 216, *substricta gerere idia*; VI, 123, *accipitris pennas et terga leonis gerere*; Virgil. Aeneid. I, 315, *virginis os habitumque gerens*; cur, quae so, improbitus *pallida ora gerere*? — *Buxo* pallore notabilis originem dedit pro-verbio, *buxo pallidior*: conf. XI, 417.

— *exhorruit, aequoris instar*. Tremor ille gelidus, qui perstringit membra exhorrescentium, suaviter comparatur cum tremulo mari, quum summum, superficies, *exigua aura*, levi vento, stringitur. Singula verba delecta sunt. Etiam *exhorrescere* de mari paululum commoto ponitur; vid. Virgil. Georg. III, 198. — *tremit*; Codex Regius B, *fremit*.

138. *Percutit*) Quidam, *perculit*. At *percellere* est, in terram dare, evertere; *percutere* autem, verberare, plangere; vide Burmannum late de discrimine horum verborum disputantem. — *perculit*, quod Regius tamen Codex A habet, forsitan a negligentia, hiculam omittentis, fluxit. LEM. — *indignus*, ut I, 509. — *clarus*, ut II, 625. — *vulnere supplevit* lac. nil esse potest, nisi, quod sequitur, *sletumque* etc. — *carissime* pro *carissima* e Balliolensi et Regio secundo amplexus est Heinshius. — Regii nostri habent *carissima*, absque

Nominat, exaudi; vultusque adtolle iacentes. »
 Ad nomen Thisbes oculos, iam morte gravatos, 14
 Pyramus erexit, visaque recondidit illa.
 Quae postquam vestemque suam cognovit, et ense
 Vidit ebur vacuum; « Tua te manus, inquit, amorque
 Perdidit, infelix! est et mihi fortis in unum
 Hoc manus; est et amor, dabit hic in vulnera vires. 15
 Prosequar extinctum; letique miserrima dicar
 Causa, comesque tui: quique a me morte revelli
 Heu! sola poteras, poteris nec morte revelli.
 Hoc tamen amborum verbis estote rogati,
 O multum miseri, meus illiusque, parentes, 16
 Ut, quos serus amor, quos hora novissima iunxit,
 Componi tumulo non invideatis eodem.
 At tu, quae ramis arbor miserabile corpus
 Nunc legis unius, mox es tectura duorum,

virgulis. LEM. — *vultus iacentes*, languentes, vel quiescentium, vel, ut h. l., morientium oculi, qui et *graves* aut *gravati* dicuntur. — *ad nomen*, ut III, 245. — Hic versus et sequens transpositi fuerunt in Codice Regio A, unde *Pyramus erexit* etc. praecedat *Ad nomen Thisbes* etc. LEM.

148. *eburcae* vaginae magno olim in honore. Homer. Od. Θ, 404. Virg. Aeneid. IX, 305. — *in vulnera*, scil. intelligenda. Saepe sic in ad designandum propositum.

151. *Prosequar* e Sixti codice praetuli τῷ *persequar*, quoniam illud etiam Burm. placeret. Qui enim alterum comitatur, is eum *prosequi* potius dicitur quam *persequi*. Etiam 550 cum multis sic corrigendum. — *quique revelli*. Hoc acumen abhorret a natura desperantis.

155. *meus illiusque*) Codex Regius A, *miserique mei illiusque*; utrumque

recipi potest. LEM. — *serus*. Habent Codices Regii nostri *certus*. — *serus* dedi ex uuo Moreti. Elegans haec lectio etiam Heynio, ad Tibul. I, 2, 89, videbatur, si *serum amorem* interpreteris, qui diu iam vixit, non nuper demum uatum. Ego vero intelligo extremum; ultima enim ei extrema sera dici solent, ut docuit Bronkhuis. ad Propert. I, 15, 21. Atque ita bene convenit alteri, *hora novissima*. — *Componi* nunc simpliciter, condi. Alibi *componere*, ut περὶ σπλάγχνων, omnem curam expriment, quam pollictores impendunt cadaveribus. — *non invidetis*, μὴ ὀφθαλμοῖς, sinite, permittite. *Invidere* omnino, non tribuere. Horat. II, Sat. 6, 83, *neque sepositi ciccris invidet*, largiter apposuit. Virg. Aen. IV, 350: *Quae invidet est?* quid impedit. quo minus fiat? Aliter Schirach. «Non invidetis unum nobis tumulum, adeoque

OVID. Op. Tom. III

R

Signa tene caedis; pullosque, et luctibus aptos 160
 Semper habe foetus, gemini monumenta cruoris. »
 Dixit; et aptato pectus mucrone sub imum
 Incubuit ferro, quod adhuc a caede tepebat.
 Vota tamen tetigere Deos, tetigere parentes:
 Nam color in pomo est, ubi permaturuit, aler; 163
 Quodque rogis superest, una requiescit in urna. »
 Desierat; mediumque fuit breve tempus; et orsa est
 Dicere Leuconoë: vocem tenuere sorores.
 «Hunc quoque, siderea qui temperat omnia luce,
 Cepit amor Solem: Solis referemus amores. 170
 Primus adulterium Veneris cum Marte putatur

coniunctos eodem sepulcro condatis. »

160. *pullosque, et luctibus aptos*) Codex Regius B a prima manu *nigrosque et luctibus aptos*; glossa est: nam vox *pallus* magis moro convenit quam niger: praeterea *pallus* color, non niger omnino, in luctibus adhibebatur, et hoc confirmant quae mox dicit Cl. Georg. lxx. — *pullos* dixit, non nigros, propter pullam lugentium togam. — *aptare*, praetendere ensim pectori. — *tetigere*. Pro eo, vs. 373; X, 489, *Vota suas habuere Deos*. — Duo mororum genera sunt, quorum alterum barbas albas, alterum nigras fert, quamquam prius genus Veteribus notum fuisse non constat. Si caedis illa prope morum facta erat, aut facta finge batur, facilis erat sententia illa poetica, foetus arboris nigros lugere illam caedem.

167. *medium tempus*, intervallum. Plin. VII, Epist. 27, 13, *exiguum temporis medium*. — *fuit*. Vnus Leidensis pro diversa lectione, *subit*, quod valde adhländitur Heinsio. Nostri Codices habent *fuit*.

168. *Leuconoë*, soror altera, plures fabellas narrat, de Martis et Veneris

adulterio, vs. 167-189; de amoribus Leucothees et Solis, vs. 190-255; de Clytie vs. 256-270. Ac prima quidem non pertinebat ad consilium Leuconoes, quae Solis tantum amores referre volebat; verum hos inde repetiit. Potuisset eam verbo tangere; sed, quae Superis tantopere placuerat, et cum ab his, tum a mortalibus oblectationis causa saepe adhibebatur (Virgil. Georg. IV, 345), eam nec ab hoc suo opere abesse petulantia poetarum voluit, nec ab Art. Am. II, 561 sqq. Auctor eius est Homerus Od. Θ, 266 sqq. ubi Demodocus ci-tharoedus, festum celebrare iussus, eam Phaeacensibus canit: cf. Hygin. fab. 148. Lucian. Dial. Deor. 17. Improbatur fab. Plato Rep. III. Heynio, in libro *Antiq. Aesnetze* I, pag. 161, orta videtur ex Cosmogonia, in qua coniunctio elementorum et inde orta rerum harmonia, amore Martis et Veneris eorumque filia Harmonia, adhibita sit. Ex historia rem expediri vult Polneph. cap. 63.

170. *Cepit amor Solem*) Ludit rursus verbis, *Solis, Solem*; vidisse, videt. De Sole omnia vidente, vide ad

Hic vidisse Deus: videt hic Deus omnia primus.
 Indoluit facto; lunonigenaeque marito
 Furta tori, furtique locum monstravit: at illi
 Et mens, et quod opus fabrilis dextra tenebat, 175
 Excidit: extemplo graciles ex aere catenas,
 Reliaque, et laqueos, quae lumina fallere possint,
 Elimat: non illud opus tenuissima vincant
 Stamina; non summo quae pendet aranea tigno.
 Utque leves tactus momentaque parva sequantur, 180
 Efficit; et lecto circumdata collocat apte.
 Ut venere torum coniux et adulter in unum,
 Arte viri, vinclisque nova ratione paratis,
 In mediis ambo deprensi amplexibus haerent.
 Lemnius extemplo valvas patefecit eburnas, 185
 Admisitque Deos: illi iacuerunt ligati
 Turpiter, atque aliquis de Dis non tristibus optat

I, 769. — *Lunonigena*, Vulcanus, quem Iuno vel ex love, vel sine patre concepit. Videtur Ovid. ipse hoc voc. fecisse, ut *anguigena* III, 531; *aurigena* V, 250; *draconigena* III, Fast. 865. — *Furta tori*. Hæmer. λέχος ὃ ἔσχευε καὶ τὴν Ἡρακλῆα.

175. *mens excidit* ei, qui abstinebat, ut mente privatus, amens videtur. Conf. II, 601, ubi *vultus*, *plectrum* et *color* Apollini excidunt. Examinavit autem Noster sic Homeri θυμὸν/κα μῦθον ἀκούει.

176. *graciles*, *tenuis*. Ipse max. describit tenuitatem ex Homero: Ἡρ' ἀράχνης λεπτὰ, τὰ κ' οὐ κέ τις οὐδὲ ἴδοιτο. — *Reliaque* etc. Apud Homerum facit *δρακόνες*, inde Noster tria fecit, *catenas*, *retia*, *laqueos*, ex aere. Hygino, ex *astulante*, id est ex ferro. — *laqueos*, *ipse*, consueto poetarum more, qui relativum sæpe accommodant remotiori nomini.

178. *Elimat*) Burmannus, ad Am. I, 13, 7, conjecturat *eliquat*. — Nostri Regii habent *elimat*; id est, perficit lima. LEM. — *Utque leves* etc. Ut levibus tactibus et momentis parvis moveantur.

181. *collocat apte*) Codex Regius B, *arte*; ingrata esset repetitio huius vocis in versu 183. LEM. — *Arte viri*, dola mariti Veneris. Homer. κατὰ δαίδεντα τίτνωτο, et omnem dolum κατὰ δόλωνα χέουσιν. *Lemnius* vituperat Lucianus, quod ipse adulterium manifestarit. — *Lemnius*; Vulcanus, qui dum matris auxilium occurreret adversus Iovem, ἡρακλῆος ποδός, ut ipse narrat, Iliad. A, praeceptus a Iove de coelo, in Lemnum insulam decidit, ubi cum Sinitie receperunt. LEM. — *Admisit*, ut apud Horatium Art. Poët. initio, *admissi risum teneatis*?

187. *aliquis de Dis* etc.) Conf. Art. Anst. II, 285: *Ille aliquis ridens, lu*

Sic fieri turpis. Superi risere; diuque
Haec fuit in toto notissima fabula coelo.

Exigit indicii memorem Cythereia poenam; 190
Inque vices illum, tectos qui laesit amores,
Laedit amore pari: quid nunc, Hyperione nate,
Forma, calorque tibi, radiataque lumina prosunt?
Nempe tuis omnes qui terras ignibus uris,
Vreris igne novo; quique omnia cernere debes, 195
Leucotheen spectas; et virgine figis in una,
Quos mundo debes, oculus; modo surgis Eoo
Temperius coelo; modo serius incidis undis;
Spectandique mora brumales porrigis horas.

*me, fortissime Mavors, Si tibi nunt
meri, vincula transfer, ait. Sed ille
aliquis de Diis non tristibus (quod,
nunc satis venuste, per λυτῶντα est
iocantibus et ridentibus) fuit Mercu-
rius, ut discrete tradit Homerus, vers.
338. Et apud Lucianum Mercurius
ipse, Εγὼ μὲν ἐρδόνους τῷ Ἀπῶ. Hinc
sponte apparet, non bene Hesiolum
mutasse optat in optet. — risere, ἀσ-
χέτος δ' ἀρ' ἑνὶ ὄρω γέλωος μακάρεσσι
θεοῖσιν.*

190. *Exigit indicii etc.)* Venus ul-
ciscitur Solis proditorem, dum ei
iniicit Leucotheas amorem, quae vi-
tiata, terrae defoditur a parente, sed
a Sole in virgam tuream mutatur.
Quae fuerit illa Leucothea, docetur
vs. 219 sqq. Anchor fabulae Hesiodus,
ut ex Lactantii Argum. apparet. Nec
in se memorabilis est, nec tractationis
luminibus commendata. — *memor*
referendum erat ad Cythereiam; sed
et Virgil. Aeneid. I, 4, *memorem*
Iuonnis ob irum. Poena testatur, me-
morem esse aliquem delicti. — *Quam*
varie laedere in re amoris dicatur,
admonitum est ad I, 608. Senius;
qui occultos amores indicavit, eum

viciisim amore iniecto cruciat. Ludit
Ovidius verbis. Similiter apox versu
195, qui terras ignibus uris, Vreris
etc. — Hyperione recepimus ex no-
stris Regiis pro Hypertone quod
dederat Gierig. LEM. Minime: sed
est ex errore operarum, sicuti aliis
in verbis quamplurimis. Vid. Tabula
mendarum in editione Lips. quam
dedit Gierig. Edit. T. — calorque;
nostri Regii colorque; praestat vulgata
lectio. LEM.

195. Verba quique-spectas frigida;
et sequentia, et virgine-oculos, in-
toleranda videntur Schirachio, idque
iure. Nempe argutus est in accom-
modanda amoris vi ad Solis naturam.
Tum, nec longior haec apostrophe,
nec quae ei insunt, poellae confabu-
lanti conveniunt.

198. *Temperius (maturius) anti-*
qui dixerunt, temporius recentiores;
vid. Manut. ad Cic. IX, Epist. 16. —
porrigis, longas facis brevissimas bru-
mae horas. Romani quum ab ortu
Solis usque ad occasum XII horas
numerarent per totum annum, tem-
pore brumali eas habebant brevissi-

Deficis interdum; vitiumque in lumina mentis 300
 Transit; et obscurus mortalia pectora terres.
 Nec, tibi quod Lunae terris propioris imago
 Obstiterit, palles: facit hunc amor iste colorem.
 Diligis hanc unam: uec te Clymeneve, Rhodosvè,
 Nec tenet Æææ genetrix pulcherrima Circes, 305
 Quaeque tuos Clytie, quamvis despecta, petebat
 Concubitus; ipsoque illo grave vulnus habebat
 Tempore. Leucothee multarum oblivia fecit,
 Geutis odoriferae quam formosissima partu
 Edidit Eurynome; sed postquam filia crevit, 310
 Quam mater cunctas, tam matrem filia vicit.
 Rexit Achaemenias urbes pater Orchamus; isque
 Septimus a prisci numeratur origine Beli.

mas. *Porrigere*, extendere. Hor. III, Od. 16, 40, *parva vesticalia porrigam*. — *vitium luminis* est pallor, isque color amantius. Art. Amat. I, 729. Inde acumen hoc. Sol autem pallidus et obscurus inter mala praesagia referebatur. Virgil. Georg. I, 464 sqq. Sic *terret mortalia pectora Lunae imago*, luna ipsa.

204. *Clymeneve, Rhodosve*) Codices Regii nostri, *Clymeneque, Rhodosque*. — *Clymene*, mater Phœthontis, de qua I, 756. — *Rhodos*, filia Neptuni, quae ex compressu Solis septem filios, Heliades a patre dictos, peperit. — *Acæa*, Colchica, ab Aea, Colchidis urbe, *Circe*, soror Acetæ, Colchorum regis, Acæam insulam incolens. Mater fuit *Persa*, Oceani filia, quæcum concubuit Sol: vide Homeri Od. K, 135 sqq. — *Clytie*, Oceani et Tethyos filia, de qua Noster mox plura. — *Quæque tuos Clytie*. Magna hic lectionis varietas. Locus mendii suspectus videbatur Heinio. Burmannus censebat

legendum *quæque illo*. — Nostri Codices hos versus exhibent quos dedimus, nisi quod in 207 dant *habebus*, pro *habebat*, L&M. — *Ipsaque illo etc.* Locum esse sanum, nec desiderare manum medicam, apparet e vers. 234 sqq.

210. *Eurynome*) Oceani et Tethyos filia (Hesiod. Theog. vs. 358). — *vicit* verius mihi videbatur, quam, quod Heinio recepit, *vincit*. Nostri Codices Regii habent *vincit*. — *Achaemenes* primus Persarum rex; vide Herodotum VII, 2. — *Orchamus*, coniux *Eurynomes* et Persarum rex. — *prisci Beli*. Codices Regii nostri habent *a prisco-Belo*. *Prisci* enim et *antiqui*, monente Burmanno, poëta dicuntur auctores et conditores gentium regnorumque. Hoc additamento Leucotheen a generis antiquitate commendare voluit. — *Plures Belos* antiquitas habet, de quibus vide Perizon. Orig. Babyl. Is, qui Babylona condidisse credebatur, et a Babylonis summa religione colebatur, ὁ ἀρχαῖος,

Axe sub Hesperio sunt pascua Solis equorum:
 Ambrosiam pro gramine habent; ea fessa diurnis 216
 Membra ministeriis nutrit, reparatque labori:
 Dumque ibi quadrupedes coelestia pabula carpunt,
 Noxque vicem peragit; thalamos Deus intrat amatos,
 Versus in Eurynomes faciem genetricis; et inter
 Bis sex Leucotheen famulas ad lumina cernit 220
 Levia versato ducentem stamina fuso.
 Ergo ubi, ceu mater, carae dedit oscula natae;
 « Res, ait, arcana est: famulae, discedite; neve
 Eripite arbitrium matri secreta loquenti. »
 Paruerant; thalamoque Deus sine teste relicto, 225
 « Ille ego sum, dixit, qui longum melior annum;
 Omnia qui video; per quem videt omnia tellus;
 Mundi oculus: mihi, crede, places. » Pavet illa; metuque
 Et colus et fusus digitis cecidere remissis.
 Ipse timor decuit: nec longius ille moratus, 230

et antiquus dicebatur. — Verbis. *Quam mater* etc. exornavit illud Horat. I, Od. 16, 1: *O matre pulchra filia pulchrior*. Similis comparatio II, 722 sqq.

214. *Axīs* alias coelum, nunc terra. — De *ambrosia* istorum equorum, vide ad II, 120. Ibi stant ad praesepia, hic errant in pascuis. — *habent*. Codex Regius A, *habentia*. — *reparat*, reficit. — *carpere pabula*, iis vesci, etiam Fast. IV, 750. — *vicem peragit* e re militari ductum.

218. De *thalamis*, vid. ad II, 737. De mutatione hac vid. ad III, 273. — *amatos*, in quibus habitabat amata. — *ad lumina*. Sueton. Caes. 37: *Adscendit Capitolium ad lumina*. Similiter graece πρὸς φῶς. — *Levia*; sic plerique e castigatioribus; Hein-sius coniecit *tenuia*; Gronovius, *molliā*, quod Burmannus intelligit de

vestibus mollibus, de quibus Luc. VII, 25. Nostri Regii habent *levia*, quod non est sollicitandum; nam supra, vs. 36, *levi pollice*.

224. *Eripite* revocavi e plurimis MSS. et Edd. antiquis. Sensus: non eripite matri potestatem secreta loquendi. *Arripere arbitrium* absolute quidem dici potest, sed non seq. dativo. — *remotis arbitris* passim occurrat, quum omnes abire inasi sunt, nec quisquam admittitur, qui sermonem audiat. — *sol metitur annum*, quia homines eius decursu annum deficiunt. Commendat se Sol, ut Apollo I, 512 sqq. Iupiter I, 594. — *Mundi oculus*. Macroh. I Saturn. 21: *Solem Iovis oculum appellant antiquitas*. — *Et colus* etc. Conf. 175. — Schaepper. legendum censet *Et color et fusi*. Sic habent et nostri Regii. LXX.

230. *decuit*) Mox versu 330, *sed et*

In veram rediit faciem, solitumque nitorem.
 At virgo, quamvis inopino territa visu,
 Victa nitore Dei, posita vim passa querela est.
 Invidit Clytie, neque enim moderatus in illa
 Solis amor fuerat, stimulataque pellicis ira
 Vulgat adulterium; diffamatumque parenti
 Indicat: ille ferox, immansuetusque precantem,
 Tendentemque manus ad lumina Solis, et, Ille
 Vim tulit invitae, dicentem, defodit alta
 Crudus humo; tumulumque super gravis addit arenae.
 Dissipat hunc radiis Hyperione natus; iterque
 Dat tibi, quo possis defossos promere vultus.
 Nec tu iam poteras enectum pondere terrae
 Tollere, nymphea, caput; corpusque exsanguie iacebas.
 Nil illo fertur volucrum moderator equorum
 Post Phaëthonteos vidisse dolentius ignes.
 Ille quidem gelidos radiorum viribus artus,
 Si queat, in vivum tentet revocare calorem;
 Sed, quoniam tantis fatum conatibus obstat,
 Nectare odorato sparsit corpusque locumque,
 Multaque praequestus, « Tanges tamen aethera, » dixit.

erubuisse decebat: VI, 18, *decor ad-*
fuit arti; VII, 733, *quam sic dolor*
ipse decebat. Adde VIII, 25 sqq. X,

585. — *posita querela*, sine querela.
 234. *neque enim* etc.) Vide versum
 258; Lactant. in *Arg. qua nondum*
satiatus erat Sol. — *ira in pellicem*
concepta; vide *Burm.* — *diffamatum*.
Heinsius malit *diffamatum*. *Nostri*
Regii habent *diffamatum*. — *diffa-*
matum, vulgatum, verbum novum.

238. *et ille*) *Codex Regius B*, *et*
illam. — *defodit* etc. *Supplicium* fre-
quens temeratae virginis, quo Ro-
mani etiam in virgines Vestales ani-
malverterunt. *Byam.* — *Crudus*; cru-

quoque *auspicatur allusum ad suppli-*
cium Vestalium. *LEM.*

241. *Dissipat*) *Gebhard. II Crep.*
 9, *dat divisi* ex MSS. — *Monet vir*
doctissimus in Miscell. Observ. vol.
II, tom. 1, pag. 35, Solem hic offi-
cium praestare, quod cum omnibus
radiis praestare nequeat. At in mythis
non quaeritur, quid ex legibus natu-
rae fieri poterit; sed illae novantur
et Dii omnia possunt. — *Phaëthon-*
teos; *Heinsius* legi vult *Phaëthontiu-*
os. — *Phaëthontei ignes, fulmen quo*
Phaëthon necatus. *Vide lib. II, 396.*

248. *tentet*) *Codices nostri Regii*,
tentat; forsitan rectius. *LEM.* — *turriti*
conatibus; *Heinsius* anadet *vania*, —

Protinus imbutum coelesti nectare corpus
 Delicuit, terramque suo madefecit odore;
 Virgaque per glebas sensim radicibus actis
 Turea surrexit, tumultumque cacumine rupit. 255

At Clytien, quamvis amor excusare dolorem
 Indiciumque dolor poterat, non amplius auctor
 Lucis adit; venerisque modum sibi fecit in illa.
 Tabuit ex illo dementer amoribus usa,
 Nympharum impatiens; et sub Iove, nocte dieque, 260
 Sedit humo nuda, nudis incomta capillis;
 Perque novem luces, expers undaeque cibique,
 Rore mero, lacrymisque suis ieiunia pavit;
 Nec se movit humo: tantum spectabat euntis
 Ora Dei; vultusque suos flectebat ad illum. 265
 Membra ferunt haesisse solo; partemque coloris
 Luridus exsanguis pallor convertit in herbas:
 Est in parte rubor; violaeque simillimus ora

Tinges aethera, quia thus, quod adole-
 letur, sursum tollitur.

253. *Delicuit* Codex Regius A, *de-*
lituit; male. LEM. — *deliquescere* nunc
 de corpore crasso, quod transit in
 tenne plantae.

256. *Clytie in heliotropium*.

258. *modum*, finem. Propert. II,
 12, 30: *Perus amor nullum habere*
novit modum. — *dementer amoribus*
uti, insano amore flagrare. — *Nym-*
pharum. Cod. noster Regius A habet
Silvarum. Haec lectio, si quibusdam
 aliis Codicibus falciretur, non insulsa
 foret; nempe Nymphae, pro silvis
 quas illae habitant, possunt accipi.
 LEM. — *Nympharum impatiens*, re-
 formidans consuetudinem Nympha-
 rum, ut supra *vir impatiens*. Contra
pati de eo, qui amat consuetudinem
 aliorum, iisque obsequitur. Terent.
 Andr. I, 1, 35, *facile omnes perferre*

ac pati. — *sub Iove*, ὑπὸ Διός, sub
 Iove. — *humo nuda*. *Vnus humi*, quod
 arridet Heinsius, non item Burnanno.
 — *nudis*. *Vnus, sparsis*; sed etiam
 lib. VII, 183, *nudi capilli*.

262. *Per novem luces*) vid. ad X,
 73. — *Rore ieiunia pascere*, exquisi-
 tius quam rore vesci, rore pasci. —
euntis, per coeli ambitum decurrentis.
 — *haesisse*, nempe radicibus, quod
 additum I, 551; IX, 351. — *pallor*
 ei mortuis tribuitur, et viridibus her-
 bis. Virg. Ecl. VI, 54; *viridis pallor*,
 Cul. 142. Idem color *exsanguis* dicitur.
 Inde impeditior haec et argutior
 formula *partemque* etc.; qua pars Nym-
 phae in calanum viridem transiisse
 indicatur. De *lurido* vide ad I, 147,
 ubi *Lurida* miscent *aconita novercae*.
 — *Flos*. *Heliotropium*, inquit Plin-
 ius, se cum sole circumagat; abeun-
 tem sequitur, tantus est amor sideris!

Flos tegit: illa suum, quamvis radice tenetur,
Vertitur ad Solem, mutataque servat amorem. » 270

Dixerat; et factum mirabile ceperat aures.

Pars fieri potuisse negant; pars omnia veros
Posse Deos memorant: sed non et Bacchus in illis.

Poscitur Alcithœ, postquam siluere sorores;
Quae, radio stantis percurrrens stamina telae, 275

« Vulgatos taceo, dixit, pastoris amores
Daphnidis Idaei, quem Nymphæ pellicis ira
Contulit in saxum: tantus dolor urit amantes!

Nec loquor, ut quondam naturae iure novato
Ambiguus fuerit modo vir, modo femina, Scython. 280

Te quoque, nunc adamas, quondam fidissime parvo,

LEM. — suum, a se amatum. LEM.

270. *Vertitur ad Solem*) Mane spectat ortum Solis, vespere occasum. Sic *vertitur ad Solem*, πρὸς ἥλιον τρέφεται, et inde *heliotropium*, *Lactant.* Argum. *aurum servat Dei.* Ex hac floris natura, fabula nasci potuit. — *ceperat aures*, attentas reddiderat puellas, easque admiratione impleverat. Hinc illae disputationes, quales etiam VIII, 614 seqq. varietatis causa interponuntur. — *Bacchus*, num *Bacchum*?

274. *Poscitur* non modo is, qui ad canendum, dicendum, narrandum excitatur, sed et ad quem ordo narrandi venit, licet a nemine sollicitetur. — *Alcithœ*, tertio soror, de *Salmace* fonte et *Hermaphrodito* narrare incipit. Sed praeteritione rhetorica utens, alios quosdam mythos breviter attingit. — Veteres in texendo stamina ad perpendicularum extendere solebant. Hinc *stans tela*; alibi *pendula*.

277. *Daphnis*, Mercurii filius, pastor Siculus, a Punc musicen edo-

ctus, bucolicorum carminum inventor. Hunc amabat Nymphæ quaedam ea lege, ne cum alia rem haberet. Sed vino quondam inebriatus cum regina Sicula concubuit. Hinc Nymphæ ira oculis est privatus. Sic fere rem narrant Diodorus Siculus IV, 87; Aelianus V. H. X, 18; Servius ad Virgil. Ecl. V, 20. Huius Daphnidis laudes multis pastoritiis carminibus materiam praeberunt. Theocrit. Id. I, 7; Virg. Ecl. V. Hinc *vulgatos amores*. Sed Noster, alios haud dubie sequutus auctores, eum facit *Idaeum*, quem Nymphæ in saxum mutat. — *Contulit* plures, *transulit*, probante Farnabio; sed nostri Regii habent *contulit*. LEM. — *contulit*, convertit. — *urere* de omni adfectu; est enim omnino cruciare.

279. *Nec loquor*) Codex Regius A, *nec loquar*; vividius forte, etsi inter duo tempora praesentia locatum, scilicet taceo et praetereo, reperitur; nam mutatio temporum apud poetas non est iniucunda. LEM. — *novato aere*, novis et inauditis naturae legi-

Celmi, Iovi; largoque satos Curetas ab imbri,
Et Crocon in parvos versum cum Smilace flores,
Praetereo; dulcique animos novitate tenebo.

Vnde sit infamis; quare male fortibus undis
Salmacis ehervet, tactosque remolliat artus,
Discite: causa latet: vis est notissima fontis.

285

bus. — *Ambiguus*. Vid. ad II, 8. — *Scythia*; vetustiores et nostri Regii duo, *Sithon*. De *Scythone* fabula ignorata.

282. *Celmi*) Codex Regius A, *Thelme*. Codex B rectius, *Celme*. — *Celmus*, aut *Celmis*, nutritius Iovis, cui, dum parvus erat, et *filius* et admodum gratus fuit. Sed quum postea vulgasset, Iovem esse mortalem, in *adamantem* ab eo versus est. — *Curetes* iidem, qui *Corybantes*: vid. Hygini fab. 139, ibique Munker. Erant antiquissimi Cretae incolae. Ex imbris procreati dicebantur. Sed pleraque da iis ignota sunt. — *ab*, ex.

283. *Crocon*) adolescens, quem amabat *Smilax*. Ambo in flores cognomina mutati sunt. — Multi legunt *Milae*. Salmasius in exercit. ad Plin. 733, docet differre *Smilacem* et *Milacem*. Vid. tamen Munker. ad Lactant. Argum. — Nostri quoque Regii, *Milae*. — *tenebo*, oblectabo. — *novitas*, nondum vulgata fabula; novae autem fabulae *dulces* sunt, libentissime audiuntur. Horat. A. P. 223, *grata novitate morari spectatores*.

285. *infamis* apud Veteres *Salmacis*, fons Cariae, hoc nomine, quod ex eo bibentes, roque se lavantes effeminet, mollisque: conf. XV, 319. Causam huius infamiae quaesiverunt multi. Vitruvius II, 8, credibile videtur, Curas barbaros et effratos dulcedine huius fontis allectos esse, ut ex montibus ad eum decurrerent, ibi-

que, quum in unam societatem conluisent, pudotum molliores mores assumerent. Ex mente autem Sexti Pompeii nequitia puerorum puellarumque, promiscue in hoc se fonte lavantium, originem infamiae dederat. Ab effeminatis aecolarum moribus haec infamiam poetas transtulisse ad fontem, monet Strabo lib. XIV. Aucta est fabula eo, quod vicina erant Veneris et Mercurii templa, quae *Hermaphroditum* genuerunt. In Anthol. pag. 130, exstat epigramma elegans, quod omnem ab hoc fonte infamiam amolitur. Noster rem rursus ex fabulis repetit. Pluribus virtutibus huius loci tractatio commendatur. Anocinitas fontis, mollities, blanditiae, furor et collectatio Nymphae, tum simplicitas pueri bene sunt descripta et plurimis similitudinibus exornata. — *male fortes* dictum, ut 187, *non tristis*; *male* enim saepe negat, ut *male sanus*, *male sobrius*. — *remolliat*, molliat. Vix hoc compositum sic apud antiquiorem scriptorem occurrit. Secundum Vitruv. *venereo morbo implicabat* (in venerem proclives reddebat) eos, qui inde biberant. Pro eo mox, *molles et impudicos reddere*. Sic et apud Strabonem d. l. *μυλακτικῶν* capies. Quam vim autem Noster h. v. subiecerit, ex vs. 385 apparet, *facere semivivum*. — *latet*, nempe vulgo. Ergo Alcithoe eam vult explicare. — *vis*, natura mirabilis.

Mercurio puerum diva Cythereide natum
 Naides Idaeis enutrivere sub antris;
 Cuius erat facies, in qua materque paterque 290
 Cognosci possent: nomen quoque traxit ab illis.
 Is, tria quum primum fecit quinquennia, montes
 Deseruit patrios; Idaque altrice relicta
 Ignotis errare locis, ignota videre
 Flumina gaudebat, studio minuente laborem. 295
 Ille etiam Lycias urbes, Lyciaeque propinquos
 Caras adit: videt hic stagnum lucentis ad imum
 Vsque solum lymphae: non illic canna palustris,
 Nec steriles ulvae, nec acuta cuspidi iunci;
 Perspicuus liquor est: stagni tamen ultima vivo 300
 Cespite cinguntur, semperque virentibus herbis.
 Nympha colit: sed nec venatibus apta, nec arcus
 Flectere quae soleat, nec quae contendere cursu;

288. *Mercurio puerum*) Hunc puerum, a parentibus Hermaphroditum dictum, Hyginus fab. 271, in ephēbis formosissimis recenset. — *Nai-des*; Codex Regius A, *Naiades*, ut iam notavimus. LEM. — *in qua* etc. Plin. V, Ep. 16, *lilia patrem et scripserat*, veluti ad imaginem patris picta erat. — *cognosci*. Vnus, *agnosci*. Regii nostri habent *cognosci*.

292. *fecit quinquennia*) *facere annos*, phrasia in titulis sepulcralibus obvia, notante Burmanno. — *altrices* et *nutrices* dicuntur terrae, in quibus quis educatus est. Ex more Ovidiano debebat esse, *montibusque relictis*, sed variavit orationem. — *Flumina* diserte commemorantur propter fab. seq.; *studium*, cupiditas visendi loci ignota, quae etiam v. *gaudebat* exprimitur. — *minuente*; unus Housii, *fallente*. Vid. notata ad vers. 39. — Codd. Regii nostri, *minuente*. Illo

verbum additum, quia puer ille non nisi quindecim annorum. — *laborem*, molestias itinerum.

297. *videt hic stagnum* etc.) Vitruvius, dicto loco; *est eius fontis potestas perlucida*. Id exornavit Noster: conf. V, 588; Claud. 35, 114 seqq., ubi elegantissime, *admittit, in altum Cernentes oculos, et late pervius humor Ducit inoffensos liquido sub gurgite visus, Imaque perspicui prodit secreta profundi*. Et par erat hoc loco perspicuitatem illam describere propter 354 seqq. Sed post superiora otiosum *perspicuus liquor* est.

302. *Nympha colit: sed nec* etc. Sequitur locus satis venustus, qui egregie pingit ingenium ei studium puellae mollis, id unum agentis, ut placeat. Contrarii mores Daphnes I, 475 seqq., et Callisto II, 411 seqq. — Oppositio est in *apta* et *quae soleat*, quorum illud ad naturam, hoc ad

Solaque Naiadum celeri non nota Dianae.
 Saepe suas illi fama est dixisse sorores: 208
 * Salmaci, vel iaculum, vel pictas sume pharetras;
 Et tua cum duris venatibus otia misce. »
 Nec iaculum sumit, nec pictas illa pharetras;
 Nec sua cum duris venatibus otia miscet.
 Sed modo fonte suo formosos perluit artus; 310
 Saepe Cytoriaco deducit pectine crines;
 Et quid se deceat, spectatas consulit undas.
 Nunc perlucenti circumdata corpus amictu,
 Mollibus aut foliis, aut mollibus incubat herbis.
 Saepe legit flores: et tunc quoque forte legebat, 315
 Quum puerum vidit; visumque optavit habere.

exercitationem referendum. — *considere cursum cum feris*, quod et ipsum venatricis est. Plin. Paneg. 81: *certare cum fugacibus feris cursum*. Horat. I, Ep. 18, 51: *cursum superare canem, vel viribus aprum*. — Inde et subiicitur *celeri non nota Dianae*. Nimis ferme cumulavit verba. — Dubitabat Heinsius an non praestaret *non vota Dianae*. — Quam lectionem dant nostri Regii.

305. *Saepe suas illa*) Nostri Cod. habent *illi* rectius certe et sermonis legibus aptius. LXX. Nemo dedit *illa*. Legitur quidem sic in edit. Lips. sed, uti iam alibi dictum, ex errore operarum. Edit. T. — *Lucundum est*, quod sorores ipsae loquentes inducuntur, et quod verba earum a poeta repetuntur. — *pictas*. Vid. ad II, 421. — *durus*, qui membra dura reddit, corroborat, ut *durum opus rusticorum*. H. l. cum respectu mollis vitae, cui Nympha indulgebat. — *miscemus ea*, quae interruptimus aliis rebus.

311. *Cytoriaco*) Codex Regius A male, *Cytheriaco*; melius foret *Cytheriaco*, quod quidam habent, et

hoc, si acciperetur, intelligendum foret: pulchro, qualis Venerem deceret. At certe cum Codice Regio B legendum *Cytoriacum*, quod explicat glossa superscripta inter lineas: *buxeo, quia in monte illo crescit*. LXX. — *Cythorus*, Paphlagoniae mons, buxo abundans. Vide Virg. Georg. II, 437. — Formam poeta anget colendo; proprie *pecten deducitur per crines*, sed exquisitius, *pectine deducere crines*. Eleganter etiam Claudian. X, 102, de Gratia Veneris capillos pectente: *Illic moras numero si dentis eburno Multifidum discrimen arat*. — *pectines* autem radii textorii (VI, 132) et tibiae (supra vs. 30) conficiebantur e buxo. — *quid se deceat*, quomodo et vultus fingendus et vestes componendae sint, ut decor adsit.

313. *perlucenti amictu*) Amor. III, 1, 9, *vestis tenuissima, cultus amantis*, nempe bombycina aut serica, quae trahebat caro, quae denudabat feminas. Plin. Hist. Nat. VI, 17; XI, 23. — *corpus*. Nonnulli, *pectus*, ut fascia intelligatur. — Nostri Regii habent *corpus*, — *Mollibus* etc. Anacr. IV, 1;

Nec tamen ante adiit, etsi properabat adire,
 Quam se composuit, quam circumspexit amictus,
 Et finxit vultum; et meruit formosa videri.
 Tunc sic orsa loqui: « Puer o dignissime credi 310
 Esse Deus; seu tu Deus es, potes esse Cupido;
 Sive es mortalis, qui te genuere beati,
 Et frater felix, et fortunata profecto
 Si qua tibi soror est, et quae dedit ubera nutrix.
 Sed longe cunctis, longeque potentior illis, 315
 Si qua tibi sponsa est, si quam dignabere taeda.
 Haec tibi sive aliqua est, mea sit furtiva voluptas:
 Seu nulla est, ego sim, thalamumque ineamus eundem.»
 Nais ab his tacuit: pueri rubor ora notavit,
 Nescia, quid sit amor; sed et erubuisse decebat. 320

Εὐὴ μυστρίων περιβαλὼς, Εὐὴ δούρειας
 δὲ νείων; Στεφάνω. — *Quoniam puerum*
etc. Hic verus, siue causa, erat sus-
 spectus Heinio.

317. *Nec tamen ante adiit etc.*) Et
 hic vere e moribus talis puellae. —
componere et *μυστρίων*, decenter
 ornare, vestes in ordinem redigere.
 Eodem modo Plin. IV, Ep. 2, 3:
Postquam se composuit et circumspexit
habitum suum. Similem enim curam
 ornatui impendebant oratores ad di-
 cendum prodituri. Hinc Gellius N.
 A. I, 5, *composuit et circumspexit ami-*
ciri: vide Burmannum. *Collocare ve-*
stem est II, 733. — *finxit vultum*,
 ut subrideret et oculis blandiretur. —
videri; Balliolensis, *vocari*.

320. *Tunc sic orsa loqui etc.*) Oratio
 blanditiarum et insidiarum plena.
 Magna laus, si cognati nostra causa
 beati praedicantur. Virg. Aen. I, 605:
Qui tantum talem genuere parentes? Sed
 haec Nympha longius etiam progre-
 ditur, et ab his laudibus commode
 ad vota sua deflectit. — *Et frater*

felix. Codex Regius A, et *mater felix*,
 et fortunata; Codex B, et *mater felix*,
 sed *fortunata*. Hae duae lectiones re-
 ciendae mihi sicuti Heinio viden-
 tur. LEM. — *potentior*, exquisitius et
 dignius quam *beatior* quod habent vo-
 stri Regii. Conf. VIII, 80, ubi: *Beata*
votique potens, et votum adeo ipsam
potens in VIII, 745. — De eleganti
 vero repetitione *longe, longeque* Bur-
 mannus consulere iubet Bentley. ad
 Hor. I, Sat. 6, 18. — *thalamum*. Non
 hic agitur, ut Burmannus putabat, de
 furtivo coitu, sed de legitimo matrimo-
 nio, de quo *thalamus* et *taeda*
 etiam supra vs. 60, et III, 267. —
 Eadem de causa Burmanno placebat,
 pro *ineamus*, *subeamus*, quod Iunii
 et duo alii. — Nostri Regii, *ineamus*.

329. *ab his*, post haec, ut III, 273;
 VIII, 611. — *ora rubor notavit* etiam
 VI, 46; Amor. III, 6, 78. Nempe ru-
 bor *nota* pudoris est. *Notare* igitur
 significantius est, quam *suffundi*. —
Nescia, quid sit amor; Codices nostri,
nescit quid sit amor. — *erubuisse* de-
 cebat: de his verbis vid. ad vs. 230.

Hic color aprica pendentibus arbore pomis,
 Aut ebori tincto est, aut sub candore rubenti,
 Quum frustra resonant aera auxiliaria, Lunae.
 Poscenti Nymphae sine fine sororia saltem
 Oscula, iamque manus ad eburnea colla ferenti, 335
 « Desine, vel fugio, tecumque, ait, ista relinquo. »
 Salmacis extimuit, « Locaque haec tibi libera trado,
 Hospes, » ait; simulatque gradu discedere verso.
 Tum quoque respiciens, fruticumque recondita silva
 Delituit; flexumque genu submisit: at ille, 340
 Vt puer, et vacuis ut inobservatus in herbis,
 Huc it; et hinc illuc; et in adludentibus undis

331. *Hic color etc.*) Eadem similitudo III, 453. — *promis*, pro quo Codex Regius B habet *malis*. Hinc consentit Heinsius, qui omnes vetustiores lubere *malis* affirmat, et hanc causam dat recte, quod non omnia poma colorata sunt. LEM. — *Ebori tincto*. Pletinius Virgil. Aeneid. XII, 67: *Indum sanguineo veluti violaverit ostro Si quis ebur*. — *Luna*, quum candida sit, tempore defectus *rubescit*; qui Lunae rubor etiam Am. II, 5, 37, comparationi inservit. Persusum autem erat superstitiosae multitudini, tali tempore Thessalas veneficas id agere, ut carminibus suis Lunam de coelo deducant, illam vero laborare, id est contra niti, pugnare, laborantique homines posse succurrere, et *auxiliari* contentu strepituque *aeris*, hoc est tubarum, cornuum et tintinnabulorum aeneorum. Liv. XXVI, 5; Senec. Hipp. vs. 785 sqq.: vidl. Cerda ad Virg. Ecl. VIII, 69. Sed haec tertia similitudo paulo altius repetita est, nec inuenda admodum.

334. *sororia oscula* etiam IX, 538. Ipse explicat II, 431. — Iam olim edebatur *Desinis aut*. Hinc Heinsius

cum Florentino S. Marci, Neapolitano, primo Vaticano et quinque aliis mutavit aut in *an*. — Nostri Codices *desinis aut*. Et revocavi lectionem *Desine, vel fugio*; cui Naugerius praeferebat quem referunt nostri Codices. Gierig admisit: *desine, aut fugio*; nam, siebat, interrogatio *desinis? an fugio?* incommoda satis est: caeterum hic quoque simplicitas pueri bene notata: sed ea nequeant versum ita claudicantem excusare. LEM.

340. *flexumque genu*) Codices nostri, *flexoque genu*. — *Submittere genu*, de procumbente in genu, quemadmodum *submittere latus*, de bove procumbente lib. III, 23. Absolute Virg. Aen. III, 93, *Submissi petimus terram*.

341. *Vt rationem reddis*, ut qui puer esset, neque adeo ulla insidias metueret. — et *vacuis*. Nostri Codices habent *ut vacuis*; quae repetitio sanum insula atque ingrata visa est Heinsio. LEM. — *vacua loca*, non consuta arboribus. Sic *vacuum arvum* I, 533. Sed h. l. potius solitarium pratum intell. ubi nemo est, qui eum observet. — *inobservatus* etiam II, 544; III Fast.

Summa pedum, taloque tenus vestigia tinguit.
 Nec mora, temperie blandarum captus aquarum,
 Mollia de tenero velamina corpore ponit. 345
 Tum vero obstupuit; nudaque cupidine formae
 Salmacis exarsit: flagrant quoque lumina Nymphes;
 Non aliter, quam quum puro nitidissimus orbe
 Opposita speculi referitur imagine Phoebus:
 Vixque moram patitur; vix iam sua gaudia differt: 350
 Iam cupit amplecti: iam se male continet amens.
 Ille, cavis velox adplauso corpore palmis,
 Desilit in latices; alternaque brachia ducens
 In liquidis translucet aquis; ut eburnea si quis
 Signa tegat claro, vel candida lilia, vitro. 355
 « Vicimus! en meus est! » exclamat Nais: et, omni
 Veste procul iacta, mediis immittitur undis;
 Pugnacemque tenet; luctantiaque oscula carpit;
 Subiectatque manus, invitaque pectora tangit:
 Et nunc hac iuveni, nunc circumfunditur illac. 360
 Denique nitentem contra, elabique volentem

3: Pueri laetius amoto passim custode vagantur. — adlucentibus. Gebhard. Crep. III, 11, ex MS. Palatino, *applaudentibus*. Nostri Codices Regii habent vulgatam. LEM.

347. *Nymphes*) Codex Regius A, *Nymphae*; utrumque rectum. LEM.

349. *speculi*) Voss Leidensis, *clypei*, quod non omnino speruendum Heinsio et Burmanno videbatur, propter vs. 782. Conf. Val. Fl. I, 495. — *speculi imago*, speculum, ut superius *Lunae imago*, luna. — *Vixque-amens*. Verbis, non rebus abundant haec. — *gaudium*, de Veneris usu frequentatur. II, 863, *vix caetera differt*. — *se continet*, retinet. — *male*, vix.

352. *cavis velox* etc.) Lactitiae puerilis signum. *Cavis* graphice addi-

tum, propter corporis convexitatem, IX, 35. Similiter Virg. Aen. XII, 85: *aurigae, manibus lucent pectora* (equorum) *plausu cavis*. — *corpore*. Heinsius rectius indicat nonnullorum *pectore*. — *brachia ducens*; alii *lactans*, utrumque recte. — Nostri Regii, *ducens*. LEMAITRE. — *ducere brachia*, de saltante, ut Amor. II, 4, 29 de saltante. — *ut eburnea* etc. Comparatio exquisita et rem egregie illustrans. — *claro*; plures, *puro*. Nostri Regii, *claro*.

356. *Vicius* vox eorum, qui iam sibi videntur compotes fieri voti. Mox in singulis verbis est vis ad declarandum Nymphae furorem, *omni*, *procul*, *iacta*, *mediis*. — *luctantia*, *venuste*, quoniam expectabat puer. Totus

Implicat, ut serpens, quam regia sustinet ales,
 Sublimemque rapit; pendens caput illa pedesque
 Adligat, et cauda spatiantes implicat alas:
 Utve solent hederæ longos intexere truncos: 363
 Utque sub aequoribus deprensus polypus hostem
 Continet, ex omni dimissis parte flagellis.
 Perstat Atlantiades; sperataque gaudia Nymphae
 Denegat: illa premit; commissaque corpore toto
 Sicut inhaerebat, « Pugnes licet, improbe, dixit, 366
 Non tamen effugies: ita Di iubeatis, et istum
 Nulla dies a me, nec me diducat ab isto. »
 Vota suos habuere Deos; nam mixta duorum
 Corpora iunguntur; faciesque iuducitur illis

hic locus est specimen phantasiae
 Ovidianæ. — *Subiecat manus*, scilicet
 subter brachia pueri.

362. *Implicat*) Quoniam idem verbum paulo post repetitur, propterea
 Heinsius alterutro loco *impedit* legen-
 dum censeat. Sed alibi iam docuimus,
 Nostrum sæpiissime intra paucorum
 versuum ambitum idem verbum re-
 petere. In utroque loco Codices no-
 stri Regii habent *implicat*. — Cumu-
 lat rursus similitudines, e quibus pri-
 ma, quæ vs. 713 sq. repetita legitur,
 nunc quidem minus grata est. — *ro-
 gus ales*, aquila. — *sustinet*, sursum
 tollit.

364. *spatiantes*) longe extensas,
 longas, ut XIV, 630: *spatiantia bra-
 chia arborum*. Expressus autem locus
 ex Virg. Aen. XI, 751. De pugna
 aquilarum et serpentum, vide Plin.
 II. N. X, 4: *Acrior est (aquilæ) cum
 dracone pugna. Eum rapit ubicunque
 visum. Ille multiplici nexu ligat, ita
 se implicans, ut simul decident*. — *pen-
 dere* dicuntur aves volantes, hinc et
 quæ ab iis tenentur. — *intexere*, ele-
 ganter de hedera truncum nexibus

suis includente. — *deprensus*, Cod.
 Regius A, *deprendens*. Lectio vulgata
 elegantior videtur. LEM.

366. *polypus*) piscis voracissimus,
 Insidiarum causa sæpe in scopulis,
 quorum colorem assumit, latitat, pi-
 sciculosque secure adstantes pedi-
 bus, veluti reti implicat. Aelian. V.
 H. I, 1; Plin. IX, 29; Noster Ha-
 lient. vs. 30 sqq. — Pedes hic vocan-
 tur *flagella*, ab aliis *cirri*, *crines*,
brachia.

369. *commissaque*) Codex Regius
 A, *demissaque*; Codex B, *dimissa-
 que*; utrumque male. LEM. — *com-
 missa*, exquisitius quam *coniuncta*.
 — *diducat*. Multi, *deducat*; sed Hein-
 sius cum nonnullis *seducat* recepit. —
 Codex Regius A habet vulgatam; Co-
 dex B, *deducat*. — Antiquiorem le-
 ctionem, quam etiam Burmannus pro-
 bat, revocavi, quia *diduci* recte di-
 cuntur, qui divelluntur a complexi-
 bus. Propert. I, 13, 14. — *suos*,
 propitios. Di exaudiverunt preces.
 Sic et X, 489. Supra versu 164, *vota
 tetigere Deos*. Unde et nunc pro *ha-
 buere* duo MSS. *tetigere*. Hoc etiam

Vna: velut si quis conducta cortice ramos
 Crescendo iungi, pariterque adolescere cernat.
 Sic ubi complexu coierunt membra tenaci,
 Nec duo sunt, et forma duplex, nec femina dici,
 Nec puer ut possint; neutrumque, et utrumque videntur.
 Ergo ubi se liquidas, quo vir descenderat, undas 38a
 Semimarem fecisse videt, mollitaque in illis
 Membra; manus tendens, sed iam non voce virili,
 Hermaphroditus ait: « Nato date munera vestro,
 Et pater, et genetrix, amborum nomen habenti:
 Quisquis in hos fontes vir venerit, exeat inde 38b
 Semivir; et tactis subito mollescat in undis. »
 Motus uterque parens, nati rata verba biformis
 Fecit, et incerto fontem medicamine tinxit. »
 Finis erat dictis; et adhuc Minyeia proles
 Urget opus, spernitque Deum, festumque profanat: 39a
 Tympana quum subito non adparentia raucis

Regius noster B habet. — *facies*, corpus. Id eleganter dicitur *induci*, quum datur. Etiam VII, 624, *membris inducere formam*. — *conducto cortice* debemus Heinsio qui et *corticem*, generis feminini, et phrasin *conducere corticem* pluribus illustrat. Olim edebatur *conducatur*; quod habent Regii nostri. *Conducere*, contrahere; etiam *vulnera conduntur*, quando coeunt. — *cernat*, pro quo cernit in nostris Regiis. LEM.

378. *Nec duo sunt* etc.) Similis lusus III, 352; sed et mox vs. 400 sqq. — *et forma*, sed tamen forma. Tales Hermaphroditi etiam artifices antiqui expresserunt, ut Polyces, auctore Plinio XXXIV, 19 et 20. In his dignitatem virilem venustatemque muliebrem miscere conabantur. Vid. Winkelm. H. A. p. 37. *Formam duplicem* illi effluxere mummis et virilibus,

reliquis autem membris ad *mollitudinem muliebrem*. — *proant-videntur*; nostri Regii, *possit-videtur*; rectius forsitan, quia duo unum efficiunt. LEM.

386. *in undis*) Heinsius coniecit *ab undis*, vel *ut undis*. — Nostri Regii servant vulgatum, nec vident quare redeat Heinsii permutatio. LEM. — *incerto*, arcuato. Vide ad librum II, 122.

389. *Finis erat dictis* etc.) Poena, quam passae sunt Minyeides. In versipitiliones mutatae sunt. Apud Antonin. Bacchus, summa puellae forma, Minyadas hortatur, ut debitos Deo honores habeant; adversantibus illis, in leonem, taurumque mutatus, et ab his prodigiis se Deum ostendit. Signa, quae hic iam commemorantur, propria sunt Baccho. Conf. III, 664 sqq. — *Urget*, lucificium. LEM. — *non adparentia*; quae Manteis veniente

OVID. Op. Tom. III

S

Obstrepuere sonis; et adunco tibia cornu,
 Timulaque aera sonant: redolent myrrhaeque crocique:
 Resque fide maior! coepere virescere telae,
 Inque hederæ faciem pendens frondescere vestis. 395
 Pars abit in vites: et quæ modo fila fuerunt,
 Palinite mutantur: de stamine pampinus exit:
 Purpura fulgorem pictis adcommodat uvis.
 Iamque dies exactus erat, tempusque subibat,
 Quod tu nec tenebras, nec possis dicere lucem; 400
 Sed cum luce tamen dubiæ confinia noctis.
 Tecta repente quati, pinguesque ardere videntur
 Lampades, et rutilis collucere ignibus aedes;
 Falsaque saevarum simulacra ululare ferarum.
 Furnida iamdudum latitant per tecta sorores; 405

captæ sibi visæ sunt audire. LEM. — Obstrepuere, strepitu suo turbant tam opus, quam sermones mulierum. — De tibia hac vid. ad III, 533.

393. redolent) Heinsius putat halant. Nostri Regii, et olent. — myrrhae, quarum unguentis Bacchi crines delibuti. Vide lib. III, 555.

394. coepere virescere telae) Aelianus Var. Hist. I, 1: ἀρχὴν κίττοι τὰ καὶ ἀμπέλαι τοῖς ἰστούς περιτίπτου. Sic, Venere adventante, Minervia signa robescunt Floribus et subitis animantibus frondibus hastae; Claudian. X, 187. — faciem, formam. — pendens: vide ad 375. — vestis, textum, opus textile.

396. in vites) Multi, in frondes, quod probat Ciofanus. — Nostri habent in vites.

399. Iamque dies exactus etc. Egregia crepusculi descriptio. Brevius, XI, 396, dubiæ crepuscula noctis; conf. et VII, 706, dubia nox; ut dubius et quasi languidus dies. Plin. VI, Ep. 20, 6. Varro de L. L. V, p. 44:

Crepusculum significat dubium. Ab eo res dubiæ Creperæ dictæ; quod crepusculum dies etiamnum sit, an iam nox, multis dubium. — Apud Antonium et Aelian. Minyades furore Bacchico correptæ Hipposum, Leucippes filium, tanquam hinnulam, dilaniant; tum se in silvas, vel ad reliquas Bacchas proripiunt, a quibus propter admissum repulsæ, in varias vulnorum species mutantur, in quibus etiam vespertilio. A Plutarcho, præter illud admissum, nihil de iis memoratur. — falsa simulacra: vide ad III, 668.

403. collucere) Thuan. et Vrbinas, collucent; Heinsius mallet lucentes. — Hic versus ex nostro Codice A hoc modo legitur: Lampades; et rutilis collucent ignibus aedes. Codex B habet nitidis collucent: priores lectionem prætulerim; nam collucere, infinitivo, ignibus longoet, et elisionem præbet ingratam. LEM.

405. per tecta) in variis ædium partibus. — iamdudum, continuo.

Diversaeque locis ignes, ac lumina vitant:
 Dūnque petunt latebras, parvos membrana per artus
 Porrigitur, tenuique inducit brachia penna:
 Nec, quā perdiderint veterem ratione figuram,
 Seire sinunt tenebrae: non illas pluma levavit;
 Sustinuere tamen se perlucētibz alis;
 Conataeque loqui, minimam pro corpore vocem
 Emittunt, peraguntque levi stridore querelas;
 Tectaque, non silvas, celebrant; lucemque perosae
 Nocte volant; seroque trahunt a vespere nomen. 410

II. Tum vero totis Bacchi memorabile Thebis

Numen erat; magnasque novī matertera vires
 Narrat ubique Dei; de totque sororibus experts

XI, 482. — *inducere*; sic apud Hor. A. P. 2, *inducere plumas membris*. Quoniam vespertilionum forma nihil gratiae habet, propterea Auctor eam paucis attingit, et quasi velat rem, *Nec, quā perdiderint etc.*

411. *Sustinere se de avibus volātibz etiam VIII, 148; X, 341. — Querela omnino de voce et cantu avium. Horatio, queruntur in silvis aves. — levis, qui non multum exauditur. Sic leviter dicere. Bvna.*

416-561. *Athamas et Ino*) Athamas eiusque uxor Ino Iunonis opera insania corripuntur: quo facto ille Learchum filiolū interfecit, haec cum Melicerta, filio altero, in mare se praecipitat; sed, Venere intercedeute, Neptunus eos in marinos Deos mutat, Leucotheen et Palaemonā. Comites eius partim in saxa, partim in aves transcut. Auctor fab. Pherecydes, quamquam Hom. iam Od. E, 333 seq. eam attingit. Tum Tragicī eandem certatim tractarunt, Aeschylus in Semele, Sophocles in Ino et in Atham. Euripides in Ino, cuius fragmenta restant, E mythicis eam repetie-

runt Hyg. fab. 1, 2, 4; Apoll. I, 9, 23 III, 4, 3. His adde Pausan. Attic. pag. 108, qui Athamantā narrat vel ira incensum, vel furore correptum in suos saevisse. Memorant eam etiam Scholiastae Pindari Argum. Isthm. Apollonii III, 1239; Lycophr. 229. Sed in multis eius partibus auctores variant. Noster in hoc tractando mythō ingenium et inventionem satis nobis approbavit. Finxit Iunonis solumloquium 420-431. Tum descensum eius ad inferos et iussa, quibus Tisiphonei inde excitat, narrat 432-477. Hinc sequitur iter Furiarū cum horrendo comitatu et veneno, et modus, quo furore implet Athamantā et coniugem, 478-510. Tandem fabula ipsa et transformatio. Eandem Noster, et Fast. VI, 485 seqq.; sed ex parte aliter retulit. — *memorable*, celebre. Celebrabatur Bacchus sermonibus omnium. — *novi*. Vide ad III, 520. — *matertera*, Ino, Semeles soror et coniux Athamantis. — *vires*, potentia, quam declaraverat puoendi suis contemtoribus. Illas vires Iuo maxime narrat, quia hoc suo *alimento* (III,

Vna doloris erat, nisi quem fecere sorores.
 Adspicit hanc natis, thalamoque Athamantis habentem 420
 Sublimes animos, et alumno numine, Iuno;
 Nec tulit, et secum: « Potuit de pellice natus
 Vertere Maeonios pelagoque immergere nautas,
 Et laceranda suae nati dare viscera matri;
 Et triplices operire novis Minyideas alis: 425
 Nil poterit Iuno, nisi inultos flere dolores?
 Idque mihi satis est? haec una potentia nostra est?
 Ipse docet, quid agam; fas est et ab hoste doceri;
 Quidque furor valeat, Penthea caede satisque
 Ac super ostendit: cur non stimuletur, eatque 430
 Per cognata suis exempla furoribus Ino? »

313) superbiebat. — sorores, Agave, Autonoe, Semele, omnes calamitatibus notabiles.

420. *Adspicit hanc etc.*) Ad Iunonis iram rem refert etiam Apollod. nempe quis Bacchum educaverat Ino. Conf. Fast. cl. I. Hic alio modo causa addita Quam illa ira et altius repetenda, III, 238. Iovem contra substituit Hygin. fab. 2. *Adspicit*: gravius, II, 480: *Obvertit saevam cum lumine mentem.* — *Sublimes animi*, superbia. Claud. XX, 101, *sublimes mole*, fastu inflati. Superbos saepe debellant Dii in mythis. — *alumno*; nostri Codices Regii habent *alumni*. — De hoc vocabulo vide in nota praeced.

422. *Nec tulit, et secum etc.*) De soliloquio tali vide ad III, 262, ubi simile, quod conferas. Expressit hoc quoque Virg. Aen. I, 39 sqq.; VII, 285-403: priore loco, *Pallante exurere classem Argivum* — *potuit*; *At ego*, quae Dorum incedo regina etc. posteriore, *Mars perdere gentem Immanem Lapithum valuit*; *At ego*

magna Iovis coniux etc. Sed h. l. commode et graviter Bacchi, *de pellice nati et novi Dei*, potentiam secum comparat. Etiam sqq. personae et temporis accommodatae sunt. — *Maeonios*, III, 583. — *Viscera*, carnes, corpus. III, 711 sqq. — Sed formula *operire novis alis* non satis convenire videtur iratae. Gravior res exprimenda fuisset. — *Iuno cum vi*; involvit enim ea, quae III, 265 sqq. discrete addita sunt. — *Acerbe nisi inultos flere dolores.*

430. *ire per exempla*) idem pati aut facere, quod alii. A. A. III, 87: *Ite per exemplum, genus o mortale, Dearum, imitamini Deas.* II Trist. 168: *Per tua perque sui facta parentis eant, acmulentur facta.* V Trist. 3, 27: *Me quoque, si fas est exemplis ire Deorum (idea pati), Ferrea sors premit.* Quasquam exemplum interdum et pro supplicio ponitur. Plautus. III, 6, 20: *Iustoque vincit exemplum impetum*; nempe quia poena propter exemplum est necessaria. Gell. N. A. VI, 14.

Est via declivis, funesta nubila taxo;
 Ducit ad infernas per muta silentia sedes.
 Styx nebulas exhalat iners; umbraeque recentes
 Descendunt illac, simulacraque functa sepulcris. 435
 Pallor, Hiemsque tenent late loca senta; novique,
 Qua sit iter, manes, Stygiam quod ducit ad urbem,
 Ignorant; ubi sit nigri fera regia Ditis.

432. *Est via declivis etc.*) Iuno, ut II, 509, auxilii petendi causa in aequora, sic nunc ad inferos descendit. Sedebat enim ei tunc quoque sententia: Superos si flectere nequeo, Acheronta movebo. Voluisse autem Ovidium inferorum quoque descriptionem operi suo inscribere, non mirum videri debet. Sed pro consilio paucis defunctus est, neque adeo satis distinctis Erchi partes, quod fecit Virg. Aen. VI; Cf. idem Georg. IV, 469 sqq.; Col. 218; Tibul. I, 3, 65; Silius XIII, 526; Senec. Herc. Fur. 689. — *Niam* illam arboribus constam finxit, partim caliginis efficiendae causa, partim propter luci Averni faciem, per quem et ipsum aditus ad inferos. In hunc usum in primis apta *taxus*, arbor in Arcadia, Gallia et Germania olim frequens, veneni praesentissimi. Dioscorid. IV, 75; Iul. Caes. B. G. VI, 31. Hinc *funesta*, quae funera facit, letifera. Burmannus mallet *quae moesta*. Huius arboris umbra via ad inferos reddebatur *nubila*, obscura, tristis, metaphora a coelo nubibus obducto petita, ut XIV, 514, *nostra nubila silva*. — *Ducit*. Deest *quae*, ut I, 169. Non igitur erat, cur form. verbum super. tentaret. — *muta*, alta. Alibi *taciturne silentia*; vide ad II, 66.

434. *Styx* non obicitur nobis in ipso aditu; est enim intimus fluviorum infernalium; sed *nebulae* tantum

eius commemorantur, late illae sparsae. — *iners* egregie pingit lenta Stygis fluentia. *Styx* enim, limo plenus et turbidus, tarde aquas suas volvit, paludique similior est, quam fluvio. Horat. II, Od. 14, 17: *flumine languido Coeytos errans*. Noster IV, Pont. 10, 61, *pigra palus*. — *recentes*, quae modo exceaserunt corpore, mox *novi manes*. — *simulacra*, *σίδωλα*, corpora illa vana, de quibus ad versum 443. — *functa sepulcris*, *sepulta* et *humata*. *Manes sepultos*, Virgil. Aeneid. IV, 34. Inhumatis non licebat transire Stygem.

436. *Pallor, Hiemsque*) Virg. etiam Luctum, Curas, Morbos eo collocat. *Pallida regna inferorum*, Aen. VIII, 244. — *loca senta*, inculta, et aspera, in quibus *novi*, adeoque regionis illius ignari, *manes* vix iter investigare possunt, quod ducit, etc. — *Qua sit iter*. Heiusius coniecit *qua fit iter*, et delet *versam* sequentem, ut hoc dicatur, iter totum obsideri a novis manibus. Burmannus contra monet, vocabulum *novi* postalare sequentia. — Codices nostri Regii habent vulgatum. LEM. — Luxuriat ingenium Ovidii, aequae tamen versas 438 debebat induci ab Heiusio. — *Stygia urbs*, sedes inferorum ad Stygem, quae quum habeat muros, portas, regionem, forum, recte dicitur *urbs*. — *nigri fera regia Ditis*, II, Epist. 72, *nigri regia caeca Dei*; Virg. Aen. VI, 127, *atri ionna*

Mille capax aditus, et apertas undique portas
 Vrbs habet: utque fretum de tota flumina terra, 440
 Sic omnes animas locus accipit ille; nec ulli
 Exiguus populo est, turbamve accedere sentit.
 Errant exsangues sine corpore et ossibus umbrae;
 Parsque forum celebrant, pars imi tecta tyranni;
 Pars alias artes, antiquae imitamina vitae. 445
 Sustinet ire illuc, coelesti sede relictā,
 Tantum odiis iraeque dabat! Saturnia Iuno.
 Quo simul intravit, sacroque a corpore pressum
 Ingemuit limen; tria Cerberus extulit ora,

Ditis. Omnia, quae ad Plutonem inferosque pertinent, *nigra* et *atra*. Horat. I, Od. 24, 18, *niger grex* de manibus. — *capax*, ὄρεσις; πολυδίκτης et πλεονέκτης. Non male capacitas illa illustratur similitudine, quae etiam VIII, 835, legitur. — *apertas*. Virg. Aen. VI, 127: *Noctes atque dies patet atri ianua Ditis*. — *locus accipit ille*. Nam omnes eodem cogimur. Virg. Aen. II, 716: *Hanc ex diverso sedem veniens in unam*. — *turbamve*. Codex Regius A, *nec turbam*, quae lectio non iniucunda.

443. *Errant exsangues*) Ex opinione Veterum, animae, deposito hoc corpore terrestri, umbratice quodam et tenui indutae incedunt, quod carnet et sanguine et corpore, i. e. carne, et ossibus. Homer. Od. A, 218. Maxime *exsangues* dicuntur, quoniam in sanguine vita est.

444. *Parsque forum etc.*) De negotiis humanum. Frequentes congregantur alii in foro, alii in regia Plutonis; illi litigandi causa (IV Trist. 10, 88), hi salutatum veniunt, more romano. Apud Homerum, in Od. A, 567 sqq., umbræ ad Minos tribunal causas agunt, et Orion pergit feras agitare

in retia. Etiam Plato Rep. lib. X, pag. 620, fingit animas defunctorum eadem, quae in priore vita tractassent, probare studia. Confer et Virg. Aeneid. VI, 651 sqq. — *imius tyrannus*, rex inferorum. Hor. I, Od. 10, 19; *Superis Deorum gratus et imis*.

445. *Pars alias artes*) Codices nostri Regii male habent *Pars aliquas artes*. LEM. — Alii, *alias artes*, repetere celebrant, id est, exercent, idque faciunt ad imitationem. — *antiquae*, pristinae, prioris, *vitae*. — Non dubito, cum Schirachio, quin reddendus Nostro sit versus ab Heinio et Burmanno cieclus, *Exercent. Aliam partem sua poena coercet*. Nam primum affirmat quidem Heinio se id fecisse auctoritate optimorum Codicum, verum non nominat illos Codices. Deinde plenior fit sensus servato hoc versu. *Coercet*, castigat, *sua*, propria et merita poena. — *sustinet*, quae inviti facimus. — *dare*, inseruire.

449. *Ingemuit dedit* Burmannus ex MSS. Vulgo, *intremuit* aut *contremuit*. Codex Regius B habet *ingemuit*; Codex A, *intremuit*. — *Ingemuit*, crepuit. *Gemitus*, omnis sonus, quem

Et tres latratus simul edidit: illa sorores 450
 Nocte vocat genitas, grave et implacabile numen.
 Carceris ante fores clausas adamante sedebant;
 Deque suis atros pectebant crinibus angues:
 Quam simul agnorum inter caliginis umbras,
 Surrexere Deae: sedes scelerata vocatur. 455
 Viscera praebebat Tityos lanianda; novemque
 Iugeribus distentus erat: tibi, Tantale, nullae

res inanimatae dant, dum calcantur, pulsantur, franguntur. — *Cerberus* hic ante fores, ut Tibul. I, 3, 71, ad exemplum prisca aevi, ubi maximi canes ad regiarum aedium fores excubias agebant. Apud Virgilium, versa 417, trans Acherontem antrum habet, unde *latratu trijuncti personat*. — *Et tres* etc. Commode laudatur a Barmanno; Lucianus, in Hermotimo: *Καὶ τρεῖς τρεῖς ἄμα ἔπειτα*.

451. Nox Furiis uno partu edidit. — *grave*, noxium et saeviens. — *implacabile*, quod non sinit se exorari: *ἀπειλήχον ἥτορ ἔχουσιν*. Homer. II, 1, 568. — *numen* collective de tribus. — *Carceris*, tartari, quo detinentur scelerati. — *ante fores*, ubi earum sedes: vid. Heyn. ad Aeneid. VI, 280. — *Adamante*, ferro, ferreis claustris. Nam *ἀδάμας* proprie de ferro. III Fast. 805, *ex adamante securis*. Quidquid durum et satis munitum est, adamantinum Graecis et Latinis dicitur: vide Graev. ad Hesiod. Scut. vs. 136. — *pectebant*. Codex Regius B, *spectabant*; et supra, ab alia manu, *pectebant*; hoc solum accipiendum. LEN. Furiae temporis fallendi causa angues, quos pro crinibus, aut crinibus implexos (Virg. Georg. IV, 481) habebant; *pectebant*, ut solent otiosae crines curare. II, 12. Foeda imago.

454. *Quam* — *umbras*) ut Aeneas

Didonem Virgil. VI, 452, ubi *caliginis* illius ratio describitur. — *Surrexere* in honorem advenientis Dene. — *sedes scelerata*. Virgil. Aen. VI, 563, *sceleratum linen*; Tibul. *At scelerata iacet sedes in nocte profunda*.

(56. *Viscera praebebat* etc.) De poenis infernalibus. Fons et fuudus harum fabularum est Homeri Od. A, 575 sqq.; Conf. Noster ibid. 175 sqq. Lucret. III, 995 sqq., de vivis haec capienda esse monet, ut Tantalus sit imago hominis superstitiosi, Tityos libidinosi; Sisyphus hominem designet, qui imperia frustra ambiat; per Furiis autem intelligendam esse impiorum conscientiam. — *Tityos*, Terrae filius, qui vim intulerat Latonae Iovis pellicae, in tartara detentus *viscera*, iecur, *lanianda*, devoranda, *praebebat* duobus vulturibus. Iacebat autem humi prostratus, vastumque eius corpus novem iugerum spatium implebat.

457. *distentus* τὸ *distractus* Hein-sius praetulit e primo Mediceo, Arondeliano et duobus aliis. Probaveram iam Const. Fan. ex MSS. nonnullis. — Codices nostri Regii, *distractus*. — *Distendi*, verbum elegans, quod de longo agrorum tractu proprie usurpatum, hic ad amplitudinem corporis declarandum translatum est. Virgil. et Tibul. in hac re, *porrigi*. Heyne ibi

Deprenduntur aquae; quaeque imminet, effugit arbor :
 Aut petis, aut urges ruiturum, Sisyphæ, saxum:
 Volvitur Ixion, et se sequiturque fugitque: 460
 Molirique suis letum patruelibus ausae,
 Adsidue repetunt, quas perdant, Belides undas.
 Quos omnes acie postquam Saturnia torva
 Vidit, et ante omnes Ixiona; rursus ab illo
 Sisyphon adspiciens; « Cur hic e fratribus, inquit, 465
 Perpetuas patitur poenas? Athamanta superbam
 Regia dives habet, qui me cum coniuge semper
 Sprevit? et exponit causas odii que viaeque;
 Quidque velit: quod vellet, erat, ne regia Cadmi
 Staret; et in facinus traherent Athamanta sorores. 480

libro *Antiq. Aust.* I, pag. 56, monet, Tityon fuisse heron, cuius bustum magno fuerit ambitu, et ad quod vultures versati sint. — *Tantalus*, Iovis filius, sive quia Iovis arceon coenaverat, sive quia Diis apud se coenantibus Pelopem filium coctum apposuerat, in inferno est, quae hic attingitur, poenam luit. — *deprenduntur*. Gebhard. Crep. II, 16, emendat *depraedantur*. — Codices nostri Regii, *deprenduntur*.

459. *urges*, pro volvis, magnam indicat vim, qua nititur contra onus. Infra XIII, 26, *saxum grave Sisyphon urget*. — *ruiturum*, eleganter, quod ubi montis cacumen attingit, e manibus elapsura in vallem redigitur, denovo volvendum. Codex Regius B habet *rediturum*; nescio annon haec lectio sit praestantior; nam saxum quod Sisyphus urgebat, non modo *rucebat*, sed et continuo *ibat* et *redibat*, unde, adversante etiam doctissimo Gierig, nostri Codici *rediturum* praeferimus. LEM. — *Sisyphus*, rex Corinthi, astutia et lacerationis insignis. 460. *Ixion*, rex Thesaliae. — *se*

sequitur fugitque, argute de eo, qui ad rotam alligatus assidue volvitur. Similiter ib. 175, argute de Sisypho *saxum volvensque petensque*.

462. *repetere* nunc est, saepe petere, quod docuit Gronov. ad Senec. Oed. 61, et ad Herc. Fur. 770. — *Belides*, quinquaginta filiae Danaï, nepotes Beli. Danaï frater fuit Aegyptus, qui totidem habuit filios, quos matrimonio sibi iunctos trucidarunt Belides.

464. *ante omnes Ixiona* nam is Iunoni vim inferre volnerat; illa vero nubem ei obiecit, quaecum coitit. Hinc intellige, IX, 123. — *e fratribus*, nam Athamanta frater Sisyphi erat. — *superbum*, insolentem in ipsos Deos. — *Regia eum habet*, habitat in regia. — *dives*, magnifica, egregie instructa. Commodè autem a *Sisypho* transitus fit ad itineris consilium.

469. *quod vellet* Codex Regius B, *quid*. — *ne regia Cadmi domus*, e qua Ino, floreret. — *stant* quae dignitatem et fortunas suam tuerentur. — *sorores*, Furiae: vide Heinsium.

Imperium, promissa, preces confundit in unum,
 Sollicitatque Deas. Sic haec Iunone loquuta,
 Tisiphone canos, ut erat turbata, capillos
 Movit, et obstantes reiecit ab ore colubras.
 Atque ita, « Non longis opus est ambagibus, infit. 473
 Facta puta, quaecumque iubes: inamabile regnum
 Desere; teque refer coeli melioris ad auras. »

Laeta redit Iuno; quam coelum intrare parantem
 Roratis lustravit aquis Thaumantias Iris.
 Nee mora; Tisiphone madefactam sanguine sumit 480
 Importuna facem; fluidoque cruore rubentem
 Induitur pallam; tortoque incingitur angue;
 Egrediturque domo. Luctus comitantur euntem,
 Et Pavor, et Terror, trepidoque Iusavia vultu.

— confundere, plura simul proficere aut agere. Sic et *miscere*. Plin. V, Epist. 8, 11: *ut dissimilia confundam misceremque*.

473. *Tisiphone canos, ut erat*) Codex Regius, mendosa transpositione, propter metrum, *Tisiphone ut erat canos*. L&M. — *turbata*, quippe petendo capillos in os dependentes occupata. De formula *ut erat turbata*, vide ad II, 272; Tibul. I, 3, 91, ad puellam, *qualis eris, longos turbata capillos*. — *obstantes*, super os dependentes. — *reiecit ab ore colubras*. Codex A ita dat, *colubras reiecit ab ore*; nihil refert, nisi quod minus suavis et grata lectio. L&M. — *reiecit*, in tergum proiecit. Imitatus est Claudian. in Rufin. I, 42: *Alecto — obstantes in torquem repulit angues*. — *atque ita* etc. Alias Dii minores aliquid facere iussi non respondent, sed statim exsequuntur mandata. Ab hac lege recedit Tisiphone. — *infit e* secundo Palatino, pro *inquit*, Heinsius iurexil. Codices nostri Regii, *inquit*.

— *inamabile*, ἀνίπατον, ἀτίμητον, detestabile, odiosum. Virgil. Georg. IV, 479, *palus inamabilis*.

479. *Iris*, Thaumantis filia, Iunonem ex inferno redeuntem lustrat, id est purgat, aquis suis. Cornibus enim suis aquam haurire credebatur. I, 271. — *roratis aquis*, rore, aqua quatenus infunditur: vide ad I, 371,

480. *Nec mora; Tisiphone madefactam* etc. In omni hoc loco usque ad versum 510, concertavit cum Virgilio Aeneid. VII, 341 sqq.; et vide, quam tacitam atque abominabilem Furiam ingenium eius nobis exhibeat. Apud Virgil. Alecto non nisi Gorgoneis infecto venenis, id est, anguibus, iter ingreditur. — *Importuna, saeva*. — *pallam ercentam* Tisiphoni dat etiam Virgilius Aeneid. VI, 555: quemadmodum Homer. II, 538, Discordine et Tumultui, εἴη δ' ἀπαρτίων αἰματὶ πῶτόν. — *tortoque — angue*. Sic nostri Regii; Heinsius, teste Gierig, malebat *tortum anguem*. — *incingitur*, cingitur. — *comitan-*

Limine constiterat: postes tremuisse feruntur 485
 Aeolii; pallorque fores infecit acernas;
 Solque locum fugit: monstris exterrita coniux,
 Territus est Athamas; tectoque exire parabant.
 Obstitit infelix, aditumque obsedit Erinnyis;
 Nexaque vipereis distendens brachia nodis, 490
 Caesuriem excussit: motae sonuere colubrae;
 Parsque iacent humeris; pars circum tempora lapsae
 Sibila dant, sanienque vomunt, linguasque coruscant.

tur. Nostri Codices Regii comitatur, sine lineola; prior lectio, quam praetulit Heinaius, servanda est. LXX. — Apud Virgilium, Aeneid. VII, 345, Alecto curae sunt bella, insidiae, frae, sed hoc loco in comitatu eius, tanquam personae, res, quas efficiunt Furiae, *Luctus*, *Pavor* etc. Sic Homer. II. Δ, 439; O, 119, *Pavor* et *Terror* personae sunt, quae comitantur Martem. Conf. Claudian. XXVIII, 322. — Ad insaniae naturam additum *trepido vultu*.

485. *postes tremuisse*) Tremor signum advenientium Deorum; IX, 782: *et templi tremuere fores*. — *postes Aeolii*, regiae quam habebat Athamas, filius Aeoli. — *acernas*. Duo veteres et nostri Regii, *eburnas*. — *acerna* ligna non adeo vilia erant, ut Burmannus sibi persuaserat, qui praefert hoc loco *eburnas*. *Acernae mensae*, quibus Plin. XVI, 15, primam post citreas gloriam tribuit, in suppellectile regum et beatissimorum hominum commemorantur a Nostro XII, 154, et ab Horat. II, Sermon. 8, 10. Itaque praeis illis et a luxu remotis temporibus solia adeo regum flebant ex hoc ligno. III Fast. 359, *acernum Numa solium*. Excellentissimum aceris genus est flavum et crispo macularum discursu.

487. *Sidera fugere*, id est, se nubibus tegere, finguntur, quando res abominabilis geritur, ne adpectu eius offendantur. X, 448. — *monstra*, Furia, Luctus, etc. — *exterrita*, consternata et mente deiecta. Verbum proprium de iis, qui monstris et furis terrentur; vid. Heynius ad Virgil. Aeneid. IV, 450, et Georg. III, 434. Burmannus, ad Phaedr. III, fab. 3, monet, summa cum iudicii elegantia Poëtam maiorem dedisse feminae terrorem, quam viro, qui constantiores esse soleant: verb. enim *terreri* minus significare arguitur. Saepè Ovid. repetit simplex, ubi compositum processit: I, 158; IX, 503. — Codices nostri Regii habent *est territa*; quam lectionem, etiamsi adversa opinio sit Burmanni et Gierig, potiorè iudico et melius ingenio Ovidiano consentaneam: nempe huiusmodi repetitio, *monstris est territa coniux*, *Territus est Athamas*, non rara certe apud Nostrem. LXX. — *Nexaque vipereis* etc. Brachia circumligata viperis et capite dependentibus, ita, ut illae *nexus* et *nodos* facerent. — *excussit*, movit; itaque substituitur *motae*. Illa autem excussio signum irae I, 179. Iam sequitur horrenda imago.

493. *sanien*) *Sanies* de omni hu-

Inde duos mediis abrumpit crinibus angues.
 Pestiferaque manu raptos immisit: at illi
 Inosque sinus, Athamanteosque pererrant;
 Inspirantque graves animas: nec vulnera membris
 Vlla ferunt; mens est, quae diros sentiat ictus.
 Attulerat secum liquidi quoque monstra veneni,
 Oris Cerberei spumas, et virus Echidnae;
 Erroresque vagos, caecaeque obliviae mentis,
 Et scelus, et lacrymas, rabiemque, et caedis amorem;
 Omnia trita simul; quae sanguine mixta recenti
 Coxerat aere cavo, viridi versata cicuta:
 Dumque pavent illi, vertit furiale venenum
 Pectus in amborum; praecordiaque intima movit.
 Tum face iactata per eundem saepius orbem,

more vel corrupto, vel foedo, nominatum de veneno. Virgil. Aen. II, 221. — *linguasque*. Nostri Regii *linguisque*.

494. *Inde duos mediis* etc.) Haec sumpta e Virgilio Aen. VII, 346-356, ubi res copiosius tractata et nonnulla iisdem verbis expressa. — Nonnulli habent *duas* — *raptas* — *at illas*. Saepè *anguis* et *serpens* genere feminino capitur. Vid. Heinsius ad hunc locum, et Burmannus ad I, 438. — Nostri Regii masculinum habent *duos* — *raptos* — *at illi*, ut supra versu 363. Codex Regius A, *pendens caput ille*, et idem infra 510, *sumtum* — *anguem*. LEM. — *graves animas*, pestiferum halitum. Virg. d. I. 351: *viperam inspirans animam*. — *vulnera ferre*, infligere. — *membris*, corpori. — *diros, saevos*. Proprie Furiae dicuntur *Dirae*, Apai.

499. *monstra veneni*) horrendum venenum. — *Echidna*, Chrysaoris filia, peperit Cerberum. — *Errores*

vagi, deliria; *venena*, quae efficiunt errores, scelus, rabiem, etc. Haec mixturam debemus ingenio Ovidii. Similis tamen phantasia apud alios, ut Virgil. Aeneid. VIII, 431, ubi Cyclopes Iovis fulminibus admiscent sonitum, metum, iram. — *caeca*, perturbata, nam ratio et memoria in furiosis sopiuntur. LEM.

503. *sanguine mixta*) Multi ex melioribus, et sic quidem nostri Regii, *tincta*, pro *mixta*. — *cicuta*, calamus istius plantae tripedalis. Eo nititur loco instrumenti ad miscenda venena. Similem praeparationem vid. VII, 262 sqq., ubi Medea *arenti ramo olivae* sic nititur. Etiam sqq. e Virg. 374 expressa, *penitusque in viscera lapsam Serpentis furiale malum*, totamque pererrat. — *vertit* Gronov. Obs. II, pag. 204, mutat in *vergit*, nempe Furia, quod eorum habebat. Eandem mutationem habet Graevius; sed Codices nostri Regii servant *vertit*. LEM. — Vocabul. *furiale* frequentat Ovidius.

Consequitur motos velociter ignibus ignes.
 Sic victrix, iussique potens, ad inania magni
 Regna redit Ditis, sumtumque recingitur anguem. 510
 Protinus Aeolides media furibundus in aula
 Clamat: « Io! comites, his relia tendite silvis:
 Hic modo cum gemina visa est mihi prole laeena. »
 Utque ferae, sequitur vestigia coniugis amens,
 Deque sinu matris ridentem, et parva Learchum 515
 Brachia tendentem, rapit, et bis terque per auras
 More rotat fundae; rigidoque infantia saxo
 Disculit ossa ferox: tum denique concita mater,
 Seu dolor hoc fecit, seu sparsi causa veneni,

508. *Consequitur* etc.) Versus difficilis, qui valde torsit ingenia Intt. Accursius emendabat *motis velociter ignibus ignes*, id est, rotata face et commotis eius ignibus ignes consequitur. X, 7: *nullusque invenit motibus ignes*. Lenzius putat, voc. *ignis* duplici sensu positum esse, ita ut *moti ignes* sint interui ignes veneno effecti, quos Furia *ignibus*, inelatione facis, magis excitaverit. Me vero non poenitet amplecti interpretationem viri docti in Bibliotheca Tigur. ex qua orbis ille continuus, quem ignes celeriter moti in aëre faciebant, oculis subicitur. Propter celeritatem motus scintillae se videbantur attingere et continuum orbem facere, quemadmodum pruna in tenebris celeriter circumacta circulum ignitum oculis obicit. Similiter apud Claudianum, R. P. II, 25, hasta quam Minerva in gyrum movet, *instar silvae habet*, quia hasta celeri motu quasi multiplicatur. Ingeniose quidem illum orbem notavit, sed alieno loco.

509. *iussi potens*) postquam effecerat, quod ipsi iussum erat. Sic *voti potens*, de quo ad vs. 325. — *inania*,

in quibus non nisi inanes umbrae versantur. Virgil. Aen. VI, 269: *Perpue domos Ditis vacuas, et inania regna. — recingitur*; domi mulieres sedebant disinctae.

511. *Protinus Aeolides* etc.) Iam ad fab. ipsam redit. Hygin. fab. 4, ex Euripide narrat, in venatione filium ab Athamante esse interfectum. Apud Apollodorum, filium pro cerro habet. A Nostro Fast. d. I. *imago falsa* tantum commemoratur. *Learchi* caedes apte et ad commiserationis et ad horrois sensum narrata.

518. *ossa pro ora* e Cantabr. et altero Erfurt. recepit Heinsius. — *Nostri Regii* habent *ora*. — *tum*. Codex Regius B habet *cum*. — *concita*, in furorem adacta.

519. *sparsi causa veneni*) Tanaq. Faber coniecit *sparsa laeena veneno est*, aut, *sparsum causa venenum est*. — *Nostri Regii* habent *vulgatam*. Haec lectio dura visa est nonnullis. Locum esse sanum credo cum Burmanno; sed paulo subtilius ille sensum repetit a scitis philosophorum, qui *causam* et *materiam* distinxerint, ut *causa* esset operatio divina, *venenum materia*.

Exululat; passisque fugitis male sana capillis; 530
Teque ferens parvum nudis, Melicerta, lacertis,
Evoë, Bacche! sonat. Bacchi sub nomine Iuno
Risit: et, « Hos usus praestat tibi, dixit, alumnus. »

Imminet aequoribus scopulus; pars ima cavatur
Fluctibus, et tectas defendit ab imbris undas: 535
Summa riget, frontemque in apertum porrigit aequor.
Occupat hunc, vires insania fecerat, Ino;
Seque super pontum, nullo tardata timore,
Mittit, onusque suum: percussa recanduit unda.

Imo *causa veneni* videtur esse venenum ipsum, quatenus causa erat istius furoris. Similiter II, 836. *causa amoris*. Lenz. *causam* explicat auctorem, ut Furia intelligatur. Idem dubitat, an hic versus profectus sit ab Ovidio, quia causa furoris dubia esse non potuerit. Apparet tamen, quid auctor sequutus sit his verbis. Nempe indicare voluit, atrocium istius facinoris tantam fuisse, ut vel solus matris dolor sine veneno accepto furorem efficere potuerit. — *Exululat* etc. Bacchari incipit, quemadmodum et alibi furiosae Bacchis assimilantur. — *passisque*. Codices nostri male, *sparsis*. LEM. Hinc comode sarcasmus a Iunone adhibetur. — *sonat*, clamat. — *sub nomine*, audito nomine. III, 245, sic ad nomen. — *hos usus*. Heinsius coniecit hos *usus*, aut *thyasos*. Duo MSS. *fructus*. Voss, *ritus*. Barmannus, propter V, 111, censet non mutandum *usus*. Et hoc quidem habet nostri Regii. — *Faus* possis mercedem pro tuis in eum meritis interpretari. Malim tamen *hos usus* legere. *Lusus Bacchantium* dixit Curtius IX, 10, 25. — *praestat*, pro praestet, revocavi ex quo Heinsii, uno Leid. et uno Voss., et placuerat iam Heinsio.

524. *Imminet aequoribus* etc.) Hanc fabulae partem, quae ad Iou et Melicertum pertinet, Noster Pastor. VI, 493–550, non modo copiosius retulit, sed etiam, ut Matulam et Portunum Romanorum inde efficeret, longo aliter. Ino cuius filio natus in Italia, ibi iucidit in Baechus, a quarum furore Hirculis interventus liberatur, et e vaticinio Carmentis naturam indidit divinum, — *scopulus*, Moluris nomine, unus ex Scirrae, qui certe consecratus fuit Lencothoe et Palaemoni: vid. Pausan. Attic. pag. 108. Apud Lucianum D. M. 9, Iao ab Athamante ex summo Cithaerone, ubi protenditur ad mare, fugatur in pelagus. — *tectas defendit*, e copia poetica, defendit. — *imbris*, tempestates. Virg. Aeneid. I, 163, *scopuli, quorum sub vertice late aequora tata silent*. E tali autem scopulo facilis saltus in mare. — *onus suum*. Secundum Apollod. hunc filium suum mortuum gestabat, coniectum nempe in ferventem lebetis aquam. Etiam apud Enripid. Med. 1286, cecidit in eam et propter impiam liberorum caedem, ubi vid. Schol. — De spuma alibi usurpatur *albescere*. Plin. V, Ep. 6, 24: *ex edito desiliens aqua albescit*.

At Venus immeritae neptis miserata labores, 530
 Sic patruo blandita suo est: « O numen aquarum,
 Proxima cui coelo cessit, Neptune, potestas;
 Magna quidem posco; sed tu miserere meorum,
 Iactari quos cernis in Ionio immenso;
 Et Dīs adde tuis: aliqua et mihi gratia ponto est; 535
 Si tamen in dio quondam concreta profundo
 Spuma fui, Graiumque manet mihi nomen ab illa.»
 Adnuī oranti Neptunus; et abstulit illis
 Quod mortale fuit, maiestatemque verendam
 Imposuit; nomenque simul faciemque novavit; 540
 Leucotheeque Deum cum matre Palaemonia dixit.

Sed et verba *incandescere* et *recondescere* eodem sensu poni, docet Schwarz. ad Plin. Pan. 30, 3.

530. *At Venus immeritae* etc.) Quoniam Ino Veneris ex Harmonia neptis, propterea haec et fictiove Ovidii intercedit. Apud Lucianum, dicto loco, Neptunus sponte, in Bacchi gratiam, iis divinitatem tribuit. *Immeritae*, insontis, quae talem sortem non meruerat. — *labores*, miseram sortem, angorem animi, ex inania artem. — *meorum*. Valican. prim. Hamburg. et pro diversa lectione Arond. *tuorum*, quod Heinsius efficacius putabat. Pro his duobus lectionibus, Codex noster Regius B habet *neptum*; non ingrate, nam et Ino et Melicerta erant nepotes Neptuni. Etenim. — *Iactari* ventis et undis nautae alias dicuntur. — *Ionium* absolute dicitur, etiam ubi *immensum* aut *magnum* additur. Verum Moluris, pars montis Gersinae in finibus Megaridis, imminet non Ionio, sed sinui Saronico. Itaque aut *Ionium* alio sensu posuit (Schol. Enripid. ad Phoen. II, 6), aut alios auctores sequutus est. — *mihi*; Codex Regius A, *mea*.

536. *Si tamen in dio* etc.) Circa Saturni genitalia in mare projecta orta est spuma (ἀπρός) alba, unde Venus (Ἀφροδίτη, Ἀφρογενής) prodit. Hesiod. Theog. 188–200. Sic hic mythus grave momentum in his precibus ministrat. — *concreta*. Hesiod. ἐθέλην, pro ἐπύλην. — *profundum dium*, εὖς δῖα; dius, divinus, post Lucret. dixerunt multi. Et dium vocatur mare propter vastitatem. — Hein-sius e Florentino S. Marci recepit, pro *dio*, *medio*; quod quidem habent nostri Regii.

539. *novestas verenda*, ipso divinitas, et imponit exquisitius, quam desit. IX, 268: *Vbi mortales Tiry-nthius Exuit artus* — *Coepit* — *augusta fieri gravitate verendus*. — *nomen* iis, secundum Apollodorum, a nautis impositum, quibus cum tempestale luctantibus opem ferunt. Meminit huius Deae iam Homer. Od. E, 333 ωργ.: Κάθμου θυγάτηρ, καλλίσφυρος Ἰωῖο, Ἀντιόχῃ, ἣ πρὶν μὲν ἐν βορρῇ etc. Leucothea Latini *Matrem Matutam*, Palaemonia *Portunum* dixerunt: vid. Munke. ad Hygin. fab. 2. Caeterum hanc Inus

Sidoniae comites, quantum valuere, sequutae
 Signa pedum, primo videre novissima saxo:
 Nec dubium de morte ratae, Cadmeida palnis
 Deplanxere domum, scissae cum veste capillos: 545
 Utque parum iustae, nimiumque in pellice saevae,
 Invidiam fecere Deae: convicia luno
 Non tulit; et, « Faciam vos ipsas maxima, dixit,
 Saevitiae monumenta meae. » Res dicta sequuta est:
 Nam quae praecipue fuerat pia, « Prosequar, inquit, 550
 In freta reginam; » saltumque datura, moveri
 Haud usquam potuit; scopuloque adfixa cohaesit.
 Altera, dum solito tentat plangore ferire
 Pectora, tentatos sentit riguisse lacertos.
 Illa, manus ut forte tetenderat in maris undas, 555
 Saxea facta manus in easdem porrigit undas;
 Huius, ut adreptum laniabat vertice crinem,
 Duratos subito digitos in crine videres.
 Quo quaeque in gestu deprenditur, haesit in illo.
 Pars volucres factae; quae nunc quoque gurgite in illo 560

transformationem cecinit etiam Ram-
 lerus carmine elegantissimo.

542. *Sidoniae comites* etc.) Hanc
 appendiculum caeteri non habent, et
 adiecta videtur ab ipso Ovidio. Quam
 ut comites mutandae essent, facilis
 erat inventio. In litoribus enim et
 saxa esse et aves commorari solent.
Sidoniae, mox *Iemenides*. — *Deplan-*
xere, scilicet se, propter domum. Ita
 apud Graecos, *τὸ πλῆθος*, *πέπτεσθαι*,
τὸ πτεσθαι τινά, se, sua pectora, tun-
 dere propter aliquem. Tibul. I, 7
 28, *plangere Menphitem bovem*, ubi
 vid. Heynium in Obs. — *Invidiam*
fecere, conviciis et obiurgationibus de
 fama eius detraxerunt, odium ei con-
 ciliarunt.

550. *Nam quae praecipue* etc.) Quo-

niam in saxis partes memorabiles nul-
 lae (ut has quoque transformationes
 cum varietate aliqua et copia referro
 posset, *gestus* diversos notavit, in
 quibus comites deprehensae sint; in
 quo et ipso ingenium antiquioris se-
 quutus est. Vide ad V, 182. — *Pro-*
sequar, pro *persequar*, hic quoque,
 ut vers. 151, octo MSS. auctoritate
 dedi.

554. *tentatos*) Burmannus mallet
tentanti. Nostri Regii habent *tentatos*.
 — *Illae, manus* etc. Hi numeri Hein-
 sio non videbantur Nasoniani; corri-
 gebat ergo: *In maris illa manus ut*
forte tetenderat undas. Ex Codicibus
 nostris nihil mutavimus. LEN.

560. *in illo*) Hirsinius coniecit
in alto. Ex nostris Regii, *ilto*. — *In*

Aequora destringunt summis Ismenides alis.

III. Nescit Agenorides natam, parvumque nepotem
Aequoris esse Deos: luctu serieque malorum
Victus, et ostentis, quae plurima viderat, exit
Conditor urbe sua; tanquam fortuna locorum, 565
Non sua se premeret; longisque erratibus actus,
Contigit Illyricos profuga cum coniuge fines.
Iamque malis amisque graves, dum prima retractant
Fata domus, releguntque suos sermone labores;
« Num sacer ille mea traiectus cuspide serpens, 570
Cadmus ait, fuerit tum, quum Sidone protectus

versa sequenti revocavi antiquiorem
lectionem *summis*, quum Heinsius
suntis correxisset. Illud enim bene
convenit voc. *destringunt*. Non merguntur illae aves, sed *summis* tantum
alis destringunt, radunt superficiem
maris. Supra vs. 136: *aequor exigua*
quum summum stringitur aura. XI,
733: *Stringebat summas ales misera-*
bilis undas.

562-602. *Nescit Agenorides natum*
etc. Cadmus, Thebis relictis, ad Eu-
cheleas fugit, in quibus, monente
oraculo, primum dux contra Illyricos,
mox rex creatur. Apollod. III, 5, 4;
Pausan. Boeot. pag. 719; Strabo VII,
pag. 503. Sed apud Mithicos ad ex-
tremum mutatur in draconem. Eurip.
Bacch. vs. 1328 sqq.; Hygin. fab. 6;
Apollon. IV, 517; Nonni Dionys.
lib. XLIV. Atque ita eventum habuit
oraculum supra III, 98, ei datum.
Aut etymologia hanc fab. peperit,
quia Cadmus ad *Εγχεδαίς* confugit,
aut symbolica quaedam imago, de
qua ad vs. 602. — *Nescit*, unde so-
latium capere potuisset in *luctu*, — *ae-*
ries illa *malorum* in superioribus nar-
rata, inde a III, 138. — *malorum*;
plurimi, inter quos noster Regius B,

laborum; non male, et forte elegan-
tius. — *Victus*, fractus animus, — *osten-*
tis, quae futura etiam mala porten-
debant. A Baecho ei apud Euripidem
praedicatur *ὄχλος μέγας*. — *exit*,
immo eiectus est, vel quod Bacchum
contemserat, Euripid. d. I. vel ab Aus-
pione et Zetho, Syncel. pag. 157.
Etiam *Io-is* *Fortuna* quaedam praer-
erat, eorumque fata regibat. Confer
VII, 576; X, 335, ibique notam. —
premeret, vexaret. — *erratibus*, erro-
ribus, nove dictum. Erravit autem
per Macedoniam et Epirum. Apollo-
dorus.

568. *Iamque*) Nempe postquam
aliquandiu regnavent ibi, filiumque
Illyricum genuerat; confer Apollod.
— *graves*, defatigati. Etiam graec.
ἐμπεσθεὶς βεβήκασι. Horat. I, Sat.
1, 4, miles *annus gravis*. — *retractant*,
memoria et sermone repetunt. VII,
714. Eodem redit *relegere*; nam qui
relegit iter, is eundem, qua venerat,
via redit.

570. *sacer*) Marti erat consecratus,
adeoque inviolabilis. Hinc Cadmus
Martis ira transformatus exhibetur.
Hygin. fab. 6. Dubitat autem Cadmus
de eo, quod dubium ei esse non po-

Vipereos sparsi per humum, nova semina, dentes?
 Quem si cura Deum tam certa vindicat ira,
 Ipse precor serpens in longam porrigar alvum.
 Dixit; et, ut serpens, in longam tenditur alvum; 575
 Durataeque cuti squamas increscere sentit,
 Nigraque caeruleis variari corpora guttis:
 In pectusque cadit pronus; commissaque in unum
 Paulatim tereti sinuantur acumine crura.
 Brachia iam restant: quae restant, brachia tendit; 580
 Et lacrymis per adhuc humana fluentibus ora,
 « Accede, o coniux, accede, miserrima, dixit;
 Dumque aliquid superest de me, me tange; manumque
 Accipe, dum manus est; dum non totum occupat anguis.»
 Ille quidem vult plura loqui; sed lingua repente 585
 In partes est fissa duas: nec verba volenti
 Sufficiunt; quotiesque aliquos parat edere questus,
 Sibilat: hanc illi vocem Natura relinquit.
 Nuda manu feriens exclamat pectora coniux,
 « Cadme, mane; teque his infelix exue monstria, 590

terat, et quod nec Penithea latebat.
 III, 531. — *nova*, inusitata.

573. *cura Deum*) Vide ad I, 48. — *certa*, inevitabili. — *porrigi et tendi*, extendi, verba satis commoda ad exprimendam draconum formam.

576. *Duratae*, ut III, 675. — *cuti*. Codex Regius B, *cutis*. — *guttis*, maculae. Virgilius Georg. IV, 99, de apibus, *lita corq; ora guttis*. — *caeruleis*; subviridibus, qualis maris color. — *committi in unum*, exquisitius quam condescere; elegantius etiam sinuantur acumine, quam sunt acumen; id enim serpentes frequenter sinuare, curvare, solent.

583. *Dumque aliquid etc.*) Expressa haec videntur ex Euripideis, q1 as narravit Hermogenes pag. 226 sqq.:

OVID. Op. T. III

vide Valken. Distrib. Eurip. pag. 12
 Οἱ μοὶ ὀφείλον μὲν γέγεναί τὸ γ' ἤμαρ.
 Τίνας, περὶ λίσσῃ τοῦ λοιποῦ παρὰ.
 Confer IX, 386 sqq. — *de me, me tange*. Gronovius volebat *de me mihi tange*, quod placet Burmanno. — Codex Regius B habet *de me, me*; in Codice A alterum *me* omittitur. — *totum occupat*. Heinsius coniecit *totam*, scilicet manum. *totam* Codex Regius B habere videtur. — *repente*, Basileensis, *loquendi*; nostri Regii, *repente*. — *fissa duas*. Vide ad III, 34. — *volenti*, nempe loqui: Vide ad II, 128. Ergo *loquendi*, quod nonnulli habent, fluxit e correctione. — *quotiesque etc.* Confer I, 637.

590. *his monstria*) hac horrenda forma. Schirachius intelligit singula

T

Cadme, quid hoc? ubi pes? ubi sunt humerique manusque?
 Et color, et facies*, et, dum loquor, omnia? cur non
 Me quoque, coelestes, in eandem vertitis anguem? »
 Dixerat: ille suae lambebat coniugis ora;
 Inque sinus caros, veluti cognosceret, ibat; 595
 Et dabat amplexus, adsuetaque colla petebat.
 Quisquis adest, aderant comites, terretur: at illa
 Lubrica permulcet cristati colla draconis,
 Et subito duo sunt; iunctoque volumine serpunt;
 Donec in appositi nemoris subiere latebras. 600
 Nunc quoque nec fugiunt hominem, nec vulnere laedunt;
 Quidque prius fuerint, placidi meminere dracones.

IV. Sed tamen ambobus versae solatia formae

monstri membra, squamas, vultus, etc. Immo pluralis pro sing. III, 673: *in quae miracula verteris?* Mirae autem transformationes et *monstra* et *miracula* dici solent. II, 367; IX, 666. — *ubi pes?* etc. Male in summa mimi perturbatione singula membra recenset. — *eumilem, similem.*

594. *Ille suae lambebat coniugis ora*) Etiam mutatis manent pristina studia: quamquam Cadmo annis gravi ista amoris signa iam desueta fuisset videntur. Paulo post, Heinsius, e vestigiis vetustorum Codicum, iuvenecut at illos (comites) *Lubrica permulcent cristati colla dracones.* Ita Harmonia serpens est, ante quam mutatur. Nos igitur revocavimus antiquam lectionem, quam flagitat contextus. Draco blanditur Harmoniae. Eo terrentur comites; at illa vicissim blanditur, et iuter illas blanditias subito mutatur. — Codex Regius A, at *illis Lubrica perlucunt.* Quae lectio notanda et pretiosior vulgata. Vxor enim Cadmi ab Diis petit ut in *eumilem* vertatur anguem: et statim, voto Diis

annuentibus, *illis ambobus Lubrica perlucunt colla* etc. LEM. — *iunctoque volumine.* Nisus incessus serpentum! immo, ut XI, 64, Orpheus et Eurydice coniunctis spatiantur passibus; sic serpentes, qui sevolvendo moventur, *iuncto volumine serpunt.* — *appositi, vicini.* Multi, *oppositi*, et ita Muretus in suo Codice emendaverat; vide Burmannum ad Heroid. IV, 26. Nostri Regii dant *appositi.* — *subiere.* Sic Nostri Regii. — Maluerat Heinsius *repere*, quia dubitabat an *subire in latebras* satia latinum sit; et quidem insolens haec constructio. — Serpens Veteribus saepe placidum animal. Itaque et genii boni hac figura exhibebantur. Apud Euripidem hi duo transferuntur a Marte in bestorum terram. Secundum Apollod. in dracones mutati a Iove mittuntur in Elysium, in Schol. Pindari P. III, 153, cum anguibus iuncto in Elysium abducuntur. Talis imago forte in monumento eorum upud Encheleas expressa peperit fabulam.

603-651. *Sed tamen ambobus etc.*) Perseus, Iovis et Danae filius, Acti-

Magna nepos fuerat, quem debellata colebat
 India; quem positis celebrabat Achaia templis. 605
 Solus Abantiades, ab origine cretus eadem,
 Acrisius superest, qui moenibus arceat urbis
 Argolicae; contraque Deum ferat arma; genusque
 Non putet esse Iovis: neque enim Iovis esse putabat
 Persea; quem pluvio Danaë conceperat auro. 610

sil, regis Argivorum, nepos, conditor Mycenarum, unus ex heroibus priacis, itineribus longis laboribusque difficillimis susceptis inclaruit an. circiter 1348 a. Chr. n.; sed res ab eo gestas ita fabulosa antiquitas pervertit, ut nihil certi hodie tude erui possit: vid. de eo Herodot. II, a. 91; VII, 61, 150; Pausan. Corinth. pluribus locis. Earum rerum fabulosarum nonnullas, quoniam et ipsis transformationes insunt, post Bacchicas laudes hinc narrare incipit. Ac primum quidem de Atlante Iapeti filio, quem Perseus, quum requiem in regno eius impetrare non posset, capitis Medusae opera in montem cognominem mutavit. Atlantis, coelum vertice sustinentis, iam meminimus Homer. Od. A, 52 sqq., et Hesiod. Th. 517. Conf. Apollod. I, 2, 2; II, 5, 11; Hygin. fabul. 150, ubi Atlas, Iapeti filius, dux Titanum coelum oppugnantium, a Iove coeli fornem humeris ferre cogitur. Nempe apparet, Atlantem, Iapeti filium, et Atlantem, Africae montem, in hac fabula esse confusos. E schol. Hom. II, X, 486, apparet, Atlanticas fabulas tractatas esse ab Hellanico.

604. *debellata*) Tres, decolorata; unde Hesius, *discolor ora*; Barmanus, *decolor ora*. — Codices Regii hunc versum ita habent: *Magna nepos dederat, quem debellata etc.* — Nexus causa addit aliquid de Baccho,

eiusque contemptore Acrisio. *Debellata*. Nam cum exercitu Bacchus penetravit ad Indos, triumphum de iis egit, magnamque inde gloriam deportavit. Diod. Sic. IV, 3; Pausan. pag. 869; Curt. IX, 10, 25. — *Achaia*, omnis Graecia.

606. *Abantiades*) Ordo regum Argivorum est hic, Danaus, Lynceus, Abas, cuius filii Acrisius et Proetus. Pausan. Corinth. pag. 145. Acrisius ex coniuge, quam alii Eurydicen, alii Aganippen vocant (vid. Munken. ad Hygin. fab. 63), suscepit Danaën, quae quomodo a Iove, in imbrem aureum converso, vitata sit, atque Perseus pepererit, sotia notum est. — *Ab origine eadem*. Nempe Agenor, Cadmi pater, et Belus, cuius filius Danaus, fratres erant. Hinc, 771, Perseus, aequae ac Cadmus, *Aganovides*. — *cretus*. Codex Regius B, *natus*. — *moenibus arceat*. Confer. III. 559. — *genus*, filius. — *genus esse Iovis*. Codices nostri habent *genus esse Deum*, pro *Deorum*; non male certe; et poetis haec forma est usitata: Virgilius Aeneid. IV: *Credo equidem, nec vana fides, genus esse Deorum*; praeterea parum concinne vocabulum *Iovis* repetitur in eodem versu. LEM. — *pluvium aurum* pro vulgari, *pluvia aurea*. Sine dubio Proetus, Danaën vitanturus, aures nummos in sinu eius effudit, ut Lactantius, et alii mouerunt. Incunde viam qui ex hac fabula

Mox tamen Acrisium, tanta est praesentia veri,
 Tam violasse Deum, quam non agnosce nepotem,
 Poenitet: impositus iam coelo est alter; at alter,
 Viperei referens spoliū memorabile monstri,
 Aëra carpebat tenerum stridentibus alis. 615
 Quumque super Libycas victor penderet arenas,
 Gorgonei capitis guttae cecidere cruentae:
 Quas humus exceptas varios animavit in angues;
 Vnde frequens illa est, infestaque terra colubris.
 Inde per immensum ventis discordibus actus 620
 Nunc huc, nunc illuc, exemplo nubis aquosae,
 Fertur, et ex alto seductas aethere longe
 Despectat terras; totumque supervolat orbem.

demonstrat Horat. III, Od. 16. Inde autem Perseus, χρυσάϊστος dictus.

611. *praesens*, cuius vis et potestas statim sentitur, ut *praesens Deus*, *praesens venenum*. Eodem sensu nunc *praesentia*. — *nepotem*, divinam nepotis originem. — *Poenitet*. Etenim Bacchus matrem Argivas in furorem coniecit, ut suos liberos in montibus devorarent. Apollod. III, 5, 2. — *impositus coelo*. Bacchus, ubi matrem ex inferis reduxerat, cum ea sublimis abiit in coelum. Diod. III, 62; IV, 25; Apollod. III, 5, 3.

614. *Vipereum monstrum*) caput Medusae, de quo vs. 770 sqq.: ὄφρα πρῶταρον exposuit. — *memorable*, famae celebratum. Expressit autem h. l. Apollon. Rhod. IV, 15:3. — *Aëra*, tanquam viam. — *carpebat*, volabat. Forte respexit Virg. Georg. IV, 310. — *tenerum*. Visitationis est *tenuem*. Sed et Virgil. Aeneid. IX, 699, *tenerum aëra*; et Lucret. I, 208, *tenerus auras*. — Ad celeritatem itineris declarandam Perseo *alae* dulcae sunt, de quibus vide ad versum 666. Volens expressus etiam erat in Scuto Hercu-

lis, Hesiod. 216 sqq. — *penderet*. Vid. ad II, 708. — *Libycas arenas* propter siccitatem: vid. ad II, 235.

617. *Gorgonei* etc.) sic et Apollon. IV, 15. Sed Nicander Ther. init. auctoritate Hesiodi, Titanum e sanguine venenatas bestias ortas esse canit. Sanguinem Typhonis substituit Acusilaus. Vid. Schol. Nicandri et Apoll. ad d. l. — *animavit in angues*, breviter dictum, animavit et vertit in angues. — *Vnde*. Codex Regius B, *inde*; male. LIM. — *infesta* nunc passive, quae infestatur. Vid. Gellius N. A. IX, 12. Pomponius Mela III, 10: *Prima eius Aethiopes tenent media nulli; nam aut exusta sunt, aut arenis obducta, aut infesta serpentibus*.

620. *Inde per immensum* etc.) Commodo haec usque ad versum 625, abesse possent; obsunt ergo brevitati, quae eximia narrationis virtus. — *immensum*, ut alibi *inane*, absolute de aëre. Expressit autem Homerus, Od. E, 330 sqq.: ἀνέμοι φέρον ἐνθα καὶ ἐνθα. Ἄλλοτε μὲν τε Νέστος βορέη προέχαισσε φέροντα, ἄλλοτε δ' αὐτὶ Εὐρώς Ζεφύρου etc. — *scintillas*, longi a se

Ter gelidas Arctos, ter Cancri brachia vidit:
 Saepe sub occasus, saepe est ablatas in ortus. 626
 Iamque cadente die veritus se credere nocti
 Constitit Hesperio, regnis Atlantis, in orbe:
 Exiguamque petit requiem, dum Lucifer ignes
 Evocat Aurorae, currus Aurora diurnos.
 Hic hominum cunctos ingenti corpore praestans 630
 Iapetionides Atlas fuit: ultima tellus
 Rege sub hoc, et pontus erat, qui Solis anhelis
 Aequora subdit equis, et fessos excipit axes.
 Mille greges illi, totidemque armenta per herbas
 Errabant; et humum vicina nulla premebant. 635
 Arboreae frondes, auro radiante virentes,

distantes. MSS. *Bersmanni*, *scmotas*; nostri *Regii*, *seductas*. — *gelidas Arctos*. Berneggerianus et nostri *Regii*, *geminas*.

626. *cadente die*) tempore vespertino. Proprio *sol* *cardis*, occidit. Sed apud poetas etiam *dies* et *lux*. — *Veturus se nocti credere*, noctu iter facere, ne aberret a via. Constitit in occidentali Africae parte, ubi Mauritania, Atlantis regnum. — *Evocat e regia Solis*, in qua et vigil Aurora et currus diurni, id est solares. II, 106 sqq. *Vocari* ab aliqua re dicitur id, quod enim sequitur. Virgil. Georg. I, 388: *Vocat pluviam cornix*. Leidensis habet *provocat*; nostri *Regii*, *evocat*. — *currus*. Nostri *Regii*, *cursus*.

630. *cunctos hominum*, graeco more. Liv. XXX, 9: *expediti militum*. — *cunctos* pro *cunctis*, dedit Heinians ex Florentino S. Marci, Berneggerianus et tribus aliis. Noster *Regius A*, *cunctis*; neutrum mihi placet; et lectio Codicis B, *custos*, sola sincera mihi videtur: apud Homerum enim et caeteros poetas, reges sunt *πομπάρχαι*, pastores, custodes populorum. LAM.

— *Atlas*, Iapeti filius, Mauritaniae rex, quem, quum Astronomiae esset studiosus, sphaeramque invenisset, coelum humeris sustinere poëtae finxerunt. Sic Cic. Tusc. V, 3; Isidor. lib. XIV, cap. 8. — *ultima*. Vide ad II, 154. — *pontus aequora subdit*, subdit se, aquas suas, undissuas excipit equos. Virgil. Aeneid. X, 103: *premit placida aequora pontus*, premit suas undas, ut quiescant. — *Anheli equi iam orienti Soli dantur a Virgilio Georg. I, 150*. — *fassi axes*, ut fessas cursu naves. Plinius V, Ep. 6, 141 *auras spatio ipso lassas*.

635. *Errant* verbum proprium et elegans de gregibus et armentis, quas pascuntur in prato. Virgilius Georg. I, 15: *cui ter centum nivei tendent dumeta iuvenoi*. Priscis autem temporibus, greges et armenta maximae ipsorum regum opes. — *vicinia nulla*, quia in extremo orbe terrarum ad Oceanum habitabat. — *premebant*. Nostri *Regii* *premebat vicina* in feminino genere. *Premere* eleganter, pro *includere*, *coercere*.

636. *Arboreae frondes etc.*) Haec sunt

Ex auro ramos, ex auro poma tegebant.

« Hospes, ait Perseus illi, seu gloria tangit

Te generis magni: generis mihi Iupiter auctor;

Sive es mirator rerum, mirabere nostras.

646

Hospitium, requiemque peto. » Memor ille vetustae

Sortis erat: Themis hanc dederat Parnasia sortem:

« Tempus, Atla, veniet, tua quo spoliabitur auro

Arbor: et hunc praedae titulum Iove natus habebit. »

Id metuens, solidis pomaria clauserat Atlas

645

Moenibus, et vasto dederat servanda draconi;

Arcebatque suis externos finibus omnes.

Hinc quoque, « Vade procul, ne longe gloria rerum,

Quas mentiris, ait, longe tibi Iupiter absit. »

Vimque minis addit; foribusque expellere sentat

650

illa aurea poma, quae alii Hesperidibus, Atlantis filiabus, tribuebant. Veterum alii citrea vel aurantia intelligenda esse putabant, Athen. lib. III, p. 82 seqq., alii oves praestantissimas colore rutilo; poetis enim oves *μῆλα* dicebantur. Diodor. IV, p. 233; Palaeph. 19. Quum poma aurea his arboribus data essent, alii ei *frondes* ramosque fixerunt ex eodem metallo. In Mauritania hortos illos collocarunt et alii, ut Plinius Hist. Nat. V, 5, de Lixu, illius terrae urbe, *ibi et Hesperidum hortus*; nonnulli in Cyrenaica, Apollod. inter Hyperboreos, sed antiquiores in insula Oceani occidentalis. Hesiod. Th. 215, *πέρην κλυτὸν ὄρεα*. Sic et Pherecydes: vid. Solinus. Exercit. Plin. p. 207 et 671. — *auro radiante virentes*, exquisite, aureae. *Virere* bene delectum, quia et frondibus et metallis aptum. Claudian. 35, 291: *Fulgentes viridi ramos curvata metallo. Auro* repetitur sic, ut II, 107. Frondes ut *vestire*, ita et *tangere arbores* dicuntur. Alii pro *viren-*

tes dant, ex interpretatione, *nitentes*, aut *micantes*.

642. De *Themidis* oraculo vide ad I, 321. Themis autem cognata Atlantibus. — *titulum*, gloriam, hanc gloriosam praedam. Et eventum habuit haec sors; namque Hercules, *Iove natus*, illa mala abstulit: vid. IX, 190. — *moenibus* ex uno suo recte mutavit Ciofanus pro *montibus*, quod olim edebatur. Haec mutationem postea plures Heinsii codices, in quibus tertius Mediceus et uterque Erfurt. confirmant. Schepper. coniect. *molibus*, propter vs. 772. Nostri Regii habent *montibus*. — Per *moenia* Barmannus inteligit montes, qui munimen praestiterint. Fuit sane Atlas immanis gigas, si montes transtulerit, iisque pomaria clausurit! Nec quisquam montes facile dixerit *solidos*. De aedificiis legitur III, 696. — *draco* ille dictus est Ladon. Apollon. Rh. IV, 1396.

648. *Hinc*) Nostri Regii *huic*. — *longe esse* aut *abesse* nobis dicuntur.

Cunctantem, et placidis miscentem fortia dictis.
 Viribus inferior; quis enim par esset Atlanti
 Viribus? « At quoniam parvi tibi gratia nostra est;
 Accipe munus, » ait; laevaue a parte Medusae
 Ipse retroversus squalentia prodidit ora. 655
 Quantus erat, mons factus Atlas: iam barba comaeque
 In silvas abeunt; iuga sunt humerique manusque;
 Quod caput ante fuit, summo est in monte cacumen;
 Ossa lapis fiunt: tum partes auctus in omnes
 Crevit in immensum, sic Dī statuistis, et omne 660
 Cum tot sideribus coelum requievit in illo.

V. Clauserat Hippotades aeterno carcere ventos;

quae nobis nihil prosunt. Tibull. I, 5, 2: *At mihi nunc longe gloria fortis abest*. Vt ibi *gloria fortis*, qua se fortem gloriabatur, sic nunc *fortia dicta*, quibus se fortem, intrepidum, declarabat, adeoque minacia. Plin. V, Ep. 20, 17, *vox parum fortis*. Paulo post, pro *gratia*, Ciofannus, ex MS. Dominic. protulit *gloria*. Id receptum a Regio se probavit et Lenzio. Ego alterum retineo, quia *gloria* his praecessit. Quoniam tu non curas meam gratiam inire, ego, munere dato, tuam inibo.

654. *larva a parte*) quae clypeum gestare solebant; confer vs. 781. — *squalentia*, horrida propter serpentes. Senec. Med. va. 14, de Furiis, *Criminem solutis squalidae serpentibus*. Vid. ad I, 374. — *prodidit praetulit* Heinssius, e fragmento Amstelodanensi optimae notae, vulgato *protulit*. — Hoc habent nostri Regii.

656. *factus*) Codex Regius B, *tantus*; certe e glossa. LEM. — *Atlas*, mons Mauritaniae Tingitanae, cacumine nubes superans, ut coelum non modo attingere, sed sustinere adeo videntur. Hinc fluxit fabula.

Herodot. III, 2. Montes altissimi columnae, *xivae*, coeli dici solebant. Pindar. Pyth. I, 36. Apud Homerum Od. A, 52, Atlas coelum sustinens (*ἔχων χίονας μακράς, αἰ γαῖαν τε καὶ οὐρανὸν ἀνέρις ἔχουσι*) homo est, isque peritissimus rerum, *ολοόρρον*, qui et maris totius profunditates noverit. Hoc phantasma Heynius ad Apollod. III, 10, 1, a monte ductum censet, cuius radices extremae in maris fundum procurrant, coelo vertici incumbente. A poetis passim tanquam vastus gigas describitur, ut Virgil. Aeneid. IV, 246, ubi ei *caput, humeri, barba*, tribuntur. Conf. idem VIII, 136 sqq.; et Silius I, 201 sqq.: *Canet barba gelu, frontemque immanibus umbris Pinea silva premit*.

659. *auctus*) Nostri Codices Regii *dant altus*, quod praetulerim; nam hoc loco *auctus* et vocabulum subsequens *crevit* offerant tautologiam ingratam. LEM. — *requievit*. Codex Regius B, *requiescat*.

662-751. *Virgae in curalia etc.*) Persens delatus in Aethiopiam, conspicit Andromedam, Cephei regis filiam, saxo adligatam, cetoque obic-

Admonitorque operum coelo clarissimus alto
 Lucifer ortus erat: pennis ligat ille resumtis
 Parte ab utraque pedes; teloque adcingitur unco; 663
 Et liquidum motis talaribus aëra findit.
 Gentibus innumeris circumque infraque relictis,
 Aethiopum populos, Cepheia conspicit arva.
 Illic immeritam maternae pendere linguae

etiam. Bellus interfecta, virginem liberat ea lege, ut parentes eam sibi in matrimonium dent. Virgae, quibus caput Medusae imposuerat, vi monstri mutantur in curulis. Legitur haec metamorphosis etiam in Orphei carm. de Lapidibus XV, 49 sqq., quamquam cum varietate aliqua. Ibi enim mutatio fit statim post resectum et adhuc calidum Medusae caput: sed Ovidius haec coniungere maluit cum *Andromedae* liberatione, quae sane est pars gravissima fabulae. Eam, quam Hygin. *notissimas historias* vocat, tractant Sophocles et Euripides. Inde pendet Eratosth. 15, 16, 17. Vid. et Hygin. fab. 64, et P. A. II, 9-11; Apollod. II, 4, 3; Schol. Lycophr. 836; Couon 40. — *aeterno carcere*. Heinsius snadebat *terreno*, subterraneo, item *Tyrrheno* aut *nocturno*; lunianus, *aeternos*. Haec vocabula valde offendent Interpretes, sed sine causa. Intelligatur nil aliud, nisi perpetua ventorum sedes, in quam, Aeolo imperante, reverti semper coguntur, ubi mandata exsecuti sunt, et ad quam, tanquam ad carcerem, damnati sunt a Iove, quum autem libere vagarentur per orbem. Apud Virgil. Aeneid. I, 52-63, Aeolus *clauso ventorum carcere regnat*, quae verba Ovidius ante oculos habuit. Sic fere et vir doctus in Miscell. Obs. vol. VII, tom. 2, pag. 274. *Hypotades*, Aeolus, Hypotae nepos. — *Lucifer* praenotare ad-

monitor operum, quo oriente homines e somno excitantur et ad opus suum redire admonentur. Similiter Virgil. Georg. IV, 186: *Vesper admonet decedere campis*. Aeneid. XI, 182: *Aurora referens opera atque labores*. Tenendum etiam est hoc, *monitores* dictos esse, qui opus facientibus praesent, et faciunda docerent. Corte ad Sallustium Jug. 85, 10.

664. *ligat pennis pedes*) alligat pennas pedibus. — *Parte ab utraque*. Vid. ad XII, 272. Hoc loco Heinsius coniecturam citraque ultraque. Nostri Regii habent vulgatam. — *talaris*, περὶ πόδας κίβδη, περὶ πόδας ὑποπόματα, et galeam Perseus adversus Medusam proficiscens accepit vel a Mercurio, Hygin. fab. 64, vel a nymphis prope Gorgonas habitantibus, Pausan. I. con. pag. 251; Apollod. d. I; Hygin. P. A. II, 12.

668. *populis*) per appositionem addit arva, more poetis familiari, de quo vide Heinsius et Burmannum. — *Cepheum*, Phoeuicis filium, Aethiopum regem faciant etiam Eripid. apud Eratosth. cap. 15, et Apollod. d. I; sed plures Ioppensem, ut Pausan. p. 370, Strabo 16, et quos laudamus ad vs. 688.

669. *Maternae — linguae*) Cassiope, Cephei uxor, quum se formosissimam iactaret, Nereidum invidiam sibi conciliavit. Illae vero impulerunt Neptunum, ut Cephei terras diluvio

Andromedan poenas immitis iusserat Ammon. 670
 Quam simul ad duras religatam brachia cautes
 Vidit Abantiades; nisi quod levis aura capillos
 Moverat, et trepido manabant lumina fletu,
 Marmoreum ratus esset opus: trahit inscius ignes,
 Et stupet; et visae correptus imagine formae, 675
 Paene suas quater est oblitus in aëre pennas.
 Ut stetit; «O, dixit, non istis digna catenis,
 Sed quibus inter se cupidi iungantur amantes;
 Pande requirenti nomen terraeque tuumque;
 Et cur vincla geras.» Primo silet illa; nec audet 680
 Adpellare virum virgo; manibusque modestos
 Celasset vultus, si non religata fuisset.
 Lumina, quod potuit, lacrymis implevit obortis.
 Saepius instanti, sua ne delicta fateri
 Nolle videretur, nomen terraeque suumque, 685
 Quantaque maternae fuerit fiducia formae,

vastaret, a quo, Iove *Ammon* (cuius templum Aethiopibus vicinum) mone-
 nente, liberari haud poterat, nisi An-
 dromeda, scopulo alligata, ceto obli-
 queretur, cui quidem orneulo paroit
 Cepheus, Aethiopum vi compulsus.
 Apollod. d. l. Apud Hygin. vero, Ne-
 ptuno expostulante, Andromeda tam
 tristem sortem experta est. — *Linguae*
poenas. Vide ad VI, 213.

672. *Abantiades*) nunc est Aban-
 tis pronepos, Persens. Mox bene tre-
 pidus fletus, e natura lacrymarum.
 Non igitur cum aliis tepido praefe-
 rendum; tepor enim cerni non potest.
 Peccavit poeta iam eo, quod Persea
 ex alto aethere fletum vidiisse sinxit. —
 Nostri Regii, *tepido*. — *manare* alihi
 cum occusat. VI, 312, ubi vide Hein-
 sinum. — *Marmoreum opus*, marmo-
 ream statnam. LXX. *trahit ignes*. Virg.
 Aeneid. IV, 101: *Ardet amare*

Dido traxitque per ossa furorem. Com
 hoc stupore cf. II, 715-721. — *imago*
formae, forma.

681. *Adpellare*) Heinsius suadet
adspectare. Dubitat an *adpellare* dici
 recte possit, quae respondeat adpel-
 lanti. Sed *adpellare* potest esse, an-
 xilium petere, ut apud Cicer. Quint.
 7; Verr. IV, 651: vide Ernesti Clav.
 Cic. h. v. Malim tamen per alloqui,
 aut colloqui interpretari. Bene autem
 notavit verecundiam virginis, in pri-
 mis ex moribus Graecorum et Orien-
 talium, apud quos virginibus cum vi-
 ris nulla consuetudo. — *Celasset*. Me-
 diceus, *celaret*. MSS. Bernmanni et
 Boschiani, *velaret*; tertius Mediceus,
velasset. Nostri Regii, *celasset*.

684. *delicta*) Gronovianus com-
 missa, quod non debere videtur li-
 brario. — *fiducia formae*; ita lenissi-
 mo nomine peccatum matris designat.

Iudicat: et, nondum memoratis omnibus, unda
 Insonuit; veniensque immenso bellua ponto
 Eminet; et latum sub pectore possidet aequor,
 Conclamat virgo: genitor lugubris, et amens 690
 Mater adest; ambo miseri, sed iustius illa:
 Nec secum auxilium, sed dignos tempore fletus,
 Plangoremque ferunt; vinctoque in corpore adhaerent,
 Quum sic hospes ait: « Lacrymarum longa manere
 Tempora vos poterunt: ad opem brevis hora ferendam est;
 Hanc ego si peterem Perseus love natus, et illa,
 Quam clausam implevit fecundo Iupiter auro,
 Gorgonis anguicomae Perseus superator, et alis
 Aetherias ausus iactatis ire per auras;

688. *bellua*) Illa bellua fuit cetus, ut tradunt caeteri Scriptores. Eratosth. *παράπλουναν τῷ κῆτι ὀφειλῶν*. Hygin. *ceto propositum*. Sed et Plin. V, 31, simpliciter belluam vocat: *In Phoenicio mari ante Ioppem Paria, tota oppidum, in qua obiectam belluae Andromedam ferunt*. Idem IX, 5: *Belluae, cui dicebatur exposita fuisse Andromeda, ossa Romae apportata ex oppido Iudaeae Ioppe ostendit inter miracula in ariditate sua M. Scourus, longitudine pedum 40, altitudine costarum Indicos elephantis excedente, spinas crassitudine sesquipedali*. Sed Pomp. Mela I, 2, 20 memorat, illa ossa adhuc servari in urbe Ioppensi, ibidemque veteres quosdam veteris titulum Cephei, fratrisque Phineei, cum religione plurima retinere. Verum Pomp. sequitur, ut Is. Vossius monet, auctores graecos, qui id scripserant, ante quam ossa Romam transferrentur. — *possidet*, premit corpore suo latum spatium. Plin. Hist. Nat. IX, 3, 2, *bularnas quaternum iugorum commemorat*.

690. *genitor lugubris etc.*) Pater tantum *lugubris*, mater vero *amens*; plus enim movebatur et ut mulier, et ut causa calamitatis. Sed Perseus, ut Brutus apud Livium I, 59, *castigator inertium querelarum*.

695. *ad opem brevis hora ferendam*) Heinsius siue causa suadet at *opi brevis hora ferendae*. Nostri Codices Regii habent *ad opem brevis hora ferenda est*, sine ulla lineola superscripta. Certe mala locutio *ferre horam ad opem*; hanc haec lectio reicienda merito videtur. LXX.

697. *Quam clausam*) Sic Codex Regius A; Codex B, *quam quondam*; hoc verbum ab emendatoris cuiusdam manu videtur proficisci, cui displicebat *clausam*. — Heinsius malit *latusam*. — Acrisius oraculo monitus erat, fore, ut filius, quem filia peperisset, ipsum interficeret. Id metuens Danaen subterraneo cubiculo inclusam custodiri iussit. Nihil tamen minus vitiatum est. Eurip. fragm. Danaë vs. 6 sqq. tom II, pag. 409 ed. Lips. Apollod. pag. 89; Hygin. fab.

Praeferrere cunctis certe gener: addere tantis 700
 Dotibus et meritum, faveant modo numina, tento.
 Ut mea sit, servata mea virtute, paciscor.
 Accipiunt legem, quis enim dubitaret? et orant,
 Promittuntque super regnum dotale, parentes.
 Ecce velut navis, praefixo concita rostro, 705
 Sulcat aquas, iuvenum sudantibus acta lacertis;
 Sic fera, dimotis impulsu pectoris undis,
 Tantum aberat scopulis, quantum Balearica torto
 Funda potest plumbo medii transmittere coeli;
 Quum subito iuvenis, pedibus tellure repulsa, 710
 Arduus in nubes abiit: ut in aequore summo
 Umbra viri visa est, visam fera saevit in umbram.
 Utque Iovis praepes, vacuo quum vidit in arvo

63. Nihil enim est tam δυσόλαστον, ὥς γυνή, ut est apud Eurip. fragm. Danaë. Nescit tamen Heins. an *clausa*, absolute positum, sit satis latinum; sed bene Burmann. monet, etiam III Art. 415, Danaëν *clausam* dici simpliciter. — secundum, secundans, ut I, 420, *vivax*, vitam dans: — *Aetherias*, Codex Regius A, *Aethereas*; Codex B, *Aérias*.

701. *Dotibus*) *Dos*, quidquid hominem aut rem aliquam commendat. Plin. I, Ep. 24, 5: *praedolum*, quod commendatur *his dotibus*. Non ergo hic respice iusto prisca tempora, quibus sponsus et sponsa et parentibus eius dotem adferre solebat.

703. *Accipere legem* formula solemnis. Apollod. ἐνὶ ταῖς τοῖς γυναικὶν ἐρασι. — *quis enim dubitaret?* Heinsius vult, *quid enim dubitetur?* — Codices nostri habent vulgatam. LEM. — *super*, insuper. — *dotale*, in dotem.

705. *Ecce velut navis*) Non male defecta similitudo. Phil. Hist. Nat.

IX, 6, 6 de balaena: *Eminet dorsum multum super aquas, carinae vice inversae*. Idem ibid. de orcis, *balaenas incursu, seu liburnicarum rostris, fodiunt*. — *Sulcat* exquisitius quam fudit. Virgil. Aenaid. V, 158, *sulcant vada salsa carina*. — *iuvenes*, remiges.

708. *Balearica funda*) Balearium insularum incolas fuisse peritissimos funditores satis notum. LEM. — *torto*, quod torquetur, mittitur e funda. — *pedibus etc.*, ut vim adderet corpori. Vide ad II, 786. — *in nubes aut ad astra abire* dicuntur omnino qui se attollunt in aëra. Iam in pugna illa describenda, qua Perseus et ex aëre et ex scopulo belluam aggreditur, plurimus est; neque in ea poetarum phantasiam desiderabis. Similitudo aquilae hic melius adhibita, quam supra 362 sqq.

713. *vacua* dici solent *arva*, quin non consita arbustis. — *Præbentem* etc. in sole incertam. — *lventia*, caerulea, aut nigra. Heins. ad Silium

Praebentem Phoebo liventia terga draconem,
 Occupat aversum; neu saeva retorqueat ora, 715
 Squamigeris avidos figit cervicibus ungues:
 Sic celeri fissum praeceps per inane volatu
 Terga ferae pressit; dextroque frementis in armis
 Itaclydes ferrum curvo tenus abdidit hamo.
 Vulnere laesa gravi modo se sublimis in auras 720
 Attollit; modo subdit aquis; modo more ferocis
 Versat apri, quem turba canum circumsona terret.
 Ille avidos morsus velocibus effugit alis:
 Quaque patent, nunc terga cavis super obsita conchis,
 Nunc laterum costas, nunc qua tenuissima cauda 725
 Desinit in piscem, falcato verberat ense.
 Bellua poeniceo mixtos cum sanguine fluctus
 Ore vomit: maduere graves adspergine pennae;
 Nec bibulis ultra Perseus talaribus ausus

VII, 308. — In *avermum* est notio primaria. Serpens captus *sinuosa volumina versat*, et *sibilat ore Arduus insurgens*. Virg. Aeneid. XI, 755.

717. *fissum praeceps*) Ante Heinaium edebatur *missus praeceps*; in autem dedit *fissum*, quia Thinaeus *missum*; nonnulli, *praeceps missus*. — Codex Regius B, *missus praeceps*; at Codex A, *praeceps missus*: male, propter epitheton *celeri* antecedens; raro enim duo inunguntur epitheta uni substantivo. LEM. — Lexicus e variis lectionibus praefert *missus praeceps*, scilicet Perseus. Non assentior. Male enim idem voc. in prothesi et in apodoti ponitur, ut *Iovis praeceps* — sic *praeceps*. Contra *praeceps* brevis de celeri descendit. Valer. Flac. IV, 682, *praeceps ex aethere Pallas insiluit accipulos*. — *pressit*, transfixit aut petiit. Sic *jugulum premere* Plin. I, Ep. 20, 14. — *inane*

dixit aëra cum Lucretio et Virgilio. — *Inachides*, Perseus, Argivus ab Inacho, Argivorum rege. — *abdere ferrum*, ut alibi *condere*. — *hamo*: V, 80, *hamatus ensis*.

721. *modo more etc.*) Plin. IX, epist. 23, 5: *exsilis, mergitur, varisque orbes implicat expeditque*; confer. Homer. Iliad. M, 4: sqq. — *Versat*, scilicet se, ut saepe *volvere* pro *volvere se*, apud alios. — *De conchis* illis vide ad I, 333. — *Qua patent*, qua conchae nullae. — *verberat*, caedit. — *falcatus ensis*, curvus gladius in modum falcis, harpe, quam Perseus vel invenit (Serv. ad Virgil. Aeneid. IX, 505), vel a Mercurio (Apollod.) sive a Vulcano (Hygin. P. A. II, 12) accepit.

727. *Bellua poeniceo etc.*) Plinius IX, 4, 3: *Physeter ingentis columnarum modo se attollens diluvium quendam eruat*. — *maduere graves*, madidae

Credere, conspexit scopulum; qui vertice summo 730
 Stantibus exit aquis, operitur ab aequore moto.
 Nixus eo, rupisque tenens iuga prima sinistra,
 Ter quater exegit repetita per ilia ferrum.
 Litora cum plausu clamor superasque Deorum
 Implevere domos: gaudent, generumque salutant, 735
 Auxiliumque domus servatoremque fatentur
 Cassiope, Cepheusque pater: resoluta catenis
 Incedit virgo, pretiumque et causa laboris.
 Ipse manus hausta victrices abluit unda;
 Anguiferumque caput dura ne laedat arena, 740
 Mollit humum foliis; natasque sub aequore virgas
 Sternit, et imponit Phorcynidos ora Medusae.
 Virga recens, bibulaque etiamnum viva medulla,
 Vim rapuit monstri, tactuque induruit huius;
 Percepitque novum ramis et fronde rigorem. 745

et graves factae sunt. — *talaria illa*
 Schol. Iuven. ad Sat. III, 117, *pinnae*
talares vocat; Stat. l' Theb. 304, *plan-*
tares alas. — *Siat mare*, quando le-
 viter succutitur, nec huc, nec illuc
 impetum capit. Senec. N. Q. V, pr.
 — *exit eleganti*, quam *exstat*.

733. *exigit ferrum*, qui id sum-
 mis viribus transigit: vide Iutt. ad
 Silium I, 642. — *repetita*, saepius
 petita. Sic frequenter Ovidius V, 473,
repetita percussit pectora palans; VI,
 20, *repetita vellera mollibat*; VIII,
 770, *repetita robora caedebat*. — *super-*
as domos. Clamor ascendit ad oco-
 lum. Nihil aliud. — *generum salu-*
tant e formula solenni: Salve gener.
 Sic regem, poetam, salutare. — *pre-*
tium, praemium.

739. *Ipse manus etc.* Prope Iop-
 pen ostendebatur aqua rutila, qua,
 intervato ceto, cruorem abluisc Per-
 mus credebatur. Pausan. Mesocia. p.

370. — *dura arena*. Quidam, *meda*,
 quod Heinsius praetulerat; sed Ru-
 mannus recte revocavit *dura*, quod
 melius respondet toti *laedere* et *mol-*
lire. Nostri Regii habent quoque *du-*
ra. Mera Heinsii coniectura, codice
 folto nullo, ut passim viro doctissimo
 sed audacissimo accedit. LEXICON.
 — *Mollire*, exquisitius quam te-
 gere. — *imponit ora*. In Orphei Lith.
 Perseus Medusae corde pollutus ad
 litus accedit, ut et pisculum abluat,
 et se refrigeret. Interea calidum adhuc
 caput imponit virgis, quae sanguine
 saturantur. — *Phorcynidos*, cuius pa-
 ter Phorcus. Hesiod. Th. 270. Dice-
 batur quoque *Phorcy's*, *Phorcidos*;
 vide vs. 774.

743. *viva*, eadem quae *recens*,
 nondum marcida, in cuius *medulla*,
 visis, succi adhuc. — *rapuit vim*, il-
 lico experta est visa illam. — *indu-*
rui, saxeam naturam accipit; sed

At pelagi Nymphae factum mirabile tentant
 Pluribus in virgis, et idem contingere gaudent;
 Seminaque ex illis iterant iactata per undas.
 Nunc quoque curaliis eadem natura remansit,
 Duriliem tacto capiant ut ab aëre; quodque 750
 Vimen in aequore erat, fiat super aequora saxum.

VI. Dis tribus ille focus totidem de cespite ponit,

duritiem Schirachius credit *τὸ ἄλιον*.

746. *pelagi Nymphae* non ipse Ovidius addidit; sed et Orpheus in *Lith.* habet, quamquam ibi alia earum opera. Sanguinem enim, quo virgae saturatae, ita compingunt, ut lapis esse videntur. — *tentant*, admotis pluribus virgis capiti. — *iterant iactata*, repetitis vicibus spargunt. — *iactare*, scire, aspergere.

749. *curaliis* dedit Heinsius e Florentino S. Marci et Neapolitano pro *coraliis*, quia vetustiores Graeci *κοράλλια* et *κοράλλα* scripserunt. Regii nostri habent *coraliis*. Minime *eadem natura* est iis, quae tacto ab aëre et a tacto Medusae capite durescunt. Sed Ovidius quae de curaliorum natura tradebantur, mytho accommodare voluit. De iis etiam Plin. *Histor. Nat.* XXXII, 2, 11: *Baccae candidae sub aqua et molles: eximitae confestim durantur et rubeant. Auant, tactu protinus lapidescere*. Verum haec natura cortici tantum est, non interiori parti, quae iam sub aqua dura reperitur. — *vimen*, i. q. *virga*. Claudian. X, 169 sqq.: *Vimen erat, dum stagna subit. Processerat undis: gemma fuit* Hinc *lithophyta* dicta. Hodie curalia animalculis originem debere creduntur, quamquam eam opinionem impugnat Mullerus, quem vide ad Linnaei *Systema Naturae*, tom. VI, p. 643 sqq.

752-802. *Medusae caput*) Inter

pocula Perseus ipse narrat, quae arte Medusae caput abstulerit. Est haec fabula una ex antiquissimis, quam a Phoenicibus, qui Africam extremam adierant, haud dubie acceptam Graeci Persei rebus inseruerunt. Narraverat eam Pherecydes; tractaverat etiam Aeschylus in Tragoedia *Phorcydes*, qui idem, in *Prometh.* 798 sqq., de Gorgonibus earumque sororibus nonnulla habet. Nos eam haurimus ex Hesiodi *Th.* 270-285; Scat. *Hercul.* 216 sqq.; Eratosth. 22, quem transtulit Hygin. P. A. II, 12; Apollon. II, 4, 2; Schol. Apollon. IV, 1515; Orphei *carm.* de *Lapid.* XV, 30 sqq. Studiosi scriptores veteres quae aiverunt, quid veri sub ea latent: vid. Pausan. *Corinth.* p. 159, ubi et suam et Procli sententiam affert. Ex Pausaniae opinione, Medusa fuit regina eorum populorum, qui ad lacum Tritonidem in Africa habitabant. Ausa illa cum Perseo congregi, victa est, et trucidata. Perseus admiratus eius formam, caput eius amputavit, atque secum in Graeciam attulit, ubi sepultum est. Diodorus lib. IV, censet, fuisse Gorgones feminas bellicosas in Africa, quemadmodum Amazones in Scythia; eas esse a Perseo debellatas. Aliam opinionem amplectitur Palaeph. 32, aliam etiam Proclus, aliam rursus Didymus; sed omnes rem coniectura assequi conantur. — *Sacra fecit propter victoriam*,

Laevum Mercurio; dextrum tibi, bellica virgo;
 Ara Iovis media est: mactatur vacca Minervae;
 Alipedi vitulus; taurus tibi, summe Deorum. 755
 Protinus Andromedan, et tanti praemia facti
 Indotata rapit; taedas Hymenaeus Amorque
 Praecipunt: largis satiantur odoribus ignes;

quamquam et nuptias illa antecedere solebant. Fecit autem *Minervae* et *Mercurio*, quibus eximie carus, et a quibus adiutus in expeditione contra Medusam, quod reliqui mythici diserte tradunt. — *focus, aras*. — *dexter focus* assignatur Minervae. Ea enim Iovi prae ceteris liberis cara, summos honores consequuta est; ei-que etiam hoc datum erat, ut semper ad dextram patris sederet, nec unquam a latere eius discederet. Horat. I, Od. 12, 9; vide Spanhem. ad Callinachum hymn. Apollon. vers. 29, et Lavac. Pal. vs. 132. Eandem igitur dignitatem ei concesserunt et poetae et artifices; namque etiam in nummis multis Iovi *εὐρύπρος* exhibetur. Cuique Deo certae victimae erant destinatae, et cavebatur, ne *aliena hostia* quia placaretur. Plin. H. N. VIII, 45.

756. *Andromedan*) Codex Regius B, *Andramaden*; mendose, ut suspiciamus in MSS. nomen proprium corruptum. LXX. — *et tanti*. Heinsius coniecit ut *tanti*. Regii nostri habent et *tanti*. — *Copula et turbat sensum*, quod etiam Heinsius sensit, qui eam mutat in *ut*, sed melius abesset, ut *praemia* per appositionem additum esset. — *Indotata*, sine regum, quod doti promiserant parentes, vs. 705. — *rapit*. Idem Heinsius ex eum Gronovii et Barberino praefert *capit*. Non arbitror poetam alludere consuetudini Romanae, qua uo-

va nupta e gremio matris *rapit* simulabatur, quae erat Constant. Faneus opinio; sed, si lectio sana, hoc verbum capio de ardore et festinatione, qua laetus Perseus, spreto dote, puellam ipsam sibi vindicat, et ad regium Cephei ducit. Hinc etiam additur *protinus* et *indotata*.

758. *Praecipunt*) Heinsius et Florentino S. Marci receperat *praecautunt*; vulgo legebatur *praecipunt*, quod habent quoque nostri Regii, et rectitendum censuimus; nam, pace recentiorum dicatur, *praecautunt*, est vix barbara cuius exemplum nullum in auctoribus reperitur; quare *praecautit* quod vides in loco infra citato Propertii corrigendum est. LXX. Schirachius, qui admisit *praecautunt*, interpretatur vel quantunt simpliciter, vel ante nuptias quantunt. Melius Gesner. in Thes. inter praefecudum aut: sponsum et spousam quantunt. Debebat dicere *praefecunt*, sed nultit illud, quia quati faces solebant. Propert. III, 14, 16: *Ipsae Amor accensus praecaut ante faces*. Praeferebant eas plenumque servi; sed in his nuptiis id munus *Hymenaeus* et *Amor* praestabant, quemadmodum in iustis Terei nuptiis Eumenides. VI, 429. — *ignes et parci* dicuntur, et, quando id largus sit, *saturi*. Sulluensis in acibus accensis delectabantur lautiores in Oriente homines, forte valetudinis conservandae causa. Eam in rem focus in medio tecto positus, Virg. Aen. VII, 12.

Sertaque dependent tectis; lotique, lyraeque,
 Tibiaque, et cantus, animi felicia laeti
 Argumenta, sonant: reseratis aurea valvis
 Atria tota patent, pulchroque instructa paratu
 Cephenum procures ineunt convivia regis.
 Postquam epulis functi, generosi munere Bacchi
 Diffudere animos; cultusque habitusque locorum

750

765

759. *Serta* in omni laetitia publica et privata exornabant Veteres ianuas, maxime tamen in nuptiis: vide *Sagittar. de Ianuis Vett. cap. 30, § 8 sqq.* — *lotique* debemus ingenio Gronovii et Heinsii, quum corrupte legeretur et *ubique*. Quod mendum senserunt et olim librarii; hinc alii correxerunt *citharaeque*, alii *litaeque*. — *Rugii* nostri habent *et ubique*, nec video quid mendi latere possit in hac lectione. Quid hic *loti* cum *lyris* et *tibiis*. Cl. Gierig interpretatur *loti*, tibiae ex *loti* (vide infra); ita habemus in hoc vs. *tibias* et *tibiam*. Hanc repetitionem ingratam in mentem poetæ nostri, etsi paulo loquacioris, incidisse nunquam crediderim: vox *ubique* vim quandam habet ad consensum unanimem designandum. LXX. — *loti*, tibiae ex *loti*, Libycæ in primis, arundinibus: vid. Gronov. Obs. IV, 15. — *Argumenta*, signa. Etiam apud Homer. Il. E, 493, in nuptiis ὀπίζιος, αὐλοὶ et πόμπητες.

761. In *atriis* convivia habebantur. Vil. Servium ad Virgil. *Aeneid.* I, 138; II *init.* — *aurea*, vel omnino pulchra, vel instructa aureis ornamentis. — *patent*, quæ conspici possunt. *pulchroque*. Vnus b. edicens, patrioque; non improbaute Heinsio, qui malebat tamen *laetique*. Codices nostri Regii habent *pulchroque*. — *paratu*, apparatu. — *Cephenum* etc.

Vulgata habebat *Cepheni* aut *Cephenis*, et hoc dederat cl. Gierig, etiam si lectionem, quæm damus, practiorem dixerit. Heinsius spurium iudicabat hunc vs.; dicendum enim fuisse *Cephenum* aut *Cephenes*. Regius noster A dat *Cephenum*; Codex B, *Cepheni*. LXX. *Cephenes* sunt Aethiopes. Et legendum haud dubie *Cephenum*. Burnmannus tamen *Cephenis* retinet, et cum *regis* coniungit.

764. *Postquam epulis functi* etc.) Finitis demum epulis vinum sumebatur. — *generosum*, vini nobilissimi epitheton, ad ipsum Bacchum translatum.

765-767. *Diffudere animos* etc.) In his magna lectionum varietas. Pro *locorum* Ciofanus, ex duobus, notavit *virorum*. Vicissim mox pro *virorum*, quidam *locorum*. A Berneg. primo Moreti, secundo Mediceo, Spirensi et duobus aliis absunt verba *quaerenti protinus unus Narrat Lynceides*. Nonnulli ex vetustioribus priorem versum totum omittunt. Schedæ Theat. et tertius Medic. *Quærit Lynceides moresque habitumque virorum*. Mitto reliquas varietates. Heins. triplicem emendationem proposuit: *Diff. an. quaerenti protinus unus Narrat Abantias cultusque habitumque locorum*. Aut sic, *Diff. an. cultusque habitumque loc. Quærit Abantias*. *Quærenti prodidit unus. Quæ simul* etc. Aut denique sic, *Quærenti*

Quaerit Abantiades; quaerenti protinus unus
 Narrat Lyncides, moresque habitusque virorum.
 Quae simul edocuit: « Nunc, o fortissime, dixit,
 Fare, precor, Perseu, quanta virtute, quibusque
 Artibus abstuleris crinita draconibus ora. »

770

protinus unus Quae simul. Faber. vs. 765 intactum relinquit, sed vs. 767, legit *vel cultusque genusque locorum*, vel *moresque* (scilicet coeli) *habitusque locorum*. Schirach. deuique emendat vs. 767, *cultusque habitusque locorum*. De verbo *diffundere* vid. ad III, 318. Sequentia esse corrupta quilibet sponte videt; certe vs. 767 a manu Ovidii profectus non est. Offendit unus *Lyncides*. Tum quaesierat Persens *habitus*, naturam, genium, *locorum*, et *cultus*, rationem, qua coli soleant illa loca laboribus hominum, Lyncides narrat *mores* et *habitus virorum*, quae sane et ipsa digna sunt cognitu, sed ea Persens non quaesierat, Quod si, ut responsio conveniat quaestioni propositae, utroque loco aut *locorum* aut *virorum* legamus, quod sane MSS. quidam concedant, molesta tamen nunc quidem est illa repetitio, magisque offendit, quam in similibus locis vs. 574 sqq. 685 et 679, aut 306-309 ubi adeo suavitas quaedam inest. Eligat igitur sibi quisque e lectionis varietate, quod sequatur. — Post has varias lectiones et opiniones, totum locum, omnino turbatum, ex nostris Codicibus integrum dare curavimus, ut ex comparatione lectio vera detegi possit. Et primum Codex Regius B habet *Diffundere animos; cultusque genusque locorum Quaerit Abantiades, moresque animusque virorum*. Et Codex Regius A; *Diffundere animos, cultusque genusque locorum Quaerit Abantia-*

des; moresque habitusque virorum. Post hunc ultimum versum, inter lineas et a secunda manu: *Narrat Lyncides moresque animusque virorum*. Male, nam Abantiades quaerit cultus locorum, et Lyncides aliam prorsus rem exponit, scilicet mores virorum. Vulgata tres habet versus quorum unus sultem spurius est. Non opus erat dicere *Abantiadem quaesivisse*, et *unum Lyncidem ei respondisse*, vel *narrasse*; ea facile subaudiri poterant. Apud Homer. et Virg. videmus huiusmodi narrationes, post epynelas, mentesque remotas, aive opus interrogantis, et ab uno ex coarvis, in honorem Deorum, vel Heronum, vel Patrine factas. Omitto in his tribus versibus insulam repetitionem, *habitusque locorum*, et infra, *habitusque virorum*. Quidni ex duabus lectionibus nostrorum Codd. unam efficiamus et simplicem, et ad rem aptissimam: *Diffundere animos; cultusque genusque locorum Narrat Lyncides, moresque animusque virorum*. Sic recte fluit oratio, et sequentia, *Quae simul edocuit* etc. apprimè cum notecedentibus consentiunt. LEM. — *Lyncides*, aut Lyncei filius, aut certe nomen proprium est. LEM.

769. *quanta virtute*) Heinsius coniecitur *qua tu virtute*. Nostri Regii habent *quanta*. — Non tam *virtute*, quam *artibus*, in hac re opus fuisse, ex Apollod. apparet. Nec Orpheus quilibet praeter *δολος* memorat. Iuvius autem erat a Polydece adfessus

Narrat Agenorides, gelido sub Atlante iacentem
Esse locum, solidae tutum munimine molis;
Cuius in introitu geminas habitasse sorores
Phorceydas, unius partitas luminis usum:
Id se solerti furtim, dum traditur, astu
Supposita cepisse manu; perque abscissa longe,
Deviaque, et silvis horrentia saxa fragosis

775

illud caput, quod tum inter ἀδύνατα
recrebatur. — *crinita draconibus*, caput, cuius crinibus immixti dracones
vs. 791. Apollod. c poëta aliquo, πρὸς
ἀλλήλους περιεστραφέντας ποιεῖν θορυβόν-
των.

771. Narrat Agenorides habebant
meliores Heinsii et Cifflani; vulgo
legebatur Abantiades. — Regii nostri
Agenorides; recte, cum ab Agnore
Danaus, Persci proavus, oriundus.
LEM. — In en, quae hinc sequitur,
narratione praeter expectatum brevis
est Ovidius, quamquam Medusae caput,
propter vim mutandi corpora,
in primis memorabile in mythicis. —
locum iacentem; planum et spatiosum
campum. LEM. — *locum* illum anti-
quiores collocabant in insula Oceanii
Atlantici (Hesiod. Th. d. l. πῆρυ
ἀτλαντός), recentiores in continente
Africæ. Pompon. Mela III, 9, 93:
Contra Aethiopas Hesperios sunt in-
sulae Gorgades, domus (ut aiunt)
aliquando Gorgonum. Noster, immem-
or fabulae modo narratae, sub At-
lante, ad Atlantem. — *gelidus* com-
mune montium epitheton. — *solida*
illa moles, tractus montium, forte
Atlas ipse. Orpheus d. l., *Atlantis*
extremis sub praecipitiis.

773. in introitu habitabant Phorcey-
des, secundum Aeschylem, in loco
subterraneo, erantque custodes, πρὸς
γῆρας, Gorgonum. — *Phorceydes*,
Phorci et Cetus filiae, Gorgonum so-

rores, ab ortu anus, γῆρας, factae,
et inde Graecae dictae. — *geminas*
seu duas habet etiam Hesiod. d. l.
quarum nomina Porphredo et Enyo;
sed a caeteris scriptoribus additur
tertia, Dino. Quum pater earum a
Graecis et Φόρκος et Φόρκυς scribe-
retur, ipsarum nomen et Phorides et
Phorceydes effici potest. Hanc scri-
pturam habet et Eratosth. illam alii
praetulerunt. — *partitas*, partientes,
vixissim eo intente, πρὸς μέρος ἑκα-
στὸν ἀλλήλους, Apollod. Penes quam
oculus erat, ea vigilabat. Phorceydes
et Aeschyl. addunt, eas et unius den-
tis usum partitas, μασθόδους. — *dum*
traditur, ἐν παραδόξῳ Eratosth. —
Supposita, posita in locum manus
Phorceydis. Interceptum earum ocu-
lum promisit se esse redditurum, si
sibi viam ad Nymphas demonstra-
rent, a quibus talaria, galeam et par-
mam ad debellandam Medusam acci-
peret. Id quod factum; Apollodorus.
Aliter Eratosthenes et Hygin. Tum
Palaeoph. monet, hunc oculum fuisse
hominem prudentem, consiliarium
Gorgonum, quem ceperit, et viam
sibi ducem elegerit Persens. *Gorgo-
nes* tres, Stheno, Euryale, Medusa.
Ab Hesiodo vocantur ἀπλῆται, inac-
cessae. Id quale sit, ex h. l. intell.
et procul habitabant secundum Ae-
schyl. a Phoreydidibus. — *saxa* alibi
simpliciter *horrentia*, quae erecta
eminent, sed h. l. *horrentia silvis*,

Gorgoneas tetigisse domos; passimque per agros
 Perque vias vidisse hominum simulacra, ferarumque
 In silicem ex ipsis visa conversa Medusa: 780
 Se tamen horrendae, clypei quod laeva gerebat
 Aere percusso, formam adspexisse Medusae:
 Dumque gravis somnus colubrasque ipsamque tenebat,
 Eripuisse caput collo; pennisque fugacem
 Pegason, et fratrem, matris de sanguine natos. 785
 Addidit et longi non falsa pericula cursus:
 Quae freta, quas terras sub se vidisse ab alto;
 Et quae iactatis tetigisset sidera pennis:
 Ante exspectatum tacuit tamen. Excipit unus
 E numero procerum, quaerens, cur sola sororum 790
 Gesserit alternis immixtos crinibus angues.
 Hospes ait: « Quoniam scitaris digna relatu,
 Accipe quaesiti causam: clarissima forma,
 Multorumque fuit spes invidiosa procorum

silvis eminentibus obsita. Nostri Regii habent *arentia*. — *tangere domos*, penetrare ad eas. Illa ipsa *saxa*, quorum multis mirae forsae formae, partem fabulae peperisse videntur. — *simulacra* et h. l. inservire periphrasi putat Drakenb. ad Silium XV, 86; sed nunc vis eius vulgaris retineuda.

781. *clypei aere*) clypeo aereo. Clypeos autem Veteres habebant adeo politos, ut iis pro speculis uterentur. Hinc supra vs. 349, pro *speculi*, unus Codex non male *clypei*. Heinsius nallet *clypei orbe*. Male. Apollod. *ἱστῶναι ὡς ἀντίδια χαλκῆν*. — *percussus* active, percussiens. Vide ad X, 184. Opus autem erat hac circumspeditione; nam quicumque Medusam adspexerunt, *λαϊστοὶ τῶνδαιμόνων ἐσθλῶν*: Orpheus. Apud eundem, Perseus eam non dormientem, sed vigilantem aversam inavulsi.

784. *Eripuisse collo*) ut Valer. Fl. VI, 619, *caput eripit duchi*. Heinsius coniecit *exseuisse vel praeseuisse*; sed Burmannus defendit vulgatam, quam habent Codices nostri Regii. — Quum caput Medusae esse falcato amputasset; illico prostravit *pennis fugax*, alutus, *Pegason*, et *frater Chrysosor*, Geryonis pater: Apollod. nimis brevitate obscurus est. — *cursus*: iter in aere, vocabulo a navigatione sumpto. — Verbis non falsa tangit vanitatem peregrinantium, qui solent multa mentiri. — *Ante exspectatum*, id est, tacuit tamen; etiam VIII, 5; Virg. Georg. III, 348.

790. *sola* illa etiam mortalis erat, Hesiod. — *clarissima*. Pulcherrimum feminarum fuisse Medusam ferunt; Pindarus, Pith. XII, 28, eam vocat *εὐσπέρου*, illius itaque amore capti obtopuerunt. LEM. — *spes invidiosa*;

Illa; nec in tota conspectior ulla capillis 795
 Pars fuit: inveni, qui se vidisse referrent.
 Hanc pelagi rector templo vitiasse Minervae
 Dicitur: aversa est, et castos aegide vultus
 Nata Iovis texit: neve hoc impune fuisset,
 Gorgoneum turpes crinem mutavit in hydros. 800
 Nunc quoque, ut attonitos formidine terreat hostes,
 Pectore in adverso, quos fecit, sustinet angues. »

quam cum invidia et aemulatione mutua sperabant multi; venuste et ex imitatione Propert. II, Eleg. 1, 83: *Maeonae nostrae spes invidiosa iuventutae*. — *conspectior*, pulchrior.

796. *referrent*) Sic Codices nostri Regii, quod praetuli pro *referret* quod legebatur; nam factio adhuc recente, plures inveniri debuerunt qui *referrent se vidisse*. LEX. — *templo*. Secundum Hesiod. Neptunus eam vitavit in praeo, ἐν πρᾶκτῳ λατρεύων. Nempe templum, ut *τέμενος*, omnis locus Deo consecratus. — *vitiasse*. Quisquam violasse. Nostri Regii, *vitiasse*.

799. *fuisset*) Vnus, *fecisset*; unde

Heinsius suadet *tulisset*. Nostri Regii, *fuisset*.

802. *Pectore in adverso* etc.) Dono Minervae dedit Perseus hoc Medusae caput; illa vero vel in *pectore* seu thorace, ut vult etiam Eratosth. vel, secundum antiquiores, in elypeo posuit. Homer. II. E., 741. Seniores et hunc et illum eo ornant. In foro Argivorum conditum hoc caput esse aiebant: Pausan. d. I. Caeterum hi duo postremi versus non possunt Perseo tribui; ipse enim caput adhuc habebat; neque bene ex Ovidii persona adiecti sunt.

P. OVIDII NASONIS METAMORPHOSEON

LIBER QVINTVS

FAB. I. Dumque ea Cephenum medio Danaëius heros
Agmine commemorat, fremitu regalia turbæ

1-235. *Phineus et socii*) Phineus, frater Cephei, cui desponsata erat Andromeda, indigne ferens, ereptam sibi ab advena sponsam, cum magna armorum manu irruit in atrium, in quo convivium celebrabatur. Hinc magnus tumultus, magna utrimque caedes. Ad extremum adfertur Medusæ caput, quo conspecto, Phineus cum sociis reliquis in saxum mutatur. Iam quoniam Homer. et Virgil. *Acneid.* IX, et libris sqq., copiosissimi sint in caedibus diligenter describendis, Noster tam hic, quam XII in pugna Centaurorum, eorum exempla sequens est, et Phineus haud dubie assimilare Turno voluit, pugnantem et ipsi ob præceptum sibi ab advena sponsam. Notabimus autem in hac carminis parte varietatem pugnantium; qui ætate, vitæ genere, patria, ornatu, moribus, mortis genere differebant. Mirari autem licet, ex tot diversis et distantibus gentibus bellatores in Æthiopia fuisse. Non puto, Ovidium eorum nomina fluxisse; sed, ut III, 206 sqq., canum Actæonis, et ibid.

605 sqq. nautarum Tyrrhenorum nomina, ubi antiquiore poëta accepit. E scriptoribus, qui restant, tres tantum breviter huius rei meminimus; Apollodorus II, 4, 3, ubi Phineus *insidiatur Persæo*; Hyginus fab. 64, quo auctore Cepheus ipse cum Agenore, cuius sponsa Andromeda fuerat, insidias struit; et Conon. 40, apud quem Andromeda duos procos habet, Phineæ et Phoenicem. — *Dumque*, Codex B. gius A, *Cumque*, dubio procul errore minuat *æis* qui litteram C pro D pinxit: nam in Codd. antiquis, maiusculæ literæ, non manu exarantur, sed pinguntur vel minio, vel cerussa, vividius aliis coloribus, aliquando hominum, quadrupedum, altilium, arborum, florum, quæ et chimaerum figuris ornantur; et ad id vacuus reliquebatur locus, ut minister (sic pietorem vocabant) tales effingeret imagines. *LEM.*

2. *Agmen*, coetus. — *Fremitus*, promiscuus clamor saltorum una vociferantium. Non erat hymenæus, quem festis cantibus perhorant ami-

Atria complentur: nec coniugialia festa
 Qui canat, est clamor; sed qui fera nuntiet arma:
 Iuque repentinos convivium versa tumultus 5
 Adsimulare freto possis, quod saeva quietum
 Ventorum rabies motis exasperat undis.
 Primus in his Phineus, belli temerarius auctor,
 Fraxineam qualiens aeratae cuspidis hastam;
 « En, ait, en adsum praereptae coniugis ultor. 10
 Nec mihi te pennae, nec falsum versum in aurum
 Iupiter, eripient. » Conanti mittere Cepheus,
 « Quid facis? exclamat: quae te, germane, furentem»

ci ante fores (XII, 214 sqq., et Statius Sylv. II, 10, 87), sed clamor bellicus, ἀλλήτορος, quo irruerat turba. — *fera*, ut *saeva*, solent *arma*, proelia, bella dici. Drakenb. ad Sil. IV, 357.

6. *Adsimulare freto*) Expressit Homerus II. B, 144: Κενέθη δ' ἄγροσσι, ὡς κύματι κύματι θαλάσσης etc. Sed Schirachio locutio, *adsimulare possis*, videtur vim comparationis frangere, et prosaicum quoddam redolere. Ferri tamen potest in tali narratione. — *Mare* eleganter dicitur *asperari*, *exasperari*, quum commoveretur, fluctibus motis inaequale fit et hispidum. Horat. I, Od. 5, 7: *aspera Nigris nequora ventis*. Vade et nunc unus Cod. *nigris undis*.

8. *Phineus*) frater hic Cephei; alter ab illo qui oculis multatus Argonautas hospitio excepit: huic tamen Andromeda desponsata fuerat, antequam ceto exponeretur. — *LEM*. *Belli temerarius auctor*; dux, caput atque inventor huius pugnae erat *Phineus*, dum praereptum sibi sponsam inconsideratissime dolet, et quam se accepisse putat iniuriam, armis vindicandum constituit. *LEM*.

9. *Fraxineas hastas* bellatoribus dant poëtae, quia et fraxinus aptissima hastis, et Achilles hasta nobilitata. Plin. XVI, 13. — *aeratae cuspidis*, *aerata cuspe*. — *quater* et *vibrare* hastam, est eius, qui aut minuitur incertum, aut ad pugnam provocat alterum.

10. *En, ait, en*) Huius particulae exclamativae repetitio vivide exprimit indignationem Phinei. *LEM*. — *praecipere*, ante rapere, quod alteri debebatur. Sic *praecipere* Virg. Ecl. III, 98. — *pennis* et *Iove* patre inprimis superbiebat Persens IV, 696-699. *falsum*, in quod quis fallendi causa transit. Et in tale aurum mutatus erat Iupiter. Sed Phineus negare nunc vult, Iovem esse eius patrem. Itaque cape, ut I, 754, *falsum genitorem*, et IX, 24, in simili exprobratione, *fictum patrem*. — *eripient*. Nostri Codices Regii, *eripiet*, sine lineola; non relienda haec lectio, nam forte huius aetatis scriptoribus convenientior qui ex duobus vel tribus subiectis unum proximum eligerent ad quod referretur verbum. *LEM*. — *mittere*, ut βάλειν, absolute.

13. *Quid facis?* etc.) Haec oratio,

Mens agit in facinus? meritisne haec gratia tautis
 Redditur? hac vitam servatae dote rependis? 15
 Quam tibi non Perseus, verum si quaeris, ademit,
 Sed grave Nereidum numen, sed corniger Aëmon,
 Sed quae visceribus veniebat bellua ponto
 Exsaturanda meis: illo tibi tempore rapta est,
 Quo peritura fuit; nisi si crudelis id ipsum 20
 Exigis, ut pereat, luctuque levabere nostro.
 Scilicet laud satis est, quod, te spectante, revincta est;
 Et nullam quod opem patruus sponsusve tulisti:
 Insuper, a quoquam quod sit servata, dolebis,
 Praemiaque eripies? quae si tibi magna videntur, 25

quae in rei indignitate demonstranda versatur, convenit personae seuis iusti. — *quae te*. Heinsius, vel invitis membranarum, censet legendum *quod te*, ut coniungatur cum *facinus*. — Codex Regius B, *quae te*; Codex A, *q*: dubia lectio; nam in hoc Codice, lineola multifaria indicat literas; tamen nondum locus occurrit ubi quod vel *quid* indicaret, quae vocabula passim ita significantur *quid*, vel *quod*: alias diphthongus *ae* vel *oe*, notatur per *ae*, sive per signa, quae ad graecae litteras ζ vel ρ paene referunt. L. *Mens*, ut *Συμψύχης*, ira, insania. Tibul. IV, 3, 7: *Quis furor est, quae mens?* Mor. I, Ep. 2, 60: *dolor quid saeserit et mens*. — *dos*, praemium, quantum datur sponso nuptias celebranti. — *vitam servatam rependere*, operam vitae servatae compensare.

17. *grave numen*, id est, *potens*. LEM. — *Nereidum*. Vide ad IV, 669. — *corniger*, quia sub arietis forma coëssatur a Libyeis gentibus. Vide Freinshemium ad Curtium IV, 7, 23. — *visceribus meis*, filia mea. *Viscera* et *σπλάγχνος*, liberi, amici et quicumque nobis cari sunt, sicut viscera uo-

stra. — *sed non sine vi* a Nostro passim sic repetitur, quum sententiae coaequantur: vid. Quintil. Inst. Or. IX, 3, 48, ubi hic ipse locus ab eo laudatur: sic et I, 595. — *ponto* habent plerique, unde Heinsius recepit; sed ante eum edebatur *ponti*, quod etiam Quintilianus laudat, et habent nostri Regii. — *rapta est*. Duo Leidenenses et tres alii dant *adempta*. Regii nostri, *rupta*. — *bellua ademit* paulo durius, *adempta* tibi eo, quod devoranda proposita erat belluae.

20. *nisi si*) MSS. Bernmanni et quinque alii, *nisi tu*. Nostri Regii habent vulgatam. *Nisi si* bene se habet; vid. Heins. ad Heroid. IV, 3. Etiam Cicero de Divin. V, 9: *Nisi si in Dalmatiam aufugerit*. — *Exigis, ut pereat*, exigebas, ut periret.

22-23. *Scilicet laud satis* etc.) Nōis argenda haec sunt; Phineas enim viribus suis nec solus liberare Andromedam, nec Persco liberanti opem ferre. — In his verbis ironia est, quia Phineo insultat frater Cepheus. Quum enim et patruus et sponsus esset Andromedae, aliquid certe auxilii afferre debebat; quum vero nihil pro-

Ex illis scopulis, ubi erant adfixa, petisses:
 Nunc sine, qui petiit, per quem haec non orba senectus,
 Ferre, quod et meritis et voce est pactus; eumque
 Non tibi, sed certae praelatum intellige morti. »
 Ille nihil contra: sed et hunc, et Persea vultu 30
 Alterno spectans, petat hunc ignorat, an illum;
 Cunctatusque brevi, contortam viribus hastam,
 Quantas ira dabat, nequicquam in Persea misit.
 Vt stetit illa toro; stratis tum denique Perseus
 Exsiluit; teloque ferox inimica remisso 35
 Pectora rupisset; nisi post altaria Phineus
 Isset: et, indignum! scelerato profuit ara.
 Fronte tamen Rhoeti non irrita cuspis adhaesit;

sus tulerit, impudentissime eam repetit, quam tutari non est ausus. L. — *spectante*, nempe otiose.

26. *Ex illis*) MSS. Bersmanni et quinque alii, *ex ipsis*; Vossianus et unus Mediceus, *ex illis*, ubi erat, *scopulis*. — Regii nostri Vulgatum servant. — *Nunc sine*. Sic et nostri Regii; sed nonnulli, *hinc aene*, quod rectius videtur Heinsio qui, auctoritate secundi Palatini, Arondel. aliorumque, hoc posterius vocabulum in haec mutavit. — Bene haec *senectus*, ut vs. 112, *hanc animam*. Itaque retinui pronomen, quod Heinsius et Bersmannus emiserunt. — *meritis* id non pactus erat, sed idem verbum, quod saepe fit, duobus nominibus diverso sensu accommodatum.

30. *Ille nihil contra* (etiam XII, 232) ut solent violenti, quum repelluntur veritatis viribus. — *ignorat*. Codex Regius B, *ignarus*; elegans certe lectio, quae cum precedenti *spectans* et sequenti *cunctatus* consentit, dummodo comma reponatur post *illum*. LEM. — Saepè aliquis *hastam*

intorquet viribus aut nisi irae, doloris, etc.

34. *Vt stetit*) Codex Regius A, et *stetit*, forsàn melius; Codex B, *adstitit*; male de hasta quae non *adstat*, sed *stat fixa*. LEM. — *ferox*, concitus furore. — *remisso*, reiecto; eandem namque hastam in Phineum Perseus reiecit. LEM. — *Pectora rupisset*. Vivianus, *pectora fregisset*, ex solempni permutatione. Nostri Regii dant *rupisset*. — *rumpere pectora* frequentat Noster III, 627; VI, 252. Etenim *rumpere* est secare, findere. III Am. 10, 32, *rupit vomer humum*. — *altare* aut *ara*, focus in medio atrio, in quo Dii Penates colebantur; vs. 155. — Nuptiis adhibitas aras et sacra, advocatos Deos hinc liquet et ex tumultuaria altera illa in nuptiis Pyrrhoi pugna lib. XII, 218: *Proximis ut steterat, spectans altaria vultu fumida terribili, cur non, di, utimur istis?* LEM.

38. *Fronte*, deest in. — *ex osse*. Sic Codex Regius A; et Codex B, *ex hoste*, forsàn e glossa. LEM. — *palpi-*

Qui postquam cecidit, ferrumque ex osse revulsum est,
 Palpitat, et positas adspersit sanguine mensas. 40
 Tum vero indomitas ardescit vulgus in iras;
 Telaque coniciunt; et sunt, qui Cephea dicant
 Cum geuero debere mori: sed limine tecti
 Exierat Cepheus; testatus Iusque Fidemque,
 Hospitique Deos, ea se prohibeute moveri. 45
 Bellica Pallas adest; et protegit aegide fratrem,
 Datque animos. Erat Indus Athlis, quem flumine Gauge
 Edita Limnate vitreis peperisse sub autris
 Creditur, egregius forma; quam divite cultu

tat. Multi, *calcitrat*, quod etiam XII, 240, et alibi, reperitur. — Nostris quoque Regiis, *calcitrat*: lenius verbum, *palpiat*; lectio tamen *calcitrat* auctoritate Codicum praestans. Dicto loco, eodem sensu, *madida respinus arena calcitrat*; Aeneid. X, 730: *Sternitur infelix Atrion, et calcibus atram Tundit humum expirans*. Farnabius qui admittit *calcitrat* hoc verbum ita interpretatur: «More cadentium in acie et pugna, qui λάξ aut «όόαξ apud poetas, terram ingratis et «indigner salutant». LEM. — *indomita*, ἀδόξατος, implacabilis. — *vulgus*, milites gregarii: confer vers. 207. *Coniciunt*, una iaciunt. Cf. cum hoc ardore XII, 240 sqq. — *se prohibeute*, prohibere volente, improbaute. — *ea moveri*, eum tumultum excitari.

46. *Bellica Pallas* etc.) Heron, quem inter praesentissima pericula servari volunt, a munimine quodam vel tectum, vel admonitum poëtae fingunt. Sic XII, 359, Theseus *Palladas admonitu* totus. *Pallas* autem Perseo in omnibus itineribus aderat. — De *Aegide* eius locus classicus Homeri II. B, 447 sqq. — *fratrem*.

Etiam Orph. de Lep. XV, 42, ἀνιγνυτο; germanus, Minervae.

47. *Athlis*, puer tener et mollis, quales solent Orientis populi, quorum etiam ad fastum ornatus, forte adumbratus est c. Viig. IX, 581.

48. *Limnate*) In hoc nomine variant MSS. Heinsius scribendum censet *Limnatis*, ἀνὸ τῆς λίμνης. Sic apud Lacedaemonios culta fuit *Limnatis* Diana, dicta a Limois oppido. Addit idem et *Limnacias* legi posse, nam λιμνακίδας esse nymphas palustres. — In nostris Regiis corruptum est hoc nomen proprium. — *vitreis* sub (in) *antris*. *Antris* pro *undis* agnoscunt primus Basileensis et fragmenta Zulichem. unde recepit Heinsius. — Codices nostri Regii habent *undis*; usitatius est *unda vitrea* quam *antrum vitreum*; nihil tamen notandum censuimus. LEM. — *Antris* de Oceano et *Eridano* reperitur apud Claudianum XII, 34, 28, 147: *Vitrea sedilia Clymenes in Oceano* Virgil. Georg. IV, 350. Putant intelligi crystallina; ex crystallo enim antea sub mari composita fingi a poëta. Sed et aqua marina *vitrea* dicitur: Aen. VII, 759, *vitrea unda Fucini*; Claud

Augebat, bis adhuc octonis integer annis;
 Indutus chlamydem Tyriam, quam limbus obibat
 Aureus: ornabant aurata monilia collum;
 Et madidos myrrha curvum crinale capillos.
 Ille quidem iaculo quamvis distantia misso
 Figere doctus erat; sed tenderè doctior arcus.
 Tum quoque lenta manu flectentem cornua Perseus
 Stipite, qui media positus fumabat in aula,

33, 267, *vitreis Oceanus undis*. Quia adeo Dii marini ipsi *vitrei*: Horat. I, Od. 17, 20, *vitrea Circe*. Hinc omnia *vitrea*, quae ad Deos marinos pertinent. Virgil. Georg. IV, 335, *Nymphæ Oceani velleræ carpunt hyali colore fucata, ὑάλια, vitrea*. Nempe utrumque vocatur, et de colore viridi et caeruleo dicitur, quem quoniam mare refert, neque ac viridis et caeruleus de omnibus praedicatur, quae ad mare et aquam pertinent. — *cultus*, vestitus. — *integer*, florens aetate. — *Chlamydem Tyriam*. Aen. IV, 137: *Sidoniam picto chlamydem circumdata limbo*. Cf. II, 733.

53. *Et madidos myrrha*) In libro III, vs. 555: *et madidus myrrha crinitis*. — *Myrrha liquor* e myrrha stillicans, capillis unguendis adhibebatur, quo niterent ac suavissime olerent. LEM. — *curvum crinale*; pro quo Thuan. Oxon. Berneg., *cohibebat mithra*, quod non contemnendum putat Burmannus, quia mithra Orientalium cultus, imprimis mollium virorum erat. Addit, nescire se an ita absolute ponere *crinale* solebant Veteres. — Hunc versum noster Codex B ita dat a secunda manu: *Et madidus myrrha cohibebat mithra capillus*; quod sine sensu et certe errore librarii fuit scriptum pro *madidus* — *capillus*, et redit in sententiam Bur-

manni. LEM. — *crinale*, ornamentum capillos cohibens, nove sic absolute positum, occurrit tamen et Pont. III, 3, 15. Similiter Horat. I, ep. 2, 13, *campestre* sic substantive, cingulum, quo cincti erant lumbi in campo se exercentium. — *Monilibus* et torquibus Orientales colla ornare solebant.

55. *tenderè doctior*) sic nostri Regii. Vnus Gronovianus, *certior*, quod rectum esse monet Burmannus, propter *una sagitta Certior* in libro I, 519. At in tenendo arcu non tam *certitudo* requiritur quam *doctrina*, sive ars. Iidem Orientales arte sagittaria exercebant. Plin. Hist. Nat. VI, 17. Itaque et Horat. I, Od. 29, 9, de puero Parthico: *Doctus sagittas tendere Sericas arcu paterno*.

56. *lenta cornua*) flexibilis arcus cornua. LEM. — *in aula*. Nostri Codices habent *in ara*. Dictum est vers. 36 *Phineum, iacto telo, post altaria ire*, ad evitandos Persei ictus; eius socius cum eo pone aram se conieciisse probabile est; immo *stipes qui fumat in ara* melius sonat quam *qui fumat in aula*; unde velim reponere *in ara*: quae lectio non repugnat cl. Gierig ut mox videbis. LEM. — *aula*, id est atrium. Putamus tamen, revocandum esse *in ara*, quod omnes habent praeter Iun. et unum Gronovii, unde Burmannus accepit *in aula*. XI, 215.

Perculit; et fractis confudit in ossibus ora.

Hunc ubi laudatos iactantem in sanguine vultus
Assyrius vidit Lycabas; iunctissimus illi 64
Et comes, et veri non dissimulator amoris:
Postquam exhalantem sub acerbo vulnere vitam
Deploravit Athin; quos ille tetenderat arcus
Adripit: et, « Mecum tibi sint certamina, dixit:
Nec longum pueri fato laetabere; quo plus 65
Invidiae, quam laudis, habes. » Haec omnia nondum
Dixerat: emicuit nervo penetrabile telum;
Vitalumque tamen sinuosa veste pependit.
Vertit in hunc harpen spectatam caede Medusae
Acrisioniades, adigitque in pectus: at ille 70
Iam moriens, oculis sub nocte natantibus atra
Circumspectit Athin; seque acclinavit in illum,
Et tulit ad manes iunctae solatia mortis.

*ignibus atria fumant; 271, Ecce rapit
mediis flagrantem Rhoetus ab aris Pru-
nikum torrens; qui locus nostro si-
millimus. — fumus autem per fora-
men tecti abibat. — confudit. Vnus
Mediceus, prior Twiscenii, Thuanus,
Cantabr. et Francofurtensis, contun-
dit, quod placet Heinsio; male. Notio
huius verbi potius est in fractis; eo
confundebantur lineamenta oris, ne
dignoscerentur. — Regii nostri habent
confudit. — ora, notas et lineamenta
oris. Mox vers. 292, discussi assibus
oris. Conf. XII, 251. Silius IV, 380,
perfracta in ore cuncto Oss: sonant.*

59. *laudatos*) Nostri Regii foedatos,
ab effectu. LEM. — *laudatos*, pul-
chros. XII, 398, *laudata artificum
signa*. II Amor. 1, 93, *laudata facie
puellae. — iactare*, de moribus mori-
entium. X, 721; Virgil. Aen. XI,
669, *suo se in vulnere versat. — iun-*

ctissimus. Tales comites, etiam Aeneid.
IX, 177-179. — *sub vulnere*, ex vul-
nere. *Sub* passim causam indicat,
vid. Schulting. ad Senec. Suas. VII.
— *quo plus* etc. Cf. XII, 292: *puero
quae gloria fuso.*

67. *penetrabile*, active, ut Aeneid.
X, 481, *penetrabile telum.*

69. *Vertit harpen*) *Harpe* ensis est
Mercurii falcatus quo Perseus Medu-
sae caput amputavit. LEM. — *specta-*
tam. Spectantur ea, quorum natura
certis experimentis cognoscitur. —
natantibus oculis. Oculi morientium
natate dicuntur, quoniam incerto
motu fluctuant. Sic Virgilius de En-
tydice, Georg. IV: *Fata vocant,
conditque natantia lumina sonitus. —
se uclinavit ad ilhon*; suavissima
mors *συνδύεσσαν ἐνέσπασσαν φίδος*.
Enripid. Suppl. 1006. Virg. Aeneid.
IX, 444, *Nisus cadens super exanimem
scote proleuit amicum. — tulit* =

Ecce Syenites, genitus Methione, Phorbas,
 Et Libys Amphimedon, avidi committere pugnam, 75
 Sanguine, quo tellus late madefacta tepebat,
 Conciderant lapsi: surgentibus obstitit ensis,
 Alterius costis, iugulo Phorbantis adactus.
 At non Actoriden Erithon, cui lata bipennis
 Telum erat, hamato Perseus petit ense; sed altis 80
 Exstantem signis, multaeque in pondere massae,
 Ingentem manibus tollit cratera duabus;
 Infregitque viro: rutilum vomit ille cruorem;
 Et resupinus humum inoribundo vertice pulsat.
 Iude Semiranio Polydaemona sanguine cretum, 85
 Caucasiumque Abarin, Sperchionidenque Lycetum,
 Iutonsumque comas Elycen, Phlegiamque, Clytumque

solatia etc., ut 191. Floras IV, 18: *magni famam duos ad inferos secum tulit.*

74. *Syene*, urbs Aegypti in finibus Aethiopiae sub ipso Cameri tropico. Plin. II, 70, 75; Ptolem. IV, 5. — Eleganter autem et patriam et genus istius Phorbantis describit, ne quis Phorbanta Priami filium illi pugnae interfuisse putet. LEM. — *madefacta tepebat*. Virgil Aeneid. IX, 333: *tepefacta cruore Terra torique madent*; Homer. Od. A, 419: *ῥάπιδον δ' ἄπ' αὐτοῦ αἰσχυρὴ δύνει*. Nunc vero pro *tepebat* expectasses aliud verbum, quod lubricitatis notionem involveret; ea enim causa fuit, cur illi considerent lapsi, i. e. copia poetica, laborarent. — *late* non est urgendum; etenim adhuc non nisi tres conciderant. — *surgentibus*, surgere conantibus.

79. *bipennis*, securis anceps, *πίσχυρος δίτρομος*, *ἀσχυρὰς*, qua gentes quaedam, ut Amazones, loco gladii utebantur. Aen. XI, 651. Forma eius

expressa in multis monumentis. Vid. Montefale. tab. CX, n. 7. — *hamato ense* Lovaniensis habet pro diversa lectione, unde Heinsius recepit; frigidius enim ei, nec conveniens pugnantium ardori, videbatur, quod caeteri habent, *admoto*. — *hamatus ensis*, harpe, vide IV, 719. — *altis*; alte eminentibus signis et caelaturis. LEM. — *multa in pondere massa*, massa magni ponderis. — *Ingentem cratera*. Apud Virgil. Aen. IX, 346, aliquis *magnum metuens se post cratera tegobat*. — *crateres* erant vasa ampliora, in quibus vinum temperabatur aqua. Amabant autem Veteres vasa exstantia signis, id est, figuris eminentibus caelata, anaglyphis; cf. XII, 235. — *Infregit viro* Lenaius explicat, fregit in viro. Potius capicendum, ut in formula *infringere colaphos*. Vs. 121, pro eo, *illidere*. XII, 237, *cratera misit in ora*. — *rutilum* etc. Aeneid. IX, 349: *purpuream vomit ille animam*; Homer. II. 3, 437: *πύρροντες αἶψ' ἀνιπύρροντες*.

Sternit; et adstructos morientum calcat acervos.
 Nec Phineus ausus concurrere cominus hosti,
 Intorquet iaculum: quod detulit error in Idan, 50
 Expertem frustra belli, et neutra arma sequutum.
 Ille tuens oculis immitem Phinea torvis,
 « Quandoquidem in partes, ait, attrahor, accipe, Phineu,
 Quem fecisti hostem; pensaue hoc vulnere vuln. 51
 Iamque remissurus tractum de corpore telum, 55
 Sanguine defectos cecidit collapsus in artus.

Hic quoque Cephenum post regem primus Odites
 Ense iacet Clymeni; Protenora perculit Hypseus;
 Hypsea Lyncides: fuit et gradaevus in illis
 Emathion, aequi cultor, timidusque Deorum; 60
 Quem quoniam prohibent anni bellare, loquendo
 Pugnat, et incessit, scelerataque devovet arma.
 Hæc Chromis amplexo tremulis altaria palmis
 Demetit ense caput, quod protinus incidit arae;

88. *adstructos*) vulgo *extractos*, quod habent nostri Regii. — *adstruere*, struere, cumulare. — *calcare* corpora, imprimis caput et cervicem, e ferocia victorum priscorum. Passim apud Homerum, *λάξ προσβάζειν*, aut *λάξ ἐν στήθεσσι βάζειν*. Acueid. X, 495: *larvo pressit pede* — *Exanimem*. Hinc et in venatione feræ nobiliores atrates calcabantur. VIII, 425. Vide Broukhuijs. ad Propertium I, 1, 4, ubi ad Aureum hoc translatum.

90. *error*) ἀγαστραίη, quum quis non ferit scopum. Claudian. Rapt. II, 134, *te disci perculit error*. Etiam apud Homerum interdum error defert telum in alium, ut II. Θ, 302-311. — *Expertus belli*, ut XII, 320, Aphidæ.

93. *in partes*, in factiones. LEM. — *attrahor* e melioribus prætulit Burmannus τῷ *abstrahor*. Nostri Codi-

cibus est *attrahor*. — *pensaue hoc vulnere vulnus*; accipe vulnus pro hoc vulnere, quod mihi intulisti. Quum enim quis facit, ut dunc res parca sint, tum *pensare* alteram altera dicitur. — *defectos*, destitutos, privatos: vide Schwartzium ad Plinii Pan. 26.

97. *Hic quoque Cephenum etc.*) Hæcenus cum uno Persico pugna; hinc arma vertantur et in Cephenum proceres. — *post regem primus*, Regi dignitate et auctoritate secundus. LEM.

102. *devovet*) Nonnulli *devocat*, id est *avocat*. Codex Regius A, *devovet*; Codex B, *devocat*.

103. *amplexo altaria etc.* quasi ad Deorum præsidium confugienti. In capitibus discrimine solebant ad aras confugere, illasque premare, et Deorum quoque statuas ac simulacra complecti. LEM. — *demetit*. Codices nostri Regii *decutit*. — *demetere*, ut *σιγίζω*

Atque ibi semanimi verba execrantia lingua 105
 Edidit, et medios animam expiravit in ignes,
 Hinc gemini fratres, Broteasque et caestibus Ammon
 Invicti, vinci si possent caestibus enses,
 Phinea cecidere manu; Cererisque sacerdos
 Ampucus, albenti velatus tempora vitta. 110
 Tu quoque, Iapetide, non hos adhibendus in usus;
 Sed qui, pacis opus, citharam cum voce moveres;
 Iussus eras celebrare dapes, festumque canendo.
 Cui procul adstanti, plectrumque inbelle tenenti,
 Pettalus, « I, ridens, Stygiis cane cetera, dixit, 115

et ἀμύν, frequenter pro trucidare et amputare. Vide Heinsium ad hunc locum, et Valken. Distrib. in Eurip. Reliq. pag. 225. Vituperatus est Hom. II. K, 457, quod loquentis caput pulveri miscetur. At ille nihil aliud vult, nisi inter loquendum caput esse resectum. Verum h. l. caput iam resectum verba edit, ut VI, 558, lingua essecta, et XI, 53.

105. *semanimi*) *semanimis*, quod habent Codd. nostri, non potest recipi, LEM. — *caestibus*. Caestuum pugna erat e pagillatus genere, ubi pugnis res agebatur, sed armatis, quum chirothecis, e corio bubulo, iisque ferro aut plumbo adfixo gravibus armati inter se decertarent, quae loris alligabuntur brachiis ne exciderent. LEM.

110. *albenti vitta* insigne sacerdotum: confer XIII, 643. — *Iapetide*. Hemsterh. ad Aristophani Plut. 207, intellig. Prometheus, Iapeti filium; quod nemo, opinor, probabit. — *usus*, negotia.

112. *Sed qui*) Heinsius coniecit *sed quo*; noster Codex A, q; Codex B, q. — *citharam cum voce qui movet*, qui voce accinit citharæ, citharoedus

dicitur. Infra vers. 332, *vocalia ora movere*. — *celebrare dapes*, augere hilaritatem convivantium. In regalibus conviviis musicus adhibebatur, qui laudes heroum resque divinas ad citharam caneret. Cicer. Tuscul. I, 2; Quintil. I, 10, 10. Talis erat Demodocus in convivio Alcinoi, Od. 9, 62 sqq., et Iopas in convivio Didus, Aeneid. I, 740. Cacterum in compositione vers. 111-113 negligentiam quendam observabis, quam etiam Lenzius notavit, qui monet profici aliquid, si post *moveres* interpunctio maxima adhibeatur, et ad *tu quoque* subintelligatur *cecidisti*. Putat etiam, vs. 113 melius *afore*. Mihi vero nec verba, *non hos adhuc in usus*, placent, quæ melius se haberent, si ille coactus esset una pugnare.

114. *Cui procul adstanti*) Codex Regius A, *Quem procul adstantem*, æque bene. LEM. — *plectrum* instrumentum est quo lyra pulsatur, ἀπὸ τοῦ πλάττω, hoc est a percutiendo, dictum. LEM. — *inbelle*, leve, si compararetur cum armis. Alibi *imbellis cithara* aut *lyra*, non apta rebus magnis canendis, sed amoris et voluptati inserviens. Boukh. ad Prop. IV, 6,

Manibus: ⁂ et laevo mucronem tempore figit.
 Concidit, et digitis morientibus ille retentat
 Fila lyrae, casuque canit miserabile carmen,
 Non sinit hunc impune ferox cecidisse Lycormas;
 Raptaque de dextro robusta repagula posti, 119
 Ossibus illidit mediae cervicis: at ille
 Procubuit terrae, mactati more iuveni.
 Demere tentabat laevi quoque robora postis
 Cinyphius Pelates: tentanti dextera fixa est
 Cuspide Marmaridae Coruthi, lignoque cohaesit: 123
 Haerenti latus hausit Abas; nec corrui ille,

36. — *Sarcasmo illi, Stygii cane caetera*, similis est alius XII, 321 sqq. Mirum autem est, illum, nec inter tumultum desiisse citharam cum voce movere.

117. *retentat*, iterum tentat, pergit tangere, pulsare *fila lyrae*, seu *fides*. Infra 339, *praetentare chordas*. In Iuui seq. Nostro praeciverat Ennius, *quumque caput caderet, carmen tuba sola peregit*, *Et, pereunte viro, rancum sonus aere cucurrit*. Imitatus eum est et Silius IV, 173. — *casuque* etc. Locus varie lectus et acceptus; alim edebatur *casuque fuit*; Heinsius ex melioribus dedit *canit*; Burmannus *In casuque canit* cacophonon esse rictus, *susit fregit*, hoc est casu viri ad terram, et inde morte consequuta carmen aufugit et desiit. Codex Regius A, *casuque canit*; Codex B, *fuit*. — *cani*, non est forte, sed lapsu. *Concidit* — *casuque*, et concidens, *canit miserabile carmen*, edidit voces miserabiles. Sed bene de musico, *canit carmen*. — *miserabile*, misericordiam commovens. Cicero. Attic. XIV, 10, *laudari miserabiliter*. Caeterum ut hic musicus, sic Aen. IX, 774 sqq. poeta int. rest proelio et occiditur.

119. *Non sinit*) Codex Regius B, *Nec sinit*. — *repagula*, sive ligula transversa, quibus fores muniebantur, utrique posti inserta erant, et ut e vs. 127 colligis, in parte superiore. — *posti*. Codices nostri, *poste*. — *illidit* videtur emendatio recentiorum; Codex Regius A, *elidit*; eodem sensu, Codex B, *immisit*, quod censeo aptius et simplicius; nam de *postum repagulis* sermo est, et *illidere* seu *elidere* aliquid *ossibus* vix latium est. Horatius dixit, *illidere dentem alicui rei*; Livius, *elidere caput sacro*; sed *elidere* corpus inanimatum, v. g. saxa, stipites, etc. alicui corpori animato rerum naturae repugnat. LEM. — *procubuit terrae*, ut 197, *prostrernere humi*; VII, 578, *terrae iacens*.

123. *Demere*) Cic. dixit *convellere repagula*. — *robora*, repagula robora. — *Cinyph*, pars Libyae cum flumine cognominis. — *Marmaridae* inter Aegyptum et Cyrenem incolebant. Plin. V, 6. — *fixa est*. Simile quid, XII, 331-387. — *hausire*, confodere seu transigere *latus* dixit iam Lucrct. V, 1323, ex Homeroico ἀπόσταν. Schirotchius metaphorum inde ductam putat, quod exhauriatur sanguis. Me-

Sed retinente manum moriens e poste pendit.
 Sternitur et Menaleus, Perseia castra sequutus,
 Et Nasamoniaci Dorylas ditissimus agri;
 Dives agri Dorylas, quo non possederat alter 130
 Latius, aut totidem tollebat farris acervos.
 Huius in obliquo missum stetit inguine ferrum:
 Letifer ille locus: quem postquam vulneris auctor
 Singultantem animam, et versantem lumina vidit
 Bactrius Halcyoneus, « Hoc, quod premis, inquit, habeto
 De tot agris terrae: » corpusque exsangue reliquit.
 Torquet in hunc hastam calido de vulnere raptam
 Victor Abantiades: media quae nare recepta
 Cervice exacta est, in partesque eminet ambas.
 Dumque manum Fortuna iuvat, Clytiumque Claninque
 Matre satos una, diverso vulnere fudit:
 Nam Clytî per utrumque gravi librata lacerto
 Fraxinus acta femur; iaculum Clanis ore momordit.
 Occidit et Celadon Mendesius; occidit Astreus,

lius haud dubie Heynius ad Virg.
 Aeneid. II, 600, quia hauriendo penetretur vase inmisso et diffunditur aqua. Exempla multa huius locutionis e poetis et historicis collegit Drakenb. ad Silium V, 524. — *retinente manum*. Codices nostri, *retinente manu*; quae lectio non mala videtur; una manus quoque, *fixa cuspe Coruthi*, eum relinquit. LEM.

128. *castra sequutus*, pugnans pro Perseo. XII, 285: *sit fortis castrorum turba tuorum*. — *Nasamones*, Cyrenen incolebant. Plinius V, 5, ubi et de fertilitate agri Cyreniei. Et omnino Africa *πυρρόπερος*. In nummis cum specie et coram Copiae cernitur. Ibi Romani immensas possessiones habebant. — *ditissimus agri* etiam Aen. X, 563. — *Latius*, latiores agros. — *tollebat*. Iacobus Gronovius, *cogebat*;

sed vide Burmannum. *Tolli* eleganter dicantur quae ex agris redeunt et colliguntur. Sic et Fast. IV, 560.

134. *Singultare*. cum singultu seu motibus convulsivis exhalare. Aen. IX, 333, *truncus sanguine singultans*; 415, *longis singultibus ilia pulsat*.

138. *Abantiades*, Perseus, *Abantis* pronepos. Acrisius enim Danaës pater erat, filius Abantis. LEM.

139. *in partesque eminet ambas*) *ἀσπερις* tale telum ab Homero vocatur. — *librata*. Vide ad III, 311. *Libratione* illa vis maxima addebatur telis; itaque et Aen. IX, 418, *librata hasta it Tago per tempus utrumque*. — *momordit iaculum*, iaculum haesit in ore. Homerus Iliad. E, 75: *ψυχρὸν δ' ἦν χαλκὸν ὀδόντων*.

144. *Mendes*, oppidum Aegypti et nomen ad ostium Nili, quod inde

Matre Palaestina, dubio genitore creatus; 145
 Aethionque sagax quondam ventura videre;
 Tunc ave deceptus falsa; regisque Thoactes
 Armiger; et caeso genitore infamis Agyrtes.

Plus tamen exhausto superest; namque omnibus unum
 Opprimere est animus: coniurata undique pugnant 150
 Agmina pro causa meritum impugnaute fidemque.
 Hac pro parte socer frustra pius, et nova coniux,
 Cum genetrice, favent, ululatuque atria complent.
 Sed sonus armorum superat, gemitusque cadentum;
 Pollutosque semel multo Bellona Penates 155
 Sanguine perfundit; renovataque proelia miscet.
 Circueunt unum Phineus, et mille sequuti
 Phinea: tela volant hiberna grandine plura
 Praeter utrumque latus, praeterque et lumen et aures.

Mendesim. Plin. V, 9 et 11; Strabo XVII. — *Matre Palaestina*. Palaestina regio est Syriae, contermina Iudaene, a Palaestina urbe dicta. LEM. — *dubio genitore*. Quum pater ignoratur, filius dicitur *spurius*; *nothus* autem, qui ex concubina, non ex legitima uxore natus est, sed habet patrem certum. LEM. — *ventura videre*, in videndis venturis. — *ave deceptum*, quo minus interitum suum praevideret. Silius V, 405, *vanis deceptus in alite signis*. Hoc quoque ex Homero et Virgilio: etenim Il. B, 859, Mysis praecrat Ennomus augur, qui *ὄντα ὁπόμενον ἰδύσαστο κέρει μέλαιναν*; Aen. IX, 327, *Turno gratissimus augur: Sed non augurio potuit depellere pestem*.

149. *Plus tamen* etc.) Pugnae descriptio interruptur aliquandiu. — *exhausto*. Cod. Reg. B, *exhaustis*, subaud. *viris*; in Vulg. subaud. *numero viro- rum*. — *pro causa meritum impugnaute*; hoc est, pro Phineo,

qui et *meritum* Persei, quo Andromedam servaverat, et *fidem* ipsi a rege datam *impugnabat*. LEM. — *favent* aut *student* qui spectantes dictis et factis declarant, cui parti dediti sint. — *ululatus*, clamor feminarum: cf. XII, 226.

154. *superat*, obstrepat, *ἀνέπνευσι*. — *Vt Pallas et Fortuna*, sic et *Bellona* hinc pugnae intererat. — *Penates* stabant in ipso atrio ad focum. Il. polluebantur sanguine iniuste fuso. Ita graviter ornavit illud: aucta est caedes semel coepta. Satis fuisset, *renovat proelia*; sed plenius, *renovata miscet*. Et milites pugnautes *miscent* proelia, Virg. Georg. II, 282, et qui eos excitant ad pugnamdum.

158. *hiberna*, quam procellae in terram deiiciunt. Aen. X, 801 sqq.: *Telaque concidunt, . . . velut effusa si quando grandine nimbi Praecipitant*. Cf. IX, 668. Apud Homerum, Il. M, 156, vero *tela ὑπὸ δέξιν ὡς πόντον ἱπάζει*. — *praeter utrumque latus*; iuxta

OVID. Op. Tom. III

X

Adplicat hinc humeros ad magnae saxa columnae; 160
 Tutaque terga gerens, adversaque in agmina versus,
 Sustinet instantes: instabant parte sinistra
 Choanius Molpeus, dextra Nabataeus Ethemon,
 Tigris ut, auditis diversa valle duorum
 Exstimulata fame mugitibus armentorum, 165
 Nescit, utro potius ruat; et ruere ardet utroque:
 Sic dubius Perseus, dextra laevane feratur,
 Molpea traieci submovit vulnere cruris;
 Contentusque fuga est: neque enim dat tempus Ethemon,
 Sed furit; et, cupiens alto dare vulnera collo, 170
 Non circumspectis exactum viribus ensem
 Fregit; et extrema percussae parte columnae
 Lamina dissiluit, dominique in gutture fixa est.
 Non tamen ad letum causas satis illa valentes
 Plaga dedit: trepidum Perseus, et inermia frustra 175

utrumque latus, et dextrum et sinistrum, propeque et oculos et aures. LEM.

160. *Adplicat hinc humeros etc.*) Similem Alexandri pugnam referunt Curt. IX, 5, et Justin. XII, 9, quam minime credibilem, et ex hac Persei fabula fictam putat Burm. *adplicare* verb. propr. in hac re. — *ad saxa*, saxa. Atria autem media magnae olim innitebantur columnae.

162. *instabant*) Codices nostri, *instabat*. Vide quae diximus supra ad *eripiant*, in vers. 12. — *Choanius*, a Choanibus qui ex antiquissima Pelasgorum stirpe erant, vetustissimis temporibus pars Epiri habitabat. Strabo pag. 498; Plin. IV, prooem. Male autem *Choanius* et *Nabataeus* (vide ad I, 61) hic iunguntur. Non igitur dubitavi e Micylli coniectura *Choanius* exhibere: probat eam etiam Harduin. ad Plinium VI, 28, s. 32.

ubi de *Chaonis*, Arabiae incolis, agit. — *Tigris* etc. Bene delecta similitudo. Homer. vero et Virg. *Acneid.* IX, 339, cum *leone inipasto* potius, quem *vesana fames stimulat*, fortem bellatorem comparant. — *diversa valle*; in parte diversa vallis.

169. *Contentusque fuga*) Optimus Florentinus, *fugae*, quod non contemnendum videtur Heinsio, quem vide ad XV, 513, et Freinsheim. ad Curtium VI, 2.

170. *furere*, $\mu\alpha\iota\sigma\tau\epsilon\sigma\tau\iota$, $\delta\acute{o}\tau\eta\varsigma$, saepe bono sensu de milite acriter pugnante. Broukh. ad Propert. IV, 6, 56: sed idem et iratorum est. — *Non circumspectis*, non antea ponderatis, hoc est, nimis. — *exigere ensem*, summam virium intentionem notare: docuit Borth. ad Stat. VI Theb. 718.

172. *extrema percussae*) Nescit Burmannus annon rectius *extremae percussae*, quod in sex libris. — *dominus*,

Brachia tendentem Cyllenide confodit harpe.

Verum ubi virtutem turbae succumbere vidit,
« Auxilium, Perseus, quoniam sic cogitis ipsi,
Dixit, ab hoste petam; vultus avertite vestros,
Si quis amicus adest: » et Gorgonis extulit ora. 180

« Quære alium, tua quem moveant miracula, » dixit
Thescelus: utque manu iaculum fatale parabat
Mittere, in hoc haesit signum de marmore gestu.
Proximus huic Ampyx animi plenissima magni
Pectora Lyncidae gladio petit; inque petendo 185

Dextera dirigit, nec citra mota, nec ultra.
At Nileus, qui se genitum septempace Nilo
Eminentus erat, clypeo quoque flumina septem
Argento partim, partim caelaverat auro,
« Adspice, ait, Perseu, nostrae primordia gentis: 190
Magna feres tacitas solatia mortis ad umbras
A tanto cecidisse viro. » Pars ultima vocis
In medio suppressa sono est; adapertaque velle

qui utitur aliqua re. — *Cyllenide*, quam a Cyllenio, sive Mercurio acceperat: vide ad IV, 726. Etiam Orpheus, Lith. XV, 45, ἀπὸ Κυλλήνιδος ἔλαβεν.

177. *Verum ubi etc.*) Serius hoc auxilio utitur ut fortitudinem antea ostentaret. — *cogitis ipsi*. Heinsius malebat *ipso*. — *ab hoste petam*. Sic *fas* et *ab hoste doceri*. — *hostis*, Gorgo olim occisa. Eius capite in pugna cum Gigantibus similiter utitur Minerva apud Claud. 37, 93 seqq. — *extulit*, IV, 655, *prodidit ora*. — *miracula*, magicarum artes, vs. 197. — *moveant*, terreat. — *fatale*. Sic sane *telum fatale* Aeneid. XII, 919, et alibi. At nunc utrum illo interficiebatur. Ergo *fatale* potius est, quod arreptum causa fuit ipsi mutationis. — *haesit signum* exquisitè, factum est signum.

— *in hoc signum haesit*; hoc est, Thescelus in statuum marmoream ita est conversus, ut iaculum emittere velle videbatur. LEX. — *gestus illi* aut similes notati haud dubie iam ab antiquiore poeta. Etenim etiam in Polydectae et amicorum transformatione, observante Apollod. IV, 4, 3, τῶν ἰδόντων, ὁμοίον ἑκαστος ἔτυχε σκῆμα ἔχων, ἀπὸ μὲν αὐτοῦ. Hoc ergo Noster et IV, 551 seqq. sequutus est. — *dirigit*; rigida et dura facta est. LEX.

187. *At Nileus, etc.*) Sic Turnus in clypeo Inachum fluvium, quia ab Inacho genus ducebat, caelatum habebat. Aeneid. VII, 789. — *primordia*, origo. — *cadere ab aliquo* per brevis loquentiam dicitur is, qui interfectus ab eo cadit. Exemplum habet Burmannus, Magnum autem Veteribus erat

Ora loqui credas, nec sunt ea pervia verbis.
 Increpat hos, « Vitioque animi, non crinibus, inquit, 195
 Gorgoneis torpetis, Eryx: incurrite mecum;
 Et prosternite humi invenem magica arma moventem. •
 Incursurus erat: tenuit vestigia tellus;
 Immotusque silex, armataque mansit imago.

Hi tamen ex merito poenam subiere: sed unus 200
 Miles erat Persei, pro quo dum pugnat, Aconteus,
 Gorgone conspecta saxo concrevit oborto:
 Quem ratus Astyages eliamnum vivere, longo
 Ense ferit: sonuit tinnitibus ensis acutis.
 Dum stupet, Astyages naturam traxit eandem; 205
 Marmoreoque manet vultus mirantis in ore.
 Nomina longa mora est media de plebe virorum
 Dicere: bis centum restabant corpora pugnae;
 Gorgone bis centum riguerunt corpora visa.

Poenitet iniusti nunc denique Phinea belli. 210
 Sed quid agat? simulacra videt diversa figuris;
 Agnoscitque suos, et nomine quemque vocatos
 Poscit opem; credensque parum, sibi proxima tangit
 Corpora: marior erant: avertitur; atque ita supplex,

solstitium, a magno viro cadere: vldā ad IX, 6.

195. *non crinibus, inquit*) Codex Regius B, a prima manu, *cur viribus, inquit*; et a secunda, *non viribus, inquit*. Codex A, *non viribus inde*; et ea forsitan fuit vera lectio. Vividior certe vox *inde*, quam *inquit*, et haec non adeo utilis; praeterea vox *crinibus* glossam redolet. LEM. — *torpere*, verbum ambiguae significationis, quum et de saxi natura, et de homine inerti dicitur.

197. *magica arma*, magicos cantus, incantamento, atque veneficia. LEM. — *vestigia*, pedes.

199. *silex*) Maxima pars Codicum habent *silet*, quod probat Vivianus, et hoc habent quoque Regii nostri.

200. *poenam*) Codices nostri Regii, *poenas*. — *ex merito*: quia Phinei satellitium et malae causae propugnatores. LEM. — *concrevit*, immobilis est factus. Eleganter Pont. II, 11, 10, *concretus dolor*, quum quis ita obstupescit, ut sine motu siet, veluti in saxum mutatus. — *trahere*, ut II, 239. — *media de plebe*; Aeneid. IX, 376, *multum sine nomine plebem*. — *corpora*, saepe pro hominibus. Aen. II, 18, *defecta virum corpora*.

212. *quemque vocatos*) Vulgata et

Confessasque manus, obliquaque brachia tendens, 215
 « Vincis, ait, Perseu; remove fera monstra, tuaeque
 Saxificos vultus, quaecumque ea, tolle Medusae.
 Tolle precor; non nos odium, regnive cupido
 Compulit ad bellum: pro coniuge movimus arma.
 Causa fuit meritis melior tua, tempore nostra: 220
 Non cessisse piget; nihil, o fortissime, praeter
 Hanc animam concede mihi: tua cetera sunt. »
 Talia dicenti, neque eum, quem voce rogabat,
 Respicere audenti, « Quod, ait, timidissime Phineu,
 Et possum tribuisse, et magnum munus inertis est, 225
 Pone metum, tribuam: nullo violabere ferro.
 Quin etiam mansura dabo monumenta per aevum;
 Inque domo soceri semper spectabere nostri,
 Ut mea se sponsi soletur imagine coniux. »
 Dixit: et in partem Phorcynida transtulit illam, 230
 Ad quam se trepido Phineus obverterat ore.
 Tunc quoque conanti sua flectere lumina, cervix
 Dirigit, saxoque oculorum induruit humor.
 Sed tamen os tinidum, vultusque in marmore supplex,

nostri Regii, *vocatam*; multi, *vocando* aut *vocato*.

215. *Confessasque*) Varietates sunt *confossas*, *conflexas*, *conversas*, *complosas*. Nostri Regii, *confessas*. — Victos se Veteres *confitebantur* sublatiis manibus, ut docet Faber Agon. I, 8. — *obliqua brachia* habebat supplicans Phineus, quum obstupescit pedem retro ferret, vultumque, ne mutaretur, averteret. — *fera monstra*, *σαξίφους* *διανοῖο* *πιδάσσαν*, II. E., 741. — *Saxificus*, in saxum convertens; vix ab Ovidio, ut videtur, facta ad formam τοῦ *vulnificus*.

221. *Non cessasse piget*) Me, inquit Phineus, porntet tibi Andro-

medam non permisisse. LEM. — *nihil praeter etc.* Aen. XII, *sine hanc animam*, et *miserere precantis*.

225. *Et possum tribuisse etc.*) Lenzius interpungit post *possum*; tribuisse autem coniungit cum seq. quamquam non negat, *tribuisse* posse capi pro *tribuere*. Hoc forte melius. Hurat. A. P. *poteras dixisse*, dicere. Et ita passim. — *ut mea*. Codex Regius B, et *mea*. — *ut mea se sponsi etc.* Temere hoc additum; etenim Andromeda mox relinquebat cum Perseo paternam domum.

230. *Phorcynida*) Codex B, *Cephelida*, et in margine, *vel Phorcynida*. Phorcynis, Medusae Phorci filia. LEM.

Submissaeque manus, faciesque obnoxia mansit.

II. Victor Abantiades patrios cum coniuge muros
Intrat, et immeriti vindex ultorque parentis
Adgreditur Proetum; nam fratre per arma fugato
Acrisioneas Proetus possederat arces.

Sed nec ope armorum, nec, quam male ceperat, arce,
Torva colubriferi superavit lumina monstri.

Te tamen, o parvae rector, Polydecta, Seriphi,
Nec iuvenis virtus, per tot spectata labores,

235. *Submissae*, supplices. Cicero pro Plane. 10: *tribulus me submissi et supplicavi*. — *obnoxius* nunc proprie, qui conscius sibi malae rei cedit alteri: vid. Parei Lexic. crit. hoc v.

236-249. *Perseus cum Andromeda* in patriam redit, atque *Proetum* et *Polydecten* in saxa convertit. — *patrios muros*. Codex Leidensis, *finis*, et pro varia lectione, *portus*. Regii nostri, *muros*. — *patrii muri*, urbs Argos, quoniam, etsi tenebat Proetus, tamen intrare Persens poterat. Non igitur erat, cur Burnmannus praefere-ret *finis* aut *portus*. — *cum coniuge, Andromeda*. LXX.

237. *et immeriti* etc.) Heinsius ex Naugerii MSS. dedit *immeritae*, ut parens hic sit Danaë; quae quo inre dicatur *immerita*, et quoniam iniuriam ei a Proeto illatam ulcisci voluerit Perseus; non invenio. Verum haec dubie vidit Lactantius in Argum. hanc fabulam, qui per *parentem*, avum Acrisium intelligit, quem etiam *immeritum*, non bene de Perseo meritum (arca enim inclusum Persea cum matre in mare proiecerat), *vindicare*, in regnum, quo pulsus a fratre erat, restituere voluerit. Rectius tamen *immeritum* interpretaberis, qui talem sortem non meruerat, ut a fratre regno exueretur. Abantis filii regnum

paternum ita inter se dividerant, ut *Acrisius* Argis maneret, *Proetus* Tyrinthem et alia possideret. Dissidia inter eos orta esse, etiam Pausan. II, pag. 145, narrat; sed *Proetum Acrisioneas possedisse arces*, Argos urbem occupasse, nec ab illo, nec ab alio auctore traditur. — Codices Regii habent *Acrisionides*.

242. *o parvae*) Codex Regius A, *parvi*; ut Iuvenalis Satyr. VI, 564, et *parva tandem caruisse Seripho*; et X, 170, ut *Gyari scopulis parvaque Seripho*. — *Polydectes*, rex Seriphi (quae fuit non ex Cycladibus), frater Dictyis, qui Dictyis Persea cum matre in arca ad insulam delatum edn-candum curaverat. Polydectes autem, Danaëis amore captus, sed Hippodamiae nuptias simulans, quoniam munera ab amicis colligeret, quibus Hippodamiam emeret, Perseus ultro promisit, se vel Gorgonis caput allaturum; quibus promissis ut staret, eum impulit Polydectes. Reversus compe-rat matrem cum Dictyis ab Polydectae violentiam ad aras confugisse; quae re commotus illum cum sociis in saxa mutat. Sic Apollod. II, 4, 1-4; confer Schol. Apollon. IV, 1091, et Schol. Pindari P. 10, 72, et 12, 18; Zenob. I, 41; Hygin. fabulas 63, 64, 273. Exstiterant olim Aeschyli Poly-

Nec mala mollierant: sed inexorabile durus
 Exerces odium; nec iniqua finis in ira est.
 Detrectas etiam laudes, fictamque Medusae
 Arguis esse necem. « Dabimus tibi pignora veri;
 Parce luminibus, » Perseus ait; oraque regis
 Ore Medusaeo silicem sine sanguine fecit.

Hactenus aurigenae comitem Tritonia fratri
 Se dedit: inde cava circumdata nube Seriphon
 Deserit, a dextra Cythno Gyaroque relictis.
 Quaque super pontum via visa brevissima, Thebas,

detectas, Sophoclis Danaë, Euripidis Danaë et Dictya. Sed imprimis Pherecydem seniores mythologi sequuti esse videntur. Persea cum Medusae capite in Seriphon redeuntem pinxerat Polygnotus. Pausan. pag. 52.

244. *durus*) Fert. Medicus et Genevaensis, *durus*. Nostri Regii, *durus*. — *durus*, inexorabilis, ut Fast. IV, 111, *dura puella*; et h. l. bene opp. τῷ *mollierant*. — Otiose additum *nec iniqua* etc.

246. *Detrectas*) Plurimi codices, *detrectas*. Vid. Corte ad Sallustium bell. Jug. 53. Regii nostri, *detrectas*. *Detrectare*, minuere, detrudere glorie alterius. — *Parcere oculis* alibi est, iis non uti, Tibul. I, 2, 23; acd h. l. eos avertere. Non autem regis tantum ora mutavit, sed et amicorum. Pherecydes, Pindarus, Apollod. Fabulam Strabo X, pag. 487, c. autosa Seriphi natura explicat: Οὗτο δ' ἐστὶ περὶ πόδες ἡ νῆτος, ὡς τὸ ὑπὸ τῆς Γοργόνης τοῦτο παθεῖν αὐτὴν παρὲν οἱ κομμοδόντες. Apud Hygin. fab. 273, qui haud dubie Aeschylum sequutus est, Polydectae funebres ludos Perseus facit.

250-678. *Musarum colloquia cum Pullide*) Pallas, relicto Perseo, Heliconem petit, ubi Musae ei narrant,

1.º vim, quam sibi paraverit *Pyreneus*, 250-293; 2.º certamen, quod sibi fuisse cum *Pieridibus*, ex quo multae metamorphoses commemorantur, 294-678. — Narrat quemadmodum Pegaeus equus alatus una cum Chrysaore e sanguine colli Medusae exsilerit, et ad Heliconem, Boeotiae montem, pervenerit, ubi, quum terram pedis ungula percussisset, illico fons, qui Ἰπποκρήνη, hoc est, Callianus fons est appellatus, exortus fuisse memoratur. Ad eum igitur videndum, relicto Perseo, Pallas profecta est, quae a Mysis accepta quum promptissime ad ipsum fuit deducta. LEM. — *aurigena*, χρυσογυνῆς, χρυσοφόρος, quem Iupiter in aurum conversus genuerat. Sic *draconigena* et alia, quae supra legimus. Perplacet Schirachio hoc epitheton, quod nobilem habeat audaciam. — *Se dedit comitem* exquisitius, quum fuit comes. *Se dare* enim omnino dicuntur qui intersunt aut adsunt aliis, ad eos se applicant. — *Cava nube*, ut, qui aquam ingrediuntur, *curvata aqua* cinguntur, apud Virgilium Georg. IV, 361. — *Cythno*. MSS. omnes, *Cypro*. Quae insula quum remota uimis sit a Seripho, varie hoc nomen ab editoribus tentatum est *Cythos*

Virgineumque Helicon petit; quo monte potita
Constitit, et doctas sic est adfata sorores :

255

« Fama novi fontis nostras pervenit ad aures;
Dura Medusaei quem praepetis ungula rupit.

Is mihi causa viae: volui mirabile monstrum

Cernere; vidi ipsum materno sanguine nasci. »

Excipit Vranie: « Quaecumque est causa videndi

260

Has tibi, Diva, domos, animo gratissima nostro es :

Vera tamen fama est, et Pegasus huius origo

Fontis; » et ad latice deducit Pallada sacros;

Quae mirata diu factas pedis ictibus undas,

Silvarum lucos circumspicit antiquarum ,

265

correxit Naugerus, et sic Planudes habet in Metaph. Graeca. *Cythus* et *Gyrus* e numero *Cycladum* sunt.

254. *Virgineumque Helicon*; Helicon Virginibus, sive Musis consecratus, quo tempore earum cultus e Thracia in Boeotiam transiit. — *potitur loco*, qui eo pervenit. — *sorores* vocantur et Furiae IV, 470, atque *Purcae*, Horat. II, 3, 15; sed *Musae doctae sorores*, quod epitheton ab iis ad poetas inprobaus translatus est.

256. *novi fontis*, quem a forma Hippocrenes nomen accepisse putant. Sed undecumque ei impositum sit, etymologica eius interpretatio fabulam ministravit. Etiam Troezenii quum fontem haberent cognominem, mythum ad se traxerunt. Pausanias II, 31. — *Medusaei praepes*, Pegasus e sanguine Medusae ortus IV, 784. De significatione *novi praepes* iam olim disputabant Grammatici. Omnino celerem notat, et nunc substantiva equum celerem. — *rupit*. Vnus Ciofini et septem Heinsii, *fecit*; hiuc Heinsius coniecit *fregit*. — Nostri Regii servant *rupit*, et emendatio Heinsii sit saltem inutilis: nam inter

rupit et *fregit* minima est distantia: quinimmo *rupit* magis aptum est *fonti*, quam *fregit*. LEM. — *rumpitur*, scinditur terra, unde fons exit. Mox *factas pedis ictibus undas*.

258. *monstrum*, pro *factum*, revocavit Heinsius e Cantabr. Erfurten-si, secundo Mediceo et aliis quibusdam. — Regii nostri habent *factum*; nihilominus vox *monstrum* vividior est; et quum auctoritate Codicum fulciatur, servanda est. LEM. — *monstrum*, fons mirabili modo inventus. Sic *mirabile monstrum* etiam Virgil. Aen. III, 26.

261. *animo gratissima nostro es*) Notat Heinsius esse hemistichium Homericum, ἡμῶν ἀγαπητὴν Διὶ θεῶν. — origo, auctor, ut I, 79. — *tamen*, autem. — Fons ille *Pegasae aquae* apud Claudianum 55, 4, et *Bellerophonte humor equi*, Propert. III, 2, 2.

264. *Factas*) Oxoniensis, *fractas*. Nostri Regii, *factas*.

265. *silvarum lucos etc.*) Helicon praestabat soli bonitate; consitus erat arboribus, fruticibus et herbis tam saluberrimis, quam suavissimi odoris. In eo lucus Musarum, ad laevam fons

Antraque, et innumeris distinctas floribus herbas :
 Felicesque vocat pariter studique locique
 Mnemonidas, quam sic adfata est una sororum :
 « O, nisi te virtus opera ad maiora tulisset,
 In partem ventura chori Tritonia nostri, 270
 Vera refers; meritoque probas artesque locumque;
 Et gratam sortem, tutae modo simus, habemus.
 Sed, vetitum est adeo sceleri nihil! omnia terrent
 Virgineas mentes, dirusque ante ora Pyreneus
 Vertitur; et nondum me tota mente recepi. 275
 Daulia Threicio, Phoeaque milite rura
 Ceperat ille ferox, iniustaque regna tenebat.
 Templâ petebamus Parnasia: vidit euntes;
 Nostraque fallaci veneratus numina cultu:
 « Mnemonides, cognorat enim, consistite, dixit; 280
 Nec dubitate, precor, tecto grave sidus et imbrem,
 Imber erat, vitare meo: subiere minores
 Saepe casas Superi. » Dictis et tempore molae

Aganippe. Pausan. Boeot. pag. 763 seqq. — *Felices studii*, deest, respectu. Horat. I, Sat. 9, 11, *felix cerebri*. Virg. *felix uteri*, et in nostro opere III, 132, MSS. nonnulli, *exsili felix*. — *Mnemonidas*. Olim edebatur *Maeonidas*. Vetustiores MSS. *Mnemonidas*, unde Heinsius correxit *Mnemonidas*. — *Mnemonides* a graeco *μνήμων*, inde et *Mnemosynes* Iuliae dictae.

269. *O, nisi te etc.*) Blanda et urbana compellatio. — *opera maiora*, nempe bellica. — *tulisset*. Sic nostri Regii. Iunianus et sex alii, *vocasset*. ~ *chorus*, numerus, coetus, quamquam Musae et *choros* instituebant. Hesiod. Theog. 7. Suaviter additum, *virgineus*; virgines enim facile terrentur. Et virgineo terrore conveniunt et sequuntur, *dirusque* — *vertitur*. —

Pyreneus e Thracin coloniam deduxit in Boeotiam, atque vel ruditate sua vel bello Musas inde fugasse diei potuit. — *se recipere* aut *colligere* dicuntur, qui ex magna animi perturbatione ad tranquillitatem redeunt.

276. *Daulis*, urbs Phocidis ex qua via ducebat ad Peruasî inga. Pausan. Phoc. pag. 807 sqq. — *Templa Parnasia* nempe Apollinis et Bacchi, qui ibi colebantur.

280. *consistere* proprie dicuntur, qui a cursu aut itinere quiescunt. BRYAN. — *sidus*, tempestas, quia ortus siderum et occasus tempestates concitat. Flor. II, 8, 8, *hoc velut sidere Asiatici belli mota tempestas*. Sed Burmannus mallet *grave frigus*, quia poëtae *grave sidus* vocare solent acrem solem et inde vehementem calorem; sed hunc non convenire imbri, quia,

Adnuimusque viro, primasque intravimus aedes.
 Desierant imbres; victoque Aquilonibus Austro 285
 Fusca repurgato fugiebant nubila coelo.
 Impetus ire fuit: claudit sua tecta Pyreneus;
 Vimque parat, quam nos sumtis effugimus alis.
 Ipse sequuturo similis stetit arduus arce:
 « Quaque via est vobis, erit et mihi, dixit, eadem; » 290
 Seque iacit vecors e summae culmine turris;
 Et cadit in vultus, discussique ossibus oris
 Tundit humum moriens scelerato sanguine tinctam.
 Musa loquebatur: pennae sonuere per auras;
 Voxque salutantum ramis veniebat ab altis. 295
 Suspicit; et linguae quaerit, tam certa loquentes,
 Vnde sonent; hominemque putat love nata loquutum:

quum ille cadat, vehementia sideris
 frangitur; quae omnia frustra ab eo
 monita sunt.

284. *primas aedes*, atrium. — In
 penetralia corruptorum et veterato-
 rum Musis fas aut pudor introire non
 permittit. LEM.

291. *vecors*) iniecta ei insania. —
turris, regia.

292. *discussis*, pro *discussis*, ex opti-
 mo Florentino dedit Heinsius. Nostri
 Regii habent *discussis*. — *Tundit hu-*
num etc. Fabulae sensum deprehen-
 disse sibi videtur Saffius. Putat enim,
 Pyren. hunc fuisse malum poetam,
 qui, etiamsi alia, hoc est ingenio poë-
 tico destitutus fuerit, tamen volare
 voluerit, et, parum procedente opera,
 quasi vim inferre Musis, sed qui fru-
 stra desudaverit, *der sich den Kopf*
vergeblich zerbrochen habe.

294-678. *Certamen Musarum cum*
Pieridibus, Pausan. Boeot. pag. 765,
 auctor est, Pierum Macedonem The-
 apias venisse, ibique instituisse, ut
 ex Thracum disciplina novem Musas

is nominibus, quibus adhuc appel-
 lantur, cohererent. Ex aliorum autem
 opinione ipsum habuisse novem filias,
 quas Musarum nominibus insignierit.
 Hoc etiam *certamen* et Nicandro refert
 etiam Anton. Lib. IX. Eo auctore
 Musarum canto tota rerum natura de-
 linata est, Pieridum contra strepitus
 tenebris involata. Victae Pierides in
 novem diversas aves mutantur. —
Pennae sonuere, auditus est clangor
 alarum. — *salutantum*. Nempe aves
 illae a Graecis et Romanis docebantur
 reddere in primis vocem χαίρε. Per-
 sius Prol. 8. — *tam certa loquentes*.
 Sonus ille non utcumque simulabat
 vocem humanam, sed quam simili-
 mus ei erat, adeo ut hominis vox cre-
 di posset. Martialis. XIV, 76: *Pica lo-*
quax certa dominum te voce saluto;
Si me non videas, esse negabis avem.
 Eodem sensu supra II, 668, *certi hin-*
nitus. Contra Quintil. Instit. II, 2, 21,
 de iufante, *loqui primum incerta voce*
tentavit. — *hominemque loquutum*.
 Heinsius malit *hominumque loquen-*

Ales erat; numeroque novem, sua fata querentes,
 Instilerant ramis imitantes omnia picae.
 Miranti sic orsa Deae Dea: « Nuper et istae 300
 Auxerunt voluerem victae certamine turbam.
 Pieros has genuit Pellaeis dives in arvis.
 Paeonis Evippe mater fuit: illa potentem
 Lucinam novies, novies paritura, vocavit.
 Intumuit numero stolidarum turba sororum; 305
 Perque tot Haemonias, et per tot Achaïdas urbes
 Huc venit, et tali committunt proelia voce:
 « Desinite indoctum vana dulcedine vulgus
 Fallere; nobiscum, si qua est fiducia vobis,
 Thespiades certate Deae; nec voce, nec arte 310
 Vincemur; totidemque sumus: vel cedite victae
 Fonte Medusaeo, et Hyantea Aganippe:
 Vel nos Erathiis ad Paeonas usque nivosos
 Cedemus campis: dirimant certamina Nymphae. »
 Turpe quidem contendere erat; sed cedere visum 315
 Turpius: electae iurant per flumina Nymphae,

tum. Noo iograta certe Heiosii emendatio, sed nullo Codice firmatur. LEM. — *Picis* autem expressior adeo loquacitas, quam psittacis. Plin. X, 42, 59.

300. *orsa Deae Dea*) Codex Regius A inserit *est*, hoc modo, *orsa Deae est Dea.* — *voluerem.* Regii nostri, *voluerum.* — *victas certamine* Pieridas esse a Musis, vetus erat traditio, quae forte hoc volebat, Graecos propriis sic dictos ingenio superasse finitimos, Macedonas etc.

302. *Pieros*) Inde *Pierides* dictae, quo nomine interdum ipsae Musae insigniuntur a Pieria, ubi coltae. *Sororum* nomina habet Anton. Lib. IX, ubi vid. Muncker. — *vocavit, invocavit.* *Iuvio Lucina fer opem, obsecro!* Terent. Ad. III, 1, 15. — *De Pella*

at Paeonia mox ad vs. 313. — *Haemonia*, Thessalia. I, 568. Eius partes *Achaia*, Pelasgiotis et Plithiotis.

307. *tali voce*) Tum insolenti et astutus plena voce nos iuvavit. LEM. — *committunt proelia*, provocant ad certamen.

310. *Thespiades*) Sic nostris Codicibus: nonnulli, *Aonides.* — *Thespiis*, oppidum iuxta Heliconem. Ibi in honorem Musarum dies festi et ludii celebrantur. Pausan. pag. 761 et 771.

312. *Hyantea*) III, 146. — *Erathia*, Macedonia. Iustio. VII, 1. Eius oppidum *Pella*, patria Pieridum. Partem Macedoniae septentrionalem *Paeonia* protegebat a Trilallia. Plin. IV, 10. — *nivosos*, quia Graecis ad septentrionem. — *dirimant certami-*

Factaque de vivo pressere sedilia saxo.
 Tunc, sine sorte prior, quae se certare professa est,
 Bella canit Superum; falsoque in honore Gigantas
 Ponit, et extenuat magnorum facta Deorum, 320
 Emissumque ima de sede Typhoëa terrae
 Coelitis fecisse metum; cunctosque dedisse
 Terga fugae; donec fessos Aegyptia tellus
 Ceperit, et septem discretus in ostia Nilus.
 Huc quoque terrigenam venisse Typhoëa narrat, 325
 Et se mentitis Superos celasse figuris;

na; iudices sedent certaminis. Iudices eligebantur, sedentes cognoscebant, et iurati sententiam dicebant. — *sedilia vivo saxo* etiam Aeneid. I, 167, in domo Nympharum.

318. *Tunc, sine sorte* etc.) In certaminibus *sorte* plerumque constituebatur, uter certantium prior diceret. Nunc una Pieridum ipsa hoc sibi arrogat. Lenius vero sic interpungit, *tunc, sine sorte, prior, quae se* etc. ut prior sit antu maior seu maxima. Turpe autem Diis argumentum erat carminis seq. — *Ponere in honore*, reddere honoratum, commemorandis eius virtutibus. Similiter *ponere in gratia*, Cic. Attic. V, 3, 11: vid. Ernesti Clav. Cic. v. *gratia*. — *extenuat*, imminuit.

321. *Typhoeus* aut *Typhon* (Τυφωεύς, Τυφών) monstrum immane, quod Terra, devictis Gigantibus magis exacerbata, e Tartaro peperit. Is et ipse coelum oppugnavit, iactisque eum sibilo et boato candentibus saxis Deos terruit. Hesiod. Th. 820 sqq.; Apollod. I, 6, 3; Anton. Lib. 28 et 47; Schol. Aeschyli ad Prom. 351; Hyg. fab. 152 et 196. E descriptione Hesiodi facile apparet, ventos procellosos, motus terrae fluminasque inde et unipèntes huic fictioni originem da-

disse. Fuga Deorum mutatorum in Aegyptum, ubi Dii sub formis unimanantium colebantur, addita est, ut religio Aegyptiaca accommodaretur Graecae. Eadem igitur tradebant sacerdotes Aegyptii. Hyginus P. A. II, 28.

322. *cunctosque*) Codex Basilensis, Maugo Micylli, Gryphii et Bersmanni, *victosque*, quod non displicebat Heinsio. Codices nostri servant *cunctos*, quod rectius. LAM.

325. *terrigenam*) Τρυτώνες dicitur etiam Aeschilo. A Iunone procreatur in hymn. in Apoll. 306 sq., ubi hic mythus aliter narratur. Qui in aliam formam transeunt, ea se celare dicuntur. VI, 110, etiam *abdi*, ut I Amor. 10, 3, *planis abditus albis*. — *mentiri* aliquem eleganter dicitur, qui formam eius induit. Vid. Int. ad Sil. II, 637. Quaerunt autem Grammatici, utrum *mentiri* etiam res dicantur, atque *τὸ mentitus* ubique active sive neutraliter accipiendum sit, an passive in istis exemplis capiendum. Vide Schwarz. ad Plin. Pan. 81. Infra X, 159, *mendacibus pennis* de Iove in equum mutato. De hac Deorum transformatione vid. Eratosth. *κρυπταστ.*, cap. 27; Hygin. dictis locis; Anton. Lib. d. I., ubi alia, quae

« Duxque gregis, dixit, sit Iupiter : unde recurvis
Nunc quoque formatus Libys est cum cornibus Ammon;
Delius in corvo; proles Semeleia capro;
Fele soror Phoebe; nivea Saturnia vacca; 130
Pisce Venus latuit; Cyllenius ibidis alis. »

« Hactenus ad citharam vocalia moverat ora.
Poscimus Aonides: sed forsitan otia non sunt,
Nec nostris praeberere vacat tibi cantibus aurem. »
« Ne dubita, vestrumque mihi refer ordine carmen, » 335
Pallas ait; nemorisque levi consedit in umbra.
Musa refert: « Dedimus summam certaminis uni.
Surgit, et immissos hedera collecta capillos

hic, animalia commemorantur, sub quorum figuris Dii latuerint. Neque ibi Iupiter et Iuno mutantur, sed contra Minerva cum aliis Diis additur. Apollod. hoc unum habet, τὰς ἰδίαις μεταβαλὼν τίς ἕωκ. Euseb. Praeparat. Evang. pag. 31, monet, ex hac Deor. transformatione ortum esse eorum cultum apud Aegyptios.

327. *Dux gregis*, hircus. — Periphrasis est arietis. Num Iupiter se in arietem commutavit; cuius rei argumentum est, quod Iupiter Ammon in Libya sub figura arietis colitur. Conf. vs. 17. LEM. — *cum cornibus*. Vnus Argenteus et unus Heliusii, in *cornibus*, quod Burmanno doctius videtur, quam ut a librario indocto profectum fuerit. — Bene *cum cornibus* Regii nostri. LEM. — *corvus* propter divinandi dotem Apollini sacer. Nicandro auctore, in accipitrem transiit, cuius caput apud Aegyptios Soli dahatur. — *capri* formam habebat Mendes, seu, Pan Aegyptiorum. — Ab iisdem Luna sub *felis* imagine colebatur. — *vovae* cornua habebat Isis, et *ibis* symbolum erat Hermetis. Vide Iablonskii Panth. Aeg. V, 2. In

piscem Venus etiam apud Syros alio tempore transiit. Hygins P. A. 30; Noster Fast. II, 461 sqq. Et omnino haec de Typhoeo fabula apud Syros nota videtur, monente Heynio ad Apollod. d. l. — *Ibis*, avis ciconiae similis, Aegypti peculiaris, immunda, ut quae rostro anum purget.

332. *vocalia moverat ora*, descriptio cantus; accinerat voce citharae. De verbo *posci* vid. ad IV, 274. Sic et graece αἰτῶσθαι. — *Aonides* ab Aoniibus, praescis Boeotiae incolis. Modeste Musa abruptum vult orationem et anos reticere cantus.

335. *ordine referre* dicuntur, qui rem totam inde ab initio referunt. Longius igitur carmen auditura Pallas *consedit*. — *levis umbra* etiam Timoll. II, 5, 96, ubi Heynius hoc epitheton inde expliat, quia, foliis et fronde leviter ab aura motis, ipsa umbra micat, et contremiscit. Possis et dicere, quia umbra nullo est pondere. Propert. III, 2, 1, *mollis umbra Heliconis*. Schicachius h. l. interpretatur gratam, dulcem. — *Summam certaminis*, universam certamen, sicut apud Cic. Fin. II, 27, *Summam*

Calliope querulas praetentat pollice chordas;
Atque haec percussis subiungit carmina nervis: » 340
« Prima Ceres unco glebas dimovit aratro;

philosophiae est universa *philosophia*. — *Calliope* eligitur, Musa praestantissima, quae res gestas Deorum atque heroum cantu celebrabat. Itaque interdum pro toto Musarum choro ponitur. *Aeneid.* IX, 535. Infra versu 661, *maxima* vocatur. Ad dicendum prodituri vestitum componere solebant. *Plin.* II, *Epist.* 3, 2, *surgit, amittitur*. Similiter et nunc *Calliope* decoris causa, *capillos* (quos mulieres domi sedentes *immissos* in faciem, aut sparsos per humeros et defluentes habebant VI, 168; et *Trist.* I, 3, 43) *colligit*, non nodo aut reticulo, sed *hedera*, doctorum frontium ornamento, quo et poetae coronari solent, *Conf. Horat.* I, *Od.* 1, 29. — *hedera*. Codex Regius B habet *holerus*; non male, si pro *immissos*, reponatur *immixtos*. *LEM.* — *praetentat chordas*, ante cantum oris pulsat. pracludit, ἀναρροῖται, ἀναβάλλεται, more citharodorum. *Retentare* chordas, supra 117. — *querulae* propter mollem sonum. *Querula* tibia *Horat.* III, *Od.* 7, 30.

341. *Hymnus Musae Cererem celebrans* pertinet ad vs. 661; sed pars eius gravissima *Raptus Proserpinae*, cui quatuor metamorphoses insertae, ad vers. 571. *Plutoni*, Siciliam, *Tiphoei* motibus concussam, ambientem *Cupido*, matre impellente, amorem iniicit. Quo facto ille e vestigio *Proserpinam*, prope Hennaes mocuia flores legentem, rapit, et per *Cyane*, se opponere laborantis, fontem ad inferos devehit. Tum moerens *Cyane* in aquas extenuatur. *Ceres*, accensis in Aetna taedia, diu nocturne per

totum terrarum orbem *Gliam* amissam quaerit, atque inter errores illos *puerum* quemdam in *stellionem* mutat. Reversa in Siciliam e *Proserpinae* zona, quam in *Cyaneo* fonte natantem videt, *filiam* ibi evanuisse discit. Hinc saeviens terras omnes, Siciliam in primis, sterilitate damnat. *Aethusa* vero et pro terra deprecatur, et prodit *Proserpinam* *Plutonis* esse coniugem. His cognitis *Ceres* ad *Iovem* querelas suas deferit, qui eam solatur, sed et reddere *filiam* matri ea lege vult, si nullos adhuc ore cibos sumserit. Comedit autem illa septem granati graua. Quod quum *Acalaphus* importune prodidisset, in *bubonem* transformatur. Quin etiam *Acheloï* *filiae*, quae *Proserpinae* flores legenti adfuerat, quoniam ipsae id exprecarent, in novam *Sirenum* formam transeunt. *Iupiter* tandem rem ita componit, ut *Proserpina* singulis annis sex menses cum matre sit, totidem cum *Plutone*. — Haec fabula a plurimis, sed magna varietate, tractata est. Iuxta *Narmor Arund.* I, 14, iam sub *Erechtheo* aliquis, cuius nomen deletum est, carmen de ea composuit. Idem fecerat, ut e *Pausan.* I, 39, apparet, *Pamphus*. Ordine relata est in *Homeri* hymno in *Cerem*, et copiosius etiam *seriore* aetate a *Clandiano* peculiari de *Raptu Proserp.* carmine. Breviter eam attingunt *Orpheus* in *Argou*, 1189 sqq.; *Callim.* hymn. in *Cerer.* 5-17. *Conf.* et *Apollod.* I, 5, qui fere hymn. *Homer.* sequitur; *Hygin.* fab. 146; *Arnob.* adv. *Gentes* V, pag. 173 seqq. Denno *Noster* eam tractavit *Fast.* IV, 339 sqq. Expressa

Prima dedit fruges, alimentaue mitia terris;
 Prima dedit leges: Cereris sumus omnia munus;
 Illa canenda mihi est: utinam modo dicere possem
 Carmina digna Deae! certe Dea carmine digna est. 343
 Vasta giganteis iniecta est insula membris
 Trinacris, et magnis subiectum molibus urget

denique erat in multis nummis aliisque monumentis. Spanhem. ad Callimachum 9. — *Prima Ceres* etc. e Virgil. Georg. I, 147: *Prima Ceres ferro mortales vertere terram Instituit*. Conf. Noster Amor. III, 10; Fast. IV, 401. — *dimovit*, *dimovere*, id est, arare instituit. *Dimovere terram* etiam Georg. II, 513. — *mitia*, culta, quoniam antea glandibus yescerentur homines. *Mite*, proprie de frugibus cultis et maturitatem consequentis. — *sumus*, pro vulgari *sunt*, ex Berneggeriano et uno Hamburgensi, qui pro diversa lectione habet, recepit et illustravit Heinsius qui laudat Pont. I, El. 1, *quorum sumus omnia*, et infra X, 32, *omnia debemur vobis*, ubi vid. notas. Sed quoniam nos ipsi hoc loco non in illis omnibus sumus, propterea praefereamus, nisi altera lectio doctior esset, quam ut a librario proficiisci potuerit. Codex Regius A habet *sunt*; Codex B, *sumus*. — *munus*; hinc *munifica* dicta. Et quoniam agricultura est veluti mater *legum* civilium, propterea Ceres etiam *legifera*, *Σπουδαία*.

345. *digna Deae*) Quam antea edere-
 retur *digna Dea* (et sic habet Codex
 Regius A), Heinsius, ex Berneggeriano
 aliisque plurimis, praetulit
Deae et monuit hanc vocem posse referri
 ad dicere; idemque ad Trist. IV,
 3, 57, exempla concessit, quibus *to*
dignus adiunctum sibi habet casum
 secundum.

346. *Vasta giganteis* etc.) Terrarum
 motus et subterraneorum ignium
 explosiones gigantibus terrae inclusis
 trahere solebat fabulosa antiquitas,
 physica fere phaenomena ex fabulis
 explicans. Ac Siciliae quidem, *vastae*,
 maximae in mari Mediterraneo
insulae, Graecis a tribus promontoriis,
ἄκραι, *Trinacris* dictae, Noster Aeschylum
 Prom. 351, Pindarum Od. IV, 12, sequutus tam h. l. quam IV
 Fast. 491, et II Pont. 3, 23, *Typhoeum*
 subiicit, qui, quum in acerrimo
 cum Iove bello tandem fulminum vi
 territus per mare Mediterraneum fugere
 corpisset, hae insula a Iove ob-
 ruptus credebatur. Atque ita etiam Ni-
 cander ap. Anton. Lib. XXVIII; Apol-
 lod. I, 6, 3; Hygin. fab. 152. Secun-
 dum Homer. autem Iliad. B, 783, ille
in Arimis iacet, id est, vel in Cilicia,
 vel in Syria. Sed Arimos quum non-
 nulli in Pitheensis insulis prope Mi-
 senum collocarent, Virgil. Aen. IX,
 715, unam ex illis Prochyta nomen-
 navit. Vide ibi Heynii Exe. *Encelado*
Aetnam superimponunt Orph. Quint.
 Smyrn. XIV, 582; Virg. Aeneid. III,
 578 et alii. Commode autem Noster
 rem omnem a *Typhoei* supplicio et
 motibus repetit; eum enim Pieris et
 curminis sui argumentum fecerat, et
 falso in honore posuerat. — *motes*,
 montes et oppida, ut vs. 354. *remoliri*
pondera terrae. — *sperare*. Nonnulli,
aperare; Heinsius malebat *spirare*,
 id est, *affectare*, quod multis exem-

Aetherias ausum sperare Typhoëa sedes.

Nititur ille quidem, pugnatque resurgere saepe;

Dextra sed Ausonio manus est subiecta Peloro; 35a

Laeva, Pachyne, tibi; Lilybaeo crura premuntur;

Degravat Aetna caput; sub qua resupinus arenas

Eiectat, flammamque fero vomit ore Typhoëus.

Saepe remoliri luctatur pondera terrae,

Oppidaque, et magnos evolvere corpore montes. 35b

Inde tremit tellus; et rex pavet ipse silentium,

Ne pateat, latoque solum retegatur hiatu,

Immissusque dies trepidantes terreat umbras.

Hanc metuens cladem tenebrosa sede tyrannus

Exierat; curruque atrorum vectus equorum, 36a

Ambibat Siculae cautus fundamina terrae.

plis probat; eodem sensu I, 151, *regnum affectare coeleste*; Regii nostri Codices habent *sperare*, cui praetulerim lectionem Heinsii. LEM.

349. *Nititur ille quidem*) Hoc idcirco fugitur, quia Sicilia terrae motibus saepe numero quatitur. LEM. — *pugnatque*. Codex Regius A, *tentatque*. — *Dextra sed* etc. Nota sunt haec tria Siciliae promontoria, de quibus vide Claudian. Rapt. I, 147 seqq. — *Pelorum* (Capo Pelorus) orientem spectat, *Pachynum* (Capo Passero) meridiem, *Lilybarum* (Cap. Marsala) occidentem. — *Ausonium*, Ausoniae seu Italiae vicinum. — *Premuntur*. Vaticanus et unus Medicus, *tenentur*. Regii nostri, *premuntur*, quod servandum ceuseo. LEM.

353. *flammamque vomit Typhoëus*) Quotquot ubique montes, aut loci marini eructant incendia, aut repentinis flatibus, qui vocantur *Typhones*, et terrae motibus concutiantur, *Typhoeus* iniecta linguntur. Cf. Aeneid. II; Claudian. de Raptu Proserpinae I;

Noster XIV. LEM. — *evolvere* maluit Heinsius, pro *dēvolvere*, quod dant Regii nostri.

356. *Inde tremit tellus*) Sic Typhoëi motus fit causa probabilis, cur Pluto e sede sua exierit ad superas auras, Cupidinisque telis vulnerari potuerit. Sequentia expressa ex Homeri II. Y, 61: Εὐδμήτην δ' ὑπὲρθεον ἀναξὶς ἐνέπλεον Αἰθωνίης — μή οἱ ὑπερθε Γαίης ἀναδρόζῃτε Ποσειδάων ἐνστήχθων, Οἰκία δὲ Στυγαίου καὶ ἰθὺνάρωνται γαυγίη. Quem locum magnificum, et Longino 9 laudatum, expressit etiam Virg. Aeneid. VIII, 243, sed tantum in similitudine. Verum h. l. ut apud Homerum, verus Plutonis timor declaratur. Sed verba petita ex illo Virgilii, *trepidantesque immissio lumine Manes*. — *silent* simpliciter, mortui. — *potest*, *patescat*. — *dies*, lux. — *trepidantes terreat*, terrent, ut trepidant.

360. *atra omnia*, quae ad inferos pertinent. Κυανόπριχας ἵππους Plutoni dat etiam Orpheus; caeruleos Noster, Fast. d. I. — *equorum* illorum nomina

Postquam exploratum satis est, loca nulla labare,
 Depositique metus; videt hunc Erycina vagantem
 Monte suo residens, natumque amplexa volucrem;
 «Arma, manusque meae, mea, nate, potentia, dixit, 363
 Illa, quibus superas omnes, cape tela, Cupido,
 Inque Dei pectus celeres molire sagittas,
 Cui triplicis cessit fortuna novissima regni.
 Tu Superos, ipsumque Iovem, tu numina ponti
 Victa domas, ipsumque regit qui numina ponti. 370
 Tartara quid cessant? cur non matrisque tuumque
 Imperium profers? agitur pars tertia mundi.
 Et tamen in coelo (quae iam patientia nostra est!)

habet Claudian. R. I, 282. — *Ambibat*, ut Iupiter moenis mundi II, 401, 363. *Depositique metus*) Codicis Regii Blectio, *depositoque metu*, simplicior et verior certe est. LEM. — *Erycina*, Erix, hodie S. Giuliano, mons altissimus non longe a Lilybaeo, Veneris *Erycinae* templo memorabilis. Hic Venus sua sponte in Plutone amorem excitat; sed apud Claudianum, quum Iupiter constituisset Proserpinam Plutoni coniugem poscenti iungere, iubetur illam dolis perducere, ut certo die in campis ludat, Venerique comites se dant Minerva et Diana. Secundum Apollodores fit *Διὸς συγγεγονῆτος*. Conf. hym. Hom. in Cer. 79. — *vagantem*, euntem et redeuntem II, 409.

365. *Arma, manusque meae* etc.) Non imperat filio, sed socium regni capiat argumentis blandis et fortibus. Ante oculos posita habuit Aen. I, 664. Ibi quoque Venus Amori: *Nate, meae vires, mea magna potentia*, per quem ego vultu et potens sum. Noster arma et manus addidit, quibus milites imperium proferunt. — *superas, domas*; conf. I, 463. — *molire*, mitte.

— *triplex*, in tres partes divisum. — *fortuna novissima*, sors ultima; nam fortuna tribuit sortem. Iovis sors prima exierat, novissima Plutonis, qui hinc a Seneca, Hercul. Fr. 833, *tertia rex sortis* vocatur. Claudian. Rapt. I, 100: *Tertiae supremae patior dispensanda sortis*.

370. *regit qui numina ponti*) Codices nostri Regii, *qui numina terrae*; haec lectio reicienda videtur; namque Neptunus ponti rector tantum habetur, sicut Iupiter coeli et terrae, et Pluto *tertia partis mundi*, scilicet inferorum. LEM.

371. *quid cessant? cur non adduntur nostro imperio?* Claudian. I, 122, Iupiter Veneri, *cur ultima regna quiescant?* — *Imperium profers*, extendis, amplias. — *agitur* bene explicat Regius, in periculo versatur, ne a nobis amittatur. Surpe Cic. *agi salutem, imperium* etc. dicit. Et bene *tertia mundi pars*; rege etiam victo, totum regnum vincitur et servire cogitur. Claudian. Rapt. II, 13: *Venus iam Dato subacto Ingenti summis Munus ductura triumpho*.

373. *Et tamen in coelo, quae iam*

OVID. Op. TOM. III

Y

Spernimur; ac mecum vires tenuantur Amoris.
 Pallada nonne vides, iaculatricem Dianam 375
 Abscessisse mihi? Cereris quoque filia virgo,
 Si patiamur, erit; nam spes adfectat easdem.
 At tu, pro socio si qua est mea gratia regno,
 Iunge Deam patruo. » Dixit Venus: ille pharetram
 Solvit; et, arbitrio matris, de mille sagittis 380
 Vnam seposuit, sed qua nec acutior ulla,
 Nec minus incerta est, nec quae magis audiat arcum;
 Oppositoque genu curvavit flexile cornu;
 Inque cor hamata percussit arundine Ditem.

etc.) Heinsius, MSS. sequuntur, hanc lectionem concinnavit et commendavit, et tamen in caelo quoque tanta potentia nostro Spernitur. — Lectio Heiniana inutilis est: verba quae iam potentia nostra est satis superque intelliguntur, et emendationem non desiderant. LEM. — iam inservit indignationi, notante Burmanno. — potentia, animi lenitas, quum quis patitur et ea quae fieri non debent, adeoque saepe in vitio ponitur. Eleganter qui adhibetur in interiectionibus, aut pro quom tantus. — tenuantur, minuantur, quod est in variis lectionibus; v. g. in Codicibus Regiis Parisiens.

375. *Pallada nonne vides*) A quibus potissimum spernuntur. Venus exponit; Pallas enim ac Diana perpetuum vocant virginitatem. LEM. — Abscedunt alteri, qui deserunt eius partes. Sed nunc est, fugere alterius imperium. — *Adfectat*, concepit. — *si qua est gratia*, sollemnem formulam in precibus IV, 535, infra 515, si nulla est gratia matris.

380. *Solvit*, aperit, detracto operculo, quo regi pharetra solebat. — *seposuit* exquisitius, quam elegit.

Vid. ad Plinium Pan. 37, 4. — *Nec quae magis* etc. Haec verba capit, cum aliis, etiam Burmannus de certa sagitta. Male; hoc enim iam dixerat poeta; igitur alia virtus intelligi debet. Facile audit arcum sagitta ea, quae habilis est, et facile regi, mitti potest. Virg. Georg. I, 514, neque audit curvus habenas, regi non potest. Sic cepit etiam Schirach. « Notata, inquit, sagitta subtilis. Praeclara vero est descriptio Amoris sagittam mittentis; eligit de mille unam, et quidem oculatissimam, certissimam, facile sequentem; atque vero tanta cura opus erat; etenim agitur pars tertius mundi. » — *nec quae magis audiat arcum*. Sic legitur in Codice B; at Codex A, *nec quam magis audiat arcum*. Inter has lectiones non difficile est seligere; quoniam enim verbum *audire* duas habet significationes, et in lectione Codicis A, *arcus audiat magis*, intelligendum sit, *acceptam magis habere sagittam, et libentius mittendam*, tamen prior lectio et sensus potior est. LEM.

384. *Inque cor*) Regius, corde. Burmannus, nec in cor, nec in corde percussit satis eleganter dictum putat:

« Haud procul Hennaeis lacus est a moenibus altae,
 Nomine Pergus, aquae: non illo plura Caystros
 Carmina cyncorum labentibus audit in undis.
 Silva coronat aquas, cingens latus omne; suisque
 Frondibus, ut velo, Phoebeos submovet ictus.

mallet inde cor — *Diis*. Regii nostri habent *inque cor*.

385. *Henna* aut *Enna*, urbs in media Sicilia sita, atque hinc umbilicus insulae dicta. Ibi Ceres tanta religione colebatur, ut illa urbs non urbs, sed fanum Cereris, omaesque cives sacerdotibus istius Deae esse viderentur. Cic. Verr. IV, 49, 50; Livius XXIV, 39. Ex eius urbis nemore Proserpinam esse raptam, probatissimi auctores referunt. Alii tamen, ut Pindar. Nem. A, Hygin. fab. 146, Claudian. Aetnam nominant: vid. Broukhus. ad Propert. I, 3, 1. Sunt rursus alii, qui id in Attica aut in Asiaticis terris accidisse malint. Campum Nysaeum habet Homeri hymnus, occidentale Hispaniae litus Orpheus. Vid. Schol. Hesiodi pag. 303, et Spanhem. ad Callimach. hymn. in Cer. vs. 9. Cum Nostro placet verba Cic. Verr. IV, 48, conferre: *Raptam esse Liberam, quam eandem Proserpinam vocant, ex Ennensium nemore.* — *Enna* autem, ubi ea, quae dico, gesta esse memorantur, est loco praecelso atque edito: quo in summo est aequata agri planities et aquae perennes. Tota vero ab omni aditu circumcisa atque diremta est. Quam circa lacus lucique sunt plurimi, et laetissimi flores omni tempore anni: locus ut ipse raptum illum virginis, quem iam a pueris accepimus, declarare videatur. Etenim propter est spelunca quaedam, conversa ad aquilonem, infinita altitudine, qua Deum patrem ferunt repente cum curru existisse, abreptumque ex eo loco

virginem secum asportasse, et subito non longe a Syracusis penetrasse sub terras, lacumque in eo loco repente existisse: ubi usque ad hoc tempus Syracusani festos dies anniversarios agunt. — *Pergus*. Sic vocatur etiam a Claudiana II, 112, a quo inde a vers. 100 forma loci describitur. — *Caystros*. Codex Regius B habet *Cayster*. De Caystro eiusque cynis, vid. ad II, 252. — *labentibus*. Thuanus et unus Gronovii, *plaudentibus*, quod argumentum Heinsius indicat. Regii nostri, *labentibus*. — *labentes undae*, ipse fluvius. — *audit*. Burmannus non omnino reiecit *edit*, quod Francofurtensis habet, quia *audiat* modo praecessit. Codex Regius B, *edit*; at iure servavi *audit*. LEM.

388. *Silva coronat aquas*) Etiam Orpheus ibi memorat fuisse τόπος τε καὶ μέγα ἄλσος. — *cingens latus omne, suisque etc.* Sic Codex A, at notanda lectio Codicis B, *quas cingens velat ubique*: unde ista fluxerit, nescio; sed displicet *aquas*, quas, etsi haec tautologia apud poetas non sine exemplo sit: displicet etiam *coronat aquas* — *velat frondibus*: quae verba eundem sensum fere praestant: unde reicienda huius Codicis B lectio. LEM. — *velum* intelligitur, quod in amphitheatris expansum spectatores a solis verberibus defendebat. Invenal. IV, 122. — *ictus* ex Neapolitano, secundo Mediceo et uno Palatino bene adoptavit Heinsius; vulgo *legebatur ignis*, quod habent nostri Regii, sed Heinsio et docto Gierig adsentior. LEM. —

Frigora dant rami, Tyriös humus humida flores, 390
 Perpetuum ver est: quo dum Proserpina luco
 Ludit, et aut violas, aut candida lilia carpit;
 Dumque puellari studio calathosque sinumque
 Implet, et aequales certat superare legendo;
 Paene simul visa est, dilectaque, raptaque Diti: 395
 Vsque adeo properatur amor! Dea territa moesto
 Et matrem, et comites, sed matrem saepius, ore
 Clamat; et, ut summa vestem laniarat ab ora,
 Collecti flores tunicis cecidere remissis:
 Tantaque simplicitas puerilibus adfuit annis; 400
 Haec quoque virgineum movit iactura dolorem.

ictus Soli frequenter tribuuntur; radii enim eius sunt veluti tela, quae percutiunt et verberant corpora. Horat. II, 15, 9, *ramis laurea fervidos Excludit ictus*. — *Tyrios*, pro *variis*, Heinsius ex Florentino S. Marci, Neapolitano et secundo Mediceo dedit. *Tyrios flores*. Eodem sensu dicitur *Tyrius crocus*, *Tyria chlamys*, *Tyrius torus*, *Tyrius fucus*; et in libro IX, *Tyrios imitata colores* etc.; et in libro X, *Tyriusque nitentior astro flos oritur*. LXX. — Arnobius dat *purpurens*; id est, ornatus pulchros; etenim *Tot fuerant illic, quot habet natura, colores*, Paul. d. l. 429, ubi caput istorum florum recensetur.

392. *Ludit, et aut violas* etc.) In eo eousciliunt omnes, raptam Proserpinam, quum *flores legeret*, a quo non differt alterum *ludere*, quod de omni opere non seria ponitur. Iam Paniphilus scripserat, raptam eam esse *παίζουσαν καὶ ἀνθὰ συλλέγουσαν*, eamque deceptam esse, non *violis*, sed *narcissis*. Pausan. IX, pag. 173. Similiter Hous. hymn. in Cer. 5, *παίζουσαν ἀνθὲς τ' αἰσυμένους*. Tum *narcissus* eximiae pulchritudinis, quum de-

corpora, commemoratur. Cf. Schod. Sophocel. ad Oed. Col. 647. In nummis ab Ennensibus in memoriam huius raptus cnsis et *violae* flos cernitur, Spanhem. ad Callim. 15. Schirachius monet, dulcedinem veneni inesse, nam ex repetita litera *n*, idque laetum esse ex imitatione Virgilli: *Mollia huteola pingit vaccinia caltha*.

393. De *calathis*, vid. ad IV, 10. Inserviebant etiam floribus collectis. — *Aequalium Nympharum* catalogum hymn. Hom. 418, habet. Ex iis infra *Sirenes* commemorantur. De certamine illo Claudian. II, 137: *Aestuans ante alias avido fervere legendi* — Nunc *calathos implet, nunc sese ignara coronat, Augurium fatale tori*. — Celeritas raptus bene notatur verbis *Paene simul* etc., in quibus etiam numerum observa. Dictum hñc ad illud *Cacusaris, Veni, vidi, vici*. — *Properatur amor*, propere satiat amor.

397. *matrem*, quae in hymn. Hom. etiam *ludit* eius vocem. De illa *summa ora* vide ad III, 480. — *simplicitas* nunc in eo cernitur, quod minutiarum quoque curam habebat pcella. Sed fictum hoc contra naturam: sum-

Raptor agit currus, et nomine quemque vocatos
 Exhortatur equos; quorum per colla iubasque
 Excudit obscura tinctas ferrugine habenas;
 Perque lacus altos, et olentia sulfure fertur 403
 Stagna Palicorum, rupta ferventia terra;
 Et qua Bacchiadae, bimari gens orta Corintho,
 Inter inaequales posuerunt moenia portus.
 * Est medium Cyanes, et Pisaeae Arethusae,
 Quod coit angustis inclusum cornibus, aequor. 410
 Illic fuit, a cuius stagnum quoque nomine dictum est,

mus enim terror tali simplicitati ad-
 versatur.

402. *nomine quemque*) II, 192. — *Exhortatur*. III, 242. — *ferruginea* omnia inferna. Vide Heinsium; *ferrugineus amictus* Platonis apud Claudianum II, 275.

403. *Perque lacus altos*) Diomedes, pag. 304, legit *Perque locos sacros*. — *olentia sulfure* vituperat idem Diomedes pag. 304, quum *olere sulfure*, *unguentum* latine dicatur. Sed bene Heinsius monet, et exemplis comprobatur, etiam ablativum subiinde addi verbo *olere*; et Ovidius amphibologiae vitandae causa, maluisse *sulfure*, quam *sulfura*. Caposferreus autem contendit, eum scripsisse, *olenti a sulfure*; essent enim *olentia* et *ferventia* duo epitheta eiusdem substantivi. At quis duo epitheta sic iuncta vituperet? Stagna illa erant et ferventia et olentia. — *Palici*, gemini fratres, Iovis et Thalesis uymphae filii, de quibus Diod. Sic. XI, 89; Macrobius V, 19. Ab his *Palica* urbs dicta, iunctaque eam *Palicorum lacus*, λίμνη Παλικῶν, Παλικινὴ κρήνη, κρατερὰς Παλικῶν. Habebat aqua sulfurea, et emittebat gravem odorem, ut tradunt Strabonem Byz. Strabo et alii.

407. *Bacchiadarum*, qui a Bacchia vel Bacchide genus ducebant, inelyta familia summam apud Corinthios potestatem obtinuit; sed sive ob luxuriam, sive ob affectatam tyrannidem, a Cypselo expulsi est. Aelian. V. H. I, 19; Pausan. Corinth. pag. 120; Schol. Apollon. Rh. ad IV, 1212. — *bimaris*, διβάλαρος, quae a duobus maribus cingitur, Ionio et Aegaeo. Facta haec vox videtur ab Horat. I, Od. 7, 2, ubi vid. I. Douz. — *moenia*, Syracusas intelligit, easque designat a duobus portibus, quorum alter amplior multo altero. Sic *inaequales*.

409. *Arethusa*, fons Syracusis maxime memorabilis, qui in modum iusti fluvii e terra prorumpit: vid. Cic. Verr. IV, 53. Cur *Pisaea* dicatur, infra apparebit e vs. 487 et 494. — *medium Cyanes*, inter Cyanen et Arethasam, ut infra 644, *medium coeli terraeque*, et Horat. II, Od. 19, 28, *medius pacis et belli*. Lenzius vero ita iungit verba, *Est medium aequor, quod cornibus Cyanes et Arethusa includunt coet*. Quae includunt portus aut sinus, *brachia* alibi solent dici et *curru*, nunc a forma *cornu*. Iis, quoniam sunt *angusta*, mare coit, coarctatur in angustum spatium. Vid. Cicero.

Inter Sicelidas Cyane celeberrima Nymphas;
 Gurgite quae medio summa tenus exstitit alvo,
 Agnovitque Deum: «Nec longius ibilis, inquit:
 Non potes invitae Cereris gener esse; roganda, 413
 Non rapienda fuit: quod si componere magnis
 Parva mihi fas est, et me dilexit Anapis:
 Exorata tamen, nec, ut haec, exterrita nupsi.»
 Dixit; et, in partes diversas brachia tendens,
 Obstitit: haud ultra tenuit Saturnius iram; 420
 Terribilesque hortatus equos, in gurgitis ima
 Contortum valido sceptrum regale lacerto
 Condidit: icta viam tellus in Tartara fecit;
 Et pronos currus medio cratere recepit.
 At Cyane, raptamque Deam, contemtaque fontis 425
 Iura sui moerens, inconsolabile vulnus
 Mente gerit tacita, lacrymisque absumitur omnis:
 Et, quarum fuerat magnum modo numen, in illas
 Extenuatur aquas: molliri membra videres,

Verr. IV, 52. Arethusa erat in insula urbis. Ea disiuncta mari angusto. — *Cyane Nympha* fuit in comitibus Proserpinae secundum Claud. II, 61. — *exstitit*, repente prodiiit. — *summa tenus alvo*, ut solent numina aquarum nasci. — *Cereris*, Heinsius malebat Cereri.

417. *Anapis seu Anapus*, fluvius, qui, ubi Cyanen recepit, in portum maiorem Syracusarum se exonerat. II ex P. 10, 26: *Quaque suis Cyanen miscet Anapus aquis*. Sed ex illa aquarum coniunctione matrimonium fecerunt poëtae. — *exterrita*, vi coacta.

420. *tenuit*, retinuit, compressit. — *sceptrum tripale* ei dat Claudianus II, 172. *Id contorquetur*, quom, tanquam hasta emittenda, lacerto libratur. — *Condere*, trudere, quemadmodum ensis in corpus condi dicitur.

Etiā de loco, quo Proserpina deducta in Tartarum, variae erant sententiae. Per Aetnae histum quemdam id factum plures tradebant, idemque etiam hodie spelunca Proserpinae vocatur. Vid. Brydonii Itinerar. tom. I, pag. 189. In hymn. Orph. in Plut. abducitur per antrum Atticae. Claudian. II, 307: *Raptor Taenara intrat*. Scilicet plures speluncae reperiebantur, per quas descensus ad inferos patere credebatur.

426. *vulnus*, dolorem, ut *aeternum vulnus* Virgil. Aeneid. I, 36. Similiter *Uxo*; apud Graecos. Sed *vulnus* nec proprie, nec adeo tropice bene dicitur *inconsolabile*. — *Tenuatur melina*, quam, mutatur, transit. Exquisitius etiam Virg. Georg. IV, 410, *in aquas tenues dilapsus abit*, quod Noster mox vs. 433, expressit: —

Ossa pati flexus, ungues posuisse rigorem; 430
 Primaque de tota tenuissima quaeque liquescunt,
 Caerulei crines, digitique, et crura, pedesque;
 Nam brevis in gelidas membris exilibus undas
 Transitus est: post haec tergumque humerique latusque,
 Pectoraque in tenues abeunt evanida rivos: 435

Denique pro vivo vitiatas sanguine venas
 Lympha subit; restatque nihil, quod prendere possis.

« Interea pavidæ nequicquam filia matri
 Omnibus est terris, omni quaesita profundo. 440
 Illam non rutilis veniens Aurora capillis
 Cessantem vidit, non Hesperus; illa duabus
 Flammifera pinus manibus succendit ab Aetna;
 Perque pruinosas tulit irrequieta tenebras.
 Rursus, ut alma dies hebentat sidera, natam

molliri, ut cera liquescens. — pati flexus, fieri flexibilia. Mox arguitur et ingenio abutitur in tenuissimis illis et brevi earum transitu in aquas; tum quod vitiatas prius memorat venas. Melius Claudian. III, 245, morrens Cyane tacito laesa veneno Solvitur in laticem; subreptis crinibus humor, Li-quitur, in roremque pedes et brachia manant.

438-461. *Ceres, Proserpinam quaerens, puerum quendam mutat in stellionem seu lacertam. Haec etiam Anton. 24, et Nicandro refert, quem eundem confer etiam in Theriac. 484 sq. Paulo aliter et lurpissime ex Orpheo fragm. 16, rem narrat Clemens Alex. Paenag. pug. 13, et Arnob. adv. Gent. V, pag. 174. — pavor ille matris, Fast. d. l. 455 seqq. describitur. — Vt hic terrae et profundus, sic a Calimach. tota terra et omnes fluyii commemorantur. Secundum hymn. Hom. erat novem dies. — Flammifera ex uno suo dedit Heinsius; vulgo, flam-*

mifera; prius Gronovii, flammigenus. Codex Regius B, flammigeras. — pinus possent esse faces, si saepe. Et Apollod. περὶ ξυρτάνου; Arnob. faces geminas. Sed Ceres integras arbores gestavit. Fast. 493, accendit geminas pro laetipede pinus. Anctore Claud. III, 376, duas cupressus cum in usum succidit, easque complectitur, sicut sunt. Cic. Verr. IV, 48, taedas vocat. Sed taeda etiam hodie Siculis vocatur genus arborum, quas non nisi in Aetna nascuntur, et quarum lignum resinosum egregie praebet faces: vid. Brydon. d. l. pag. 189. Ipsa Dea inde tardifera. — ab Aetna, Aetnae ignibus. Petron. 89, ab aris accendit faces. Quomodo ab Aetna accenderit, ex suo commento narrat Claudian. III, inde a vs. 372.

443. *Perque pruinosas etc.) Noctu et interdiu quaesivit filiam. — dies, s. sol clariore sua luce hebentat, obscurat sidera, ut non apparent. Similiter fecit Il Amor. 6, 20, patitacus*

Solis ad occasum, Solis quaerebat ab ortu. 443
 Fessa labore sitim collegerat, oraque nulli
 Colluerant fontes; quum tectam stramine vidit
 Forte casam, parvasque fores pulsavit: at inde
 Prodit anus; Divamque videt, lymphamque roganti
 Dulce dedit, tosta quod coxerat ante polenta. 450
 Dum bibit illa datum, duri puer oris et audax
 Constitit ante Deam; risitque, avidamque vocavit.
 Offensa est; neque adhuc epota parte, loquentem
 Cum liquido mixta perfudit Diva polenta.
 Combibit os maculas; et, qua modo brachia gessit, 455
 Crura gerit: cauda est mutatis addita membris;
 Inque brevem formam, ne sit vis magna nocendi,

virides pennis hebetat smaragdos. Sed Schirach. alius generis veneres in h. v. deprehendit. «*Hebetare sidera*, inquit, dicitur *dies*, ubi tepidum est vespere tempus, vacans aestu calentis solis.» Valde poetice!

446. *sitim collegerat*) Olim edebatur *sitim* conceperat; sed iam Ciofanus ex duobus suis et Abb. *collegerat* protulit, idemque plurimis aliis comprobatum recepit Heinsius. Nostri Regii, *conceperat*. — *colligere sitim*, contrahere, etiam reperitur apud Virgilium in Georg. III, 327; Horatius IV, Od. 12, 13: *adduxere sitim tempora*. De siti Cereris multa apud Veteres; cf. Collim. VII, 12, 17. — In hymn. Homer. a Metanira, Celei Eleusini coninge, primum recreatur potu, postquam a Lamba, Metanirae famula, exhilarata erat.

447. *Colluerant*) Multi, *polluerant*; unde Heinsius coniecit *procluerant*, nostri Regii, *colluerant*. — *Colluere* raro ita occurrit de bibente; durius multo apud Lactantium, in argumento, *Aquam*, ad colluendum,

ieiunium, porrigere. — *quam tectam*, Nostri Regii, *contectam*. — *Prodit anus*. Haec anus a Nicandro Misma, ab aliis Baubo vocatur. — *roganti*. Regii nostri, *petenti*.

450. *Dulce* absolute positam, ut τὸ γλυκύ Graecia. — *tosta*, pro *testa*, correxit Barthius. — *polenta*: ab Orpheo, in fragment. vocatur *χυμός*, cinnus, potio confecta e tosta polenta, melle, vino, floribus, herbisque variis. Vid. Mmsker. ad Lactant. argument. Fischeri Indicem; Theophrastem in *χυμός*. Arnob. d. l., *oggerit potionem*, Cinnum, cyceonem quam nuncupat Graecia; idemque e Clemente addit, in Mystarum symbolis fuisse *ieiunavi*, atque *ebibi cyceonem*. Cyceonem Ceres iuxta Antonin. d. l. *ebibit ἀλφῆως*, id est, ἀμύρῃ, uno spiritu, adeoque *avide*. — *puer*, filius Mismes secundum Nicandrum. — *Durum os*, signum impudentiae.

455. *Combibit os maculas*, exquisitius, quam, *attraxit*, accepit. Anton. ἰγέρωτο ποτάμιος. — *et, qua modo*. Codices nostri Regii, et quae modo,

Contrahitur; parvaque minor mensura lacerta est.
 Mirantem, flentemque, et tangere monstra parantem
 Fugit anum, latebramque petit; aptumque colori 466
 Nomen habet, variis stellatus corpora guttis.

» Quas Dea per terras, et quas erraverit undas,
 Dicere longa mora est: quaerenti defuit orbis.
 Sicaniam repetit; dumque omnia lustrat eundo,
 Venit et ad Cyanen: ea, ni mutata fuisset, 466
 Omnia narrasset; sed et os, et lingua volenti
 Dicere non aderant, nec, quo loqueretur, habebat.
 Signa tamen manifesta dedit; notamque parenti,
 Illo forte loco delapsam gurgite sacro,

Haec lectio satis genuina recipi potest.

LEM. — *nocendi*. Codex Regius B, *loquendi*, quod forte non reiiciendum, quia, ut ex loquacitate malum venit, si minuitur loquendi potestas, minuitur quoque facultas nocendi.

LEM.

459. *monstra* mirabiliter exprimit *mutatam formam*. — *aptum colori*; *stellio* enim genus lacertae. Maculae passim vocantur *guttas*. Quam stellio Graecis *ἀστράλλος*; diceretur (vid. Schol. Nicandri ad Alex. 128), Mellmannus putat, hanc metamorphosin ortum esse ex confusione cum transformatione sequente vs. 459, aut ad exemplum eius fictam.

462–450. *Quas Dea per terras etc.*) Ceres quum ex Arethusa cognovisset raptum Proserpinae, Iovem supplex adit, qui ea lege filiam repeti posse pronunciat, si nullos gustaverit cibos. *Ascalaphus* autem, qui eam comedentem viderat, remque indicaverat, mutatur in bubonem. — *erraverit*. Errores illos describunt hymn. Hom. 43 sqq.; Callim. 8; Apollod. I, 5, 1; Noster ipse Fast. 455 sqq. — *Dicere longa mora est*. Vossius dat *Longa*

referre mora est, quod probat Heinsius. — Nostri Regii habent *dicere*. — *defuit orbis*, nulla superfuit pars orbis terrarum, ubi quaereret. — *Sicania*, a Sicanis, qui ex Iberia immigraverunt. Thucyd. VI, 2. — *ea, ni mutata fuisset*. Codex Regius A, *quae ni mutata fuisset*. Non praestantior lectio propter praecedentia vocabula *quaerenti*, *dumque*; ea nempe repetitio frequentior et minus grata videretur. LEM. — *Omnia narrasset*, nempe mutatis manet sensus pristinus.

467. *Dicere non aderant*) Ne ineptae tantologiae reus sit Ovidius, Schirachius *adunat* interpretatur, adiuvant, ut verbum translatum h. l. sit a patronis causarum, qui verba faciunt pro reis. Non tamen opus est illa interpretatione. Sensus: Nec aliud instrumentum habebat, quo vocem emitteret. — *quo loqueretur*. Frustra Codex Regius B habet *qua loqueretur*; lingua subaudiri non potest; non lingua solum, sed et os quoque deerat; quare vocula *qua*, generis feminini, non potest recipi. LEM.

469. *Illo forte loco delapsam gurgite sacro*

Persephones zonam summis ostendit in undis. 470
 Quam simul agnovit, tanquam tum denique raptam
 Scisset, inornatos laniavit Diva capillos;
 Et repetita suis percussit pectora palmis.
 Nec scit adhuc, ubi sit; terras tamen increpat omnes;
 Ingratasque vocat, nec frugum munere dignas, 475
 Trinacriam ante alias, in qua vestigia damni
 Repperit: ergo illic saeva vertentia glebas
 Fregit aratra manu; parilique irata colonos
 Ruricolosque boves leto dedit; arvaeque iussit
 Fallere depositum, vitiatasque semina fecit. 480
 Fertilitas terrae, latum vulgata per orbem,

gite) Bormannus legebat cum Excerpta Langermanni, *Illo forte die, dolosam in gurgite*. Nostri Regii habent praepositionem. — *Persephones zonam*; e zona reperta Ceres didicit, ibi evanuisse filiam. Itaque fonti per aigna loquenti hoc indicium tribuitur. Aliter de Cyane Claudian. III, 255. — *zona soluta et amissa*, proprium indicium virginis raptae et delibatae. Hic legatur quod habet Firmicus de rustico quodam, cui propter divitias Pluton fuit nomen, raptore Proserpinae; qui, ne prehenderetur a Ceteria manu armata ipsum insequente, vehiculum egit per medium lacum Pergum, inibique perit, cum virgine submersus. LEM.

473. *repetita*) Vid. IV, 733: *Ter quater exegit repetita per ilia ferrum*.

476. *vestigia*, zonam, ut modo va. 468, *Signa tamen manifesta dedit etc.* — *damni*, filine amissae; XII, 16, *matrem circum sua damna volentem*. Iam saevit in terram, ut II, Phoebeus in equos solares, et ut ille recusat solem diutius vehere, sic nunc et Ceres muneri suo deest. Etiam in hymno Hom. 305 seqq., eius et moerentis fi-

lium et irascentis Iovi culpa, terra nullas fert fruges, agricolarum labor irritus est, parumque abest, quin genus humanum fame pereat. Cf. Diodor. Sic. V, 5.

478. *parilique irata*) Vt fregerat aratra, sic pariter interfecit agricolas et turos laborum socios: in omnia saeviebat gravi furore percita. Codex Regius B, *parilique aetate*; sed haec lectio est ingrata; qui enim sunt isti coloni parili aetate, et cur parili aetate? Vnde mendosum hunc locum, saltem in nostro Codice, suspicor. LEM.

480. *Fallere depositum*) Depositum dicitur quidquid apud aliquem custoditae gratia collocatur. Est vero figurata et poetica locutio, eo quod ager fallit, non reddendo semina credita atque in sinu eius deposita; Horatius III, Od. 1, 30, *fundusque mendax*. LEM.

481. *Fertilitas terrae Siculae*, Leon-tiorum imprimis camporum, a Diodoro, Plinio aliisque tantopere celebrata, vulgata sane est. Atque nostris etiam temporibus terra illa multis eximiae fertilitatis suae speciminibus

Cassa iacet: primis segetes moriuntur in herbis:
 Et modo sol nimius, nimius modo corripit imber:
 Sideraque, ventique nocent; avidaeque volucres
 Semina iacta legunt: lolium, tribulique fatigant 485
 Triticeas messes, et inexpugnabile gramen.

» Tum caput Eleis Alpheias extulit undis;
 Rorantesque comas a fronte removit ad aures;
 Atque ait: « O toto quaesitae virginis orbe,
 Et frugum genetrix, immensos siste labores; 490
 Neve tibi fidae violenta irascere terrae.
 Terra nihil meruit; patuitque invita rapinae.

accusat inertiam incolarum, ut passim queritur Brydon, itaque et hodie dicere licet, fertilitas illa *cassa iacet*, id est, vacat. — *Cassa iacet*. Heinsius, ex Arondel. qui sic pro diversa lectione dederat, praetulit *sparsa* vulgaris lectionis. Nostri Regii habent quoque *sparsa*, sed *fertilitas sparsa* non sonat recte. LEM. — De vocabulo *casus* vid. Heinsium ad Pastor. VI, 406. — *primis in herbis*, quum tenebrae adhuc herbae sunt. *Tenera in herba* dixit Virgilius; conf. infra X, 209.

484. *Sideraque, ventique*) Codex Regius A, *sidera cui etc.* Vide quae diximus ad III, 530, et IV, 10. Hic locus confirmat *to* que produci caesura. LEM. — *avidae volucres*, improbus anser, Strymoniaeque grues Virgil. Georg. I, 119. — *Semina legere*, *ἐπιμαρτὰ συλλέγειν*, proprie de his avibus, quae inde *ἐπιμαρτόεσσιν* dictae. Foesii Oecon. Hipp. pag. 348. — *lolium*, germanice *Trespe*. — *tribulus*, in Italia frequens. — *fatigant* exquisite, impediunt segetem surgere coarctantem, eam coercent. Plin. III, Ep. 19, 6: *felicitas terrae fatigatur imbecillis cultoribus*. Virg. Georg. I, 153:

interque nitentia culta, Infelix lolium et steriles dominantur avenae.

487. *Alpheus*, hodie *Carbon*, ubi *Elidem* irrigavit, mari Peloponnesiaco infunditur, sed sub mari procurere, atque in Sicilia, prope Syracusas, in Ortygia insula, cum *Arethusa* (quae inde *Alpheias*) aquas suas confundere credebatur. Senec. Nat. Quaest. III, 26; Strabo V, pag. 270; Pausan. Eliac. p. 390, qui rem comprobat auctoritate Delphici oraculi. Idemque error etiam nunc tenet multorum Siculorum mentes. *Arethusae* autem Noster ipse et oratoris deprecatorisque, ut Tellori II, 272 sqq., et indicis partes dedit. Optime autem, ut e vs. 504 sq. apparet, ei indicium tribuitur. In hymn. Homer. 74, quem Noster Fast. IV, 583, sequitur, rem Sol prodit; apud Apollodorum, Hermionenses, quia ad Hermionem Argolidis descensum ad inferos eas patabant. — *comas a fronte removit* etc. Eorum qui ad dicendum prodeunt, gestus aliquis noturi solet; II, 272; et supra vs. 338. Haec *removet comas*, ut IV, 474, *Tisiphone* colubrae. — *Rorantes*. I, 339.

490. *genetrix*, Dea. Dii earum re-

Nec sum pro patria supplex: huc hospita veni.
 Pisa mihi patria est; et ab Elide ducimus ortum.
 Sicaniam peregrina colo; sed gratior omni 495
 Haec mihi terra solo est: hos nunc Arethusa penates,
 Hanc habeo sedem; quam tu, mitissima, serva.
 Mola loco cur sim, tantique per aequoris undas
 Advelar Ortygiam, veniet narratibus hora
 Tempestiva meis; quum tu curisque levata, 500
 Et vultus melioris eris: mihi pervia tellus
 Praebet iter: subterque imas ablata cavernas
 Hic caput attollo; desuetaque sidera cerno.
 Ergo, dum Stygio sub terris gurgite labor,
 Visa tua est oculis illic Proserpina nostris. 505
 Illa quidem tristis, nec adhuc interrita vultu;
 Sed regina tamen, sed opaci maxima mundi;
 Sed tamen inferni pollens matrona tyranni.
 » Mater ad auditas stupuit, ceu saxea, voces,

rum genitores, quarum curam gerunt.
 — *meruit*, malo sensu, ut II, 279. —
Nec sum pro patria etc. Ita sibi viam
 pandit ad Arethusae fons in sqq. nar-
 randa. Sed loquacior paulo est in
 verbis: huc hospita veni — Sicaniam
 peregrina colo — hos nunc etc. Simili-
 ter I, 574, peccatom.

494. *Pisa mihi patria*) Pisa Arca-
 diae oppidum, iuxta quod Alpheus
 fluvius labitur. LEM.

499. *Ortygiam*) Syracusae quum
 quatuor haberent partes, earum una,
 in insula sita, Ortygia dicta est, ea-
 que pars hodie etiam restat: vid. Bey-
 don. p. 321. In ea fons Arethusa. Cic.
 Verr. IV, 52; Virg. Aeneid. III, 69:
*Sicania praetenta sinu incoet insula con-
 tra Plemmyrium undosum: nomen
 dixere viriorem Ortygiam. Alpheum
 fama est huc Elidis amnem Occidit
 agisse vias subter mare, qui nunc Ore,*

*Arethusa, tuo Siculis confunditur un-
 dis.* — narratus nove dictum, ut so-
 pra erratus. — *hora tempestiva* mon-
 venit vers. 573. — *melioris*, laetio-
 ris. Sic et VIII, 677, *vultus boni*. —
pervia tellus, cavales subterranei. —
imas. Vnus Moreti, *cavas*, quod re-
 ctius videtur Heinsio; sed *cavas ca-
 vernae* merito displicent Barmanno.
 Praeterea in *imas* causa est, cur Are-
 thusa Proserpinam cernere potuerat.
 — Nostri Regii habent quoque *imas*.
 — *deserta*; quae cernere desuevi, diu
 non vidi, dum sub terra labor Sty-
 gio gurgite, ibi, ubi Styx.

507. *sed regina — sed — sed*) De hac
 repetitione vide ad vs. 17. — *maxi-
 ma* substantive, domina. Matrem con-
 solaturn amplificat dignitatem filiae.
 — Etiam in *matrona*, coniux, aliquid
 dignitatis est. — *pollentiam* eius Pla-
 to ipse in h. Homer. 365 sqq. descri-

Attonitaeque diu similis fuit; utque dolore 510
 Pulsa gravi gravis est amentia, curribus auras
 Exit in aetherias; ibi toto nubila vultu
 Ante Iovem passis stetit invidiosa capillis:
 « Proque meo supplex venio tibi, Iupiter, inquit,
 Sanguine, proque tuo: si nulla est gratia matris, 515
 Nata patrem moveat: neu sit tibi cura, precamur,
 Vilior illius, quod nostro est edita partu.
 En, quaesita diu tandem mihi nata reperta est:
 Si reperire vocas, amittere certius; aut si,
 Scire ubi sit, reperire vocas; quod rapta, feremus: 520
 Dummodo reddat eam; neque enim praedone marito
 Filia digna tua est; si iam mea filia digna est.»
 Iupiter excepit: « Commune est pignus onusque,
 Nata, mihi tecum: sed, si modo nomina rebus
 Addere vera placet, non hoc iniuria factum, 525
 Verum amor est; neque erit nobis gener ille pudori;

bit. Claudian. I, 3, *profunda Iuno* dicitur; Virg. Aeneid. VI, 138, *Iuno inferna*, et a Nostro XIV, 115, *Averna Iuno*.

511. *amentia*) Eo habitu expressa est in monumento antiquo, quod exhibet Spanhemius ad Callim. d. I. Amentium remissam sequutus est dolor. — *toto nubila*. Heinsius mollet *motu squallida*, quia fragmenta Boxb. habent *pallida*. — Regii nostri habent *toto nubila*. — *nubila vultu*, moesta, dixit etiam Statius Sylv. III, 5, 11. Noster V Trist. 3, 14, *nubila Parca nascenti fuit*. Graeci poetae moestis tribuunt ὀφθαλμοὺς ὑπερφάνους aut ὑπόφωγος: vide Sophoclem Antig. 53a; Euripidem Hipp. 173. Confer mox similitudinem vs. 570. In hymn. Homeri, Iupiter ipse, sterilitate terrae commotus, primum Iriam, mox omnes deinceps Deos demittit coelo, qui

Cererem ad concilium Deorum revocent. Illa vero negat se reddituram aut fruges terris reddituram, ante quam filiam vidisset. Ea igitur ex Orco die mittitur. — *invidiosa*, odio Plutonis plena.

517. *edita partu*) Mediceus, *prodiata*, quod elegantius videtur Burmanno. Regii nostri, *edita*.

518. *En, quaesita etc.*) Confer I, 653-655. — *reperit est*, scio, ubi sit. — *certius*; Heinsius coniecit *verius*. — Nescio quo redeat ista coniectura, quum firmant nulli Codices. Lxm. — *certius*, quia iam nullus inde reditus.

523. *pignora parentum* dicuntur liberi ob amorem; *overa*, propter curae molestias. Sensus: Ego, aequo actu, tam amare filiam, quam salutem eius prospicere, debeo. — *neque erat etc.* In hymn. Homer. 83 sqq. Sol

Tu modo, Diva, velis. Vt desint cetera, quantum est
 Esse Iovis fratrem! quid, quod nec cetera desunt,
 Nec cedit nisi sorte mihi? sed, tanta cupido
 Si tibi discidii est, repetet Proserpina coelum; 530
 Lege tamen certa, si nullos contigit illic
 Ore cibos; nam sic Parcarum foedere cautum est. »
 « Dixerat: at Cereri certum est educere natam.
 Non ita fata sinunt; quoniam ieiunia virgo
 Solverat; et cultis dum simplex errat in hortis, 535
 Poeniceum curva decerpserat arbore pomum,
 Sumtaque pallenti septem de cortice grana
 Presserat ore suo; solusque ex omnibus illud
 Viderat Ascalaphus, quem quondam dicitur Orphne
 Inter Avernales haud ignotissima Nymphas, 540
 Ex Achieronte suo furvis peperisse sub antris:

Cerere sic solatur laudibus honorificae affinitatis, οὐ τοι ἀνιχὲς γαμβρὸς ἐν ἀθανάτοις πολυσημαίνων Ἀιδμνεύς.

527. *Vt desunt*, ponamus deesse, cetera, quae generum commendant, regnum scilicet. — *sorte*. Vide ad vs. 368. — *discidii*, divortii. — *repetet*. Codex Regius A, *repetat*, forte vividius. LEM. — *si nullos etc.* Lex futorum erat, ut nemini ex inferis redire liceret, qui ibi aliquid gustasset. — *foedus*, ordo et cursus rerum constans, h. l. quem Parcae, tanquam ex composito, constituerant. Claud. III, 4, *foedera mundi*, constans ordo, quo mundus regitur.

535. *Solverat; et cultis*) Tres, *solverat turgidis*; Heinsius coniecit *et riguis*, id est, quos rivus intersectabat. Nostri Codices, *cultis*, quod epitheton otiosum videtur; lectio trium codicum citatorum et Hemstii emendatio non adspicienda. LEM. — *cultis illos hortos* inferorum describit Homerus Od. A, 589. Ibi arbores fru-

giferæ, piri, mali, ficus, oleæ, etiam φοῖοι, mali puniceæ. — *simplex*, nihil mali suspicans. — *errat*, ambulat. — *Poeniceum pomum*, malum punicum sive granatum. Hinc Thes-mophoristas, quæ sacra faciebant Cereri legiferæ, abstinere a malis punicis. — *cortex pallens* recte dicitur; nam *pallere* de auri etiam colore usurpatur. — Hoc loco *septem grana*, sed Fast. IV, 607, non nisi *tria*. — De *cortice* illo cf. X, 736. In hymn. Homeri 372, Plato ipse, dimittere Proserpinam iussus, tale *granum* ei edendum dat, cuius vis erat, ut puella ne apud Superos maneret, sed ad coniugem rediret. Sic et Apollodorus.

539. *Viderat Ascalaphus etc.*) Apud Apollod. lib. I, d. l. Ceres Ascalapho, Acherontis et Gorgyræ filio, quod gustationem illam testatus erat, superimponit saxum; sed liberatum eum inde ab Hercule mutat in ὄρνις, seu parvam noctuam. — *Orythne*, ὄρνις, tenebræ. — *furvis sub antris*.

Vidit, et indicio reditum crudelis ademit.
 Ingemuit regina Erebi; testemque profanam
 Fecit avem; sparsumque caput Phlegethontide lymphæ
 In rostrum et plumas, et grandia lumina vertit.
 Ille sibi ablatus fulvis amicitur ab alis;
 Inque caput crescit, longosque reflectitur ungues;
 Vixque movet natas per inertia brachia pennas;
 Foedaque fit volucris, venturi nuntia luctus,
 Ignavus bubo, dirum mortalibus omen.

550

« Hic tamen indicio poenam, linguaque videri
 Commeruisse potest: vobis, Acheloides, unde

In hoc loco varietas Codicum: alii habent *fulvis*, alii *silvis*; mala utraque lectio; namque *antra* non sunt *fulva*, sed *furva*, opaca; deinde non potest accipi *silvis antris*, quod sensu eget. LEX. — *furvis sub antris*, quemadmodum Nymphæ marinæ *vitreis sub antris* pariunt. Vide ad versum 48.

543. *testemque profanam*; etiam VI, 431, *profanus bubo*. Plin. Hist. Nat. X, 12: *Bubo funebris et maxime abominatus, publicis præcipue auspiciis, deserta incolit, nec tantum desolata, sed dira etiam et inaccessa, noctis monstrum, nec cantu aliquo vocalis, sed gemitu. Itaque in urbibus, et omnino in luce visus, dirum ostentum est. Volat nunquam, quo libuit, sed transversus aufertur.*

544. *sparsio talis*, a Diis facta, vim mutandi habebat. Vide ad 454; III, 194. — *auferitur sibi*, cuius forma mutatur in aliam. — *amicitur ab alis*. Codices nostri, *amicitur in alis*: utraque lectio sine significatione; omneque hoc verbum *amici* sine ulla præpositione apud Latinos ponitur. LEX. — *In caput crescere*, ut apud Virgilium *in ventrem*. Cæterum, quoniam *ἀχελ*

λαπος genus nocturnæ Græcis significabat, Aristot. H. A. II, 17, facile apparet, quæ origo sit huius metamorphoseos.

551-563. *Sirenes*) Nota sunt, quæ Homerus Od. M, 39 sqq., de Sirenibus finxit. Confer Orph. Arg. 1268 sqq., et Apollon. Rh. IV, 892 sqq. Erant monstra marina, quæ inter Italiam et Siciliam, insulam quamdam incolebant, navesque appulas voce canora detinebant. Pater earum traditur *Achelous*; matrem faciunt alii *Steropen*, alii *Terpsichoren*, alii *Melpomenen* aut *Calliopem*. Etiam nomina earum varie exhibentur. A *Lycophr.* vocatur *Parthenope*, *Leucosia*, *Lygia*. Exstat Claudiani epigramma 24, in eas, ubi Barth. collegit, quantum satis. Adde Brookh. ad Tibull. IV, 1, 69. Creditur autem Homerum hac fabula descripsisse voluptatem mortiferam, ut pluribus docet Bocat. General. Deor. VII, 20. In Proserpine comitatu fuerant etiam secundum Apollon. Hygin. fab. 141; Claudian. III, 254, postremo loco, *rapidis Acheloides alis Sublatae Simulatus obvedere Pelori* etc.

552. *unde*) Apud Hyginum, *Sire-*

Pluma pedesque avium, quum virginis ora geratis?
 An quia, quum legeret vernos Proserpina flores,
 In comitum numero mixtae, Sirenes, eratis? 453
 Quam postquam toto frustra quaesistis in orbe,
 Protinus ut vestram sentirent aequora curam,
 Posse super fluctus alarum insistere remis
 Optastis; facilesque Deos habuistis, et artus
 Vidistis vestros subitis flavescere pennis. 560
 Ne tamen ille canor, mulcendas natus ad aures,
 Tantaque dos oris linguae deperderet usum,
 Virginei vultus, et vox humana remansit.
 » At medius fratrisque sui moestaeque sororis,
 Iupiter ex aequo volventem dividit annum. 565
 Nunc Dea, regnorum numen commune duorum,
 Cum matre est totidem, totidem cum coniuge menses.

nes Cereris voluntate mutantur, quod Proserpinae auxilium non tulerant. — *virginis ora geratis*. Superiorem partem habebant virginem, inferiorem gallinaceam. Fulgentius Myth. II, 11.

555. *In numero mixtae*, inmixtae numero; vid. Bornmannus. — Heinsius malebat *inmixtae numero*: meum est haec Heinsii emendatio, aequae ac quae proxima venit. LEM. — *Protinus in vestram*, mutabat in non minus ut vestram. — *ut sentirent curam*, ut Proserpinam etiam per maria quaerere posset. — *alae* frequenter cum navium remis comparantur. *Remigium alarum* est apud Lucretium VI, 743; et apud Virgil. aliquoties. Euripid. Iphig. Taur. 289, *πτεροί ἐπ' ἄλκῃ*. Reciproca est, observante Servio ad Aen. I, 224, navium et avium metaphora. Itaque remi vicissim Homer. Od. A, 124, vocantur *πτερά*. — *facilis Deus*, qui facile et benigne obtemperat precibus. — *vestros subitis*,

Codex Regius B, subito, quod ferri potest; at Codicis A lectio est notata digna; scilicet: *in artus Vidistis vestros subitis flavescere pennas*: non male certe, sed tamen minus concinne et eleganter quam vulgata. LEM.

561. *natus ad*) Vide ad II, 223, *natus ad sacra Cithaeron*; et infra 591. — *deperderet*. Codex Regius B, *ne perderet*: haec repetitio, *ne tamen ille canor* — *ne perderet*, ante unum verbum insolens est, etiamsi quibusdam non ingrata. LEM.

564. *medius fratris et sororis*; medius inter fratrem et sororem, hoc est, utrique aequae favens. Horat. II, Od. 19, 28, *Paces medius et belli*, id est, utrique aequae idoneus. — *volventem*, scilicet se, verbum aptum de decursu anni, qui semper in orbem redit. Homer. *ἔτος περιστρέφεται*. — *ex aequo*, in aequas partes. — *Cum matre*; ut per sex menses, quibus Sol in signis est Australibus, apud maritum sit, infra terram; sex alios,

Vertitur extemplo facies, et mentis, et oris;
 Nam, modo quae poterat Diti quoque moesta videri,
 Laeta Deae frons est; ut Sol, qui tectus aquosis 570
 Nubibus ante fuit, victis ubi nubibus exit.

» Exigit alina Ceres, nata secura recepta,
 Quae tibi causa viae? cur sis, Arethusa, sacer fons?
 Conticuere undae; quarum Dea sustulit alto
 Fonte caput, viridesque manu siccata capillos 575

quibus visit Borealia regna, emargant, murescant, in horrea deponentur fruges. Vel etiam quod Luna, quae eadem est quae Proserpina et Diana, ex aequo utrumque hemisphaerium, superius atque inferius illustret. LEX.

568. *facies mentis*, affectio animi. — *Diti quoque*. Eius enim caput moestissima rubes *Asperat* et *divae riget inclementia formae*, Claudian. l. 81. In hymn. Homer. 445, Iupiter per Rheam Cereri offert conditionem hanc, ut filia tertiam cuiusque anni partem cum Plutone sit, duas reliquas cum ipsa in coelo. Conditione ea accepta, agris ubertatem reddit. Sic et Apollod. Fab. inde ortam putat Schol. Hesiod. ad Th. 914, quin frugum semina aliquot menses sub terra lateant, reliquum tempus supra terram cernantur.

572-641. *Alpheus*, dum *Arethusa* Nympha in eius flumine lavatur, amore eius ardescit fugientemque persequitur; et ubi illa in fontem mutatur, et ipse in proprias undas vertitur, ut se ei misceat. Confer Pausan. V, p. 389 sqq. qui et addit, fabulae inde locum datum, quia in *Arethusa* fontem illabatur *Alpheus*; de quo errore dictum ad vs. 487. Varietatis causa, poeta ipsam *Arethusa* fata sua narrantem induxit. — *exigit*

alina Ceres. Salta facto transit ad seqq. Cogitandum igitur, Cererem, impetrata precibus, in Siciliam rediisse. — *nata secura recepta*. Genotius malebat *natae secura receptae* quod valde placebat Heinssio; quia ea vox cum genitivo plerumque reperitur, sed Burmannus tuetur absolutivum. Regii nostri habent *nata — recepta*. — *Quae causa viae*, cur, loco mutato, extra patriam cernaris, non ut fluvius, sed ut fons. Fontem hunc describit Cic. Verr. IV, 53: *In insula (parte Syracusarum) extrema est fons aquae dulcis, cui nomen Arethusa est, incredibili magnitudine, plenissimus piscium: qui fluctu totus operiretur, nisi munitione ac mole lapidum a mari disjunctus esset. Eundem nitidissimum, ad ima perlucidum curminibusque celebratissimum vocat Seneca Consolat. ad Marc. 17: et fuit adeo memorabilis, ut Plin. Hist. Nat. III, 8 s. 14, Syracusas ita notaret, Colonia Syracusae cum fonte Arethusa. E recentioribus cum Gnauius Italus celebravit. — sacer, communo epitheton fontium.*

574. *Conticuere*, strepere desierunt, in honorem Nympharum iam verba facturae. — *virides siccata capillos*, ut libro II, 12, videntur, *Paras in mole sedens virides siccare capillos*. — De hoc gestu dicturae, vide supra

Fluminis Elei veteres narravit amores :

« Pars ego Nympharum, quae sunt in Achaide, dixit,
Una fui; nec me studiosius altera saltus

Legit, nec posuit studiosius altera casses.

Sed, quamvis formae nunquam mihi fama petita est, 580

Quamvis fortis eram, formosae nomen habebam.

Nec mea me facies nimium laudata iuvabat;

Quaque aliae gaudere solent, ego rustica dote

Corporis erubui, crimenque placere putavi.

Lassa revertabar, memini, Stympthalide silva: 585

Aestus erat, magnamque labor geminaverat aestum;

Invenio sine vortice aquas, sine murmure euntes,

Perspicuas imo, per quas numerabilis alte

Calculus omnis erat; quas tu vix ire putares.

ad 487. — *Ελεϊ*, quia Eleorum fines
irrigat et supra Cyllenen, Eleorum
navale, in mare infunditur, honoribus
adreo divinis ab Eleis colitur,
quomodo fontes eius in Arcadia re-
periuntur. Pausan. V, pag. 389 s.
399; VIII, p. 709. Celebratus et ille
poëta, Senec. N. Q. VI, 8. — *vete-
res*, pristinos.

577. *Pars ego Nympharum* etc.)
Hic est exemplum et simplicis illius
venustatis, quae sermonibus addit
gratiam, et exactae narrationis. *Pars
una*, una. E traditione antiqua et
Alpheus fuit venator, ἀνὴρ θηρευτής,
et Arethusa venationi devota. Haec
illam, connubia eius respuens, fu-
git in insulam Ortygiam, ubi εἰς ἀ-
βύσσον ἐβλήθη πύγῃ quo facto etiam
Alpheus pro amore extenuatus est
in fluvium. Pausanias p. 390. — *Le-
git*, elegit saltus aptos ad venandum.
Sic supra lib. II, 448, *saltus* *eligit
aptos*.

580. *Quamvis formae* etc.) Vena-
trices Nymphae nec amorem curant,

nec adeo formam, sed fortitudinem
seu robur membrorum.

582. — *iuvabat*, lactabar et super-
biebam facie. — *rustica*, scilicet ven-
atrix. — *Simplex*, neglecto formae
cultu, quod sibi sibi honori, hoc
mihi crimini duxi, ut formam, qua
placerem, adstrucrem. LEM.

585. *Stympthalide silva*) Stymptha-
lus, Arcadiae in Peloponneso, mons
est et urbs. LEM.

587. *aquas, sine murmure*; etiam
Pausanias, p. 390, de Alphi aqua,
ἰδὼντι ἔδωκεν. Tuli igitur erat, ut
ad lavandum invitaret. Cf. II, 455;
III, 161, IV, 297. — *murmur* in ri-
vo quidem suavis, non item in fluvio
lavantibus. — *ire*, fluere, labi. —
Perspicuas imo. Vulgo, *ad humum*;
nonnulli, *ad iuvam*, unde Hircius
fecit *iuvo*. Nostri Codices, *ad humum*.
Perspicuas imo. Confer Claudian.
Rapt. II, 114 sqq.; Plin. VIII, Ep.
8, 2, de Clitumae fonte, *purus et vi-
treus*, ut *numerare iactus stipes* et *re-
lucentes calculos possit*.

Cana salicta dabant, nutritaque populus unda, 590
 Sponte sua natas ripis declivibus umbras.
 Accessi, primunque pedis vestigia tinxī;
 Poplite deinde lenus: neque eo contenta, recingor;
 Molliaque impono salici velamina curvae:
 Nudaque mergor aquis: quas dum ferioque trahoque 595
 Mille modis labens, excussaque brachia iacto,
 Nescio quod medio sensi sub gurgite murmur;
 Territaque insisto propioris margine ripae.
 Quo properas, Arethusa? suis Alpheus ab undis,
 Quo properas? iterum rauco mihi dixerat ore: 600
 Sicut eram, fugio sine vestibus; altera vestes
 Ripa meas habuit; tanto magis iustat, et ardet;
 Et quia nuda fui, sum visa paratior illi.
 Sic ego currebam, sic me ferus ille premebat;

590. *Cana*) Plinius Virg. Georg. II, 13, *glauca cuneantia fronde salicta*. — *populus* iuxta flavios pulcherrima. Idem Ecl. VII, 66. — *Si ripis cum dabant coniungis*, dicendum est, poetam tō *natas* retulisse vel umbras, quod proprie ad arbores referendum erat. Sic Glaucan. Possis tamen *natas ripis* coniungere, atque interpretari, inservientes ripis. Supra versus 561, *canor mulcendis natus ad aures*, inserviens mulcendis auribus. II, 223, *natus ad sacra Cithaeron* eodem sensu, quo etiam dativus additur, a Livio in primis. Vide Gronovii Obs. IV, 17. — *primunque* etc. Sic et Diana II, 457, et Narcissus IV, 343. — *vestigia*, plantas. — *Mollia*, nempe lanea. XV, 118, de ovibus, *Mollia*, quae nobis vestras velamina Ianus Praebetis. Melius tamen ut voc abesset hoc epith. quoniam de dura venutricer sermo.

595. *quas dum ferioque* etc.) Mo-

tus describuntur natantis, quae brachiis ferit, verberat, aquas, easque trahit, dum brachiis versus corpus retrahit. — *labens*, ludeus ululando. — *excussa iacto*, e copia poetica; nam et *excutere* est iactare, ut *concutere*, XI, 465. — *propioris margine ripae*, Regii nostri, *propiori margine fontis*, Lectio vulgata videtur emendatio recentiorum; nam *margo* et *ripa* duplicentur, quae eadem fere significant; in nostra autem lectione, nihil simplicius, unde eam praetulerim, L. M.

602. *ardet*; arsit *Alpheus* et Dianae amore, etque viam inferre voluit, sed inane est habitus. Pausan. VI, p. 510. — *parata* mulier, quae copiam sui facile praebet. Sic Burn. et b. L. At talis mulier non fugit. Potius nunc est apta ad concubitum. — *premebat*, insequabatur usque. Similitudo, quae sequitur, ducta ex Hom. Iliad. Φ, 493, ὅτε πύμα, II 623 ὅτ' ἔτατο; πόλιν ἀνέστητο πύμα.

Ut fugere accipitrem penna trepidante columbae, 605
 Ut solet accipiter trepidas agitare columbas.
 Vsque sub Orchomenon, Psophidaque, Cyllenenque,
 Maenliosque sinus, gelidumque Erimanthon, et Elin
 Currere sustinui; nec me velocior ille:
 Sed tolerare diu cursus ego, viribus impar, 610
 Non poteram; longi patiens erat ille laboris.
 Per tamen et campos, per opertos arbore montes,
 Saxa quoque et rupes, et qua via nulla, cucurri.
 Sol erat a tergo: vidi praecedere longam
 Ante pedes umbram, nisi si timor illa videbat; 615
 Sed certe sonituque pedum terrebar; et ingens
 Crinales vittas adflabat anhelitus oris.
 Fessa labore fugae: Fer opem, deprendimur, inquam,
 Armigerae, Dictynna, tuae; cui saepe dedisti
 Ferre tuos arcus, inclusaque tela pharetra. 620

Accipiter maxime infestus columbis. Confer I, 506, ubi vid. de verbo *trepidare*. Lucret. V, 1035, de avibus, *a pennis tremulum petere auxilium*. — *agitare columbas*. Olim legebatur *urgere columbas*; et sic habent Regii nostri Codices; sed *agitare* e Cantabrig. multisque aliis Heinsius praetulit, probante Burmanno. *Agitare*, verbum proprium de venatoribus et avibus rapacibus: vide Burmannum. Quoniam et de suo cursu Nympha et de Alphi persecutione dixerat, propterea utrique accommodare similitudinem voluit; hinc illa repetitio, in qua lusum quidam. — *Vsque sub* etc. His non certus aliquis cursus indicatur, sed tantum oppida quaedam et montes Arcadiae nominantur. — *sinus*, flexus, quos faciunt montes. Pliu. Hist. Nat. V, 31, *sinuosis flatibus Maenader*.

611. *patiens*, qui ferre poterat lon-

gum laborem, quippe flavius per longos terrarum tractus aquas suas devehens.

612. *Per opertos* Codices Regii, et *opertos*. — *umbram*, nempe viri. — *nisi si*, ut vs. 20.

616. *sonituque pedum terrebar* Multi, *sonitusque pedum terrebat*; ita Regius Codex B; prior lectio, quae est etiam Codicis A, potior videtur. LEN. — *adflabat anhelitus*, ut I, 542. — *ingens*, quia ille summis viribus currebat.

618. *deprehenduntur*, quos iustans alius assequitur aut opprimit. Pomp. Meli III, 1, 15, *mare refluxus terrestria deprehendit animalia*. — *Dictynna*. Regii nostri Codices habent *Diana*. Hoc nomen fuit subiectum ab iis qui Dictynna non callebant. LEN. De *Dictynna*, vide ad II, 441. — *dedisti ferre*, ferenda, ut vs. 666, *misit agitare*, de qua forma vide Mun-

Mota Dea est, spissisque ferens e nubibus unam
 Me super iniecit. Lustrat caligine tectam
 Annis; et ignarus circum cava nubila quaerit,
 Bisque locum, quo me Dea texerat, inscius ambit;
 Et bis, Io Arethusa, Io Arethusa, vocavit. c25
 Quid mihi tunc animi miserae fuit? anne quod agnae est,
 Si qua lupos audit circum stabula alta frementes?
 Aut lepori, qui vepre latens hostilia cernit
 Ora canum, nullosque audet dare corpore motus?
 Non tamen abscedit; neque enim vestigia cernit 630
 Longius ire pedum; servat nubemque locumque.
 Occupat obsessos sudor mihi frigidus artus;
 Caeruleaeque cadunt toto de corpore guttae:
 Quaque pedem movi, manat lacus; eque capillis
 Ros cadit; et citius, quam nunc tibi facta renarro, 635

ker. ad Ilygini fabulam 147. — *e nubibus unam* etc., qua ratione passim *gpm* Homerum heroas eripiantur e praesentissimo periculo, ut Paris a Venere, Il. I, 380; Aeneas ab Apolline E, 344. Hinc etiam Horat. II, Od. 7, 11: *me per hostes Mercurius celer Deosopacemti sustulit aëre*. — *lustrare*; sic Aen. XII, 466: *in densa caligine Turnum Vestigat lustrans*. — *cava*, ut supra, vs. 251, *inde cava circumdata nube Seriphon*.

626. *Quid mihi tunc animi?* Sensus Nymphae bene notatus et illustratus; sic in libro I, 308: *Quid tibi-unno animi, miserranda, foret*. — *Si qua*, elegantius, quam *quae*. Respexit autem forte similitudinem Aen. IX, 55: *Ac veluti pleno lopus insidiatus ovis, Quum fremitu vel cautus*. — *altum* frequentis epitheton stabulorum. Cf. VI, 521, et ibi notam. — *vepre*, scilicet sebi. — *dare motus*, ut *dare saltus*, III, 599. — *Longius ire pe-*

dum. Nostri Codices, *longius alla pedum*; priorem lectionem ex veterrimis nonnullis recte Heinsius accepit. LEM. — *servare*, cupide spectare locum, ne quis inde elabatur; *atque servans* Horat. I, Ep. 4, 31.

632. *Occupat obsessos sudor etc.* Hunc sudorem, qui solet anxios occupare, bene fecit initium transformationis. — *Caeruleaeque cadunt guttae*. In libro IV, 577: *Sentit caeruleis variari corpora guttis*.

634. *manat lacus* Nostri dant *lacus*; quam lectionem difficile defenderimus; ceteroquin vulgata non magis placet: num quid est *lacus*, qui *manat*, quum natura sua sit stagnans et minime manans: nisi forte dixeris cavo pedis impressi et moti spatio clausum? LEM. — *facta renarro* (rem ut accidit) Burmannus e duobus Ciofani et aliis quibusdam MSS. proutalit vulgatae *jacta*, quam habet Regius A. — *renarro*

In laticem mutor: sed enim cognoscit amatas
 Annis aquas; positoque viri, quod sumserat, ore,
 Vertitur in proprias, ut se mihi misceat, undas.
 Delia rumpit humum: caecis ego inersa cavernis
 Advohor Ortygiam; quae me cognomine Divae 640
 Grata meae, superas eduxit prima sub auras.*

* Hac Arethusa tenus: geminos Dea fertilis angues

ro, vel narrandi: repeto, vel simpliciter narro. Legitur etiam Aeneid. III, 717, ubi Servius arguitur; IV, 569, retractare et relegere sermone. — *In laticem mutor*. Codices nostri, in laticem mutor. LEM.

637. *Annis*, Alpheus. — *positoque viri ore*, deposita figura ac forma viri. LEM.

639. *rumpit*, pauidit viam subter terram. — *caecis*, obscuris, caliginosis. Μυστήριον δὲ τὸν Ἀλφειὸν ἀρχαῖον ἀπὸ Ἠλιαπονήσου etc. Strabo lib. VI: fabulantur, inquit, Alpheum in Peloponneso ortum, subter mare alveo suo infra terram usque ad Arethusam ductum, rursus inde in mare affluere; cuius rei argumentum proferunt: pateram quendam apud Olympium in Alpheum prolapsam, ad fontem Arethusam fuisse delatam: tum, fontem eum turbidum fieri, quando Olympiae boves sacrificantur. Quam pro fabula confutat idem Strabo, ibidem: namque ostium Alphei manifestum in mare exire; neque ullas apparere fauces quo annem absorbeant: neque fieri posse ut aqua dulcis maneat, si per mare, vel subter mare permeet. LEM. — *Ortygia* est pars Syracusarum, in qua erumpit Arethusa (499), et cognomen Dianae I, 694. — *me eduxit*, ibi prodii. Hic ambo in Elide miscentur et iunctis aquis sub terra labuntur; sed se-

cundam alios Alpheus solus permeat caecas cavernas, et in Sicilia demum cum Arethusa aquam miscet. Pausan. p. 799.

642-661. *Triptolemo insidias struit Lynceus*. Hygin. fab. 259; P. A. II, 14. Triptolemus, Celei, regis Eleusini, filius, (etsi Mithras, Orpheus, Choerilus, apud Pausan. Attic. p. 34, aliter) a Cerere adiutus, tempore Erechthei, sexti Atheniensium regis, anno circiter 1420 ante Christum, agriculturam Graecis, ac primum quidem Atheniensibus, ostendisse creditur. Hom. in Cer. Pausan. Attic. p. 34, Corinth. p. 143; Marm. Arund. I, 12 sqq; Diod. Sic. V, 4; Hyg. fab. 277. Sed antiquiorem multo agriculturam inter Graecos indicat Goguet von Uprunge der Gesetze, tom. II, p. 157. Censet enim, iam tempore Titanum, quibus aequalis Ceres, Graecos agriculturam accepisse, eam vero exstinctis Titanibus interiisse. Aliquanto post quum fame laboraret Graecia, advenisse Erechtheum, magnamque frumenti vim secum apportasse, eundemque arandi artem in campis maxime Eleusiniis restituisse, atque sacra Cereris introduxisse. Hinc factum esse, ut sub eius imperio Ceres Athenas venisse crederetur. — Caeterum quomodo Ceres in Celei domum intraverit, Triptolemu in eunis decubantem forerit, eique

Curribus admovit, frenisque coërcuit ora,
 Et medium coeli terraeque, per aëra vecta est;
 Atque levem currum Tritonida misit in arcem 645
 Triptolemo; partimque rudi data semina iussit
 Spargere humo, partim post tempora longa recultae.
 Iam super Europen sublimis et Asida terras

agriculturae propagandae munus tradiderit, narrant Noster Fast. IV, 507-560; Apollod. I, 5, 2; Hygin. fab. 147. — *Hac-tenus* divulgum per troesin, de qua vide Ciofanum. — *fertilis*, quia fertilitatis (ἐντελής) Dea, sub quo nomine templa habuit. — *Bigis serpentum Ceres vecta*, et apud auctores et in monumentis antiquis occurrit. Ibi apparet mox alati, mox sine alis. Vñd. Spanhemii Diss. IV, p. 211. Describuntur a Claudian. 33, 79. Triptolemo eas misit, ut omnium nationum terras circumiret, iisque semina largiretur. P. A. II, 24, fab. 147; Apollod. d. l. Sic Goguet d. l. illas serpentum bigas accipit de callidis consiliis, quibus Triptolemmum eripuerit Ceres variis periculis. Triptolemo mortuo, Antheus eius currum conscendit, sed inde excussus perit. Pausan. Achaic. p. 568. — *coërcuit*, rexit. Hor. 1, Od. 7, ora frenis temperare: Phaedr. III, 6, ora continere frenis. — *medium coeli etc.* Medium inter coelum et terram, ut VI, 409: iuguli medius summique laerti. Vide ad vs. 409. — *vecta est*. Heinsius mollet, ex primo Gronovii, fertur, quia mox sequitur *vectus erat*. Regii nostri habent vulgata, *vecta est*. — *Tritonida in arcem*. Idem Heinsius ex tribus scriptis dedit pro *Tritonida in urbem*, quod habent Regii. — *arx*, sive urbs *Tritonis*, Athenae (vide Bentleium ad Horatium I, Od. 7, 5), quarum pars antiquis-

sima *arx*, ἀρρόπουλος, *Tritonidi* in primis sacra.

646. *Triptolemo etc.* Hordeum primum esse satum a Triptolemo tradit Pausan. Attic. p. 93. — *rudis terra*, nondum culta, nondum proscissa, aratrum passa, plane ut *rudis compus* Virg. Georg. II, 211. — *reculta* potest esse, quae, ubi aliquandiu quievit, denovo colitur, novalis. Sed non apparet, cur post tempora longa additum. Alii referunt ad unam Siciliam, quae post sterilitatem, de qua vs. 476 sqq., denovo coli coepit. At illa sterilitatis iniuria non duravit tempora longa. Schirachius ergo intelligit terras, quae olim fuerint cultae, monetque, e mente Ovidii, Cererem iam ante hunc eventum fuisse frugum matrem, sed uunc, inventa filia, artem colendi agrum denovo Triptolemo monstrasse.

648. *Iam super Europen* Ex Hygin. P. A. II, 24: *Triptolemmum in curru draconum collocatum iussit omnium nationum agros circumneuntem semina partiri, quo facilius ipsi posterique a fero victu segregarentur*. Etiam Apollod. d. l. dedit ei currum et frumentum, ὃ τὴν ὅλην σικουμένην δι' εὐχαινοῦ χιρόμενος κατέσπειρε. Curru autem illo velocitas indicatur, qua agricultura propagata. — *Ans terra*, Asia, ut IX, 447. Micellus intelligit angustum illum Lydiae tractum palinestrem ad Caystrum, quem Homer. Ἄσιον λευκῶνα; Virgilius autem Aen.

Vectus erat iuvenis; Scythicas advertitur oras:
 Rex ibi Lynceus erat: regis subit ille penates. 650
 Qua veniat, causamque viae, nomenque rogatus,
 Et patriam; « Patria est clarae mihi, dixit, Athenae;
 Triptolemus nomen; veni nec puppe per undas,
 Nec pede per terras: patuit mihi pervius aethier.
 Doua fero Cereris; latos quae sparsa per agros 655
 Frugiferas messes, alimentaue mitia reddant. »
 Barbarus invidit; tantique ut muneris auctor
 Ipse sit, hospitio recipit, somnoque gravatum
 Adgreditur ferro; conantem figere pectus
 Lynce Ceres fecit; rursusque per aëra misit 660
 Mopsopium iuvenem sacros agitare iugales.
 » Finierat dictos e nobis maxima cantus.

VII, 701, *Asiam paludem* dixit, quia *Asia*, quum partem orbis terrarum significet, primam corripit; quum de illo tractu usurpetur, producat. Falsam autem esse hanc observationem quam Grammatici debent Servio ad Virg. Georg. I, 381, et primam in *Asia* esse indifferentem, monet Gesnerus in Thesouro Fabri s. v. *Asia*: et quemque hic ipse locus docere potest. *Asia* enim, quum opponitur *Europae*, nullo modo de tractu illo palustri ad Caystrum intelligi potest. — Et eam Gesneri opinionem confirmat Robert. Stephanus in Thesouro Ling. Lat. ad voc. *Asia*, ubi eum videas. LEM.

650. *Rex ibi Lynceus erat* etc.) Hyginus fab. 259, et Lactantius, ad Theb. IV, 658, *Lyncum* faciunt Siciliæ regem; Micyllus et Munke, vero ibi quoque legendum censent *Scythiae*. — Etiam Carnabon, Getarum rex, similis Triptolemo iusidinis struxit. Hygin. P. A. II, 14.

651. *Qua*) Nonnulli *quid*, id est,

propter *quid*; Regii nostri, *qua*. — *Qua*, quomodo; puppe, an pedibus.

656. *Frugiferas messes*) Codex Regius B. *fructiferas*.

660. *Lynce Ceres fecit*) Hyginus fabula 259: *Ceres eum convertit in lyncem varii coloris, ut ipse variae mentis existeret*. Similiter Lactant. in Arg. in *seram* sui nominis *conversus*, *moram suorum colore distinctus est*. Noster hanc mutationem non per partes describit, quia in Musae carmine obiter tantum commemoratur. — *misit*, pro *iusit*, e fragmento Vossii, e Iuviano, et uno suo restituit Heinsius. Regii nostri habeant *iusit*; latinae linguae convenientius quidem *iusit agitare*; ut *misit agitare* est graeca syntaxis, *ἐπιτρέψαι ἰλαύνειν*, quam multis exemplis Heinsius illustrat. — *Mopsopius*, Atheniensis a Mopsopo rege. Virg. Cir. 128, *Mopsopio dente*. — *iugales*. Schirach. intell. equos. Immo dracones intellige, qui iuncti erant currui.

662. *Finierat dictos cantus*) Codi-

At Nymphae vicissè Deas Heliconæ colentes
 Concordi dixere sono: convicia yictae
 Quum iacerent: « Quoniam, dixit, certaminè vobis 665
 Supplicium meruisse parum est, maledictaque culpae
 Additis, et non est patientia libera nobis;
 Ibimus in poenas; et quo vocat ira, sequemur. »
 Rident Emathides, spernuntque minacia verba;
 Conataeque loqui, et magno clamore protervas 670
 Intentare manus, pennas exire per ungues
 Adspexere suos, operiri brachia plumis;
 Alterque alterius rigido concrescere rostro
 Ora videt, volucresque novas accedere silvis.
 Dumque volunt plangi, per brachia mota levatae, 675
 Aëre pendebant, nemorum convicia, picae.
 Nunc quoque in alitibus facundia prisca remansit,
 Raucaque garrulitas, studiumque immane loquendi. »

ees nostri, *doctos*; id vocabulum bene de *cantibus* Musarum; immo *dictos* languet. LEM.

664. *Concordi sono*, consentiente voce. — *iacerent*; alii, *facerent*, atque bene. Codex Regius A, *iacerent*; Codex B, *facerent*.

668. *Ire in poenas*, accedere ad puniendum, punire. Huic conveniunt et verba *vocare* et *sequi*. — *Emathides*; vid. ad vs. 313. Debemus autem hoc nomen ingenio Heinsii; namque Pierides etiam ab Anton. Lib. ita vocantur. Olim edebatur *Eriippides*, id est, Evippes filiae. Codex Regius A, *Enipedes*; Codex B, *Athides*. Hoc exemplum confirmat, quod iam diximus, nomina propria semper in MSS. corrupta fuisse. LEM.

673. *concrescere*) *Lovaniensis*, *occallescere*, ut in libro XIV, 282. Regii nostri, *concrescere* — *Aëre pendere* de volante dicitur. — *nemorum convicia*, aves per nemora garrientes et maledicentes. — *facundia*, eadem quae *garrulitas*. Idem ter dixit. Vir quidam doctus coniecluravit *Tunc quoque*, quia sequitur *remansit*. Sed refellitur a Clarkio ad Homer. *Iliad.* A, 37, quia *remansit* est tempus praesens rei perfectae. Caeterum Nicanthro auctore apud Anton. Pierides in plura avium genera imitatae sunt. — *studiumque immane*; ita Codices nostri. Ciosanus e codicibus quibusdam protulit *studiumque inane*, quod tueretur Barth.; sed uterque immerito. LEMHAIRE.



P. OVIDII NASONIS METAMORPHOSEON

LIBER SEXTVS

FAB. I. Praebuerat dictis Tritonia talibus aurem;
Carminaque Aonidum, iustamque probaverat iram.
Tum secum; « Laudare parum est; laudemur et ipsae;
Numina nec sperni sine poena nostra sinamus: »
Maconiaque animum fatis intendit Arachnes, 5

1-145. *Arachne et Minerva*) Antiquissimarum nationum, ad meliorem sortem aspirantium, cura circa vestium in primis elegantias haesit. Itaque lanam ducere et tingere, telum texere, vestesque colorum et nitore et varietate insignes conficere iam Patriarcharum temporibus repertum est. Post casus dedit Tyriis purpuram; mox additum vestibus aurum. Vestes egregiis picturis exornabantur vel acu (quod Phryges invenerunt, Plin. Hist. Nat. VIII, 48), vel inter texendum filis versicoloribus, qua arte Babylonii primi excelluerunt. Vtrocumque modo dicitur *picta vestis*. Omnis autem vestium conficiendarum ars mulieribus commissa erat, eaque excellere reginis adeo laudi dacebatur. Hom. Iliad. I, 125; Z, 289; X, 440. De ea egregie merita erant apud Lydios *Arachne*, Plin. VII, 56; apud Graecos *Minerva*, Aelian. Hist. An.

I, 21; quemadmodum apud Aegyptios *Isis*. Forte *Arachne* olim fuit nomen commune mulierum perite texentium. Quum autem pro proprio haberi coeptum esset, lusus etymologicus huic fabulae originem dedit, qua *Arachne cum Minerva texendo certans in araneam mutatur*. Saepius mortales cum Diis concertasse atque stultitiae auae mercedem tulisse traduntur. — *aurem* non nisi unus Berneggerianus habet, unde accepit Heinssius; caeteri *aures*. Ita et nostri Regii.

4. *Numina nostra multa gravius, quam me; et plural. numina dignitatis causa*. Aeneid. VII, 310, Iano, *si mea numina non sunt magna satis*. Ibid. I, 48, *et quisquam numen Iunonis (me) adoret? — sine poena, impune*.

5. *animum fatis intendit*) * Vnus Heinssii, *incendit*; Regii nostri vulga-

Quam sibi lanificae non cedere laudibus artis
 Audierat: non illa loco, nec origine gentis
 Clara, sed arte, fuit: pater huic Colophonius Idmon,
 Phocaico bibulas tinguebat murice lanas:
 Occiderat mater; sed et haec de plebe, suoque
 Aequa viro fuerat. Lydas tamen illa per urbes

tam dant. *Animum intendit*; serio cogitare coepit de poena ab Arachne sumenda. Sed dubitat Schirachius an hoc satis poeticum sit, et negat, phrasin *animum intendere* apud ullum poetam reperiri. In quo lapsus est; namque ipsa Lexica suppeditant locum Horatii Epist. I, 2, 36: *Intendes animum studiis, et rebus honestis*. Noster IV Trist. 1, 4, *mens intenta natalis*. Ipse ergo ex uno Codice praefert *incendi*, additque explicationem hanc: irascitur futo illo laeto Arachnes, quo sibi aequatur arte. — *Maenoniae*, Lydiae: vide ad II, 252. Lydiam Arachnen etiam facit Servius ad Virg. Georg. IV, 246: sed Thressam, eamque virginum regiam, Probus ad eundem locum.

7. *non illa loco* etc.) Pluribus abiectionem lanificae originem describit, quo magis et ars eius, et audacia qua se ipsi Minervae praefert, illucescat. — *locum* nec de genere cape, quod Pontanus volebat (sequitur enim *origo gentis*), nec cum Burmanno, de dignitate, sed de patria, propter vs. 13, qui huic nostro respondet. Ibi enim *parva domus ad originem gentis*, et *parvae Hypaepae ad locum* pertinent.

8. *Colophonius*) Colophon urbane Ioniae oppidum. — *Idmon*. Variè hoc nomen in MSS. extaratum, *Iamon*, *Hysmon*, *Ethmon*. Burmannus praetulit *Idmon*, quia id nomen et alii gesserunt. Gravius est quod et La-

tantius sic legit. Regii nostri habent etiam *Idmon*.

9. *bibulas* lanæ exquisite, quae bibunt, attrahunt colores, ut supra *bibula Persei talnria*. — *tinguebat*. Sic Codex Regius B; at Codex A, *tingebat*. Eadem varietas in Codicibus reperitur, quoties haec littera g ante vocalem qualemcumque posita occurrit: alii enim post g litteram u adiungunt, alii vero g sine u scribunt. Istud porro fluxit a pronunciandi more apud Romanos constante: scilicet littera g ante vocalem posita nunquam sonat nostrum j, sed gamma Graecorum: unde Itali, Germani, Angli etc. huic adiungunt u, quamvis in monumentis veteribus ac novis nunquam, vel raro admodum, Romani scribant gu, sed per g simplicem, *tingebant*, *ungebant*, et alia huiusmodi, sicut et Galli scriberent. LEM. — *murice* genus conchar, cuius e succo Veteres purpuram conficiebant, et quae quum alibi, tum iuxta Phocaeam, urbem Ioniae in sinu maris Mediterranei intimo sitam, repetiebatur. Livius XXXVII, 31.

10. *Occiderat*) Gebhard. III, Crepund. 7, ex MSS. legit *deciderat*, quia hoc verbum eleganter pro occidere ponitur. Regii nostri habent *occiderat*.

11. *Aequa*, aequalis dignitate et genere. — *Lydas* coerexit Constant. Fanens. quia *Lydius* primam syll-

Quaesierat studio nomen memorabile, quamvis
 Orta domo parva, parvis habitabat Hypaeis.
 Huius ut adspicerent opus admirabile, saepe
 Deseruere sui Nymphae vineta Tymoli; 15
 Deseruere suas Nymphae Pactolides undas:
 Neo factas solum vestes spectare iuvabat;
 Tuum quoque, quum fierent: tantus decor adfuit arti!
 Sive rudem primos lanam glomerabat in orbes;
 Seu digitis subigebat opus, repetitaque longo 20
 Vellera mollibat nebulas aequantia tractu;
 Sive levi teretem versabat pollice fusum;

ham semper productum habet; plurimi tamen MSS. (inter quos Regius noster B) dant *Lydias*. *Lydas* alias non minus usurpatur in sermone vulgari, — *illa*, Arachae. Male Lactant. in Arg. haec quoque verba ad matrem retulit. — *studia*, arte textoria. — *domus parva*, humilis, nec ulla dignitate conspicua. Horat. I, Ep. 3, 28, *parvi et amplius sibi opposita eo sensu*. — *Hypaeis*, urbs Lydiae inter Tmolum montem et Caystrum fluvium, de qua Burmannus ad Petron. 137, plurimam notavit. Fuit obscura, unde h. l. *parva*, et sic etiam, XI, 152, ubi et de eius situ.

15. *Deseruere sui Nymphae* etc.) Priscis temporibus Dii solēbant invisere mortales. Hoc igitur poeta non male usum est ad commendandum Arachae opus. — De *Tymoli* vino georgico, nobili, vide ad II, 217. Poëta etiam *Tmolus* scribitur. Vide Stephanum de Verbis. Hinc etiam h. l. nonnulli cum Aldo, sed metro adversante, *Tmoli*. Eius *vineta* sunt etiam II Fast. 313. — Ex eo oriebatur *Pactolus*, fluvius Lydiae aurifer. Repetitionem autem eorumdem verborum, qualis in hoc et sequenti ver-

su, amat Noster: I, 325 sqq.; V, 579 sqq.; VIII, 628 sqq.

18. *Tua quoque* etc.) Haec, hanc versum superiori praeposendum putabat, cum solam ob causam, quod pro nec multi MSS. dant *non*. Regii nostri quidem habent *non*; at versum eodem in loco relinquunt. LEM. — Hic locus laudem meretur ab arte, qua ingenium poëtae rem tenuissimam et vulgarem exornavit. — *decor adfuit arti*, decore tractabat singula artis suae: vide ad IV, 230. Exempli loco praeparationem lanae ad textum memorat, de qua cf. Claudianum, 20, 388. — *subigebat*, melius quam tractabat. — *repetita*, quia pluribus tractibus mollicbat. Vide ad IV, 733. — *Vellerum* teneritudo eleganter comparatur cum *nebulis*, quemadmodum contra Virg. Georg. I, 397, nubeculas cum lanae velleribus comparat. — *mollire*, trahere, ut tenuia fiunt. Claudian.: *Vellera per teneres ferri producere rimas*, ubi vide Gesner. Etiam *tenuare* et *eliquare* lanam in usu. Illa *vellera* Nostris dicuntur *flocons*.

22. *Sive levi teretem*) Regius quidam, sive *levem tereti* etc. Regii no-

Seu pingebat acu; scires a Pallade doctam.
 Quod tamen ipsa negat; tantaque offensa magistra,
 « Certet, ait, mecum; nihil est, quod victa recusem. »
 Pallas anum simulat, falsosque in tempora canos
 Addit, et infirmos baculo quoque sustinet artus.
 Tum sic orsa loqui: « Non omnia grandior aetas,
 Quae fugiamus, habet: seris venit usus ab annis.
 Consilium ne sperne meum: tibi fama petatur
 Inter mortales faciendae maxima lanæ.
 Cede Deae, veniamque tuis temeraria dictis
 Supplice voce roga: veniam dabit illa roganti. »
 Adspicit hanc torvis, incoeptaque fila relinquit;

3a

stri habent vulgatam. Confer in IV 221. Burmannus ex uno Codice legit, *levem tereti*, ut simul Arachne a forma laudetur; *teretia* enim membra, in primis *teretes* digiti, in parte pulchritudinis ponuntur. A. A. I, 622. Et Hypæpas pulcherrimas habuisse mulieres tradit Stephanus. Neque dubium est, quin Noster expresserit Catull. Epithal. Pelei, ubi, *Libratum tereti versabat pollice fusus*. Contra, Heroid. IX, 77, Hercules *crassa* — robusto deducit pollice fila. Et *fusus* recte diceretur *levis*; fiebat enim ex inneo. Plinius XI, 23.

23. *scires* etc. ut I, 162, *scires o sanguine natos*. His verbis autem non laudatur modo ab arte, sed et impudentia eius simul notatur in magistratam. — *Quod tamen*. Leidensis, *Sed tamen*, quod non inolegantur dictum Burmanno videtur. — *tantaque* etc. ignominiosam sibi esse putans magistratam, licet tanta esset.

26. *Pallas anum simulat* etc.) De tali simulatione vide ad III, 275. — *anum* formam fere sumebant Deae, ubi consilium dare volebant. — *fallax*, *fallacia*, *mentita*, *mendacia*, etc.

ganter dicuntur, quae quis temporis causa assumit, ut simulata forma alterum fallat. — *in tempora*. Novem ex melioribus, *ad tempora*, ut III, 275, *posuitque ad tempora canos*. Regii nostri hic, ut in loco citato, habent *ad tempora*; tamen mutandum nihil putamus; utrumque enim recte dicitur. LEM.

28. *Non omnia* etc.) Senectuti non solae molestiae adiunctae sunt, sed bona etiam quaedam, nempe *usus*, experientia. Iam Muretus animadvertit, expressa haec esse ex Euripid. Phoen. vs. 531: *Ὀὐχ' ἀπαντα τῷ γῆρας κατὰ πρόστιν' ἀλλ' ἢ μὲν εὖ ἔχει τι μέγα τῶν νέων σφρόδερρον*. Plant. Mostel. V, 3, 27: *Sapere iusthaec aetate oportet, qui sunt capite candido*. — *venit*, paratur. — *seri aevi*, senectus. *Senior aetas*, Tibul. I, 4. — *faciendae lanæ*. Multi ex antiquis Codicibus, *telae*; ita et Regii nostri. *Facere lanam*, locutio propria, unde *lanificium*.

34. *Adspicit hanc* etc.) Praevidebat Pallas fore, ut consilio illo ira superbar mulieris exulceraretur. — *fila relinquit*. Lovaniensis et unus ex Ba-

Vixque manum retinens, confessaque vultibus iram, 35
Talibus obscuram resequita est Pallada dictis:

« Mentis inops, longaque venis confecta senecta,

Et nimium vixisse diu nocet: audiat istas,

Si qua tibi nurus est, si qua est tibi filia, voces:

Consilii satis est in me mihi; neve monendo 40

Profecisse putes, eadem sententia nobis.

Cur non ipsa venit? cur haec certamina vitat? »

Tum Dea, « Venit, » ait; formamque removit anilem,

Palladaque exhibuit: venerantur numina Nymphae,

Mygdonidesque nurus: sola est non territa virgo, 45

Sed tamen erubuit, subitusque invita notavit

Ora rubor, rursusque evanuit; ut solet aër

silensibus, *filia remisit*, quod neque bonum iudicat Heinsius; sed Burmannus notat, discrimen esse inter haec duo: *remittere* enim locum habere tum, quum animi quadum affectione, languore aut simili casu, ex manu aliquid cadat; *relinquere* vero dici, quam sponte et volentes desinamus opus. — Nostri Regii habent *reliquit*, propter sequens *resequita est* LEM. — *Vixque manum*. Nostri habent *virque manus*; parvi refert. *Manus retinens*, a vi inferenda et dea verberanda. LEM. — *confitetur* et is, qui inscius et invitus signis quibusdam animi motus prodit. Vide ad Plin. III, Ep. 14, 3. Amat Noster hunc versum nunt, quem ipse notasse videtur I Trist. 4, 11: *confessus gelido pudore timorem*. II, 325: *vultu faszus Telamonius iram*. Contra Aeneid. IV, 477: *consilium vultu tegit*. — *confiteri vultu iram*, nove dictum, iram prodere vultu. Nec *resequi*, pro respondere, apud antiquiores poetam occurrit. Legitur et VIII, 863; XIII, 749. — *obscura*, latens

sub forma aliena, ut agnosci haud posset. Similis increpatio, sed facundior, Aen. VII, 440: *te vieta situ verique effocta senectus - curis nequidquam excreet*. — *et nimium* etc. Noli semper experientiam habet *senectus*, sed interdum etiam nocet. — *eadem sententia* manet nobis, quae antea fuit.

43. *Tum Dea* etc.) Nota celeritatem, qua Dea illud ipsum responsum cupiens et exspectans, se manifestat. Exempla Deorum formas assumtas ponentium habet Heynius Exc. XIII ad Aeneid. I. — *Pallada exhibuit*, eleganter, ostendit se esse Pallada. Supra II, 1, *posita imagine se confessus* erat. XI, 264: *Exhibita est Thetis*. *Confessam amplectitur heros*. — *Mygdonides*, Lydiae; nam *Mygdones*, e Thracia oriundi, sedes in Asiam transulerant; Strabo VII, pag. 295; XII, pag. 575. — *Non territa*, interrita, ut vs. 234, *non evitabile*, et sic passim. Iam pugna pudoris et audaciae bene notatur, quemquam similitudo adiecta parum eam illustrat. — *notavit rubor*. Vide ad IV, 329. —

Purpureus fieri, quum primum aurora movetur,
 Et breve post tempus candescere solis ab ortu.
 Perstat in incepto, stolidaeque cupidine palmae 50
 In sua fata ruit: neque enim love nata recusat,
 Nec monet ulterius, nec iam certamina differt.

Haud mora, consistunt diversis partibus ambae,
 Et gracili geminas intendunt stamine telas.
 Tela iugo vincta est; stamen secernit arundo: 55
 Inseritur medium radiis subtemen acutis,
 Quod digiti expediunt, atque inter stamina ductum
 Percusso feriunt insecti pectine dentes.
 Vtraque festinant, cinctaeque ad pectora vestes,

movetur, oritur. Moveri dicuntur proficiscentes, sortir. — solis ab ortu. Multj MSS., solis ab ictu, quod placet Heinsio. Ictus in libro V, vs. 389; sed nunc de ortu sermo est. Codex Regius A, ictu; Codex B, ortu: hic Cl. Gierig praetulit ortu, quia de Sole oriente agitur; sed quum primum Sol oritur, iam tempore aestivum ictus dat. Ergo tanquam vividius ictu Solis poucrem, nam qualicumque hora candescit, et praesertim quum primos radios emittit, ictu oculis ferire videtur. LEM.

50. *stolidae*) Ad *palmae* retulit, quod erat ad *cupidinem*, aut ad ipsam mulierem referendum. — Nec non minus eleganter repetitum, quam alibi *sed*: Vide ad V, 17.

53. *consistunt*) In hoc verbo haerent interpretes. Heinsius putat, aut legendum esse *constituant*, scilicet, telas, aut certe sic capiendum verb. *consistunt*: Bormannus hic monet, *consistere* convenire *partibus diversis*, et dici de duabus adversariis, quae ad certamen se praeparant, idque se docuisse ad Petron. 19. Ego vero arbitror, respexisse nostrum morem Ve-

terum; qui non sedentes, sed stantes texebant.

54. *Et gracili geminas etc.*) Cum huc textoriae artis descriptione conf. Claudian. R. P. I, 246 sqq. — *Tela* varie dicitur; nunc intellig. trama staminis, series duplex staminum seu filorum in longum extensorum, *la trame, la chaîne*. Alibi vero vel totum opus, quod texitur, sic vocatur, vel iugum, baculus transversus, quo tela tenetur, id est, *l'ensoiegleau*. — *gracile stamen*, ut *tenue subtemen* Auson. Mosel. 397. — *arundo*, pecten ex arundine discriminat fila, ne confundantur, *le peigne*. — *radius*, gallice *la navette*. Eius ope filis in transversum immittitur *subtemen, le tissu*, aut *l'archue*. — Quod, nempe subtemen, quod staminibus immissum, ut opus densum fiat, feritur *pectine, la roue à dents*. — *insecti dentes*, ut alibi *insectus pecten*. Vestes percussae *pectine* apud Iuvenalem Sat. IX, 30, conf. Lucan. X, 142. Nosler e copia poetica coniunxit *percusso feriunt*. Lenzius contra percussam explicat perforatam, putatque, *dentes* fuisse bacillos istis foraminibus inditos. — *doctus, expoc,*

Brachia docta movent, studio fallente laborem. 60
 Illic et Tyrium quae purpura sensit ahenum,
 Textitur, et tenues parvi discriminis umbrae:
 Qualis ab imbre solet percussus solibus arcus
 Inficere ingenti longum curvamine coelum;
 In quo diversi niteant quum mille colores, 65
 Transitus ipse tamen spectantia lumina fallit.
 Vsque adeo quod tangit idem est! tamen ultima distant.
 Illic et lentum filis immittitur aurum,
 Et vetus in tela deducitur argumentum.

periturus. Claudian. l. 1, 177, *potter doctus lanificarum*. — *studium*, ardor certantium. *fallit*, minuit laborem ut non sentitur. Vid. ad IV, 39; et et Horat. l. II, Sat. 2, 12.

61. *purpura*) fila purpurea. Prae-stantissima purpura fuit *Tyrium quae sensit ahenum*, apud Tyrios praeparata. — *ahenum* vas maius, in quo succus purpureus sali et aquae permixtus per decem dies ad ignem leu-tem coquebatur. Aristot. Hist. Anim. V, 15; Plin. Hist. Nat. IX, 38. Silius VII, 642: *Purpura Agenoreis saturata ahenis*.

62. *et tenues etc.*) Varios colores com-
 mode miscuit; *tenues umbrae* sunt haud
 dubie *de légères nuances*. Plin. XXXV,
 11, ubi narraverat, singulis coloribus
 olim pictum esse, pergit: *Tandem se
 ars ipsa distinxit et invenit lumen at-
 que umbras, differentia colorum al-
 ternata vice sese excitante*. Commis-
 suras vero colorum et transitus appel-
 laverunt *harmogen*. Illae umbrae erant
 parvi discriminis: alius color in alium
 ita transibat, ut transitus vix animad-
 verti posset; quod egregie illustratur
 similitudine adspersa.

63. *percussus solibus arcus*) Casti-
 giores, *percussus*; Iunian. et quatuor
 alii, *percussis nubibus arcus*. Regii no-

stri hanc posteriorem lectionem ha-
 bent. — *soles*, radii solis, *percutiuntur
 ab imbre*, franguntur in imbre
 decedente, ab eoque reiiciuntur. At-
 que ita putes legendum *percussus*, quod
 praefereunt, notante Heinsio, castiga-
 tiores MSS. quodque amplectitur Len-
 zius. Sed et *percussus* defendi potest
 illo Virgil. Aeneid. VIII, 22, *lumen*
 — *Sole repperussum*, lumen quod ori-
 tur a radiis solis repperussis. — *Infici-
 cere*, colores inducere. — *nulle colores*
 Iridi tribuit etiam Virgil. Aeneid. V,
 609. — *Transitus*. Vnius, inquit, co-
 loris ad alium transitus, oculos deri-
 pit, quia quum sint diversi, iidem
 tamen esse videntur. LEM. — *lumina*
fallit; non animadvertitur ab oculis
 spectantibus. Propert. III, 12, 27:
Non Tyriae vestes errantia lumina
fallunt. — *quod tangit*, proxima quae-
 que eundem colorem referunt, sed
 si ultima cum primis comparentur,
distant, differunt.

64. *lentum*, flexibile, bene de filis
 aurcia, quae qualia olim fuerint, exa-
 minal Cognet, über den Ursprung
 der Geetze; tom. II, lib. 2, cap. 2,
 art. 2. — *immittitur* verbum delectum
 pro *intertitur*, quod male habent alii
 in contextu. — *argumentum* (*ιστόρημα*,
 Anacrat. 18, 9), fabula aut hi-

Cecropia Pallas scopulum Mayortis in arce
 Pingit, et antiquam de terrae nomine litem.
 Bis sex coelestes, medio Iove, sedibus altis
 Augusta gravitate sedent: sua quemque Deorum
 Inscribit facies: Iovis est regalis imago.
 Stare Deum pelagi, longoque ferire tridente

30

35

istoria in operibus artium expressa. Talia vestibus quoque intexi solebant. Homer. Il. 7, 125; Apollon. Rh. I, 721; Catul. LXIV, 50; Claud. R. P. I, 246 sqq. Hoc igitur more Noster usus plures fabulas inseruit, easque ita disposuit, ut Minervae daret fata hominum a Diis punitorum, Arachnae flagitia coelestia. De verbo deducere vide ad I, 4. Nunc omnino est, texendo effingere.

70. *scopulum Mayortis*) Areopagus, collem iuxta Cecropiam. — *litem*, certamen Neptunij et Palladis de nomine urbis Cecropiae. Noster sequitur eos, qui duodecim magnos Deos arbitrium tulisse narrabant, ut, uter munus mortalibus utilissimum produxisset, ab eo urbs nomen acciperet. Secundum Apollod. III, 14, 1, Cecropis aetate Diis placuit civitates sibi deligere, in quibus colerentur. In Atticam prior venit Neptunus, tridentem humi fixo in media acropoli mare profert. Post venit Minerva, quae, quum Cecropa testem fecisset, oleam plantat. Litem inde de terra possidenda ortam qui dirimerent, Iupiter duodecim magnos Deos iudices constituit, qui Cecropis testimonio commoti secundum Minervam pronunciarunt. Ea ratio Heynio prae caeteris placet, quia valde antiqua iuris rei acquirendae vestigia habet. Sed paulo aliter Varro apud Augustin. de Civ. Dei XVIII, 9, rem refert, cuius verba cum b. l. conferre iuvat: *Cecrope regnante, quum circa arcem Athe-*

mensum olea arbor forte enata esset, et iuxta aquarum scaturigo emanaret, consultum super hoc veluti prodigio Apollinem respondisse, per oleum Minervam, per oquum Neptunum significari, eosque Deos inter se certare, uter urbi nomen imponerent. Quare penes populum esse, utrius Dei nomine appellari illam vellent, decernere. Atheniensibus itaque in suffragia euntibus, quum mares Neptuno, mulieres Minervae faverent, vicisse Minervam calculo uno. Quare Neptunum indignatum mox tantam aquarum vim effudisse, ut totam prope Atticam inonderet. Forte Cecrops quum in Atticam pervenisset, incolaeque Neptuno, hoc est, navigationi et piraticae deditos cognovisset, operam dedit, ut cultum Minervae, hoc est, agriculturam, introduceret. Hinc magnus tumultus, quem ita composuit, ut plurimos, mulieres in primis, in suam sententiam traheret. Sic vicit olea Minervae. Confer. Goguet. d. l. pag. 169. Ea fuit sententia P. Tournemine, Mémoires de Trévoux, Janvier 1708.

73. *Augusta gravitas*, divina maiestas. Nempe gravitas iudicibus convenit. — *Inscribit*, notum facit, declarat quis sit; ductum vel a titulis aedificiorum, vel potius ab inscriptionibus in pectore venalium, quibus declarabatur, quinam essent, quam artem profiterentur. Sic *literatorem inscribi* Suetonius III. Gram. 4. — *regalis*, cum sceptro et fulmine.

75. *Stare Deum*) Vnus ex Leidem-

Aspera saxa facit, medioque e vulnere saxi
 Exsiluisse fretum, quo pignore vindicet urbem.
 At sibi dat clypeum, dat acutae cuspidis hastam;
 Dat galeam capiti; defenditur aegide pectus:
 Iercussamque sua simulat de cuspe terram
 Prodere cum baccis foetum cauentis olivae;

8a

sibus, *nare Daum*, quod probat Heiusius. Male; Neptunus recte *stans* expressus erat coram iudicibus sedentibus. — Regii nostri *stare* habent; lectionem *nare* recte Gierig improbat; namque Heinsius nunquam vidit Neptunum nantem quam *tridente saxa ferit*. LEM. — *ferire tridente* etc. Cum hoc loco conferantur vs. 283 et 284 libri I. — *vulnere*, hiatus. — *Exsiluisse fretum*. MSS. et editores plures, *ferum*, equum, ut Phaedrus I, fab. 12, 9, ubi vide interpretationes. Virgilius Georg. I, 12: cui *prima frementem Fudit equum magno tellus percussa tridenti*. Verum Herod. VIII, 55; Apollod. III, 14, 1; Himer. apud Phot. pag. 1134; Pausanias Attic. p. 57; Varro apud August. d. I.; Statius Theb. XII, 632, memorant, *mare* produxisse in illa contentione Neptunum. confer Bentleium ad Horatium I, Od. 7, 7, *Per mare, Σάλασσαν*, autem illi intellexerunt aquarum scatriginem, puteum, aquam marinam occultis terrae mentibus affluentem in Erechthei aede in acropoli, quae Apollodori adhuc actate ostendebatur. Equum autem apud Virgilium, alio tempore ex Thessaliae scopulis excussum nonnulli existimant. Non igitur dubitavi alteram lectionem *fretum* revocare. Lactantius quidem manifeste legit *fretum*; nam in Argumento lacum *salsum* memorat. Nec apparet, quid per *equum* significare voluerint in hac fabula, quum

nec Neptunus, nec prisci Attici equorum imprimis curam gesserint. E quamquam *ferus* interdum de equo dicatur, non tamen ambiguo illo vocabulo Ovidius in hac narratione Neptuni opus expressisset. Frustra Schiarchius obicit, mare texendo effingi non potuisse. Etenim vs. 104, *Arachne mare adto mediterraneum effingit*; et apud Claudianum 33, 253, *Proserpina ostro fundit aquas*. Et quale hoc Neptuni *fretum* fuerit, modo vidimus. — Regii nostri habent *ferum*; de lectione *fretum* merito, etsi nostro interpreti aliter visum sit, dubitatum fuit. LEM.

So. *simulat*) pingendo exprimit. — *de cuspe*; hic praepositio otiosa est. — *Prodere*, idem quam *edere*. Codex Regius A habet *edere*; bene de terra, quae edit foetus. LEM. — *cum baccis*. Baccae fructus propriis dicuntur olivae, et similium arborum, qui et exigui sunt et rari, ac a se invicem separati nascuntur. LEM. — *foetum*. In hoc vocabulo haeret Glaucan. quum arbor nominari debuisset. — *olivam cauentis* a colore, quem inferius foliorum latus refert. Virgilius Eclog. V, vs. 16, *pallentis olivae*. Burmanno non displicet lectio Bononiensis, *ramum frondentis olivae*, ut allusum sit ad Graecos, Πάλλαν et Πάλλαν; quae voces pr. de hac sacra Palladis oliva dictae sint. Frustra. Arbor commodè *foetus* dici potuit, nempe terrae. Illa ipsa olea, quam Minerva produxerat,

Mirarique Deos: operi victoria finis.
 Ut tamen exemplis intelligat aemula laudis,
 Quod pretium speret pro tam furialibus ausis,
 Quattuor in partes certamina quattuor addit 85
 Clara colore suo, brevibus distincta sigillis.
 Threiciam Rhodopen habet angulus unus, et Haemon,
 Nunc gelidos montes, mortalia corpora quondam;
 Nomina summorum sibi qui tribuere Deorum.
 Altera Pygmaeae fatum miserabile matris 90
 Pars habet: hanc Iuno victam certamine iussit
 Esse gruem; populisque suis indicere bellum.
 Pingit et Antigonem, ausam contendere quondam
 Cum magni consorte Iovis; quam regia Iuno

in arce Atheniensium servabatur, teste Sophocle Ord. Col. 686 sqq., et ostendebatur adhuc tempore Apollodori in Pandrosi sacello.

82. *operi victoria finis*) Vulgo legitur *operis*. Ita quoque in Codicibus nostris. *Opus* clausit olivæ, symbolum pacis, in suffragiis victoria; vide infra vs. 101. LEM.

84. *pretium*, mercedem, poenam; nam iuxta Callimach. h. Apoll. 25, *καὶ τὸν μισθὸν ἐπίκειν*. — *sperare*, ut *ἐπιζῆν*, etiam de expectatione mali: vide Heinsium ad VII extr. — *certamina* illa hominum erant cum Diis se comparantium. — *Clara*, eminentia, quo facilius Arachnes oculos in se advertere. — *sigilla*, imguiculae, quibus distincta, variegata, illa certamina.

87. *Haemus et Rhodope*) montes Thraciae, olim fuerant homines ex iisdem parentibus editi. Hi quum multo inter se amore flagrarent, Haemus sororem appellavit Iunonem, illa fratrem Iovem. Id acre ferentes Dii quibus multaverunt in montes.

90. De *Pygmaeorum*, hominulorum brevissimorum, bellis cum *gruibus*, vid. Strabo I, p. 60. Fons fabulae est Homer. II. Γ, 6. Copiosius eam exposuerat Boëus in Ornithogonia, inde eam Athen. IX, p. 393, et Anton. Liber. XVI, repetierunt. Nempe Oeuoë, quam Eustath. ad Homer. II. V, 1444, Geranen vocat, fuit regina Pygmaeorum, quam, quum se pulchritudine Deabus anteferebat, Iano in gruem vertit. Graecis autem multitudine sua invisae Pygmaris. Inde *bellum*.

93. *Pingit*) Codex Regius A, *pinxit*; Codex B, *finxit*, non male de opere tali, quod digitis atque filis *fingitur* magis quam *pingitur*; quamquam poetae dicant *pingi*, quidquid coloribus expriment acus aut penicilli. LEM. — *Antigone*, Laomedontis, regis Troiani, filia, ob eandem promissam cum Iunone se comparare ausa, et mutata in ciconiam. Vid. Servius ad Virg. Georg. II, 320. — *Non profuit seu longe fuit illi*, vox solemnis de iis, qui, quamquam genere ex-

In volucrem vertit: nec profuit Ilion illi;
 Laomedonve pater; sumtis quin caudida pennis
 Ipsa sibi plaudat crepitante ciconia rostro.
 Qui superest solus Cyniran habet angulus orbum:
 Isque gradus templi, natarum membra suarum,
 Amplectens, saxoque iacens, lacrymare videtur. 109
 Circuit extremas oleis pacalibus oras:
 Is modus est; operique sua facit arbore finem.

Maconis elusam designat imagine tauri
 Europen: verum taurum, freta vera putares.
 Ipsa videbatur terras spectare relictas, 105
 Et comites clamare suas, tactumque vereri
 Adsilientis aquae, timidasque reducere plantas:

bosve gestis clari, tamen panniuntur.
 IV, 648. — *pater*. Gronovianus, *suus*,
 non improbante Burnmanno. Regii no-
 stri habent *pater*. — *crepitante*. Cre-
 pitus ciconiae bene fabulae accom-
 modatus.

98. *Cyniran* fuisse aiunt regem
 Assyriorum, cuius filias, Iunoni se
 praefere auras, Dea in *gradus tem-
 pli* sui commisit. Vide Lactant.
 in Argumento. — *videri*, de figuris
 ad naturae veritatem expressis etiam
 versu 105.

101. *Circuit extremas* etc.) Se-
 quantur *μάστιγα*, hoc est ornamenta,
 quae addebantur tabulis. Plin. XXXV,
 10. *Circuit*, pingit in oris imaginem
 circumeuntibus. Dum manus circum-
 ducit, ipsa *circuire* videtur. Sic Aen.
 X, 243, Vulcanus clypei oras *ambit*
auro. — *pacalibus*. Cantabr. *baccalibus*;
 et ita coniecerat Gronovius. *Pae-
 calis*, pacifera, olea enim signum pa-
 cis; XV, 591, *pacalis* laurus.

102. *operique*) Sicuti supra in vs.
 82, Regii nostri dant *operisquae*.

103. *Maconis elusam* etc.) Tacite
 malitia Arachnes ostendit, quid de
 Diis sentiat, exhibens plurima Deo-
 rum flagitia. Hic quoque, ut Arneid.
 I, 641, in vasis caelatis Didus, ex-
 pressa *series longissima rerum*. Iu-
 lio fit a Iove, qui innumeris figu-
 ris mulieres decepit. Amor. I, 10, 82
quidquid magno de Iove fecit Amor.
 De Raptu Europae, vide ad librum
 II, 833; V Fast. 607 sqq. — *designat*,
 pingendo exprimit. — *cludi passim*
apud Nostrum de decepta virgine. —
verum, vivum: vide ad X, 250. Bene
 notat et sollicitudinem raptae puel-
 lae, et artem laulicae. — *reducere*
 dedit Heinsius ex primo Vaticano,
 Mediceo et decem aliis; et monet
 identidem esse adducere et attrahere.
 Fastorum dicto loco, *Saepe puellaras*
abducit ab aequore plantas; *Et mo-
 nit tactus adsilientis aquae*. Sed h. l.
reducere simpliciter, subducere; re-
 petiti enim motus in tela exprimi non
 poterant. Vulgo legebatur *recondere*;
 ita et Codex Reg. B; Codex A; *re-
 cludere*.

Fecit et Asterien aquila luctante teneri:
 Fecit olorinis Ledam recubare sub alis:
 Addidit, ut Satyri celatus imagine pulchram 110
 Iupiter implevit gemino Nycteiða foetu;
 Amphitryon fuerit, quum te, Tiryntia, cepit;
 Aureus ut Danaën; Asopida luserit igneus;
 Mnemosynen pastor; varius Deoïda serpens.
 Te quoque mutatum forvo, Neptune, iuvenco 115
 Virgine in Aeolia posuit: tu visus Enipeus
 Gignis Aloïdas: aries Bisaltida fallis:
 Et te, flava comas, frugum mitissima Mater,
 Sensit equum: te sensit avem crinita colubris

108. *Fecit teneri* = *recubare*; exhibuit eam sic, ut teneretur, etc. Prisci veri mulieres solebant ad Deos ἀναπλεῖν τὴν ἀμαρτίαν ἰχθύος. Euripid. Bacch. 29. — *Asterie*, Coei Titanis filia, Iovis amplexus fugiens, in coturnicem mutata, atque in mare subiecta est, unde insula Ortygia orta. Hygin. fab. 53; Apollod. I, 4, 1; cf. Spanhem. ad Callim. hym. Del. 37, 39. Videtur Iupiter ea in re aquilae ministerio usus.

110. *Addidit*) Codex Regius A, additur. — *celatus*. Vide ad V, 326. — *Nycteiða*, Antiopen, Nyctei, regis in Boeotia, filiam, ex qua nati sunt *gemini*, Zethus et Amphion, Hygin. fab. 8; Apollod. III, 5, 5; Schol. Apollon. Rhod. IV, 1090; Lutat. ad Stat. Theb. IX, 423. Sed Homerus, Od. A, 259, eam facit Asopi filiam: de quo dissensu vide Pausan. Corinth. p. 124; cf. omnino Valkenar. Distrib. p. 58 sqq., ubi fragm. Antiopae Eurip. — *Tiryntia*, Alcmena, quam Iupiter summa Amphitryonis coniugis forma, vitiauit. Hygin. fab. 29; Homer. d. I. vs. 265. — *Asopida*, Aeginam, Asopi filiam; confer. VII, 616:

vide Spanhem. ad Callimachum hym. Del. 78. Eam vitiauit Iupiter in ignem, aut, ut Clemens Rom. V, 23, Nonnus Dionys. VI, 212, Lutat. ad Stat. VII, 427, uolunt, in aquilam conversus. In insula Aegina peperit Aeacum. Apollod. I, 9, 3; III, 12, 6. — *Deoïda*, Ceres Graecis Διὸς διέτα, unde Proserpina Διὸς κόρη, quod Noster et Ausonius, Epist. 4 ad Theon. expresserunt per *Deoïda*. Vid. Spanhem. ad Callimachum hym. Cer. vs. 133.

116. *Aeolia virgo*, vel Arne, vel Canace, Aeoli filia, quam Neptunus in taurum conversus vitiauit. — *Enipeus*, fluvius Thessaliae, in quem Neptunus conversus Iphimedium, Aloï uxorem, compressit, ex qua nati Othus et Ephialtes, *Aloïde* dicti. Homer. Od. Δ, 304 sqq.; Virgilius Aeneid. VI, 582 sqq. — *Bisaltida*, Theophrastus, Bisalti filiam, quam Neptunus in ovem, se autem in arietem mutavit. Hygin. fab. 188.

118. *Et te, flava* etc.) Ceres, ut Neptuni insidius fugeret, se in equum mutavit; quod quum Neptunus rescisset, in equum et ipse conversus

Mater equi volucris: sensit delphina Melantho. 120
 Omnibus his faciemque suam, faciemque locorum
 Reddidit: est illic agrestis imagine Phoebus;
 Utque modo accipitris pennas, modo terga leonis
 Gesserit; ut pastor Macareida luserit Issen.
 Liber ut Erigonen falsa deceperit uva: 125
 Ut Saturnus equo geminum Chirona crearit.
 Ultima pars telae, tenui circumdata limbo,
 Nexilibus flores hederis habet intertextos.
 Non illud Pallas, non illud carpere livor
 Possit opus: doluit successu flava virago; 130
 Et rupit pictas, coelestia crimina, vestes.
 Utque Cytoriaci radium de monte tenebat,
 Ter, quater, Idmoniae frontem percussit Arachnes.
 Non tulit infelix, laqueoque animosa ligavit

eam inilit. Inde natus Arion, equus.
 — *avem*. Regii nostri habent equum,
 quoniam de Pegaso agitur: recentiores
 repetitione vocis equum offensi
 posuerunt *avem*; at nescio an Pegasus,
 etiam alatus, *avis* recte dici
 possit. LEM. — *crinita colubris*; Medusa,
 quae ex Neptuno concepit Pegasum.
 — *Melantho*, Deucalionis filia.

120. *Pacem suam*) formam eam,
 sub qua mulieres compresserunt. —
Reddidit: Iuniam, et unus Mediceus,
addidit. Hunc versum Regius B ita
 claudicantem habet: *Reddidit: illic*
Agrestis imagine Phoebus. — *agrestis*,
 quum pavit Admeti armenta. L.

124. *Macareida*) Macarei filiam,
 vel Lesbium vel Euboeam. — *Erigone*,
 Ieri filia.

126. *Ut Saturnus in equum con-*
versus ex Philura genuit centaurem
Chirona. LEM. — *geminum*, quia ex
 parte equus, ex parte homo. LEM. —
tenui limbo, subtili fascia; est enim

limbus fascia ultimam vestis partem
 ambiens. LEM. — *intertextos*. Codex
 Regius B, *intermixtos*.

129. *Non illud Pallas* etc. J iam
 hic expectat lector exitum certami-
 nis, et iudicium de utriusque lani-
 ficæ tela. Non victrix, sed invidia,
 quae etiam Deos tangit; commota
 Pallas punit, atque invidia eius ex-
 cerbatur etiam criminibus Deorum
 effluvia. *Non livor illud opus carpere*
possit, proverbii speciem habuisse vi-
 detur, movente Zinnerl. Promula.
 cap. 41. — *coelestia crimina* Deorum
 stupra et adulteria dicuntur. Vide
 Burm. Sic et Propertius II, 5, 25:
Non istis olim variabant tectu figuris.
Tum paries nullo crimine pictus erat.
 — *crimina, vestes*, telam, in qua fla-
 gitia.

132. *Cytoriaci*) Vide ad IV, 311.
 — *animosa refertur melius ad gut-*
tura, quam ad ipsam Arachnen; sed
 quaeritur, quo sensu vir doctus in
 Bibl. Tigur. Vol. III, P. 1, p. 94, ex-

Guttura : pendentem Pallas miserata levavit; 135
 Atque ita, « Vive quidem, pende tamen, improba, dixit:
 Lexque eadem poenae, ne sis secunda futuri,
 Dicta tuo generi, serisque nepotibus esto. »
 Post ea discedens succis Hecateidos herbae
 Spargit; et extemplo tristi medicamine tactae 140
 Defluxere comae, cumque his et naris, et auris;
 Fitque caput minimum, totoque in corpore parva est:
 In latere exiles digiti pro cruribus haerent:
 Cetera venter habet; de quo tamen illa remittit
 Stamen, et antiquas exercet aranea telas. 145

II. Lydia tota fremit; Phrygiaeque per oppida facti

plicet spirantia, et comparet ex VII, 604, *pars animam laqueo claudunt*. Laudat Idem Amor. I, 6, 51; ubi *animosum ventum* putat esse spirantem, flautem, et e Cic. N. D. II, 6, *animum spirabilem*. Haud scio tamen, an possis superba explicare, ut vers. 206, ut gutturi more poetarum tributa sit affectio dominae. — *ligavit*; Heinsius malit *ligatur*, ut *αλγομένη* vitetur in *ligavit* et *levavit*. — Regii nostri habent *ligavit*, nec opus est emendatione Heinsiana. L&M. — In iunctura verborum *ligavit, levavit* sane est negligentia quaedam, neque tamen illa sollicitate Heinsius debebat ad corrigendum. Vide ad II, 398. — *levavit*, leviozem ei sortem tribuit.

137. *Lex*, modus et ratio. Poena eiusdem modi constituta esto. — Per *genus* et *nepotes* araneas intelligit. Ita *nepotes* etiam XI, 48. Inde autem et aranea *invisa Minervae*, Virg. Georg. IV, 246.

139. *Post ea*) Schepperus comicitoraque. *Post ea* et mihi laugnidum, nec satis poeticum videtur. Non tamen cum Scheppero haec corrigere ausim. — *Hecateus*, venenata et ma-

gica, ut XIV, 44, *Hecateia carminat* sunt incantationes. *Hecate* enim invocabatur a veneficis. — *medicamen*, omnis succus, quo inficitur aliquid. — *Defluere* et *defluvium* dicitur de capillis. — *totoque in corpore* Burmannus dedit ex tribus MSS.; vulgo *toto quoque corpore*. Licet habent totum et integrum corpus, parva tamen est, et omnia eius membra sunt exilia. Mox Heinsius mollet *venter obit*, sed male. Eleganter, *Cetera venter habet*, sunt *venter*. III Trist. 4, 46, *habet caetera pontus*. Obire potius de actu, quo mutatur aliquid I, 552. — *exercet*. Debebat sequi *artem*, sed dixit *telas*, et quidem *antiquas*, pristinas. Num *exercere* omnino est tractare.

146 – 312. *Nirde*, Tantalii filia, Amphionis, regis Thebani, uxor, copiosa probe superbieus et Latonae se praefereus, primum orbatur filijs filialisque omnibus, mox ipsa mutatur in saxum. Fabula a multis scriptoribus, multis deperditis tragicodijs, multis monumentis, multis denique epitaphijs celebrata. Cf. Hom. II. Δ, 602 sqq.; Callim. hym. Apoll.

Rumor it, et magnum sermonibus occupat orbem.
 Ante suos Niobe thalamos cognoverat illam;
 Tum quum Maeoniam virgo Sipylumque colebat:
 Nec lamen admonita est poena popularis Arachnes 152
 Cedere Coelitibus, verbisque minoribus uti:
 Multa dabant animos; sed enim nec coniugis artes,

22; Pansan. Corinth. p. 160; Apollod. III, 5, 6, qui in plurimis consentit cum Nostro; et Diod. Sic. IV, 74; Schol. Eurip. ad Phoen. 162, 6 Cod. Voss.; Hygin. fab. 9, 10, 11. Tractaverant haec et Hesiod. Pherecydes, Hellanicus et plurimi poëtae. Signum vetustum Niobes cum libris excellentissimum Florentiae servatur, de quo Winkelm. in Hist. Art. pag. 170, 205, 226; et in Mon. Ined. n. 89. Palaeph. cap. 9, fabulam sic explicat, Nioben fecisse sibi statuum lapideam in tumulo liberorum. Philemon fab. inde notam arbitrabatur, quod Niobe prae doloris magnitudine nihil proloqui potuerit. Nec aliter Cic. Tusc. III, 26: *Niobe fingitur lapidea, propter aeternum, credo, in luctu silentium*. Hinc ab Aeschilo inducta fuerat velato capite. *fremere* hic non de indignatione et dolore popularium Arachnes capiendum, sed, ut Schirach. recte observat; de fama pervagante Lydiam, quia haec dignior facto Minervae, quam indignatio. Phaedrus I, fabula 5, 20: *Rubor de tibicinae fremit in theatro*. De fama *fremere* est XII, 748. — *it per opida*, ut apud Virgilium, *fama it per urbes*. — Male Heinsius susedet *magnam urbem*, id est, Sardes. Imo fama serpit primum per Lydiam, mox per vicinam Phrygiam, tandem per totum terrarum orbem, penetratque adeo et Thebas ad Nioben.

149. *Maeoniam*, imprimisque Si-

pylum colebat. Nam *Sipylus* et mons et urbs Lydiae. Plin. II, 59. Anacr. Od. 20, annumerat quidem eam Phrygiae; sed Lydia relata olim fuit a multis ad Phrygiam Magnam. Videt Strabo II, p. 89. Etiam mox vs. 177 *gentes Phrygiae*. E Maeonia eam cum Pelope in Peloponnesum venisse, patet Heynius ad Apollod. d. l., nisi potius in Lydiam iam nupsit Amphioni. Certe a Pansan. IX, p. 720, Amphion ob Tantalii affinitatem Lydios modos a Lydiis didicisse narratur. — *admoneri* exemplis, iis impelli, ut tibi consulas. — *verbis minoribus uti*, submissius loqui, ut vs. 368. Vid. ad IX, 31.

152. *animos*; superbiam: — *sed enim*, at vero: — *artes* habent Florentinus optimus, primus et secundus Mediceus, alique complures; probant hoc Heinsius, Bersmannus, Pontanus, Burmannus; caeteri, *arces*. Codex Regius A, *arces*; Codex B, *artes*: hoc praetulimus cum tot et tantis viris: quavis enim *artes* saepe in malam partem accipiantur, hic de musica et lyrae Amphioniae miraculis, forte etiam de regali sapientia et optimo regimine intelligendum est, dum *arces* tautologiam meram redderet cum *potentia magni regni*. LXX. — *artes*, musica, qua excellens Amphion, quae inde *Amphionia ars* apud Sidonium Apoll. ab Heinsio laudatur. In Twissl. Cod. glossa adscripta erat, *quia citharoedus erat*:

Nec genus amborum, magnique potentia regni;
 Sic placuere illi, quamvis ea cuncta placebant,
 Vt sua progenies; et felicissima matrum
 Dicta foret Niobe, si non sibi visa fuisset.
 Nam sata Tiresia, venturi praescia, Manto
 Per medias fuerat, divino concita motu,
 Vaticinata vias: « Ismenides, ite frequentes,
 Et date Latonae, Latonigenisque duobus,
 Cum prece tura pia; lauroque innectite crinem:
 Ore meo Latona iubet. » Paretur; et omnes
 Thebaides iussis sua tempora frondibus ornant,
 Turaque dant sanctis et herba precantia flammis.
 Ecce venit comitum Niobe celeberrima turba,

155

160

165

verba

vide ad vs. 178. Sed Broukh. ad Propert. III, 7, 39, per *artes* b. l. intelligitur urbem Thebas, quam Amphion lyrae canore construxerat, quem admodum apud Propert. d. I. Pergama ex Broukh. emendatione dicuntur *Apollinis artes*. Ita vero musices, quae tantum sibi nomen Amphion paraverat, nulla fieret mentio. Possis forte utrumque hic intelligere, musicam et mornia. Vid. ad vs. 178. — *Sic — Vt sua progenies*. Haec causa ei fuit superbiae, calamitatis, insani doloris et mutationis. — *sibi visa fuisset*, atque felicitatis illius sensu elata.

157. *Nam sata etc.*) Niobe Thebanis interdixerat Latonae sacra celebrare. Hoc tractavit, ut poeta. Vatem inducit sacra indicentem, mulieres iussis parentes, Nioben in publicum prodeuntem, se iactantem, Deae maledicentem. — *Manto* (a *παύρις* 6921) saepe a Veneribus commemoratur. In eius verbis non inest vaticinium, quod vulgo sic dicitur, sed indictio sacrorum. Nempe vaticinari omnino est impulsu Dei loqui. — *divino*

concita motu; vide ad III, 711. Confer Senec. Agam. 319, qui Nostrum expressit: *Quam fatorem praescia Manto Sata Tiresia Latonigenas Mounit sacris celebrare Deos*. Pertinuerunt illa sacra ad mulieres tantum. — *Et date etc.* Formula sollemnis in indictione sacrorum. Confer Aeneid. VIII, 274. — *pia*, quae pium animum declarant. — *Cum prece*. Intelligenda comprecatio, quae sacrificio addebat precem. Confer IX, 159. Vt in sacris Bacchi pampineae aut hederaceae, in honorem Ierulis populeae frondes innectebantur crinibus, sic in Apollinis sacris *laurus*. — *iussis*. Ita et I, 399; III, 105; IV, 32; XI, 635. Et ex more Ovid. post *iubet* repetitum *iussis*. Non tamen spernenda altera lectio *festis*. Ita III, 528, *festi ululatus*; vide et ad III, 111; Virgil. Aeneid. II, 249, *delubra Deum festa velamus fronde*. Rogii nostri Codices, *iussis*.

165. *Ecce venit comitum etc.*) Incessus mulieris superbiae et praesuperbiae indignantis egregie hic describitur.

Vestibus intexto Phrygiis spectabilis auro,
 Et quantum ira sinit, formosa; movensque decoro
 Cum capite immissos humerum per utrumque capillos
 Constitit: utque oculos circumtulit alta superbos;
 « Quis furor auditos, inquit, praeponere visis 170
 Coelestes? aut cur colitur Latona per aras?
 Numen adhuc sine ture meum est? mihi Tantalus auctor,
 Cui licuit soli Superorum tangere mensas;
 Pleiadum soror est genetrix mihi; maximus Atlas
 Est avus, aetherium qui fert cervicibus axem: 175

hitar; *cel-berima*, stipata multis comitibus, more reginarum orientalium. — *De Phrygiis vestibus* vide ad vs. 1. — *movens*, concitatus, indignationis causa, ut Iupiter in libro I, vs. 179. — *immissos*. Pauli Codices habent *immissos*; idque placet Barthio; ea vero est immensa hyperbole. Regii nostri Codices, *immissos*. *Immissi* in faciem capilli signum erant vel squaloris, vel certe negligentiae, qualis est mulierum donni sedentium, V, 338. Verum h. l. *immissi* absolute sunt soluti, fluentes, quales sunt Apollinis. Tihul. III, 4, 27: *Intonsi crines longa cervice fluebant*. Apud Homer. d. I. ἄκρυπος Νόβη. — *alta*, quia superbi elato capite incedunt. Vs. 275, *resupina*. Senec. Epist. 80, p. 624, ed. Lips.: *Ille, qui in scena elatus incedit, et haec resupinus dicit, En iuvero Argis*.

170. *Quis furor auditos*, etc. Hinc aucta illa, quae animos dabant (152), at se Latonae praeferret, ipsa non enumerat modo, sed et amplificat. Haec sunt magna illa verba, quae minere volebat, et quibus elata, vs. 184, fidenter subiicit, *Quaerite nomen*, etc. De formula *quis furor?* ad III, 531. Quae ipsi videmus, ea et certiora et praesentiora sunt auditis, de qui-

bus fando aliquid accepimus. — *per aras* non est, aris exstructis, sed in aris plurimis, ut quae *per urbes*, plurimis in urbibus, fieri dicuntur. — *Numen meum*, ut vs. 4. — *Tantalus*, rex Lydiae opulentissimus, saepe ad Deorum convivium admissus, unde *conviva Deorum* Hor. I, Od. 28, 7. — *auctor*, scilicet generis. — *soli*; licuit quidem et Ixioni et Pelopi, sed illi posteriores Nioba. HAISSVS. Maximus autem honos *tangere mensas*, interesse convivii *Deorum*, inque olim non nisi Diis concessus, atque adeo divinitatis signum. Aeneid. I, 79, Aeolus ad Iunonem: *tu das epulis accubere Divum*.

174. *Pleiadum sorores* erant Hyades (Hygin. P. A. II, 21), 2 quibus una Dio (Schol. Hom. ad II. E, 486), quam nonnulli faciunt Niobes genitricem. Hygin. fab. 9, 82, 83. Sin Atlas eius avus, et Iupiter, Tantali pater, *alter avus*, atque adeo *socer* quoque, quia et Amphion Iovis ex Antiopa filius. Panson. Boeot. p. 720. — *genetrix mihi* ex Neupolitico recepit Burmannus pro *genetrix mea*. Praestantior ea lectio Burmanni quam vulgata, quam quidem habent Regii nostri. LEN. — *aetherium qui fert* etc. Confer. in lib. IV, vs. 656 et seqq.

Iupiter alter avus; socero quoque glori-
 or Me gentes metuunt Phrygiae; me regia Cadmi
 Sub domina est; fidibusque inei commissa mariti
 Moenia cum populis a meque viroque reguntur.
 In quaecumque domus adverto lumina partem, 180
 Immensae spectantur opes: accedit eodem
 Digna Deae facies: huc natas adice septem,
 Et totidem iuvenes, et mox generosque iurisque:
 Quaerite nunc, habeat quam nostra superbia causam:
 Nescio quoque audete satam Titanida Coeo 185

177. *metuunt*, venerantur et colunt, ut felicem maximi regis filiam; vide ad I, 322. — *Phrygiae*. Vide ad V, 149, *Amphionem*, qui regnavit anno 1390 ante Christum, *fidibus* excelsissimae (Plinius VII, 56; Noster ibid. 985), earumque sono Th-bas circumdedit muris (Horat. A. P. 394), id est, musices suavitate ita oblectasse Thebanos, ut muris extruendis operam navare non gravescentur (Maximus Tyr. Dissert. 21, Palaeoph. 42), constat. Hinc igitur *moenia fidibus mariti mei commissa*, constructa. Apud Propert. I, 9-10, *Amphioniae moenia lyrae*. Plura de eius arte musica habet Pausan. Boeot. p. 720. De muris eius vid. Homer. Od. A, 261. — *populi*, cives. — *adverto lumina*, Heinsius mallet, graeca forma, *adverto lumina*.

182. *Digna Deae*) Confer V, 182. — De numero liberorum Niobes studiose quaesiverunt Veteres Ael. V. H. XII, 36; Gellius N. A. XX, 7; Schol. Eurip. ad Phoen. 162, et c. recentioribus Cuper. Obsv. III, 7. Noster sequutus est Eurip. Aesch. Aristoph. Lysium, qui septem filios totidemque filias Niobae dabant. Sic et Hyginus, Apollodorus, et Scholia-

stes Euripidis, c. Cresphonte. Homerus non nisi sex utriusque sexus numerat, Hesiodus et Aelianus omnino viginti, Herodotus duos filios, tres filias.

185. *Nescio quoque etc.*) Cum splendida sua fortuna comparat miseram Latoe sortem, de qua Homer. hym. Apoll. et Callimachus hym. in Del. adnunti. — '*Nescio quoque audete*. Ita haec verba Heinsius constituit ductu Florentini optimi et tertii Medicei, quorum ille, *Nescio quoque audete satam*, hic *Nescio quoque audete genitam*. Scabra totis sunt verba et dura; ostendit etiam quae sed difficile est, siue MSS. adiumento aliquid melius substituere. Vulgata habebat *Quoque modo audetis genitam*. Ex hac emendatione Heinсии ordo et sensus verborum is est: et *audete Latoam nescio quo* (contemptum) *Coeo satam*. — Codex Regius A habet *Quoque modo audetis genitam*; Codex B, *Nescio quoque audete satam*. Lectio Codicis A, quae est vulgatae, hand multum placet. Sed recta est. Codex B nihil habet salebrosi; at quod habebat vir Cl. Gierig, *Nescio quoque audete genitam*, grave mendum est; huc emendavimus, Heinсии freti: raro

Latonam praeferre mihi; cui maxima quondam
 Exiguam sedem pariturae terra negavit.
 Nec coelo, nec humo, nec aquis Dea vestra recepta est;
 Exsul erat mundi; donec miserata vagantem,
 Hospita tu terris erras, ego, dixit, in undis;
 Instabilemque locum Delos dedit: illa duobus
 Facta parens: uteri pars est haec septima nostri.
 Sum felix: quis enim neget hoc? felixque manebo;
 Hoc quoque quis dubitet? tutam me copia fecit.
 Maior sum, quam cui possit fortuna nocere;
 Multaque ut eripiat, multo mihi plura relinquet.

quidem ponitur *quae* post *nescio quis*, tamen, quum uno tractu legatur *nescio quis*, quasi adiectivus, nil obstat quominus admittat post *quis* vel quo particulam *quae*. Tanaq. Faber, cui suum caput, sua libido est, non timuit mutare textum, non infeliciter, sed sine auctoritate, his verbis: *Et nunc nescio quo genitam Titanida Coeo Latonam praeferre mihi!* LEM. — Fuit autem Coeus unus ex Titanibus, cuius filio Latona a Iove compressa Apollinem simul et Dianam concepit.

186. *Cui maxima — terra negavit;* Inreuerando obstrinxerat Iuno omnes terras ne parturienti Latonae locum concederet: latuit tum sub aquis Delos insula, quam emergere iussit Neptunus et locum parturienti praefere; vide infra quae addit Gierig de insula Delo. LEM. De erroribus Antoniae parturientis, vid. Homer. hymn. Apoll. 30, et de Delo *miserata vagantem*, vs. 61 sqq., et Callim. hymn. Del. 201 sqq. — *Exsul mundi* eodem syntaxi, qua *exsul mentis*, *fugitivus regni* etc., vide Barn. Graviter *exsul mundi*, quum alii tantum sint *exsules patriae*. — *ego in nudis*. Delos olim instabilis (Stat. Achil. I,

388) et errans in mari, sed nato Apolline statim immota facta est et inersa, haesitque inter Gyarum Myconumque Cyclados; Aeneid. III, 75 sqq., ubi: *oras et litora circum Errantem Mycone celsa Gyaroque revolvit*. Vide dialogum Iridis et Neptuni, apud Lucianum, et quos laudat Spanheim. ad Callimac. hymn. Del. 273. Vtrum utramque prolem in hac insula deposuerit Latona, an Dianam alio loco, de eo dissentiant poetae; vide ad I, 694. Delos autem hic loquens inducitur, ut apud Hom. vs. 61 sqq., et commode, quum omniae similem sortem experirentur. — *Instabilem* contemtim. Confer. vers. 333 sqq. — *illa duobus Facta parens* pro *duorum* ex uno Codice dedit Heinsius. — Sicuti in vs. 174 Regii nostri habent *est genetrix mea*, ita hoc loco habent quoque *duorum parens*. Melior sane lectio quam reliquimus in utroque loco. LEM.

192. *uteri etc.*) Hi duo non faciunt, nisi septimam partem eorum, quos ego enixa sum. *Uterus* de tota, eoque numerosa, prole. Homer. Il. d. I.: $\Phi\eta\delta\omega\tau\acute{o}\varsigma\ \tau\epsilon\lambda\acute{\epsilon}\iota\sigma\tau\acute{\iota}\nu\ \eta\ \delta'\alpha\upsilon\tau\acute{\eta}\ \gamma\acute{\epsilon}\nu\alpha\tau\circ\varsigma\ \pi\omicron\lambda\lambda\acute{o}\varsigma$. Inde et apud Apollod. $\epsilon\upsilon\tau\epsilon\lambda\epsilon\upsilon\sigma\tau\acute{\epsilon}\varsigma$

Excessere metum mea iam bona: fingite demi
Huic aliquid populo natorum posse meorum;
Non tamen ad numerum redigar spoliata duorum,

ρίπαι se iactat Latona. Iam incipit oratio languescere, maxime insertis illis *quis enim* etc., *Hoc quoque* etc., et *ταυτολογεῖν*, quum inde a vocab. *tantum* usque ad *spoliata duorum* eadem sententia quinquies repetita sit. — *populus* omnino multitudo, ut XI, 634, ubi vide notis. Ita *cohors liberorum* Aeneid. X, 328; *totus familie populus* Plin. XXXV, 2.

199-203. Non tamen ad numerum etc.) Hic locus valde corruptus et disturbatus: in primo versu, unus habet *num tamen*; in sequentibus, olim legebatur: *Quodque licet, tacito venerantur murmure numen Latonae turba quantum distabat ab orba, Tantum animosa sui furis agitata doloris*. Ultimum versum Ciofanus et alii recte deleverunt, et abest a plurimis MSS. Gronovius Observation. IV, 13, primum versum postposuit multis et secundum sic emendavit: *Latonae: turba qua quantum distabat ab orba?* Heinsius probat transpositionem Gronovii, et legit praeterea: *turba quo quantum distat ab orba!* Burmannus mallet, *turbæ qua* (scilicet duorum, ut ironice vocat) *quantum distat ab orba!* Schirachius denique suadet: *Latonæ torvæ; quæ, quantum distat ab orba*. Insuper caetera mendis laborant; legebatur: *Ite sacris propere sacris*, quod Gronovius faletur se non intelligere; suadet igitur: *Ite, sat est operas sacris*, aut, *Ite, satis pro re sacri*, aut *Ite satis propere sacris*, ut per contemptum ita appellet Thebaidas mulieres supersticiosas, festinasque ad sacra accipienda. Iac. Gronovius, in Antiquitatum Græcarum

thesauro, tom. I, volebat: *Ite aris propere ab sacris*; Schirachius: *Ite satis, propere sacris*, quod inter alia suaserat Heinsius. Ex his omnibus corruptionibus ac disturbanceibus horum versuum vis sensus commodus erui potest. Nos interpunximus, non post *Latonæ*, sed post *turba*, et *quæ* mutavimus in *quæ*. Sensus: Si vel maxime pluribus liberis spoliet, non tamen in tanta meorum turba redigar ad numerum duorum Latonæ; quæ cum duobus suis, quantum, quam parum, distat ab orba? Mutationi huic, quam sensus commendat, accedit aliquid auctoritatis e MSS. Etenim Ciofanus, e libro Briant, notavit, *Latonæ, turbæ? quæ quantum*. Atque etiam Heinsius *quæ* in melioribus reperit. Lenzius et ipse probat *quæ*, sed coniungit *turba ab orba*, id est, a multitudine eorum, qui omni prole carent. Si proxima servamus, sane post *ite* et *propere*, subintelligimus praepositionem *a*.

Ea fuit opinio Cl. Gierig et caeterorum quos nominavit: in hoc loco tam difficili licet quoque nostram emendationem nostramque explanationem subiicere. Primo dicamus quæ sit lectio nostrorum Codicum: *Num tamen ad numerum redigar spoliata duorum? Ite sacris, propere sacris; laurumque capillis* Pontæ: deponunt infectaque sacra relinquunt; Quodque licet, tacito venerantur murmure numen Latonæ; turba quantum distabat ab orba. Ita versus extremus legitur in Codice A; sed Codex B habet eodem loco *Latonæ turba; quæ quan-*

Latonae turba: quae quantum distat ab orba?

200

Ite sacris, properate sacris: laurumque capillis
Ponite ». Deponunt, infectaque sacra relinquunt,
Quodque licet, tacito venerantur murmure numen.
Indignata Dea est; summoque in vertice Cynthi,
Tahidus est dictis gemina cum prole loquuta:

205

« En ego vestra parens, vobis animosa creatis,
Et, nisi lunoni, nulli cessura Dearum,
An Dea sim, dubitor; perque omnia secula cultis
Arceor, o nati, nisi vos succurritis, aris.

Nec dolor hic solus; diro convicia facto

210

Tantalus adiecit, vosque est postponere natis

211

Ausa suis; et me, quod in ipsam recidat, orbam

tum distat ab orba? uterque reiecit
versum tantum animosa etc., certe
spurium, de quo loquitur Cl. Gierig.
Quae lectiones ultimi versus non pa-
rum impediunt sententiae tebarem;
nam cetera, usque ad hunc versum,
plane fluunt; nihil enim vividius hac
interrogatione: *Fingite demi... mun-
tamen... redigar?* Quid aptius est
ferociori iubentis feminae animo quam
ista acerbiter dicta: *Ite sacris, pro-
pere sacris abscedite; et laurum, qua
praecingitur caput vestrum, deponite.
Deponunt quidem; sed mireris metum
vulgi inconstantiamque: dum Niobes
metu, sacra Latonae relinquunt, hanc
tacito murmure, quod licet, veneran-
tur. Nihil haecenus quod non laudemus;
sed quid hic versus iste: Latona-
e; turba quantum distabat ab orba,
quem nullo modo interpretari queas;
etiamsi utaris glossa marginali quam
habet Codex alius antiquissimus, qui
eamdem praebet lectionem: ea nempe
est glossa, a turba orbis matrum
quantum distabat. Quare hanc versum,
hoc loco saltem inutilem, cum Cl.
Gierig, post versum Num tamen re-*

linquimus; et, turbam pro turba gri-
bentes, ita explicamus totum locum:
« Num igitur spoliata redigar ad un-
merum duorum filiorum, quae est
turba Latonae? Quam parum haec
distat a matre spoliata suis filiis! Er-
go, quum Latona numero liberorum
mecum se conferre nequeat, eius sa-
cra relinquite; et deponite laurum
quod, inbeute Manto, crines vestros
cinxistis ». Lxm. — *murmure*, de
preceante, etiam 327; *tacito*, leni. Com-
pressis labris mussitant. Loco citato:
pavido, faveas mihi, murmure dixit, etc.

204. In Cyntho, Deli monte, La-
tona colebatur cum Apolline. Breviter
Apollod. liberos $\pi\alpha\rho\phi\acute{\epsilon}\nu\alpha\iota$. — *ani-
mosa*, superba. — *dubitor* Burman-
nus inter singularia refert. Dictum ut
imperator et alia. De divinitate Latonae
non dubitaverat Niobe; sed ira solet
maledicta alterius augere. — *cultis*,
unus, cunctis, quod praefert Dāniel
Heinsius. — *Regii nostri, cultis*. —
Arceor Deus aris, quando eius sacra
in aris interdicuntur; habitare enim
ibi credebatur.

212. recidat verbum in hic re pro-

Dixit; et exhibuit linguam scelerata paternam. »
 Adiectura preces erat his Latona relatis;
 * Desine, Phoebus ait, poenae mora longa, querelas. »
 Dixit idem Phoebe; celerique per aëra lapsu
 Contigerant tecti Cadmeida nubibus arcem.
 Planus erat, lateque patens prope moenia campus,
 Adsiduus pulsatus equis; ubi turba rotarum,
 Duraque mollierant subiectas ungula glebas. 320
 Pars ibi de septem genitis Amphione fortes

primum, et primam interdum producit. Vide Broukh. ad Prop. IV, 8, 44. — Huius prima syllaba semper apud recentiores corripitur; unde quidam metri corrigendi causa scripserunt, *recidat*. LEM. — Veteres autem, ubi ominosi aliquid audierant, in hostes id vertere solebant. — *exhibere linguam paternam*, peccare linguam, ut pater Tantalus, divulgatis Iovis arcanis. *Magna lingua* Niobae tribuitur ab Horatio IV, Od. 6, 1: *Apollo, quem proles Niobea magnae Pind. cens linguas sensit*.

214. *Adiectura preces*. Vulgo, *deiectura*: Const. Fan. *adiectura*; Heinsius malebat *adnotura*; Burmannus ex uno praefert *admixtura*. Codices nostri Regii, *adiectura*.

215. *Desine*. Desinere aliquid, id est, id desistere, ab eo desistere. Vid. Heinsium ad Ari. Amat. II, 726. — *mora longa, querelas*; hunc locum Heinsius ita constituit; vulgo, *mora longa querela* est. — Posterior haec lectio in nostris etiam Codicibus Regiis est. LEM.

216. *Phoebe*. Diapa, quae eandem esse cum Luna dicitur. LEM. — *Contigerant*; unus, *constiterant*, quod elegans, et divinam celeritatem declarare Burmanno videbatur. — *Cadmeida arcem*; Thebaeam arcem, a

Cadmo extractam. LEM. — *tecti*; unus, *vecti*. — *tecti nubibus* solent esse Diidescendentes ad puniendum, ut Apollo, II. A.

218. *Planus erat*, etc.) E priscæ vitæ ritu ante urbes erant loca lata, campi, in quibus iuvenes armis exercebantur et cursu. Homer. II. B, 811 sqq.; Aeneid. VII, 162. Homero auctore, pueri aequæ ac filiae in aedibus perierant; secundum Apollod. ex Euphronione et Hygin. venantes in Cithærone morte interfecti sunt. Timagoras, apud Schol. Euripid. ad Phoen. 162, putat, a Thebanis per insidias sublato esse Amphionis liberos. Pestilentia eos esse absumptos, censet Eustath. ad Hom. d. I. Confer Pausan. Bocot. pag. 721. Apollo enim sagittis suis (h. e. sol radiis) pestilentium excitare credebatur. Nomina illorum habent Hyginus fabul. 11; Apollod. Schol. Eur. Noster filiorum tantum nomina habet, in quibus non multum ab Apollod. discrepat. — *prope moenia*. Gebhard. coniecit *ad moenia*. — *pulsari* dicitur campus curru et ungula equorum; confer. Aeneid. X, 216; Noster infra 487. — *Assiduus equis*, assiduo equorum cursu. LEM. — Schirachius profert *aquis* pro *equis*, et *pulsare* explicat, allacere. Tam verbis *oli* turba riam

Conscendunt in equos, Tyrioque rubentia fūco
 Terga premunt; auroque graves moderantur habenas.
 E quibus Ismenos, qui matri sarcina quondam
 Prima suae fuerat, dum certum flectit in orbem 225
 Quadrupedes cursus, spumantiaque ora coercet,
 « Hei mihi! » conclamat; medioque in pectore fixus
 Tela gerit, frenisque manu moriente remissis
 In latus a dextro paulatim defluit armo.
 Proximus, audito sonitu per inane pharetræ, 230
 Frena dabat Sipylus: veluti quum praescius imbris
 Nube fugit visa, pendentiaque undique rector
 Carbasā deducit, ne qua levis effluat aura,
 Frena dabat; dantem non evitabile telum
 Consequitur; summaque tremens cervice sagitta 235
 Haesit, et exstabat nudum de gutture ferrum.
 Ille, ut erat pronus, per colla admissa iubasque

regiam iuxta campum describi putat.
 At aquis nulla auctoritate se tuetur;
 neque de via, sed de ipso campo
 sermo est.

222. *Conscendunt in equos* vestibus
 purpureis lectos. Confer VIII, 33.
 Seculo tamen heroico exercitationes
 non in equo, sed in curru institue-
 bantur. — *fūcus*, color, quam glos-
 sam adscriptam habet unus MS. — *au-*
roque graves — *habenae*. Codex Re-
 gius A, *auro gravidis* — *habenae*;
 Codex B, *auro gravidas* — *habenae*.
 Minime spernendae lectiones. LEM. —
moderari dicimus et equum frenis,
 et ipsa frena. BYRM. — *Ismenos*, a
 fluvio Boeotiae. — *quadrupedes*, pro
quadrupedis, quatuor MSS. auctori-
 tate nixus, invenit Heinsius. Regii
 nostri quoque habent *quadrupedis*. —
cursus quadrupedes poetica nodacia,
 pro cursu equi, ipsius equum. —
certum in orbem, in palaestra eque-

stri usitatum. Vide ad XII, 468.
 Virgil. Georg. III, 191: *Carpere mox*
gyrum incipiat, gradibusque sonare
Compositis.

229. *defluunt* qui debilitati, animo
 delinquentes, aut morientes deci-
 dunt. *Defluere ab equis* etiam Livius
 II, 20. Sic et *defluunt folia, capilli*.

231. *Sipylus*, a monte Sipylus. —
pendentia, ex antennis suspensa. Vide
 ad III, 663. — *sonitum* audiebat,
 quia Apollo cum clangore sagittarum
 in pharetra incedit. Il. A, 45. — *de-*
ducit. Multi MSS. *diducit*, quod et
 Glarean. suavit. — Codex Regius A,
diducit; Codex B, *deducit*.

234. *Frena dabat*, e vs. 231 temere
 repetitum: forte praestat lectio vul-
 gata, *frena tamen dantem* (quam ha-
 bent Regii nostri). — *non evitabile*,
 inevitabile, ut vs. 41, *non territa*, in-
 territa.

237. *per colla*) Olim legrbatur per

Volvitur; et calido tellurem sanguine foedat.
 Phaedimus infelix, et aviti nominis heres
 Tantalus, ut solito finem imposuere labori, 240
 Transierant ad opus nitidae iuvenile palaestrae;
 Et iam contulerant arcto luctantia nexu
 Pectora pectoribus, quum tento concita cornu,
 Sicut erant iuncti, traiecit utrumque sagitta.
 Ingemuere simul; simul incurvata dolore 245
 Membra solo posuere; simul suprema iacentes
 Lumina versarunt; animam simul exhalarent.
 Adspicit Alphenor, laniataque pectora plangens
 Advolat, ut gelidos complexibus adlevet artus;
 Inque pio cadit officio: nam Delius illi 250
 Intima fatifero rumpit praecordia ferro.
 Quod simul eductum, pars est pulmonis in hamis
 Eruta; cumque anima cruor est effusus in auras.

crura admissa, quod pessime interpretabantur, per *crura* equitis iuncta; aliquanto melius, per *crura* equi ad cursum incitati. Male tamen *crura* et *iubae* sic iungebantur. Bene igitur fecit Heinsius, quod e septem MSS. *colla* restituit. *Colla* autem *admissa* non videntur esse, in quibus frena laxata et remissa pendent, sed *colla* equi admissi, h. e. ad cursum incitati, quoniam tunc frena laxantur. Amor. II, 16, 50: *Per admissas iubas*. — ut erat. Vide ad II, 272. — *pronus*, ut X, 652, de corrente, *carcere* pronus emicat. — *Folvi*, de eo, qui praecorsu cadit. — *per*, iuxta. — *foedare*, de sanguine fuso passim.

240 *labori*) Agitationi eorum.
 LEM. — *Transierant ad opus palaestrae* iuvenes, iam finitis exercitationibus campatribus; apud Romanos natare etiam solebant per Tiberim. Horat. I, Od. 8. Luctantes in palae-

stra oleo ungebantur, ut mollirentur artus, hinc *nitida*; et Heroid. XI, 19, *uncta palaestra*.

242. *Et iam contulerant*; iam luctari coeperant. LEM. — De *nexu* luctantium, vide ad IX, 52. — *quum tento*; Regii nostri, *contento* — *nervo*; rectius forte; vide infra, vs. 286, *contento arca*. LEM.

246. *suprema lumina*, morientes oculos. — *iacentes*; Gebhard. coniicit *gementes*; sic nunc Moreti. — *Perperam*; nam praecedunt *ingemuere simul*; servanda lectio *iacentes*, quae est nostrorum Codicum. LEM.

248. *Alphenor*) Apollodorus, *Agenor*. — *laniata plangens*, plangeas sic, ut laniaret. Vide ad I, 32. Frequenter *laniare* de stridoris sive plactu. Caedebant enim pectora et lacertos, ut liverent; cf. v. 279.

251. *ferro*) Codex Regius B. *telo*, 252. *eductum*) Alii, *evulsum*. Regi

At non intonsum simplex Damasichthona vulnus
 Adficit: ictus erat, qua crus esse incipit, et qua 255
 Mollia nervosus facit internodia poples;
 Dumque manu tentat trahere exiliabile telum,
 Altera per iugulum pennis tenus acta sagitta est:
 Expulit hanc sanguis, seque eiaculatus in altum
 Emicat, et longe terebrata prosilit aura. 260
 Ultimus Ilioneus non profectura precando
 Brachia sustulerat; « Dique o! » communiter omnes
 Dixerat, ignarus non omnes esse rogandos,
 « Parcite! » motus erat, quum iam revocabile telum
 Non fuit, Arcitenens; minimo tamen occidit ille 265
 Vulnere, non alte percusso corde sagitta.
 Fama mali, populique dolor, lacrymaeque suorum
 Tam subitae matrem certam fecere ruinae,
 Mirantem potuisse, irascentemque, quod ausi
 Hoc essent Superi, quod tantum iuris liaberent; 270
 Nam pater Amphion, ferro per pectus adacto,

nostri, eductum. — cumque anima etc. Virgilius Aeneid. II, 532, multo vitam cum sanguine fudit; et IX, 349, Purpuream vomit ille animam: ex mente illorum, qui sanguinem animae sedem esse opinabantur. LEM.

254. At non intonsum) Aeneid. IX, 181, ornatus: Ora puer prima signans intonsa iuventa. — nervosus; plurimi scripti, nodosus. — Codex Regius A habet nodosus; Codex B, nervosus. — Recte poples vocatur nervosus quia ibi plurimi nervi: vide Burmannum. — internodia, spatium inter nodos, qui crus et poplitem colligant.

260. terebrata prosilit) Supra IV, 124, sanguis e vulnere emicans ictibus aëra rumpit, hoc autem loco, terebrat, perforat auram. Sed verba temere cumulasse videtur secundum Ovidii ingenium: sanguis se macula-

tur, emicat, prosilit, terebrat auram. Paulo post in minimo vulnere ludit Ovidius.

266. alte percusso) Oxoniensis dat alta, quod probat Heinsius, dissentiente Burmanno. Regii nostri, alte.

267. Fama mali, populique dolor) Codex Regius B, Fama malum, populique dolor; ita interpretandum: Non solum fama quae pervenit ad eam, sed et malum quod oculis vidit: praestat tamen lectio vulgata, quae est codicis. A. LEM. — Tum subitae ruinae; strages tot filiorum egregie carorum; certam fecere, admonere. — Miratio in summo dolore vix locum habebat. Verius vs. 280 sqq. eius affectus expressus.

271. Amphion apud Lucianum, de Saltat. 41, praee dolore ad insaniam adigitur; inde forte iquo fortius per

Finierat moriens pariter cum luce dolorem.
 Heu! quantum haec Niobe Niobe distabat ab illa,
 Quae modo Latois populum submoverat aris,
 Et mediam tulerat gressus resupina per urbem, 275
 Invidiosa suis; at nunc miseranda vel hosti,
 Corporibus gelidis incumbit; et ordine nullo
 Oscula dispensat natos suprema per omnes.
 A quibus ad coelum liventia brachia tendens,
 « Pascere, crudelis, nostro, Latona, dolore, 285
 (Pascere, ait, satiaque meo tua pectora luctu)
 Corque ferum satia, dixit: per funera septem

pectus adegit; quamquam haec verba etiam ex Apollind. explicari possint, ἐτοῖς δὲ καὶ Ζεῦσι καὶ Ἀπιδίω. Auctore Hygino, fabula 9, quum Apollinis templum expugnare vellet, interficitur eiusdem Dei telis. Secundum Timagorum caesus est a Sparta. — pariter, Barmaunus coniecit patrium. Regii nostri habent pariter — dolorem Lenzius intelligit e vulnere conceptum: malim, e iactura liberorum. Niobe dolet, sed Amphion finit dolorem: sed ne morte quidem dolorem fluire potuit; apud inferos enim eius contumelias, qua Niobe Latonam affecit, potius pendere credebatur: Pausanias Beroi. pag. 721.

273. haec Niobe, quasi alia esset; Aeneid. II, 274, quantum mutatus ab illo Hector. Magnam autem vim habet pristinae et praesentis fortunae comparatio. Pristinae repetendae immoratur. — resupina. Vide ad vs. 169. — Invidiosa; quum in summa nostra felicitate etiam nostri dicere solent, la video tibi hanc sortem. — dispensantur, quae per partes ac vicia fiunt, non uno momento. Horat. I, Od. 36, 6, dividere oscula.

280-282. Pascere etc.) Reimsius

cenamit tollendum versus 282, quem commentis sint, qui non intellexerint, quantum esset aemulis in illo, Effertur; aut, si quis malit, posse praecedentem deleri. Pro posteriore alii: Dum pars nostra iacet, et dum per funera septem, aut etiam utrumque cum aliqua varietate exhibent. Capser. pectora mutat in lumina et dixit in vixi. Pro dolore Barmaunus, cum uno Leideusi et Mediceo, mallet eruere, quia sequitur luctu. — In codice Regio A, hic versus 282 legitur sine ulla intervallo; in codice B, ad marginem, a secunda manu restitutus est; et mihi garrulitatem Ovidianam sapere videtur. Quod ad pectora, et ad dixit et dolore, eodices nostri nihil mutant. LEM. — Certum est, non posse utrumque versus Pascere, ait, et Corque etc. genuinum esse. Reimsius posteriorem uncis inclusit, ego priorem; quia ille acerbius, et quia effertur (sensu funebri), perspicuitatis causa, verba per funera septem postulat. Caeterum pasci et ferum sic coniunxit etiam Claudian. 22, 14, ubi Dea Clementia docet, ut poenis hominum vel sanguine pasci Trope ferumque potes, — sicutis quae; volu com-

Efferror: exsulta, victrixque inimica triumphā.
 Cur autem victrix? miserae mihi plura supersunt,
 Quam tibi felici: post tot quoque funera vinco. » 285
 Dixerat; insonnit contento nervus ab arcu;
 Qui, praeter Nioben unam, conterruit omnes:
 Illa malo est audax. Stabaul cum vestibis atris
 Ante toros fratrum demisso crine sorores:
 E quibus una, trahens haerentia viscere tela, 290
 Imposito fratri moribunda relauguit ore:
 Altera, solari miseram conata parentem,
 Conticuit subito, duplicataque vulnere caeco est;
 (Oraque compressit, nisi postquam spiritus exit)
 Haec frustra fugiens collabitur; illa sorori 295
 Immoritur: latet haec; illam trepidare videres:
 Sexque datis leto, diversaque vulnura passis,
 Vltima restabat, quam toto corpore mater,
 Tota vesle tegens, « Vnam, minimamque relinque;

pos: hinc autem stolta Niobes superbia colligitur, quae ne filiorum quidem morte in Deos maledicta iactare desinat. LXX.

286. *arcus*, nempe Dianae, a qua filias intellectas esse caeteri auctores tradunt, atque Noster ipse, vs. 215 sqq. haud obscure indiciat. Perierunt autem illae, etiam Homero auctore, in regia. Nomina earum Ovidius retinet. Portae Thebarum ab iis esse appellatas, narrat Hyginus.

288. *atrae vestes* io luctu mulierum priscarum. — *demisso*. Hartungus malebat *demisso*. Regii nostri habent *demisso*. — *demisso crine*: dissolutis capillis, ut fieri solet in luctu. LXX. — *toros*, lectulos, in quibus erant ad lunus compositos. LXX.

293. *duplicari*) VI graece πρὸς τὸν αὐτὸν, pro incurvari: vide Burmannum ad hunc locum, et Heynium ad

Virgilium Aeneid. XI, 645, qui observat esse Homericum ἰσχυρότατον; Valerius Maximus V, 1, *duplicatum frigore corpus*. Idem Virgilius Aeneid. XII, 926, *incidit ictus* — *duplicata poplite Turnus*. Confer et Gronovii Observat. IV, pag. 747.

294. *Oraque compressit*, etc. Recte hunc versum Heinsius spurium iudicat, licet in omnibus MSS. (et in nostris quoque Regiis) legatur.

298. *Vltima restabat*, etc.) Ex Argivorum traditione duae servatae erant, Meliboea, postea Chloris dicta, et Amycla, haeque templum Latonae exstruxerunt. Vid. Pausanias Corinth., pag. 160, qui addit, se Homerum sequi, qui nullam superfuisset memores. Hyginos, fabula 10, tradit, quam Chlorin, nuptam Neleo, superstitem fuisse, eodemque Chloris occurrit Homero Od. A, 180. Apollo-

De multis minimam posco, clamavit, et unam: 300
 Dumque rogat, pro qua rogat, occidit: orba resedit
 Exanimis inter natos, natasque virumque;
 Dirigitque malis: nullos movet aura capillos:
 In vultu color est sine sanguine: lumina moestia
 Stant immota genis: nihil est in imagine vivi. 305
 Ipsa quoque interius cum duro lingua palato
 Congelat, et venae desistunt posse moveri;
 Nec flecti cervix, nec brachia reddere gestus,
 Nec pes ire potest: intra quoque viscera saxum est.
 Flet tamen, et validi circumdata turbine venti 310
 In patriam rapta est; ubi fixa cacumine montis
 Liquitur, et lacrymas etiamnum marmora manant.

III. Tum vero tanti manifestam numinis iram

dorus anator est, etiam unum filium servatum, Amphiona. Sic fere et Elienses. Pausan. V, pag. 417.

303. *Dirigit*, naturam saxeam accepit, ut V, 186. Sed idem et de iis ponitur, quos summus dolor aut metus invadit. VII, 115. Eoque sensu ab initio dicta videtur Niobe diriguisset. Vide ad 146. Secundum Nostrum Thebis mutata et vento in Sipylum translata est; quod mireris. Apud alios auctores, relictis Thebis, ad patriam redit, et in ipso Sipyllo, quem ipsa hoc a Iove petisset, sit lapidea. Secundum Homerum, *dirigit* etiam populus.

305. *nihil est in imagine vivi*) Codices Regii habent *vivum*; elegantius certe *vivi*; attamen utrum sit verum difficile iudicet. LXM. — *lingua*; quae peccat pars, luit poenas. LXM.

311. *montis*, Sipyli. Ibi perpetuo flere credebatur. — *lacrymas*; vulgo *lacrymis* (ita quoque Regii nostri). At *manare* passim cum casu quarto reperitur: vide Heinsium, qui plura

huiusce syntaxis exempla refert. Nostrum expressit Seneca, Agamemnone 371, ubi de Niobe: *Stat nunc Sipyli vertice summo Flebile saxum, Et adhuc lacrymas marmora fundunt Antiqua novae*. Confer et Propert. II, 16, 7. Fontem fabulae ostendit Pausan. Attic. pag. 49, ubi narrat, se, ut Nioben spectaret, ascendisse in Sipylum montem, ibique vidiase rupem praecipitem, quae procul stanti imaginem mulieris moestae et lacrymantis exhibebat. Similiter Quintus Smyrnaeus I, 292 sqq., Apollodorus et Hyginus. Idem confirmavit Chandler in Itiner. Confer. et Sophocles Aulig. 835.

313–381. *Tum vero* etc.) Agrestes Lyciae Lalonom errantem aquis prohibentes mutantur in ranas. Lyciaeque hanc fabulam Menecrates Xanthius in Lyeiacis narraverat. Inde eam hausit Nicander, et ex eo Antonius, qui vero in nonnullis dissentit. Confer. et Probus ad Virgil. Georg. I, 378, et Servius ad eundem locum, qui forte

Femina, virque timent; cultuque impensius omnes
 Magna gemelliparae venerantur numina Divae: 315
 Utque fit, a facto propiore priora renarrant.
 E quibus unus ait: « Lyciae quoque fertilis agris
 Haud impune Deam veteres sprevere coloni.
 Res obscura quidem est ignobilitate virorum;
 Mira tamen: vidi praesens stagnumque locumque 320
 Prodigio notum; nam me iam grandior aeo,
 Impatiensque viae genitor deducere lectos
 Iusserat inde boves; gentisque illius eunti
 Ipse ducem dederat: cum quo dum pascua lustrō,
 Ecce lacus medio, sacrorum nigra favilla 325

memoria lapsus, tradit, Ovidium de Cerere Proserpinam quaerente hanc fabulam retulisse. Forte ara Latonae in stagno quodam raris abundante hunc mythum peperit. — *tanti, pro cuncti*, ex uno Leidensi dedit Burmannus, quia sequitur *omnes*. — *euncti*, nostris codicibus Regii — *manifestum*, factis declaratum. — *impensius*; Neapolitanus, et Mediceus tertius, *propensius*. — Regii nostri, *impensius*. — *gemelliparae*, Latouae, quae gemellos uno partu edidit; aptum Latonae epitheton, quod etiam Fastia V, 452; sed vix apud alium auctorem occurrit.

316. *a facto propiore* etc.) A facto recentiore sumunt occasionem repetendi alia, eaque antiquiora. — *renarrant* (ita in Regiis nostris). Burmannus e tertio Gronoviano et Borh. probant retractant, quod non modo sermonibus, sed etiam animo repetere significet. De hoc verbo alibi dictum. Id inueo et nunc, quia de sermonibus tantum agitur. Quoniam autem res omnis in Graecia geritur, ut e vs. 401 sqq. apparet, ille unus fuit haud dubie ex Lydiis, qui Nio-

ben in Graeciam comitati erant. Bene autem, vel varietatis causa, narra-tem aliquem inducit, qui peregrinans in ipsa Lycia fabulam cognoverat, factique monumentum ipse viderat. Etiam e Phrygia commode nos deducit in Lyciam. — *Lyciae*. Noster Codex Regius A, *Lybiae*, sed a secunda manu. Quum in hac pagian Codicis scriptura adeo pallida esset, ut vix legeretur; infelix et ignarus, nescio quis, emendator calamo characteres recoluit; non sine mendo, nam *Lybia* longe a *Lycia* distat. LEM-MAIRE.

320. *vidi praesens*) Confer VIII, 622. Saepe Noster locum coniungit cum voc. rei, quae est in loco, ut docet Burmannus. Non igitur erat, cur Heinsius hic haereret, quamquam nonnulli MSS. *locumque* praefecerunt. — *grandior aeo*. Heinsius malit *grandior aevi*. Nostri Regii habent *aevō*; ita lib. IX, 440, *integer aeo*. LEM. — *Impatiens viae*, qui molestias longinqui itineris ferre non potest. Glaucanus cum lanimum fuisse putat. Immo olim magna pars divitiarum in armentis cernebatur. — *gentisque il-*

Ara vetus stabat, tremulis circumdata cannis.
 Restitit, et pavido, Faveas mihi, murmure dixit
 Dux meus; et simili, Faveas, ego murmure dixi.
 Naiadum, Faunine foret tamen ara rogabam,
 Indigenaene Dei; quum talia reddidit hospes: 330
 « Non hac, o iuvenis, montanum numen in ara est.
 Illa suam vocat hanc, cui quondam regia Iuno
 Orbem interdixit; quam vix erratica Delos
 Orantem accepit, tum quum levis insula nabat.
 Illic incumbens cum Palladis arbore palmae, 335
 Edidit invita geminos Latona noverca.
 Hinc quoque Iunonem fugisse puerpera fertur,
 Inque suo portasse sinu, duo numina, natos:
 Iamque Chimaeriferae, quum sol gravis ureret arva,

ius. Lycium mihi itineris ducem addit. LEM.

326. *tremulas*, quas hic illucce agitant venti, ut II, 875, *tremulae simulantur flamine vestes*.

327. *Resistere*, consistere, subsistere. Vide Schwarzium ad Plinii Paneg. 10, 4. — *pavido*, convenienter dictum religioni paganorum, qui metu et pavore Deos colebant. — *De murmure*, vide ad versum 203. — *Faveas et propitius sis* formulae solemnes precationis.

330. *Indigena*, ἰχθύων, homo eius tetrae propter merita inter Deos relictus, Deique terrae tutelaris factus. Is *indigetari*, invocari pro patriae salute, dicebatur. — *reddidit*, pro vulgata *rettulit* habent Bernegg., primus Basileensis et sex alii. Regii nostri, *rettulit*. — *reddidit*, respondit, et supra. — *montanum numen*; qualis est Faunus. LEM.

333. *Orbem* revocavi auctoritate plurimorum MSS. et Schol. MS. Senec. ad Agam. 371: namque *interdi-*

cere et accusativum adiectum sibi habet. — *erratica Delos*; vide ad vers. 190. Confer Callim. h. Del. 36 sqq. — *orantem* potest explicari ex Homeri hymno ad Apoll. 51 sqq. Et videtur h. l. esse significantius. Schirachius tamen cum Pontano mallet *errantem*, more Ovidiano. Etiam Lactantius, in Argumento, *errantem* memorat; et ab erroribus nota Latona. Cf. 190.

335. *palma* solam memorant Homerus hymno Apoll. 117; Callimachus h. Del. 210: sed Eurip. Hec. 458, *oleam* (*Palladis arborem*) et lauream addit. Cum Nostro consentit Schol. Hom. ad II. A, 9. Plutarchus vero, in Pelop. pag. 286, tradit, deos fontes esse in Delo; quorum alterum *Palma*, alterum *Oleam* dicant; inter hos, non inter arbores, peperisse *Latona*.

339. *Chimaerifera* vocatur Lycia, quia ibi *Chimaera*, mos indesinenter ignem vomens. Plin. II, 106. Sed a poetis describitur ut monstrum tri-forme, caput leonis, corpus caprae,

Finibus in Lyciae, longo Dea fessa labore 340
 Sidereo siccata sitim collegit ab aestu;
 Vberaque ebiberant avidi lactantia nati.
 Forte lacum melioris aquae prospexit in imis
 Vallibus: agrestes illic fruticosa legebant
 Virmina cum iuncis, gratamque paludibus ulvam. 345
 Accessit, positoque genu Titania terram
 Pressit, ut hauriret gelidos potura liquores. »
 Rustica turba vetant. Dea sic adfata vetautes:
 Quid prohibetis aquis? usus communis aquarum:
 Nec solem proprium Natura, nec aëra fecit, 350
 Nec tenues undas: ad publica munera veni;
 Quae tamen, ut detis, supplex peto: non ego nostros

caudam draconis habens, et ignem faucibus evomens: Lucrēt. V, 903. A *Clumæra* autem Lycia in primis olim memorabilis, ut e Geographis apparet. — *sol gravis*, de aestu. — *siccus, aridus* et *αἰχμός*, de sitiente. — *colligere sitim*, ut V, 446. — Codex Regius B habet *concepit*; aequè accipi potest. LEM.

343. *Forte lacum* etc.) Apud Antoninum venit ad Melitem (apud Probum, ad Melam) fontem, eiusque aqua uti vult ad abluendos infantes; sed prohibita a humilitate, infantes portat ad Xanthum fluvium, et inde reversa pastores lapide percussos mutat in ruas. Sed maiorem commisationem Ovidii figmentum facit. — *melioris*, quod pro *mediocri* recepit Heinzius, quoniam hanc suam coniecturam uno Strozæ MS. confirmatam vidisset, non male se habet; quoniam enim locus turbidum fere aquam habent, non temere monetur, Latonam a meliore aqua invitatum esse ad bibendum. Et *melior* certo respectu legitur etiam I, 79. Burmannus putat,

adseriente Verheyk ad Anton. in *melioris* latere nomen *Meliten*. — Codices nostri habent *mediocris*. Heinzius coniecturæ et Cl. Gierig opinionioni tantisper adhaeremus: quid significat epitheton *melioris*? quod, quoniam comparationem indicet, ibi minime convenire potest, ubi nulla aquae cuiuslibet mentio facta fuit. Porro epitheton *mediocri* apprimo consentit cum sequentibus versibus 363 et 364: dicitur enim incolae pedibusque manisque turbavisse lacum, inique e gurgite etc., et his verbis innuitur lacum fuisse *mediocrem*. Iam diximus Heinzi coniecturis sæpe infelicibus textum Ovidianum fuisse anversum. LEM.

348. *turba vetant*) Codices nostri, *turba vetat*; idem est. LEM. — E *turba vetante* a Probo commemoratur Neocles pastor.

349. *Quid prohibetis* etc.) Oratio fortis ad persuadendum et movendum. — *aquis*; vulgo, et in nostris Codicibus Regiis, *aquas*; vide Burmannus. — *communis usus*; libro I, 135:

Abluere hic artus, lassataque membra parabam,
 Sed relevare sitim: caret os humore loquentis,
 Et fauces arent; vixque est via vocis in illis: 345
 Haustus aquae mihi nectar erit; vitamque fatebor
 Accepisse simul; vitam dederitis in unda.
 Hi quoque vos moveant; qui nostro brachia tendunt
 Parva sinu. » — « Et casu tendebant brachia nati.
 Quem non blanda Deae potuissent verba movere? 360
 Hi tamen orantem perstant prolibere; minasque,
 Ni procul abscedat, conviciaque insuper addunt.
 Nec satis hoc: ipsos etiam pedibusque manuque
 Turbavere lacus; imoque e gurgite mollem
 Huc illuc limum saltu movere maligno. 365
 Distulit ira sitim: neque enim iam filia Coei
 Supplicat indignis; nec dicere sustinet ultra
 Verba minora Dea; tollensque ad sidera palmas,
 « Aeternum stagno, dixit, vivatis in isto. »
 « Eveniunt optata Deae: iuvat isse sub undas; 370

Communem humum longo signavit limite mentor. — Paulo post, in versu 353, pro *artus*, vir doctus in Ephem. lit. Norimb. coniecit. *nator*, quia sequitur *lassata membra*. Ita respexisset poeta auctores illos fabulae quos describit. — *virque est via*; vix prae siccitate vox permeat.

357. *dederitis*) in hoc vocabulo Ovidius saepe penultimum producit. — Regii nostri Codices nihil mutant, nisi quod Codex A habet *in undis* pro *in unda*; nullum exemplum *dederitis* novi apud Nostrum: sed II, 516, *videritis*; IV ex P. 5, 55, *dixeritis* habent *re* et *ri* correptum. De huius syllabae metro certant critici; forsitan hoc loco *dederitis* fuit productum ex Annot. V. fragm. Ennii, qui: *Nec nil aurum posco, nec mi pretium*

dederitis. LEM. — *simul; vitam dederitis in unda*; proutquam mihi vitam aquis insauraveritis. LEM.

358. *Hi quoque vos moveant*) Infantes enim Apollinem et Dianam illis ostendit ut saltem eorum aetate moveantur. LEM.

363. *Nec satis hoc*) Codices Regii, *nec satis est*; rectius forte propter euphonium. LEM.

366. *Distulit sitim*) sic *differre iram*. — *Verba minora*, ut supra 151, *verbis minoribus*.

370. *iuvat isse sub undas*) Secundum Lactantium, in Argumento, Iupiter eos transformat. — *iuvat*, quia iam induunt naturam ranarum, quibus volupe est sub aquas ire. Praeclare lusus ranarum et coxationes describuntur. — *isse*, pro *esse*, dedit Heius.

Et modo tota cava submergere membra palude;
 Nunc proferre caput; summo modo gurgite nare:
 Saepe super ripam stagni considerare; saepe
 In gelidos resilire lacus: et nunc quoque turpes
 Litibus exercent linguas; pulsoque pudore, 375
 Quamvis siut sub aqua, sub aqua maledicere tentant.
 Vox quoque iam rauca est; inflataque colla tumescunt;
 Ipsaque dilatant patulos convicia rictus.
 Terga caput tangunt; colla intercepta videntur;
 Spina viret; venter, pars maxima corporis, albet: 380
 Limosoque novae saliunt in gurgite ranae. »

IV. Sic ubi nescio quis Lycia de gente virorum

sint, assentiente Burmanno: certe in
 uno Mediceo et primo Mureti, ire.
 Regii nostri habent esse, et supra Co-
 dex A habet et veniunt; Codex B,
 eveniunt: melior lectio Heinssii. LEM.
 — proferre caput, ut Phaedrus I,
 fab. 2, 17, suavissime: *Forse una ta-*
eite profert e stagno caput, ubi sin-
 gula verba delectia sunt, et vim ha-
 bent. — considerare. Nostris Regiis con-
 sistere, quod mihi oppositum magia
 videtur verbo resilire, in versu se-
 quenti. LEM. — exercent linguas liti-
 bus, adhibent linguas ad lites, iur-
 giam, cui coxatini similia, quae etiam
 a Phaedro I, 6, 5, *conviciam* vocatur.
 Servius, dicto loco (Georg. I, 378),
 haec ait de his rusticis: *Quum contra*
eam emitterent turpem naribus sonum,
illa irata eos convertit in ranas: quae
nunc quoque ad illius soni imitationem
coxant.

376. sint) ita Regii nostri. Heinssius
 putat nesci; non male certe. LEM. —
 sub aqua, sub aqua; quae repetitio
 ranarum coxationem non ineleganter
 exprimit. L. — intercepta, quasi absor-
 pta et e medio tergo sublata; nam ra-
 nae collo carent. Elegans est hic huius

verbi usus: confer. Schwartzius ad
 Plinii Panegy. 16. — *Spina viret:*
tergum viride est. LEM.

382-400. *Marsyas in flumen.* Tres
 musicoe celebres habuit Phrygia,
 Hyagnidem, Marsyam eius filium
 (male enim cum Hyginna Oengri;
 Apollodorus autem et Palaephatus
 Olympi filium faciunt) et Olympum,
 Marsyae et discipulum et amicum;
 de quibus eorumque inventis Plutar-
 chus de Musica, et Casaubonius ad
 Athenaeum XIV, 2, adundi. Ac
 Hyagnis quidem in Marm. Arund.
 Ep. 11, tempore Erechthonii Cetae-
 nis, urbe Phrygiae, tibia, modoque
 Phrygios primus reperiisse traditur.
 Marsyas non modò alios modos inve-
 nit, Pansan. Phoc. pag. 873; sed au-
 ctor etiam fistulae, quae cetera adgluti-
 natur, exhibetur apud Athenaeum
 IV, pag. 174. Neque dubium est, ti-
 binum esse Phryginum inventum, certe a
 Phrygia in Graeciam allatam; passim
 enim apud Graecos et Latinos aucto-
 res *barbara* aut *Phrygia tibia*, item
Phrygii modi etc. occurrunt: vide
 Sponhem. ad Callimachi hymnum ad
 Dian. 245. Marsyae autem *salvator*

Retulit exitium; Satyri reminiscitur alter,
 Quem Tritoniaca Latōus arundine victum
 Adfecit poena. « Quid me mihi detrahis? inquit: 585
 Ah piget! ah non est, clamabat, tibia tanti!»
 Clamanti cutis est summos derepta per artus;
 Nec quidquam nisi vulnus erat: cruor undique manat:
 Detectique patent nervi; trepidaeque sine ulla
 Pelle micant venae: salientia viscera possis, 390
 Et perlucentes numerare in pectore fibras.

quam Noster brevius iusto narrat, legitur etiam apud Herodotum VII, 26; Apollodorum I, 4, 2; Diodorum Sic. III, pag. 192; Hyginum fab. 565; Palsephatum cap. 48; Fulgent. III, 9, qui mystice fabulam interpretatur. Gloss. MS. in Fulgent. Conf. Noster Fast. VI, 696 sqq. ibid. 351. Iniste cum damnatum dicit Lucianus in Dialogo Iunonis et Latonae. — *Lycia* — *virorum* referendum ad exitium. — *Satyrus* est ipse Marsyas. Hygino, *Marsyas pastor, unus ex Satyris*; unde cum pialum cum canda porcina auctor est Fulgentius. *Silenum* eum vocat Herodotus dicto loco. — *arundo*, tibia, quae tum ex aliis rebus, loto, buxo etc. tum ex arundinis genere, inde dicto ἀλκυνία (Theophrast. Hist. Plant. IV, 12), fieri solebat. Eam inter Graecos *Tritonia* sive Minerva reperisse credebatur, et quidem ex hinnulorum ossibus. Bion. Id. III, 7; Callimachus hymno ad Dian. 244; Schol. Pindari ad Pith. Od. 12: quam ob deformitatem vultus ex flatu intumescens a Dea abiectam excepit Marsyas. Is quum eam inflare didicisset (Noster Fast. VI, 703 sqq.) primum certavit cum Musis, mox eum ipso Apolline coram Musis iudicibus. Ab initio vicit Marsyas, sed

quum Apollo citharam versaret, hoc est, interprete Salmasio, ad Solin. pag. 119, ad aliud modulationis genus citharam accommodaret, Marsyam ars sua destituit.

385. *Quid me mihi detrahis?* Quid cutem meam mihi detrahis? Sic irruit in mediam rem; sed lusum adhibet intolerabilem. Similiter V, 546, *sibi ablatus* — *non est tibia tanti*! non erat, cur tibia canere discerem, quum mihi causa exitii sit. Vide Valken. ad Euripidem Hippol. 441.

387. *cutem* ei detraxit vel ad pinum vel ad platanum (quae Plinii adhuc aetate ostendebatur. Plinius XVI, 44) ligato. Ea *cutis* suspensa est ab Apolline Celaenis. Herodotus d. I, 3; Lucanus Phars. III, 206; Aelianus XIII, 21. Apud Hyginum, membratim discerpitur. Sequitur descriptio foedae istius operationis, quae Romanis fortasse placuit, quorum oculi sanguini adsueta erant, sed nostris vix probabitur.

390. *salientia* Cantab. *sidentia*, quod placet Heinso, improbane Burmanno. Regii nostri, *salientia*. — *salire* et *micare* et *trepidare* verba, quum de motu cordis et venarum agitur, usurpantur: vid. Ciofanus et Barmanus. — *viscera*, cor. — *possis*. Codex Regius A, *posses*.

Illum ruricolae, silvarum numina, Fauni,
 Et Satyri fratres, et tunc quoque clarus Olympus,
 Et Nymphae flerunt; et quisquis montibus illis
 Lanigerosque greges, armentaque bucera pavit. 395
 Fertilis immaduit, madefactaque terra caducas
 Conceptit lacrymas, ac venis perbibit imis;
 Quas ubi fecit aquam, vacuas emisit in auras:
 Inde petens rapidum ripis declivibus aequor,
 Marsya nomen habet, Phrygiae liquidissimus amnis. 400
 V. Talibus extemplo redit ad praesentia dictis
 Vulgus; et extinctum cum stirpe Amphiona lugent.

393. De *Olympo*, discipulo *Marsyae*, vide praeter superius laudatos, Eustath. ad Homerum II. A., pag. 21. Pausanias, Phoc. pag. 873, tabulam Polygnoti describit, in qua *Marsyas* assidebat *Olympus*, habitu adolescentia ita, ut tibiis discere videretur. Invenit modos ad tibiis, qui commemorantur ab Euripide, Iph. Aul. 576; ubi vide Barnes. Is tunc quoque, vivente adhuc magistro, *clarus* esse coepit. Apud Hyginum, *Marsyae* corpus discerptum ei sepeliendum traditur. Et ipse in monumentis antiquis saepe occurrit. Mevius in *Antiqu. Ansf.* P. 2, pag. 69. — *Nymphae*. Apud Athenaeum XIV, 2, *Nymphis* genitus fuisse narratur. — *bucera armenta*, boves. *Bucera*, cornuta, e graecis βούς et κίρα vocabulis; Lucret., ubi *bucera* secta, et *bucerae* greges occurrunt.

396. *caducas*, decedentes, ut *folia caduca*. — *Conceptit*, excipit. LEM. — *venis perbibit imis*; venas terrae puta esse mentis aquarum et spirituum. LEM.

398. *vacuas in auras* (ita Codices nostri Regii). Burmannus e Cantabr. et Boileusi praefert *vacuos in agros*.

Sed *vacuas auras* non est mutandum. *Vacuum aera* dixerunt Virgil. Georg. III, 109, et Horatius I, Od. 3, 34. *Vacuos* ornat. — *ripis declivibus*, prona atque inclinatis. LEM.

400. *Marsyas* fluvius haud procul a Celasenis, ubi habitavit *Marsyas* musicus, in Maecandrum iussit. Vid. Livius XXXVIII, 13; Curtius III, 1; Palaeophatus d. l. Sed secundum alios non e lacrymis popularium, verum ex ipsius sanguine fluvius ille ortus est. Plutarchus de Flaminibus ex Alex. Cornelio addit, et *Satyrus* ortus ex eius sanguine.

401-411. *Pelops humerus eburneus*) *Pelops*, Tantali filius, tempore Acrisii in Graeciam venit, ilique et magnitudinis divitiarum, quas secum advexerat, et multitudinis liberorum tantam consequutus est potentiam fumamque, ut Peloponneso nomen daret. Thucyd. I, 9; Plutarch. Thes. pag. 2. Sed hic de humero eius fabulose agitur. Tantalus enim, quoniam Deos aliquando convivio exceperisset, velletque eorum divinitatem experiri, *Pelops* filii menibus cocta reliquisque cibis admixta iis apposuit. Quod facundum facinus quam invidiosissimum

Mater in invidia est: tamen hanc quoque dicitur unus
Flesse Pelops; humeroque, suas ad pectora postquam
Deduxit vestes, ebur ostendisse sinistro. 405

Concolor hic humerus, nascendi tempore, dextro,
Corporeusque fuit: manibus mox caesa paternis
Membra ferunt iunxisse Deos, aliisque repertis,
Qui locus est iuguli medius summique laerti
Defuit: impositum est non comparentis in usum 410
Partis ebur; factoque Pelops fuit integer illo.

VI. Finitimi proceres coeunt; urbesque propinque

Dii, membra rursus composuerunt
præter humerum, quem Ceres consumserat. Eburneus igitur ei humerus datus. Cf. Lycophron. Cass. 159; Hyginus fab. 83; Servius ad Virgilium Georg. III, 7; Schol. Pindari, ad Olymp. 1. Impium et incredibilem eam fabulam iudicant Pindarus d. l. et Euripides Iphig. Taur. 387 sqq. Forte poeta aliquis humerum eius *eburneum* vocaverat, ut pulchrum significaret. — *talibus exemplo — dictis*. Codices nostri Regii, *Talibus exemplis dictis*, id est, in medium allatis: displicet tamen ista syntaxis, *dicere exempla*. LEM.

403. *Mater*, Niobe, cuius frater *Pelops*. Is præ luctu vestem deducit, atque ita humerus eius apparet. Sic intruditur potius, quam intexitur fabula. — *ad pectora deduxit vestes*. Ita lib. III, 480, *summa vestem deducere ab ora*, quod fiebat planctus causa. — *sinistro*. Palatinus, *sinistrum*; quod eleganter dictum videtur Danieli Heinsio. Regii nostri, *sinistro*. LEMAIER.

409. *Qui locus etc.*, scapula. Lucianus ὀμωπλάτην habet. — De *syn- taxi iuguli medius et laerti*, vide ad V, 644. — *comparentis*. Codex Re-

gius B legit *convenientis*; minus apte. LEM. — *facto illo*, illo Deorum beneficio. LEM. — *integer*; cui nullum membrum deest, ὁλόκλιτος.

412-676. *Procne, Philomela et Tereus in aves*; Pandion II, Cecropis II filius, pater Aegæi, qui regnavit anno 1333 ante ær. Chr., filius habuit *Procnen* et *Philomelam*, quarum priorem *Tereo* Thræci, ut opes suas stabiliret, in matrimonium dedit. Sic Pausanias Attic. p. 13; verum Noster intellexit Pandionem I, Erichthoniæ filium, qui fuit annis 130 antiquior. Nam infra vs. 677, eius successorem facit Erechthea. Sic etiam Apollodorus; et hanc Ovidianum rationem probat Meursius, Regn. Attic. lib. II, cap. 4 et 5. Tereus autem est exemplum hominis immanissimi, et quæ hic traditur fabula, non sine horrore animi perlegi potest. Nam quum Philomelam in regnum suum ad sororem advenisset, primum eam vitiat, mox, ne turpe flagitium eloqui posset, linguam ei excecat. Procne, re cognita, addit sceleri scelus; Ityn enim filium interfectum apponit Tereo. Is quum coniugem et sororem persequeretur, illa mutatur in hirundinem, hæc in lusciniam, ipse in upupam. Fabu-

Oravere suos ire ad solatia reges,
 Argosque, et Sparte, Pelopeiadesque Mycenae,
 Et nondum torvae Calydon invisa Dianae, 415
 Orchomenosque ferax, et nobilis aere Corinthos,
 Messeneque ferox, Patraeque, humilesque Cleonae,
 Et Nelea Pylos, neque adhuc Pittheia Troezen;

Iam tractaverant Aeschyl. et Sophoclea. Respicit eam etiam Hesioidus *Epy.* 568. Confer Pausan. Attic. p. 13, 100; Phoc. p. 807; Apollod. III, 24, 8; Eustath. ad Od. p. 710; Tzet. Chil. VII, 142; Hygin. fab. 45. Diversum mythum in suavi similitudine memorat Homerus, Od. T, 518, ubi Pandarei filia in lusciniam mutata luget Itylum filium, quem imprudens aere interfecit. In alia discessit etiam Boüs apud Anton. Lib. cap. 11. Ex mente Pausan. Tereus ipse mortem sibi conceivit, et in tumultu eius prima pupa visa est. Mulieres autem, quae Athenas fugerunt, ibique prae dolore contabuerunt, in hircundinem et lusciniam mutatae creduntur, quod hae aves cantus miscrabiles et luctuosos edunt.

413. *ad solatia*, scilicet danda, *ferat* consolatum. Simili transitu iam usus est I, 577. Tales autem urbium catalogi passim inseruntur.

414. *Mycenas* tenuerunt *Pelopis* posterì, Eurystheus, Atreus, Thyestes, Agamemnon. *Argos*, *Sparte* et *Mycenae* etiam ab Homero et ab aliis sic uno versu comprehenduntur, quoniam hae tres urbes Iunoni in primis carae. — *Calydon*, Actoliae oppidum, in quo *Diana* Laphria potissimum colebatur. Eius Duae signum memorabile Augustus sublatum Patrensi-bus donavit. Pausan. Messen. p. 357; Achaic. p. 369. Tum nondum *invisa*

torvae, *irate*, *Dianae*. Vide ad VIII, 272 sqq. Similiter II, 219, *nondum Oeagrius*.

416. *Orchomenos*) Duae fuerunt in Graecia huius nominis urbes, altera in Arcadia, altera in Boeotia, Orchomenos Minyia dicta. Equidem cum Micyllo et Burmanno puto, Ovidium Arcadicam in mente habuisse, cuius situs et memorabilia a Pausania Arcad. p. 626, describuntur. Ab Homero II. B, 600, vocatur *πυλῶνας*; a Pindaro, Olymp. Od. 14, 4, *λεπρᾶ*; ab Apollonio Rhodio III, 512, *ἀπνὴς*, et hinc a Nostro, *ferax*. — *nobilis aere*. Si *aes Corinthum* casu ortum est, quum urbs a Mymio cremaretur (Flor. II, 16), quomodo iam tum *nobilis aere* esse potuit? Neque e veriore ratione eorum, qui diu ante Corinthi excidium arte repertum illud aes censebant, Plinius XXXIV, 2, illo tempore sic dici poterat; sed Noster suo more eam designavit a re, qua postea demum incluruit.

417. *ferox* ob suscepta toties pro libertate bella; et ne victi quidem Messenii aliquoties domari potuerunt. — *Cleonae* sitae inter Corinthum et Argos. *Humiles*, parvae. Pausanias, Corinth. p. 142, *πολὺς οὐ μὲν ἔσται*, sed ea bene munita. — *Nelea Pylos*; vide ad II, 689. — *Troezen*, cuius rex tum nondum erat *Pittheus*, Pelopis filius.

Quaeque urbes aliae bimari clauduntur ab isthmo,
 Exteriusque sitae bimari spectantur ab isthmo. 420
 Credere quis possit? solae cessastis Athenae.
 Obstitit officio bellum, subvectaque ponto
 Barbara Mopsopios terrebant agmina muros.
 Threicius Tereus haec auxiliariis armis
 Fuderat; et clarum vincendo nomen habebat: 425
 Quem sibi Pandion opibusque virisque potentem,
 Et genus a magno ducentem forte Gradivo,

419. *Quaeque urbes etc.*) Exornavit illud: urbes ab utraque isthmi parte, urbes Peloponnesi et Graeciae proprie sic dictae. Accommodate isthmi et peninsulae naturae claudi. Etiam a Cicerone *Bul.* 1, et Velleio 1, 3, 3, isthmus et Corinthus ibi sita *alaustra Peloponnesi* vocantur. Et *spectantur sitae*, exquisitis, quam sitae sunt. — *bimari*. Vide ad V, 407. Etiam talibus repetitionibus, qualis est in *bimari ab isthmo*, delectatur Ovidius. — Hic versus 420 aberrat a duobus MSS. Ciofani, Iuniani et uno Gronovii. Regii nostri eum habent, qui tamen offeudit. LEM.

421. *quis possit?* Regii nostri, *quis posset?* — *subvecta*. Plurimi, *subiecta*. Codex Regius A, *subvecta*; Codex B, *subiecta*. — Quaeritur, quis Pandioni bellum intulerit? Meursius *Regn. Att. lib. I, cap. 4*, Labdacum fuisse docet, et sic Apollod. diserte tradit. Sed recte Burmannus monet, huius agminis nec *barbara*, nec *subvecta*, aut, si cum aliis MSS. malis, *subiecta ponto* dici potuisse. Miæyllus contendit, Amazonas intelligendas, quae in campis Themiscyniis (*Iustin. II, 4*) non procul a *Ponto Euxino* habitaverint. At quis de hac Amazonum expeditione in Pandionis terram nunquam audivit? Fortasse rei

expediri nequit; dicam tamen quid repererim. Pausanias p. 100, tradit, eius Graeciae, quae postea Hellas dicta, magnam partem olim tenuisse *Barbaros*, quos Tereus subigere non potuerit. Hi si ad sinum Saronicum aut Corinthiacum habitaverunt, *ponto subiecti* dici poterunt. Consentit Lactantius Argument. *Quam a proximis*, inquit, *civitatibus oppugnaretur Pandion*. — *Mopsopios*; alii, *Cecropios*; Regii nostri, *Mopsopios*. — *Mopsopoi*, Athenienses, ut libro V, 661. Verum ante Theseum Athenae muros non habuerunt. Praefert ergo Burmannus ex uno *mandras*, id est, vel *stabula*, vel *antra*, *specus*; priscos enim Athenienses habitasse in specubus, ut docuerit Meursius, *Fort. Att. cap. 3*. Verum mihi perum credibile videtur, Ovidium tam contentum de Athenis loquutum esse. Neglexit potius poeta, quod centies fecit, temporis rationem.

424. *Threicius*, Thraciae rex. LEM. — Thracas tum eam partem tenebant quae Daulis in Phocide dicebatur. Confer. Thucydides II, 29; Pausanias p. 110. — *Fuderat*. Plusquam perfectum sic et alibi, ut IX, 102. — *opes*, divitiae et amplitudo regni. — *virt*, milites, ut in formula *arma virosque*. — *a magno Gradivo*. *Grada-*

Connubio Procnès iunxit: non pronuba Iuno,
 Non Hymenaeus adest, illi non Gratia lecto.
 Eumenides tenuere faces de funere raptas; 430
 Eumenides stravere torum; tectoque profanus
 Incubuit bubo, thalamiq; in culmine sedit.
 Haec ave sunt iuncti Procne Tereusque; parentes
 Haec ave sunt facti: gratata est scilicet illis
 Thracia; Disque ipsi grates egere; diemque, 435
 Quaque data est claro Pandione nata tyranno,
 Quaque erat ortus Itys, festam iussere vocari.
 Vsque adeo laet utilitas! iam tempora Titan

vus, id est Mars, 'Deus Thracum, cuius filius *Tereus*. Illius auxilium imploraverat Pandion, quem una victoria, auctore Apollodoro, impulit, ut Tereus sibi generum adsumeret. Noster triplicem causam adfert.

428. *Connubio Procnès* etc.) Vetusiores recte, *Procne*, non *Progne*; est enim graeca vox Πρόκνη. Fortunis sollemnibus, quae plures hic cumulatim, praemonstratur lector, quam infantum matrimonium illud fuerit. Confer. X init.; *Heroid.* II, 47 sqq.; VI, 45; *Musaeus* 274 sqq. Alia mala nuptiarum omnia habet *Virgilius Aeneid.* IV, 166. — *Iunoni* praecipue curae coniugia; inde τῆς ἑσπέρης et *pronuba* dicta. — *Hymenaeum*, ut *adeset*, sic fere invocabant: *Io Hymen, Hymenae Hymen ades, o Hymenae.* *Catal.* 63. Etiam *Gratias* partes quaedam datae erant in nuptiis. *Pollux* III, 3; *Etym. M.* in γάμος.

430. *tenuere*) Gebhardus legit *tentare*; perperam. *LEM.* — *faces de funere raptas* res dirissima olim habita. *Valerius Maximus* IX, 1 de *Catiliis*: *Filium suum veneno sustulit, protinusque ex rogo eius maritalem faciem accendit.* Tales igitur sacra et

Furiis tribuebantur. *Sence, Herod.* Fur. 156. — *profanus bubo*; dictum mortalibus omen. *Solu bubo ferodi curmine queritur.* *Aen.* IV, 462. L. — *Conf.* V, 550; VII, 269; X, 453; *Claudius* 20, 407. — *Incubuit* *Burmanno* suspectum videtur, nec satis conveniens τῷ *dedidit*, quam *graviavit incubare*, quam *in culmine sedere*: *mallet insonuit*, vel *ingemuit*. Regii nostri Codices habent *incubuit*; nec video cur *Burmanno* displicet hoc loco verbum *incubare*. *Buboni* enim crura sunt adeo curta, ut *incubare* videantur potius quam *sedere*. *LEM.*

433. *Hae ave*) hoc augurio: aves consulere in nuptiis calchrandia iubet *Hesiodus Epy.* 36. *Horatius* I, *Od.* 15, 5, *Mala ducis avi domum Helenam.* *Tibullus* II, 2, 21, *haec venias ave.*

438. *tempora anni*) annus, isque repetitus, quoniam semper redit. — *Titan* ducit soleni, poetis etiam annum, qui elicitur decursu solis, — per autumnum ad finem vergit annus. Caeterum epiphonema illud, *Usque adeo laet utilitas*, *Burmanno* ad sequentia refert, ad adventum aeoris. Potest etiam ad antecedentia referri,

Quinque per autumnos repetiti duxerat anni;
 Quin blandita viro Procne, « Si gratia, dixit, 440
 Villa mea est, vel me visendae mitte sorori,
 Vel soror huc veniat: redituram tempore parvo
 Promittes socero: magni mihi numinis instar
 Germanam vidisse dabis. » Iubet ille carinas
 In freta deduci; veloque, et remige portus 445
 Cecropios intrat; Piracaeque litora tangit.
 Ut primum soceri data copia, dextera dextrae
 Iungitur; et fausto committitur omine sermo.

quod festos insserant esse illos dies. — *repetiti* — anni. Codex Regius B ita habet prima manu; at superponuntur duae s. ab alia manu: Codex Regius B, *repetitis annis*; hanc lectionem lectori iudicandum propono. L.

440. *Quin blandita viro etc.*) In sequentibus mores egregie notati sunt; coniux sororem visitare cupiens, soror blande patrem rogans, ut prociis liceat, amor effrenus Terei, cura parentis de salute et reditu filiae. Quae quo diligentius expressae sunt, eo magis commoveatur animus lectoris calamitate, qua mox afficietur Philomela. — *Si gratia ulla mea est*; aj quid apud te possum. LEM.

443. *magni mihi numinis instar dabis*) Illustratur haec locutio locis ab Heinsio allatis. XIV, 408, *Numinis instar eris semper mihi*. Ibid. 843; *quae si modo posse videre Fata senex dederint, coelum accepisse fatebor*. Drakenb. ad Silium VIII, 253, legendum putat, *muneris instar*, quod multo languidius. Rem autem aliter narrat Hyginus: *Tereus ad Pandionem socerum venit rogatum, ut Philomelam alteram filiam sibi in coniugium daret; Procne suum diem obitum dicit*. Sic et Apollodorus. — Co-

dices nostri Regii habent *muneris instar*; vox numinis nimiam emphasis reddet; *muneris* magis secundum naturam. LEM.

445. *deduci* proprie dicantur naves, quum machinis suppositis in mare retrahuntur. Contrarium est *subduci*. — *velo et remige*, celerissimo cursu: *portum* intraturi solebant quidem vela substringere, malum adeo deponere (Drakenb. ad Sil. II, 11); sed poeta hoc vult: *velo et remige* festinavit, ut brevi perveniret ad portum illos. — *portus Cecropios*, portum Athenarum. — *Piraea*; debebat dicere *Piraea*, sed dissimulavit syllabam: vid. Gronovium Observat. I, 3. — *Piraeum*, inquit Pausanias in Atticis, *ἡ γὰρ πὲρ ἐκ πειραιῶς*, navale et portum fecit Themistocles, namque Phalerum prius navale fuerat Athenis. L.

447. *soceri data copia*) In Codice Regio A, post *soceri* inseritur *est*. — et *fausto* Burmannus e MSS. dedit pro *infausto*, quod olim edebatur. — Codex A, *infausto*; Codex B, et *fausto*; utrumque defendi potest. LEM. — *fausto omine*. « Quale id omen fuerit, aut unde captum, non addit Noster. Sed credibile est, Tereus blandissima verba protulisse; quod et dex-

Cooperat, adventus causam, mandata referre
 Coniugis; et celeres missae spondere recursus: 450
 Ecce venit magno dives Philomela paratu;
 Divitior forma: quales audire solemus
 Naidas et Dryadas mediis incedere silvis,
 Si modo des illis cultus similesque paratus.
 Non secus exarsit conspecta virgine Tereus, 455
 Quam si quis canis ignem supponat aristis;
 Aut frondem, positasque cremet foenilibus herbas.
 Digna quidem facies: sed et hunc innata libido
 Exstimulat; pronumque genus regionibus illis
 In Venerem est: flagrat vitio gentisque suoque. 460
 Impetus est illi, comitum corrumpere curam,
 Nutricisque fidem: nec non ingentibus ipsam
 Sollicitare datis; totumque impendere regnum;
 Aut rapere, et saevo raptam defendere bello:
 Et nihil est, quod non effreno captus amore 465
 Ausit; nec capiunt inclusas pectora flammæ.

tratum coniunctio, quæ optimi omnis erat, iudicat. Nondum cuius aliquid sceleris Tereus meditabatur; postea demum, visa Philomela, in eius amorem incensus est. » Sic Burmannus. Forte omen hic pro precibus. Livius in præfatione, Cum bonis omnibus votisque incipere.

451. paratu, ornatu, ut IV, 761, nove dictum. — Divitior, excellentior. — incedere, de iis, qui cum dignitate quondam aut maiestate sunt atque oculis hominum in se convertunt. Vid. Schwartzius ad Plinii Paneg. 46. — Mox Burmannus ex Codice Leidensi, illi. At Dryades non paratu memorabiles sunt. Revocavi ergo illis. Confer I, 695 sqq. Vehementium amoris duplici similitudine illustrare voluit; sed neutra placet,

quia ignes illi et amor sunt res diversissimæ. Cum priore cf. I, 492. — canis, ut I, 110. — herbas positæ foenilibus mera periphrasis foenilis.

458. Digna, scilicet, tali tantoque amore. — sed et hunc. Burmannus malit sed ad hoc, id est, præterea, et post Venerem delet est. — genus, scilicet, humanum, populus. Thraeces autem et vinolenti et proclives in Venerem. Immoratur causis illius furoris, quia inde atrocissimum facinus. Mox vim furoris sedulo notat, tam internam, quam se exercentis Athenis et in itinere.

461. comitum curam nutricisque fidem elegantius, quam comites, nutricesque. — Nutrices apud Veteres ubique alumnas suas comitabantur, et magna ab iis pietate colebantur. —

Iamque moras male fert, cupidoque revertitur ore
 Mandata ad Procues, et agit sua vota sub illis.
 Faciundum faciebat amor; quotiesque rogabat
 Ulterius iusto, Procne non ita velle ferebat: 470
 Addidit et lacrymas, tanquam maudasset et illas.
 Proh Superi, quantum mortalia pectora caecae
 Noctis habent! ipso sceleris molimine Tereus
 Creditur esse pius; laudemque a crimine sumit.
 Quid, quod idem Philomela cupit? patriosque lacertis 475
 Blanda teneus humeros, ut eat visura sororem,
 Perque suam, contraque suam, petit usque salutem.
 Spectat eam Tereus, praecontrectatque videndo:
 Osculaque, et collo circumdata brachia cernens,
 Omnia pro stimulis, facibusque ciboque furoris 480
 Accipit; et quoties amplectitur illa parentem,
 Esse parens vellet: neque enim miuus impius esset.
 Vincitur ambarum genitor prece: gaudet, agitque
 Illa patri grates; et successisse dualbus

Sollicitare, praedictam eius tentare.

467. *Iamque*) Codex Regius B, *Damque*. — *cupido*, quod cupide profert verba. — *agit*, proponit et consequi cupit.

472. *quantum mortalia etc.*) Sententia grovis et vera. — *caeca*, obscura. — Nox sunt studia occulta, sensus profunde latentia in pectore humano. Cic. Marc. 7, et Plinius III, Ep. 3, 6, *latebras et altos recessus* dixerunt. — *sumit*, praestat sibi, consequitur.

478. *praecontrectat videndo*) iam nunc membris eius spectandis libidinem suam pascit? Bene dictum de homine isto impuro. Cicero Verr. IV, 28, sic *praecipere oculis*. Sed nec alterum insolens: Tacit. An. III, 12, *mudare corpus et contrectandum oculis*

permittere, ubi vid. Ernesti et Buenem. ad Lactant. Opif. Dei, I, 15. — *fax*, quod vim irritandi habet. — *cibus*, alimenta. Ausonius commotus cumulat verba etiam diversa. Plinius VIII, Ep. 12, 1, *portus, sinus, praemium* studiosorum. — *Accipit pro stimulis*, habent illa in eo vim stimulatorum. — *neque enim minus impius esset*. Etiam si parens esset, tamen filium suum corrumperet.

483. *ambarum prece*) scilicet, precibus Procne absentis et Philomelae; at Tereus praesens non minus ardens precatus fuerat: quapropter rectius, nostro iudicio, Codex Regius A habet *amborum*, scilicet, Terrei et Philomelae. LXX. — *et successisse etc.* Quoniam aliquoties iam lectorem de exitu rei praemo-

Il putat infelix, quod erit lugubre duabus. 485
 Iam labor exiguus Phoebo restabat; equique
 Pulsabant pedibus spatium declivis Olympi.
 Regales epulae mensis et Bacchus in auro
 Ponitur: hinc placido dantur sua corpora somno.
 At rex Odrysus, quamvis secessit, in illa 490
 Aestuat: et repetens faciem, motusque manusque,
 Qualia vult fingit, quae nondum vidit: et ignes
 Ipse suos nutrit, cura removente soporem.
 Lux erat; et, generi dextram complexus euntis,
 Pandion comitem lacrymis commendat obortis: 495
 « Hanc ego, care gener, quoniam pia causa coëgit,
 Et voluere ambae, voluisti tu quoque, Tereu,
 Do tibi: perque fidem, cognataque pectora supplex,
 Per Superos oro, patrio tuearis amore;
 Et mihi sollicitae lenimen dulce senectae 500
 Quamprimum, omnis erit nobis mora longa, remittas.

nuit, haec poterant omitti. — *equi pulsabant* etc., e Virgil. *Aen.* X, 216, *aurum Noctivago Phoebe medium pulsabat Olympum*. — *Poni pro apponi*, de vino. Vide Heinsium ad *Art. Am.* I, 131. — *dantur sua corpora somno*, possis ita capere: somno dantur corpora ea, quae ipsi debentur; namque unus saepe, apud poetas in primis, sic et similiter adhibetur.

490. *Odrysae*, gens Thraciae. *Pandionias Attic.* p. 22; *Senec. Thyest.* 273: *vidit infundas domus Odrysia mensas*. — *Aestuat in illa*, misere esse amat. — *cura*, amor.

496. *Hanc ego*, etc.) Valedictio et preces patris ad commovendum aptissimae. Invitus, propter piam causam, in breve tempus, dimittit filiam quam unam secum habet, qua senectutis imbecillitas diu carere non potest, camque cum gravibus obtestationi-

bus Terei fidel commendat, ut patris vices praestet. — *pia causa*, amor filiae. — *coëgit*. Alter *Hamburgensis* et unus *Mediceus*, *subegit*. Regii nostri, *coëgit*.

497. *Et voluere ambae*, etc.) Quidam hunc versum superiori, 496, praemittunt: Heinsius et *Capofer.* delendum recte censent. — In *Codice* Regio A, hic versus praemittitur superiori et ita legitur: *Vt voluere ambae, voluisti* etc. — *cognata pectora*. *Schepper.* conjecturat *foedera*; probat *Burmannus* *pignora*, et fatetur se non capere *cognata pectora*; sed si per corpus alterius obsecrare et iurare licet, ut *Heroid.* XIII, 159, quidni etiam per pectus cognati? Regii nostri, *pectora*.

500. *Et mihi sollicitae*) *Codices* nostri habent *sollicito*; melior lectio altera. *LXX.*

Tu quoque quamprimum, satis est procul esse sororem,
 Si pietas ulla est, ad me, Philomela, redito. »
 Mandabat; pariterque suae dedit oscula natae:
 Et lacrymae mites inter mandata cadebant. 505
 Vtque fide pignus dextras utriusque poposcit,
 Inter seque datas iunxit; natamque nepotemque
 Absentes, memori pro se iubet ore saluent;
 Supremumque vale, pleno singultibus ore,
 Vix dixit; timuitque suae praesagia mentis. 510
 Vt semel imposita est pictae Philomela carinae;
 Admotumque fretum remis, tellusque repulsa:
 « Vicimus, exclamat; mecum mea vota feruntur! »
 Exsultatque animo, vix et sua gaudia differt
 Barbarus; et nusquam lumen detorquet ab illa. 515

504. *dedit*, quod etiam Burmanno placebat, e quinque MSS. recepi, ut legibus linguae satisfaceret, et *παροτρυνον* vitaretur. Dum haec *mandabat* et *lacrymae cadebant*, *dedit* filiae osculum. Inaequalitas temporum decepit librarium, ut *dedit* in *dabat* mutaret. — *mites*, quae non in luctu, sed in animo lenius commoto fundantur.

506. *Vtque fide — utriusque*. Codices nostri, *Vi fidei — utraque*. — Vir doctus in Bibliotheca Tigur. p. 70, praefert *Vulgatam utraque*, quia *utriusque* de duobus rarius quidem occurrit, auctoritatibus tamen comprobatum sit. Vide Freinsheimii Iudicem in Florum, — *dextra* apud omnes gentes *fidei pignus* habita est: vide Freinsheimium ad Curtium VI, 4, 14.

510. *praesagia mentis* (De talibus *praesagiis*, cf. XI, 457; Homer. II. Z, 486; Virgil. Aeneid. XII, 72. — *Admotum*. Vnus Leidensis, *amotum*, nude Burmannus *emotum* facit. — Nostri Regii, *admotum*; lectio *amo-*

ton ab errore librarii provenit. LEM. — *Admotum fretum remis*, insolens locutio videtur Intt. qui eam relegendam. ut Burmannus, vel per hypallagen explicant: sed sine causa, opinor, utrumque. — *Navis repellitur* a tellure, sed id dum sit, propter aequalem et celerem navis motam terra *repelli* et *recedere* videtur: confer. XI, 466. Hinc *tellus repulsa*. Huic simillimum est alterum, quod impugnatur, *fretum admoventur remis* pro, *remi admoventur fretis*. Schirach. potat, labores remigum hic describi, dum instant et repellunt aquas. — *Vicimus*. De hac voce exsultantium, vide ad IV, 356.

514. *Exsultatque animo*, etc.) Hic versus suspectus Heinsio, effectus Burmanno videtur ex IV, 380, et II, 863. — Hic versus ita legitur apud nostros Codices Regios: *Exsultatque, et vix animo sua gaudia differt. — detorquet*. Alii, *distorquet*, *deflectit* etc. Burmanno aridet duorum MSS. lectio, *desinat*: sed *detorquet* bene

Non aliter, quam quum pedibus praedator obuncis
 Deposuit nido leporem Iovis ales in alto;
 Nulla fuga est capto; spectat sua praemia raptor.
 Iamque iter effectum; iamque in sua litora fessis
 Puppibus exierant; quum rex Pandione natam 520
 In stabula alta trahit, silvis obscura vetustis;
 Atque ibi pallentem, trepidamque, et cuncta timentem,
 Et iam cum lacrymis, ubi sit germana, rogantem,
 Includit; fassusque nefas, et virginem, et unam
 Vi superat; frustra clamato saepe parente, 525
 Saepe sorore sua, magnis super omnia Divis.
 Illa tremit; velut agna pavens, quae saucia cani
 Ore excussa lupi, nondum sibi tuta videtur:
 Utque columba, suo inadefactis sanguine plumis,
 Horret adhuc, avidosque timet quibus haeserat ungues: 530
 Mox ubi mens rediit, passos laniata capillos,
 Lugenti similis, caesis plangore lacertis,
 Intendens palmas: « Pro diris, barbare, factis,
 Pro crudelis, ait! nec te mandata parentis

delectum, quia lumen fixum erat in illo. Languet contra *declinat*, quia furor exprimendus est. LEM.

516. *pedibus obuncis*) vulgo *aduncis* (et ita quidem Regii nostri); sed vide Burmannum ad Virgilium Aen. XI 755. — *Iovis ales*, Drakenb. ad Silium XII, 56, ex Aeliani H. A. IX, 19, movet, non omnem aquilam dictum esse *Iovis alitem*, sed eam dumtaxat, quae nunquam carne vescatur. Verum talia non arguenda sunt in poeta. — *in alto*; multi, *ab alto*, quod ad sequentis referendum foret. Regius B, *ab alto*.

519. *effectum*, perfectum, finitum. — *fessae* poetis finguntur naues aut lectatae, aut longum iter emensae. — *stabula alta* etiam Latinus habebat,

Aeneid. IX, 388. — *silvis obscura vetustis*, ideo obscura, quia silva, in qua arbores nullae caesae, densa erat. Aeneid. VI, 179: *Itur in antiquam silvam, stabula alta ferarum*.

524. *nefas*, nefariam libidinem. — *et virginem, et unam* *Vi superat*. Maximam hominis barbariem ostendit poeta, qui sustinuerit virginem, et solam, et sibi creditam, et patrem, sororem, et inprimis Deos implorantem, violare. LEM.

527. *velut agna pavens*, etc.) Similitudines delectae. — *cani*. Vide ad I, 238.

532. *Lugenti-lacertis*) ineptus versus, quem Heins. recte iudicat adulterinum; sed aq. *Pro diris*, etc. sana puto. Invidiose enim *barbary* vocat

Cum lacrymis movere piis, nec cura sororis,
 Nec mea virginitas, nec coniugialia iura?
 Omnia turbasti: pellex ego facta sororis;
 Tu geminus coniux, non haec mihi debita poena.
 Quin animam hanc, ne quod facinus tibi, perfide, restet,
 Eripis? atque utinam fecisses ante nefandos
 Concubitus! vacuas habuisses criminis umbras.
 Si tamen haec Superi cernunt; si numina Divum
 Sunt aliquid; si non perierunt omnia mecum;
 Quandocumque mihi poenas dabis: ipsa, pudore
 Proiecto, tua facta loquar: si copia detur,
 In populos veniam; si silvis clausa tenebor,
 Implebo silvas et conscia saxa querelis.

bulum hic adhibitum esse, sponte apparet. Recte igitur addi potuit *diris factis*. Heinsius tamen suadebat *diri facti*.

537. *turbasti*, violasti, polluisti. Vid. vir doctus in Bibl. Tigur. p. 91, qui putat Nostrum respexisse Virgil. Aeneid. IV, 362 sqq. — Cum *geminio coniuge* Heinsius comparat *duplices thalamos*, apud Stat. Theb. XII, 471; sed b. l. in summa desperatione iusto argutus dictum. Porro Heinsius putat, alterum hemistichium, non haec — poena a sciolo additam, et lacunam esse relinquendam, quales multae apud Virgilium occurrant. Nec mihi illa verba magnopere placent, quippe nimis languida h. l. ubi pleuraeque animam commotissimum spirant. Negat tamen Burmannus Ovidium lacunas reliquiasse, putatque, sensum elegantem effici, si legatur, non haec mihi credita poena, ut poena sit calamitas, miseria.

539. *hanc*, tam miseram, quam taedet vitae, — *hanc* non habet noster Codex B; et multi interpretes

deleverunt. Sed ea vox, *gravius sonans* more Virgiliano, praestat. LEM. — *vacuas* etc. Sancta descendissem ad inferos. At illa sic quoque criminis vacua erat; quandoquidem anima peccat, non corpus.

542. *si numina* etc.) Si, quoniam, Di aliquid valent, si potestas eorum est satis valida. I, 545. — *si non perierunt* etc. Vox summi doloris, qui ita auget suam miseriam. — *In populos veniam*, ad populum prodibo, — *querelis* ex Langermanni Excerptis dedit Burm., quum vulgo legatur *movebo*. Dubitabat enim ille, an ex consuetudine Ovidiana absolute dicatur *implere silvas*. Sed. vir doctus in Bibliotheca Tigur. p. 70, negat durum esse ellipsin; posse enim ex antecessitibus *factis* facile suppleri. Etiam verba *pudore proiecto* lectionem reiectam postulare. Neque Philomelam velle omnino queri, sed facta dira Tercei eloqui vel hominibus, vel taxibus saltum et silvis. Dietam autem esse Vulgatam ad illud Virgil: *Flectere si nequeo Superos, Acheronta movebo*.

Audiat haec aether, et si Deus ullus in illo est. *
 Talibus ira feri postquam commota tyranni,
 Nec minor hac metus est; causa stimulatus utraque, 35.
 Quo fuit accinctus, vagina liberat ense,
 Arreptamque coma, flexis post terga lacertis,
 Vincula pati cogit: iugulum Philomela parabat,
 Spemque suae mortis viso conceperat ense.
 Ille indignanti, et nomen patris usque vocanti, 555
 Luctantique loqui, compressam forcipe linguam
 Abstulit ense fero: radix micat ultima linguae;
 Ipsa iacet, terraeque tremens immurmurat atrae:
 Utque salire solet mutilatae cauda colubrae,
 Palpitat, et moriens dominae vestigia quaerit. 560
 Hoc quoque post facinus, vix ausim credere, fertur
 Saepe sua lacerum repetisse libidine corpus.
 Sustinet ad Procnem post talia facta reverti;
 Coniuge quae viso germanam quaerit: at ille
 Dat gemitus fictos, commentaque funera narrat. 565

— Codices Regii habent *conscia saxa movebo*; altera lectio praestantior. LEMAIRE.

551. *liberat*) pro quo nonnulli habent *deripit*, quod praefert Clafsion. Codex Regius B, a secunda mano, habet *deripit*. — *parabat*, melius quoniam *porrigebat*.

555. *Ille indignanti — vocanti, Luctantique*) Codices nostri Regii habent *indignantem, vocantem, luctantem*; et haec lectio forte fuit vera, quam interpretes tautologia offensi mutaverunt: haec voces referuntur ad linguam. LEM.

557. *radix micat etc.*) Foeda rursus res et ingrata, quam tamen similitudine adeo illustrat poeta. Apud Hyginum, Tereus vitiatam Philomelam mandat ad Lyceum regem. Sed Noxter videtur de industria foe-

dissima quaeque et crudelissima hac fabula exprimere voluisse. — *tremens* Heiosius malit *fremens*, quia sequitur *palpitat*. Regii nostri habent *tremens*. — *terrae immurmurat*, in his verbis intolerabilem esse lusum vir doctus iudicat in Bibliotheca Tigur. p. 58. Sed et alii sic inserunt, ut ad V, 105, notatum. *Utque salire etc.* Quintus Smyrnaeus XI, 74: *ἀτὰρ Σιωσύποιο θρόνοντος εὐφρῆ ἀποτυχεῖν ἀναπαύσας*. — *dominae vestigia quaerit*; illud sumtum ex Aeu. X, 395: *Τὴ δεξιᾷ σου, Λαρίδε, δextera quaerῖ, Σειμωνίμηςque micant δαγύη, ferrumque retractant*.

561. *Hoc quoque post facinus; post extractum linguam.* LEM. — *lacerum corpus, mutilatum linguam.* LEM.

565. *commenta funera, fictam Philomelae mortem.* LEM.

Et lacrymae fecere fidem: velamina Procne
 Deripit ex humeris, auro fulgentia lato;
 Induiturque atras vestes; et inane sepulcrum
 Constituit, falsisque piacula manibus iufert;
 Et luget, non sic lugendae fata sororis.
 Signa Deus bis sex acto lustraverat anno.
 Quid faciat Philomela? fugam custodia claudit:
 Structa rigent solido stabulorum moenia saxo:
 Os mutum facti caret indice: grande dolori
 Ingenium est; miserisque venit solertia rebus.
 Stamina barbarica suspendit callida tela;
 Purpureasque notas filis intexuit albis,
 Indicium sceleris; perfectaue tradidit uni,

570

575

566. *Et lacrymae*) Heinsius scribit *Et*. — *Lacrymae fecere fidem*; effecerunt lacrymae ut Procne mortem Philomelae veram esse crederet. LEM.

568. *Inana sepulcrum constituit*) Tres, *Instituit*, quod elegantius videtur Burmann. — Regii nostri habent *Constituit*; id servandum censeo, quod molem monumenti aedificanti melius significat. LEM. — Veteres quum insepulti corporis animam Stygem transire hand posse arbitrantur, mortuis, quorum corpora reperire non possent, *inania sepulcra*, *κενὸτάτῃς*, exstruere solebant. Infra, XII, 3, *inanes inferiae*, quae dantur sepulcro inani. Pro *inferiis* nunc dixit *piacula falsis*, falso creditis. — *inferre* verbum proprium in hac re. — *lugendae* quidem, sed non sic, inani sepulcro et inferiis.

571. *Signa Deus etc.*) Apollo, Sol, et est anni rotatin. LEM.

572. *claudit* exquisitius, quam impedit, quoniam ipsa clausa tenebatur. Non satis est, quod Burmannus laudat, *auferre* et *adimere* fugam, in

quibus *fuga*, *fugiendi facultas*. Rectius comparabis VII, 604, *animum claudere laqueo*, et VIII, 548, *claudere iter*. — *rigent* exquisitius, quam sunt. — *moenia*, parietes. — *Os mutum facti caret indice*; os mutum scelus indicare non potest. LEM. — *Lingua est animi interpres*, ut ait Lucretius VI, 1147; et factorum *index*. — *grande dolori Ingenium*, Martialis de Spectac. 14: *Quantum est subitis casibus ingenium*. LEM. — *Ingenium* tribuitur et irac, munificentiae, poenis etc. Vide Drakeb. ad Silium XVI, 46: hoc loco intelligatur solertia in inveniendis rebus, quam excitat dolor. — *venit*, excitatur: supra vs. 29, *ausus venit ab annis*, comparatur.

576. *Stamina barbarica suspendit*) Ex antiqua texendi ratione stamina ad perpendicularum suspendebantur; unde apud Nostrium ubi *pendula tela*, *stantes telae* etc. — *notae*, litterae: III Trist., 3, 72, *grandes notae in tumidi marmore*; Heroid. I, 62, *charta notata*; infra IX, 523, *notare tabellas*. — *Indicium sceleris*, patuit

Vtque ferat dominae gestu rogat. Ille rogata
 Pertulit ad Procnen; nec scit, quid tradat in illis. 530
 Evolvit vestes saevi matrona tyranni,
 Germanaeque suae carmen miserabile legit:
 Et, mirum potuisse, silet: dolor ora repressit;
 Verbaque quaerenti satis indignantia linguae
 Defuerunt; nec flere vacat; sed fasque nefasque 535
 Confusura ruit; poenaeque in imagine tota est.

Tempus erat, quo sacra solent Trieterica Bacchi
 Sithoniae celebrare nurus; nox conscia sacris:
 Nocte sonat Rhodope tinnitibus aeris acuti;
 Nocte sua est egressa domo regina; Deique 540
 Ritibus instruitur; furialiaque accipit arma.
 Vite caput tegitur; lateri cervina sinistro

a Tereo. LEM. *tradidit*. Vnus Leidenſis et alter Heinsii, *credidit*. Noſtri Regii, *tradidit*. — *uni*, ex ancillis. LEM.

539. *Ille rogata*) Codices Regii dant *illa rogata*, quod potius convenire videtur, quia probabilius est fuisse ancillam, non servum, quae rogata fuerit ut vestem deferret ad dominam. LEM. — *nec scit*. Codices nostri, *nescit*.

531. *Evolvit*, explicat, *matrona saevi tyranni*, Procne, uxor saevi Tere. LEM. — *vestes*; velum a Philomela missum. LEM.

532. *Germanae*) Codices nostri, *Fortunae*, id est, domus suae, sororis suae, simul ac sui ipsius carmen legit: recentiores hanc lectionem mutasse videntur. LEM. — *carmen*, eleganter notae intextae, quae loquebantur fata sororis. *Carmen* enim de omni formula verborum, etiam de paucis vocibus literisve sententiam aliquam exprimentibus. Apollodorus,

ἡ δὲ ὀφθαλμοῖς ἐν μέντοι γράμματι. Dolor utique vim habet ora reprimendi; ergo inepte additur, *mirum potuisse*. — *ruere*, de impetu et furore animi. — *poenae imago*, poena quam animo sibi effingit. *Imago*, saepe cogitatio rei. Vide ad XI, 427, et ad Plinium VII, Ep. 5, 1.

537. De *sacris Trietericis* et cultu Bacchantium diximus ad III, 517. — *Sithones*, gens Thraciae. Thracia autem sedes praecipua Orgiorum. — *Nox conscia sacris*: Nocte etc. Burmannus malit *nox conscia sacris Nocte*; quae conjectura codicibus non firmatur. LEM. — *Nox conscia sacris*, nil, nisi noctu sacra celebrantur. Sic loca *conscia facti*, in quibus aliquid gestum. — De *aere acuto*, vide ad III, 532. — De *Ritibus* illis IV, 6 sqq. *furialia*, quibus utuntur Bacchantes furentes. Similiter *tibia furiosa* Fast. IV, 341.

542. *cervina Vellera*, nebrides. L. — *levis hasta*, quae pampinis ornata, thyrsus vocatur. LEM.

Vellera dependent; humero levis incubat hasta.
 Concita per silvas, turba comitante suarum,
 Terribilis Procne, furiisque agitata doloris, 595
 Bacche, tuas simulat: venit ad stabula avia tandem,
 Exululatque, Evoëque sonat, portasque refringit;
 Germanaamque rapit; raptaeque insignia Bacchi
 Induit; et vultus liederarum frondibus abdit;
 Attonitamque trahens intra sua limina ducit. 600
 Ut sensit tetigisse domum Philomela nefandam,
 Horruit infelix, totoque expalluit ore.
 Nacta locum Procne, sacrorum pignora demit,
 Oraque develat miseræ pudibunda sorori;
 Amplexuque petit: sed non attollere contra 605
 Sustinet hæc oculos, pellex sibi visa sororis:
 Deiectoque in humum vultu, iurare volenti,
 Testarique Deos, per vim sibi dedecus illud
 Illatum, pro voce manus fuit: ardet, et iram
 Non capit ipsa suam Procne; fletumque sororis 610

595. *furiis*, furore. — *doloris*,
 Groenovanus et Lovaniensis, *sororis*,
 quod fere Heinsius probavit. Regii
 nostri habent *doloris*. — *stabula avia*.
 Moretus et unus Palatinus, *stabula-*
ria; et ita Gebhard. Crep. III, 2,
 maluerat. Regii, *stabula avia*. — *Exu-*
lulat; III, 528, *festisque fremunt*
stulatabus agri. — *sonat*, clamat. —
Evoëque sonat; ulitur Baccharum cla-
 moribus referentium verba Iovis ad
 filium: nam *Evoe* et *Evan* in sacris
 Bacchi iactabantur ab iis qui ipsum
 invocabant. *Evoe*, graeco *Εὖος*, quasi
 dicas, bene sit tibi. LEM. — *intra*
sua limina. Regii nostri, *intra sua*
moenia.

603. *Nacta locum*) secretum sub-
 audianus. LEM. — *pignora*; signa
 ut VII, 497, *veteris pignora formae*

induitur. — *sacrorum*; habitum et
 ornatum Bacchantis, quo modo Phi-
 lomela in simulatis orgiis dissimu-
 larat, exiit. LEM.

605. *Amplexuque petit*) Codices
 nostri Regii, *Amplexumque petit*: vi-
 vidius certe. Vulgata inde prolluit
 quod in Codicibus lincolniensis omisa fue-
 rit. LEM.

607. *Deiectoque in humum*) Hein-
 sius malit *Deiectaeque in humo*. Re-
 gii nostri, *Deiectoque in humum*. —
Deicere vultum, ut conicere oculos.
 — *iram Non capit suam*, non par est
 perferendae irae suae. Contra Sene-
 ca Herc. Fur. 412: *Hoc ipsum placet*,
Animo ruinæ quod capis magno tuas,
 Et ita passim *capere*, idoneum esse ad
 aliquid perferendum, faciendum, in-
 telligendum. Tam insigni autem do-

Corripiens, « Non est lacrymis hic, inquit, agendum,
 Sed ferro; sed si quid habes, quod vincere ferrum
 Possit: in omne nefas ego me, germana, paravi.
 Aut ego, quum facibus regalia tecta cremaro,
 Artificem mediis immittam Terea flammis; 615
 Aut linguam, aut oculos, aut quae tibi membra pudorem
 Abstulerunt, ferro rapiam; aut per vulnera mille
 Sontem animam expellam: magnum, quodcumque paravi.
 Quid sit, adhuc dubito. » Peragit dum talia Procne;
 Ad matrem veniebat Itys: quid possit, ab illo 620
 Admonita est; oculisque tuens inmitibus, « Ah! quam
 Es similis patri! » dixit: nec plura loquuta,
 Triste parat facinus, tacitaque exaestuat ira,
 Ut tamen accessit natus, matrique salutem
 Attulit, et parvis adduxit colla lacertis, 625
 Mixtaque blanditiis puerilibus oscula iunxit:

lori accommodata est seq. oratio. — hic dedit Heinsius pro hoc. — Codex Regius A dal hoc; at Codex B, h⁺, per compendium: unde nescio utrum hoc on hoc legatur. Prius tamen praeulerim, LEM.

613. *parant se in* vel *ad* aliquid, qui animus inducunt ad aliquid faciendum. — *quam facibus* etc. Potest hic esse praepositio *cum*, quam Latini interdum instrumento, quo aliquid agitur, addere solent. Tunc aut verum sequens per *ἀνδρῶν* adiectus est, aut legendum cum aliis *mediisque* vel *et mediis*. Sic Burm. — *crematio* Heinsius pro *cremabo*, invitis MSS. scripsit. — Regii nostri habent *cremabo*; Heinsium sequemur cuius conjectura melius convenit cum eninnatione *quam*. LEM. — *Artificem*, auctorem malorum et facinorum; id est, qui nefandum hunc incestum perpetrare soluit. LEM.

619. *Quid sit, adhuc dubito*) Nondum, inquit, decrevi ipso malo Tereum affectura sim: subauditur *futurem*. LEM. — *Peragit dum talia*; dum talia loquitur et minatur. LEM. Conferatur Medene furor, III Trist. 9, 21 sqq. — *Admonita est*, eo conspecto succurrit, quid posset. — *inmitibus*. Vnus Moreti, *non mitibus*. Regii nostri, *inmitibus*, vel *inmitibus*. — *Ah! quam Es similis*. Vnus Basileensis atque unus Medicus, *Ah quam, Quam similis*: id probat Heinsius; atque etiam vir doctus in Bibliotheca Tigur. pag. 71, plus adfectus esse in hac repetitione putat, et Ovidium amare hanc repetitionem, ut II, 704 sq.; VIII, 128 sqq. — Regii Nostri, *Ah! quam Es*. — *similis*. Similitudo illa causa fit facinoris.

625. *adduxit colla*) Non erat cur interpretes hic haerereat; *adduxit*, id est, straxit ad se, quod facere so-

Mota quidem est genetrix; infractaque constitit ira;
 Iavitque oculi lacrymis maduere coactis.
 Sed simul ex nimia matrem pietate labare
 Sensit; ab hoc iterum est ad vultus versa sororis; 630
 Inque vicem spectans ambo, « Cur admovet, inquit,
 Alter blanditias; rapta silet altera lingua?
 Quam vocat hic matrem, cur non vocat illa sororem?
 Cui sis nupta vide, Pandione nata, marito;
 Degeneras; scelus est pietas in coniuge Tereo. » 635
 Nec mora, traxit Ityn, veluti Gangetica cervae
 Lactentem foetum per silvas tigris opacas.
 Utque domus altae partem tenuere remotam;
 Tendentemque manus, et iam sua fata videntem,
 Et mater, mater! clamantem, et colla petentem, 640
 Ense ferit Procnę, lateri qua pectus adhaeret;

lent infantes blandientes. — *infractaque* etc. Fracta est et cessavit ira. *Consistere* proprie dicuntur qui a cursu, deinde qui a perturbatione animi quiescunt. Heinsius tamen concepit coadit ira. — *coactas lacrymas*; quae cum vi retinentur.

629. *matrem*, affectum maternum: similiter *pater* et *rex* usurpantur. Vid. loca ab Heinio et Burmanno laudata. Sed mox matrem ita exiit, ut filium trucidans, ne vultum quidem avertat. — *labare*, deterri a proposito. Hinc nova furoris incrementa sumit ex adpectu sororis. — *ab hoc*; ab huius Itys aspectu. LEM. — *Inque vicem*; vicissim, per vices. LEM. — *Cur admovet Alter blanditias*; cur valent apud me alterius, filii scilicet, blanditiae, ut parcam, et non valeat alterius, sororis Philomelae, dedecus, propter quod linguam amisit, ut eliscat? Mater quidem sum illius, sed eadem soror huius. LEM.

634. *Pandione natam se vocat*, ut a genere fortitudinis stimulos sumat. Hinc addit, *degeneras*. Nonnulli *degener ab*, aut *ha*; Gruterus malebat *degener ad scelus*. Regii nostri, *degeneras*. — *pietas in coniuge*. Codex Regius A, a prima manu, habet *pietas cum coniuge*; potest recipi. LEM. — *cervae lactentem foetum*. Periphrasis est binuoli. LEM.

638. *domus altae*; erat enim regia. — *partem remotam*; penetralia: vid. vs. 646. — Et *mater* etc. *Eia*, quod blandientis est, clamasse puerum iam sua fata videntem, vix crediderim. Revocavi ergo: *Et mater, mater! clamantem*, quod habent omnes MSS. praeter unum Neapolitanum, in quo *Eia* legitur, unde Heinsius amisit, cui illa vox valde placuisse videtur. — *colla petentem*. Medicus, *colla prementem*, quod posse admitti Burmannus censet. Regii nostri habent *petentem*.

Nec vultum avertit: satis illi ad fata vel unum
 Vulnus erat: iugulum ferro Philomela resolvit;
 Vivaque adhuc, animaeque aliquid retinentia membra
 Dilaniant: pars inde cavis exsultat alienis; 644
 Pars verubus stridet: manant penetralia tabo.
 His adhibet coniux ignarum Terea mensis,
 Et patrii moris sacrum mentita, quod uni
 Fas sit adire viro, comites famulosque removit.
 Inde sedens solio Tereus sublimis avito 650
 Vesceitur, inque suam sua viscera congerit alvum.
 Tantaque nox animi est, « Ityn huc arcessite, » dixit.
 Dissimulare nequit crudelia gaudia Procne,
 Iamque suae cupiens existere nuntia cladis;
 « Intus habes, quod poscis, » ait: circumspicit ille, 655
 Atque ubi sit quaerit; quaerenti, iterumque vocanti,
 Sicut erat sparsis furiali caede capillis,
 Prosiliit, Ityosque caput Philomela cruentum
 Misit in ora patri: nec tempore maluit ullo
 Posse loqui, et meritis testari gaudia dictis. 660
 Thracius ingenti mensas clamore repellit,
 Vipereasque ciet Stygia de valle sorores:
 Et modo, si possit, reserato pectore diras

642. *ad fata*, ad mortem. — *animam* seu vitam retinent membra ea, quae adhuc palpitant. — *exsultare* et de aqua fervente, ut VII, 263, et de carnibus, quae aqua fervente molliuntur. Conf. Seneca Thyest. 765 sqq. — *inde*, ex pueri membris. — *mensis*, epulis.

650. *Inde sedens*) Codices nostri, *ipse sedens*; gravius certe et maiorem spirans emphasisim. LEM. — *viscera*; vid. ad V, 18. Imitatus Nostrum est Valerius Maximus VII, 6: *quo diutius armata iuventus viscera sua visceribus suis aleret, infelices cadaverum reli-*

quias etc. — Verbo *congerere* mox opponitur *egerere*. — *nox*, caecitas, ignorantia.

657. *caede*) Vnus more quod valde placebat Ciofano; Gruterus malebat *furiati e sede*. Regii nostri habent *caede*. — *meritis dictis*, convenientibus verbis. LEM.

661. *repellit*) Codex Regius B, a prima manu, *replevit*. — *Vipereas sorores*, id est, Furias, audacter dictam, quarum comis viperae intextae. — *pectus*, ventriculus; *reserato pectore egerere*, nil nisi, evomere. Gronovianus quidem habet, *pro egerere*,

Egerere inde dapes, demersaque viscera gestit:
 Flet modo, seque vocat bustum miserabile nati: 665
 Nunc sequitur nudo genitas Pandione ferro.
 Corpora Cecropidum pennis pendere putares;
 Pendebant pennis; quarum petit altera silvas;
 Altera tecta subit: neque adhuc de pectore caedis
 Effluxere notae, signataque sanguine pluma est. 670
 Ille dolore suo, poenaeque cupidine velox,
 Vertitur in volucrem, cui stant in vertice cristae;

exigere, quod aequè elegans Burmannus indicat; at Codices nostri dant *egerere* quod recte servavit Cl. Gierig. LEM. — *demersaque* praetulit Burmannus quod et Regio placuerat; nam vulgata *immensa*que inepta est. Plurimi veterum *emersaque*, vel *immersaque*; tertius Mediceus, Iureti excerpta et quatuor alii, *semis*aque, quod Heinsius probabatur. — Codex Regius A, *immersaque*; Codex B, *emersaque* praestat lectio Burmanni. LEM. — *demergi* passim de ciliis devoratis, ut XV, 103; ibid. 387. — *bustum*; *τίφος*. Longinus fab. 3, vituperat Gorgiam Leont. qui vultures dixerat esse *sepulera viva*, quam reprehensionem etiam in hoc *bustum miserabile* cadere Tollius et Pearcius ad illius Longini locum existimant. Verum Longinus non nisi *viva sepulera* vituperat, quia nulla *sepulera viva* sunt: vid. Ernesti Instit. Rhetor. §. 319. Id Gorgiae vitium incidit Lucretius V, 991: *Fura videns vno sepeliri viscera busto*. Etiam alii poetae ventrem cum sepulcro comparant. Burmannus laudat Lycophr. Cass. 159, qui de Cerere mandente Pelopis humerum dicit: *τίφος* *τάφου*, ubi Tzetzes *τάφου* interpretatur *ταφίζω*. Attius in Aetreo: *Natis sepulcrum est ipse parens*.

667. *pendere*) Vid. ad XI, 341; XII, 566. — *Alter*, Philomela in lusciniū mutata, petit silvas; *altera*, Procne in hirundinem mutata, tecta subit. Plinius X, 24, de hirundinibus: *Thebarum tecta subire negantur, quoniam urbs illa saepe capta sit: nec Biziae in Thracia propter scelera Terei*. Pansan. Phoc. pag. 807, narrat, in Daulide hirundines nec parere nec nidos struere. Alii tamen, Anacreon Od. 12; Apollodorus, d. I.; Tzetzes Chil. VII, 142; Gubrias fab. 43; Schol. Aristoph. ad Aves vs. 216, tradunt, Philomelam in hirundinem esse mutata, Procnen autem in lusciniā, de quo dissensu vid. Meursius de Regno Athen. II, 5. Caeterum ab hac fabula hirundo vocatur *Παυδορίς*, apud Hesiod. Epy. 568. De poena, quam luunt illae mulieres etiam aves factae, vid. Aelian. V. H. XII, 20. — *Neque adhuc* etc. Virgil. G. IV, 15: *manibus Procne pectus signata cruentis*, hirundo. — *Effluxere* recepit Burmannus e Lovan.: vulgo *Excessere*, quod habent Regii nostri.

671. *Dolore suo*) Heinsius olim coniecerat *dolore furens*. — *poenae aspidine*; qua Procnem Philomelamque afficeret. Vpupam autem, quae a Graecis *epops* appellatur, poeta describit. LEM.

Prominet immollicum pro longa cuspidē rostrum.
Nomen Epops volucris; facies armata videtur.
Hic dolor ante diem, longaeque extrema senectae 675
Tempora, Tartareas Pandiona misit ad umbras.

VII. Sceptra loci, rerumque capit inoderamen Erech-
Iustitia dubium, validisue potentior armis. (theus;
Quattuor ille quidem iuvenes, totidemque crearat
Femineae sortis: sed erat par forma duarum, 680
E quibus Aeolides Cephalus te coniuge felix,
Procri, fuit: Boreae Tereus Thracesque nocebant;
Dilectaque diu caruit Deus Orithyia,

674. *facies upupae armata videtur* ob seriem pennarum longiorum, quae galeae instar in utroque latere ad cervicem protrahit. Apud Hyginum Tereus in accipitrem mutatur. Vile ibi Munk. Nonnulli et Ryn in palumbum transformationem narrant. — *ante diem*, I, 148, *ante diem misit* — ad umbras, *πρὸς αἴθρην αἰδῶ*.

677–721. Zetes et Calais. Orithyia, Erechthei filia, raptur a Boreae vento, ex eaque nascuntur Zetes et Calais. Confer. Orpheus Arg. 216 sq.; Apollonius Rh. I, 211 sqq.; Apollodorus lib. III, 15, 1, 2 sqq.; Hyginus fabula 14. Fabulam tractaverant et Aeschylus atque Sophocles. Eam explicat Puerbasius apud Claudian. Rapt. II, 19; « Fuit et Strymonis filius Boreas, Orithyiae raptor, ut Isagoras » in Megaricis tradit; sed poëtae rem » ab homine ad ventum transferunt. » Hermias vero Platonius Erechthei » filiam Aquilonis impetu ex alto de- » iectam petiisse credit, et inde fa- » ctum, ut hominum more a vento » rapti dicantur. Idem docet Accilius, » referente Apollodoro. » Apud Palaephatum cap. 23, Boreas hic vocatur *ἀνὴρ οὐκ ἀνθρώπος*. Caeterum haec ru-

pina expressa erat in area Cypseli, ubi Boreas loco pedum angulum caudas habebat. Pausanias Eliac. pag. 424. — *Erechtheus* successit Pandioni I, anno 1423 ante aer. Chr. I. iustitia non minus, quam virtute bellica, excellēbat. Summa regis Iovis.

679. *Quattuor ille iuvenes*) E filiis Cecrops II successit patri. *Quattuor* plurimi memorant. Pausanias II, 25; Eustath. ad Il. B, pag. 291. Etiam apud Apollodorum ubi tres tantum memorantur, Heynius excidisse putat quantum Oceanus. — *sortis, sexus*. In filiabus duae sibi aequales pulchritudine, e quibus Procrin duxit Cephalus, Deionici filius, Aeoli nepos, vid. Heinsius ad VII, 672; Munk. ad Hygini fabulam 14; quamquam alii enim Mercurii filium faciunt, unde *Cyllenia proles*, Art. Annal. III, 725. Orithyiam rapuit Boreas, cui petenti filiam Erechtheus dare noluerat, terribus inaudita Terei Threicii crudelitatem. — *te coniuge felix*; conf. VII, 696: fuit veluti formula sollemnis. — *Tereus Thracesque nocebant*; crudelitas Terei ac Thracum Boreae, ne Orithyiam duceret, uocebat. LXX. — *caruit*. Mevandi Codex, *ausuit*. Regii

Dum rogat, et precibus mavult, quam viribus, uti.
 Ast ubi blanditiis agitur nihil, horridus ira, 685
 Quae solita est illi, nimiumque domestica, vento;
 Et merito, dixit, «quid enim mea tela reliqui,
 Saevitiam, et vires, iramque animosque minaces?
 Admovere preces, quarum me dedecet usus?
 Apta mihi vis est: vi tristia nubila pello; 690
 Vi freta concutio, nodosaeque robora verto,
 Induroque nives, et terras grandine pulso.
 Idem ego quum fratres coelo sum nactus aperto,
 Nam mihi campus is est, tanto molimine luctor,
 Vt medius nostris concursibus intonet aether; 695
 Exsiliantque cavis elisi nubibus ignes.

nostris, *convult*. — *Deus*. Boreas enim Deus habebatur, cui sacra faciebant Megapolitani, Thuri, Athenienses. Pausanias Arcad. pag. 673; Aelian. V. H. 12, 61; Herod. VII, 189. Hymno eum celebravit Orpheus: is est hymn. 79. Athenignos vero ob raptam Orithyiam, eum adfinem sibi censuerunt. Aelianus d. l., ubi vid. Perizon.

683. *horridus ira*) Non male Boreae horridi descriptio: *Hic Deus et terras et maria alta domat*; Propert. II, 20, 52; conf. Claudian. Rapt. I, 69 sqq. — *domestica*, sibi propria et consueta; nove sic dictum. Burmannus putat, Ovidium his duobus vocibus, *solita et domestica*, exprimere voluisse graec. οἰκίος, cuius vim exposuerit Victor, ad Cic. I Alt. 10.

687. *Et merito* abrupte incipit, ut IX, 584, ubi vid. nota. Ita et Propert. I, 17, 1. — *Admovere preces*, bona loquutio, ut docent viri docti ad Phaedrum I, fab. 19, 6. *Adhibere preces* dixit Noster III, 376, et Cic. N. D. I, 2. — *vim* verbis gravissimis declarat, maxime in fine. Ergo assurgit oratio. Quia *nubila pellit*, propter

rea ἀλφεῖον ἔννεος, et *clarus* dicitur. — *concutio*, commoveo. Boreas, μέγα κύμα κολάσσει. — *pulso*, facio, ut grando in terram decidat. Sic imber dicitur *verberare humum* Aen. IX, 669; *verberare ianuam* Tib. I, 2, 7. Similiter τόνειος de vento Homerus II. A, 306. Sed de Borea conf. Claudian. R. P. I, 69: *Turbine rauco Quum gravis armatur Boreas, glacieque nivali Hispidus et Getica concretus grandine pennas Belli cupit, pelagus, silvas, camposque sonoro Flamine rapturus*. — *coelum apertum* alias est purum, non obductum nubibus, sed h. l. ubi nil moratur eius impetus, nil frangit eius vim. Nempe *apertus* solemne epitheton campi. Coelum autem est campus, in quo venti pugnant. Virg. Georg. IV, 77, de apibus proeliantibus, ubi ver nactae sudum camposque patentes, aërem purum tempore verno. Cum sequentibus cf. XI, 435, ibique notam. — *concurribus*, proeliis, quae vis verbi concurrere nota est. — De ignibus illis vid. Lucretius VI, 199 seqq., rotantque cavis flammam fornacibus intus, Do-

Idem ego, quum subii convexa foramina terrae,
 Supposuique ferox imis mea terga cavernis;
 Sollicito manes, totumque tremoribus orbem.
 Hac ope debueram thalamos petiisse; socerque 706
 Non orandus erat, sed vi faciendus, Erechtheus.
 Haec Boreas, aut his non inferiora loquutus.
 Excussit pennas; quarum iactatibus omnis
 Adflata est tellus, latumque perhorruit aequor;
 Pulvereamque trahens per summa cacumina pallam, 705
 Verrit humum; pavidamque metu caligine lectus
 Orithyian amans fulvis amplectitur alis.
 Dum volat, arserunt agitati fortius ignes;
 Nec prius aërii cursus suppressit habenas,
 Quam Ciconum tenuit populos, sua moenia, raptor. 710

nec divolsa fulserunt nube corusci. Ad-
 de Plin. II, 48 et 49. Etiam terrae
 motus plurimi Veterum ventis tribue-
 bant. Lucretius VI, 536; Senec. N.
 Q. VI, 3. — *convexa foramina*, or-
 nate, speluncas. — *Supposui mea*
terga, gravissime, spiro. — Gravis-
 sime etiam *Sollicito* etc., vel metu
 impello tremoribus inferos & superos,
 vel concutio subterranea et superna;
 utrumque enim significatioem habet
 τὸ *Sollicito*.

703. *Excussit*, iactavit, movit. Ma-
 re perhorrescit, quum commovetur,
 ut fluctus edat. Sequitur admirabilis
 phantasia. — *Pulvis*, quem movet
 Boreas, est eius *palla*, quam trahit,
 ut solet syrma vestis trahi. — *verrere*
 terram et mare, solemne poëtis de
 ventis rapidis, superficiem terrae
 attingentibus, eiusque pulverem se-
 com auferentibus. Lucretius I, 279;
 VI, 624; Aen. I, 63. Sed h. l. respi-
 citur ad pallam, quae et ipsa *verrere*
humum dicitur XI, 166. — *pavidam*
metu. Propert. III, 5, 29: *Aquila ra-*

ptae timor Orithyiae. — *fulvis alis*
 Silius XII, 617, *fuscis Africanis alis*,
 ubi vid. Drakenb. — *Rapuit Orithyian*
 ad Ilium ludentem: sic Pausanias
 Attic. pag. 45; sed apud Apollonium
 rapit κίερονδεν.

708. *arserunt* etc. quoniam *ignes*
 qui pr. dicuntur motu ceteri magis
 excitantur. Ledit ingenium Ovidii,
 isque lusus ineptus. Heroid. XVIII, 41,
 de Boreo: *Tam gelidus quum sis, non*
te tamen, improbe, quondam Ignibus
Actaeis incaluisse negas.

709. *cursus habenas* ποικιλιώτερον,
 quam *curtus habenas*, quod habent
 alii, ioter quos unus Heinssii, et hinc
 ipsi non displicebat. Et *curtus* ne-
 com quidem nunc habet, quia Boreas
 non curru vehitur, sed alis volat. —
supprimere, retrahere; hinc *supprimere*
habeas cursus aërii paulo audacius,
 desistere currere per aerem. — *Cico-*
nes, gens Thraciar. Thracia autem
 habebatur vectorum, Boreae iopri-
 mis, habitaculum, isque i monte
 Haemo speluncam quamdam i. e. clere

Illic et gelidi coniux Actaea tyranni,
 Et genetrix facta est; partus enixa gemellos,
 Caetera qui matris, pennas genitoris habereant:
 Non tamen has una memorant cum corpore natas;
 Barbaque dum rutilis aberat submissa capillis; 715
 Implumes Calaisque puer, Zetesque, fuerunt.
 Mox pariter ritu pennae coepere volucrum
 Gingere utrumque latus; pariter flavescere malae.
 Ergo, ubi concessit tempus puerile iuventae,
 Vellera cum Minyis nitido radiantia villo, 720
 Per mare non motum prima petiere carina.

credebatur. Vide Theophrastum de Causis Plant. V, 17, et de Ventis p. 409. Hinc Ὠκεϊνός et Στραγγιναός vocatur. — *sua moenia* e Basilicensi Burmannus dedit, ut additum sit per appositionem. Vulgo *et moenia*. Ita et Regii nostri Codices. — *moenia* dignius quam *spelunca*. — *raptor*; *ῥάπτης*, proprie de virginibus.

711. *et gelidi*; quidam *egeli*, quod praefert Mar. Acursius, qui monet hoc vocabulum et vehementer et mediocriter frigidum notare. — Regii nostri, *et gelidi*. *Gelidi tyranni*; Boreae, qui frigidissimus omnium ventorum. LEM. — *Actaea*, Attica: vid. ad I, 313: *Actias Orithyia*, ap. Virg. Georg. IV, 463. — *partus* de prole. Sed in qua corporis parte illi pennas habuerint, de eo non consentiant poëtae. Hygin. fab. 14: *Hi capita pedesque pennatos habuisse feruntur*; ap. Orpheum volant *ῥαπτοῖν ὄρεσσι*, *αἰὲς* sub aures enatis, vid. Wesseling. Probab. 9, pag. 78, ubi copiose de hoc poëtarum figmento agit, et uinum antiquum commemorat, in quo alatum Calais caput. Et Antiqui ventos temporibus aëtis fixerunt. Dra-

kenb. ad Sil. VII, 257. *Calais* autem et *Zetes* expressi etiam in solo Amyclaei: vid. Heynii Exe. VII ad Aen. II, et in libro *Antiq. Asiae*. Is mouet, turbines inter Asiam et Graeciam frequentes originem huic sub. dedisse. — *submissa* larba, ut alibi *promissa*. — *Zetes*. In Ciofani MSS. omnibus legitur *Zethus*: sic etiam Palaeophatus 23. Vid. Munkei. ad Hygini sub. 14. Regii nostri habent quoque *Zethus*.

720. *nitido radiantia villo*, villis aureis. — *non motum*, scil. remis, in quo nemo unquam navigavit, adeoque ignotum. Etiam Manil. I, 76, *immutum pontum dixit*; *Pulsa vada*, Tibull. II, 5, 34; *Remo movere est Amor*. II, 11, 5. — *prima carina*. Argum primam navem fabricasse multi poëtae crediderunt. Vide loca ab Heinsio laudata. Hinc quoniam navigationes detestantur, intercepti Argonautarum audaciam, ut Phaedrus IV, fab. 6, 6 sqq.; Ovid. Amor. III, 2. Nempe haec fuit prima navis bellica, quam Graeci fabricarunt; Plin. VII, 56: *Longa nave Iasonem primum navigasse*, Philostephanus auctor est. Conf. Diodorus IV, 41.

P. OVIDII NASONIS
METAMORPHOSEON

LIBER SEPTIMVS

I. Iamque fretum Minyae Pagasaea puppe secabant,
Perpetuaque trahens inopem sub nocte senectam

1-158. *Iason et vellus aureum et Medeam in patriam reportans*. Medea Iasonis amore capitur, praesertim obvia ei facta; et, ubi a iurato promissu coniugii accepit, cantatas ei herbas praebet, quarum ope tauros acripedes ignemque vomentes domat, domitos iugo supponit, atque in agrum vipercos dentes spargit, unde feri homines, quorum rabiem, misso lapide, a se in ipsos vertit. Tandem hisdem herbis et draconem terribilem sopit. Sic cum vellere et Medea Iason in patriam redit. Nobilis satis et perquam utilis cosmographiae, nauticae arti et mercaturae Graecorum expeditio Colchica, suscepta a Iasone, Thessalorum duce, anno 1253 ante aer. Chr.; sed eadem fabulis adeo involuta, ut, quid veri subit, vix constatui certo possit. Vere haud dubie ducta antiqui cuiusdam scriptoris monuit Eustath. ad Dionys. Perieg. vers. 689, mercaturae potissimum causa potestur sibi voluisse Graecos Pontum Euxinum, classeque instructa sibi parate emporta quondam in Col-

chide. Noti sunt poëtae, qui hanc expeditionem carminibus suis celebrarunt. De hac nostra fab. confer Heroid. VI et XII; Hygin. fab. 21, 25; Apollod. I, 9, 23. Noster plurimus est in Medene amore notando. — *Iamque fretum* etc. Nexa causa quaedam de itinere Argonautarum praemittantur, sed brevissime. — *Minyae*, Argonautae, quorum plurimi et praestantissimi originem se trahere gloriabantur a *Minyae* filiabus, de quibus IV, 1; Apollon. Rh. I, 239. Ipse Iason Minyae neptem habuit matrem. Perizon. Aelian. V. H. III, 42, pag. 310. Alii aliter. Vid. Heckerlin. ad Apollon. d. l. — *Pagasae*, portus ad pedem Pelii montis, ubi navis Argo fabricata, et unde solvensut Argonautae. Mela II, 3, 85. — Argonautae oppulerunt in Thracia, ubi *Phineus*, vates, de quo multa fabulantur scriptores Argonautici. Vid. Cerda ad Virgilium Aeneid. III, 216. Is, sive quod Deorum consilia euunciarat, sive ut excaecatorum filiorum poenam lucret, excaecatus erat et ipse, eique

Phineus visus erat; iuvenesque Aquilone creati
 Virgineas volucres miseri senis ore fugarant;
 Multaque perpessi claro sub Iasone, tandem
 Contigerant rapidas limosi Phasidos undas.
 Dumque adeunt regem, Phryxæque vellera poscunt,
 Lexque datur numeris magnorum horrenda laborum,

additæ erant Harpyiæ, quæ cibum miseri senis ab ore auferrent, aut reliquias foedo odore implerent. *Eas* vero Zetes et Calais, qui erant inter Argonautas, sublimes per æra, fugarunt in insulas Strophades. Quo facto, Phineus Argonautis viam monstravit, eosque consiliis variis adiuvit. Orph. 665 seqq.; Apollon. II, 178; Apollod. lib. I, 9, 21. Seuectutem hebetasse aciem ocnlorum Phinei, eiusque opes dispersas esse a filiis, quas Zetes et Calais ex oppido expulerint, putat Palaeph. 23. Harpyiarum mentio fit apud Homerum, pluribus locis, et apud Hesiod. Th. 267. Vid. Heynii Exc. VII ad Aen. III; cui meteori, vel procellosi venti genus sic innuisse videntur Antiqui. — *trahere* vitæ molestias et calamitates exprimit. Aen. II, 92: *vltam in tenebris luctuque trahēbam*; III, 547; Phaedrus III, 7, 12. — *Perpetua nox*, ut *aeterna nox* III, 335. — *sub re esse* dicitur, qui ex ea laborat. III, 525; IX, 465. — *Phineus visus erat*. Duo Medicei, *ultus erat*, quod placet Heinsio quis *ultus* et *passive* dicitur. — *Virgineas volucres*, Harpyias, quibus virginei vultus, foedissima ventris profuvies, tunc manus, et pallida semper ora: conf. Virg. Aen. III, 216. — *Ore*; deest, ab. — *Multa perpessi*, *solemne de navigantibus*; Aen. I, 199, o *pauisi* *graviora*; Horat. I, Od. 7, 30, *peioraque perpessi mecum*. Od. A, 4, πολλὰ πῶτον. — *claro*; sortitus ille

erat *πρωτόχρον αἶψα*; Orpheus 80; adde virtutem et famam. — *rapidus* et *limosi* communis epitheta et oruantiæ; Phasis enim ab Orpheo 761, πρὸ ῥίον, placide fluens, et 655, καλλίροος, pulchre fluens, vocatur. — *Phasidos*; fluvij Colchidis in Euxinum mare se exonerantis. LEM.

7. *Dumque adeunt regem*) apud Orpheu 784 seqq. Aetæa prior eos adit ad Phasin adhuc sedentes. — *Phryxæa*, quæ Phryxas Aetææ attulerat. Palaephatus 31; cuius ex mente *vellera* sunt opes, quas Phryxas, Athamantis insidias fugiens, in Colchidem attulerat; nec aliter Herodotus VII, 197; Diodorus IV, 47. Lamm et pelles e Colchide exportasse mercatores graecos censet Varro R. R. II, 1. Velleribus iam olim e fluvij collectas esse arenas aureas, idque originem fabulae dedisse monet Strabo XI, pag. 763.

8. *Lex*, conditio. Hyginus fab. 22; *Aetæa Iasoni hanc simultatem* (hanc conditionem ex similitate profectam; vid. Munkerus ad fabulam 84) *constituit*. Verum *lex* non nisi unus MS. habet, unde Heinsius sumsit. Ceteri, *Voxque*. Quod quum auctoritate MSS. se tueatur, quum vox soepe et dari proprie de responsis usurpetur, quum vix dubium sit quin Nostrum respexerit Valerius Flaccus I, 209, *Vix reddita tandem vox horrenda viris*: apparet, temere invecum esse Schirachium in Burmannum, qui sat

Concipit interea validos Aetias ignes;
 Et luctata diu, postquam ratione furorem
 Vincere non poterat: « Frustra, Medea, repugnas;
 Nescio quis Deus obstat, ait; mirumque, nisi hoc est,
 Aut aliquid certe simile huic, quod amare vocatur.
 Nam cur iussa patris nimium mihi dura videntur?
 Sunt quoque dura nimis: cur quem modo denique vidi,
 Ne pereat, timeo? quae tanti causa timoris?
 Excute virgineo conceptas pectore flammās,
 Si potes, infelix: si possem, sanior essem.

modeste monnerat, vulgatum *For-*
que defendi posse. — *numeri labo-*
rum, propter multitudinem laborum.
 Apud Hesiodum Theog. 993, *Iason*
 peragit *σπασίδεας ἀθλοὺς, τοὺς πολ-*
λοὺς ἐκτελέας μέγας βασιλεὺς. Quam-
 quam *numeri* etiam possunt esse par-
 tes illius horrendi laboris, tauri ignem
 vomentes, seges arinatorum, draco
 vellus custodiens: sic *numeri* veritat-
 is, officii, legionis, partes, quae illas
 res constituunt. Atque hanc rationem
 praetulerim priori. Leuius vero ma-
 lit cum aliis *Minyis*, quia labores illi
 non numero memorabiles fuerint. Ma-
 iori autem ex parte, vetustiores ha-
 bent *numeri*. Regius A, *numeri*;
 Regius B, *Minyis*. — *magnorum la-*
borum; Orpheus 935, *ὄλκρος πόνος*.

9. *Concipit interea* etc.) Iuno, Ia-
 soni favens, Venerem impulerat, ut
 Medea hunc amorem iniiceret: Hy-
 gin. fab. 22; sic et Orpheus 864 sqq.,
 ubi tamen et dira Erinnys sagittam
 in eius viscera mittit. Horat. Epod.
 III, 9: *Argonautas praeter omnes can-*
didum Medea mirata est ducem. In
 sequentibus praecclare notatur tumultus
 animi internus, conflictus furoris
 et rationis. Omnino Noster felix est
 in eiusmodi lucta ad naturae veritatem

describenda. Conf. VIII, fab. 1; IX,
 fab. 8 et 7; X, fab. 7. — *Aetias*,
 Medea, Aetiae et Idyiae filia. Apol-
 lon. III, 242. — *validus* et de igne
 proprie sic dicto et de amore positur.
 — *juvor*, iuvans amor (h. l. cum
 dilectu, quia opponitur *rationi*), tan-
 to difficilius viuci poterat, quia cum
 humanitas adinvenit: quae duo per
 onnem hunc locum commode miscen-
 tur. Ad extremum furor, ut sit, vin-
 cit. — *marumque* etc. Rudis adhuc
 virginis simplicitas notatur. — *nisi*
hoc est correxit Heliusius, quum MSS.
 haberent, *quid hoc est*. — Regii no-
 stri habent *quid hoc est*; bene. LXX.

14. *nimium mihi dura*) Langerman-
 nius, *nimium tibi dura*. Regii no-
 stri, *nihil*. — *modo denique*, nunc pri-
 mum, ut III, 650; mox vs. 86, *tunc*
denique. Mira in omni h. l. est oratio-
 nis suavisitas.

17. *Excute*) Ciofani metaphoram
 a silice, e quo ignes eliciuntur, ductam
 putans, confundebat, ut Bur-
 mannius iam monuit, *excidere* et *ex-*
cutere, *Excusi* passim dicuntur afflic-
 tius, qui deponuntur. — *si possem*,
sanior essem. Idem Langermann. habet
si posses, sanior esses. Regii nostri,
si possemus essem,

Sed trahit invitam nova vis; aliudque Cupido,
 Mens aliud suadet: video meliora, proboque; 20
 Deteriora sequor: quid in hospite, regia virgo,
 Vreris? et thalamos alieni concipis orbis?
 Haec quoque terra potest, quod aures, dare: vivat, an ille
 Occidat, in Dis est; vivat tamen; idque precari,
 Vel sine amore licet; quid enim commisit Iason? 25
 Quam, nisi crudelem, non tangat Iasonis aetas,
 Et genus, et virtus? quam non, ut caetera desint,
 Forma movere potest? cerle mea pectora movit.
 At, nisi opem tulero, taurorum adflabitur ore;
 Concurretque suae segeti, tellure creatis 30
 Hostibus: aut avido dabitur fera praeda draconi.
 Hoc ego si patiar, tum me de tigride natam,
 Tum ferrum et scopulos gestare in corde fatebor.
 Cur non et specto pereuntem? oculosque videndo

19. *nova*; mihi adhuc incognita, et antehac nunquam experta.

20. *video meliora, proboque* etc.) Haec sententia semper placuit, quia et verissime et brevissime naturae humanae vitiositatem notat. Ciofannus monet, expressam eam esse ex Euripide (Hippol. 380), τὰ χεῖρ' ἐπιστάμεθα, καὶ γινώσκμεν. Οὐκ ἐκπνεύμεν δέ. Ibi Valkenae. similes sententias collegit. Etiam Horat. I, Ep. 8, 11: Quae noscere, sequar; fugiam, quae profore credam.

22. *Frī in aliquo, ut in aliquo ardere, aestuare; capi.* — concipis, scilicet animo, cupis et speras. *Concupis* multi MSS. habent e glossa. Ita et nostri Regii. — Amat Noster haec vocabula, in *Dis*, in potestate Deorum, pendet a Diis; Heroid. XX, 44, *Exitus in Dis est*. Demosth. Cor. pag. 292, Εὐ γὰρ τῷ θεῷ τὸ τοῦτου τέλος ἐστίν, οὐκ ἐν ἡμῶν.

27. *ut caetera desint* etc.) Sic in libro V, 527: *ut desint caetera, quantum est Esse Iovis fratrem.* — *Forma movere potest*; multi ex melioribus, *Ore movere potest*; hunc Heinsius mox molit cum multis *taurorum adflabitur igne.* — Regii nostri nihil mutant. — Fortem, formosum ac nobilem Iasonem vocat Hyginus fab. 25. De *Forma* vid. Schol. Pindari ad Pyth. Od. V, 6: οἳ δὲ εὐπρεπὲς ἔν ὁ ἱεῖς, δὴδ' ἐκ τοῦ καὶ τὴν ἡεαν αὐτῶ ἐπικυλῆσαι. Heroid. XII, 11, ei tribuuntur *flavi capilli, decor et gratia linguae.* Et multa de illa forma apud Veteres.

30. *Concurrere* ponitur de conflictu proclii. — *praeda*, qui obiciuntur vel vivi, vel mortui feris devorandi. Ita iam Homerus II. A, 4, αὐτοὺς δ' ἰδόμεναι τεύχε' ἐκείσιν. — *ferrum et scopulos in corde*; conf. IX, 612. Crudelissimo et durissimo pectore, χυλ-

Conscelero? cur non tauros exhortor in illum, 35
 Terrigenasque feros, insopitumque draconem?
 Dî meliora velint: quanquam non ista precanda,
 Sed facienda mihi: prodanne ego regna parentis?
 Atque ope nescio quis servabitur advena nostra,
 Ut per me sospes, sine me, det linlea ventis, 40
 Virque sit alterius? poenae Medea relinquitur?
 Si facere hoc, aliamve potest praeponere nobis,
 Occidat ingratus: sed non is vultus in illo,
 Non ea nobilitas animo est, ea gratia formae,
 Ut timeam fraudem, meritique obliviam nostri. 45
 Et dabit ante fidem; cogamque in foedera testes
 Esse Deos: quid tuta times? accingere; et omnem
 Pelle moram: tibi se semper debet Iason:

τετραπόδες, essem. Euripides *Med.* 1279, ὡς αὖ ἀπὸ τέρας πύρος ἢ σιδεράς; Aeschyl. *Prom.* 242, τετραπόδων ἄνθρωπος; Noster III *Trist.* 11, 3: *Natus ex e scopulis, utritus laete ferio, Et dicam silicea corpus habere tuum.*

35. *oculos conscelerat*, qui facinus aliquod libenter spectat. Sic *scelerare manus* apud Virgilium *Aen.* III, 42, et *conscelerare aures* apud Liv. 40, 8. — *exhortor*, Sic *hortari canes* X, 536. — *Terrigenus*, e terra natus. — *insopitum*, pervigilem: Euripides *Med.* 481, ἀπρηπύς. — *draconem*, qui multis voluminibus servabat aureum vellos. — *Di meliora*, abominandi et avertendi formula. Brissau. *Form.* I, pag. 94. Additur hoc loco *velint*, quod plerumque reticetur. Heinsius inquit *velim*; perperam: Regii nostri habent *velint*. Læm. — *prodanne*; nempe responsum erat Aetiae, cum regnaturum, quandiu vellus aureum teneat. Quidam *perdanne*, quod saepe melius opponitur τῷ *servabitur*.

43. *Occidat* Duo, *Decidat*: vid. ad X, 10. Regii nostri, *Occidat*. — *non is*, tam infidelis, *vultus*, non *ea*, tam degener, *nobilitas*, non *ea*, tam fallax, *gratia formae*. Non id denunciat vultus, nobilitas, forma. Monet Barmaunus elegantem esse illum usum pronominis *is*. Liv. I, 34: *Eam altitem*, ea regione coeli, et eius *Dei numinum*; Plin. V, Ep. 6, 13: *Ea varietate*, ea descriptione oculi reficiuntur. — Quinque, *nobilitas*. Et *nobilitas Aesaulides* est Heroid. VI, 109; sed vulgata servanda propter *vultus* et *gratia*. — Pro *formae* Heinsius inquit *morum*, quia praecessit *vultus*. Sed *vultus* et *forma* disti-runt. — Nostri Regii, *nobilitas et formae*.

46. *Et dabit ante fidem* et, antequam illi opem feram, incurrando promittet me sibi uxorem futuram. Læm. — *foedus*, omne id, de quo inter plures convenit.

48. *debet* Baumanno non displicet Regii Codicis lectio *praebebit*. — Codicis nostri Regii, *debet*. — 48

Te face solempni iunget sibi; perque Pelasgas
 Servatrix urbes matrum celebrabere turba. 50
 Ergo ego germanam, fratremque patremque Deosque,
 Et natale solum, ventis ablata, relinquam?
 Nempe pater saevus, nempe est mea barbara tellus;
 Frater adhuc infans; stant mecum vota sororis.
 Maximus intra me Deus est: non magna relinquam; 55
 Magna sequar: titulum servatae pubis Achivae,
 Notitiamque loci melioris, et oppida, quorum
 Hic quoque fama viget, cultusque artesque virorum:
 Quemque ego cum rebus, quas totus possidet orbis,
 Aesonidem mutasse velim: quo coniuge felix, 60
 Et Dis cara ferar, et vertice sidera tangam.

debet alteri, qui fatetur, se omnem salutem animi ei debere: conf. vers. 164. — *matres*, nempe Argonautarum ob filios servatos. Vs. 159.

53. *Nempe pater saevus*) Elegans est hic usus vocis *nempe*, qui removet quod obiectum est. — *barbara*, nempe e sermone Graecorum. — *soror*, Chalciope. Eius et Phryxi filii, ab Argonautis in Dia insula reperti, Iasonem ad Colchos ducunt matrique commendant; quae eundem Medese sorori tradit. Hyginus fab. 21.

56. *sequar*, vel persequar, vel consequar. — *lindus*, gloria, ut IV, 644. — *cultus*, vitae ratio exulta. — *artesque virorum*; plerique *locorum*, quod impense placet Hirsio, modo paulo ante legatur *soli pro loci*. Burmannus nescit, an non praestet, *cultusque habitusque virorum*, quae saepe iunguntur. Codex Regius A, *locorum*; item Codex B, nisi quod in margine habeat *colonium*. — *artes* quum et inventae et exultae apud Graecos sint, commode hic fit earum mentio. Male igitur hoc vocabulum sollicitatum

est. Hoc autem nos *morari* non debet, quod illo tempore *artes* nondum effluerant inter Graecos; millies enim Noster temporum discrimen neglexit. Conf. II, 795.

60. *mutare*, permutare. *Mutare Iasonem cum rebus* exquisitis, quam, *mutare res cum Iasone*. Amat illam conversionem etiam Horatius, v. c. II, Od. 12, 13: *Num tu Mygdonias opes permutare velis crine Lcyminiae*. Vid. Bentleius ad II, Od. 16, 19. — *coniuge felix*; at ab eventu αἰνός γαμος et αἰνότης, coniugii infelix passim ab Orpheo dicitur. — *vertice sidera tangam*. Passim occurrunt apud poetas Dii, qui ita se attollunt, ut vestigia ponant in terra, capite autem coelum tangant: sic apud Callimachum hymn. Cerer. 49, et Virg. Aen. IV, 176. Hinc fluxit formula poetis familiaris (Horat. I, Od. 1, 36; Noster I Fast. 210). *Vertice coelum ferire*, aut *tangere*, quum primum immensa et angusta quaedam altitudo, deinde insignis quaedam et plus quam humana felicitas exprimebatur. Ausonius Id.

Quid, quod nescio qui mediis concurrere in undis
 Dicuntur montes, ratibusque inimica Charybdis,
 Nunc sorbere fretum, nunc redlere; cinctaque saevis
 Scylla rapax canibus Siculo latrare profundo? 65
 Nempe tenens quod amo, gremioque in Iasonis haerens,
 Per freta longa trahar: nihil illum amplexa verebor;
 Aut, si quid metuam, metuam de coniuge solo.

8, 52: *tum terque quaterque beatus — tum tangam vertice coelum.*

62. *Quid, quod nescio etc.* Esse quidem pericula nonnulla subeunda intelligit, sed animum eripit eo, quod Iasonem suum habeat comitem. — *mediis etc.* Intellige Cyaneae, insulae, seu petrae, contra Pontum Euxinum, quae quum propter angustum transitum ex illusionem optica concurrere viderentur navigantibus, *συμπαράδειξ, συνορμαδεις, et concurrentia saxa* dicebantur: vid. Schol. Euripidis ad Med. 2; *Tournefort, Voyage du Levant*; tom. II, pag. 149 sqq.

63. *Charybdis*) Nihil in freto Siculo nobilius *Charybdi* et *Scylla*. *Charybdi* ratibus, quas appropinquantes absorbet, hodie minus quam olim *inimicam*, efficit vehementior undarum fluxus sibi invicem contrarios, ut observavit etiam nuper Brydon. in *Reise nach Sialien* tom. I, Epist. 3. Veteres autem putarunt, in mari esse vorticem, fluctus nunc *sorbentem* (*sorbere* et *resorbere*, ἀναρροφειν), ponitur de vortice), nunc *reddentem*. — *Scylla* (hodie Sciglio) promontorium petrosum in litore Calabriae, ad quod maximo cum sonitu allidunt undae freti. Cinctum est scopulis e mari prominentibus, in quibus spelunca, quibus augetur strepitus ille undarum. Hos ergo Veteres (Homerc. Od. M, 73 sqq.; Virg. Aen.

III, 424) cum *canibus*, scilicet marinis, *saevis* et *latrantibus* (quod verum etiam de strepitu undarum, ap. Virg. Aen. VII, 538) compararunt, Scyllam autem ipsam cum monstro horrendo, cuius facies varie a poetis, et in monumentis exprimitur. Vid. Beydon. d. l. — *cincta*. Sic *succinctam* canibus Scylla, apud Lucret. V, 890; Tib. III, 4, 89; Virgil. Ecl. VI, 75. Cacterum etiam Homer. Od. M, 69; Orpheus Arg. vs. 1247: Apollod. pag. 65, tradunt, Argonautas illa loca penetrasse. Conf. Heroid. XII, 123.

66. *tenere* eleganter dicimur, quem nobis donatum aut servatum habemus, adeoque fore coniungitur cum *amplexibus*. Sic et infra vs. 143. Vid. ad Plin. VI, Ep. 7, 1. — *quod amo*, ut vs. 23, *quod ames*. — *longa*, longinquas, ut VIII, 142. — *trahar* nunc non de violento raptu capiendum, sed eleganter hoc verbum de longis per diversa maria laboribus usurpatur. Horat. I, Od. 15, 1; Valer. Flac. VII, 271. Vid. Burmannus. — *verebor* — *metuam*; grave est horum et verbi *timere* discrimen, quod ex scriptoribus romanis ipsis petimus. Cic. *Metuebant eam servi, verebantur liberi*. Virgilius, *Fota metu duplicant matres propiusque periclo It amor*. Horatius, *Metuensque futuri*. Quare *metuere* de metu venturo et longinquo; *timere* de periculo iam proximo; *vereri* autem proprie de libris qui,

Coniugiumne putas? speciosaque nomina culpae
Imponis, Medea, tuae? quin adspice, quantum 70
Adgrediare nefas; et, dum licet, effuge crimen. »
Dixit: et ante oculos rectum, pietasque pudorque
Constiterant; et victa dabat iam terga Cupido.

Ibat ad antiquas Hecates Perseidos aras,
Quas nemus umbrosum, secretaque silva tegebant. 75
Et iam fortis erat, pulsusque resederat ardor;
Quum videt Aesoniden; extinctaque flamma revixit;
Et rubuere genae, totaque recaudit ore.
Ut solet a ventis alimenta adsumere, quaeque
Parva sub inducta latuit scintilla favilla, 80
Crescere, et in veteres agitata resurgere vires:
Sic iam lentus amor, iam quem languere putares,

honesti gratia, pudore moventur. LEM.

69. *Coniugiumne putas?* Virgilius Aen. IV, 172, *Coniugium vocat, hoc praetexit nomine culpam.* — *Imponis.* Frausfurteusis, *Praetendis.* Regii nostri, *Imponis.*

74. *Ibat ad antiquas etc.*) De hac fabulae parte conf. Apollon. III, 738 sqq. Apud Orpheam 874 sqq. Medea clam noctu venit ad Iasonem Argonaeque navem. — *Hecates*, cuius sacerdos Medea, et quae praerat beneficiis. Apollon. III, 500; Aen. IV, 511; Claud. XXXIII, 15. — *Perseidos*, quia Persae filia. Hesiodus Theog. 419. Quantomore venerata sit Medea Hecaten, vid. apud Euripidem Med. 395 sqq. — *secreta silva*, circumlocutio luci, et vs. 95, *lucis* vocatur. Non igitur erat, cur Eurymachus secreta in sacra mutari vellet. Hoc ipsum nemo descripserunt Orphus 909 sqq., Noster Heroid. XII, 67.

76. *fortis*, confirmato adversus amorem animo. — *fortis*, scilicet Medea; Codex Regius A, *Et iam fortis erat*,

scilicet ardor; sed melior altera lectio. LEM. — *revixit*; flamma eleganter dicitur vivere, mori et reviviscere; vid. Heinsius. — *recaudit*. Recoluit et rubore suffusus est totum os. Amat Ovidius h. v. Vnus Giofani, *excaudit*; Francius volebat *incanduit*. Regii nostri, *recaudat*. — Medea apud Orph. 879 sqq., plus etiam facit: cum impetu irruens amplectitur Iasonem et osculatur etc.; sed Noster magis decorum servavit. Apollon. III, 963 *Συμὸν δὲ παρ' ἰδὲς ἄλλαν ἔπεσθε*.

79. *alimenta ignis adsumit*; sumit, a liquidis, h. l. a ventis; excutitur, id quod mox agitur. Similitudo a scintilla petita legitur apud Apollon. III, 291 sqq. — *inducta*; Lactant. Opif. 18, 4, *Latet ignis obducto cinere sopitus*.

82. *lentus* de affectibus frigidis et remissis. Heroid. XV, 169: *Amor tetigit lentissima Pyrrhae Pectora. Amor. l. 8, 76: Neve lentescat serpo repulus amor.* — *Et videt* etc. Heinsius reiecit hanc versum, ut otiosum.

Vt vidit iuvenem, specie praesentis inarsit.
 Et casu, solito formosior Arsone natus
 Illa luce fuit: posses ignoscere amanti. 85
 Spectat; et in vultu, veluti tum denique viso,
 Lumina fixa tenet; nec se mortalia deinceps
 Ora videre putat; nec se declinat ab illo.
 Vt vero coepitque loqui, dextramque prehendit
 Hospes, et auxilium submissa voce rogavit; 90
 Promisitque torum; lacrymis ait illa profusis:
 « Quid faciam video; nec me ignorantia veri
 Decipiet, sed amor: servabere munere nostro;
 Servatus promissa dato. » Per sacra triformis
 Ille Deae, lucoque foret quod numen in illo, 95
 Perque patrem soceri cernentem cuncta futuri,
 Eventusque suos, et tanta pericula iurat.

At Ovidius non solet in similitudinibus apodosis supprimere. Lenzio etiam vs. 82 spurius videbatur, quia de reviviscente amore iam supra vs. 77 dictum, putatque Nostrum plures interdum versus apposuisse, ut, si quando retractaret opus, meliores eligeret. Idem et censet, praesentis post vidit otiosum esse. Insuo urgetur notio primaria. — Codices nostri Regii nihil mutant nec omittunt. — specie, pulchritudine.

84. solito formosior) Multi, subito, quod non displicet Heinsio. — Regii nostri, solito. — Illa luce; illo die. De vi illius pulchritudinis in animo Medae conf. Apollon. III, 443 seqq. Nec video, cur Burmanno locutio amor specie, decore et pulchritudine, praesentis inarsit, parum latina visa sit, quum Quintil. Inst. Or. XI, 3, 2, dixerit, *Affectus, si languescant, voce, vultu etc. inarlescere.*

88. nec se declinat ab illo; nec oculos suos ab illo avertit spectando. LEM.

89. *Et vero coepit etc.*) Conf. VIII, 31 seqq. — *submissa voce*, tenuis et exilis, qua utuntur amatores verecundi, cum pudore et reverentia amorem fatentes. Ita *submisso sono* loqui, apud Tibullum III, 1, 22; sic infra XI, 187, *voce parva*. Vir doctus in Miscel. Observ. vol. II, tom. 1, pag. 36, blandum interpretatur; Burmannus et Lenzius, supplicem. — *verum*, rectum.

94. *triformis Dea*; Hecate τριπρόσσωτος, τριπύργος, τριστοχάριτος, *tergemina etc.*; vel quia triplex caput, equi, canis, leonis habebat: Orpheus Arg. 974; vel quia in trivitis colebatur statuis tricipitibus: Nost. Fast. I, 141. In coelo, in terra, apud inferos versabatur, eademque erat et Luna, et Diana et Proserpina: vid. Gerda ad Virgilium Aen. IV, 511. — *pater Aectae* fuit Sol, *cuncta cernens*. Solec autem *Per* ita repeli ab Ovidio, vid. Burmannus ad Art. Amat. I, 96. — *cernentem*, Basileensis unus et Palati

Creditus, accepit cantatas prolinus herbas,
Edidicitque usum; laetusque in castra recessit.

Postera depulerat stellas Aurora micantes: 100
Conveniunt populi sacrum Mavortis in arvom;
Consistuntque iugis: medio rex ipse resedit
Aginine purpureus, sceptroque insignis eburno.
Ecce adamanteis vulcanum naribus efflant
Aeripedes tauri; tactaeque vaporibus herbae 105
Ardent: utque solent pleni resonare camini,
Aut ubi terrena silices fornace soluti

na, *servantem*, quod valde placeret Burmanno, nisi his idem verbum praecessisset. Regii nostri, *cernentem*.

98. *Creditus*; fides ei habita. — *cantatas*, incantatas, fascinatas. Medea incantatrix et venefica insignis; et Colchis venenorum praesentissimorum ferax. Apud Pindar. P. IV, 392 sqq.; Apollon. III, 1041 sqq.; et Apollodorum, dicto loco, dat *πάρμα-τον*, quo Iason se et arma sua innatgat. Multo operosius res agitur Orph. 955 sqq. — *castra*, pro *tecta*, recepit Burmannus ex Lovanicensi. Regii nostri dant *tecta*. *Castra*; locus, ubi consederunt Argonautae, et ubi in statione navis. Apud Apollonium III, 1147, Iason τις ἱερὸς καὶ νῆα καὶ χάρμης ὄρεο μέσσηι.

100. *Postera depulerat* etc.) Conf. Apollon. II, 230 sqq.; 409 sqq.; III, 1268 sqq. Illic consensus spectantium, terribilis taurorum natura, Iasonis pugna bene et ordine describuntur. — *populi*, incolae. — *iugis*, nempe Caucasii, quibus illud arvom, ager, includebatur: Apollon. d. I. — *resedit* melius est, quam aliorum sedebat, ut actus residendi commemoraretur; quod bene respondet verbis *conveniunt* et *consistunt*. Itaque in versu se-

quenti, *innisus*, quod nonnulli habent pro *insignis*, verum esse non potest; sed *insignis* bene convenit τῷ *purpureus*, id est, purpurea veste ornatus, ut VIII, 33.

104. *Ecce adamanteis* etc.) Primus laborum numerus. Conf. Apollon. III, 1298 sqq. Erant duo tauri χαλκίποδες, στόματι φλόγα φερόμεναι. — *Aes* robur pedum significat, πυρρὸς iam dicti Antimacho. Inde et habebant χαλκας στόματα, Nostro *adamanteas*, ferreas, *naves*. — *vapores*, ignes. Claudiano 28, 346, sunt ignes fulminis, quibus ferrum dissolvitur.

106. *Ardent*) Heinsius malit *Arent*. — Par erat vehementiam vaporum similitudinibus illustrare. Prior probanda est, non item posterior; *silices* enim adspersione aquae stridorem edunt, alienum illum a faucibus taurorum. Apollonius, dicto loco, eos cum foliis comparat ignem cum strepitu excitantibus. — *pleni*; nempe flammatarum. — *terrena*. Burmannus coniecturat *Tyrrhena*; quum enim in Etruria multae fuerint signiliae, veri non esse dissimile et calcem ibi esse coctam. Regii nostri habent *terrena*, sed per compendium. *Terrena*, ex lateribus coctis constructa. *Silex*,

Concipiunt ignem liquidarum adspergine aquarum:
 Pectora sic intus clausas volventia flammæ,
 Gutturæque usta sonant: tamen illis Aesone natus 110
 Obvius it: vertere truces venientis ad ora
 Terribiles vultus, præfixæque cornua ferro;
 Pulveremque solum pede pulsavere bisulco;
 Fumicisque locum mugitibus implevere.
 Dirigere metu Minyæ: subit ille; nec ignes 115
 Sensit anhelatos; tantum medicamina possunt!
 Pendulaque audaci mulcet palearia dextra:
 Suppositosque iugo pondus grave cogit aratri
 Ducere, et insuetum ferro proscindere campum.
 Mirantur Colchi; Minyæ clamoribus implent, 120
 Adiiciuntque animos: galea tum sumit athena
 Vipereos dentes; et aratos spargit in agros.

calx cocta, quæ ubi arsit in fornace, æquis accenditur: Plin. XXXVI, 23. — *soluti*, mites facti. — *volvere* exquisitos, quam vomere. Illud eodem simul volumina exprimit et globos flammarum ex ore prodeuntium. Tibullus III, 4, 86, *flammam volvens ore Chi-mæra fero*. — *usta*, ædentia.

112. *præfixa ferro*, præfixo ferro, omnino ferrea. — *Pulveremque etc.* pulsaverunt solum sic, ut pulvis spargeretur, more taurorum pugnantium. Senec. Ira I: *Cornua iactantur in vacuum et arena pulsu pedum spargitur*.

114. *Fumifera*, fumum efficientibus. LEM. — *implevere*; spoudæo in quinta versus sede usus est poëta, ut boum mugitus redderetur. LEM.

115. *subit ille; nec ignes* Codex Regius A, *subito ille nec illos*. Codex B, *subito ille nec ullos*. Lectio *illos*, tanros, non videtur mihi genuina, quamvis *ignes* forte ab emendatione recentiorum proficiatur. LEM. — *medicamina*, herbarum incautæ, ve-

nera, φάρμακα. Inde φαρμακεία, incantatrices, et φαρμακεία, incantare. Noster Heroid. XII, 15, *Isset anhelatos non præmedicatus in ignes*. — *De palearibus*, vid. ad II, 854. — *De iugo*, vid. ad II, 109, uode apparet, tauros recte dici *supponi* iugo. — *pondus etc.* Apollon. III, 232, *στειλάσαι ἀδάμαντος ἀντράν*. — *insuetus*, quia Marti sacer, vs. 101, quem adeo aratro proscindere nefas.

120. *clamoribus implent*, nempe laudem de repetitis clamoribus hortantium accipiendum. Sic excitati dicuntur *pleni hortantium vocibus*. In se autem implere vim hortandi habere, quod Hrinsius putabat, non credo, et in locis ab ipso congestis additur *hortatibus, animis etc.* — *Pro implent*, vulgo *augent*.

122. *Vipereos dentes* Partem dentium serpentis illius, quem Cadmus interfecerat (III, sub. 1), Aetææ dederat Minerva. Apollon. III, 1175; Apollod. d. I; Tzetzi in Lycophr. pag.

Semina mollit humus, valido praetincta veneno;
 Et crescunt, fiuntque sati nova corpora dentes.
 Utque hominis speciem māterna sumit in alvo, 125
 Perque suos intus numeros componitur infans;
 Nec nisi maturus communes exit in auras:
 Sic ubi visceribus gravidæ telluris imago
 Effecta est hominis, foeto consurgit in arvo;
 Quodque magis mirum, simul edita concutit arma. 130
 Quos ubi viderunt praeacutæ cuspidis hastas
 In caput Haemonii invenis torquere paratos;
 Demisere metu vultumque animuinque Pelasgi.
 Ipsa quoque extimuit, quæ tutum fecerat illum:
 Utque peti iuvenem tot vidit ab hostibus unum, 135
 Palluit; et subito sine sanguine frigida sedit.
 Neve parum valeant a se data gramina, carmen
 Auxiliare canit, secrelasque advocat artes.

36. — *praetincta* dediit Constans. Fan-
 alim edebatur *praetincta*. In uno Re-
 gio et Gronoviano, *praetincta*. —
 Regii nostri habent *praetincta*; *praet-*
incta ferri non potest. LEM. — *prae-*
tincta, infecta, habentia venenum. De
 salis his hominibus Virgil. Georg. II,
 142, ornatus: *galeis densisque virum*
aegea horruit hastis.

125. *Utque hominis speciem* etc.)
 Similitudo obvia I, 420. — *numeros*;
 vid. ad I, 428. — *componitur*, absol-
 vitur. — *maturus* IX, 282. — *com-*
munis; ut I, 135. — *viscera* saepe de
 terra, sed hoc loco cum vi, quia li-
 beri inter *viscera matris* concipi di-
 cuntur: Seneca ad Helv. 16. — *Ima-*
go hominis, homo. — *Effecta* dici,
 quæ quasi artificis manu perfecta sint
 et elaborata, tradit Burmannus: pas-
 sionem de structura membrorum corporis
 humani occurrit. — *foetus*, qui modo
 peperit, enixus est, ut *foeta vulpes*

Horat. III, Od. 27, 43 *foetæ capellæ*
 Virgil. Ecl. I, 50. — *consurgit*, ut
 planta, quæ *surgere* dicitur, quum
 enascitur. — *concutit*. Vid. ad I, 143.

131. *praeacutæ*) Hoc vocab. multis
 auctoritatibus confirmat Heinsius.
 Amat Noster Italia, ut *præfrigidus*,
prælustris, illustris, *præsignis*, in-
 signis. — *paratos*. Heinsius Medicei
 unius auctoritate expulit *parantes*;
 quod defendi tamen potest ex III,
 115. — Regii nostri habent *parantes*;
 nec lectio Heinsiana satis unius Co-
 dicis auctoritate defenditur. LEM. —
paratus ponitur de milite: vid. Grae-
 vius ad Cicer. Calil. III, 7. — *Demis-*
sere etc. Vid. ad II, 601: cf. Heroid.
 XII, 97. — *Pelasgi*, Minyse Thessali.
 LEM. — *Ipsa quoque*, Medea. LEM.
 tutum, inviolabile.

137. *gramina*; herbae. LEM. — *car-*
men, formula magica. Formulæ vim
 maximam tribuebant Veteres etiam

Ille, gravem medios silicem iaculatus in hostes,
 A se depulsum Martem convertit in ipsos. 140
 Terrigenae pereunt per mutua vulnera fratres;
 Civileque cadunt acie: gralantur Achivi;
 Victoremque tenent: avidisque amplexibus haerent.
 Tu quoque victorem complecti, barbara, velles;
 Obstitit incepto pudor: et complexa fuisses; 145
 Sed te, ne faceres, tenuit reverentia famae.
 Quod licet, adfectu tacito lactaris; agisque
 Carminibus grates, et Dīs auctoribus horum.

Pervigilem superest herbis sopire draconem,
 Qui crista linguisque tribus praesignis, et uncis 150
 Dentibus horrendus, custos erat arietis aurei,

in sanandis hominibus; Homerus Od. T, 457; Pindarus Pyth. III, 89. — *advocat bene* se habet, et convenit *ὑπ' auxiliare*; est enim in auxilium vocare.

139. *Ille* etc.) Coniectum ab Inasone in vulgus seditionis semen innuitur, unde mutuo inter se civileque bello interierunt, ut libro III, versu 118. LEMAINÉ.

143. *Victoremque tenent* etc.) Advolant et redeuntem amplectuntur. — *De tenere*, vid. ad vs. 66. — *pudor*, quo verebatur virgo virum complecti; sed hunc pudorem vicisset, nisi reverentia fuisse eam tenuisset, retinisset. Sic nihil hic otiosum. Non igitur erat, car Heinsius vs. 145 spurium indicaret; Lenzius vero eum cum sequenti in unum conflari vellet, ut verba et *complexa fuisses*; *Sed te, ne faceres* ex glossa illata essent. — Ili duo vs. 145 et 146 aliter ordinantur in nostris Codicibus: *Sed te, ne faceres, tenuit reverentia famae*; *Obstitit incepto pudor, ut complexa fuisses*. Et pro ne, quod post se trahit verbum

obstare, contra leges sermonis videtur: nihilominus haec lectio mihi aridet, et sic interpungo: *Obstitit incepto pudor: ut complexa fuisses!* Hinc vitium syntaxis obest; et haec ita gallice interpretari possunt; *la pudeur s'a arrêtée; sans cela, comme tu l'eusses embrassé*. LEM. — *agis Carminibus grates*, agnosci debet hoc carminibus.

149. *Pervigilem* etc.) Tertius numerus laboris, vellus aureum in luo Martis ex arbore suspensum et a dracone servatum: Apollon. IV, 109 sqq., 162-166. — *draco* describitur ab Orpheo 926 sqq. Heroid. XII, 101. — *Erat ἀγυρὸς ἄρτου, pervigil*. — *De linguis tribus*, vide ad III, 34. — *arietis aurei* dedit Heinsius unius MS. ducta pro *arboris aureae*, quod ei durum videbatur de arbore vellus aureum ferente. Sed in *arieto aureo* metonymia non lenior. Suspensum autem vellus e sacra fago ita, ut speciem arietis ramo insidentis praebere. Orph. 934; ibique Gesnerus. — *Codices nostri Regii dant arboris aureae*

OVID. Op. Tom. III

E e

Hunc postquam sparsit Lethaei gramine succi;
 Verbaque ter dixit placidos facientia somnos,
 Quae mare turbatum, quae concita flumina sistant;
 Somnus in ignotos oculos advenit; et auro

55

quin immo in Codice A ea est glossa a recentiore manu: *hi versus*, 150 et 151, *superabundabant*; et in Codice B, i. *aurei velleris pendentes in arbore*. Non praetulerim lectionem Codicum nostrorum; nescio enim an recte dicatur arbor aurea, quae aureum velus ferat. LEM.

152. *Lethaeus*; habens vim soporificam, ut *lethaea papavera* Virg. Georg. IV, 545. Apud Orph. 1002, ipse Orpheus somnum advocat, veniens sopiat vius draconis. — *Quae concita etc.* ex Apollon. III, 530: *πάροικα, τοῖς καὶ ποταμούς ἐστρεψεν ἀπὸρ κίλαδ' ἐνὶ πόντοισι*. Cf. infra vs. 199.

155. *ignotos*; quos somnus nunquam oppresserat. Seneca Med. 472: *somno lumina ignoto dare*. Somnus eleganter dicitur *reperere*, *obrepere*, *subrepere*, *irrepere*; vid. Heinsius: sed non minus eleganter *venire*, *abire*, *redire*; vid. Burmannus. Male igitur Heinsius contra MSS. auctoritatem dedit *subrepat*, pro *advenit*, pro quo alii MSS. tantum, *ubi venit*, nunc aut *huic*, aut *sibi venit*. — Regii nostri habent *ubi venit*: quae lectio praestantior videtur. LEM. — *auro*. Hic nequaquam non ferre docti Farnabii diatriben ad hunc locum. « *Auro*; aureo vellere: sed quid illud? Vtrumne aries vere aureo vellere insignis ex Mercurii contactu? at volunt Orpheus, Apollonius, Catullus, cuiusmodi a Simonide vocantur purpurea aut candida. I. Tzet. *Ἰπθόατα χρυσόγρσα πέποντα τὴν ἰρίαν*. An nativo insignia rutilo, qualia habet Iberis? quippe ibi talento singulos emi arietes sic τὰς

ἀργύρας refert Strabo lib. III, Spart. in vita Diadumeni, inter imperii adipiscendi omina, recuset in agro patris eius oves purpureas natas. Vide quae nos ad Thyesten Senecae versu 212, de arcano Tantalidarum arieto et sceptro aurato. An forte phiala erat aurea, cuius in medio prominebat caper, aut agnus aureus? ut habet Athenaeus lib. VI, 4. An opulentia Seytharum, apud quos surifodinae; nec non ramenta auri fluminibus devecta, et ab iueolis excerpta tabulis perforatis et velleribus transverso flumine suspensis, Phryxo prius, deinde Iasoni expeditionis causam, poetis fabulandi argumentum dederunt? An utique templum erat a Phryxo, qui Chalciopen regis Colchiae filiam duxerat, conditum, auroque quod ex Graecia secum abstulerat, aliisque *ἀναθήμασι* ditatum, ad quod vel repetendum, vel etiam praedandum navigarunt Argonautae? spoliatum id a Pharnace prius, deinde a Mithridate Pergameno tradit Strabo lib. XI. An denique liber membranaceus ex arietum pellibus contextus, auri per chymiam conficiendi artem continens? ut inter alios, in *δῖφας* Suidas. De aureis malis τὰς μέλους, vid. lib. IV, 638. Qui ad mores fabulam referunt, Iasonem volunt a Chirone educatum, doctumque *ἱερῶν*, artem nedeudi sanandi, tum mentis, tum corporis morbos accepisse. Medae itaque, id est *μῦθας*, consilii ope violentorum affectuum tauros, iniuriarum, fraudis, avaritiae, libidinis, aliorumque vitiorum serpentes domuisse. » LEM.

Heros Aesonius politur; spolioque superbus,
Muneris auctorem secum, spolia altera, portans,
Victor Iolciacos tetigit cum coniuge portus.

II. Haemoniae matres pro gnatis dona receptis,
Grandaevique ferunt patres; congestaque flamma 160
Tura liquefiunt, inductaque cornibus aurum
Victima vota cadit: sed abest gratantibus Aeson,
Iam propior leto, fessusque senilibus annis.
Tum sic Aesonides: « O cui debere salutem
Confiteor, coniux, quanquam mihi cuncta dedisti, 165
Excessitque fidem meritorum summa tuorum;
Si tamen hoc possunt: quid enim non carmina possint?

156. *Heros Aesonius*; Iason *Aesonides*. — *Muneris auctorem*; Medeam, alterum spoliū, quae auctor et causa fuit, ut Iason vellere aureo potiretur. LEM.

158. *Iolciacos*; Thessalicos; Iolcos enim urbs Thessaliae, Iasonis patria. Eam intrasse Iasonem reducem discrete tradunt poetae, Euripides *Med.* 484; Hygin. *fab.* 24; Hesiodus *Theog.* 997, 11; Ἰωλκῶν ἀρχαῖοι — ἐπὶ νεῶ; ἄγων ἐλκεῶπιδα κόρησιν.

159-294. *Aeson ex aene in iuvenem*. Fabulam narraverat Auctor carminis Νόστοι unde duas versus servavit Schol. Aristoph. ad *Eq.* 1318. Secundum Phercydem et Simonideum Medea ipsum Iasonem reddidit iuvenem. De his, quae Medea in Thessalia fecit, vid. Baettiger in *Expf.* vasorum pictorum. Palaeophatus cap. 44, putat, Medeam invenisse et succum quemdam, quo cuni redderentur nigri (de quibus χρύμασι πολυῶν, vid. Casaub. ad Theophr. II) et sudationem, sive fomentationem, quae dicta fuerit παρὰφρεσι, concoctio, atque ea in re cum usu esse alienis, liquis et

igne. — *dona, donaria, ἀναθήματα*. — *ferunt*, nempe templis. Pro felici filiorum, amicorumve reditu victimae et roveri et mactari solebant. — *congesta* multitudinis notionem involvit, constipata, in altum exstructa. — *liquefiunt*, incenduntur. Ita *liquefere* Horat. I, Sat. 5, 99. Simillimus est locus VIII, 265 sqq.; nam ibi quoque haec tria, victimae, thus, donaria commemorantur. Confer etiam *Heroid.* I, 25: *Argolici rediere duces: altaria fumant: Ponitur ad patrios barbarū praeda Deos. Grati ferunt Nymphae (nuptae) pro salvis dona maritis.* — *inductaque cornibus aurum*. Sic nostri Regii et meliores; quidam *induta*. Hostiarum maiorum in sacris currua inaurare moris erat: cf. *Hom. Odys.* I, 384; Bronkhusius ad *Tibulum* I, 15. — *Victima vota cadit*. Regii nostri habent perperam *Victima vota facit*. — *cadere* verbum proprium de victimis mactatis: vido Heinsium; conf. *Heroid.* VI, 73 sqq. — *gratantibus* Ciofavius male explicat, Iasoni felici m reditum gratulationibus. — *Gratari* nunc, Diis gratias agere pro felici reditu. Inde *gratula-*

Deme meis annis; et demtos adde parenti. »
 Nec tenuit lacrymas: mola est pietate rogantis;
 Dissimilemque animum subiit Aeëta relictus. 174
 Non tamen adfectus tales confessa, « Quod, inquit,
 Excidit ore pio, coniux, scelus? ergo ego cuiquam
 Posse tuæ videar spatium transcribere vitæ?
 Non sinat hoc Hecate; nec tu petis æqua; sed isto,
 Quod petis, experiar maius dare munus, Iason. 175
 Arte mea soceri longum tentabimus ævum,
 Non annis revocare tuis, modo Diva triformis
 Adiuvet; et præsens ingentibus adnuat ausis. »
 Tres aberant noctes, ut cornua tota coirent,

tiones, dies festi, de re larta. — *fessus*, fractus, debilitatus.

168. *Deme meis annis* — parenti; quidam, *meos annos*; unde Heinsius coniecit *meis annos* — *pateruis*. Regii nostri nihil mutant.

170. *Dissimilemque animum*; rediit Medæe in *animum*, Iasonis pietati *dissimilem*, Aeetes pater, erga quem *relictum* satis impia fuerat. Sic omnia plana; nec erat, cur Burmannus snaderet *difficilem*, id est, durum, inexcusablem. — *subiit Aeëta relictus*. Regii nostri Codices, *subiit pater Etæa relictus*: rectius certe *Etæa*, sive *Actæa*, per contractionem. LEM.

171. *tales adfectus*, animum pietate Iasonis commotum, non *confessa*, nec vultu prodidit, nec verbis, sed potius obiurgavit Iasonem. Itaque non magno pro me placet pio, quod pro tuo ex Neapolitano, Vrbinate, Berneggeriano, et aliis quibusdam induxit Heinsius. — Regii nostri habent *ore tuo*; et opinio cl. Gierig facile adhaere. LEM. — *ergo cum indignatione effrendum*. — *spatium transcribere vitæ*, numerum annorum tuorum tibi dectum alteri addere. Est

autem *transcribere verbum* foeneratorium, qui pecunias aliis creditoribus *transcribunt*.

174. *Non sinat hoc*; *averruncandi* formula. — *Quod petis, experiar maius* etc. O Iason, tu munus a me petis de patris ætate renovanda; conabor dare maius quam petis: nam illum ad iuventutem traducam; et de tuis annis qui restant nihil decerpam. LEM.

177. *Diva triformis*; Hecate veneficiorum carminumque auctor. LEM. — *præsens*, propitia. LEM.

179. *Tres aberant noctes*; sequitur locus classicus de arte magica, de qua multi poëtae latini, genium suae ætatis sequenti: Horatius Epod. V, 17; Sat. I, 8; Virg. Ecl. VIII, Aen. IV, 504 sqq.; Lucanus VI, 402; Noster Fast. V, 429: ad quae loca interpretes istas teratologias satis illustrarunt. Confer etiam Apollon. III, 1028. Noster in primis imitatus est locum ex Aeneide. Summa autem erat artis magicae auctoritas: Plinius XXX, 1. Nata erat ex medicina; hinc herbae, carnes animalium, et carmina, quibus et ipsi vim sanandi

Efficerentque orbem: postquam plenissima fulsit 180
 Et solida terras spectavit imagine Luna;
 Egreditur tectis, vestes induta recinctas,
 Nuda pedem, nudos humeris infusa capillos;
 Fertque vagos mediae per muta silentia noctis
 Incomitata gradus: homines, volucresque ferasque 185
 Solverat alta quies; nullo cum murmure sepes,

inesse credebat superstitionis multitudine, adhibebantur. Addebantur religionis vires, hinc ritus illi divini. — Ad Lunam, eamque plenam, exerceri solebant illae artes, quibus Hecate, quae eadem et Luna, praeerat. — eoque, iungi, quod vers. 530 legitur. Sed cogi sic X, 495. — tota, in totum, ex tota. — *imago solida*, orbis plenus. *Solidum*, cui nihil deest: cumulat verba, et idem quater dicit.

182. *vestes induta recinctas*) Heinsius conjecit *adducta recinctas*, vel *inincta reductas*. — Codex Regius A, *vestes induta relictas*, et supra vocem *induta*, ab eadem manu exorta; vulgata mihi videtur emendatio recentiorum. LXX. — *recinctas*, soluta zona; apud Horatium I, Sat. 8, 24, currit *succincta* quo expeditior esset. *Expedita Sagana* est, Horat. Epod. V, 25. — *Nuda pedem*. Nonnulli, *pedes*; et mox *nudis humeris*, sed *nudi capilli* etiam IV, 261. Regii nostri, *Nuda pedem, nudos*. Virgil. Aeneid. IV, 518: *Primum exuta pedem vinculis, in veste recincta*, ubi Heynius notat, eum habitum expressum esse in signis Veterum, etiam in vasis Etruscis; sed Fast. d. I. *habent gemini vincula nulla pedes*. Horat. I, Sat. 8, 24, currit *pedibus nudis postoque capillo*. — *de mutis silentiis*, vide ad IV, 433.

185. *homines, volucres etc.*) Magae noctis artes suas exercebant. Hor.

notatur a poetis, et ab omnibus eodem modo nox describi solet, a quiete volucrum, ferarum, etc. Noster respexit Aen. IV, 522 sqq., ubi et haec: *silvae quierant*; — *Quam ta et omnis ager, pecudes pictaeque volucres*, etc. — *quies*, somnus, frequenter dicitur artus, oculos, etc. antea intentos et occupatos, *solvere*, id est, remittere, relaxare. Hinc ὕπνις λύσις μολῆς apud Homerum. Occurrit etiam *solvi in somnum*, ut paulo post. — *nullo cum murmure sepes*. Olim vulgata habebat *nullo cum murmure serpens*, *Sopitis similes nullo cum murmure sepes*, *Immotaeque*, etc. Quies recte quidem *serpere* dicitur, quando latenter membra infunditur; sed quo iure additur *nullo cum murmure*? Tum repetitio eorumdem verborum, versus sequenti molestissima est. Itaque Naugerius, Scaliger et Heinsius viderunt, legendum esse, *sepes*, *Immotaeque*, mediis exclusis, quae etiam absunt a MSS. quibusdam. — Codex Regius A ita habet: *nullo cum murmure serpens*, *Sopitis similis*, *nullo cum murmure serpit*. Codex B, *nullo cum murmure sepes*, *Sopitis similis*, *nullo cum murmure serpens*: sed poetae ipsius elegantia reiecit ineptam iterationem; nihil hic de serpente, sed de nocte, quam Noster exprimere voluit ad illud Virgilii Aeneid. II, 268: *Tempus erat quam prima quies mortalibus aegris Incipit, et Divum*

Immotaeque silent frondes; silet humidus aër :
 Sidera sola micant : ad quae sua brachia tendens ,
 Ter se convertit ; ter suntis flumine crinem
 Irroravit aquis ; ternis ululatibus ora 190
 Solvit : et in dura submisso poplite terra ,
 « Nox , ait , arcanis fidissima ; quaeque diurnis
 Aurea cum Luna succeditis ignibus , astra ,
 Tuque triceps Hecate , quae coeplis conscia nostris ,
 Adiutrixque venis , cantusque artesque magarum , 195
 Quaeque magas , Tellus , pollentibus instruis herbis ,
 Auraeque , et venti , montesque , amnesque lacusque ,
 Dique omnes nemorum , Dique omnes noctis adeste :
 Quorum ope , quum volui , ripis mirantibus , amnes
 In fontes rediere suos ; concussaue sisto , 200
 Stantia concutio cantu freta ; nubila pello ,
 Nubilaque induco ; ventos abigoque vocoque ;

dono gratissima serpit, LEM. — *Immotae*, non agitatae ventis.

188. *ad quae sua brachia tendens* ; notus mos manus porrigendi ad eos Deos , quos adorabant ; quod quum faciebant , simul in orbem *se convertebant* : vid. Dacier ad Horatium III, Od. 26 , 5. — *ululatus et ululare* de magis etiam , XIV , 405 ; et apud Horatium Sat. I , 8 , 25 ; Virgil. Georg. I , 486. Idem Aeneid. IV , 510 : *Tercentum trant ore Deos*, *Ternatus numerus* Inferis sacer. — *flumine suntis*. Ea aqua vim purgandi habebat. Sed Horat. Ep. 5 , 26 ; Virgil. Aeneid. IV , 512 , *Avernalis aqua* inhibetur.

193. *Aurea cum Luna etc.*) Qui hic invocantur , *magici Dii* dicuntur , Tibull. I , 2 , 64. — *Luna et Hecate* eadem Dea ; sed alias vires huius nominis declarabat Hecates nomen , alias Lunae. Hinc et *Hecate* atque *Diina* sic iunguntur a Virgilio , et Horatio.

— *triceps*, τριπικαλος, cui caput dextrum equinum, sinistrum caninum, medium humanum, vel suillum: vide Floridi *subsiciva* lib. III, cap. 2. LEM. — *cantusque artesque*; hinc incantatrix apud Sophoclem Trach. 1009: ἀντὶς καὶ χυμότηχης. — *pollentibus*. Vide IV , 49 , et not. ad I , 521. Vt *cantus et artes*, sic mox *montes*, qui, ut *amnia* ripae, herbas suppeditabant, 224-231, invocant.

199. *mirantibus*; sine causa Francias malebat *arentibus*. — Eadem apud Horatium Ep. V , 45 sqq.; Aen. IV , 487. In primis Noster Tibul. acquiescit: *Hanc* (sagam) ego de coelo ducentem sidera vidi. *Fluminis haec rapidi carmine vertit iter. Haec cantu finditque solum, Maneque impuleris. Elicit, et tepido devocat ossa rogo, Quum libet, haec tristi depellit nubila coelo etc.* Conf. Propertius IV , 5 , 11 sqq. — *concussa*, commota, ut VI,

Vipereas rumpo verbis et carmine fauces;
 Vivaque saxa, sua convulsaque robora terra,
 Et silvas moveo; iubeoque tremiscere montes;
 Et mugire solum, manesque exire sepulcris:
 Te quoque, Luna, traho; quamvis Temesaea labores
 Aera tuos minuant: currus quoque carmine nostro
 Pallet avi; pallet nostris Aurora venenis.
 Vos mihi taurorum flammis hebetastis; et unco
 Haud patiens oneris collum pressistis aratro.
 Vos serpentigenis in se fera bella dedistis;
 Custodemque rudem somni sopistis; et aurum,

691. Conf. Heroid. VI, 83. — *stantia freta*; maria quiesca, nunquam enim stat mare. LEM.

203. *rumpo*, dirumpo. Amor. II, 1, 25, *carmine dissiliunt, abruptis faucibus, angues*; Virg. Ecl. VIII, 71, *Frigidus in pratis cantando rumpitur angus*; ubi vid. Heynius. Gesnerus *rumpere* in his locis explicabat, a nocendo cobibere; quod tunc magi facere solent etiam hodie in Aegypto, ut memini me legere in Nordii Itinerario. Atque ita Silius III, 301: *Ad quorum cantus serpens oblita veneni, Ad quorum tactum mites incuere cecelestae*. Qui id faciunt, eos Graeci *ἀποδοῖπας* et *ἐπισοῖπτας* appellabant. — *verbis*; duo, *herbis*: sed vide ad vs. 330. Regii nostri habent *verbis*.

204. *Viva*, illo ipso loco nata, nec unquam loco mota manibus hominum. Sic et *sua terra*, in qua robora, quercus, nata. — *manes* excitabant, ut responsa darent. Horatius I, Sat. 8, et Epod. 17.

207. *Te quoque, Luna etc.*) Vide ad IV, 332. — *traho*. Etiam *deducere* et *desipere* usitatum. — *Temesaea* primus e MSS. produxit Constant.

Fanens. vulgo edebatur *temerata*. — *Temesa*, urbs Bruttiorum, iam Homeri temporibus aeris foetinis clara. Homerus Od. A, 184; Strabo VI, p. 393. *Temesaea aera* etiam Fast. V, 441; Statius Silv. I, 47: sed Schirachius stat pro vulgata lectione *temerata*, quam saepe MSS. omnes agnoscunt, monetque, *temerari* dici *aera*, quum pulsantur, ne incantationes audiantur a Luna. *Temerare* enim esse omnino violare, polluere. Bene, sed non ideo etiam pulsare? — Non e MSS. omnibus venit lectio *Temesaea*; nam Codex Regius A habet *temerata*, et Codex B, tantum a secunda manu, *Temesaea*. LEM. — *Pallet avi*; *pallet*. Lectiones nostrorum Codicum placent parum; Codex A, *Pallent*, aut *pallet*; Codex B, *Pallent*, et *pallet*. LEM. — *avis* Medae erat Sol.

210. *hebetare flammis*, frangere vim flammarum, paulo audacius.

212. *serpentigenae*) Supra III, 531, Thebani *angoigenae*; et Fast. III, 865, eorum urbs *draconigena*, quae tria vocabula ab Ovidio signata videntur. — *fera bella*; quidam *nova bella*, quod non plane spernendum: *novum* enim passim, quod in 200 ge-

Vindice decepto, Graias misistis in urbes.
 Nunc opus est succis, per quos renovata senectus 215
 In florem redeat, primosque recolligat annos.
 Et dabitis; neque enim inicuerunt sidera frustra;
 Nec frustra volucrum tractus cervice draconum
 Currus adest. Aderat demissus ab aethere currus.

Quo simul adscendit, frenataque colla draconum 220
 Permulsit, manibusque leves agitavit habenas;
 Sublimis rapitur: sublataque Thessala Tempe
 Despicit, Oetaeis regionibus adplicat angues:
 Et quas Ossa tulit, quasque altus Pelion herbas,
 Othrysque, Pindusque, et Pindo maior Olympus, 225

nère singulare, inauditum. — *rulem somni*; expertem somni, pervigilem: de syntaxi vid. Heinsius. — Codices nostri habent *rubrum somno*; inde glossa Codicis A, i. *tragonem rubrum*. Is Codex mihi videtur in Germania scriptus propter rō *tragonem*, pro *dragonem*. LEM. — *vindice decepto*, custode dracone. LEM.

217. *micantia sidera*, res ominosa. — *Currus serpentibus tractus*, et V, 642; VIII, 795. Medae currum avus mittit apud Euripidem Med. 1321: et infra 358, *Titaniae draconibus*, id est, a Titane, Sole, cuius Oetes filius, cum curru acceperat. *Serpentium* usus in magicis.

220. *Quo simul etc.* Medae iter. — *Permulsit*. Dracones enim, quibus dii hominesque velantur, placidi describuntur a poetis. Barth. ad Claudian. Rapt. I, 13. — *sublataque* Burmannus ex uno Gronoviano dedit, ut vs. 355, *sublata in aëre*. Caeteri tamen MSS. habent *subiectaque*, quod Burmannus posthabeat tanquam superfluum, quum *despicere* iam significet ex alto despectare sub-

lecta loca. Sed hoc est nihili: VIII, 573, *aequora prospiciens oculis subiecta*; et hoc ipso in libro, 779, *collis subiectis innuinet arvis*. Regii nostri habent *subiecta*. — *Thessalia*. Thessalia ferax herbarum venenatarum et abundans magis; Tibullus II, 4, 56: et in ea terra nunc erat Medea. — *Oetaeis; creteis* Heinsius explicat, cretosis, et addit, Thessaliam cretae fuisse feracissimam. Mira tamen certi cuiusdam loci descriptio. MSS. omnes praeter unum, unde Heinsius habet *creteis*, legunt *cretis*, quod interpretabantur vel secretis, vel visis, vel discretis. Recepi Burmanni conjecturam, *Oetaeis*; nam in Codice Rottendorphiano adscripta erat glossa, *Inti montes circumdant Thessaliam*. Lenzius suadet, *Crethai regionibus*, id est Thessaliam, quia *Cretheus* pater Aesonis. Ita vero ineptit poeta, despicit Thessaliam et versus Thessaliam flectit currum. Regii nostri Codices habent *cretis*. — *adplicat*. Hoc verbum nonnisi montibus convenit, quos illa iam petit; sumptum autem a nautis; III, 598.

Perspicit: et placita partim radice revellit;
 Partim succidit curvainine falcis ahenae.
 Multa quoque Apidani placuerunt gramina ripis,
 Multa quoque Amphrysi: nec eras immunis, Enipeu;
 Nec non Peneae, nec non Spercheides undae 230
 Contribuere aliquid, iuncosaque litora Boebes.
 Carpit et Euboica vivax Anthedone gramen,
 Nondum mutato vulgatum corpore Glauci.
 Et iam nona dies curru, pennisque draconum,
 Nonaque nox omnes lustrantem viderat agros; 235
 Quum rediit: nec erant tacti, nisi odore, dracones;
 Et tamen annosae pellem posuere senectae.
 Constitit adveniens citra limenque foresque;
 Et tantum coelo tegitur; refugitque viriles

226. *radices* non spernebantur a magis, vs. 264: Horat. Epod. V, 68. — *fulcem ahenam* iisdem tribuit etiam Virgilius Aen. lib. IV, 513: eamque a Sophocle habere videbatur Macrob. V, 19. Etiam vasis et armis *ahenis* utebantur in rebus magicis. Mox vs. 247, *Aenea carchesia*.

231. *Boebes* correxit Cod. *Regius*, quam *Phoebes* legeretur. *Boebe* oppidum et lacus inter Sepiadem et Penei ostia, Homer. Iliad. B, 711: vid. Is. Vossius ad Melam II, 3, 82. — *Anthedon*, urbs in litore Boeotiae e regione Euboiae. — *vivax* *Regius* interpretatur, quod vitam dat et conservat. Sic I, 419. Ex mytho antiquo nascebantur herbae, quibus vita conservari immortalitasque dari credebatur. Illud igitur gramen non venenatum quidem erat, ut *vivax*, inventati restituendae aptum. Possis et sic accipere, quod non facile marcescit, ut IV Fast. 394, quo eodem sensu Gesnerus, Claudian. X, 158, *immortales* Glauci *herbas* capit. Lenzio

videtur esse idem quam vivum, recens. — *Nondum vulgatum*, in vulgus nolum, *mutato corpore* additum, ut II, 219; VI, 418. Graminis huius et Glauci fabulam ipse narrat XIII, 925 sqq.

234. *Et iam nona dies*) Regii nostri dant *Nona dies etiam*, sive *et iam*, quod idem est, ut iam diximus. LEM. — *nona dies*; novem dies totidemque noctes in lustrandis, quae nominata sunt, locis consumpsit. Videtur autem novenarius ut ternarius numerus ad beneficium pertinere. LEM. — *pennis*. Vide ad vers. 350. — *tacti* vim maiorem veneni declarat quam *pasti*, quod e tribus MSS. Heinsio placet. Regii nostri dant *tacti*. — *tacti, nisi odore*. Ingeniose hoc finxit, ut vim maximam medicaminum declararet. — Et posita certis temporibus *pelle* solent serpentes quasi invlescere: Art. Amat. III, 77, *Anguis exuitur tenui cum pelle vetustas*.

238. *Constitit adveniens etc.*) *Sora* Medusae. *Citra*, ante, ut X, 84,

Contactus; statuitque aras e cespite binas, 240
 Dexteriore Hecates, at laeva parte Iuvenae.
 Quas ubi verbenis, silvaeque incinxit agresti;
 Haud procul egesta scrobibus tellure duabus
 Sacra facit; cultrosque in guttura velleris atrii
 Coniicit; et patulas perfundit sanguine fossas. 245
 Tum super invergens liquidi carchesia Bacchi,
 Aeneaque invergens tepidi carchesia lactis,
 Verba simul fundit, terrenaque numina poscit;
 Umbrarumque rogat rapta cum coniuge regem,
 Ne properent artus anima fraudare seniles. 250
 Quos ubi placavit precibusque, et murmure longo,
 Aesonis effoetum proferri corpus ad aras

de tempore. — *viriles contactus*. Ade-
 rant enim Inson cum ministris.

242. *silvaeque*) Vnus Stroziae, *ul-
 vaque*; inde Heinsius etiam *agresti* in
palustri vel *agrestri* montandum cen-
 sebat. — Regii nostri habent *silva*.
 — *silva agrestis*, frondes e silva agre-
 sti. Eiusmodi sertis coronari in su-
 cris magicis arae solebant. Virgilius
 Ecl. VIII, 64, ubi et de *verbena*; Aen.
 IV, 506. — *egesta*. MSS. fere omnes
electa, qualis varietas et X, 136. Sed
egerere aut *regerere* solet de humo
 dici. — Nostri Regii, *electa*; altera
 lectio videtur emendatio recentiorum.
 LEM. — *scrobibus pro aris* utebantur
 magae. Fovea in eam rem facta graeco
βόλπος, *λάκκος*; Homerus Od. A,
 25 sqq.; Orph. Arg. 948. Apud Ho-
 rat. I, Sat. 8, 26, Canidia unguibus
 effodit scrobem. Ibidem *palla agna*
 offertur, ut hoc loco, *vellus atrum*;
 magicis enim legibus atrae victimae
 constitutas erant. — *culter* quum adi-
 guntur, proprie dicitur *coniici*, ut mox
 vs. 338; XIII, 476; XV, 735.

246. *carchesium*, poculi genus ob-

longum et ansatum, quo utebantur in
 libationibus. Athen. XI, p. 474; Ma-
 crob. Sat. VII, 20. — *involvere pro*
vulgari infundere. — *Verba fundit*.
 De precibus inter sacra adhibitis idem
 verbum ponitur, quod de sacris ipsis.
 Vide ad IX, 159.

248. *terrena* pro infernis, subter-
 raneis, passim apud Nostrum. — *po-
 scit*. Heinsius coniicit *pascit*. Codex
 Regius A, *poscit*; Codex B, *lenit*. —
poscit, ciēt, evocat. — *Umbrarum re-
 gem*, Plutonem. — *rapta cum coniuge*,
 Proserpina a Plutone rapta. LEM.
 — *Ne properent*; ne anima senis in-
 tercipiatur, ne caput cui disturnio-
 rem vitae suae destinavit Medea,
 aut Orco damnet Plato, aut tondent
 Proserpina. LEM. — *fraudare*, pri-
 vare: rogat, ne id faciant interea,
 dum artes suas exercent.

251. *murmure*) Quattuor, *carmine*.
 Regii nostri, *murmure*. — *murmur*,
 carmen magarum. Nempe magae fe-
 ralia sua carmina immurmurabant.
 XIV, 58; *Ter novies carmen magico*
demurmurat ore. Sic et *stridor*, de

Iussit, et in plenos resolutum carmine somnos,
 Exanimi similem, stratis porrexit in herbis.
 Hinc procul Aesoniden, procul hinc iubet ire ministros;
 Et monet arcanis oculos remove profanos.
 Diffugiunt iussi: sparsis Medea capillis
 Bacchantum ritu flagrantem circuit aras;
 Multifidasque faces in fossa sanguinis atra
 Tinguunt; et intinctas geminis accendit in aris; 260
 Terque seneni flamma, ter aqua, ter sulfure lustrat.

Interea validum posito medicamen aheni
 Fervet, et exultat, spumisque tumentibus albet.
 Illic Haemonia radices valle resectas,
 Seminaque, floresque, et succos incoquit acres: 265
 Adiicit extremo lapides Orientem petitos,
 Et, quas Oceani refluxum mare lavit, arenas:
 Addit et exceptas Luna pernocte pruinas,
 Et strigis infames, ipsis cum carnibus, alas;
 Inque virum soliti vultus mutare ferinos 270

quo Broukhsius ad Tibul. I, 2, 47; et *fremor verborum*, Arnob. Adv. gent. I, p. 32. — *proferri*, quia iam *resolutus* (vide ad vs. 186); alioquin *produci* dixisset, quod habent nonnulli MSS. inter quos Regii nostri. — *plenos*, graves. — *in herbis*, quas locus ille ferebat. — *profani*, expertes artis magicæ, non initiati sacris illis.

259. *atra*) Ad fossam retulit, quod erat ad sanguinem referendum. Et vulgo *atri* scribitur. — *lustrat*, circumit senem circumferens flammam, etc. qui mos solennis in expiationibus. Inde Graecis *ἡγορῶν*.

262. *Interea validum* etc.) In carmine Νόστος multa *ἐσάρματα* coquit *ἐν ἡγορῶν* λέδων. — *posito aheni*, in aheni igni apposito. — *exul-*

tat. Vide ad VI, 645. — *valle*. Vnus, *salce*, ut infra 314, *Haemonio cultro*. — *succos miscere* aut *coquere* solenne et ipsum de veneficiis. Tibul. III, 5, 9. — *lapidum* quorundam usus et in medicina. Plin. Hist. Nat. XXXVI, 19. — *mare Oceani*, ut II, 872, *aequora ponti*.

268. *pernocte*, pro vulgata *de nocte* adscriptum Zulichemii Codici recepit Heinsius. Regii nostri habent *de nocte*. — *strix*, avis noctu volans, et cunis infantium insidians, quorum sanguinem exsugunt. Fast. VI, 139. — *infames*. Burmannus lectionem Codicis Leidensis *infirmes*, id est, foedas, implumes, elegantiores indicat. Regii nostri, *infames*. Infames non solum propter crudelitatem, sed et ideo, quod eius alae, ova et viscera

Ambigui prosecta lupi: nec defuit illic
 Squamea Cinyphii tenuis membrana chelydri;
 Vivacisque iecur cervi; quibus insuper addit
 Ora caputque novem cornicis secula passae.
 His et mille aliis postquam sine nomine rebus
 Propositum instruxit mortali barbara munus;

275

adhibebantur in arte magica: Horatius Epod. V, 20; Propertius III, 4, 29; Seneca Med. 735. Itaque striges vulgo habebantur pro veneficiis in tales aves mutatis, erantque in exsecrationibus et imprecationibus: Plinius, XI, 39.

271. *Ambigui*, sociem usque mutantis, ut II, 9. Putabat superstitio Veterum, nonnullos vicissim nunc homines esse, tunc in luporum formam transire. Vid. Broukhusius ad Propertium IV, 5, 14. Mallet quidem Burmannus *Ambiguum* ex uno MS. *ne lupi* oneretur duobus epithetis; sed et versa sequenti duo epitheta sunt, *squamea*, *tenuis*; duo autem epitheta saepe leguntur: XV, 229, *inanes fluidos pendere lacertos*; Tibul. III, 5, 22, *dura tertia regna*, ubi vid. Heynius. Glareanus *tenuis* ad *chelydri* refert, et rem sic expedit: non cuiuslibet *Cinyphii chelydri*, sed *tenuis*. — *prosecta*, extra: vid. Cellarius ad Lactantii Instit. IV, 27, 4. — *illic*. Codex Regius A, *illi*, scilicet Medesae; Codex B, *illis*, rebus antea memoratis. LAM. — *chelydros*, seu *hydros* e genere serpentium, foetore intolerabili est. Nicander Theriac. 411 sqq. — *Cinyphs*, Libyae fluvius, in sinum Syrticum se exonerans. — *vivacis cervi*, τετρακτορεύου; nam quater cornicis secula corvus: Ansonius, de natate animal. LAM. — *Fornicibus* autem istis feris vita longa transfertur in Aeternum. — *novem*

cornicis etc. Apud Hesiodum cornix vivit εννέα γυνίας ανδρών: ab Arato in Phaenomenis dicitur quoque εννέα χρονια ζομένην. Ita Nestor triseclisnexus. — *novem secula passae*; quae aetatem hominum oves superavit.

275. *sine nomine*, ignobiles, quorum nomen commemorare nil attinet. Arneid. IX, 343, *sine nomine plebem*. — MSS. omnes, *mortali*: sed quum in uno glossa addita esset, *id est, in mortario*, Heins. dedit *mortari*, quod et Barth. Advers. XXXI, 3, coniecerat, et approbat Burmannus. Verum *mortare* ne verbum quidem latinum est, quod ipse Heinsius fatetur; Latini enim dicunt, *mortarium*: Lenzius igitur coniungit *mortari*, *mortarii*, *munus*, ut sit poetico circumlocutio ipsius mortarii. Non placet. Quis enim putet, Medeam, illa medicamina iam in aeno cocta, nunc in mortarium intulisse, ibique instruxisse? Nec porro sequentia hoc patiuntur, ubi ramo omnia confundit; et mox *aenum* rursus discrete commemoratur, sicut bene notavit Schirachius. Denique vulgata lectio sensum habet non incommodum. Acro nunc *mortalis* dicitur, sive, ut Schirachius putabat, quia senex iam decrepitus et morti proximus erat; sive, quod ego malim, quia nihilominus *mortalis* murebat, etsi ei istis medicamentis iuventus redderetur. — *Propositum munus*; medicamentum autem illud parabat seni mulier *barbara*;

Arenti ramo iampridem mitis olivae
 Omnia confundit, summisque iminiscuit ima.
 Ecce vetus calido versatus stipes ahenō,
 Fit viridis primo; nec longo tempore frondem 280
 Induit; et subito gravidis oneratur olivis.
 At quacunque cavo spumas eiecit ahenō
 Ignis, et in terram guttae ceoidere calentes;
 Vernat humus: floresque, et mollia pabula surgunt.
 Quod simul ac vidit, stricto Medea recludit 285
 Ense senis iugulum; veteremque exire cruorem
 Passa, replet succis: quos postquam combibit Aeson,
 Aut ore acceptos, aut vulnere; barba, comaeque
 Canitie posita nigrum rapuere colorem:

quod invidiose additum puto. Itaque nec huic vocem tentari debebat. — *barbara Medea* etiam apud Horatium Ep. 5, 62; Heinsius tamen et Burmannus probant Daumii correctionem, pro *barbara* reponentis *marmore*, id est, in marmore mortarii; in mortario marmoreo.

277. *mitis*) Lenius interpretatur, quae ipm diu desiit fructus ferre. Ea vero notio voc. *mitis* quo iure inscribitur, non video. Num Ovidius *putris* scripsit? Rode omisit in versione. — *iminiscuit*; Genevensis, *remiscuit*, quod placet Burmanno, ut apud Horatium Art. Poët. 151, *veris falsa remiscet*. Regii nostri, *immiscuit*.

280. *frondem*) Regii nostri, *frondes*. — *Induit*. Basilensis, *invenit*, quod non damna Burmannus, quoniam invenire saepe de iis, quae subito et praeter expectationem eveniunt. *Induit* tamen eleganter: Virgilius Georg. I, 86: *nux se induit in florem*; et IV, 142, *ponus se arbor induerat*. Regii nostri quoque habent *induit*. —

gravidis; plenis succorum et tumida. Etiam *gravescere foetu* et *parturire* dicuntur fruges.

284. *Vernat* exquisitè, virescit, floribus et graminibus vestitur, ut solet fieri tempore verno. Trist. III, 12, 8, *aves vernantes*, lascivientes tempore verno. Propertius IV, 5, 57, *vernans invenis sanguis*.

285. Quod) Regii nostri, *quae*.

288. ore accipere succos vix poterat, iugulo recluso. — *barba, comaeque* etc. *Medea*, inquit Palaeophatus, herbam invenit quae capos capillos in nigros verteret: prima quoque invenit lavacrum calidum, cuius via medica vegetiores redderet homines et sanitati restitueret: compositioni illi *παύρησις* nomen, seu decocti, fabulae occasionem dedit. Diogenes, apud Stobaeum, refert Medeam invenisse rationem quam molles et inertes fortes et prudentes redderet. LEM. — *rapuere*, illico traxere. In carmine Nestor Medea Iasonem facit *ῥάπον ῥάπου*, ῥάπον ῥάπον ἀποῤῥαζον.

Pulsa fugit macies: abeunt pallorque situsque;
 Adiectoque cavæ supplentur sanguine venæ,
 Membraque luxuriant. Aeson miratur, et olim
 Ante quater denos hunc se reminiscitur annos.

390

III. Viderat ex alto tanti miracula monstri
 Liber: et admonitus iuvenes nutricibus annos
 Posse suis reddi, petit hoc Aetida munus.

295

IV. Neve doli cessent, odium cum coniuge falsum

290. *Pulsa fugit*, e copia poetica, ut paulo ante *combibit acceptos*. — *situs*, turpis corporis senio confecti habitus; etiam Aen. VII, 440, ubi tamen omnino mala senectutis. — *adiectoque*, Gronovian. *ad-rectoque*, quod non inelegans videtur Burm. — Regii nostri huic versum ita legunt: *Adiectoque cavæ supplentur corpore rugæ*; vide subsequens. LEX. — *supplentur*; ut IV, 140: sed iam ante dixerat venas repletas novo sanguine. Nescio igitur, an non praestet antiqua lectio, quæ plurimorum auctoritate nititur, *cavæ supplentur corpore rugæ*; namque corpus saepe de carne et pinguedine dicitur: confer supra I, 408; Claudian. II, Eutrop. 380, *abundans corporis*. Quod autem Burmannus putat, cavitatem melius convenire venis, quam rugis, id nihili est; quis enim dubitet, etiam *rugæ* dicere *cavæ*? — *luxuriare* eleganter de succulentis et vegetis membris. Virgil. Georg. III, 81, *luxuriat toris pectus*. — *et olim Ante quater denos*, significat Aesonem, ex decrepito senē in virum quadraginta annos natam, fuisse conversum: vel quem vigorem ante annos quadraginta habuerat, eum nunc, beneficio Medæ, recepit. LEX. — *hunc*, eum Planude dedit Naugerius; atque ita et primus Basileensis; cæteri,

nunc. Regii nostri, *nunc*. — *hunc*; talem, tam robustum. Post hunc versum plures habent illam: *Dissimilemque animum subit ætate relicta*, quem iam improbavit Constant. Fa-nens. Huc videtur translatus e vs. 170. — Qui versus *Dissimilemque* etc. a secunda manu in margine Codicis Regii A, in Codice autem B, a prima manu, scriptus fuit. LEX.

294-296. *Viderat ex alto* etc.) Liberi nutricibus iuventus redditur. Tractavit fabulam Aeschyl. in Bæchi nutricibus: confer Hygin. fab. 182. Eæ relatæ posthac inter sidera Hyades appellatæ sunt. — *monstrum*, transformatio, ut II, 367. — *miraculum*, omnis res mira: III, 673, *in quæ miracula verteris?* De nutricibus Bæchi, vid. III, 314. — *Petit hoc Aetida*; vulgo a *Colchide*; sed Hein-sius dedit *Aetida* ductu MSS. in quibus *Aethide* aut a *Thetide*. Verbis enim rogandi interdum geminis accusativus additur. Præterea Hein-sius coniicit *hos*, scilicet annos. — Nostris quoque Regiis, a *Colchide*. LEX.

297-349. *Neve doli* etc.) *Pelias*, rex Iolci, Læsonis patruus, cuius iussu Iason ad vellus aureum apportandum profectus erat. Filias eius Medea impulit, ut patrem necarent, quam promississet, se ei iuventutem reddituram, *arctæque in agnum m-*

Phasias adsimulat; Peliaeque ad limina supplex
 Confugit: atque illam, quoniam gravis ipse senecta,
 Excipiunt natae; quas tempore callida parvo 300
 Colchis amicitiae mendacis imagine cepit:
 Dumque refert, inter meritorum maxima, demtos
 Aesonis esse situs, atque hac in parte moratur;
 Spes est virginibus Pelia subiecta creatis,
 Arte suum parili revirescere posse parentem. 305
 Iamque petunt; pretiumque iubent sine fine pacisci.
 Illa brevi spatio silet; et dubitare videtur;

tato fidem promissis fecisset. Cum varietate aliqua et haec tradita sunt. Alios enim auctores Diodorus Siculus IV, 50-52, et Hygin. 24, sequenti auct; alios Pausanias VIII, 11, et Apollodorus I, 9, 27; exstabant olim et Euripidis Peliades. — E caeteris auctoribus apparet, simultatem intercessisse Iasoni cum Pelia, sed res varie traditur. — *cessent*, absint. — *odium* — *confugit*. Apollod. hoc unum habet, εἰς τὴν βασιλειᾶν τοῦ Πηλίου παρὰ θύσας. Simile tamen aliquid habet Pausanias: τὸ λόγῳ ἀπεχθονομένη τῷ ἱέσθαι. Apud Hyginum, se simulat Dianae sacerdotem. — *gravis senecta*; vs. 163, *sestus senilibus annis*. Lovaniensis habet *senectae*, quod non displicet Heinsio. — Codex Regius B habet *senecta*; in Codice A, *senecta* alia manu fuit repositum; nam tota pagina adeo pullida est ut vix legi queat. LEM. — *autarum* nomina, quae monente Pausania non tradita erant a poetis antiquis, varie exhibentur. Vid. Heynius ad Apollodorum. — *mendacis*. Codex Regius A, *fallacis*. — *imagine*, ut I, 754, *imago genitoris falsi*. — *cepit*. Cum Argentino Burmannus mallet *daxit*, quia *ducere* est blanditiis sensum suum facere ut VIII, 122; sed nunc additur

parvo tempore. Et *capere* etiam decipere notat: Her. XXI, 104: *Visaque simplicitas est mea posse capi*.

302. *inter meritorum etc.*) Noster id agit, ut Medesae *calliditatem*, de qua caeteri silent, ostendat. *Alerita* in Iasonem iactabat, ut doceret, quam iugratus ille esset. — *situs*; squalores et senium, ut 290. LEM. — *haec in parte*, meritorum. — *subiecta*, proposita. Lactantius Epil. XXX, 7: *omni studio subiacet finis*. Gronovius habet *sublata*, unde Heinsius dedit *subnata*. — *revirescere*. Multi ex vetustioribus, *iuvlescere*, quod aridet Heinsio. Regii nostri, *reviviscere*. — Silius Italicus XV, 134: *Pars credunt torvos patri reviviscere vultus*. Etenim *veriditas*, *χλωρόν*, de vigore iuvenili et virili.

306. *Iamque petunt etc.*) Hunc versum Heinsius sine causa spurium indicabit: non male enim cupiditatem Peliadum exprimit. Burmannus *Idque* (quod habent Regii nostri) ex uno Heinsii mutavit in *Iamque*, ut impotentia declararetur; iam enim idem quod, statim. — *pretium*, mercedem. — *sine fine*, infinitam, maximam, ἀπείριστον. Aen. I, 279: *imperium sine fine dedi*.

Suspenditque animos ficta gravitate rogantes.
 Mox ubi pollicita est, « Quo sit fiducia maior
 Muneris huius, ait; qui vestras maximus aevo est 3:0
 Dux gregis inter oves, agnus medicamine fiet. »
 Protinus innumeris effoetus laniger annis
 Attrahitur, flexo circum cava tempora cornu.
 Cuius ut Haemonio marcentia guttura cultro
 Fodit, et exiguo maculavit sanguine ferrum; 3:5
 Membra simul pecudis, validosque venefica succos
 Mergit in aere cavo: minuuntur corporis artus;
 Cornuaque exuitur, nec non cum cornibus annos;
 Et tener auditur medio balatus alieno.
 Nec mora; balatum mirantibus, exsilit agnus; 3:0
 Lascivitque fuga, lactantiaque ubera quaerit.
 Obstupere satae Pelia: promissaqua postquam
 Exhibuere fidem, tum vero impensius instant.
 Ter iuga Phoebeus equis, in Ibero gurgite mersis,

308. *Suspendit animos*, virgines dubias inter spem et metum relinquit. — *ficta gravitate*; simulata rei difficultate. LEM. — *gravitas* opponitur vultui fallaci. — *animos* — *rogantes*; audacior foras locutio; et praetulerim quam dant Codices nostri *animos* — *rogantium*. LEM.

309. *Quo sit fiducia maior*) Apollodorus, τοῦ πιστεύειν χάρις. — Arietis simulationem et caeteri memorant. Brevissime Apollodorus: πρὸς μάλιστα καὶ καὶ ἐπὶ τὰς ἐπὶ τὰς ἀρετὰς; id Noster bene exornavit.

312. *effoetus*, cuius vis procreandi exhausta, nunc omnino senex. — *innumeris* hyperbolice, multis. — *Attrahitur*, quippe tardus senectute. — *cava* omnino dicantur tempora hominum et bestiarum.

314. *marcentia* opponitur viridibus, vegetis. — *fodere guttura*, ut

Amor. III, 5, 24, *fodere pectora*, ubi vid. Burmannus. — *maculare*, ut foedare, solemne de sanguine profuso. — *exiguo*, quin effoeti non abundant sanguine. — *Membra simul* etc. Pausanias: τὰ πρὸς αὐτῷ ἐξομαχὸς ἐν λέξει ἤψιν.

318. *agnos*) Debebat dicere, et reliqua senectutis signa; sed ingeniose loqui voluit. — *tener*, qualis est et agni teneri.

320. *exsilit*) Bene. Etiam Hyginus, unde agnus pulcherrimus prosluisse visus est; sed apud Pausaniam extrahitur. — *Lascivire*, laetos et petulantes motus indicat; Lactantius Opif. XIV, 6, *lasciviora animalia*; similiter *luxuriare* Aen. XI, 497. — *fuga*, cursus. Heinsius malit *fugax*. — *promissaque* etc. experimento illo promissis fides facta est.

324. *Ibero gurgite*, Oceano occi-

Demserat; et quarta radiantia nocte micabant 325
 Sidera: quum rapido fallax Aetias igni
 Imponit purum laticem, et sine viribus herbas.
 Iamque neci similis, resoluta corpore, regem,
 Et cum rege suo custodes somnus habebat,
 Quem dederant cantus, magicaeque potentia linguae. 330
 Intrarant iussae cum Colchide linina natae;
 Ambierantque torum. « Quid nunc dubitatis inertes?
 Stringite, ait, gladios; veteremque haurite cruorem;
 Ut repleam vacuas iuvenili sanguine venas.
 In manibus vestris vita est, aetasque parentis. 335
 Si pietas ulla est, nec spes agitatis inanes,
 Officium praestate patri; telisque senectam
 Exigite, et saniem coniecto emittite ferro. »
 His, ut quaeque pia est, hortatibus impia prima est;
 Et ne sit scelerata, facit scelus: haud tamen ictus 340
 Villa suos spectare potest: oculosque reflectunt;
 Caecaque dant saevis aversae vulnera dextris.
 Ille, cruore fluens, cubito tamen adlevat artus;
 Semilacerque toro consurgere tentat; et inter

dentali trans Iberiam seu Hispaniam. Modo non vulgari triduum exornavit. Hic quoque omnia ex legibus magicis sunt, *ter, noctu, micantia sidera*. — Vulgo dabatur *Ibero flumine*, quod et ipsum defendi posse e Tibullo II, 6, 2; III, 4, 18, Hein- sius docet. Nostri quoque, *flumine*. — *radiantia*; vide ad II, 4.

326. *fallax Aetias*; Medea fallendi perita. LEM. — De *rapido igne*, vide ad II, 123. — *resoluta corpore*; vide ad vs. 185. — *habebat*, oppressum tenebat. — *cantus et lingua* eodem redeunt, ut, vs. 203, *verba et carmen*.

332. *nunc*, quum manifesta et probata iam sit vis medicaminum meo-

rum ex ariete in agnum verso. BVRM- Nisi malis putare, *nunc*, conspecto patre, abhorreere coepisse a vulnere infligendo. — *haurite cruorem*. Vide ad XIII, 331.

335. *In manibus* etc.) Hic versus meo calculo inter Nasonianos cum Hein- sio non admittendum puto, etiamsi in Codicibus nostris legatur. LEM.

336. *agitatis*, in animo alitis. — *exigite*, expellite. — *sanies*, omnis humor corruptus. Nunc invidiosae ita vocat sanguinem senis decrepiti, quum paulo ante *veterem cruorem* appellavit.

339. *His, ut* etc.) Ludit duplici oxymoro. — *Caeca*, a quibus ipsae avertunt oculos. — *Tot gladios*, nem-

Tot medius gladios pallentia brachia tendens, 345
 « Quid facitis, gnatae? quid vos in fata parentis
 Arinat? » ait. Cecidere illis animique manusque.
 Plura loquuturo cum verbis guttura Colchis
 Abstulit, et calidis laniatum mersit alienis.
 V. Quod nisi pennatis serpentibus isset in auras, 350
 Non exemta foret poenae: fugit alta, superque
 Pelion umbrosum, Philyreiaque tecta, superque
 Othryn, et eventu veteris loca nota Cerambi.

pe quatuor; tot enim ei erant filiae.

345. *cum verbis guttura abstulit*; resolutio gutture abstulit verba. — *laniatum* etc. Pausanias, *καταρέψατο ἐψέσσε*. Inde remansit ne tantillum quidem, quod sepulturae tradi posset. Noster abrupte finit fabulam.

350-397. *Iason cum Medea Ioico exactus Corinthum fugit*. Ibi quum decem annos vixisset, Glaucen ducit, Creontis regis filiam; quo Medea offensa veneno Glaucen intimit, suosque filios trucidat. Eam autem fabulam Noster breviter tantum attingit. Conf. Apollod. I, 9, 28, ubi illi ab Acasto et Ioicensibus expelluntur; et Hyginus fab. 25, 26, quo auctore Iason sponte Acasto patris regnum tradit. Conf. Diodorus Siculus IV, 34. Pausan. II, 3. Tractatur haec Sophocles in Colchidibus. Restat Euripidis *Medea*. — In itinere despicit loca multa, metamorphosis nobilia. Sed totus hic locus valde vexavit Interpretes, quandoquidem fabulae illae satis obscurae sunt. Neque Medea recta via volat, sed milvi instar circumat auras; nisi ad excusandum poetam malis dicere, Medeam ex alto tantum procul despesisse illa loca. — *pennatis*; Claudian. XXXVI, 139, *Cibes serpentibus tribuit pinnae*, ubi Gesn. rus mouet, hoc nomen a *pennis*

origine et usu antiquissimo forte non differre, sed Quintiliani aetate grammaticos discrimen facere coepisse, *pinnasque* tribuisse alis maiorum avium et piscibus: itaque se non simpliciter hoc loco, *damnare pennatos serpentes*.

351. *alta*; in aere, ut alius *sublimis*. — *Pelion-Philyreiaque*; expressit Callimachus, *Hymn. Del.* 118: *Πήλιον ὡ πύργος νεμερόιον*. In *Pelio* monte Iupiter concubuerat cum *Philyra*, unde Natus Chiron. — Regii nostri habent *Philyreiaque*, quae lectio praestantior iure visa est Robert. Stephano. quam, quod Gierig dederat, *Philyreique*. Erravit certe idem Gierig, quum hoc loco dixerit ex concubitu *Iovis* cum *Philyra* natum fuisse Chironem; vide quae certiora in libro II, 676: et hic addemus, Saturnum, quum Rhea coniux cum *Philyrae* adblandientem vidisset, sub forma equi aufugisse; et *Philyram* per montes Pelagorum erravisse, in quibus Chirona partu edidit: quo monstro viso abhorrens, petivit a Diis ut sua forma mutaretur, et quidem in tiliam arborem fuit mutata. LEM. — *eventus*, fortuna; hoc loco mutatio; X, 600, *eventu invemum deterritis*, interitu; XIII, 506, *Eventuque gravi finita rest publica clades*, excidio. — *veteris Co-*

Hic ope Nympharum sublatus in aëra pennis,
 Quin gravis infuso tellus foret obruta ponto, 355
 Deucalionas effugit inobrutus undas.
 Aeoliam Pitane a laeva parte relinquit,
 Factaque de saxo longi simulacra draconis;
 Idaeumque nemus; quo, nati furta, iuvenum
 Occuluit Liber falsi sub imagine cervi; 360
 Quaque pater Corythi parva tumulatus arena;
 Et quos Maera novo latratu terruit agros;
 Eurypylique urbem, qua Coae cornua matres
 Gesserunt, tum quum discederet Herculis agmen;
 Phoebeamque Rhodon, et Ialysios Telchinas, 365

rambis; quia Deucalionis tempore vixerit. Auctore Nicandro apud Antoninum Lib. 12, *Terambus*, ad pedem *Othryos* montis, a *Nymphis* irutis in scarabaeum cornigerum, qui Graecis *cerambis* dicitur, mutatus est. Ibi, sine dubio, ut in hoc loco, *Cerambus* legendum est, quod docet vox *cerambis*.

354. *sublatus in aëra pennis* potest circumlocutio illius scarabaei esse. — *gravis*, ponderosa: opponitur enim ei, qui pennis tollitur in aëra, levis pendet in aëre, levitate sua effugit periculum. — *obruta—inobrutus*, ut VIII, 844, *Attenuarat—inattenuata*.

558. *longi simulacra draconis*; intelligit Micyllus Lesbium *draconem*, cuius etiam XI, 58, mentio fit. — *Liberi natum*, Thyoneum, Phrygiis pastoribus iuvenum abegisse tradit glossa Codicis Menardi.

361. *pater Corythi* fuit Paris: vid. *Parthasius* ad Claudianum Rapt. I, 199. — *tumulatus, sepultus*, conditus est. — *Maera*, Regius intelligit Maeram, Icarum, quae Icarum, a rusticis Atticis interfectum, latratu suo indicavit, et posthac cum domi-

no suo inter sidera relata est: Hyginus fab. 150; Schol. Germanici ad Ciceronem, p. 128. Sed videtur haec Maera potius puella fuisse in caecum versa. Sic etiam Lactantius in Argumento. Burmannus suspicatur, hic de Hecuba agi, propter XIII, 406; *Maerae* autem nomen intrusum esse pro alio, quo Hecuba significaretur; variare enim MSS. — *novo*, inusitato. — *terrui*. Vide ad XIII, 406.

363. *Eurypyli urbem*: Coon. Homer. Il. B, 677, Κῶν, Εὐρυπύλου πόλιν. Fuit hic Eurypylus Herculis filius, qui, capta illa urbe, ibi regnavit. Coae autem mulieres quum formam suam praetulissent Veneri, in vacca mutatae sunt: Lactantius in Argumento.

365. *Phoebeam*, quia Rhodus Soli sacra, cuius radiis nunquam carere dicebatur: vid. Lambinus ad Horatium I, Od. 7, 1. — *Ialysus*, una ex tribus antiquissimis Rhodi urbibus, ab Ialysio, Solis nepote, sic dicta: Strabo XIV, p. 655. — *Telchinas* Rhodum incoluisse certum est, quamquam non satis constat, unde venerint, aut quorsum, Rhodo reli-

Quorum oculos ipso vitiantes omnia visu
 Iupiter exosus, fraternis subdidit undis.
 Transit et antiquae Carthæia moenia Cæae,
 Qua pater Alcidas placidam de corpore natae
 Miraturus erat nasci potuisse columbam. 370
 Inde lacus Hyries videt, et Cycneia Tempe,
 Quae subitus celebravit olor; nam Phyllius illic
 Imperio pueri volucresque ferumque leonem
 Tradiderat domitos: taurum quoque vincere iussus
 Vicerat; et, spreto tolies iratus amore, 375
 Praemia poscenti taurum suprema negarat.
 Ille indignatus, Cupies dare, dixit; et alto
 Desiluit saxo: cuncti cecidisse putabant:
 Factus olor niveis pendebat in aëra pennis.
 At genetrix Hyrie, servati nescia, flendo 380
 Delicuit; stagnumque suo de nomine fecit.

cta, migraverint. Vide Meursii Rhod. I, 9. Erant autem et insignes praestigatores et invidi calumniatores. Spanhem. ad Callimachum hymn. Del. 31, et Munke. ad Lactant. Argum. — *vitare*, fascinare. Fascinatio fiebat et oculis. Virgilius Ecl. III, 103: *Nescio, quis teneros oculus mihi fascinat agnos*. Quia adeo invidi oculi solo aspectu credebantur rerum pulchritudinem corrumpere: Horatius I, Ep. 14, 37, ubi sic *limare* et *venenare*. Sed *vitare* hoc sensu etiam apud Solin. 4: *Poeminae ad aspectu apicula vitiant*.

368. *Cæa*, sive *Ceos*, Graecis etiam Hydrussa: Plin. IV, 20. Ibi urbs *Carthæa*. Fabulum, quam Noster attigit, latius tractat Antoninus Liber. cap. 1. — *antiquae*, antiquis temporibus notae. — *Alcidas* illo auctore non *Carthæae* habitabat, sed Iulide, in alia Cæae urbe. Ibidem et nata

est Clesylla, quae Athenis mutata.

371. *Tempe*) non Thessalica illa, sed Teumesia ad Teumessum, montem Boeotiae. — Fuit dicta *Cycneia*, propter Cyenam filium *Hyries*, mutatum in olorem. LEM. — In illis locis *Hyrie*, flens puerum, filium, in *lacum* conversa est. Confer Antouin. Liberalem cap. 12. — *volucres*, vultures mirae magnitudinis, auctore Anton. — *leonem*. Codex Regius B habet *draconem*; praestat lectio prior, propter *draconis* iam praecedens. LEM. — *iratus*; duo, *delusus*; hinc Burmannus coniecit *pacto toties delusus amore*. Regii nostri, *stricto toties iratus*.

379. *pendebat in aëra pennis*) Regii nostri, *in aëre*. Vtrum praestiterit non dixerim; vide in libro VIII, 145, iam *pendebat in auras*. LEM.

381. *Delicuit*) Deliquescere de solido corpore, quod dissiluit in aquas: aliter IV, 253.

Adiacet his Pleuron; in qua trepidantibus alis
 Ophias effugit natorum vulnera Combe.
 Inde Calaureae Letoidos adspicit arva,
 In volucrem versi cum coniuge conscia regis. 385
 Dexterâ Cyllene est; in qua cum matre Menephron
 Concubiturus erat, saevarum more ferarum.
 Cephison procul hinc desilentem fata nepotis,
 Respicit in tumidam Phocen ab Apolline versi;
 Eunelique domum lugentis in aëre natam. 390
 Tandem vipereis Ephyren Pirenida penus
 Contigit; hic aevo veteres mortalia primo
 Corpora vulgarunt pluvialibus edita fungis.
 Sed postquam Colchis arsit nova nupta venenis,

385. *Pleuron*) Micyllus corrigit *Eræuron*. Regii nostri, *Pleuron*, vel *Pheuron*. Aetoliae pars olim a monte Curio Curetica et Pleuronica dicta; *Pleuron* enim ad montem Curium; vid. Palmer. Graecas Antiquitates, IV, 16. Sed *Pleuron* minime adiacet Hyrciae lacui. Burmannus ergo credidit, poetam in errorem lapsum, quis nova *Pleuron* ad montem Aracynthum fuerit sita; illum vero multos in Boeotia stansisse. — *Combe* Curetum in Aetolia mater, gente *Ophiensis*.

384. *Letoidos*, pro *Latoidos*, ex graeco Λατοίδος. Apollini sacra fuit *Calauria*, postea Delphis commutata Neptuno: vide Stanlei, ad Aeschylum, Eum. 30. — *Menephron*. Arcas, cum Bliade matre, et cum Cyllene filia concubuit. Hyginus fabula 253.

388. *Cephisi* filia, nomine Praxithea, nupta fuit Erichtheo, ex qua ille octo liberos suscepit, e quibus unus intelligendus. — *Respicit*, quia illa loca iam post tergum habebat. Male igitur Heinsius corrigit, *despicit*. — *Eumeli domum*. Micyllus in-

telligit Patras, Achaiae urbem, cuius primus rex Eumelus.

391. *Ephyre* antiquum nomen Corinthi, ubi *Pirene* fons. Prisci incolae e fungis orti credebantur.

394. *Medea* quum ex *Iasone* iam filios *Mermerum* et *Peretam* procreasset, summaque concordia viverent, obiciebatur ei, hominem tam fructum, formosum ac nobilem, uxorem advenantem atque veneficam habere. Huius *Creon*, *Menaecei* filius, rex Corinthius, filiam suam minorem *Glaucen* dedit uxorem. *Medea* quum vidit, se erga *Iasonem* bene merentem tanta contumelia esse affectam, coronam ex venenis fecit auream, eamque muneri iussit filios suae novercae dare. *Cressa*, munere accepto, cum *Iasone* et *Creonte* conflagravit. *Medea* ubi regiam ardere vidit, notos suos interfecit et profugit Corintho. Hyginus fabula 25. Conf. Apollodorus d. l. Hoc fundamentum est Euripidis et Senecae fabularum, quae *Medene* nomen habent. — *nova nupta* ab aliis *Glauce* vocatur, ab aliis *Cressa*, et iam olim

Flagrantemque domum regis mare vidit utrumque; 395
Sanguine natorum perfunditur impius ensis;
Vltaque se male mater, Iasonis effugit arma.

VI. Hinc Titaniacis ablata draconibus, intrat
Palladias arces; quae te, iustissima Phini,
Teque, seuex Peripha, pariter videre volantes, 400

dubitabatur, utrum verius. Schol. Eurip. ad Medeam 19. Sed bene notavit Burmannus, Creusam non esse nomen proprium, sed filiam regis notare. — *venenis*, donis venenatis: Horatius Epod. III, 13, *delibutis donis*. Miserat pulum et coronam, πένλον ἀνίστιρος χρυσόλατον, Euripides 949; Valer. Flaccus V, 449; Seneca Med. 570. Illa dona infecerat naphtha, ex multorum quidem opinione, quae inde dicta est Μηδείας φάρμακον. Vid. Muukerus ad Hygin. d. l. Naphthae magna cognatio ignium, qui protinus in eam transiliunt: Plinius II, 105, ubi addit: *Ita ferunt a Medea pellitem crematam, postquam sacrificatura ad aras accesserat, corona igne rapta*. Vocat *Colcha* venena, quia Medea Colchis iis usa.

396. *Sanguine natorum* etc.) Interfectis filios a Corinthiis, quod dona attulissent, auctor est Pausanias Corinth. pag. 118; idemque addit, quum filii innocentes esset inventi, Corinthios in eo ipso loco, ubi interfecti essent, Pavoris imaginem dedicasse, ad eamque sacra anniversaria fuisse. Similiter Apollod. et Aelianus V H. V, 21. In Scholiis Euripidis ad Med. Euripides traditur quinque talentis a Corinthiis corruptus esse, ut in Medeam transferret illam eandem. Rem disquirunt Barnesius in Vita Euripidis, §. 17. Vide et Boettigeri prolixe de Medea Euripidea.

397. *Vltaque se male* etc.) Hunc

versum pro genuino non habet Hein-
sius. — Legitur tamen in Codicibus
nostris Regiis.

398–402. *Hinc Titaniacis* etc.) Medea Athenas fugit, ubi ab Aegeo excipitur, cuius filium venenis interficere conatur. Excipit eam Aegeus, postquam iuraverat, se eam non eicturum. Euripides 709 sqq. Ipsa pollicita erat, se orbitate liberaturam Aegea. Plutarchus Thes. 12: filio acervito, convivium instituitur, quod resoritur Thesi laudibus. Cf. Hygin. 26; Diod. Sic. IV, 54 sqq.; Pausan. II, 3; Apollod. I, 9, 28. — *Titaniacis*, quos a sole acceperat. Apollodorus. — *Periphas*, rex antiquissimus Atticae ante Cecropis tempora. Eum Iupiter in aquilam mutavit, eiusque coniugem, quem separari nolle a marito, in ὄρνεθ' σύννατον, id est, in eisdem pascuis versantem, una vivipatem, nempe in φῆνν, falconem ossifragum: Antoninus Liber. 6. Iam quoniam et nunc de duobus sermo est pariter volantibus, *Phineus* autem (qui in lectione vulgata occurrit) nullus apud Veteres occurrit, ad quem haec pertineant, admodum credibile est, quod Schrader. ad Antoninum coniecit, pro iustissime *Phini*; nam φίνεξ idem quod φῆνν. Potuit enim mulier nomen avis habere, in quam mutata est, ut Daphne arboris, Arachne aranearum etc. Accedit et hoc, quod in Argumento Lactantii unus

Innixamque novis neptem Polypemonis alis.
 Excipit hanc Aegeus, facto damnandus in uno:
 Nec satis hospitium est, thalami quoque foedere iungit.
 Iamque aderat Theseus, proles ignara parenti,
 Qui virtute sua bimarem pacaverat Isthmon. 405
 Huius in exitium miscet Medea, quod olim
 Attulerat secum Scythicis aconiton ab oris.
 Illud Eclidneae memorant e dentibus ortum
 Esse canis: specus est tenebroso caecus hiatus;
 Est via declivis, per quam Tiryntius lieros 410

MS. *Phoen* habet. Coniecturam illam, probatam et Leuzio, recepi. — Regii nostri dant *iustissime Phineu*; quam lectionem dedit editor *variorum*, et praestare censeo. LEM. — *iustissima* illa vocatur ob pietatem in coniugem. — *neptem Polypemonis*, Halcyonem, Scironis filium, quae, quod corpus vulgasset, a patre in mare deiecit in sui nominis avem mutata est. Probus ad Virgilium Georg. I, 399, e Theodoro. — *Inniti* aut *niti alis* proprie de avibus volantibus.

403. *thalami foedere*) Iunianus et Florentinus, *foedera*, quod non improbat Burmannus. Regii nostri, *foedere iunxit*. — Vide ad IV, 60, *lacedae iure*.

404. *ignara*, ignota, passive, ut VIII, 188: vid. Gellius N. A. IX, 12. Ignotus erat Theseus patri, quia apud Pittheum avum Troezenis natus et educatus erat; nunc vero, tanquam virgo, veste talari et decenter pexis capillis veniebat: Pausanias, Attic. pag. 44. Medea igitur facile impulit Aegea, propter seditionem omnia metuentem, ut Thesea, tanquam hospitem, convivium exciperet, et veneno tolleret. Plutarchus These.

12.

405. *Qui virtute sua etc.*) Totam illam viam, quae Troezenae Athenas ducebat, Iatrocinis purgaverat: Pausanias Coriuth. pag. 122. — *pacare* solenne in hac re. Aeneid. VI, 805: Hercules *Erymanthi pacavit nemora*; Seneca de Benef. I, 13: *terrarum marisque pacator*; Silius II, 483: *Nemete pacator*. — *bimarem*. Vide ad V, 407.

407. *Aconiton* omnium venenorum occysimum, de quo Plinius XXVII, 2 et 3; Theophrastes Hist. Plant. IX, 16. — *aconiton* dictum est ἀπὸ τῆς ἀσένης, hoc est a caute, quia in caulis nascitur. LEM. — *Echidneae*, quia Cerberus ex Echidna ortus: Hesiodus Theog. 308; Quintus Smyrnaeus VI, 261.

409. *specus est*, Acherusia, in Mariandynorum finibus, ad Heracleam Ponticam, per quem specum iter est ad inferos. Plinius VI, 1; Mela I, 19, 54, ibique Schott. Per eum specum Cerberum ab Hercule extractum memorat et Plinius XXVII, 2. Iam quoniam magna ibi *aconiti* copia, inde fabula de eius origine orta. — *aeceus*, obscurus, caliginosus.

410. *Est via declivis*) Heinsius haec sic mutanda censebat, *In Maryandinis, vel In Peryandinis, apud quos*

Restantem, contraque diem radiosque micantes
 Obliquantem oculos, nexis adamante catenis,
 Cerberon abstraxit, rabida qui concitus ira
 Implevit pariter tenuis latratibus auras;
 Et sparsit virides spumis albetibus agros. 415
 Has concreisse putant, nactasque alimenta feracis
 Fecundique soli, vires cepisse nocendi;
 Quae, quia nascuntur dura vivacia caute,
 Agrestes aconita vocant: ea coniugis astu
 Ipse parens Aegeus nato porrexerat, ut hosti. 420
 Sumserat ignara Theseus data pocula dextra;
 Quum pater in capulo gladii cognovit eburno
 Signa sui generis, facinusque excussit ab ore.
 Effugit illa necem, nebulis per carmina motis.
 At genitor, quamquam laetatur sospite nato, 425

aconiton nascatur; Burmannus, si quid mutandum esset, praeferret prius. — Mera coniectura quae nullo Codice firmatur. LEM. — *Restantem*, resistantem, nec loco cedere volentem. Non male Cerberi reluctatio describitur. — *Obliquantem*, in obliquam partem torquentem. Vide ad XII, 486. — *nexis* etc. catena ferrea. — *abstraxit* restituit Heinsius, quia verbum solemne in hac re; vulgo, *attraxit*. — *tenuis latratibus*, IV, 450. — *virides albetibus*, ut I, 112.

416. *Has concreisse putant*, etc.) Conf. Plinius XXVI, 3. *Concreisse*, nempe in corpus plantae solidum. Est ergo metamorphosis. — *durae cantes* Graecis dicuntur ἀρώα. Nicander Alex. 49. Sed Theophrastes d. l. Aconis, Peryandiorum vico, ei nomen impositum putat.

421. *data pocula*) Codex Regius B habet *inera pocula*, a prima manu. *Quum pater* etc. Gladium ut ostenta-

ret Theseus, cultrum eduxit, carnes appositae dissecturus. Plutarchus in Thes. 12. Gladio, ξίφτι, adiacinctus fere erat culter, μάχαιρα: Homerus II, Γ, 271. E signis generis sui, quae Theseus, more Veterum, in capulo gestabat, agnoscit filium. Quae fuerint illa *signa*, πτερῶν σύμβολα. ut ait Plutarchus, non constat. Nonnulli simpliciter gladium intelligunt quia Aegeus sub saxo abscondiderat, ut Theseus adultus eum inde tolleret, eoque instructus Athenas veniret; vid. Meursius Thes. cap. 3, et Reg. Att. III, 1. — *facinus*, poculum venenatum, quod facinorosa Medea paraverat. — Eo excusso, erepto ab ore, *facinus* prohibitum est.

424. *Effugit illa*) An fugit Medea cum Medeo filio, quem ex Aegeo pepererat, in Asiam; tandemque in patriam redit, ubi patri a fratre pulso regnum reddit. Sed Ovidius fortius iam abrumpt.

Attonitus tantum, leti discrimine parvo,
 Committi potuisse nefas, fovei ignibus aras,
 Muneribusque Deos implet; feriuntque secures
 Colla torosa boum, vinctorum cornua vittis.
 Nullus Erechthidis fertur celebratior illo 430
 Illuxisse dies: agitant convivia patres,
 Et medium vulgus; nec non et carmina, vino
 Ingenium faciente, canunt: « Te, maxime Theseu,
 Mirata est Marathon Cretae sanguine tauri:
 Quodque suis securus erat Cromyona colonus, 435
 Munus opusque tuum est: tellus Epidauria per te

426. *Attonitus tantum etc.*) Hic versus ita legitur in nostro Codice Regio A: *Attonitus tamen est, geniti discrimine parvo*; ut in Codice B: *Attonitus tamen est, ingens discrimine parvo*. *Leti* videtur emendatio, non ingrata quidem recentiorum. LEM. — Apud Virgilium tamen, *Aeneid.* IX, 143: *fossarumque morae, leti discrimina parva*, quo loco et ipso olim legebatur *discrimine parvo*. — *Committi*. Duo, *admitti*, aeque bene. — *Muneribus Deos implet*; plurimas victimas offert. Proprie arae implentur, poetice ipsi Dii.

431. *agitant* verbum proprium in hac re, notante Barmauno. — *medium vulgus*; ut V, 207, *media plebs*. — *vino Ingenium faciente*. Horat. I, Ep. 5, 19: *Fecundi calices quem non fecere disertum?* Confer. idem I, Ep. 19 init. Neque vinum solum, sed secundum Persium, proli, 10, venter quoque ingenium largitur.

434. *Mirata est Marathon etc.*) Thesei laudes commodè convertit in hymni formam, ut res non narrari, sed agi videantur; confer. Virgilius Aen. VIII, 288, ubi similis in Berculem hymnus. — *taurus ille* a Neptuno

Minoi, regi Cretae, datus, post aliam effra in terram Atticam venerat, ibique *Marathonios* agros vastabat. Eum Athenas perductum Theseus immolavit, vel Apollini Delphinio (Plutarchus Thes. 14), vel Minervae: Pausanias Att. pag. 66. At Ovidius confundit tempora; nam taurum illum cepit, postquam Athenis exceptus erat a patre. Vide Neursii Thes. cap. 10. — *Quodque suis* cum Boëssio et ex uno Gronoviano Heinsius restituit; caeteri, *suam*. Regii nostri quoque, *suam*. — *sais securus*. Notat Heinsius voci *securus* eleganter additum secundum. — *Cromyona* ant *Cremyona*, vicus Corinthi. Ibi *sax*, Phaea dicta, ferocia et ingnitudine insignis, nec agros solum vastans, sed homines etiam occidens, quam interfecit Theseus: Plutarchus Thes. 9. Tertium hoc fuit Thesei opus.

436. *tellus Epidauria*) Epidaurus nebis est Peloponnesi, Aesculapii templum nobilis. LEM. — In Epidaurin agro Peripheten, *Fulcani* ex Antilia filium, interfecit, quod fuit primum eius opus. Armatus ille erat clava (*ροπαλη*) ferrea, unde *ροπαλητης* et *claviger* dictus. Plutarchus Thes. 8;

Clavigeram vidit Vulcani occumbere prolem :
 Vidit et inमितem Cephesias ora Procrusten :
 Cercyonis letum vidit Cerealis Eleusin :
 Occidit ille Siuis, magnis male viribus usus, 440
 Qui poterat curvare trabes, et agebat ab alto
 Ad terram late sparsuras corpora pinus :
 Tutus ad Alcathoën, Lelegeia moenia, limes
 Composito Scirone patet; sparsique latronis
 Terra negat sedem, sedem negat ossibus unda, 445
 Quae iactata diu fertur durasse vetustas
 In scopulos : scopulis nomen Scironis inhaeret.

Pausan. Corinth. pag. 112; Apollodorus III, 16, 1. — *Procrustes*, Neptuni filius, mensuram hospitum ad lectum aptans. Si longiores essent lecto, amputabat prominentes corporis partes, sin breviores, include superposita extendebat pedes: Plutarchus Thes. 11; Hyginus fab. 38. Habitabat ad *Cephasium*: Pausanias Attic. pag. 92. Eum interfecit Theseus, idque fuit sextum eius opus.

439. *Cercyonem Eleusine* degentem, quarta pugna vicit Theseus. Is autem praetereuntes luctu victos interficere solebat; Plutarchus Thes. 11; Pausanias Attic. pag. 94. — *Siuis*, Polypemonis, aut Pemoni filius, in Isthmo habitans, danhus inflexis pinibus (unde Πικροδάκτυλος dictus) homines alligare solebat, quibus subito dimissis, illi foede lacerabantur. Eodem mortis genere affectus est a Theseo; Pausanias Corinth. pag. 111; Hyginus fab. 38; Apollodorus d. I. Confer. Valer. ad Eurip. Hippol. vs. 977. Haec secunda eius pugna. — Idem *Siuis* habuit quoque filium, Perigimen nomine, ex qua Theseus Menalippum genuit, patrem Toxamis. LEM.

443. *Alcathoë*, Megara, ab Alca-

thoo sic dicta. Is fuit Pelopis filius, qui quam ei mortis Chrysiippi fratris crimen fieret, ad Megaras aufugit et Ieonem horum terras vastantem necavit; unde Megaris heros habitus, et monumentis festisque celebratus fuit: Pausanias I, cap. 4. LEM. — *composito*, Regius, *Deposito*, id est, depulso, deiecto, quod praefert Burmannus. Codex Regius A, *deposito*; at codex B, *composito*. — *composito*, sublato, interfecto, sive metaphora petita sit a litibus, quae quum componantur, liniuntur; sive a mortuis, qui et ipsi dicuntur componi, id est sepeliri. Schirachius sensu exquisitior sic dictum putabat, quia Theseus Scironem e saxo in mare deturbatum simul sepeliverit. — *Sciron*, Scironides, Megaridis rapes incoleus, vel latrociniiis viam infestabat, vel praetereuntibus pedes porrigere solebat lavaudus; quod quum fecissent, calcibus eos in mare deiciebat: Plutarch. Thes. 10. Eum et ipsam deiecit Theseus, idque fuit quartum eius opus. — *sparsique latronis* — *ossibus*, Haec lectio nimis exquisita et torta videtur; praetulerim certe quam dant Regii nostri, *sparsisque latronis* — *ossibus*. LEM.

Si titulos, annosque tuos numerare velimus,
Facta premant annos: pro te, fortissime, vota
Publica suscipimus: Bacchi tibi suminus haustus. » 450
Consonat adsensu populi, precibusque faventum
Regia; nec tota tristis locus ullus in urbe est.

VII. Nec tamen (usque adeo nulli sincera voluptas,
Sollicitique aliquid laetis intervenit!) Aegeus
Gaudia percepit, nato secura recepto. 451
Bella parat Minos; qui quanquam milite, quanquam
Classe valet, patria tamen est firmissimus ira:
Androgeique necem iustis ulciscitur armis.
Ante tamen, bello vires acquirit amicas;

448. *titulos*, gloriose facta. — *Facta premant annos*: gesta tua annos superabunt. — *Regii nostri habent premant*: sed *velimus* vult premant. LEX.

453-660. *Nec tamen* etc. Minos ob filium Androgeum interfectum bellum movet Atheniensibus, quibus auxilium pollicetur Aeacus, rex Aeginae, cuius cives, a peste absunti, miro quodam modo suppleti erant ex formicis. Nempe *Myrmidones* prisci Aeginae incolae, qui postea Peleum sequuti Thessaliam incoluerunt. Quoniam formicae Graecis *μύρμιξες* dicuntur, Hesiod. (fr. pag. 445 Lips.) auctor coepit, etymologiam perverse premens, fingere eos ex formicis factos, quod multi deinceps repetierunt. Et illo quidem auctore Iupiter id effecit, quum Aracus in Aegina, insula deserta, ubi educatus erat et adoleverat, solus esset. Sic et Apollod. III, 12, 6, ubi vide Heynium; sed Pausanias II, 29, in eo discrepat, quod homines illos non ex formicis, sed ex terra natos mentitur. Pestem vero et formicarum mutationem, cum Nostro in hac fabula, Strabo VIII, pag. 576, et Hyginus fabula 52,

commemorant. — *nulli sincera voluptas*, Burmannus mallet *nulla est sincera*, quod omnes tucitur praeter duos, unde Heiusius nulli recepit. — *Ambo vestri Regii dant Attamen* — *nulla est sincera*. — *sincerum*, cui nihil alicui, vitiosi, b. l. doloris, immixtum, incorruptum. Ab hoc nunc non differt *securum*.

457. *classe valet*) Cretenses illo tempore arte nautica excellebant omnibus gentibus: *Minos* primus insperium maris habuit; classeque instructa purgavit mare a piratis: Thucydides X, 1, 4; Herodotus III, 122; Diodorus Siculus IV, 60. De bello hoc etiam Plutarch. Thes. 15; Pausanias I, 27; Apollodorus III, 15, 8; Hyginus fabula 41. — *firmissimus*; plurimi, *fortissimus*, e solempni permutatione. *Firmissimus*, validissimus, saepissime de belli potentia. Vide Gronov. ad Liv. XXI, 25; sed nunc et *firmissimus ira*, quem ira impellit, ut omnibus viribus suis utatur. — *patria ira*, quae convenit patri, ob filii caedem. LEX.

459. *Ante tamen, bello*) id mihi magis poeticum videtur, quam quod

Quaque potens habitus, volucris freta classe pererrat.
 Hinc Anaphen sibi iungit, et Astypaleia regna;
 Promissis Anaphen, regna Astypaleia bello.
 Hinc humilem Myconon, cretosaque rura Cimoli,
 Florentemque Cythnon, Scyron, planamque Seriphon,
 Marmoreaunque Paron, quamque inopia prodidit Arne

habet vulgata, *Ante tamen bellum*; quare *bello* (dativo), quod omnes MSS. praeter sex habent, revocandum putavi. Virgilius Aen. II, 315, *glomerare manum bello*; ibidem III, 540, *bello armantur equi*. — Regii nostri habent quoque *bello*, quod servandum censeo, dummodo post *tamen* ponatur comma, sicuti in libro I, 5, *Ante, mare et tellus* etc. LEM. — *vires* saepe de copiis militaribus. — *amicas*, auxiliares. — *Quaque potens habitus*; habebat enim imperium maris. Ita interpretatur cl. Goerig; sed praestantior duxerim lectionem nostrorum Codicum, *Quaque patent aditus*; quibus melius iunguntur *freta classe pererrat*. LEM. — Non admodum volucris illa classis fuisse videtur. Eam enim effugit Daedalus, cum ipsam ob causam, quod velis carcebat, quae inveniatur, et quibus utebatur Daedalus. Est ergo nunc nil nisi epitheton ornans, sive commune.

461. *Hinc Anaphen* etc.) Catalogus harum insularum Cretae vicinarum commodè quidem nunc potuisset omitti, quandoquidem non historia Minos narratur; sed eruditionis ostentandae causa talia inserchantur a poetis. — *Astypaleia*, pro *Styphaleia*, hinc dedit Regius. Illius enim nominis insula nulla in Archipelago. — *Promissis* etc. Hunc versum, quem delendum censebat Mar. Accurs. et qui deest in multis MSS. (et in Regio nostro A), non damno; solet enim

et alibi Ovidius superiora repetere cum additamento aliquo.

463. *humilem — planam*) Quum *Myconos* a Virgilio Aeneid. III, 74, *celsa* dicatur; *Seriphos* autem inter saxosas insulas referatur, varie interpretes haec epitheta et emendarunt et explicarunt. Factur Barmauvius manere sibi nodum non solvendum. Nempe insulae illae videntur litus acclivè habuisse, et sic illa *humilis*, haec *plana* fuisse. Sio certe, *humilis Italia*, Virg. Aeneid. III, 522: vide Heyoii Excurs. IV ad illum librum. Pro *planamque* tamen cum Constant. Faneus, parvamque legendum arbitror, quia parva *Seriphos* etiam V, 242, et apud Iuvenalem. Fuit enim, auctore Plinio, circuitus eius nonnisi 12 millia passuum. *Plana* contra non fuit, sed aspera. — *cretosa rura Cimoli*. *Cimolia* cretam habebat, quae purgandis vestibus adhibebatur: vid. Plinium XXXV, 17. — *Cythnos* Cimolo vicina. — *Florentem* nude positum, tum *Scyron* sine epitheto offendeant nonnullos, ut Miryllum et Heinsium, quorum ille suadebat vel *Florentemque auro* (aut *viris*) *Scyron*, vel *Florentem viro* (Achille, qui illo tempore aquil Lycomedem servabatur) *Scyron*. Hic malebat, *Florentemque thymo Cythnos* vel *Syron*; laudatissimum enim fuisse omne mel Cycladium. Sine causi. *Florens* civitas omnino pollens opibus, opulenta. Cic. Rosc. 18, maiores rempublicam

Sithonis, accepto, quod avara poposcerat, auro:
 Mutata est in avem, quae nunc quoque diligit aurum;
 Nigra pedem, nigris velata monedula pennis.
 At non Olaros, Didymaeque, et Tenos, et Andros,
 Et Gyaros, nitidaeque ferax Peparethos olivae, 476
 Gnosiacas iuvare rates: latere inde sinistro
 Oenopiam Minos petit, Aeacidea regna.
 Oenopiam veteres adpellavere: sed ipse
 Aeacus Aeginam genetricis nomine dixit.
 Turba ruit, tantaque virum cognoscere famae 475
 Expetit: occurrunt illi, Telamonque, minorque
 Quam Telamon, Peleus, et proles tertia Phocus.
 Ipse quoque egreditur, tardus gravitate senili,

florētissimam nobis reliquerunt. Cornelius Nep. 21, 2, *Decessit florēte regno.* — *Seyron.* Quidam cum MSS. nonnullis tuentur *Syron*; nam haec quoque uua ex Cycladibus; reliquas varietates quae multae sunt non repeto.

465. *Marmoreamque Paron* (Paros) Paros etiam una e Cycladibus, primo Platon, deinde Minois appellata, quae lapidem producit, quem vocant Parium, ad marmoreas sculpturas aptissimum. LEM. — *quamque* etc. Fabula ignota, hinc lectio incerta. Revocavi equidem veterem a Burmanno motam, *quamque inopia prodidit Arne.* — Ex sententia tamen Lactantii lege *Arne*, nominativo casu. LEM. Praeterea pro *Sithonis* Heinsius coniicit *Siphon*, et *accepto*, ut allusum sit ad aurifodinas Siphnias: de quibus plura congressit. Certe, non satis apparet, cur Ovidius insulae ipsius nomen omiserit et periphrasi obscura usus sit. — *monedula*; quia saepe numero *monetas* aureas aufert, inde nomen accepisse credebatur, — *velari*, de pennis, ut XIII, 53.

472. *Oenopia*, et *Oenone* ante dicta illa insula. Euripides in *Iphigen. Aul.* 699, Ζαῖς Αἰακίου δ' ἑποῖται Οἰωνόνε πρόπον. Ita et Pausanias *Cor.* pag. 122. Stephanus de urbe *Oἰώνον*, νῆσος μία τῶν Αἰακίδων. Hinc et hunc locum quidam emendarunt *Oenonen* sine causa. Etenim et Pindarus *Isth.* 8, 43, νῆπον Οἰωνίαν dixit, et *Noster* mox *Oenopi* *muri*. Nomina autem eiusdem loci diversa sic commemorantur et alibi a poetis, ut *Aeneid.* I, 108. — *Aeginam* etc. Vid. Monkerus ad Hygini fabulam 52.

474. *Aeacus* Acutum Iovis fuisse filium constat: cui tres fuerunt filii, Telamon, Peleus et Phocus. De his vide ad VI, 267. — *nomine.* Hinc orta Iunonis invidia, immissaque pestilentia. LEM.

476. *Expetit* Multi (et Regii nostri), *excepit*. Heinsius varia coniecit: *percepit*, *exigit*, *Rex cepit*, *plebs aet.* *Expetit*, cupit. — *occurrunt* et ii, qui honoris causa obvium eunt venienti. — *Phocum* ignorat *Isocrates* in *Evagora* 4. — *egreditur* in

Aeacus; et quae sit veniendi causa requirit.
 Admonitus patrii luctus suspirat, et illi 480
 Dicta refert rector populorum talia centum:
 « Arma iuves oro pro gnato sumta; piaque
 Pars sis militiae: tumulo solatia posco. »
 Huic Asopiades, « Petis irrita, dixit, et urbi
 Haud facienda meae: neque enim coniunctior ulla 485
 Cecropidis haec est tellus: ea foedera nobis. »
 Tristis abit; « Stabuntque tibi tua foedera magno, »
 Dixit: et utilius bellum putat esse minari,
 Quam gerere, atque suas ibi praeconsumere vires.
 Classis ab Oenopiis etiamnum Lyctia muris 490
 Spectari poterat; quum pleno concita velo
 Attica puppis adest, in portusque intrat amicos,
 Quae Cephalum, patriaeque simul mandata ferebat.
 Aeacidæ longo iuvenes post tempore visum
 Agnovere tamen Cephalum; dextrasque dedere, 495

litas. — *gravitas*, debilitas corporis, quae tardat incessum.

480. *Admonitus patrii luctus*, paternae moestitiae, quam Minos de filio ab Atheniensibus interfecto conceperat. LEM. — *De admonitus*, vide ad IX, 324. — *rector*, Minos, cuius imperio parvit Cræta. — *centum populorum*. Nota est Cræta *ἑξακόμηνος* ex Homero II. B, 649; vid. Strabo lib. X, pag. 735. — *populi* pro urbibus; incolae enim urbis *populum* faciunt. — *pro gnato*, pro ulciscenda filii morte. LEM. — *tumulo* etc. nempe occisos hostes inferius vult filio mittere XII, 2.

484. *Asopiades*, Asopi ex Aegina nepos. — *eo*, tam sancta: Cic. Or. II, 40, quod eam legem tulisti, tam perniciosam.

487. *magno stabunt*) Vide ad X,

547. — *praeconsumere*, ante bellum, quod moliebatur, minuire: VIII, 7. *praeferre vires*: Livius XXI, 29, *antelabare vires*.

490. *Lyctia* a Lycto, urbe Crætae. — *velo*; Burmannus e tribus MSS. malit *vento*, quod magis tēp concita conveniat. Frustra: Aen. I, 400: *Aut portum tenet, aut pleno subit ostia velo*; ibidem V, 281, *velis subit ostia plenis*. Portum intratari solent quidem vela contrahere, sed vide ad VI, 445. — *in portusque intrat amicos*. Codices nostri Regii simplicius et lenius, et *portus intrat amicos*. Lectio altera nescio quid rude et contortum habet. LEM. — *Cephalus*, Deionis, aut, ut alii tradunt, Mercurii filius, qui Procrida, Erechthei filiam, in matrimonio habebat. Fuisse Cephalum iuvenem apud Argiveos c. vs. 516 apparet. — *longo post tempore*. Ita et

Inque patris duxere domum. Spectabilis heros,
 Et veteris retinens etiamnum pignora formae,
 Ingreditur; ramumque tenens popularis olivae,
 Et dextra laevaue duos aetate iniuores
 Maior habet, Clyton et Buten, Pallante creatos. 500
 Postquam congressu primo sua verba tulerunt
 Cecropidae, Cephalus peragit mandata, rogatque
 Auxilium; foedusque refert, et iura parentum;
 Imperiumque peti totius Achaidos addit.
 Sic ubi mandatam iuvit facundia causam; 505

Virgilius Eclog. I, 30, *Resperit tamen, et longo post tempore venit.*

496. *Spectabilis* Forma conspicuus: sic notat Cephalum propter fabulam sequentem inde a versu 661, ubi ob formam rapitur. — *pignora* exquisitis quam signa, vestigia: VI, 603, *sacrorum pignora demit.* — *veteris formae*, pristinae pulchritudinis. L. — *popularis*. Gronovianus primus *candentis* pro quo Heinsius *candentis* malebat. — *Regii nostri, popularis*, quod praestat. *Olive* popularis, quia nata apud Athenienses, et ideo populo grata; si ad signum pacis spectes, Virgilius Aeneid. VIII, *Paciferaeque ramum praetendit olivae*. LEM. — *Buten*. Nonnulli *Bruten*, unde Meursius, Reg. Attic. II, 6, facit *Bryten*, a quo Brytadarum familia apud Athenienses descendebat, ut a *Bute* Butadarum. — *Pallante*. Heinsius coniecit *Telonte*. — His coniecturis non est haerendum. LEM. — *Pallas*, filius Nelei qui fuit frater Thesei. Vid. Hyginus fabula 244. Eum et filios res novas molientes postea Theseus interfecit. Pausan. Attic. pag. 51 et 70.

501. *Postquam congressu* — *Cecropidae*. Hos versus aliter dederat cl. Gierig: *Postquam congressus primi sua verba tulerunt; Cecropidum Co-*

phatus etc. et haec subiicit, « *Congressus* dixit pro congregientibus: « non tamen hanc nostri loci lectio-
 « nem defendērim, quam Heinsius de-
 « hemus. Vulgo *Congressi, primi Ce-*
 « *cropidae*. Multi veteres, *congressus*
 « *primo*; nonnulli bonae notae, *con-*
 « *gressus primi*. Hinc Heinsius etiam
 « *Cecropidae* in *Cecropidum* mutavit,
 « quam *Cecropidarum* esse deberet». Obscuram iudicavimus quam dedit Gierig, et quavis non una eadem in nostris sit lectio, utraque tamen recipi potest; Codex B, *Postquam congressi primum sua verba tulerunt Cecropidae*; Codicis A lectionem praetulimus; quae iam notae, ut testatur Gierig, fuerat data: et hanc ita interpretemur, ubi congressi fuerunt Cecropidae; et verba gratulantia tulerunt, Cephalus peragit mandata de auxilio petendo. LEM. — *primo congressu tulerunt verba*. Cicero Fin. III, 2: *surrexit; deinde prima illa, quae in congressu solentur.* — De auxilio hoc ceteri scriptores silent: Diodorus IV, 61, narrat, in hoc bello quum fames orta esset, Athenienses ab Aegeo petisse, ut opem sibi a Diis impetraret: quod Iocrates Evag. IV, de universis Graecis tradit. — *iura*, necessitudines. Plinius VII,

Aëacus, in capulo sceptri nitente sinistra,
 « Ne petite auxilium, sed sumite, dixit, Athenae.
 Nec dubie vires, quas haec habet insula, vestras
 Ducite; et omnis eat rerum status iste mearum.
 Robora non desunt; superat mihi miles, et hosti: 510
 Gratia Dīs; felix, et inexcusabile tempus. »
 « Immo ita sit! Cephalus, crescat tua civibus opto
 Res, ait: adveniens equidem modo gaudia cepi;
 Quum tam pulchra mihi, tam per aetate iuventus
 Obvia processit: multos tamen inde requiro, 515
 Quos quondam vidi vestra prius urbe receptus. »
 Aeacus iugemuit; tristisque ita voce locutus:
 « Flebile principium melior fortuna sequuta est.

Ep. 2, 4, *Sunt mihi et cum marito eius vetera iura.*

506. *capulo*, parti inferiori sceptri, quae manu tenebatur, sedentes innitebantur.

508. *Nec dubie* — *ducite*, non dubitate ducere. Et Burmannus emendari volebat, *Nec dubita* — *ducere*. Male; tres enim legatos alloquitur, et praecessit *petite*, *sumite*. — Quidam, pro *ducite*, habent *dicite*, quod defendit Zinzerling. Promuls. 21. — Etiam si Regii nostri quoque habeant *dicite*, attamen *ducite* verius nobis videtur. LXX. — *Sequentia omnis* — *mearum* molestiam creant. Heinsius coniiecit *omnis*, id est, *communis rerum status*; Burmannus, et, ut *rerum nunc est status ille mearum*. Potest tamen vulgata lectio utcumque explicari. *Status rerum* quam omnino sit regni conditio, potest etiam de copiis militaribus intelligi, et *ire* de exercitu proficiscente recte dicitur: vid. Cornel. Nepos, Ages. III, 5. Neque hoc nos offendere debet, quod unusquisque suas copias *ire* vult;

is enim sensus bene convenit antecedentibus, *Ne petite* — *ducite*: et poterat in tanta suorum multitudine novos facile milites conscribere.

510. *superat* — *hosti*) Haec verba vir doctus in Ephrem. lit. Icn. anni 1793, n. 280, argute et breviter dicta putat, ut intellig. *superat miles mihi*, ad me defendendum, et *hosti*, et ad hostem impugnandum. Etiam Lenzius *hosti* explicat, adversus hostem. Alii de loco sanando cogitant: Heinsius, *Superat sat militis hospes*; Burmannus suadet vel ut *hosti*, vel in *hostem*. Prius minimum aberrat a vulgata scriptura; posterius melius favet sensui. — *inexcusabile tempus*, conditio regni adeo prospera, ut excusatio de auxilio negando locum non habent.

512. *Immo ita sit* vim habet confirmandi, quod ab altero dictum est. — *requiro*, sentio abesse.

518. *sequuta est* revocavi et plurimis MSS. numque Heinsius ex uno Giofani, Vaticano primo, Gronoviano, Excerptis Langermanni, et ex

Hanc utinam possem vobis memorare sine illo!

Ordine nunc repelam: neu longa ambage morer vos: 520

Ossa, cinisque iacent, memori quos mente requiris:

Et quota pars illi rerum periere mearum!

Dira lues ira populis Iunonis iniquae

Incidit, exosae dictas a pellice terras:

Dum visum mortale malum, tantaeque latebat. 525

Causa nocens cladis; pugnatum est arte medendi.

Græviano, pro diversa lectione sequitur invexerat, ut sensus esset: Gemui ego quidem, sed hoc flebile principium in narratione iam instituenda melior fortuna sequetur. Alterum melius.

519. *memorare sine illo! Ordine etc.* Libri omnes, *memorare! sine illo Ordine etc.* Sed ego Schæpperi conjecturam recipere non dubitavi. Cur enim *sine illo ordine* rem narrare voluisset? et cur optet, ut fortunam narrare possit, quam et poterat narrare, et revera ordine memoravit? Et vidi conjecturam eandem tam viro docto in Biblioth. Tigur. pag. 75, quam Lenzio esse probatam. Ac hic quidem hæc cum sqq. *neu longa etc.* coniungit. — Regius noster A habet *sine illo*; id est, sine prooemio. LEN. — *Ordine repetere, referre*; formulae sunt solennes de iis, qui rem diligenter per partes narrant. — *longa ambage morer vos*; superflua oratione: teste Heinsio tres MSS. habent *morer vos*; at Florentinus S. Marci, primus Vaticanus, primus Medicæus et duodecim alii, *moreris*, quod habet etiam, a prima manu, noster Codex B, et quod, ut suavius, prætulimus. LEN. — *Ossa cinisque*. Vide ad VIII, 496.

522. *Et quota pars illi* Codex Regius B, *illie*, ut *illi*, quos tu quondam

vidisti, fuere minima pars eorum, qui perierunt. *Quotus* adhibetur et ad augendam et ad minueundam rem. — *rerum mearum*, subditorum meorum. *Res*, ut *πράγματα* et *χρόμα*, de hominibus. Vide Gronovii Olyn. IV, pag. 706. Infra vs. 583, *pars meorum*.

523. *Dira lues ira etc.* Notabilia pestilentiae descriptio, in qua Noster aequatus est Lucretium VI, 1136; Virgil. Georg. III, 474 sqq. Confer. Seneca Odip. 35 sqq. *Dira* dicitur a Diis iratis immissa et præter modum magna. Sic *dira grando* Horatius I, Od. 2, 1. — *populis*. Vide ad versum 481. — *ira populis*, Codices nostri, *populis ira*, quod sensui melius convenit; sed omnes MSS. alii et editiones habent datam lectionem. LEN. — *iniquae*, iratae; vid. Heinsius ad Sil. III, 2. — *Incidere* proprio de morbo, calamitate, malo. Apud Thucydidem II, 47, aliquoties pestis dicitur *ἐκκλινειν*. — *a pellice*, Aegina ex Iove Aeacum peperit: VI, 113.

525. *mortale*, usitatum inter mortales, adeoque naturale. Sic *humanum malum*, *humanae res*, *humani sensus*. Virgilius Aeneid. XII, 797, *vulnus mortale*, a mortali illatum. Ibi quoque, ut nunc, divinitus immisso opponitur; sed Schirachius hoc loco interpretatur mortiferum contra linguae usum. — *pugnatum est felix verbum!*

OVID. Op. Tom. III

G g

Exitium superabat opem, quae victa iacebat.
 Priucipio coelum spissa caligine terras
 Pressit, et ignavos inclusit nubibus aestus.
 Dumque quater iunctis implevit cornibus orbem 530
 Luna, quater plenum tenuata retexuit orbem;
 Letiferis calidi spirarunt flatibus Austri.
 Constat et in fontes vitium venisse, lacusque,
 Milliaque incultos serpentum multa per agros
 Errasse, atque suis fluvios temerasse venenis. 535
 Strage canum prima, volucrumque, oviumque boumque,

Cicero de Sen. *pugnandum est contra senectutem, tanquam morbum.* — *Exitium* — *iacebat*; Lucret. 1177, *multabat tacto medicina timore.*

527. *quae victa iacebat*) Heinsius valde metuebat, ne hoc hemistichium sit ab aliena manu, quae versum a Nasone mutilum relictum supplere voluerit: rescribendum certe esse, *quae victa iacebat*. *Quae victa iacebat* otiosum quidem est post antecessit: neque tamen ab aliena manu additum cum Heinsio putem. Passim noster sece luxuriat. — Nostri codices habent *opes, victaeque iacebat*: non ingrata mihi videtur Heinsii emendatio; vulgata tamen Ovidiana dici potest. LEM.

528. *coelum spissa caligine etc.*) Aestu nimio pestem in aëre gigni putabant Veteres. *Pressit* enī convenit τῇ spissa. Lucret. 1117; Seneca Oed. 47, *gravis et ater incubat terris vapor.* — *ignavos*, qui reddunt ignavos et languidos: confer versum 547, et Lucretium VI, 1154. Aestus et languor sacrissima huius morbi symptomata erant.

530. *iunctis — cornibus — Luna*) Codices Regii nostri, *plenus cornibus*, ut supra vers. 180, *plurissima falsit Luna*, et apud Virgil. Aen. III, 152,

se Plena per insertas fundebat Luna fenestras. LEM. — *Luna tenuatur et retextitur*, quum decrescit. *Tenuari* minus minui. Vid. Bronkhuisius ad Propertium III, 1, 5. In verbo *retextere* non debebat Schirachius haerere. Saepe, etiam apud Ciceronem est dissolvere. Vide Gronovii Obs. IV, pag. 706; Claudian. 28, 133, *retextere iter*, relegere.

533. *in fontes vitium venisse, lacusque*) Lucretius VI, 1123: *Haec igitur — pestilentia Aut in aquas cadit aut fœces persidit in ipsas*; conferatur Virgilius Georg. III, 480. — *vitium*; aeris corruptionem. — *serpentum*; aqua corrumpitur partim vitio aeris, partim venenosus serpentibus. LEM. — *temerasse*; polluisse. Vide ad II, 592. Miscebat autem Ovidius diversa; nempe secundum Hyginum fab. 52, *luna irata serpentem in aquam misit, quae eam venenaret*. Ex qua qui biberat, moriebatur.

536. *Strage canum prima etc.*) Haec ex Iliados I, sumpta esse videntur; nam Homerus, dicto loco, vs. 50, pestem in exercitu Graecorum Apollinis ira iunissimam discerens, ait: Οὐρανὸς πῶν πῶτον ἐνὶ στρατῷ, καὶ νόσος ἀνθρώπων. Sic et Virgilius, dicto loco: *genus omne neci pecudum dedit*,

Inque feris subiti deprensa potentia morbi:
 Concidere infelix validos miratur arator
 Inter opus tauros, medioque recumbere sulco.
 Lanigeris gregibus, balatus dantibus aegros, 540
 Sponte sua lanacque cadunt, et corpora tabent.
 Acer equus quondam, magnacque in pulvere famae,
 Degenerat palmas; veterumque oblitus honorum,
 Ad praesepe gemit, leto moriturus inerti.
 Non aper irasci meminuit; nec fidere cursu 545

omne ferarum. — *oviumque*; olim edebatur *oviumque*; qui error antiquus est; sic enim iam legit Planudes, in cuius versione, περὶ τοῦ αἰετὸς ἐστὶν. Regii nostri dant *ovium*. — *deprensa*, animadversa.

538. *Concidere infelix* etc.) Virgilius, dicto loco, 515: *Ecce autem duro funans (sodore) sub vomere tauros Concidit; et mixtum quoniam vomit ore cruorem, Extremoque ciet genitus: il tristis arator Moerentem abluens frateris morte iuvenem; Atque opere in medio defixa relinquit aratra.* Adde vs. 494-497. *Concidere*, ut *collabi*, de moricute. — *Inter opus*, inter arandum. LEM.

540. *balatus aegros*, ut vs. 319, *tener balatus*.

542. *Acer equus quondam* etc.) Hos versus Apolline dignos pronunciat Tansq. Fubér. — *Acer*, generosus, ferox. — *in pulvere*, in certaminibus, in quorum descriptionibus pulveris fere sit mentio. Vid. Iani ad Horat. I, Od. 1, 3. — *palmas*, victoriam; Virgilius Georg. I, 59, *Etiadum palmas equarum*. — *Degenerat palmas*, indignum se praebet victoriis, deteriorum. Sed ego cum Schirachio non dubito defendere vulgatam lectionem ab Ilcinio pulsam, *degenerat, palmas veterumque oblitus honorum*.

*Quamquam enim *degenerare* active interdum dicatur, ut docet Heinsius ad Pont. III, 1, 45, tamen *palmam* et *honorem* melius sic iunguntur. Possis et cum nonnullis *legere degenerat ad palmas*, namque ad eleganter pro quondam. Hinc facile fieri potuit *degenerat*; quo facto alii et *palmas* mutarunt. — Codex noster A, *Degenerat palmas veterumque* etc.; Codex B, *Degenerat ad palmas*: lectio codicis A, quae est vulgata, et simplicior, nobis genuina videtur; nescio cuius an facile recipi debent, quam praeferebat cl. Gierig, lectio Codicis B. LEM. — *leto moriturus*; vulgo *merito moriturus*, pro quo Barinianus, e vetustioribus *leto moriturus* dedit, ut vitaretur *παρρησιάζομαι*. Idem monet posse et *tubo legi*; Heinsius coniecit *languore obiturus*. — *leto inerti*; ignavo, siue sanguine, ut est VIII, 518, *inglorius*, non in certamine aut bello. Sensum Graecorum tribuit equo. *Ignava mors* sic apud Silium IX, 512: Virgilius vs. 498: *Labitur infelix, studiorum atque iuniorum herbae Victor equus, fontemque avertitur, et pede terram Crabra ferit; demistag aures* etc.

545. *Non aper irasci* etc.) Confer. Virgilius Georg. III, 537. *Irasci*. Seneca, de Ira I, 3, ubi hos versus laudat, addit: *Irasci dicit, incitari, im-*

Cerva; nec armentis incurrere fortibus ursi:
 Omnia languor habet; silvisque agrisque viisque
 Corpora foeda iacent: vitiantur odoribus aurae.
 Mira loquor: non illa canes, avidaeque volucres,
 Non cani teligere lupi: dilapsa liquescunt, 550
 Adflatque nocent, et agunt contagia late.
 Pervenit ad miseros damno graviore colonos
 Pestis, et in magnae dominatur moenibus urbis.
 Viscera torrentur primo; flammaeque latentis
 Indicium rubor est, et ductus anhelitus aegre: 555
 Aspera lingua tumet; tepidusque arentia ventis

pingi. Irasci quidem (ferae) non magis sciunt, quam ignorare. — fidere aliquas re, ope eius salutem quaerere. Sed haec de apro, cerva, uris rectius adessent. Modum servare Ovidius nescit. — Quis nostrorum probaverit Germanicam istam gravitatem, qua Georg hoc loco Ovidium sui impotentem dixerit? Radenda erga et abolenda quoque suavissima illa quae in sua libri VII fabula est, invenit Noster La Fontaine, felicissimus in turne annulus. LXX. — languor: morbus. Lucretius VI, 1217, languebat pleuraque morbo, — foeda, putrescentia.

549. *non illa canes etc.)* Lucret. 1213: *Multaque humi quoniam inhumata iacent corpora supra, Corporibus tamen alatum genus atque ferarum Aut procul abiebat, ut acrem exiret odorem, Aut, ubi gustarat, languebat morte propinqua. — cani lupi; unus Medicus, ex di lupi, nude Heinsius faciebat rari. Regii nostri, cani. — dilapsa. Virgilius Georg. III, 557: torpore dilapsa cadaverum tabo. Livius XII: «Cadavera interea a canibus ac vulturibus tabes absumebat.» — *liquescere*, putredine dissolvi; ergo idem quod delabi.*

552. *Pervenit ad miseros etc.)* Lucretius VI, 1137: *funestos res ad agros, Postavitque vias, exhausit civibus urbem.* Tum 1250: *Præterea iam pastor et armentarius omnis, Et robustus item curvi moderatur aratri* Languebat. — *Perire* iis aut ad eos dicuntur mala, morbi, quos invadunt: Art. Amat. II, 323. — *gravare*, nempe quam ferarum. — *magna commune epitheton urbium capitulum.*

554. *Viscera torrentur etc.)* Lucretius VI, 1166: *Intima pars homini vero flammavit ad ossa: Flagrant stomacho flamma, ut fœnasibus intus; et 1164: ossa rubere Corpus, ut est, per membra suum quam diditur ignis. — flammæque latentis; quidam, flammæque fatiscunt, quod probat Gioffanus. — Et hanc lectionem quam nostri quaque Codices Regii habent, solum sincerius pulo. LXX. — aegre; plurimi igitur aut igni: Barth. ad Silium Thebaid. IV, 756, legit et durus anhelitus; igitur Aspera. Regii nostri habent igni.*

556. *Aspera, inflammatione. Virgilius Georg. IV, 508: obstruas faucibus premit aspera lingua. Lucretius VI, 1147: asperæ animi interpres nas-*

Ora patent; auræque graves captantur hiatu:
 Non stratum, non ulla pati velamina possunt;
 Dura sed in terra ponunt praeordia: nec sit
 Corpus humo gelidum, sed humus de corpore fervet. 566
 Nec moderator adest; inque ipsos saeva medentes
 Erumpit clades, obsuntque auctoribus artes.
 Quo propior quisque est, servitque fidelius aegro;
 In partem leti citius venit: utque salutis
 Spes abiit, finemque vident in funere morbi, 565
 Indulgent animis: et nulla, quid utile, cura est;
 Vile enim nihil est: passim, positoque pudore,
 Foutibus, et fluvii, puteisque capacibus haerent;
 Nec prius est extincta sitis, quam vita, bibendo:

nabat *thegra erigere*, *Debilinta malis*, motu gravis, aspera tactu. — *Trepidus ventis*, quod Burmannus e priore Hamburgensi invexerat, valde displicet. Id rectius, VI, 389, de eo, cui entis detrahitur, quam hoc loco, de sitiente. Revocavi ergo ex plurimis MSS. *tepidus ventis*. Nonnulli, vel *trepidus ventis*, vel *tepidus ventis*, inde lectio illa composita. — *Ora patent*: Lucretius 1173, *ipso vententes ere patente*. — *graves*, pestilentes. Heinsius malit *gravi-hiatu*. — *Dura* Burmannus interpretatur, tosta et arida. Sed Schaepperus corrigit *auda*. Dicitur forte *dura*, quia aestus contraxerat cutim, atque sic reddiderat duram, VIII, 803. Lucretius 1192, *frigida pellis duraque*. Melius *dura* terra hic conveniuntata esset.

561. *Moderator*, medicus imperator. Seneca de benefic. VI, 16. LXX. — Virgil. d. l. 59: *Quaeriturque nocent aries: cessare magistri, Philtyrides Chiron* etc. — *auctor*, qui proficitur artem.

563. *Quo propior quisque etc.* Lu-

cretius 1241: *Qui fuerant autem praesto, contagibus ibant*.

566. *nihil, quid utile, cura est* Lucretius 1168: *Nil adeo posset cuiquam leve tenuisque membris Fertere in utilitatem: ad ventum et frigora semper In fluvios partem gelidos ardentia morbo Membra dabunt, ancha sidentes corpus in nodas*. — *passim*; sine ordine. — *haerent*; nolunt inde avelli; *haerere* etiam cum ablativo; vide Burmannum ad IV, 27. Quoniam posito pudore et indulgent animis processit, Burmannus mirum sane sensum deprehendit in verbo *haerent*; explicat enim de amplexibus, ipsoque enim coitu, cui miseri indulserunt ad extremum. Corpora tam misera, tantis cruciatibus vexata et defatigata, fuerint proclivia in Venerem? Nempe posito pudore eo pestilenti, quod nuda corpora proiciebant in aquas, ut aestum sedarent; et sic indulgebant animis.

569. *Nec prius est extincta sitis etc.* Lucretius VI, 1174: *Inardabiliter sitis arida arsera mersans Aequalat*

Inde graves multi nequeunt consurgere; et ipsis 570
 Immoriuntur aquis: aliquis tamen haurit et illas;
 Tantaque sunt miseris iuvisi taedia lecti,
 Prosiliunt: aut, si prohibent consistere vires,
 Corpora devolvunt in humum, fugiuntque penates
 Quisque suos: sua cuique domus funesta videtur; 575
 Et quia causa latet, locus est in crimine: notis
 Semanimes errare viis, dum stare valebant,
 Adspiceres; flentes alios, terraeque iacentes;
 Lassaque versantes supremo lumina motu;
 Membraque pendentis tendunt ad sidera coeli, 580
 Hic, illic ubi mors deprnderat, exhalantes.
 Quid mihi tunc animi fuit? an quod debuit esse,
 Ut vitam odissem, et cuperem pars esse meorum?

multum parvis humoribus imbre.

570. *graves multi*) multi e vetustioribus, *graves morbo*. Heinsius hunc et sequentem versum suspectos habet; immo spernebat versum 576. — Hoc iudicium Heinsii nimis severum videtur. Regii nostri habent *graves multi*. LAM. — *Immoriuntur aquis*; etsi plures viderent immori noxiis aquis, tamen alii non deterriti easdem iam cadaveribus infectas bibere non reformidabant. BVM. Cf. Lucret. 1262. — Male Burmannus cum Ioniaus dedit *alius*; etenim aliquis saepe pro alius aliquis. Vid. Ernesti ad Taciti An. I, 4.

576. *in crimine, in uoxa, in infamia esse* bonae locutiones. Vide Burmannum. — *notis*, quod Heinsius de suo dedit, non male se habet. Vide ad I, 370. Fortè tamen antiquior lectio praestet *in crimine solus*. Alii *notus, totus* etc. — *terrae*, in terra, V, 122.

579. *Lassaque versantes* etc.) Lenzius hunc et sequentem versum transponi vult ante 614. — *Quid animi*, ut I, 358. — *an adfermat*, ut V, 626. — Regii Codices habent ant;

dentia noctes Versarent oculorum expertia somno.

580. *Membraque pendentis* etc.) Hunc versum, quem cum sequenti scotica diguum iudicabat Heinsius, defendit Burmannus, qui *pendentis coeli* explicat e versu 528, ubi *coelum spissa caligine terras premit*. Lucretius 1126: ut etiam *suspensa manet vis aëre in ipso*. Posse tamen, addit Burmannus, et *pendentis* legi. Certe Seneca Oed. 36 dixit, *coelum nocens*. Sed *pendere* eleganter, ut I, 268, *pendentia nubila*, et nunc nubibus spissis coelum obductum. — *Hic, illic ubi* etc. Heinsius emendabat *Hic, ubi mors animam deprnderat*. Porro *Hic, illic*, quod et ipsam Heinsium offendeat, frequenter dicitur pro ubique, passim. — *exhalare* denique non raro absolute ponitur.

582. *Quid mihi tunc animi* etc.) Lenzius hunc et sequentem versum transponi vult ante 614. — *Quid animi*, ut I, 358. — *an adfermat*, ut V, 626. — Regii Codices habent ant;

Quo se cumque acies oculorum flexerat, illic
 Vulgus erat stratum; veluti quum putria motis 335
 Poma cadunt ramis; agitataque ilice glandes.
 Tempia vides contra, gradibus sublimia longis;
 Iuppiter illa tenet: quis non altaribus illis
 Irrita tura tulit? quoties pro coniuge coniux,
 Pro gnato genitor, dum verba precantia dicit, 340
 Non exoratis animam sinivit in aris;
 Inque manu turis pars inconsumenta reperta est!
 Admoti quoties templis, dum vota sacerdos
 Concipit, et fundit purum inter cornua vinum,
 Haud expectato ceciderunt vulnere tauri! 345
 Ipse ego sacra Iovi pro me, patriaque tribusque
 Quin facerem natis, mugitus victima diros

non ingenta lectio. LXM. — *pars esse;* idem passum esse.

583. *putria*) Heiosius ait, se aliquando coniecisse *matura*, id est, *matura*, sed post se intellexisse, *putrea* se bene habere; putrescentia enim facillime ex arbore defluere. Adde, quod cum putrescentibus pomis bene comparantur forda illa corpora. Quamquam putra etiam esse possunt, quorum petiolus est putris seu resolutus.

587. *Templum Iovi in monte Panhellenio* Aeneas dedicaverat. Pausan. II, 30. De *gradibus*, ad templa, vid. ad II, 1. — *longis*, longum scalam efficientibus. Vnus Moreti, *celsis*: *celsi gradus* Trist. III, 1, 59. Regii nostri, *longis*.

590. *Pro gnato genitor*) Basilienis et Moreti, *Pro gnato genitrix*, quod probat Burmannus, quin matres magis eo vota precesque pro filiis ardent. — *Pro dicit*, unus Ciosani *fudit*; Cantabrigie et Menardi, *fundit*, quod melius est *irrita* convenire id ut putat; *fundere* caum in talibus locis

esse, perdere. Etiam vs. sequenti, ex altero Regio, *præstare animam profudit*, uno invenniuntur repetitione. Regii nostri nihil mutant. — *in aris*, ad aras. — *exoratur orat*, ad quas exoratur a Diis preces. — *anima*, vita, quod unus MS. e glossa habet.

593. *Admoti quoties templis* etc.) Virgilius Georg. III, 486: *Sæpe in honore Deum medio stans hostia ad aram, Lancea dum invea circumdatur infusa vitta, Inter constantes cecidit moribunda ministras. Aut si quam ferro mactaverat ante sacerdos, Inde neque impositis ardent altaria fibris; Nec responsa potest consilium reddere vates: Ac rursus suppositi tinguntur sanguine cultri; Summaque ieiuna sanæ infuscat arena.* — *Vota concipit*, formulam precum recitat, conceptis verbis precatur: Tacitus Hist. IV, 31, *curanturandi verba concipere*, promunciare formulam iniuriandi. — *parum commune rerum sacrarum epitheton*. Sic II, 713, *pura rasa*, ubi vid. not. — *ultima*, ictus cultri, cas-

Edidit; et subito collapsa sine ictibus ullis
 Exiguo tinxit subiectos sanguine cultros.
 Fibra quoque aegra notas veri monitusque Deorum ⁶⁰⁰
 Perdiderat: tristes penetrant ad viscera morbi.
 Ante sacros vidi proiecta cadavera postes:
 Ante ipsas, quo mors foret invidiosior, aras
 Pars animam laqueo claudunt, mortisque timorem
 Morte fugant; ultroque vocant venientia fata. ⁶⁰⁵
 Corpora missa neci nullis de more feruntur
 Funeribus; neque enim capiebant funera portae:

sequens pro antecedente. — Mala omnia, si victima repente cadebat, mugitus edebat, eriguntque fundebat sanguinem. Largus contra cruor fontem signum. Plinius Pan. V, 3. — subiectos, in sacris cultri subter iugulum adigi solebant.

600. *Fibra*) fibrae proprie extorum extremitates, deinde omnino exta, hoc est, iecur, cor, pulmones. — *aegra*, vitata. — *notas veri*, signa quibus verum cognoscitur. LEM. — *Perdiderat*, quod ante Heinsium vulgabat, et in plurimis MSS. (et in Regiis nostris quoque) exstat, revocavi loco prodiderat. Dolet Aeneas, quod ne ex ipsis quidem extis consiliu Deorum in re tam tristi peti potuerint: morbida enim vis perdiderat, corripuit ipsa viscera, ut verum fide cognosci huius posset. Lenaxia prodiderat expl. deseruerat. — *Ante ipsas* etc. Hoc iam dictum vers. 591. Irgius igitur post aras debet punctum, ut hanc coluerant cum sequentibus. Non male: ei ergo obsequitus sum. — *invidiosa*, odiosa, abominabilis. Lucretius VI, 1270: *Omnia itenique sancta Deum delubra repleat Corporibus mors exanimis; et 1274: Nec iam religio Divum, nec munera magni Peniebantur: enim*

praesens dolor exsuperabat. — *animam claudunt*, breviter, clausis, contractis, laqueo faucibus impediunt sive intercludunt animam. Plinius ibi 552, *animae laqueo sit via clausa tuar.* Et claudere omnino impedire, ut VI, 572. — *Mortisque* etc. Argute: ne diu timore mortis tam odiosae cruciatur, repente sibi aliam consciscunt mortem. Plinius Ep. VI, 20, 14 de incendio Vesuvii: *Erant, qui metu mortis mortem precarentur.* Mirifice hoc acumen Schirachio placuit, qui summa sic efficacia morbi cruciatu pictos esse monet. — Praeter illud Plinii exemplum, quod attulit d. Gierg, duo caetera petranus prius ab Martiali II, Epigr. 80: *Hic, fero, non furor est, ne moriure, mors? alterum a Floro II, 12: cuius tanta trepidatio fuit, ut pecuniam omnem in mare iusserit mergi, ne periret; classem cremari, ne incendiaretur.* LEM. *Vocare* quis dicitur ea, quae accelerat. Huic bene convenit *venientia*, quod Bannmannus illustrat: Persius III, 64, *Venienti occurrere morbo.*

607. *Funeribus*, exsequiis, pompis funebribus. Has non cepissent portae; hoc non potuissent omnes per portas eire. *Feri et offerri* verba pr. in hac

Aut inhumata premunt terras; aut dantur in altos
 Indolata rogos: et iam reverentia nulla est;
 Deque rogis pugnant; alienisque ignibus ardent. 610
 Qui lacryment, desunt; infestaeque vagantur
 Natarum matrumque animae, iuvenumque senumque:
 Nec locus in tumulos, nec sufficit arbor in ignes.

» Attonitus tanto miserarum turbine rerum,
 Iupiter o, dixi, si te non falsa loquuntur 615
 Dicta sub amplexus Aeginae Asopidos isse;
 Nec te, magne pater, nostri pudet esse parentem;
 Aut mihi redde meos, aut me quoque conde sepulcro.»
 Ille notam fulgore dedit, tonitruque secundo.
 » Accipio, sintque ista precor felicia mentis 620

re. Lucretius, dicto loco, 1276: *Nec mos ille sepulturae remanebat in urbe, Et prius hic populus semper connumerat humari. Perturbatus enim totus trepidabat, et unus Quisque suam pro re consortem moestas humabat, — altis ornat. — Indolata, sine muneribus, quae iniici in rogos ab amicis solebant, ut recte cepit Regius.*

610. *Deque rogis pugnant* etc.) Lucretius ibid. 1280: *Multaque vis subita et paupertas horrida suavit. Namque suos consanguineos aliena rogorum luciper instructa ingenti clamore locabant, Subdebantque fides, multo cum sanguine saepe Riuantes potius, quam corpora desererentur. Vmbrae iustis defraudatae non poterant Stygia transire, sed hinc illuc vagabantur, errabant. — Nec locus etc. Nimis auxit rem.*

615. *si solenne in precibus. — sub amplexus ire*, concubire. Valde autem hic variant lectiones MSS. et emendationes interpretum. Schimichius putat, Ovidium ipsum plures iuxta se posuisse locutiones, e quibus postea eligeret optimum. Maxime

placet quod Marian. Accurs. e Codice Vaticano, profert, *isse sub amplexus Aeginae Asopides ignem*. Cf. VI, 113, ubi Iupiter *Asopida ludat ignem*, seu in ignem conversas. *In amplexus ire* est XI, 223. — *nota*, signum. — *fulgore*, fulgoris splendo. e. LXX. — *tonitruque secundo*, quoniam quidam habent *tonitruumque secundum*, Heinsius etiam *fulgore* mutat in *fulgur*, ut sit oppositio. Duo, *tonitruumque secundo*, quos Burnmannus capit vel de faustis et faveantibus, vel proprie de repetitis: non enim sufficere unum augurium, nisi confirmaretur ex simili. — Regii nostri habent *tonitruumque secundo*, et aestio an quis recte receperit lectiones quas protulit cl. Grevig ex Heinsio et Burnmanno; dicebatur quidem *tonitruum*; sed *tonitruum* et *tonitrus* in plur. a numero plusquam suspecta vocabula opinor. LXX. — *secundum*; quod audiebatur e sinistra screeni coeli parte. Tali tonitru Iupiter significabat, se esse exortatum: confer. Homerus Odyss. Y, 102; Virgilius Aeneid. II, 691, ibique Servius. — *Asopio*; vox co-

Signa tuae, dixi: quod das mihi, pigneror, omen.»

» Forte fuit iuxta patulis rarissima ramis,

Sacra Iovi, quercus de semine Dodonaeo.

Hic nos frugilegas ad-pexinus agmine longo

Grande onus exiguu formicas ore gerentes, 625

Rugosoque suum servantes cortice callem.

Dum numerum miror; » Totidem, pater optime, dixi,

Tu mihi da cives, et inania moenia supple. »

Intremuit, ramisque sonum sine flamine motis

Alta dedit quercus: pavido mihi membra timore 630

Horruerant, stabantque cornae: tamen oscula terrae,

Roboribusque dedit: nec me sperare fatebar;

Sperabam tamen, atque animo mea vota fovebam.

ram qui se indicabant bono omine oblati laetari. — *pigneror*, pro pignore benevolentiae tuae habeo. — *Regius A* hunc versum ita habet: *quae das mihi pignora, numen*. Codex *B*, *quod das mihi pignoris omen*. Vulgata lectio vera videtur; sic apud Cicero cum Philipp. XIV, 12: *Mars ipse in acie fortissimum quemque pignorari solet*. Vide Nonium in voce, *pignerari*; et Aul. Gellium Noct. Attic. XVIII, 12. LEM.

622. *rarissima* — *Dodonaeo*) *Quercus Dodonaeae* erant celeberrimae, sed in insula Aegina *rarissimae*. Sic *Regius A* et *Burmansius*. Arborem enim *patulis ramis* minime dici posse putant *raram*. Monet porro *Burmansius* posse et *clarissima* legi. *Heinsius* suaserat, *latus-ma*. E vs. 636, colligas, poetam quercum plurimis ramis indicare voluisse. Atque plura occurrunt loca, ubi densitatis notionem expectasses, et tamen *rarus* usurpatum est, ut *Virgilio* Ecl. V, 7; *VI*, 46; *Cornelio Nep.* I, 5, 3. *Leuzius* hoc loco *rarissimam* interpretatur, cuius rami se non premunt, inter

quos magna potius intervallo, adeoque quercus altissima.

624. *Hic nos frugilegas etc.*) *Locus* suavis, quo res tenuis decore ornata et natura formicarum fideliter expressa. — *Grande exiguum*. *Horatius* I, Sat. 1, 33, *Parvula magni formica laboris*. — *Rugosus cortex*, non formicarum, ut *Schirachius* putabat, sed quercus; *Sectus cortex*, IX, 658. — *servant*, omnes tenent eundem callem. *Plinius Hist. Nat.* XI, 36: *Silices attingere formicarum attritos videmus, et in opere semitam factam, ut quis dubitet, qualibet in re, quid possit quantalocumque assiduitas*. — *inania moenia*; hominibus vacua. LEM. — *supple* vulgatum male *Heinsius* auctoritate septem MSS. abrogaverat, qui *reple* habent; nam *suppleri* dicuntur quae exhausta sunt. — *Intremuit*; firmando omni; exauditis precibus. LEM.

630. *pavido mihi etc.*) *Sensus* eorum, quibus signum praesentiae divinae datum. — *moenia* figebantur non terrae modo peregrinae, quam quis sospes attingebat, sed et locis, ubi

Nox subit, et curis exercita corpora somnus
 Occupat: ante oculos eadem mihi quercus adesse, 63
 Et ramos totidem; totidemque animalia ramis
 Ferre suis visa est; pariterque tremiscere motu;
 Graniferumque agmen subiectis spargere in arvis:
 Crescere quod subito, et maius maiusque videri,
 Ac se tollere humo; rectoque adsistere trunco; 64
 Et maciem numerumque pedum, nigrumque colorem
 Ponere; et humanam membris inducere formam.
 Somnus abit: damno vigilans mea visa; querorque
 In Superis opis esse nihil: at in aedibus ingens
 Murmur erat; vocesque hominum exaudire videbar; 65
 Iam mihi desuetas: dum suspicor has quoque somni;
 Ecce venit Telamon properus; foribusque reclusis,
 « Speque fideque, pater, dixit, maiora videbis:
 Egredere. » Egredior; qualesque in imagine somni
 Visus eram vidisse viros; ex ordine tales 66
 Adspicio, agnoscoque: adeunt; regemque salutant.
 Vota Iovi solvo, populisque recentibus urbem
 Partior, et vacuos priscis cultoribus agros;

Inctum signum apparuerat. — Roboribus, robori, quercui. — nec me etc. ex naturae humanae veritate.

634. exercita, defutigata: confer VIII, 83, ubi, curis fessa diurnis Pectora somnus habet. — Graniferum agmen; formicus: de iis Virgilius Aeneid. IV, 404, *It nigrum conquis agmen, praedamque per herbas Constatant calle angusto.* LXX.

639. Crescere quod subito) quidam hinc subito aut de subito: Heinsius malit delinac subito. — Regius A habet de subito; Codex B nihil mutat. — recto trunco, quia homini recta, sive, erecta forma. Secundum Servium ad Aen. II, 7, *Secutus quatuor in*

arbore formicas vidisset, cepit, tibi sibi sociis evenire, et statim fornicat in homines versae sunt.

643. damno, contemno. — desuetas, nempe multorum hominum voces et fremitus audire desueverat. — dum suspicor has quoque somni; Ecce venit etc. Regii nostri Codices, *dum suspicor has quoque somni Esse; venit etc.* Non mala certe lectio. LXX.

649. in imagine somni) Burmannus mullet in imagine noctis, quia praecessit somni. Regii nostri A et B habent somni, id est somnium, ut VIII, 824; infra tamen IX, 423, *imago noctis*; et Amor. III, 5, *nocturna imago.*

Myrmidonasque voco; nec origine nomina fraudo.
 Corpora vidisti: mores, quos ante gerebant, 655
 Nunc quoque habent. parcum genus est patiensque labo-
 Quaesitique tenax, et qui quaesita reservent. (cum,
 Hi te ad bella, pares annis animisque, sequentur;
 Quum primum, qui te feliciter attulit, Eurus,
 Eurus enim attulerat, fuerit mutatus in Austros. » 660
 VIII. Tatibus atque aliis longum sermonibus illi
 Implevere diem: lucis pars ultima mensae
 Est data; nox somnis: inbar aureus extulerat Sol;
 Flabat adhuc Eurus, redituraque vela tenebat.
 Ad Cephalum Pallante sati, cui grandior aetas, 665
 Ad regem Cephalus, simul et Pallante creati

654. *Myrmidonas*) Vide ad vs. 453. Strabo, notante Regio, eos inde hoc nomen accepisse vult, quod formicarum more terram in petras apportaverint, ut agri colendi materiam haberent. — *fraudentur nomen origine*, quum rei imponitur nomen, quod non declarat originem, non conveniens origini.

656. *parcum genus est ex nostris* Regiis recepti; *ta est errore profecto omiserat Gierig*: metrum laborabat; alii habent *parcumque genus*. LEM. — Cum his conferatur Horatius I, Sermon. 1, 33 sqq. — *Quanti tenax*, et qui *quaesita reservent* eodem redeunt. — *Quaesita reservent*, scilicet Myrmidones. Codex Regius A, *quod q. aetia reservent*; Codex B, *quod quaesita reservent*: intellige *genus*, quae lectio et vulgata bene se habet. LEM.

659. *Eurus mutatur in lib. VIII, 2.*

661-865. *Cephalus et Procris*. Cephalus quum ab Aurora impulsus coniu is, ipsum non agnoscentis, pudicitiam et tentasset et labefactasset, illa, pudore suffusa, fugit in silvas, inde reversa Cephalo donat canem et

iaculum. Capis mulatur in saxum; iaculo Cephalus imprudens interficit Procrin. Confer. Antoninus Liberalis, cap. 21; Apollodorus II, 4, 7; III, 15, 1; Hyginus fabula 189, 241; Scaevius ad Aenid. VI, 448; Pausanias Attic. p. 91; Beroet. p. 746. Narraverat et, ut e Schol. ad Od. A, 320, apparet, Pherecydes, quocum Ovidius fere consentit. Exstabat etiam Sophoclis Procris. Noster fabulam decore, diligentissime et suavissime narravit. — *Implevere diem*, consumpserunt: totum diem, quam longus est, in his et similibus sermonibus transegerunt. LEM. — *pars ultima*; Regi nostri et quidam alii, *pars optima*; minus bene, quamvis *optima* pars dici in regionibus meridionalibus, ubi ab ortu fere solis ferret aether, sit *ultima*, ab hora nona usque ad decimam, unde haec partem ultimam mensae et locis conestruerant: immo praeconia vetustiori aeo omnino ignorabant. LEM. — *tenebat*, retinebat.

666. *Ad Regem*) ad Arcum. — *sopor habebat*; habetur sopor, qui

Conveniunt: sed adhuc regem super altus habebat.
 Excipit Aeacides illos in limine Phocus;
 Nam Telamon, fraterque, viros ad bella legebant.
 Phocus in interius spatium, pulchrosque recessus 676
 Cecropidas ducit, cum quis simul ipse resedit.
 Adspicit Aeoliden ignota ex arbore factum
 Ferre manu iaculum, cuius fuit aurea cuspis.
 Pauca prius mediis sermonibus ille loquutus;
 « Sum nemorum studiosus, ait, caedisque ferinae: 675
 Qua tamen e silva teneas hostile recisum,
 Tandudum dubito: certe, si fraxinus esset,
 Fulva colore foret: si cornus, nodus inesset:
 Unde sit ignoro; sed non formosius isto
 Viderunt oculi telum iaculabile nostri. » 686
 Excipit Actaeis e fratribus alter: et, « usum
 Maiorem specie mirabere, dixit, in isto.

appetit iacet. Eodem modo vs. 800, *amor habebat*.

669. *viros ad bella legebant*) Regii nostri, *monebant*; paene insulae: *legere viros* phra-sis propria in hac re; sic Virgilius *Aeneid.* VIII, 547, *Qui sese in bella sequantur*; *Præstantes virtute legit*, LXX.

670. *in interius spatium*) in aedibus erant *primae, interiores et intimae* partes. In *interiores* et *intimas* accedebant, qui aliquid oceani tractare velent; Livius XL, 8: *Sedessit in partem interiorum cum amicis*. Inde *recessus* nūl *recessus*, I, 177. Erant *spatiosiores*: Vitruv. VI, 8: *Aedificia spatiosiora ad convivia recipiendos*.

672. *Aeoliden*) Vide ad VI, 681, — *ignota*; quidam, *ignara*, quod et active et passive dici docet ad hunc locum Heinsius. Nostri Regii, *ignota*. — *iaculum*; videmus hūc iscula

esse gestata etiam ab iis qui regem adirent. — *aurea, aurata, auro ornata*; nam aurea cuspis non valuisse in feras, ut etiam Burmannus monet; qui mollet hoc loco *densa*. — *mediū sermones*, s. rebus in medio positis; vulgaribus petiti. — *ille loquutus*. Multi, *ante*; Heinsius putat *inde*; Codex Regius A, *ille*; Codex B, *ipse*. — *Qua tamen e silva*; e quo ligno. LXX. — *nodus*. Plinius Hist. Natur. XVI, 39, *Fulva cornus in venabulis nitet, incinctus iuculata propter decorum*. — *telum iaculabile, iaculum*. Hoc quoque vocabulum originem Ovidio debere videtur, ut *dubitabile*, I, 223. Ab Apollod. ἀζώτιον ἰουβόλας vocabatur.

682. *usum in isto*, usum eius. Vid. ad X, 631. Maron. Accurs. putat, hoc iaculum fuisse ex aquifolio, de qua Plinius XXIV, 13: *Baculum* (ipse conj. *iaculum*) *ex eo factum, in quo*

Consequitur, quodcumque petit; Fortunaque missum
 Non regit; et revolat, nullo referente, cruentum. »
 Tum vero iuvenis Nereius omnia quaerit: 685
 Cur sit et unde datum; quis tanti muneris auctor?
 Quae petit, ille refert; sed quae narrare pudori est,
 Qua tulerit mercede, silet; tactusque dolore
 Coniugis amissae, lacrymis ita fatur obortis:
 « Hoc me, nate Dea, quis possit credere? telum 690
 Flere facit, facietque diu, si vivere nobis
 Fata diu dederint: hoc me cum coniuge cara
 Perdidit: hoc utinam caruissem munere semper!
 Procris erat, si forte magis pervenit ad aures
 Orithyia tuas, raptae soror Orithyiae. 695
 Si faciem, moresque velis conferre duarum,
 Dignior ipsa rapi: pater hanc mihi iunxit Erechtheus;

vis animal emission, etiamsi citra ca-
caiderit defectu mittentis, ipsum per
se recubitu propius adlabi; tam pra-
cipiam naturam inesse arbori. Hoc
Procridis iaculum (Ἠρόκρινος ἄκρον
τις) in proverb. abiit, diciturque de
iis, qui, quidquid sibi proponunt,
aequuntur.

685. *Nereius*, Phocus, quem Aea-
 cus ex Psamathe, Nerei filia, su-
 sceperat: Apollonius Rhod. I, 93. —
Qua mercede, cuius mercedis loco.
 Haecruunt hic interpretes, quia Ce-
 phalus hoc quoque in sequentibus
 narrare iis videbatur. Verum ille vs.
 751 sqq. refert quidem, a Procris hoc
 iaculum sibi datum, sed *qua mercede*
 silet, aut potius obscure tangit verbis
laesum prius ulta pudorem. Sed quae-
 ritur, quomodo reliqua profecta sint
 ab Ovidii manu. MSS. nonnulli, *Quae*
patitur pudor ille refert et caetera nar-
rat, vel et caetera differt. Florenti-
 nus S. Marci, *caeterum narrare pu-*

dori. Inde Heinsius correxit, sed
quae narrare pudori est, quod non
 quoque, quia melius non habebamus,
 servavimus. Burmannus coniicit, *Qua*
patitur pudor, ille refert; et caetera
narrans Quae tulerit etc. — Codices
 nostri Regii habent *Quae petit, ille re-*
fert; et caetera nota pudori; specta-
bilis lectio quae iam Micylli et Gla-
reani meum sollicitam fecerat: cae-
tera uota, ut aiunt, vel quo pretio re-
ceperit, Cephalus ob pudorem reticet.

694. *Procris erat — raptae etc.*) Vid.
 et confer cum hoc loco VI, 681. *Ori-*
thyiae rapina erat in Graecia res no-
tissima, ealemque veluti suo cognomi-
ne raptae dicebatur. Vide Heinsium.
 — *Si faciem etc.*; non commode mo-
 do eam sic laudat, sed et consilio
 convenienter. — *Dignior ipsa rapi*;
 anteponit Cephalus Procrin Orithyiae,
 quamvis haec ob pulchritudinem a
 Borea rapta fuisse videatur. LXX. —
pater etc. vult dicere legitimum fuisse

Hanc mihi iunxit amor: felix dicebar, eramque;
 Non ita Dis visum est, ac nunc quoque forsitan essem.
 Alter agebatur post sacra iugalia mensis; 700
 Quum me, cornigeris leudentem retia cervis,
 Vertice de summo semper florentis Hymetti
 Lutea maue videt pulsas Aurora tenebris,
 Invitumque rapit: liceat mihi vera referre
 Pace Deae, quod sit roseo spectabilis ore, 705
 Quod teneat lucis, teneat confinia noetis,
 Nectareis quod alatur aquis: ego Procrin amabam;
 Pectore Procris erat, Procris mihi semper in ore.
 Sacra tori, coitusque novos, thalamosque recentes,

se matrimonium, cui etiam Dii favere debuerint. — *Erechtheus* recte a plurimis scriptoribus nominatur; male Hyginus fabula 189, *Pandiona* memorat. — *Erechtheus* Athenarum fuit rex, unde Athenienses interdum *Erechthiade* vocabantur. LEM. — *amorem* hene hic memorat, ut in IV, 757; sine causa igitur Heinsius *Hymen* reponi voluit. — *felix* coninge quasi formula solennis: confer infra vs. 799. — *Non ita Dis visum*, vox eorum, qui exciderunt homo aliquo.

700. *sacra iugalia*) Heinsius coniecturatur *pacta iugalia*, id est, sponsalia. Immo ipsas nuptias intelligit, quae, additis *sacris*, celebrabantur. — Heinsii coniectura nulli codice confirmata, parvi momenti, ut iuxta aliae eiusdem critici, videtur: *sacra iugalia* verbum solenne apud scriptores de matrimonio. LEM.

702. *florens Hymettus* etiam in Art. Amat. III, 687 sqq., ubi causa huius epitheti redditur, quia innumeris arborum et herbarum generibus lectus. Ad radicem huius montis veneratur bene maue, cumque vidit Aurora, ubi partem coeli attigerat,

quae erat super verticem montis. — *Lutra*, crocea, etiam XIII, 579; et Virgil. Aeneid. VII, 26. *Lutum* herbae genus, gallice, *Gaude*, Hyginus: Cum matutino tempore in montem exisset, Aurora, Tithoni coniux, eum adhaerere petiitque ab eo concubitum: cui Cephalus negavit, quod Procris fidem dederat; quod patremum Cephalus mox copiose et suaviter persequitur, praefatus, ut fidem suam amplificaret, nonnulla de Aurorae pulchritudine. Apud Apollodorum III, 14, 3, alius Cephalus, a nostro diversus, Mercurii et Heracles filius, rapitur ab Aurora.

704. *liceat mihi* etc.) Licet sit Dea et pulcherrima, et potentissima et suavissime vivens, quae singula alium movissent: ad multitudinem rerum lectorem advertit repetitum quod. — *Roseo ore*; quoniam sequitur in ore Burnianus malit auro: quae coniectura prorsus inutilis, ne dicam plura; nam quid est aurum roseum? L. — *confinia lucis*: confer IV, 399. — *Nectareae aquae*, nectar, ut II, 120, *Ambrosiae succus*. — Via est in repetito nomine *Procris*. Sic Virgilius

Primaque deserti referebam foedera lecti. 716
 Mota Dea est; et, « siste tuas, ingrate, querelas:
 Procrin habe, dixit: quod si mea provida mens est,
 Non habuisse voles: » neque illi irata remisit.
 Dum redeo, mecumque Deae memorata retracto;
 Esse metus coepit, ne iura iugalia coniux 715
 Non bene servasset; faciesque aetasque iubebat
 Credere adulterium; prohibebant credere mores.
 Sed tamen abfueram: sed et haec erat, unde redibam,
 Criminis exemplum; sed cuncta timeinus amantes.
 Quaerere, quo doleam, studeo, donisque pudicam 720
 Sollicitare fidem: favet huic Aurora timori;
 Immutatque meam, videor sensisse, figuram.
 Palladius in eo, non cognoscendus, Athenas;
 Ingrediorque domum: culpa domus ipsa carebat,
 Castaque signa dabat, dominoque erat anxio. 725

Georg. IV, 465 sqq.: Te, dulcis con-
iu; te solo in litore secum, Te ve-
niente die, te decedente canebat.

710. *Primaque etc.* prima foedera lecti sunt concubitus. *Art. Anat. II, 462, foedus concubitus petere; et III, 593, rivalem paritque foedera lecti; Hecoid. I, 7, temerati foedera lecti; Sabin. I, 131, dies, qui renovet foedera lecti; supra III, 292, Veneris foedus iure.* Mox non apparei, cur ingratum dixerit. Heinsius, ex Bononiensi, laudat *ignare*, idque explicat, morum uxoris huc ignare. Possis et interpretari, nesciens, quid tibi prosit, aut, tibi insiet, ut II, 100: hoc bene convenit sqq. — *Habere* vox eorum, qui indicant, se nolle rem eripere alteri. Apud Hyginum minus ambigunt Aurora: *Nolo, ut fallas fidem, nisi illa prior sefellerit. — quod si mea etc.* Linaeus, *quae si etc.* Heinsius maledbat *quam si*. Regii no-

stri, *quod si*. Sed si, inquit, praevideo futura, cupies nunquam habuisse Procrin. *Lm.*

714. *retracto*, mecum cogito, ut IV, 568. — *iura*, officia.

718. *Sed — sed* Elegans huius vocis repetitio, et ea vox nunc est crimen inferentis. — *Crimen* in primis de adulterio: Aurora adulterii exemplum, quia nupta Tithono. — *cuncta timeinus*. Confer vs. 826.

720. *quo doleam* Heinsius e tribus MSS. recepit; neque recte *quod doleam* vulgo (et nostris Regiis) editur. — *favet*, adiuvat. Hyginus: *Mutat in hospitii figuram, atque dat muna speciosa, quae Procris deferret.*

724. *culpa carebat* non enim ibi, ut in Vlyssis domo; proci. — *anxia*, nempe domestici erant anxii. Quod raptum esse ignoraret Procris, Germanicus ex uno praefert *tordo*; quia cessabat, anxio erat: frustra; alio-

Vix aditu per mille dolos ad Erechtda facto,
 Ut vidi, obstupui, meditataque paene reliqui
 Tentamenta fide: male me, quin vera faterer,
 Continui; male, quin, ut oportuit, oscula ferrem.
 Tristis erat; sed nulla tamen formosior illa 730
 Esse potest tristi; desiderioque calebat
 Coniugis abrepti: tu collige, qualis in illa,
 Phoece, decor fuerit, quam sic dolor ipse decebat.
 Quid referam, quoties tentamina nostra pudici
 Reppulerint mores? quoties, « Ego, dixerit, uni 735
 Servor, ubicunque est; uni mea gaudia servo? »
 Cui non ista fide satis experientia sano
 Magna foret? non sum contentus, et in mea pugno
 Vulnere, dum census dare me pro nocte paciscor;
 Mœneraque augendo tandem dubitare cœgi. 740
 Exclamo: « Male tectus ego en, male pactus adulter;

quin et v. 732, *abreptum* mutandum esset.

726. *Vix aditu etc.*) Secundum Antoninum Liberalem per servum ignotum pretio Procrin sollicitat. Auctore Apollodoro, Procris in adulterio cum Pteleonte deprenta fugit ad Minoa. Melius est, quod Noster apprehendit. — *Vix aditu facto* dedit Heinians ex tribus; bene se habet quod dat vulgata (sicut et Regius noster A) *aditus factus*. Apud Græcos in interiore aedium parte mulieres sedebant. — *Ut vidi, obstupui*; Heinians conjecturat *ut vidi, ut stupui*. — *fide*; Codex Regius A habet *fidei*. — *male*; vix. — *quin ut*; Cod. B, *quidquid*.

730. *nulla tamen formosior*) De decore in omni habitu, vide ad IV, 230. — *calebat* exquisitius, quam aliorum *dolebat*; adfectus eum revolvit ad decorem coniugis. — Codex Regius B habet *dolebat*, et in margine, *calebat*. — *abrepti*; Sic Regii

nostrî. Olim edebatur *erepti*; quidam, *arrepti*; sed videatur Heina.

736. *gaudia*, vox venera: apud Livium I, 58, *Sextus pestiferum hinc abstulit gaudium*. — *pugno*, oppugno mulierem in menm ipsius dolorem. — *census*, pretium, munera. — *pro nocte* sic capiendum, ut apud Terentium Hec. II, 3, 125, eius noctem orare. — *dubitare* modeste exprimit fidem Procridis labefactam.

741. *Male tectus ego etc.*) E magna ineptarum lectionum varietate, difficile est aliquid certi eruere. Optimum mihi videtur Burmanni conjecturam sequi, *Male tectus ego, male fictus adulter*. Heinians: *Exclamo me fassus, Ego en male pactus (aut fictus) adulter*. — Lectio vulgata sciolum redolet. Codex Regius A, *Male, pectora detego, tectus adulter*; non absurde quidem: sed Codex B, *Male, pectora detego, fictus adulter*; optime certe: et sa, ni fallor, vera

OVID. Op. Tom. III

* H h

Verus eram coniux; me, perfida, teste teneris. »
 Illa nihil: tacito tantummodo victa pudore
 Insidiosa malo cum coniuge limina fugit;
 Offensaue mei genus omne perosa virorum 745
 Montibus errabat, studiis operata Dianae.
 Tum mihi deserto violentior ignis ad ossa
 Pervenit: orabam veniam, et peccasse fatebar,
 Et potuisse datis simili succumbere culpae
 Me quoque muneribus, si munera tanta darentur. 750
 Hoc mihi confesso, laesum prius ulta pudorem,
 Redditur, et dulces concorditer exigit annos.
 Dat mihi praelerea, tanquam se parva dedisset
 Dona, canem munus: quem quum sua traderet illi
 Cynthia; « currendo superabit, dixerat, omnes. » 755
 Dat simul et iaculum, manibus quod, cernis, habemus.
 » Muneris alterius quae sit fortuna requiris?
 Accipe: mirandi novitate movebere facti,

est lectio. LEX. — *Male*, in meum damnum. — *tectus*, sive *fictus*, adulter; simulatus eram adulter, sed verus coniux. LEX. — *teneris*; deprehensa convineceris. Vide Ernesti Clav. Cic. h. v.

746. *errabat in montibus* more eorum, quae fugiebant viros et amorem. Secundum alios fugit in Cretam, ubi Diana, quum eam cognovisset ab Aurora deceptam, misericordia tacta dat ei iaculum, quod nemo evitare posset, et canem *Laelapem*, quem nulla fera effugere possit. Ita Hyginus; sed apud Antonium et Apollodorum a Minoë, quod rem cum eo habuerat, iaculum et canem accipit. — *Operari*, quod proprium verbum sacrorum, omnino significat operam dare: Hor. l. Ep. 2, 29, *in eute curanda plus aequo operata inventus*.

751. *laesum prius ulta pudorem*)

Hoc est illud ipsum, quod vers. 687 pudoris causa sibiisse dicitur, et hic verbo tantum tangit. Nempe Procris iuvenili habitu Dianae voluntate ad Cephalum venit, eumque provocavit: quem in venatione superavit. Cephalus, ut vidit tantam potentiam canis atque iaculi esse, petit ab hospite, non aestimans coniugem suam esse, ut ubi iaculum et canem venderet. Illa negare coepit. Regni quoque partem pollicetur: illa negat. Sed si utique, ait, perstas id possidere, da mihi id, quod pueri solent dare. Ille amore iaculi et canis incensus promisit se daturum. Qui quum in thalamos venissent, Procris ostendit se foeminam esse et coniugem illius: cum qua Cephalus muneribus acceptis, rediit in gratiam. HYGINVS. — *exigit*; plurimi, *egimus*. *Exigit*, agit; Virgil. Aen. l. 74: *Omnes ut tecum annos exigat*.

Carmina Laiades non intellecta priorum
Solverat ingeniis; et praecipitata iacebat,
Immemor ambagum, vates obscura, suarum.

760

— Venusta sententia est in *tantum* ac etc.

759. *Carmina Laiades* etc.) Hanc fabulae partem narrat etiam Pausanias Boeot. p. 746; Antoninus Liberalis cap. ult.; Palaeophatus cap. 8, Suidas in Τίμαιος; Hyginus P. A. II, 35. — *Laiades*, Oedipus, Laii filius, *carmina*, aenigma Sphingis, quae ob ambages, aenigma obscurum et ambiguum, *vates obscura* erat, *solverat*, explicuerat; quo facto monstrum illud de monte, quem tenebat, se praecipitaverat. *Carmen*, formula quaecumque verborum. Quamquam aenigma illud Sphinx a Naïs edocta credebatur, eratque carmine conceptum, unde χροσμός vocatur. Vide Valken. ad Euripid. Phoen. 50. Similiter Aeschylus Eum. 308, πόσων στυγίων, triste carmen, vocat. — *ingenio* opus erat ad aenigma intelligendum. — *priores*, homines ante Oedipodis adventum. — *ambages* de sermonibus obscuris et ambiguis. In *immemor ambagum* non est, ut Schirachius putabat, sarcasmus ineptus; sed talia solent de mortuis sine contemptu dici. Recte Sphinx *vates* dicitur, quia *carmina* canebat, eaque *obscura*, non intellecta prioribus. Monstrum illud Thebanis immiserat, secundum alios, Boechus (Schol. Hesiodi p. 261); secundum alios, Iuno; Apollodorus III, 5; Schol. Euripidis ad Phoen. 1748. Forte alii tradiderant, a *Themide* id factum, certe aenigma suppeditatum. Sed dubitatur, an Ovidius haec scripserit, quae Heinsius nobis dedit. Nempse *Laiades* iam Isc. Tauricus

legit. *Solverat*, Codex antiquior Giofani, primus Gronovii, primus Ambrosianus, Arundel. et Erford. praefert: *non talia* habent meliores, et *immittitur* multi; altera Florentinus S. Marci et Spirensi; *Pecorunque* (aut *pecorisque*) suosque, complures; *ruviginae*, castigatiores. Inde Heinsius lectionem suam composuit. Nam antea edebatur: *Carmina Naiades non intellecta priorum Solvant ingeniis — suarum, Scilicet almae Themidis — nec talia liquit inalta. Protinus Aoniis immissa est bellum Thebis, Cessit et ex itio multis: pecorique sibi quae Ruricolae etc.* Eam lectionem defendunt Parthasius Epist. Quaeest. 38, et Schirachius. Intelligunt illi *Naiades* nymphas Cithaeronidas, Apollinis nutrices, quae praeis temporibus vaticinatae erant. Pausan. Boeot. III, pag. 718. *Hae igitur solvant*, explicant, *carmina*, oracula, nempe *Themidis*. Hinc illa non amplius colitur a Thebanis, et imago eius *praecipitata*, prout, in templo inest. Hunc suum contentum non tulit aequo animo Themis, sed inmisit Thebanis bellum etc. His attingitur fabula, quam ignoramus. In verbis nonnulla offendunt. Non enim apparet, cur poeta tam contentum de Themide loquutus sit, nec rō scilicet ex usu Veterum adhibitum. Id melius ponitur, ubi sententiae proferantur III, 135, aut quomodo quis indignatur irridere aliquid II, 471. Aliquid tamen auctoritatis lectioni illi accedit ex Lactantii Argumento, ubi haec leguntur: *Thebani, Naiadibus, Nymphisque futuris praedicentibus, Themidis Deae*

Scilicet alma Themis non talia linquit inulta:
 Protinus Aoniis immittitur altera Thebis
 Pestis; et exitio multi pecorumque suoque
 Rurigenae pavere feram; vicina iuventus
 Venimus; et latos indagine cinximus agros.
 Illa levi velox superabat retia saltu;
 Summaque transibat positarum lina plagarum.
 Copula detrahitur canibus, quas illa sequentes
 Effugit, et volucris non segnius alite ludit.

765

770

obscura dantis responsio, templum everterunt. Nisi cum Heinsio dicere velis, auctorem illum in mendosos incidisse Codices, et inveteratum esse errorem. — Regii nostri Codices antiquam habent lectionem, quam supra exposuit cl. Gierig, nisi quod Codex A, pro *venit*, habet *venit*. Saltem emendatio *Laiades*, etsi a recentiore manu data, felix est et nodum *ingenius* nostris solvit. LXX. — *Aoniis*, Boeotiis; Aonia enim pars est Boeotiae. LXX.

764. *Pestis*) bellua terram vastans, ut *pestis Nemaea*, Heroid. IX, 61. Descriptio sequens lupum indicare videtur; sed ex Antonino et Apollodoro vulpem fuisse scimus. Dicta est Teumesia a Teumeso, monte Boeotiae. Ea Amphitryonis (non Ordiopidis) tempore molesta erat Thebanis. Ei, ne plures raperet, Thebani unum singulis mensibus puerum devorandum apponebant. Antoninus, Apollodorus. Hinc arcepsitur Cephalus cum cane suo. — *Rurigenae* novum vocabulum. — *vicina iuventus*. Vide ad VIII, 300.

767. *levi saltu*, ut Phaedrus I, fabula 12, 8, *Carnus levis*, celer; quasi corpus leve esset. Hyginus P. A. 35, *vulpes, cui datum dicebatur, ut omnes canes effugeret posset*. —

Versus *Summaque* etc. redundanter adiectus superiori. — In hoc versu Basileensis Codex dat *pictarum*, non improbane Burmanno, quia plagae variis phimarum coloribus distinctae fuerint.

769. *Copula detrahitur* etc.) Haec narratio exacta satis est et minutissima quaeque ante oculos ponit. Illa autem diligentia opus erat, quam Cephalus vellet et naturam monstri immissi et celeritatem caois sui in luce collocare. Et in rebus, quibus devoti sumus, enarrandis tam copiose esse solemus. — *Copula*, fœniculus, quo ducuntur canes venatici, vinculum quo ligantur. — *detrahitur*; primus Palatinus, *distrahitur*, ut copulam ruptam impetu canum significet. — Regii nostri *detrahitur*, et mox, pro *quas illa*, *quos illa*. — *et volucris non segnius*; vulgo, et *caetum non segnior*. Sed *volucris* in uno Heinsii, primo Gronoviano, et in Sixii pro diversa lectione; Heinsius mallet, *caetum non secius*, quia iidem illi *segnius*. — Regii nostri habent vulgata, scilicet *et caetum non segnior alite ludit*: lectio altera recentior, et nostro iudicio sat inutilis emendatio. LXX. — *ludit pro eludit*, quod VIII, 687: sic *delutere* Haliest. 25; *ludificari* Silius Italicus VII, 642.

Poscor et ipse meum consensu Laelapa magno,
 Muneris hoc nomen: iamdudum vincula pugnat
 Exuere ipse sibi, colloque morantia tendit.
 Vix bene missus erat, nec iam poteramus. ubi esset,
 Scire: pedum calidus vestigia pulvis habebat; 775
 Ipse oculis ereptus erat: non ocior illo
 Hasta, nec excussae contorto verbere glandes,
 Nec Gortyniaco calamus levis exit ab arcu.
 Collis apex medii subiectis imminet arvis:
 Tollor eo, capioque novi spectacula cursus: 780
 Quo modo deprendi, modo se subducere ab ipso
 Vulnere visa fera est: nec limite callida recto,
 In spatiumve fugit; sed decipit ora sequentis,
 Et redit in gyrum, ne sit suus impetus hosti.
 Imminet hic, sequiturque parem: similisque tenenti 785
 Non tenet, et vacuos exercet in aëra morsus.
 Ad iaculi vertebar opem: quod dextera librat
 Dum mea, dum digitos amentis indere tento;

Laelaps Graecis proprie est turbo. —
 A velocitate et impetu nomen hoc in-
 ditum fuit cani. LEM.

773. *Exuere*) quidam *excutere*;
 — pugnat *Exuere*; conatur detrahe-
 re *vincula*, lorum quo tenebatur,
 vel ipsum copulam. LEM.

775. *callidus*, in quo calida adhuc,
 recentia, vestigia pedum. — *glandes*
 plumbeae. Cretenae, quorum urbs
Gortyne, nobilissimi erant inculato-
 res, praestantissimosque faciebant ar-
 cus et sagittas. Confer II, 727; XIV,
 825. — *verber*, lorum fundae. — *exit*,
 avolat.

780. *Tolluntur aves* in aëra, hinc
 et qui adscendunt in montem. — *ca-
 pio spectacula*, sperto, ut III, 246. —
novi, inauditi. Sequitur locus non
 minus ingeniose scriptus, quam I,

533 aqq. quem conferas. — *decipit*
 exquisitè, effugit. — *ne sit suus* etc.,
 ne uti possit impetu, quo solet in
 praedum ferri.

785. *parem*, nempe cursu. Verba
imminet—tenet condonabimus inge-
 nio Ovidii, quod nimis immoratur
 eiusmodi rebus. Sed bene *vacuus mor-
 sus* (olim, et in Regiis nostris minus
 bene *vanus*), dum vulpes se subdegit
 morsibus, ut canis nil nisi aëra uor-
 deat. Exempla similia habet Helius.
Morsus exercere exquisitius, quam
 mordere. Paulo aliter VIII, 826,
Exerret cibo delatum guttur inani. —
amentum, loramentum, quod arde-
 batur iaculo emittendo; manuque re-
 tinebatur illo emissio, XII, 321, *in-
 serere amento digitus*. — *indere* pra-
 caedere e pervertuto Codice prius

OVID. Op. TOM. III

3 II h

Lumina deflexi, revocataque rursus eodem
 Rettuleram; medio, mirum! duo marmora campo 790
 Adspice o: fugere hoc, illud latrare putares.
 Scilicet invictos ambo certamine cursus
 Esse Deus voluit; si quis Deus adfuit illis. »
 Haecenus; et tacuit. » Iaculo quod crimen in ipso? »
 Phocus ait: iaculi sic crimina reddidit ille: 795
 « Gaudia principium nostri sunt, Phoece, doloris.
 Illa prius referam: iuvat o! meminisse beati
 Temporis, Aeacida, quo primos rite per annos
 Coniuge eram felix! felix erat illa marito!
 Mutua cura duos, et amor socialis habebat. 800
 Nec Iovis illa meo thalamos praeferret amori:
 Nec me quae caperet, non si Venus ipsa veniret,
 Vlla erat: aequales urebant pectora flammae.
 Sole fere radiis feriente cacumina primis
 Venatum in silvas iuveniliter ire solebam; 805

nolavit et approbavit Mariae gelus Accursus. Habent et plures alii MSS. unde praetulit Burmannus, quam Heinssii alterum non sperneret. Regii nostri, addere.

790. *revocata rettuleram* e copia poetica, quam alterutrum satis quisque. — Post *rettuleram*, nostris Codicibus inseritur et, quae particula vim addit narrationi, idem sonat utque ecce. LEM. — *duo marmora*, duo marmorea signa. LEM.

792. *invictos ambo*) Regii nostri, *ambos*. — Hyginus: *Iupiter nescius, quid faceret, ut Ister ait, utrosque in lapides convertit*. Nihil deficit Pausanias p. 746.

794. *quod crimen*) respice ad vs. 650 sqq. — *in ipso*, Regius A, in illo; Regius B, in ipso est.

796. *Gaudia principium doloris*) Ipsi Diis placitum vel voluptati inceptor

tomes consequatur. Sic Plautus in *Amphytrione*, et supra vs. 454: *Sollicitique aliquid laetis intervenit*. L. — Tertia inde pars fabulae, in qua nota adfectus animi. Heinssius e Cantabr. Noric. et duobus aliis, *sint* invexerat. Id probandum esset, si non *dolaris*, sed *narrationis* sequeretur. Ad ordinem narrationis potius *illa prius referam* pertinet. Raque sunt revocavi. — *rite*, ut docet. — *felix*. Vide ad vs. 658.

800. *cura et de amore coniugum consanguineorumque*, et de studio placendi dicitur. — *duos*, ambos, — *socialis*, coniugalis. Coniuges inquit tori. Iode et socius atque *socialis* amor. — De *habebat*, vide ad 667, — *aequales*, aequae. Confer IV, 62.

804. *Sole fere etc.*) Conf. Art. Amn. III, 695-746, ubi eodem rra narrata. — *feriente*. Vide ad III, 181.

Nec mecum famulos, nec equos, nec naribus acres
 Ire canes, nec lina sequi nodosa sinebam:
 Tutus eram iaculo: sed quum satiata ferinae
 Dexterâ caedis erat; repetebam frigus et umbras.
 Et, quae de gelidis halabat vallibus, auram. 810
 Aura petebatur medio mihi lenis in aestu;
 Auram expectabam: requies erat illa labori.
 » Aura, recordor enim, venias, cantare solebam:
 Meque iuves, intresque sinus, gratissima, nostros:
 Utque facis, relevare velis, quibus urimur, aestus. 811
 Forsitan addiderim, sic me mea fata trahébant,
 Blanditias plures: et, « Tu mihi magna voluptas,
 Dicere sim solitus: tu me reficisque fovesque:
 Tu facis, ut silvas, ut amem loca sola; meoque
 Spiritus iste tuus semper captatur ab ore. » 812
 Vocibus ambiguis deceptam praebuit aurem
 Nescio quis; nomenque Auræ tam saepe vocatum
 Esse putans Nymphæ, Nympham mihi credit amari.
 Criminis extemplo ficti temerarius auctor

— *juveniliter*, studio juvenili. — *naribus acres*, sagaces; III, 212, *naribus utilis*. — *Tutus*, omnino instructus; quo sensu alibi et *laetus*. — *satiata caedis* græcæ syntaxis. — *halabat*, spirabat. Hoc est ab Heinio datum; nam plurimi MSS. præferunt *exhalat*. Vulgo, *exibat*; ex interpretatione. — Regii nostri, *exhalat*, sine confusione temporum: nam præsens hoc loco convenit melius. LEM.

813. *Aura, recordor* etc.) In hac sententia singula fere verba sunt ambigua, possuntque et de aura et de puella capi. Doering. in Ed. Vett. poet. ad Ovidium Art. Amat. III, putat, Αὔρα pronuntiatum esse Αἶσα, quo nomine cœcæbina notata sit. Apud Pherecydem Cephalus non mi-

nus ambigue ἡ Νέφελα, παρὰ γένου clamitabat. In altero Artis Amat. loco, *Quoque meos relevas aestus* — *Accipienda sinu, mobilis Aura, veni*. — *Intresque sinus gratissima*; qui æstuant, pectus captandæ auræ aperiant; ibi enim potissimum calores sentiuntur. LXX.

819. *sola, deserta*. — *Spiritus* aut *anhellum* alterius captant etiam colloquentes IV, 72. — *deceptam*; Siliii Codex *incertam*, quod dedit etiam Barmannus. — *Nescio quis*. Secundum Pherecydem fuit servus, ex quo de marito Procris quaesivit. — *Esse putans*; nostri Regii, *esse putat*, aequè bene.

824. *auctor*, nuncius, ut XI, 666. Quamquam hoc nomen hoc loco non

Procrin adit, linguaque refert audita susurra. 834
 Credula res amor est: subito collapsa dolore
 Vt sibi narratur, cecidit; longoque resecta
 Tempore, se itiseram, se fati dixit iniqui;
 Deque fide questâ est: et crimine concita vano,
 Quod nihil est, metuit; metuit sine corpore nomen; 836
 Et dolet infelix veluti de pellice vera.
 Saepe tamen dubitat; speratque miserrima falli;
 Indicioque fidem negat; et, nisi viderit ipsa,
 Damnatura sui non est delicta mariti.
 » Postera depulerant Aurorae lumina noctem; 835
 Egreior, silvasque peto: victorque per herbas,
 « Aura veni, dixi, nostroque medere labori: »
 Et subito gemitus inter mea verba videbar
 Nescio quos audisse: « veni, lamen, optima, dixi. »
 Fronde levem rursus strepitum faciente caduca, 840

nisi unus Gronovianus habet, unde accepit Burmannus. Ceteri (et Regii quoque Nostri), *index*, ut Art. Amat. 719: — etiam mox vs. 833, *iudicium*. — *susurra* alii substantive capiunt pro *susurros*, alii cum *lingua* coniungunt.

826. *Credula res amor est*) sic Art. Amat. III, 726: *Quia amans semper, quod timet, esse putat*. — *collapsa cecidit* plenius, quam *collapsa est*, quod verb. de delinquentibus animo. — *Vt sibi narratur*; Codices nostri, *Vt mihi narratur*, quod potest recipi dummodo post versum praecedentem comma ponatur. Immo praesens pro praeterito, *narratur* pro *narratum est*, contorte dictum videtur. L. — *fati iniqui*, cui fatum irascitur, miser.

832. *speratque falli*) Monel Heinssius *sperare*, ut *ἀποδοῦναι*, etiam in malum rem dici. Al hoc loco bono

sensu; bona enim res est, in re mala falli. — *Indicio*; Regii nostri, *iudicio*. — *delicta mariti*, maritum tanquam delicti reum.

836. *victor*, idem quod vers. 808, *quum satiata* etc. — *victor*, voti compos, satiatus caede ferarum. LEM. — *labor*, aestus.

839. *veni, tamen, optima, dixi*) ita castigatioris et Regii nostri; quidam *veni, tamen, optima dicens*; sed praestat lectio recepta. Heinssius, qui id. iudicavit. Scribendum censet paulo ante *Vt subito*, pro *Et subito*. L.

840. *caduca*, quae deciderat: vide ad IX, 650. Secundum Pherécyclum Procris irruit in Cephalum, qui illo impetu perrefectus eam interfecit. Apud Hyginum, ubi nihil de anno, Procris timens Anroram mane sequuta maritum, ut cum observaret, inter virgulta delituit. Auctore Apollodoro, una il venatum; erat enim ἀποτυχεῖν.

Sum ratus esse feram, telumque volatile misi.
 Procris erat; medioque tenens in pectore vulnus,
 « Hei mihi! » conclamat: vox est ubi cognita fidae
 Coniugis, ad vocem praeceps amensque cucurri.
 Semanimum, et sparsas foedantem sanguine vestes, 845
 Et sua, me miserum! de vulnere dona trahentem
 Invenio; corpusque meo mihi carius, ulnis
 Sontibus attollo: scissaque a pectore veste
 Vulnura saeva ligo; conorque inhibere cruorem:
 Neu me morte sua sceleratum deserat, oro. 850
 Viribus illa carens, et iam moribunda, coëgit
 Haec se pauca loqui: « Per nostri foedera lecti,
 Perque Deos supplex oro, superosque meosque;
 Per si quid merui de te bene; perque manentem
 Nunc quoque, quum pereo, causam mihi mortis, amorem:
 Ne thalamis Auram patiari innubere nostris. » 855
 Dixit; et errorem tum denique nominis esse
 Et sensi, et docui: sed quid docuisse iuvabat?
 Labitur; et parvae fugiunt cum sanguine vires:
 Dumque aliquid spectare potest; me spectat; et in me 860
 Infelicem animam, nostroque exhalat in ore:

842. *volans*, telum vulnificum, IX, 126. Sine causa Burmanno ex Vossiano, placet *in gutture ferrum*.

845. *foedare de sanguine*, III, 523; quem locum ndi, et exemplum ibi citatum. — *vestes*; Langermannianus, *ultus*; unde Heinsius, *cultus*. Regii nostri, *vestes*. — *scindebat suam ipsius vestem*, ut ligamenta vulneris haberet. — *deserat*; tres scripti male, *denat*. LEM.

852. *foedera lecti*, ut vs. 709. — *meos*, quos mox adibo, inferos. — *Per si quid exquisitis*, quam per id quod. — Ita Virgil. Aeneid. IV, 317: *Si bene quid de te merui, fuis*

aut tibi quicquam Dulce meum. — *innubere*; confer, nec *Coenis in ullos Denupsit thalamos*, XII, 196. — Variis Codices quidam *patiaris nubere*; alii, *enubere*; alii, *incubere*; sed nihil mutandum. LEM.

857. *errorem nominis esse*) Art. Amul. III, 729, iam inter virgulta latenti patuit *miserae iucundus nominis error*. — *parvo*; unus Leidensis, *parvae*, scilicet vires. — *Labitur*, moritur. LEM. — *cum sanguine*; tres, *de corpore*. Regii nostri nihil mutant, quod rectius indico. LEM.

861. *et in me Infelicem animam* etc.) Veteres morientium animas

Sed vultu meliore mori secura videtur. »

Flentibus haec lacrymans heros memorabat; et ecce
 Aeacus ingreditur duplici cum prole, novoque
 Milite, quem Cephalus cum fortibus accipit armis. 865

osculo excipere solebant. — Hunc morem probat, apud Virgilium Aen. IV, 685, Aona soror Didonis: *Et extremus si quis super halitus errat, Ore legam.* L&M. — *vultus melior*, laetior, etiam V, 501. Iam enim ex Cephalo cognoverat Aurum non esse Nympham, ut ipsa crediderat; sed lenem ventorum refrigerantium flatum. Caeterum si Apollodoro fidem

habemus, Cephalus ob haec caedem ab Arcopagitia aeterno exilio damnatus est. Hinc Thebas migravit, et inde ad Teleboas, in eam insulam, quae ab ipsius nomine Cephalenia dicta est: Pausan. p. 91.

864. *duplici cum prole*; cum duobus filiis Telamone et Pelro, qui militum delectum habuerant. L&M. — *accipit*; undecim libri, *excipit*.

VOLVMINIS TERTII

INDEX SPECIALIS

P RAEFATIO DE OPERE METAMORPHOSEON	IX
M ETAMORPHOSEON SERIES G. CANTERI	XLIV
M ETAMORPHOSEON Liber primus	1
Liber secundus	95
Liber tertius	177
Liber quartus	243
Liber quintus	309
Liber sextus	363
Liber septimus	421

FINIS TERTII VOLVMINIS.

CF0057P24A2

Facultate obtenta.





